




BIBL. NAZ.
Vitt. Emanuele III.

RACCOLTA
VILLAROSA



686
NAPOLI 2



605304

Paer. Vell. A 686

TIT I
LIVII

(2)

PATAVINI
HISTORIARUM
ROMANARUM

TOMUS SECUNDUS.

~~Libro secondo della storia di Roma~~


~~Vol. II.~~



VENETIIS, MDCCXXXIX.

APUD FRANCISCUM PITTERI.

— Superiorum Permissu, ac Privilegio.



Lectori .



*Exhibet Tomus hic bel-
livi Punicum secun-
dum , præpositis , ut
Historiarum series con-
staret , argumentis li-
brorum Decadis secun-
dæ , quæ amissa est . Cæterum hæc
Decas , Beroaldo teste , quanto bel-
la , quæ continet , cæteris bellis ma-
jora fuerunt , tanto reliquas antecel-
lit . Laudatur a Cicerone Crassus
Orator , quem , cum in causis agen-
dis consensu omnium cunctos semper
exsuperaverit , in extrema actione a
semetipso superatum esse testatur .
Praxiteles inter statuarios celebratur
a Plinio , perinde ac marmoris glo-
ria superavit etiam semet . Hoc &
de Livio dicere possumus , qui cum
in cæteris Decadibus cæteros antecel-
luerit , in hac semetipsum vicit ; ut
non immerito eodem ille in scribendo
ardore usus videatur , quo Romani ,
Pœni que inter se pugnarunt , eodem-*

*que ingenii fulmine stylum exercuisse ,
quo uterque populus arma tractavit :
adeo nimirum hic concitatum , ere-
ctum , sublimem , totumque bellicis
rebus accommodatum reperies .*



EPITOME

AB XI. AD XX.

LIBRUM HISTORIARUM

Ab Urbe Condita

T. LIVII PATAVINI:

Quas , ut amissæ Historiæ argumen-
tum extaret , hoc in loco
placuit interponere.

EPITOME LIBRI XI.



UM Fabius Gurgēs consul male
adversum Samnites pugnavisset , &
Senatus de removendo eo ab exer-
citu ageret , Fabius Maximus pa-
ter deprecatus hanc sibi ignomi-
niam , eo maxime senatum movit , quod iturum
se filio legatum pollicitus est : idque prastitit : at-
que ejus consiliis , & opera filius consul adju-
tus , cæsis Samnitibus triumphavit . C. Pontium ,
Imperatorem Samnitium , ductum in triumpho
securi percussit . Cum civitas pestilentia labora-
ret , missis legatis , ut Æsculapii signum Ro-
mam ab Epidauro transferrent , anguem , qui
se in navem eorum contulerat , in quo ipsum
numen esse constabat , deportavere : eoque in
insulam Tiberis egresso , eodem loco sedes
Æsculapio consecrata est . L. Postumius con-
sularis , quoniam , cum exercitui præesset ,

opera militum in agro suo usus esset , damnatus est . Cum Samnitibus pacem petentibus factus quarto renovatum est . Curius Dentatus consul , Samnitibus cassis , & Sabinis , qui rebellaverant , victis , & in deditionem acceptis , his in eodem magistratu triumphavit . Colonia deducta sunt , Castrum , Sena , Adria . Triumviri capitales tunc primum creati sunt . Census actus est : lustrum conditum : censa sunt civium capita CCLXXXIII. millia . Plebs propter as alienum , post graves & longas seditiones , ad ultimum secessit in Janiculum : unde a Q. Hortensio Dictatore deducta est , isque in ipso magistratu decessit . Res praterea contra Vulturnenses gestas continet : item adversus Lucanos , contra quos auxilium Tyrrhenis ferre placuerat .

LIBRI XII.

Cum legati Romanorum a Gallis Senonibus interfecti essent , bello ob id Gallis indicto , I. Caelius praetor cum legionibus ab iis casus est . Cum a Tarentinis classis Romana direpta esset , Duumviro , qui praerat classi , occiso , legati ad eos a senatu , ut de iis injuriis quaererentur , missi , pulsati sunt . ob id bellum iis indictum est . Samnites defecerunt . Adversus eos , & Lucanos , & Bruttios , & Etruscos aliquot praeliis a compluribus ducibus bene pugnatum est . Pyrrhus Epirotarum rex , ut auxilium ferret Tarentinis , in Italiam venit . Cum in praesidium Rheginorum legio Campana cum praefecto Decio Iubellio missa esset , occisis Rheginis , Rhegium occupavit .

L I B R I XIII.

Valeris Lavinus consul patrum prospere adversus Pyrrhum pugnavit, elephantorum maxime inusitata facie territis militibus. Post id praelium cum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabritius missus ad eum a senatu, ut de redimendis captivis ageret, frustra, ut patriam desereret, a rege tentatus est, captivi sine pretio remissi sunt. Cyneas legatus a Pyrrho ad senatum missus petiit, ut, componenda pacis causa, rex in urbem reciperetur. de qua re cum ad frequentiore senatum referri placuisset, Ap. Claudius, qui, propter invaletudinem oculorum, jam-lin consiliis publicis se abstinuerat, venit in curiam, & sententia sua tenuit, ut id Pyrrho negaretur. Cn. Demitius censor primus ex plebe lustrum condidit. censa sunt civium capita CCLXXXVIII. millia, CCXXII. Iterum adversus Pyrrhum dubio eventu pugnatum est. Cum Carthaginensibus quarto foedus renovatum est. Cum C. Fabritio consuli is, qui ad eum a Pyrrho transfugerat, polliceretur se regi venenum daturum, cum indicio ad regem remissus est. Res praterea contra Etruscos, Lucanos, Bruttios, & Samnites prospere gestas continet.

L I B R I XIV.

Pyrhus in Siciliam trajecit. Cum inter alia prodigia fulmine dejectum esset in Capitolio Jovis signum, caput ejus per aruspices inventum est. Curius Dentatus, cum delectum haberet,

4 E P I T O M E.

beret, ejus, qui citatus non responderat, bona primus vendidit. Iterum Pyrrhum ex Sicilia in Italiam reversum vicit, & Italia expulit. Fabricius censor P. Cornelium Rufinum consularem senatu movit, quod X. argenti pondus facti haberet. Lustrum a censoribus condito, censa sunt capita civium CC LXXXI. milia, CCXXIV. Cum Ptolemao Ægypti rege societas juncta est. Sextilia virgo Vestalis damnata incesti, viva defossa est. Colonia deducta sunt, Posidonia, & Cossa. Carthaginensium classis auxilio Tarentinis venit: quo facto ab iis fœdus violatum est. Res præterea contra Lucanos, Samnites, & Bruttios feliciter gestas, & Pyrrhi regis mortem continet.

L I B R I XV.

Victis Tarentinis pax, & libertas data est. Legio Campana, quæ Rhegium occupaverat, obsessa, deditione facta, securi percussa est. Cum legatos Apolloniatium ad Senatum missos quidam juvenes pulsassent, dediti sunt Apolloniatis. Picentibus victis pax data. colonia deducta, Ariminum in Piceno, Beneventum in Samnio. Tunc primum pop. Rom. argento uti cœpit. Umbri & Sallentini victi in deditionem accepti sunt. Quæstorum numerus ampliatuſ est, ut essent octo.

L I B R I XVI.

O Rigo Carthaginensium, & primordia urbis eorum referuntur: contra quos, & Hieronem regem Syracusanorum auxilium Martiniſ ferendum censuit senatus. Cum de ea re inter suadentes, ut id fieret, dissuadentesque contentio fuisset, transgressis tum primum
mare

E P I T O M E.

5

*mare equitibus Romanis , adversus Hieronem
sapius bene pugnatum . Petenti pax data est .
Lustrum a censoribus conditum . censa sunt ci-
vium capita CCXCII. millia , CCXXIV. D.
Junius Brutus munus gladiatorum in honorem
defuncti patris primus edidit . Colonia Æser-
nia deducta est , Res præterea contra Pœnos ,
& Vullinios prospere gestas continet .*

L I B R I XVII.

CN. Cornelius consul a classe Punica circum-
ventus , & per fraudem veluti in collo-
quium evocatus , captus est . C. Duilius con-
sul adversus classem Pœnorum prospere pugna-
vit , primusque omnium Romanorum ducum
navalis victoriæ duxit triumphum . ob quam
causam ei perpetuus quoque honos habitus est ,
ut revertenti a cœna , tibicine canente , funa-
le præferretur . L. Cornelius consul in Sardinia
contra Sardos & Corsos & Annonem Pœnorum
ducem feliciter pugnavit . Atilius Calatinus
consul , cum in locum iniquum a Pœnis circum-
fessum temere duxisset exercitum , M. Calpur-
nii tribuni militum virtute & opera evasis : qui
cum trecentis militibus eruptione facta , hostes
in se convertit . Annibal dux Pœnorum , victa
classe , cui præfuerat , a militibus suis in cru-
cem sublatus est . Atilius Regulus consul , vi-
ctis navali prælio Pœnis , in Africam trajecit .

L I B R I X V I I I.

ATilius Regulus consul in Africa serpentem portentosa magnitudinis cum maxima militum clade occidit. & cum aliquot praliis bene adversus Carthaginienses pugnasset, successorque a senatu prospere bellum gerenti non mitteretur, id ipsum per literas ad senatum missas conquestus est: in quibus inter causas petendi successoris erat, quod agellus ejus a mercenariis desertus esset. Quarente deinde fortuna, ut magnum utriusque casus exemplum in Regulo proderetur, accersito a Carthaginiensibus Xantippo Lacedamoniorum duce, victus in pralio & captus est. Res deinde a duobus Romanis omnibus terra marique prospere gestas deformavere naufragia classium. Ti. Coruncanius primus ex plebe pontifex maximus creatus est. P. Sempronius Sophus, M. Valerius Maximus censores cum senatum legerent, XIII. senatu moverunt, lustrum condiderunt: quo censa sunt civium capita CCXCVII. milia, DCCXCVII. Regulus missus a Carthaginiensibus ad senatum, ut de pace, & si eam non posset impetrare, de captivis commutandis ageret, & iurejurando astrictus redituum fore Carthaginem, si commutari captivos non placuisset; utrunque negandi auctor senatui fuit: & cum, fide custodita, reversus esset, supplicio a Carthaginiensibus de eo sumpto periit.

L I B R I X I X.

Cæcilius Metellus, rebus adversus Pœnos prospere gestis, speciosissimum egit triumphum, XIII. ducibus hostium, & centum viginti elephantis in eo ductis, Claudius Pulcher

consul , qui contra auspicia profectus iussit im-
mergi pullos , qui cibari volebant , infeliciter
adversus Carthaginienses classe pugnavit : &
revocatus a senatu , iussusque dictatorem dice-
re , Claudium Glaviam dixit , sortis ultima
hominem ; qui coactus abdicare se magistratu ,
postea ludos pratextatus spectavit . Arilius Ca-
latinus primus dictator extra Italiam exerci-
tum duxit . Cum Pœnis captivorum commuta-
tio facta est . Colonia deducta sunt Fregella ,
in agro Sallentino Brundisium . Lustrum a
censoribus conditum est . censa sunt civium
capita CCLII. millia , CCXXII. Claudia soror
P. Claudii , qui , contemptis auspiciis , male
pugnauerat , revertens a ludis , cum turba pre-
meretur , dixit : Utinam frater meus viveret ,
iterumque classem duceret . ob eam causam
multa ei dicta est . Duo pratores tum primum
creati sunt . Cacilius Metellus , pontifex ma-
ximus , A. Postumium consulem , quoniam
idem & Flamen Martialis erat , cum ille ad
bellum gerendum proficisci vellet , in urbe re-
nuit , nec passus est a sacris recedere . Rebus
adversus Pœnos a pluribus ducibus prospere ge-
stis , summam victoria C. Lutatius consul , vi-
cta ad Ægates insulam classe Pœnorum , finem
bello imposuit . Petentibus Carthaginiensibus
pax data est . Cum templum Vestæ arderet ,
Cacilius Metellus , pontifex maximus , ex in-
cendio sacra rapuit . Dna tribus adjecta sunt ,
Velina , & Quirina . Falisci cum rebellassent ,
sexto die domiti in deditionem venerunt .

EPITOME.

LIBRI XX.

Spoleum colonia deducta est . Adversus Ligures tunc primum exercitus promotus est . Sardi & Corsi cum rebellassent , subacti sunt . Tuccia virgo Vestalis incesti damnata est . Bellum Illyriis propter unum ex legatis , qui ad eos missi erant , occisum , indictum est : subactique in deditionem venerunt . Præterea numerus ampliatus est , ut essent quatuor . Galli transalpini , qui in Italiam irruperant , cæsi sunt . Eo bello populus Romanus sociorum Latinique nominis ad trecenta millia armatorum habuisse dicitur . Exercitibus Romanis tum primum trans Padum ductis , Galli Insubres , aliquot præliis fusi , in deditionem venerunt . M. Claudius Marcellus consul , occiso Insubrium Gallozum duce Viridumaro , opima spolia retulit . Isti subacti sunt . Item Illyrii cum rebellassent , domiti in deditionem venerunt . Lustrum a censoribus conditum est , quo censa sunt civium capita CCLXX. millia CCXIII. Libertini in quatuor tribus reducti sunt , cum antea dispersi fuissent , Esquilinam , Palatinam , Suburranam , Collinam . C. Flaminius Censor viam Flaminiam munivit : & circum Flaminium extruxit . Colonie deductæ sunt in agro de Gallis cæpto , Placentia , & Cremona .

T. LIVII
PATAVINI
HISTORIARUM
Ab Urbe Condita
DECADIS TERTIÆ
LIBER PRIMVS.

CAPUT I.

Belli hujus, quod Carthaginienses cum Romanis secundum gesserunt, magnitudo ex utriusque pop. tum viribus, tum opibus innuitur. Causa Punici motus est dolor ablata cum maris imperio Sicilia, atque Sardinia: cujus ultionem cum ad patris aras iurasset Annibal, statim ac susceptus in Asdrubalis locum, sub quo militia rudimenta posuerat, Dux declaratus est, ad Saguntinos socios pop. Rom. contra fœdus oppugnandos pergit.



IN parte operis mei licet mihi præfari, quod in principio summæ totius professi plerique sunt rerum scriptores, bellum maxime memorabile omnium, quæ unquam gesta sint, me scripturum, quod Annibale duce Carthaginienses cum populo Romano gessere. nam neque validiores opibus ullæ inter se civitates, gentesque contulerunt arma: neque his.

his ipsis tantum unquam virium, aut roboris fuit: & haud ignotas belli artes inter se, sed expertas primo Punico conferebant bello. & adeo varia belli fortuna, ancepsque Mars fuit, ut propius periculo fuerint, qui vicere. odiis etiam prope majoribus certarunt, quam viribus; Romanis indignantibus, quod victoribus victi ultro inferrent arma; Pœnis, quod superbe, avaræque crederent imperitatum victis esse. Fama etiam est, Annibalem annorum ferme novem pueriliter blandientem patri Amilcari, ut duceretur in Hispaniam, cum, perfecto Africo bello, exercitum eo trajecturus sacrificaret, altaribus admotum, tactis sacris jurejurando adactum, se, cum primum posset, hostem fore populo Romano. Angebant ingentis spiritus virum Sicilia, Sardiniaque amissæ. nam & Siciliam nimis celeri rerum desperatione concessam; & Sardiniam inter motum Africæ fraude Romanorum, stipendio etiam
 2 superimposito, interceptam. His anxius curis ita se Africo bello, quod fuit sub recentem Romanam pacem, per quinque annos, ita deinde novem annis in Hispania augendo Punico imperio gessit, ut appareret omnibus, majus eum, quam quod gereret, agitare in animo bellum; & , si diutius vixisset, Amilcare duce Pœnos arma Italiæ illaturos fuisse, quæ Annibalis ductu intulerunt. Mors Amilcaris peropportuna, & pueritia Annibalis, distulerunt bellum. Medius Asdrubal inter patrem, & filium octo ferme annos imperium obtinuit, flore ætatis, uti ferunt, primo Amilcari conciliatus: gener inde ob altam indolem animi profecto ascitus; & quia gener erat, factionis Barchinæ opibus, quæ apud milites plebem-

hemque plus quam modicæ erant, haud sane voluntate principum, imperio potitus. is plura consilio, quam vi, gerens, auspiciis regulorum magis; conciliandisque per amicitiam principum novis gentibus, quam bello aut armis, rem Carthaginiensem auxit. cæterum nihilo ei pax tutior fuit. barbarum eum quidam palam, ob iram interfecti ab eo domini, obtruncavit. comprehensusque a circumstantibus haud alio, quam, si evasisset, vultu, tormentis quoque cum laceraretur, eo fuit habitu oris, ut, superante lætitia dolores, ridentis etiam speciem præbuerit. Cum hoc Asdrubale, quia miræ artis in sollicitandis gentibus, imperioque jungendis suo fuerat, fœdus renovaverat populus Romanus; ut finis utriusque imperii esset amnis Iberus, Saguntinisque mediis inter imperia duorum populorum libertas servaretur. In Asdrubalis locum haud dubia res fuit, quin prærogativam militarem, qua extemplo juvenis Annibal in prætorium delatus, imperatorque ingenti omnium clamore atque assensu appellatus erat, favor etiam plebis sequeretur. Hunc vix dum puberem Asdrubal literis ad se accersierat: actaque res in Senatu etiam fuerat; Barchinis nitentibus, ut assuesceret militiæ Annibal, utque in paternas succederet opes. Anno alterius factionis princeps, *Et æquum postulare videtur, inquit, Asdrubal; Et ego tamen non censeo, quod petit, tribuendum.* Cum, admiratione tam ancipitis sententiæ, in se omnes convertisset; *Florem ætatis, inquit, Asdrubal, quem ipse patri Annibalis frondum præbuit, iusto jure eum a filio repeti censer. nos tamen minime decet juvenis nostram pro militari rudimento assue-*

facere libidini-imperatorum. An hoc timeamus, ne Amilcaris filius nimis sero imperia immodica, & regni paterni speciem videat? & cujus regis genero hereditarii sint relictī exercitus nostri, ejus filio parum mature serviamus? Ego, istum juvenem domi tenendum, sub legibus, sub magistratibus docendum vivere a quo jure cum ceteris, censeo, ne quandoque parvus hic ignis incendium ingens exsuscitet. Pauci, ac ferme optimus quisque, Annoni assentiebantur: sed, ut plerunque fit, major pars meliorem vicit. Missus Annibal in Hispaniam, primo statim adventu omnem exercitum in se convertit. Amilcarem vincentem redditum sibi, veteres milites credere, eundem vigorem in vultu, vimque in oculis, habitum oris, lineamenta que intueri. deinde brevi effecit, ut pater in se minimum momentum ad favorem conciliandum esset. Nunquam ingenium idem ad res diversissimas, parendum atque imperandum, habilius fuit. itaque haud facile discerneres, utrum imperatori, an exercitui carior esset: neque Asdrubal alium quenkum præficere malle, ubi quid fortiter ac strenue agendum esset: neque milites alio duce plus confidere, aut audere. plurimum audaciæ ad pericula capeſſenda, plurimum consilii inter ipsa pericula erat. nullo labore aut corpus fatigari, aut animus vinci poterat. caloris, ac frigoris patientia par: cibi, potionisque desiderio naturali, non voluptate modus finitus. vigiliarum somnique nec die, nec nocte discriminata tempora. id quod gerendis rebus superesset, quieti datum. ea neque molli strato, neque silentio accersita. multi sæpe militari sagulo opertum, humi jacentem inter custodias, stationesque militum conspe-

spexerunt, vestitus nihil inter æquales excellens: arma, atque equi conspiciebantur. equitum, peditumque idem longe primus erat. princeps prælium inibat, ultimus confecto prælio excedebat. Has tantas viri virtutes ingentia vitia æquabant: inhumana crudelitas, perfidia plus, quam Punica, nihil veri, nihil sancti, nullus deum metus, nullum jusjurandum, nulla religio. Cum hac indole virtutum, atque vitiorum triennio sub Asdrubale imperatore meruit, nulla re, quæ agenda audendaque magno futuro duci esset, prætermissa. Cæterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque, ut patrem Amilcarem, deinde Asdrubalem, cunctantem casus aliquis opprimeret; Saguntinis inferre bellum statuit. quibus oppugnandis quia haud dubie Romana arma movebantur, in Olcadum fines prius (ultra Iberum ea gens in parte magis, quam in ditione Carthaginienſium erat) induxit exercitum, ut non petisse Saguntinos, sed rerum serie finitimis domitis gentibus, jungendisque, tractus ad id bellum videri posset. Althejam, urbem opulentam, caput gentis ejus, expugnat, diripitque. quo metu perculsæ minores civitates, stipendio imposito imperium acceperunt. victor exercitus, opulentusque præda Carthaginem Novam in hiberna est deductus. Ibi large partiendo prædam, stipendia præterita cum fide exolvendo, cunctis civium, sociorumque animis in se firmatis, vere primo in Vaccæos promotum bellum. Helmandica, & Arbocala Vaccæorum urbes vi captæ. Arbocala & virtute, & multitudine oppidanorum diu defensa.

Ab

Ab Helmandica profugi, exulibus Olcadum, priore æstate domitæ gentis, cum se junxissent, concitant Carpetanos: adortique Annibalem regressum ex Vaccæis, haud procul Tago flumine agmen grave præda turbavere. Annibal prælio abstinuit; castrisque super ripam positis, cum prima quies, silentiumque ab hostibus fuit, amnem vado trajecit: valloque ita producto, ut locum ad transgrediendum hostes haberent, invadere eos transeuntes statuit. equitibus præcepit, ut, cum ingressos aquam viderent, adorirentur peditum agmen. in ripa elephantos ante quadraginta disposuit. Carpetanorum, cum appendicibus Olcadum, Vaccæorumque, centum milia fuere, invicta acies, si æquo dimicaretur campo. Itaque & ingenio feroces, & multitudine freti, & quod metu cessisse credebant hostem, id morari victoriam rati, quod interesset amnis, clamore sublato, passim sine ullius imperio, qua cuique proximum est, in amnem ruunt. Et ex parte altera ripæ vis ingens equitum in flumen immissa: medioque alveo haudquaquam pari certamine concursum: quippe ubi pedes instabilis, ac vix vado fidens, vel ab inermi equite equo temere acto perverti posset, eques corpore armisque liber, equo vel per medios gurgites stabili, comminus eminensque rem gereret. Pars magna flumine absumpta. quidam verticoso amni delati in hostes, ab elephantis obtriti sunt. postremis, quibus regressus in suam ripam tutior fuit, ex varia trepidatione cum in unum colligerentur, priusquam tanto ex pavore reciperent animos, Annibal agmine quadrato amnem ingressus, fugam ex ripa fecit: vastatisque agris, intra paucos dies Carpetanos quoque in deditionem accepit.

CA-

CAPUT II.

Saguntini proximum jam bellum cernentes auxilium ab Romanis per legatos petunt: dum Roma consulitur, Saguntum ab Annibale acriter oppugnatur: acrius a Saguntinis oppugnatio sustinetur.

ET jam omnia trans Iberum, præter Saguntinos, Carthaginienſium erant. Cum Saguntinis bellum nondum erat. cæterum 6 jam belli cauſa certamina cum finitimis ferebantur, maxime Turdetanis, quibus cum ad eſſet idem, qui litis erat ſator, nec certamen juris, ſed vim quæri appareret, legati a Saguntinis Romam miſſi, auxilium ad bellum jam haud dubie imminens orantes. Conſules tunc Romæ erant, P. Cornelius Scipio, & T. Sempronius Longus: qui cum legatis in ſenatum introductis de repub. retuliſſent, placuiſſetque mitti legatos in Hiſpaniam ad res ſociorum inſpiciendas, quibus ſi videretur digna cauſa, & Annibali denuntiarent, ut ab Saguntinis, ſociis populi Romani, abſtineret, & Carthaginem in Africam traicerent, ac ſociorum populi Rom. querimonias deferrent: hac legatione decreta, nec dum miſſa, omnium ſpe celerius Saguntum oppugnari allatum eſt. tunc delata ex integro res ad Senatum. Alii provincias conſulibus Hiſpaniam, atque Africam decernentes, terra marique rem gerendam cenſebant. Alii totum in Hiſpaniam Annibalemque intendebant bellum. erant, qui non temere movendam rem tantam, expectandosque ex Hiſpania legatos cenſerent. Hæc ſententia, quæ tutiſſima videbatur, vicit: legati-
que

U.C.
532.

que eo maturius missi P. Valerius Flaccus, & Q. Bæbius Tamphilus Saguntum ad Annibalem, atque inde Carthaginem, si non abstereretur bello, ad ducem ipsum in pœnam fœderis rupti deposcendum. Dum ea Romani parant, consultantque, jam Saguntum summa vi oppugnabatur. Civitas ea longe opulentissima ultra Iberum fuit, sita passus mille ferme a mari. oriunda Zacyntho insula dicuntur: missique etiam ab Ardea Rutulorum quidam generis: cæterum in tantas brevis creverant opes, seu maritimis, seu terrestribus fructibus, seu multitudinis incremento, seu sanctitate disciplinæ, qua fidem socialem usque ad perniciem suam coluerunt. Annibal infesto exercitu ingressus fines, pervallatis passim agris, urbem tripartito aggreditur. Angulus muri erat in planiorem patentioreneque, quam cætera circa, vallem vergens: adversus eum vineas agere instituit, per quas aries mœnibus admoveri posset. Sed ut locus procul muro satis æquus agendis vineis fuit: ita haudquaquam prospere, postquam ad effectum operis ventum est, cœptis succedebat. & turris ingens imminabat: & murus, ut in suspecto loco, supra cæteræ modum altitudinis munitus erat: & juvenus delecta, ubi plurimum periculi ac laboris ostendebatur, ibi vi majore obstebat. ac primo missilibus summovere hostem; nec quicquam satis tutum munientibus pati. deinde jam non pro mœnibus modo, atque turri tela micare, sed ad erumpendum etiam in stationes operaque hostium animus erat: quibus tumultuariis certaminibus haud ferme plures Saguntini cadebant, quam Pœni. Ut vero Annibal ipse, dum murum incautius subit, adversum femur tragula graviter ictus

ce-

cecidit; tanta circa fuga, atque trepidatio fuit, ut non multum abesset, quin opera ac vineæ defererentur. Obsidio deinde per paucos dies magis, quam oppugnatio, fuit, dum vulnus ducis curaretur. per quod tempus ut quies certaminum erat, ita ab apparatu operum ac munitionum nihil cessatum. Itaque acrius de integro obortum est bellum; pluribusque partibus, vix accipientibus quibusdam opera locis, vineæ cœptæ agi, ad moverique aries. Abundabat multitudo hominum Pœnus. ad centum enim & quinquaginta millia habuisse in armis creditur. Oppidani ad omnia tuenda, atque obeunda multimoda arte distineri cœpti sunt: & non sufficiebant. Jam enim feriebantur arietibus muri: quassatæ quoque multæ partes erant. una continentibus ruinis nudaverat urbem. tres deinceps turres, quantumque inter eas muri erat, cum fragore ingenti prociderant: captumque oppidum ea ruina crediderant Pœni, qua, velut si pariter utrosque murus texisset, ita utrinque in pugnam procursum est. Nihil tumultuariæ pugnæ simile erat, quales in oppugnationibus urbium, per occasionem partis alterius, conferi solent: sed justæ acies, velut patienti campo, inter ruinas muri, testæque urbis modico distantia intervallo constiterant. Hinc spes, hinc desperatio animos irritat: Pœno cepisse jam se urbem, si paululum adnitatur, credente: Saguntinis pro nudata mœnibus patria corpora opponentibus: nec ullo pedem referente, ne relicto a se loco hostem immitteret. Itaque quo acrius, & confertim magis utrinque pugnabatur, eo plures vulnerabantur, nullo inter arma corporaque vano intercidentetelo.

lo. Falarica erat Saguntinis, missile telum, hastili oblongo, & cætera tereti, præterquam ad extremum, unde ferrum exibat. id, sicut in pilo, quadratum, stuppa circumligabant, linebantque pice; ferrum autem tres in longum habebat pedes, ut cum armis transfigere corpus posset. sed id maxime, etiam si hæssisset in scuto, nec penetrasset in corpus, pavorem faciebat; quod cum medium accensum mitteretur, conceptumque ipso motu multo maiorem ignem ferret, arma omitti cogebat, nudumque militem ad insequentes ictus præbebat. Cum ergo diu anceps fuisset certamen, & Saguntinis, quia præter spem resisterent, crevisset animi; Pœnus, quia non vicisset, pro victo esset; clamorem repente oppidani tollunt, hostemque in ruinas muri expellunt: inde impeditum trepidantemque exturbant: postremo fusum, fugatumque in castra redigunt.

CAPUT III.

Missi ab Roma Legati ad Annibalem, neque ab eo recepti, Carthaginem profisciscuntur: cum in pœnam rupti fœderis Annibalem deposcerent, Anno causam eorum suscipis: tergiver, ante senatu, nihil legatione proficitur.

INterim, ab Roma legatos venisse, nuntiatum est, quibus obviam ad mare missi ab Annibale, qui dicerent, nec tuto eos adituros inter tot tam efferatarum gentium arma, nec Annibali in tanto discrimine rerum operæ esse legationes audire. Apparebat, non admissos protinus Carthaginem ituros. Literas igitur, nuntiosque ad principes factionis Barchinæ præmittit,

ut

ut præpararent suorum animos , ne quid pars altera gratificari pro Romanis posset. Itaque præterquam quod admissi , auditique non sunt , ea quoque vana atque irrita 10 legatio fuit. Anno unus , adverso senatu , causam fœderis rupti , magno silentio , propter auctoritatem suam , cum assensu audientium egit. Per deos fœderum arbitros ac testes monuisse , pradixisse se , ne Amilcaris progeniem ad exercitum mitterant , non manes , non stirpem ejus conquiescere viri : nec unquam , donec sanguinis nominisque Barchinæ quisquam supersit , quietura Romana fœdera. Juvenem flagrantem cupidine regni , viamque unam ad id cernentem , si ex bellis bella ferendo , succinctus armis legionibusque vivat , velut materiam igni præbentes , ad exercitus misistis. aluistis ergo hoc incendium , quonunc ardetis. Saguntum vestri circumfident exercitus , unde arcentur fœdere : mox Carthaginem circumfidebunt Romana legiones , ducibus iisdem diis , per quos priore bello rupta fœdera sunt ulsi. Utrum hostem , an vos , an fortunam utriusque populi ignoratis ? Legatos ab sociis , & pro sociis venientes bonus imperator vester in castra non admisit , ius gentium sustulit. hi tamen , unde ne hostium quidem legati arcentur , pulsati ad vos veniunt , res ex fœdere repetunt : publica fraus absit : auctorem culpa , & reum criminis deposcunt . quæ lenius agunt , segnius incipiunt : eo , cum cœperint , vereor , ne perseverantius se vianst. Ægates insulam , Erycemque ante oculos proponite , qua terra marique per quatuor & viginti annos passi sitis. Nec puer hic dux erat , sed pater ipse Amilcar . Mars alter , ut isti volunt , sed tunc Tarento & Italia non abstineramus ex fœdere : sicut nunc Sagunto non ab-

abstinemus. vicerunt ergo dii, hominesque: & id, de quo verbis ambigebatur, uter populus fœdus rupisset, eventus belli, velut aquus iudex, unde ius stabat, ei victoriam dedit. Carthagini nunc Annibal vineas, turresque admovent: Carthaginis mœnia quatit ariete. Sagunti ruina (falsus utinam vates sim) nostris capitibus incident: susceptumque cum Saguntinis bellum, habendum cum Romanis est. Dedemus ergo Annibalem? dicet aliquis. scio meam levem esse in eo auctoritatem, propter paternas inimicitias, sed & Amilcarem eo periisse latatus sum, quod, si ille viveret, bellum jam cum Romanis haberemus: & hunc juvenem, tanquam furiam, facemque huius belli, odi, ac detestor; nec dedendum solum

^{a.} ^{id.} * ad piaculum rupti fœderis, sed, nemo de-
poscat, devehendum in ultimas maris terrarum, que oras, ablegandumque eo, unde nec ad, nec nomen famæque ejus accedere, nec sollicitare quiete civitatis statum possit. Ego autem ita censeo legatos ex templo Romam mittendos, qui senatui satisfaciant: alios qui Annibali nuncient, ut exercitum ab Sagunto abducat: ipsumque Annibalem ex fœdere Romanis dedant, tertiam legationem ad res Saguntinis reddendas decerno: Cum Anno perorasset, nemini omnium

ⁱⁱ certare oratione cum eo necesse fuit. adeo prope omnis senatus Annibalis erat, infestiusque locuturi arguebant Annonem, quam Flaccum Valerium, legatum Romanum. Responsum inde legatis Romanis est: bellum ortum ab Saguntinis, non ab Annibale, esse: populum Romanum injuste facere, si Saguntinos vetustissima Carthaginensium societati praponat.

CAPUT IV.

Saguntini tum atroci, tum longa obsidione fessi, cum tristes conditiones pacis asferrentur, primores, igne in foro accenso, sese cum omni auro, atque argento in illum conjiciunt: impetu deinde facto per muri ruinam, Annibal urbem capit: sine discrimine facta cade, ingenti pradapostitur.

DUm Romani tempus terunt legationibus mittendis, Annibal, quia fessum militem præliis, operibusque habebat, paucorum iis dierum quietem dedit, stationibus ad custodiam vinearum, aliorumque operum dispositis. interim animos eorum nunc ira in hostes stimulando, nunc spe præmiorum accendit. ut vero pro concione prædam captæ urbis edixit militum fore, adeo accensi omnes sunt, ut, si extemplo signum datum esset, nulla vi resisti videretur posse. Saguntini, ut a præliis quietem habuerant, nec lacessentes, nec lacessiti per aliquot dies: ita non nocte, non die unquam cessaverant ab opere, ut novum murum ab ea parte, qua patefactum oppidum ruiniserat, reficerent. Inde oppugnatio eos aliquanto atrocior, quam ante, adorta est: nec, qua primum, aut potissimum parte ferrent opem, cum omnia variis clamoribus streperent, satis scire poterant. Ipse Annibal, qua turris mobilis omnia munimenta urbis superans altitudine agebatur, hortator aderat. quæ cum admota, catapul-
tis, balistisque per omnia tabulata dispositis, muros defensoribus nudasset, tum Annibal occasionem ratus, quingentos ferme

Afros cum dolabris ad subruendum ab imo murum mittit. Nec erat difficile opus, quod cæmenta non calce durata erant, sed interlita luto, structuræ antiquæ genere. itaque ante quam cæderetur, ruebat: perque patentia ruinis, agmina armatorum in urbem vadebant. locum quoque editum capiunt; collatisque eo catapultis, balistisque, ut castellum in ipsa urbe, velut arcem imminentem, haberent, muro circumdant. & Saguntini murum interiorem ab nondum capta urbis parte ducunt. Utrinq; summa vi & muniunt, & pugnant. sed interiora tuendo, minorem in dies urbem Saguntini faciunt. simul crescit inopia omnium longa obsidione, & minuitur expectatio externæ opis, cum tam procul Romani, unica spes, circa omnia hostium essent. paulisper tamen affectos animos recreavit repentina profectio Annibalis in Oretanos, Carpetanosque. qui duo populi delectus acerbitate conternati, retentis conquistoribus, metum defectionis cum præbuisent, oppressi celeritate

12 Annibalis, omiserunt mota arma. Nec Sagunti oppugnatio segnior erat, Maharbale Himilconis filio, quem præfecerat Annibal, ita impigre rem agente; ut, ducem abesse, nec cives, nec hostes sentirent. Is & prælia aliquot secunda fecit, & tribus arietibus aliquantum muri discussit: strataque omnia recentibus ruinis advenienti Annibali ostendit. itaque ad ipsam arcem extemplo ductus exercitus, atroxque prælium cum multorum utrinque cæde initum, & pars arcis capta est. Tentata deinde per duos exigua pacis spes, Alconem Saguntinum. & Alorcum Hispanum. Alco, insciis Saguntinis, precibus aliquid moturum ratus, cum

ad

ad Annibalem noctu transisset, postquam nihil lacrymæ movebant, conditionesque tristes, ut ab irato victore, ferebantur, transfuga ex oratore factus, apud hostem mansit, moriturum affirmans, qui sub conditionibus his de pace ageret. Postulabatur autem, redderent res Turdetanis: traditoque omni auro atque argento, egressi urbe cum singulis vestimentis, ibi habitarent, ubi Pœnus jussisset. Has pacis leges abnuente Alcone accepturos Saguntinos, Alorcus, vinci animos, ubi alia vincantur, affirmans, se pacis ejus interpretem fore pollicetur. Erat autem tum miles Annibalis: cæterum, publice Saguntinis amicus, atque hospes. Tradito palam telo custodibus hostium, transgressus munimenta, ad prætorem Saguntinum (& ipse ita jubebat) est deductus. Quo cum extemplo concursus omnis generis hominum esset factus, summoti cætera multitudine, senatus Alorco datus est. Cujus talis oratio fuit. *Si civis vester Alco, si-* 13
cuti ad pacem petendam ad Annibalem venit, ita pacis condiciones ab Annibale ad vos retulisset, supervacaneum hoc mihi fuisset iter, quo nec orator Annibalis, nec transfuga ad vos venissem. cum vero ille aut vestra, aut sua culpa manserit apud hostem; si metum simulavit, sua; vestra, si periculum est apud vos vera referentibus: ego, ne ignoraretis esse aliquas & salutis, & pacis vobis condiciones, pro vetusto hospitio, quod mihi vobiscum est, ad vos veni. Vestra autem causa me, nec ullius alterius, loqui, qua loquor apud vos, vel ea fides sit, quod neque dum vestris viribus restitistis, neque dum auxilia ab Romanis sperastis, pacis umquam apud vos mentionem feci, postquam nec ab Romanis

24 DEC. TERTIÆ

vobis ulla spes est, nec vestra jam aut arma vos, aut mœnia satis defendunt, pacem affero ad vos magis necessariam, quam equam. cuius ita aliqua spes est, si eam quemadmodum, ut victor, fert Annibal, sic vos, ut victi, audiat: si non id, quod amittitur, in damno, cum omnia victoris sint, sed quicquid relinquitur, pro munere habituri estis. Urbem vobis, quam ex magna jam parte dirutam, captam fere totam habet, adimit: agros relinquit, locum assignaturus, in quo novum oppidum adificetis: aurum, argentumque omne, publicum privatumque, ad se jubet deferri: conjugum, vestraque corpora, ac liberorum vestrorum servat inviolata, si inerines cum binis vestimentis velitis a Sagunto exire. Hac victor hostis imperat. hac, quanquam sint gravia, atque acerba, fortuna vestra vobis suadet. Equidem haud despero, cum omnium potestas ei a vobis facta sit, aliquid ex his rebus remissurum. Sed hac patienda censeo potius, quam trucidari corpora vestra, rapi trahique ante ora vestra conjuges, ac liberos belli jure sinatis.

- 14 hæc audienda cum circumfusa paulatim multitudine, permistum senatui esset populi concilium, repente primores, secessione facta, priusquam responsum daretur, argentum, aurumque omne ex publico privatoque in forum collatum, in ignem ad id raptim factum conjicientes, eodem plerique semetipsos præcipitaverunt. Cum ex eo pavor, ac trepidatio totam urbem pervasisset, alius insuper tumultus ex arce auditur. turris diu quassata prociderat: perque ruinam ejus cohors Pœnorum impetu facto cum signum imperatori dedisset, nudatam stationibus custodiisque solitis hostium esse

urbem, non cunctandum in tali occasione ratus Annibal, totis viribus aggressus urbem, momento cepit: signo dato, ut omnes puberes interficerentur. quod imperium crudele, cæterum prope necessarium cognitum in ipso eventu est. cui enim parci potuit ex iis, qui aut inclusi cum conjugibus ac liberis, domos super seipsum concremaverunt; aut armati nullum ante finem pugnae, quam morientes, fecerunt? Captum oppidum est ¹⁵ cum ingenti præda, quanquam pleraque ab dominis de industria corrupta erant, & in cædibus vix ullum discrimen ætatis iracerat, & captivi militum præda fuerant: tamen ex pretio rerum venditarum aliquantum pecuniæ redactum esse constat, & multam pretiosam supellectilem, vestemque missam Carthaginem. Octavo mense, quam cœptum oppugnari, captum Saguntum quidam scripsere: inde Carthaginem Novam in hiberna Annibalem concessisse: quinto deinde mense quam a Carthagine profectus sit, in Italiam pervenisse. Quæ si ita sunt, fieri non potuit, ut P. Cornelius, & T. Sempronius consules fuerint. ad quos & in principio oppugnationis legati Saguntini missi sint: & qui in suo magistratu cum Annibale, alter ad Ticinum amnem, ambo aliquanto post ad Trebiam pugnaverint. aut omnia breviora aliquanto fuere: aut Saguntum principio anni, quo P. Cornelius, & T. Sempronius consules fuerunt, non cœptum oppugnari est, sed captum. nam excessisse pugna ad Trebiam in annum Cn. Servilii, & C. Flamini non potest: quia Flaminius Arimini consulum init, creatus ab T. Sempronio consule: qui post pugnam ad Trebiam, ad creandos consules Romam cum venisset,

comitiis perfectis ad exercitum in hiberna rediit.

CAPUT V.

Nuntiato Romam Sagunti excidio, multiplex perturbatio Urbem occupat: tanquam ad imminens iam bellum terrestres. maritimaque copia comparantur: missis ad Carthaginienses legatis, cum publico consilio expugnatum Saguntum responsum esset, dux legationis Fabius, facto sine ex regia, bellum, an pacem malint percunctatur: sueclamantibus, daret utrum vellet, bellum, effuso sinu, denuntiat.

16

Sub idem fere tempus & legati, qui redierant a Carthagine, Romam retulerunt omnia hostilia esse: & Sagunti excidium nuntiatum est: tantusque simul moeror patres, misericordiaque sociorum, peremptorum indigne, & pudor non lati auxilii, & ira in Carthaginienses, metusque de summa rerum cepit, velut si jam ad portas hostis esset: ut tot uno tempore motibus animi turbati trepidarent magis, quam consultarent. Nam neque hostem acriorem bellicosiorumque secum congressum, nec rem Romanam tam desidem unquam fuisse, atque imbellem. Sardos, Corsosque, & Istros, atque Illyrios lacecisse magis, quam exercuisse Romana arma: & cum Gallis tumultuatum magis, quam belligeratum. Pœnum, hostem veteranum, trium & viginti annorum militia durissima inter Hispanas gentes semper victorem, primum Amilcare, deinde Asdrubale, nunc Annibale duce acerrimo assuetum, recentem ab excidio opulentissimæ urbis Iberum transire:

ire: trahere secum tot excitos Hispanorum
 populos: conciturnum avidas semper armo-
 rum Gallicas gentes: cum orbe terrarum
 bellum gerendum in Italia, ac pro mœni- 17
 bus Romanis esse. Nominatæ jam antea con-
 sulibus provinciæ erant. tum sortiri iussi.
 Cornelio Hispania, Sempronio Africa cum
 Sicilia evenit. Sex in eum annum decretæ
 legiones, & sociorum quantum ipsis videretur,
 & classis, quanta parari posset. qua-
 tuor & viginti peditum Romanorum millia
 sunt scripta, mille, & octingenti equites:
 sociorum XLIII peditum, & IIII e-
 quitum, naves CCXX quinqueremes,
 celoces viginti deductæ. Latum inde ad po-
 pulum, vellent, juberent, populo Cartha-
 ginienſi bellum indici: ejusque belli causa
 supplicatio per urbem habita, atque adorati
 dii, ut bene, ac feliciter eveniret, quod
 bellum populus Romanus jussisset. Inter
 consules ita copiarum divisæ. Sempronio da-
 tæ legiones duæ: ea quaterna millia erant
 peditum, & trecenti equites: sociorum
 sexdecim millia peditum, equites mille
 octingenti, naves longæ CLX. celoces
 duodecim. Cum his terrestribus maritimis-
 que copiis T. Sempronius missus in Sici-
 liam, ita in Africam transgressurus, si ad
 arcendum Italia Pœnum consul alter satis
 esset. Cornelio minus copiarum datum;
 quia L. Manlius prætor & ipse cum haud
 invalido præsidio in Galliam mittebatur. na-
 vium maxime Cornelio numerus diminutus.
 LX. quinqueremes datæ; (neque enim mari
 venturum, aut ea parte dimicaturum hostem
 credebant) & duæ Romanæ legiones, cum
 suo justo equitatu, & quatuordecim mil-
 libus sociorum peditum, equitibus mille

ducentis. Duas legiones Romanas, & quatuordecim millia sociorum peditum, mille equites socios, DC. Romanos, Gallia provincia eodem anno versa in Punicum bellum
 18 habuit. His ita comparatis, ut omnia iusta ante bellum fierent, legatos maiores natu, Q. Fabium, M. Livium, L. Æmilium, C. Licinium, Q. Bæbium, in Africam mittunt ad percontandos Carthaginienses, publico ne consilio Annibal Saguntum oppugnasset: & si, id quod facturi videbantur, faterentur, ac defenderent publico consilio factum, ut indicerent populo Carthaginiensi bellum. Romani postquam Carthaginem venerunt, cum senatus datus esset, & Q. Fabius nihil ultra, quam unum, quod mandatum erat, percontatus esset: tum ex Carthaginiensibus
 * al. unus * princeps: *Vana*, Romani, inquit, pri- & prior legatio fuit, cum Annibalem, ce- ps. quam suo consilio Saguntum oppugnantem, deposcebatis. Caterum hac legatio verbis adhuc lenior est, re asperior. tunc enim Annibal & insimulabatur, & deposcebatur. nunc a nobis & confessio culpa exprimitur, & ut a conf- fessis res exemplo repetuntur. Ego autem non, privato, publico ne consilio Saguntum oppugnatum sit, quarendum censeo: sed utrum jure, an injuria, nostra enim hac questio, atque animadversio in civem nostrum est, nostro, an suo fecerit arbitrio. vobiscum una disceptatio est, licuerit ne per fœdus fieri. Itaque quoniam discerni placeat, quid publico consilio, quid sua sponte imperatores faciant: nobis vobiscum fœdus est a Lutatius consule iētum, in quo cavetur utrorumque sociis, nihil de Saguntinis (necdum enim erant socii vestri) cautum est. At enim eo fœdere, quod cum Af-
 dra-

Asdrubale ictum est, Saguntini excipiuntur: adversus quod nihil ego dicturus sum, nisi quod a vobis didici. vos enim quod C. Lutatius Consul primo nobiscum fœdus icit, quia neque auctoritate patrum, nec populi jussu ictum erat, negastis vos eo teneri. itaque aliud de integro fœdus publico consilio ictum est. Si vos non tenent vestra fœdera, nisi ex auctoritate aut jussu vestro icta: ne nos quidem Asdrubalis fœdus, quod nobis insciis icit, obligare potuit. Proinde omittite Sagunti, atque Iberi mentionem facere: & quod diu parturit animus vester, aliquando pariat. Tum Romanus, sinu extoga facta, hic, inquit, vobis bellum, & pacem portamus: utrum placet, sumite. Sub hanc vocem haud minus ferociter, daret utrum vellet, succlamatum est. & cum is iterum sinu effusa bellum stare dixisset, accipere se omnes responderunt: & quibus acciperent animis, iisdem se gesturos. Hæc directæ percontatio, ac denuntiatio belli magis ex dignitate populi Romani visa est, quam de fœderum jure verbis disceptare, cum antea, tum maxime Sagunto excisa. nam si verborum disceptationis res esset, quod fœdus Asdrubalis cum Lutatii priore fœdere commutatum est, comparandum non erat: cum in Lutatii fœdere diserte additum esset, ita id ratum fore, si populus censuisset, in Asdrubalis fœdere nec exceptum tale quicquam fuerit, & tot annorum silentio ita vivo eo comprobatum sit fœdus, ut ne mortuo quidem auctore quicquam mutaretur, quanquam & si priore fœdere staretur, satis tantum erat Saguntinis, sociis utrorumque exceptis. nam neque additum erat his, qui tunc essent: nec, ne qui post-

ea assumerentur. & cum assumere novos
liceret socios, quis æquum censeret, aut ob
nulla quenquam merita in amicitiam recipi,
aut receptos in fidem non defendi? tantum,
ne Carthaginiensium focii aut sollicitaren-
tur ad defectionem, aut sua sponte desci-
scentes reciperentur.

C A P U T V L

*Et in Hispania, & in Gallia nequicquam ab Ro-
manis legatis auxilia conquiruntur.*

Legati Romani ab Carthagine, sicut his
Romæ imperatum erat, in Hispaniam,
ut aut adirent civitates, ut in societatem pel-
licerent, aut averterent a Pœnis, trajece-
runt. Ad Bargusios primum venerunt: a
quibus benigne excepti, quia tædebat im-
perii Punici, multos trans Iberum populos
ad cupidinem novæ fortunæ erexerunt. ad
Volcianos inde est ventum: quorum cele-
bre per Hispaniam responsum, cæteros po-
pulos a societate Romana avertit. ita enim
maximus natus ex iis in concilio respondit:
*Qua verescundia est, vos, Romani, postula-
re, uti vestram Carthaginiensium præpona-
mus amicitia, cum qui id fecerunt, Sagun-
tinos, crudelius, quam Pœnus hostis perdi-
dit, vos focii prodideritis? ibi quaratis so-
cios, censeo, ubi Saguntina clades ignota
est: Hispanis populis sicut lugubre, ita insigne
documentum Saguntii ruina erunt, ne quis fi-
dei Romana, aut societati confidat. inde ex-
templo abire finibus Volcianorum jussi,
ab nullo deinde concilio Hispaniæ beni-
gniora verba tulere. itaque nequicquam
peragrata Hispania, in Galliam transeunt.*

In his nova, terribilisque species visa est, 20
quod armati (ita mos gentis erat) in concilium venerunt. Cum, verbis extollentes virtutem gloriamque populi Romani, ac magnitudinem imperii, petissent, ne Pœno bellum Italiæ inferenti, per agros, urbesque suas transitum darent: tantus cum fremitu risus dicitur ortus, ut vix a magistratibus, majoribusque natu juvenus sedaretur. adeo stolidâ, impudensque postulatio visa est, censere, ne in Italiam transmittant Galli bellum, ipsos id avertere in se, agrosque suos pro alienis populandos objicere. Sedato tandem fremitu, responsum legatis est, *neque Romanorum in se meritum esse, neque Carthaginensium injuriam, ob qua aut pro Romanis, aut adversus Pœnos sumant arma. Contra ea, audire sese, gentis suæ homines agris, finibusque Italia pelli a populo Romano, stipendiumque pendere, & cætera indigna pati.* Eadem ferme in cæteris Galliæ conciliis dicta, auditaque: nec hospitale quicquam, pacatumve satis prius auditum, quam Massiliam venerunt. ibi omnia ab sociis inquisita cum cura ac fide, cognita: *præoccupatos jam ab Annibale Gallorum animos esse. sed ne illi quidem ipsi satis mitem gentem fore, (adeo ferocia, atque indomita ingenia esse) ni subinde auro, cujus avidissima gens est; principum animi conciliantur.* Ita peragratîs Hispaniæ, & Galliæ populis, legati Romam redeunt, haud ita multo post, quam consules in provincias profecti erant. civitatem omnem in expectationem belli erectam invenerunt, satis constante fama, jam Iberum Pœnos transisse.

CAPUT VII.

Annibal, facta militibus suas domos visendi potestate, primo vere adesse jubet: ad dictum cum convenissent, maximo futuro bello necessaria preparat: firmata praesidiis Africa, reliquoque in Hispania cum magnis copiis *Asdrubale* fratre, ad Iberum progreditur: ibi divino prodigio monitus, ut pergat, Iberum, inde etiam Pyrenæum, subactis omnibus circa populis, superat.

- 21 **A** Nnibal, Sagunto capto, Carthaginem Novam in hiberna concesserat, ibique auditis, quæ Romæ, quæque Carthagine acta decretaque forent, seque non ducem solum, sed etiam causam esse belli, partitis, divenditisque reliquiis prædæ, nihil differendum ratus, Hispani generis milites convocat: Credo ego vos, inquit, socii, & ipsos cernere, pacatis omnibus Hispania populis, aut finiendam vobis militiam, exercitusque dimittendos esse, aut in alias terras transferendum bellum. ita enim hæ gentes non pacis solum, sed etiam victoria bonis florebunt, si ex aliis gentibus prædam, & gloriam quæremus. itaque cum longinqua ab domo instet militia, incertumque sit, quando domos vestras, & qua cuique ibi cara sint, visuri sitis: si quis vestrum suos invisere vult, commeatum do. primo vere, edico, adsitis, ut, diis bene juvantibus, bellum ingentis gloria, prædaque futurum incipiamus. Omnibus fere visendi domos oblata ultro potestas grata erat, & jam desiderantibus suos, & longius in futurum providentibus desiderium, Pertur-

tum tempus hyemis quies inter labores aut jam exhaustos, aut mox exhauriendos, renovavit corpora animosque ad omnia de integro patienda. vere primo ad edictum convenere. Annibal, cum recensuisset omnium auxilia gentium, Gades profectus Herculi vota exsolvit: novisque se obligat votis, si cætera prospere evenissent. Inde partiens curas simul inferendi, atque arcendi belli, ne, dum ipse terrestri per Hispaniam Galliasque itinere Italiam peteret, nuda, aperta, et Romanis Africa ab Sicilia esset, valide præsidio eam firmare statuit. pro eo supplementum ipse ex Africa, maxime jaculatorum levium, armis petiit: ut Afri in Hispania, Hispani in Africa, melior procul ab domo futurus uterque miles, velut mutuis pignoribus obligati stipendia facerent. Tredecim millia octingentos quinquaginta pedites ce-
tratos misit in Africam, & funditores Baleares octingentos septuaginta, equites millos ex multis gentibus mille ducentos. has copias partim Carthagini præsidio esse, partim distribui per Africam jubet. simul conquistoribus in civitates missis, quatuor millia conscripta delectæ juventutis, præsidium eisdem, & obsides duci Carthaginem jubet. neque Hispaniam negligendam ratus, at- 22.
que ideo haud minus, quod haud ignarus erat, circuitam ab Romanis eam legatis ad sollicitandos principum animos, Adrubali fratri, viro impigro, eam provinciam destinat: firmatque eum Africis maxime præsidiiis, peditum Afrorum XI. millibus, octingentis quinquaginta Liguribus, trecentis Balearibus. adhæc peditum auxilia additi equites Libyphœnices, mistum Punicum Afrigenus, trecenti, & Numidæ, Maurique acco-
la

læ Oceani ad millæ octingentos, & parva Ilergetum manus, ex Hispania ducenti equites, &, ne quod terrestris deesset auxilii genus, elephanti XIV. classis præterea data ad tuendam maritimam oram: quia qua parte belli vicerant, ea tum quoque rem gesturos Romanos, credi poterat: quinquaginta quinqueremes, quadriremes duæ, triremes quinque: sed aptæ instructæque remigio triginta & duæ quinqueremes erant, & triremes quinque. Ab Gadibus Carthaginem ad hiberna exercitus redit: atque inde profectus præter Etovissam urbem ad Iberum, maritimamque oram ducit. Ibi, fama est, in quiete visum ab eo juvenem divina specie, qui *se ab Jove diceret ducem in Italiam Annibali missum: proinde sequeretur, neque usquam a se deflecteret oculos.* pavidum primo, nusquam circumspicientem, aut respicientem, secutum; deinde cura humani ingenii, cum quidnam id esset, quod respicere vetitus esset, agigaret animo, temperare oculis nequivisse. tum vidisse post se serpentem mira magnitudine cum ingenti arborum ac virgultorum strage ferri: ac post insequi cum fragore cœli nimbum. tum, quæ mole sea, quidve prodigiū esset, quærentem, audisse, *vasitatem Italia esse: pergeret porro ire, non ultra inquireret, sineretque fata in occulto esse.* Hoc visu lætus, tripartito Iberum copias trajecit, præmissis, qui Gallorum animos, qua traducendus exercitus erat, donis conciliarent, Alpiumque transitus specularentur. nonaginta millia peditum, duodecim millia equitum Iberum traduxit. Ilergetes inde, Bargusiosque, & Ausetanos, & Aquitaniam, quæ subiecta Pyrenæis montibus est, subegit: oræque huic omni præfecit. Annonem, ut

fauces, quæ Hispanias Gallis jungunt, in potestate essent. Decem millia peditum Annoni ad præsidium obtinendæ regionis data, & mille equites. Postquam per Pyrenæum saltum traduci exercitus cœptus est, rumorque per barbaros manavit certior de bello Romano: tria millia inde Carpetanorum peditum iter averterunt. constabat, non tam bello motos, quam longinquitate viæ, insuperabilique Alpium transitu. Annibal, quia revocare, aut vi retinere eos, anceps erat, ne cæterorum etiam feroces animi irritarentur, supra septem millia hominum domos remisit, quos & ipse gravari militia fenserat, Carpetanos quoque ab se dimissos simulans. Inde, ne inora, atque otium animos sollicitarent, cum reliquis copiis Pyrenæum transgreditur: & ad oppidam Iliberim castra locat.

24

CAPUT VIII.

Gallia aliquot populi adventu Annibalis consternati arma capiunt: donis deinde deliniti, transitum illi per suos fines tutum permittunt.

GALLI, quanquam Italiæ bellum inferri audiebant, tamen quia vi subactos trans Pyrenæum Hispanos fama erat, præsidiaque valida imposita; metu servitutis ad arma consternati, Ruscinonem aliquot populi conveniunt. quod ubi Annibali nuntiatum est, moram magis, quam bellum metuens, oratores ad regulos eorum misit, colloqui semetipsum velle cum his: & vel illi propius Iliberim accederent, vel se Ruscinonem processurum, ut ex propinquo con-

gres-

gressus faciliior esset. nam & accepturum eos in castra sua se latum, nec cunctanter se ipsum adeos venturum. hospitem enim se Gallia, non hostem advenisse: nec stricturum ante gladium, si per Gallos liceat, quam in Italiam venisset. Et per nuntios quidem hæc. Ut vero reguli Gallorum, castris ad Illiberim extemplo motis, haud gravate ad Pœnum venerunt, capti donis, cum bona pace exercitum per fines suos præter Ruscinonem oppidum transmiserunt.

CAPUT IX.

Ad famam adventantis Annibalis, Boii Romanis infensi, ab illis deficiunt: Mutinam cum oppugnarent, missos ad conquerendum legatos violant: Manlium prætorem, his ferentem auxilium, cum multa caede adoriuntur. Romam perlato tumultu, mittitur cum novo exercitu C. Atilius prætor. Consul quoque P. Cor. Scipio occursurus Annibali, navibus ab Urbe profectus, Massiliam pervenit.

IN Italiam interim nihil ultra, quam Iberum transisse Annibalem, a Massiliensium legatis Romam perlatum erat: cum perinde ac si Alpes jam transisset, Boii sollicitatis Insu-
 05 *tribus defecerunt: nec tam ob veteres in populum Romanum iras, quam quod nuper circa Padum, Placentiam, Cremonamque colonias in agrum Gallicum deductas ægre patiebantur. Itaque armis repente arreptis, in eum ipsum agrum impetu facto, tantum terroris ac tumultus fecerunt, ut non agrestis modo multitudo, sed ipsi Triumviri Romani, qui ad agrum venerant assignandum, diffusi Placentiæ mœnibus,*

bus, Mutinam confugerint, C. Lutatius, C. Servilius, T. Annius. Lutatii nomen haud dubium est. pro C. Servilio, & T. Annio, Q. Acilium, & C. Herennium habent quidam annales: alii P. Cornelium Asinam, & C. Papirium Mafonem. Id quoque dubium est, legati ad Bojos ad exposculandum missi violati sint, an in Triumviros agrum metantes impetus sit factus. Mutinæ cum obsiderentur, & gens ad oppugnandarum urbium artes rudis, pigerrima eadem ad militaria opera, segnis intaſis assideret muris, simulari cœptum de pace agi; evocatique ab Gallorum principibus legati ad colloquium, non contra jus modo gentium, sed violata etiam, quæ data in id tempus erat, fide, comprehenduntur, negantibus Gallis, nisi obsides sibi redderentur, eos se dimissuros. Cum hæc de legatis nuntiata essent, & Mutina, præsidiumque in periculo esset, L. Manlius prætor, ira accensus, effusum agmen ad Mutinam ducit. Silvæ tunc circa viam erant, plerisque locis incultis. ibi inexplorato profectus, in insidias præcipitatus, multaque cum cæde suorum ægre in apertos campos emerſit. ibi castra communita: &, quia Gallis ad tentanda ea defuit spes, reſecti sunt militum animi, quanquam accisas res satis constabat. Iter deinde de integro cœptum: nec dum per patentia loca ducebatur agmen, cum apparuit hostis. ubi rursus silvæ intratæ, tum postremos adorti, cum magna trepidatione ac pavore omnium, octingentos milites occiderunt: sex signa ademere. Finis inde & Gallis territandi, & pavendi Romanis fuit, ut ex saltu invio, atque impedito evasere. inde apertis locis facile tutantes agmen Romani, Tanetum vicum pro-

propinquum Pado contendere. ibi se munimento ad tempus, com meatibusque fluminis, & Brixianorum Gallorum auxilio adversus crescentem in dies multitudinem hostium tutabantur. Qui tumultus repens postquam est Romam perlatus, & Punicum insuper Gallico bello auctum patres acceperunt: C. Atilium prætorem cum una legione Romana, & quinque millibus sociorum delectu novo a consule conscriptis, auxilium ferre Manlio jubent. qui sine ullo certamine (abscefferant enim metu hostes) Tanetum pervenit. Et P. Cornelius, in locum ejus, quæ missa cum prætore fuerat, transcripta legione nova, profectus ab urbe sexaginta longis navibus præter oram Etruriæ, Ligurumque, & inde Salyum, * mox pervenit Massiliam: & ad proximum ostium Rhodani (pluribus enim divisus amnis in mare decurrit) castra locat, vixdum satis credens Annibalem superasse Pyrenæos montes. quem ut de Rhodani quoque transitu agitare animadvertit, incertus, quonam ei loco occurreret, necdum satis refectis ab jactatione maritima milicibus, trecentos interim delectos equites, ducibus Massiliensibus, & auxiliaribus Gallis, ad exploranda omnia, visendosque ex tuto hostes præmittit.

CAPUT X.

Annibal ubi ad Rhodanum pervenit, transfretum parat: cum resistentes ex adversa ripa Gallos per Annonem Bomilcaris filium, iussu quam occultissime cum parte copiarum fluvium superare, avertisset; exercitum trahit.

ANnibal, cæteris metu, aut pretio pacatis, jam in Volcarum pervenerat agrum, gentis validæ. colunt autem circa utranque ripam Rhodani: sed diffusi citeriore agro arceri Pœnum posse, ut flumen pro munimento haberent, omnibus ferme suis trans Rhodanum trajectis, ulteriorem ripam amnis obtinebant. Cæteros accolæ fluminis Annibal, & eos ipsos, quorum sedes tenuerat, simul pellicit donis ad naves undique contrahendas, fabricandasque: simul & ipsi trajici exercitum, levarique quamprimum regionem suam tanta urgente hominum turba cupiebant. Itaque ingens coacta vis navium est, lintriumque temere ad vicinalem usum paratarum. novæque alias primum Galli inchoantes cavabant ex singulis arboribus: deinde & ipsi milites simul copia materiæ, simul facilitate operis inducti, alveos informes, nihil, dummodo innare aquæ, & capere onera possent, curantes, raptim faciebant, quibus se, suæque transveherent. Jamque omnibus satis comparatis ad trajiciendum, terrebant ex adverso hostes, omnem ripam* equis, virisque obtinentes: quos ut averteret, Annonem, Bomilcaris filium, vigilia prima noctis cum parte copiarum, maxime Hispanis, adverso quoque flumine ire iter unius diei jubet: & ubi pri-

* al.
equi-
tes,
viri-

primo posset, quam occultissime trajecto amni, circumducere agmen. ut, cum facto opus sit, adoriatur ab tergo hostem. ad id dati duces Galli educunt inde millia quinque & XX. ferme supra parvæ insulæ circumfufum amnem, latiore ubi dividebatur, eo-que minus alto alveo transitum ostendere. ibi raptim cæsa materia, ratesque fabricatæ, in quibus equi virique, & alia onera trajicerentur. Hispani sine ulla mole, in utres vestimentis coniectis, ipsi cetris suppositis incubantes flumen transinatravere. Et alius exercitus ratibus junctis trajectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium opportune exequendum. Postero die profecti ex loco, prodito fumo significant se transisse, & haud procul abesse. Quod ubi accepit Annibal, ne tempori deesset, dat signum ad trajiciendum. Jam paratas aptatasque habebat pedes lintres. eques fere propter equos nantes navium agmen ad excipiendum adversi impetum fluminis parte superiore transmittens, tranquillitatem infra trajicientibus lintribus præbebat. equorum pars magna nantes loris a pupibus trahebantur, præter eos, quos instructos frenatosque, ut extemplo egresso in ripam equiti usui essent, imposuerant in naves. Galli occursant in ripam cum variis ululatibus, cantuque moris sui, quatientes scuta super capita, vibrantesque dextris tela: quanquam & ex adverso terrebat tanta vis navium cum ingenti sono fluminis, & clamore vario nautarum, & militum, qui nitebantur perrumpere impetum fluminis, & qui ex altera ripa trajicientes suos hortabantur. Jam satis paventes adverso tumultu,

tu, terribilior ab tergo adortus clamor, castris ab Annone captis. mox & ipse aderat, ancepsue terror circumstabat: & e navibus tanta vis armatorum in terram evadens, & a tergo improvisa premebat acies. Galli, postquam vim facere conati, ultro pellebantur, qua patere visum maxime iter, perrumpunt: trepidique in vicos passim suos diffugiunt. Annibal, cæteris copiis per otium trajectis, spernens jam Gallicos tumultus, castra locat. Elephantorum trajiciendorum varia consilia fuisse credo: certe varia memoria est actæ rei. quidam, congregatis ad ripam elephantis, tradunt ferocissimum ex his irritatum a rectore suo, cum refugientem eum in aquam natantem sequeretur, traxisse gregem; ut quenque timentem altitudinem destituerat vadum, impetu ipso fluminis in alteram ripam rapiente. Cæterum magis constat ratibus trajectos. id, ut tutius consilium ante rem foret, ita acta re, ad fidem pronius est. Ratem unam ducentos longam pedes, quinquaginta latam, a terra in amnem porrexerunt: quam, ne secunda aqua deferretur, pluribus retinaculis validis parte superiore ripæ religatam, pontis in modum, humo injecta constraverunt, ut belluæ audacter velut per solum ingrederentur. altera ratis æque lata, longa pedes centum, ad trajiciendum flumen apta, huic copulata est: & cum elephanti per stabilem ratem, tanquam viam, prægredientibus foeminis, acti, in minorem applicatam transgressi sunt: ea extemplo resolutis, quibus leviter annexa erat, vinculis, ab actuariis aliquot navibus ad alteram ripam pertrahitur. ita primis expositis, alii deinde repetiti, ac trajecti sunt, nihil sane trepidabant,

donec continenti velut ponte agerentur. primis erat pavor, cum soluta ab cæteris rante in altum raperentur. ibi urgentes inter se, cedentibus extremis ab aqua, trepidationis aliquantum edebant: donec quietem ipse timor circumspicientibus aquam fecisset. excidere etiam sævientes quidam in flumen, sed pondere ipso stabiles, dejectis rectoribus, quærendis pedetentim vadis in terram evasere.

CAPUT XI.

Ala Numidarum, ad speculandum ab Annibale præmissa, cum Romanis equitibus, qui & ipsi exploratum venerant, concreditur: facta utrinque cade, Romani victores abeunt. Incertus primum Annibal, an ibi cum Romano exercitu pugnam confereret, ubi pergere in Italiam statuit; milites, A'pium fama territos, castigat: inde per Allobrogum terras ad Druentiam ducit.

- 29 **D**Um elephanti trajiciuntur, interim Annibal Numidas equites quingentos ad castra Romana miserat speculatum, ubi, & quantæ copiæ essent, & quid pararent. huic alæ equitum, missi, ut ante dictum est, ab ostio Rhodani trecenti Romanorum equites occurrunt. prælium atrocius, quam pro numero pugnantium, editur. nam præter multa vulnera, cædes etiam prope par utrinque fuit: fugaque, & pavor Numidarum Romanis jam admodum fessis victoriam dedit, victores ad CLX, nec omnes Romani, sed pars Gallorum: victi amplius ducentis ceciderunt. Hoc principium, simulque omen belli, ut summæ re-

rerum prosperum eventum, ita haud sane incruentam, ancipitisque certaminis victoriam Romanis portendit. Re ita gesta, ad utrumque ducem sui redierunt. Nec Scipioni stare sententia poterat, nisi ut ex consiliis, cœptisque hostis & ipse conatus caperet: & Annibalem incertum, utrum cœptum in Italiam intenderet iter, an cum eo, qui primus se obtulisset Romanus exercitus, manus conferret, averterat a præsentis certamine Bojorum legatorum, regni que Matali adventus, qui se duces itinerum, socios periculi fore affirmantes, integro bello, nusquam ante libatis viribus, Italiam aggrediendam censent. Multitudo timebat quidem hostes, nondum obli torata memoria superioris belli: sed magis iter immensum, Alpesque, rem fama utique inexpertis horrendam, metuebat. Itaque Annibal, postquam ipsi sententia stetit pergere ire, atque Italiam petere, ad vocata concione 30
ne, varie militum versat animos, castigando, adhortandoque. *Mirari se, quinam pectora semper impavida repens terror invaserit. per tot annos vincentes eos stipendia facere: neque ante Hispania excessisse, quam omnes gentesque, & terra ea, quas duo diversa maria amplectantur, Carthagenensium essent. indignatos deinde, quod quicumque Saguntum obsedissent, velut ob noxam sibi dedipostularet populus Romanus, Iberum trajecisse ad delendum nomen Romanorum, liberandumque orbem terrarum, tum nemini visum id longum, cum ab occasu solis ad ortum intenderent iter. nunc, postquam multo majorem partem itineris emensam cernant, Pyrenaum saltum inter ferocissimas gentes superatum; Rhodanum, tantum amnem, tot millibus Galorum prohiben-*

uentibus, domita etiam ipsius fluminis vi, tra-
jectum: in conspectu Alpes habeant, quarum
alterum latus Italia sit: in ipsis portis hostium
fatigatos subsistere, quid aliud Alpes esse cre-
dentes, quam montium altitudines? fingerent
altiores Pyrenais jugis: nullas profecto terras
cælum contingere, nec inenuperabiles humano
generi esse. Alpes quidem habitari, coli, gi-
gnere, atque alere animantes, pervias paucis
esse, exercitibus invias? eos ipsos, quos cer-
nant, legatos non pennis sublime elatos Alpes
transgressos: ne maiores quidem eorum indige-
nas, sed advenas Italia cultores, has ipsas
Alpes ingentibus saepe agminibus cum li-
beris, ac conjugibus, migrantium modo,
tuto transisse. Militi quidem armato, ni-
hil secum præter instrumenta belli pertan-
ti, quid invium, aut inexuperabile esse?
Saguntum ut caperetur, quid per octo men-
ses periculi, quid iaboris exhaustum esse?
Romam, orbis terrarum caput, petentibus,
quicquam adeo asperum atque arduum videri,
quod inceptum moretur? cepisse quon-
dam Gallos ea, qua adiri posse Pænus despe-
ret. proinde aut cederent animo, atque
virtute genti per eos dies toties ab se victa,
aut itineris finem sperent campum interja-
centem Tiberi, ac mœnibus Romanis. His
adhortationibus incitatos corpora curare,
atque ad iter se parare jubet. Postero die
profectus adversa ripa Rhodani, mediter-
ranea Galliæ petit: non quia rectior ad
Alpes via esset, sed quantum a mari re-
cessisset, minus obvium fore Romanum
credens: cum quo, prius quam in Italiam
ventum foret, non erat in animo manus
conferere. Quartis castris ad Insulam per-
venit. ibi Arar, Rhodanusque amnis di-
ver-

versis ex Alpibus decurrentes, agri aliquantum amplexi confluunt in unum. mediis campis Insulæ nomen inditum. accolunt prope Allobroges, gens jam inde nulla Gallica gente opibus, aut fama inferior: tum discors erat. regni certamine ambigebant fratres. major, & qui prius imperitabat, Brancus nomine, minore a fratre, & cœtu juniorum, qui jure minus, vi plus poterat, pellebatur. Hujus seditionis peropportuna disceptatio cum ad Annibalem rejecta esset, arbiter regni factus, quod erat senatus principumque sententia futurum, imperium majori restituit. ob id meritum, commeatu, copiaque rerum omnium & vestimentis est adjutus, quæ infames frigoribus Alpes præparare cgebant. Sedatis certaminibus Allobrogum, cum jam Alpes peteret, non recta regione iter instituit, sed ad lævam in Tricastinos flexit: inde per extremam oram Vocontiorum agri tetendit in Tricorios: haud usquam impedita via, prius quam ad Druentiam flumen pervenit. Is & ipse Alpinus amnis longe omnium Galliæ fluminum difficillimus transitu est. nam cum aquæ vim vehat ingentem, non tamen navium patiens est: quia nullis coercitus ripis, pluribus simul, neque iisdem alveis fluens, nova semper vada novosque gurgites faciens, (& ob eadem pediti quoque incerta via est) ad hæc saxa glomerosa volvens, nihil stabilis, nec tuti ingredienti præbet. & tum forte imbris auctus. ingentem transgredientibus tumultum fecit, cum, super cætera, trepidatione ipsi sua, atque incertis clamoribus turbarentur.

CAPUT XII.

P. Cornelius COS., misso in Hispaniam contra Asdrubalem Cn. Scipione fratre, redit ad mare, obviam iturus Annibali ab Alpibus descendenti.

- 32 **P** Cornelius consul, triduo fere postquam Annibal ab ripa Rhodani movit, quadrato agmine ad castra hostium venerat, nullam dimicandi moram factururus. cæterum ubi deserta munimenta, nec facile se tantum progressos assecuturum videt, ad mare ac naves rediit, tutius, faciliusque ita descendenti ab Alpibus Annibali occursurus. Ne tamen nuda auxiliis Romanis Hispania esset, quam provinciam sortitus erat, Cn. Scipionem fratrem cum maxima parte copiarum adversus Asdrubalem misit, non ad tutandos tantummodo veteres socios, conciliandosque novos, sed etiam ad pellendum Hispania Asdrubalem. ipse cum admodum exiguis copiis Genuam repetit, eo, qui circa Padum erat, exercitu Italiam defensusus.

CAPUT XIII.

Laboriosus Annibalis per Alpes transitus.

A Nnibal ab Druentia campestri maxime itinere cum bona pace ad Alpes incolentium ea loca Gallorum pervenit. Tum, quamquam fama prius, qua quidem incerta in majus veros fieri solent, percepta res erat: tamen ex propinquo visa montium altitudo, nivisque cælo prope immixtæ, tecta informia imposita rupibus, pecora jumenta que torrida
fri-

frigore, homines intonsi, & inculsi, animalia inanimaque omnia rigenti gelu, cætera visu, quam dictu foediora, terrorem renovare. Erigentibus in primos agmen clivos apparuerunt imminentes tumulos insidentes montani. qui, si valles occultiores insedis-
sent, coorti in pugnam repente, ingentem fugam stragemque dedissent. Annibal consi-
stere signa jubet: Gallisque ad visenda loca præmissis, postquam comperit transitum ea non esse, castra inter confragosa omnia, præruptaque, quam extentissima potest valle, locat. Tum per eosdem Gallos, haud sane multum lingua moribusque abhorrentes, cum se immiscuissent colloquiis montano-
rum, edoctus, interdiu tantum obsideri saltum, nocte in sua quenque dilabi recta: luce prima subiit tumultos, ut ex aperto, atque interdiu viam per angustias factururus.
die deinde, simulando aliud, quam quod parabatur, consumpto, cum eodem, quo constiterat, loco castra communisset: ubi primum digressos tumulis montanos, laxa-
tasque sensit custodias, pluribus ignibus, quam pro numero manentium in speciem factis, impedimentisque cum equite reli-
ctis, & maxima parte peditum, ipse cum expeditis, acerrimo quoque viro, raptim angustias evadit: iisque ipsis tumulis, quos hostes tenuerant, confedit. Prima deinde luce castra mota, & agmen reliquum in-
cedere cœpit. Jam montani signo dato ex castellis ad stationem solitam conveniebant: 33
cum repente conspiciunt alios arce occupa-
ta sua super capita imminentes, alios via transire hostes. utraque simul objecta res oculis, animis immobiles parumper eos de-
fixit, deinde ut trepidationem in angustias,

suoque ipso tumultu Annibalis misceri agmen videre, equis maxime consternatis, quicquid adiecissent ipsi terroris, satis ad perniciem fore rati, perversis rupibus juxta invia, ac devia assueti discurrent. Tum vero simul ab hostibus, simul ab iniquitate locorum Pœni oppugnabantur; plusque inter ipsos,

* al. * sibi cuique tendenti, ut periculo prius evaderet, quam cum hostibus certaminis erat. equi maxime infestum agmen faciebant. qui & clamoribus dissonis, quos memora etiam repercussæque valles augebant, territi trepidabant: & isti forte, aut vulnerati adeo consternati sunt, ut stragem ingentem simul hominum, ac sarcinarum omnis generis facerent, multosque turba, cum præcípites diruptæque utrinque angustiae essent, in

immensum altitudinis * deiecit: quidam & armati in ruinas maximas, modo jumenta cum oneribus devolvebantur. Quæ quamquam foeda visu erant, sletit parumper tamen Annibal, ac, suos continuit, ne tutum, ac trepidationem auget, deinde, postquam interrumpi agmen vidit, periculumque esse, ne exutum impedimentis exercitum nequiquam incolumen traduxisset, decurrit ex superiore loco: & cum impetu ipso fudisset hostem, suis tumultum auxit. sed is tumultus momento temporis, postquam liberata itinera fuga montanorum erant, sedatur: nec per otium modo, sed prope silentio mox omnes traducti. castellum inde, quod caput ejus regionis erat, vicosque circumjectos capit, & captivorum pecoribus per triduum exercitum aluit. & quia nec montanis primo percussis, nec loco magnopere impediabantur, aliquantum eo triduo

34 viæ confecit. Perventum inde ad frequentem cultum.

cultoribus alium, ut inter montana, populum. ibi non bello aperto, sed suis artibus, fraude, deinde insidiis est prope circumventus. Magno natu principes castellorum oratores ad Pœnum veniunt: *alienis malis, utili exemplo, doctos, memorantes, amicitiam malle, quam vim experiri Pœnorum: itaque obedienter imperata facturos: comitatum, itinerisque duces, & ad fidem promissorum obsides acciperet.* Annibal nec temere credendo, nec aspernando, ne repudiati aperte hostes fierent, benigne cum respondisset: obsidibus, quos dabant, acceptis, & comitatu, quem in via ipsi detulerant, usus: nequaquam, ut inter pacatos, in composito agmine duces eorum sequitur. Primum agmen elephanti & equites erant: ipse post cum robore peditum circumspectans sollicitus omnia incedebat. ubi in angustiore viam ex parte altera subiectam iugo insuper imminente ventum est, undique ex insidiis barbari a fronte, & a tergo coorti, cominus eminusque petunt. saxa ingentia in agmen devolvunt. maxima ab tergo vis hominum urgebat. in eos versa peditum acies, haud dubium fecit, quin, nisi firmata extrema agmina fuissent, ingens in saltu accipienda clades fuerit. Tunc quoque ad extremum periculi, ac prope perniciem ventum est. nam, dum cunctaretur Annibal dimittere in angustias agmen, quia non, ut ipse equitibus præsidio erat, ita peditibus quicquam ab tergo auxilii relinquerat: occursantes per obliqua montani, perrupto medio agmine, viam insedere. noxque una Annibali sine equitibus, ac impedimentis acta est. Postero die, jam segnius intercurrentibus barbaris, junctæ copiæ, saltusque haud sine

clade, majore, tamen jumentorum, quam hominum pernicie, superatus. inde montani pauciores jam, & latrocinii magis, quam belli more concurrabant, modo in primum, modo in novissimum agmen: ut cuique aut locus opportunitatem daret, aut progressi, morative aliquam occasionem fecissent. Elephanti sicut præcipites per arctas vias magna mora agebantur. ita tumultum ab hostibus, quacumque incederent, quia insuetis adeundi propius metuserat; agmen præbebant. Nono die injugum Alpium perventum est, per invia pleraque, & terrores, quos aut ducentium fraus, aut, ubi fides iis non esset, temere initæ valles a conjectantibus iter faciebant. Biduum injugis stativa habita: fessisque labore, ac pugnando quies data militibus: jumenta quoque aliquot, que prolapsa in rupibus erant; sequendo vestigia agminis, in castra pervenere. Fessis tædio tot malorum, nivis etiam casus, occidente jam fidere Vergiliarum, ingentem terrorem adjecit. Per omnia nive oppleta cum signis prima luce motis segniter agmen incederet, pigritiaque, & desperatio in omnium vultu emerget: prægressus signa Annibal, in promontorio quodam, unde longe, ac late prospectus erat, consistere jussis militibus Italiam ostentat, subjectoque Alpinis montibus circumpadanos campos: *mœniaque eos tum transcendere non Italia modo, sed etiam urbis Rome: cætera plana, præclivia fore: uno, aut ad summum altero prælio arcem, & caput Italia in manu ac potestate habituros.* Procedere inde agmen cœpit: jam nihil ne hostibus quidem, præter parva isurta per occasionem tentantibus, cæterum iter multo, quam in ascen-

su;

su fuerat, ut pleraque Alpium ab Italia si-
 cut breviora, ita arrectiora sunt, difficilius
 fuit. omnis enim ferme via præceps, angu-
 sta, lubrica erat, ut neque sustinere se a la-
 psu possent, nec, si qui paululum titubas-
 sent, hæreré afflicti vestigio suo; alique
 super alios, & jumenta, & homines occi-
 derent. Ventum deinde ad multo angustio-
 rem rupem, atque ita rectis faxis, ut ægre
 expeditus miles tentabundus, manibusque
 retinens virgulta, ac stirpes circa eminentes,
 demittere sese posset. Natura locus jam ante
 præceps, recenti terræ lapsu impeditus, in
 miram admodum altitudinem abruptus erat.
 Ibi cum velut ad finem viæ equites constitis-
 sent, miranti Annibali, quæ res morare-
 tur agmen, nuntiatur, rupem inviam esse.
 digressus deinde ipse ad locum visendum:
 haud dubia res visa, quin per invia circa,
 nec trita antea, quamvis longo ambitu, cir-
 cumduceret agmen. Ea vero via insuperabilis
 fuit, nam cum super veterem nivem intactam
 nova modicæ altitudinis esset: molli, nec
 præaltæ nivi facile pedes ingredientium in-
 sistebant. ut vero tot hominum, jumento-
 rumque incessu dilapsa est, per nudam infra
 glaciem, fluentemque tabem liquefcentis
 nivis ingrediebantur. terra ibi lustratio erat,
 ut a lubrica glacie non recipiente vestigium,
 & in prono citius pede se fallente: & seu ma-
 nibus in assurgendo, seu genu se adjuvis-
 sent, ipsis adminiculis prolapsi si iterum
 corruissent, nec stirpes circa, radicesve, ad
 quas pede, aut manu quisquam eniti pos-
 set, erant: ita in levi tantum glacie, tabi-
 daque nive volutabantur jumenta: nec aban-
 tabantur interdum etiam, dum infimam in-
 gredientia nivem, & prolapsa, jactandis

36.

- gravius in continendo ungulis penitus perfringebant . ut pleraque, velut pedica capta, hærent in durata & alte concreta glacie.
- 37 Tandem, nequicquam jumentis atque hominibus fatigatis, castra in jugo posita, ægerri-me ad id ipsum loco purgato: tantum nivis fodiendum, atque egerendum fuit. inde ad
 * al. rupem * minuendam, per quam via una esse
 mu- poterat, milites ducti: cum cædendum esset
 nien- saxum, arboribus circa immanibus dejectis
 dam detruncatisque, struem ingentem lignorum faciant: eamque, cum & vis venti apta faci-
 endo igni coorta esset, succendunt, arden-
 tiaque saxa infuso aceto putrefaciunt . ita
 torridam incendio rupem ferro pandunt ,
 molliuntque anfractibus modicis clivos, ut
 non jumenta solum, sed elephanti etiam de-
 duci possent. Quatriduum circa rupem con-
 sumptum . jumenta prope fame absumeban-
 tur . nuda enim fere cacumina sunt: & si quid,
 est pabuli, obruunt nives . inferiores valles
 apricos quosdam colles habent , rivosque pro-
 pe silvas, etiam humano cultu digniora loca .
 ibi jumenta in pabulum missa, & quies mu-
 niendo fessis hominibus data triduo . inde ad
 planum descensum est, etiam locis molliori-
 bus, & accolarum ingeniis.

CAPUT XIV.

*Quantis copiis, quaque Alpium parte in Ita-
 liam descenderit Annibal.*

- 38 **H**OC maxime modo perventum est in Ita-
 liam, quinto mense a Carthagine nova
 ut quidam auctores sunt, quinto decimo die
 Alpibus superatis. Quantæ copię transgres-
 so in Italiam Annibali fuerint, nequaquam
 inter

Inter auctores constat, qui plurimum, centum millia peditum, viginti equitum fuisse scribunt, qui minimum, viginti millia peditum, sex equitum. L. Cincius Alimentus, qui captum se ab Annibale scribit, maximus auctor, moveret me, nisi confunderet numerum, Gallis, Liguribusque additis. cum his scribit LXXX millia peditum, X equitum, adducta in Italiam: magis* affinis^{al.} xisse verisimile est, & ita quidam auctores^{afdu.} sunt) ex ipso autem audisse Annibale, postquam Rhodanum transierit, XXXVI millia hominum, ingentemque numerum equorum & aliorum jumentorum amisisse in Taurinis, quæ Gallis proxima gens erat, in Italiam degresso. Id cum inter omnes constet, eo magis miror, ambigi, quam Alpes transierit: & vulgo credere, Pennino, atque inde nomen & jugo Alpium inditum, transgressum. Cælius per Cremonis jugum dicit transisse. qui ambo saltus eum non in Taurinos, sed per saltus montanos ad Lebuos Gallos deduxissent. Nec verisimile est, ea tum ad Galliam patuisse itinera: utique cum quæ ad Lennium ferant, obsepta gentibus semigermanis fuissent. neque hercule montibus his (si quem forte id movit) ab transitu Prænorum ullo Veragri, incolæ jugi ejus, norunt nomen inditum: sed ab eo, quem summo sacratum vertice Penninum montani appellant.

C A P U T X V. .

Annibal, educto stativis exercitu, in Taurinis urbem caput gentis expugnat; progressus, castra adversus P. Scipionem COS. locat.

- 39 **P**eroportune ad principia rerum Taurinis, proximæ genti, adversus Insubres motum bellum erat. sed armare exercitum Annibal, ut parti alteri auxilio esset, in reficiendo maxime sentientem contracta ante mala, non poterat. otium enim ex labore, copia ex inopia, cultus ex illuvie tabeque, squalida & prope efferata corpora varie movebant. Ea P. Cornelio consuli causa fuit, cum Pisas navibus venisset, exercitu a Manlio, Atilieque accepto tirone, & in novis ignominiiis trepido, ad Padum festinandi, ut cum hoste nondum refecto manum confereret. sed cum Placentiam consul venit, jam ex stativis moverat Annibal: Taurinorumque unam urbem,
 * al. vo- len- tis. caput gentis ejus, quia* volens in amicitiam non veniebat; vi expugnat; junxissetque sibi non metu solum, sed etiam voluntate Gallos accolas Padi, ni eos, circumspectantes defectionis tempus, subito adventus consulis oppressisset. Et Annibal movit ex Taurinis, incertus quæ pars sequenda esset; Gallos præsentem se secuturos ratus. Jam prope in conspectu erant exercitus, convenerantque duces, sicut uterque inter se nondum satis noti, ita jam imbutus uterque quadam admiratione alterius. nam Annibalis & apud Romanos, jam ante Sagunti excidium, celeberrimum nomen erat: & Scipionem Annibal eo ipso, quod

quod adversus se dux potissimum lectus esset, præstantem virum credebat. & auxerant inter se opinionem: Scipio, quod relictus in Gallia, obvius fuerat in Italiam transgresso Annibali: Annibal, conatu tam audaci trajiciendarum Alpium, & effectu.

CAPUT XVI.

P. Scipionis Cos. ad milites Oratio,

Occupavit tamen Scipio Padum trajicere: & ad Ticinum amnem motis castris, prius, quam educeret in aciem, adhortandorum militum causa, talem orationem exorsus est: Si eum exercitum, milites, 40 educerem in aciem, quem in Gallia mecum habui, supersedissem loqui apud vos. quid enim adhortari referret aut eos equites, qui equitatum hostium ad Rhodanum flumen egregie vicissent; aut eas legiones, cum quibus fugientem hunc ipsum hostem secutus, confessionem cedentis ac detrectantis certamen pro victoria habui? Nunc quia ille exercitus Hispania provincia scriptus, ibi cum fratre C. Scipione meis auspiciis rem gerit, ubi eum gerere senatus populusque Romanus voluit: ego, ut consulem duceam adversus Annibalem, ac Pœnos habere-
retis, ipse me huic voluntario certamini obtuli. Novo imperatori apud novos milites pauca verba facienda sunt. Ne genus belli, neve hostem ignoretis: cum iis est vobis, milites, pugnandum, quos terra, marique prior bello vicistis: a quibus stipendium per XX. annos exegistis: a quibus capta belli præmia, Siciliam, ac Sardiniam habetis. Erit igitur in hoc certamine is vobis, illisque animus, qui victoribus, & victis esse so-
let,

let. nec nunc illi, quia audent, sed quia necesse est, pugnaturi sunt: nisi creditis, qui exercitum incolumi pugnam detrectavere, eos duabus partibus peditum equitumque in transitu Alpium amissis, qui plures pene perierint, quam supersint, plus spei nactos esse. At enim pauci quidem sunt; sed vigentes animis corporibusque, quorum robora, ac vires rix sustinere vis ulla possit. Effigies, imo umbra hominum, fame, frigore, illuvie, squalore anecti: confusi, ac debilitati inter saxa, rupesque: ad hac, perusti artus, nive rigentes nervi, membra torrida gelu, quassata, confractaque arma: claudi, ac debiles equi, cum hoc equito, cum hoc pedito pugnaturi estis: reliquias extremas hostium non hostes habebitis. At nihil magis vereor, quam ne, antequam vos cum hoste pugnaveritis, Alpes vicisse Annibalem videantur. Sed ita forsitan decuit, cum fœderum ruptore duce, ac populo deos ipsos sine ulla humana ope committere, ac profigare bellum: nos autem, qui secundum deos violati sumus, commissum, ac profigatum conficere. Non vereor, na quis me hoc, vestri adhorranai causa, magnifice loqui existimet, ipsum aliter animo affectum esse. Licuit mihi in Hispaniam provinciam meam ire, quo jam profectus eram cum exercitu meo, ubi & fratrem consilii, participem, ac periculi socium haberem, & Asdrubalem potius, quam Annibalem hostem, & minorem hand dubie mollem belli, tamen cum praterveherer navibus Gallia oram, ad famam hujus hostis in terram egressus, premisso equitatu, ad Rhodanum montem castra, equestri praelio, qua parte copiarum conferendi manum fortuna data est, hostem fudi, peditum agmen, quod in montem

dum fugientium raptim agebatur, quia assequi terra non poteram, regressus ad naves, quantam maxime celeritate potui, tanto maris terrarumque circuitu in radicibus Alpium obuius fui. Huic timendo hosti utrum cum declinarem certamen, improvisus videor incidisse, an occurrere in vestigiis eius, laceessere ac trahere ad decernendum? Experiri iuvat, utrum alios certe repente Carthaginenses per viginti annos terra ediderit: an iidem sint, qui ad Ægates pugnavere insulam: & quos ab Eryce duo de vicenis denariis astimatos emisit: & utrum Annibal hic sit amulus itinerum Herculis, ut ipse fert: an vestigialis, stipendiariusque, & servus populi Romani a patre relictus, quem nisi Sanguinum seculum agitarer, respiceret profecto, si non patriam victam, domum certe, patremque, & fœdera Amilcaris scripta manu: qui, iussus a consule nostro, praesidium deduxit ab Eryce: qui graves impositas victis Carthaginensibus leges fremens, marensque accepit: qui decedere Sicilia, qui stipendium populo Romano dare pactus est. Itaque vos ego, milites, non eo solum animo, quo adversus alios hostes soletis, pugnare velim: sed cum indignatione quadam, atque ira, velut si servos videatis vestros arma repente contra vos ferentes. Licuit, si voluissimus, ad Erycem clausos, ultimo supplicio humanorum, fame interficere. licuit classem victricem in Africam trajicere, atque intra paucos dies sine ullo certamine Carthaginem delere. Veniam dedimus precantibus: emisimus ex obsidione: pacem cum victis fecimus: tutela nostra deinde duximus, cum Africo bello urgerentur. Pro his impertitis, furiosum juvenem sequentes,

appugnatum patriam nostram veniunt. Atque utinam pro decore nobis hoc tantum; & non pro salute esset certamen. Non de possessione Sicilia ac Sardinia, de quibus quondam agebatur; sed pro Italia nobis est pugnandum; nec est aliud ab tergo exercitus, qui, nisi nos vincimus, hosti obsistat: nec Alpes alia sunt, quas dum superat, comparari nova possint presidia. Hic est obstandum, milites; velut si ante Romana mœnia pugnemus. Unusquisque se non corpus suum solum; sed conjugem ac liberos parvos armis protegere putet; nec domesticas solum agitet curas, sed identidem hoc animo repute, nostras nunc intueri manns senatum populumque Romanum: qualis nostra vis; virtusque fuerit; talem deinde fortunam illius urbis, ac Romani imperii fore. Hæc apud Romanos consul.

CAP. U. T. XVII.

Et ipse Annibal admonitum prius exercitum de pugnandi necessitate per spectaculi cuiusdam imaginem; oratione quoque deinde accendit.

- 42 **A**nnibal rebus prius, quam verbis adhortandos milites ratus, circumdato ad spectaculum exercitus captivos montanos victos in medio constituit: armisque Gallicis ante eorum pedes projectis; interrogare interpretem iussit; ecquis, si vinculis levaretur, armaque; & equum victor acciperet, decertare ferro vellet? Cum ad unum omnes ferrum, pugnamque poscerent, & dejecta esset in id fors, se quisque eum optabat, quem fortuna in id certamen eligeret. Ut cuiusque fors exciderat, alacer inter gratulantes gaudio exultans, cum sui moris tripudiis arma.

arma raptim capiebat: ubi vero dimicarent, is habitus animorum non inter ejusdem modo conditionis homines erat; sed etiam inter spectantes vulgo, ut non vincentium magis, quam bene morientium fortuna laudaretur. Dum sic aliquot spectatis paribus affectos dimisisset, concione inde advocata; ita apud eos locutus fertur: *Siquem animum in aliena sortis exemplo paulo ante habuistis, eundem mox in aestimanda fortuna vestra habueritis, vicimus, milites. neque enim spectaculum modo illud, sed quadam veluti imago vestra conditionis erat. ac nescio, an majora vincula majoresque necessitates vobis, quam captivis vestris, fortuna circumdederit. dextra laevaue duo maria claudunt, nullam ne ad effugium quidem navem habentibus: circa Padus amnis, major ac violentior Rhodano: a tergo Alpes urgent, vix integris vobis ac vigentibus transita. Hic vobis vincendum, aut moriendum, milites, est; ubi primum hosti occurristis. Et eadem fortuna, qua necessitatem pugnandi imposuit, premia vobis ea victoribus proponit, quibus ampliora homines ne a diis quidem immortalibus optare solent. Si Siciliam tantum ac Sardiniam parentibus nostris ereptas, nostra virtute recuperaturi essemus, satis tamen ampla pretia essent: quicquid Romanorum triumphis partum congestumque possident; id omne nostrum cum ipsis dominis futurum est: in hanc tam opimam mercedem; agite; cum diis bene juvantibus arma capite. Satis adhuc in vastis Lusitaniae Celtiberiaeque montibus pecora consecrando, nullum emolumentum tot laborum periculorumque vestrorum vidistis: tempus est jam opulenta vos ac ditia stipendia facere, & magna opera pretia mereri, tantum itineris per tot montes, fluminaque, & tot armatas gentes emensos. Hic vobis terminum laborum fortuna dedit: hic di-*

44 *gnam mercedem emeritis stipendiis dabit. nec
 quam magni nominis bellum est, tam difficilem
 existimaveritis victoriam fore. Sape & contem-
 ptus hostis cruentam centamen edidit: & inclyti
 populi regesque per levi momento victi sunt. Nam,
 dempto hoc uno fulgore nominis Romani, quid
 est, quod illi vobis comparandi sint? Ut viginti
 annorum militiam vestram cum illa virtute, cum
 illa fortuna taceam, ab Herculis columnis, ab
 Oceano, terminisque ultimis terrarum, per ros-
 serocissimos Hispania & Gallia populos, vincen-
 tes huc pervenistis: pugnabitis cum exercitu ty-
 rone, hac ipsa astate caeso, victo, circumfessoque
 a Gallis, ignoto adhuc duci suo, ignoranteque
 duce. An me in pratorio patriæ, clarissimi im-
 peratoris, prope natum, certe educatum, domi-
 torem Hispania, Galliaque, victorem eundem
 non Alpinarum modo gentium, sed ipsarum, quod
 multo majus est, Alpium, cum semestri hoc con-
 feram duce, desertore exercitus sui? cui si quis
 demptis signis Pœnos Romanosque hodie ostendar,
 ignoraturum certum habeo, utrius exercitus sit
 consul. Non ego illud parvi aestimo, milites, quod
 nemo vestrum est, cujus non ante oculos ipse sape
 militare aliquod ediderim facinus, cujus non idem
 ego virtutis spectator ac testis, notata temporibus
 locisque referre sua possim decora: collaudastis
 me, milites, donastis. Alutinus prius omnium
 vestrum, quam imperator, procedam acie ad-
 versus ignotos inder se, ignorantesque. Quocun-
 que circumtulit oculos, plena omnia video animo-
 rum, ac roboris, veteranum peditum, genero-
 sissimarum gentium equites franatos, & infra-
 natos; vos socios fidelissimos fortissimosque, vos
 Carthaginienes tum ob patriam, tum ob iram
 iustissimam pugnatures. Inferimus bellum, in-
 festisque signis descendimus in Italiam, tanto
 audacius, fortiusque pugnaturi, quanto ma-
 jor*

por spes majorque animus inferentis est vim,
 quam arcentis. Accendit præterea animos & sti-
 mulat dolor, injuria, indignitas. Ad suppli-
 cium depoposcere me ducem primum, deinde vos
 omnes, qui Saguntum oppugnassetis, deditos ul-
 timis cruciatibus affecturifueri. Crudelissima ac
 superbissima gens, sua omnia, sui que arbitrii
 facit: cum quibus bellum, cum quibus pacem
 habeamus, se modum imponere, æquum censet:
 circumscribit includitque nos terminis montium,
 fluminumque, quos ne excedamus; neque eos,
 quos statuit, terminos observat. Ne transferis
 Iberum: ne quid rei tibi sit cum Saguntinis: ad
 Iberum est Saguntum: nusquam te vestigio mo-
 veris. Parum est, quod veterrimas provincias
 nostras, Siciliam, ac Sardiniam, ademisti, vi-
 si adimat etiam Hispaniam: & si inde cesseris,
 in Africam transcendet. transcendet autem di-
 eo? duos Consules hujus anni, unum in Afri-
 cam, alterum in Hispaniam misere. nihil us-
 quam nobis relictum est, nisi quod armis vin dica-
 verimus. illis timidis & ignavis licet esse, qui
 receptum habent, quos suus ager, sua terra per-
 ruta ac pacata itinera fugientes accipient: vobis
 necesse est fortibus viris esse, & omnibus inter vi-
 ctorem mortemve certa desperatione obrutis, aut
 vincere, aut, si fortuna dubitabit, in prælio po-
 tius, quam in fugam mortem oppetere. Si hoc
 bene fixum omnibus, destinatumque in animo est:
 iterum dicam, vicistis. nullum* incitamentum
 ad vincendum homini a diis immortalibus acrius
 datum est.

al.
 mo-
 men-
 tum.

CAPUT XVIII.

Imminente certamine, suos Annibal spe præmiorum accendit: commisso ad Ticinum omnem equestri pralio, Romanos fundit: vulneratum P. Corn. Scipionem Cos. filius servat.

45. **H**IS adhortationibus cum utrinque ad certamen accensi militum animi essent, Romani ponte Ticinum jungunt, tutandique pontis causa, castellum superimponunt. Pœnus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit; Gallis parci quam maxime jubet, principumque animos sollicitare ad defectionem. Ponte perfecto, traductus Romanus exercitus in agrum Insubrium, quinque millia passuum a vico tumultis confedit. Ibi Annibal castra habebat: revocatoque propere Maharbale, atque equitibus, cum instare certamen cerneret, nihil unquam satis dictum, præmonitumque ad cohortandos milites ratus, vocatis ad concionem certa præmia pronuntiat, in quorum spem pugnarent: agrum sese daturum esse in Italia, Africa, Hispania, ubi quisque velit, immunem ipsi, qui accepisset, liberisque: qui pecuniam, quam agrum maluisset, ei se argento satisfacturum: qui sociorum Carthaginienes cives fieri vellent, potestatem facturum: qui domos redire mallet, daturum se operam, ne cuius suorum popularium immutatam secum fortunam esse vellent: servis quoque domi-

nos persecutis libertatem promittit, binæque pro his mancipia dominis se redditorum. Eaque ut rata scirent fore, agnum læva manu, dextra silicem retinens, si falleret, Jovem, cæterosque precatus deos, ita se mactarent, quemadmodum ipse agnum mactasset, secundum precationem caput pecudis saxo elisit. Tum vero omnes, velut diis auctoribus in spem suam quisque acceptis, id moræ, quod nondum pugnarent, ad potienda sperata rati; prælium uno animo & una voce poscunt. Apud Romanos haudquaquam tanta alacritas erat, super cætera recentibus etiam territos prodigiis. nam & lupus intraverat castra, laniatisque obviis, ipse intactus evaserat: & examen apum in arbore prætorio imminente confederat. Quibus procuratis, Scipio cum equitatu, jaculatoribusque expeditis profectus ad castra hostium, exque propinquo copias, quantæ & cujus generis essent, specularandas, obviis sit Annibali, & ipsi cum equitibus ad exploranda circa loca progressio. Neutri alteros primo cernebant. densior deinde incessu tot hominum equorumque oriens pulvis, signum propinquantium hostium fuit. constitit utrinque agmen, & prælio sese expediebant. Scipio jaculatores, & Gallos equites in fronte locat; Romanos, sociorumque quod roboris fuit, in subsidiis. Annibal frænatos equites in medium accipit, cornua Numidis firmat. Vixdum clamore sublato, jaculatores fugere inter subsidia ad secundam aciem. inde equitum certamen erat aliquandiu anceps. deinde quia turbabant equos pedites intermissi, multis labentibus ex equis, aut.

aut defilientibus, ubi suos premi circumventos vidissent, jam magna ex parte anceps pugna erat: donec Numidæ, qui in cornibus erant, circumvecti, paululum ab tergo se ostendere. Is pavor perculit Romanos: auxitque pavorem consulis vulnus, periculumque intercursum tum primum pubescentis filii propulsatum. Hic erat juvenis, penes quem perfecti bujusce belli laus est, Africanus ob egregiam victoriam de Annibale, & de Pœnis appellatus. Fuga tamen effusa jaculatorum maxime fuit, quos primos Numidæ invaserunt. Alius confertus equitatus consulem in medium acceptum, non armis modo, sed etiam corporibus suis protegens, in castra, nusquam trepide neque effuse cedendo, reduxit. Servati consulis decus Cœlius ad servum natione Ligurem delegat. Malim equidem de filio verum esse, quod & plures tradidere auctores. servum fama obtinuit.

CAPUT XIX.

Cedentes ad Padum Romanos insequutus Annibal, rescisso ab illis ponte, cogitur subsistere: paulo post, trajecto exercitu, haud procul Placentia, quo hostis pervenerat, castra locat: transfugientes ab Rom. Gallos auxiliares benigne accipit: inde cum ad Trebiam uterque exercitus consedisset; Annibal Clastidio cum magna frumenti copia potitur.

47 **H**OC primum cum Annibale prælium fuit, quo facile apparuit, & equitatu meliorem Pœnum esse, & ob id campos patentes, quales sunt inter Padum Alpesque, bello gerendo Romanis aptos non esse. Itaque

quæ proxima nocte jussis militibus vasa silentio colligere, castra ab Ticino mota, festinatumque ad Padum est, ut ratibus, quibus junxerat flumen, nondum resolutis, sine tumultu atque insectatione hostis, copias trajiceret. Prius Placentiam pervenere, quam satis sciret Annibal ab Ticino profectos: tamen aliquot moratorum in citeriore ripa segniter ratem solvantes cepit: transire non potuit pontem, quod extrema resoluta erant, tota rate in secundam aquam labente. Coelius auctor est, Magonem cum equitatu, & Hispanis peditibus flumen extemplo transnataisse: ipsum Annibalem per superiora Padi vada exercitum traduxisse, elephantis in ordinem ad sustinendum impetum fluminis oppositis. Ea periti amnis ejus vix fecerint. nam neque equites armis equisque salvis tantam vim fluminis superasse, verisimile est, ut jam Hispanos omnes inflati transvexerint utres: & multorum dierum circuitu Padi vada petenda fuerant, qua exercitus gravis impedimentis traduci posset. Potiores apud me auctores sunt, qui biduo vix locum rate jungendo flumini inventum tradunt, ea cum Magone equites Hispanorum expeditos præmissos. Dum Annibal, citra flumen legationibus Gallorum audiendis moratus, trajicit gravius peditum agmen: interim Mago, equitesque ab transitu fluminis diei unius itinere Placentiam ad hostes contendunt. Annibal paucis post diebus sex millia a Placentia castra communivit, & postero die in conspectu hostium acie directa, potestatem pugnae fecit. Insequenti nocte cædes in castris Romanis, tumultu tamen, quam re major, ab auxiliariis Gallis facta est. Ad duo millia peditum, & ducenti equites,

tes, vigilibus ad portas trucidatis, ad Annibalem transfugiunt: quos Pœnus benigne allocutus, spe ingentium donorum accensos, in civitates quenque suas, ad sollicitandos popularium animos dimisit. Scipio eadem eam signum defectionis omnium Gallorum esse ratus, contactosque eo scelere, velut injecta rabie, ad arma ituros: quamquam gravis adhuc vulnere erat, tamen quarta vigilia noctis insequentis tacito agmine profectus ad Trebiam fluvium, in loca altiora, collesque impeditiores equiti, castra movet. Minus, quam ad Ticinum, fefellit: missisque Annibal primum Numidis, deinde omni equitatu, turbasset utique novissimum agmen, ni aviditate prædæ in vacua Romana castra Numidæ divertissent. Ibi dum perscrutantes loca omnia castrorum, nullo satis digno moræ pretio tempus terunt, emissus hostis de de manibus est. & cum jam transgressos Trebiam Romanos, metantelque castra conspexissent, paucos moratorum occiderunt citra flumen interceptos. Scipio nec vexationem vulneris in via * jactantis ultra patienti, & collegam (jam enim revocatum ex Sicilia audierat) ratus expectandum, locum, qui prope flumen tutissimus stativis est visus, delectum communivit. Nec procul inde Annibal cum consedisset, quantum victoria equestri elatus, tantum anxius inopia, quæ per hostium agros euntem, nusquam præparatis com meatibus, major in dies excipiebat, ad Clastidium vicum, quo magnum frumenti numerum congesserant Romani, mittit. Ibi cum vim pararent, spes facta prodicionis: nec sane magno pretio, nummis aureis quadringentis datis P. Brundusino præfecto

* al.
jacta-
ti.

fecto præsidii corrupto, traditur Annibal-
 Clastidium: id horreum fuit Pœnis sedenti-
 bus ad Trébiā. In captivos ex tradito præ-
 sidio, ut fama clementiæ in principio rerum
 colligeretur, nihil sævitum est.

CAPUT XX.

*Ante adventum Scipionis Cos. in Siciliam, Æ-
 milius prætor, datis navibus ab Hierone
 rege Syracusanorum, cum classe Carthagi-
 niensium, Lilybaum festinante, prospero
 concreditur: superveniens Sempronius Cos.
 fufis, & captis hostium navibus, & ipse
 rem feliciter gerit.*

CUM ad Trébiā terrestre constitisset bel- 49
 lum, interim circa Siciliam insulaeque
 Italiæ imminentes, & a Sempronio consu-
 le, & ante adventum ejus terra marique res
 gestæ. Viginti quinqueres cum mille ar-
 matis ad depopulandam oram Italiæ a Car-
 thaginensibus missæ, novem Liparas, octo
 insulam Vulcani tenuerunt, tres in fretum
 avertit æstus. Ad eas conspectas a Messana
 duodecim naves ab Hierone rege Syracusa-
 norum missæ, qui tum forte Messanæ erat
 consulem Romanum opperiens, nullo repu-
 gnante, captas naves Messanam in portum
 deduxerunt. Cognitum ex captivis, præter
 viginti naves, cujus ipsi classis essent, in Ita-
 liam missas, quinque & triginta alias quin-
 queres Siciliam petere ad sollicitandos ve-
 teres socios. Lilybæi occupandi præcipuam
 curam esse credere, eadem tempestate, qua
 ipsi disjecti forent, eam quoque classem ad
 Ægates insulam dejectam. Hæc sicut audita
 erant Messanæ, rex Æmilio prætori, cujus
 Sici-

Sicilia erat Provincia, perscribit: monetque, Lilybæum firmo teneret præsidio. Extemplo & circa prætorem ad civitates missi legati, tribunique, qui suos ad curam custodiæ intenderent. ante omnia Lilybæum teneri ad apparatus belli: edicto proposito, ut focii navales decem dierum costa cibaria ad naves deferrent: ubi signum datum esset, ne quis moram conscendendi faceret: perque omnem oram qui erant, ex speculis conspicerent adventantem hostium classem. Simul itaque, quanquam de industria morati cursum navium erant Carthaginienſes, ut ante lucem accederent Lilybæum: præsumsum tamen est, quia & luna pernox erat, & sublati armamentis veniebant. extemplo datum e speculis signum, & in oppido ad arma conclamatum est, & in naves conscensum. pars militum in muris portarumque stationibus, pars in navibus erant. Et Carthaginienſes, quia rem fore haud cum imparatis cernebant, usque ad lucem portu se abstinuerunt: demendis, armamentis eo tempore, aptandaque ad pugnam classe absumpto. Ubi illuxit, recepere classem in altum, ut spatium pugne esset, exitumque liberum e portu naves hostium haberent. Nec Romani detrectare pugnam, & memoria circa ea ipsa loca gestarum rerum freti, & militum multitudine, ac virtute.

50 Ubi in altum eVecti sunt, Romanus conferrere pugnam, & ex propinquo vires conferre velle. contra eludere Pœnus, & arte, non vi rem gerere, naviumque, quam virorum, aut armorum malle certamen facere. nam ut fociiis navalibus affatim instructam classem, ita inopem milite habebat: & sic ubi conferta manus esset, haudquaquã par numerus armorum ex ea pugnabat, Quod ubi animadversum

sum est, & Romanis multitudo sua auxit animum, & paucitas illis minuit. Extemplo septem naves Punicæ circumventæ, cæteræ fugam ceperunt. Mille & DCC. fuere in navibus capti milites, nautæque, in iis tres nobiles Carthaginiensium, classis Romana incolumis, una tantum perforata navi, sed ea quoque ipsa reduce, in portum rediit. Secundum hanc pugnam, nondum gnaris eis, qui Messanæ erant, T. Sempronius consul Messanam venit. Ei fretum intranti rex Hiero classem ornata[m] obviam duxit. transgressusque ex regia in prætoriam navem, gratulatus fospitem cum exercitu & navibus advenisse, precatusque prosperum ac felicem in Siciliam transitum, statum deinde insulæ, & Carthaginiensium conata exposuit: pollicitusque est, quo animo priore bello populum Romanum juvenis adjuvisset, eo senem adjuturum: frumenta vestimenta que se legionibus consulis sociisque navalibus gratis præbiturum: grande periculum Lilybæo maritimisque civitatibus esse, & quibusdam volentibus novas res fore. Ob hoc consuli nihil cunctandum visum, quin Lilybæum classem peteret: & rex regiaque classis, una profecti. navigantes inde, pugnatum ad Lilybæum, fusasque & captas hostium naves accepere. A Lilybæo consul, Hierone cum classe regia dimisso, relictoque prætore ad tuendam Siciliæ oram, ipse in insulam Melitam, quæ a Carthaginiensibus tenebatur, trajecit. advenienti Amilcar, Gisgonis filius, præfectus præsidii, cum paulo minus duobus millibus militum, oppidumque cum insula traditur. inde post paucos dies reditum Lilybæum: captivique & a consule & a prætore, præter insignes nobilitate viros, sub

corona venierunt. Postquam ab ea parte factis tutam Siciliam censebat consul, ad insulas Vulcani, quia fama erat stare ibi Punicam classem, trajecit. nec quisquam hostium circa eas insulas inventus. Jam forte transmiserant ad vastandam Italiæ oram: depopulatoque Vibonensi agro, urbem etiam terreabant.

CAPUT XXI.

Sempronius cef. iuffus ex Sicilia ad collegam proficifci, per superum mare Ariminum, inde ad Trebiam pervenit: petentibus auxilium Gallis contra predatores, ab Annibale missos, cessante propter vulnus collega, ipse cum parte copiarum fert opem: aggressus hostes, prospera pugnat: dissentiente deinde nequicquam collega, pralium parat.

REpetenti Siciliam consuli, excursio hostium in agrum Vibonensem facta nuntiatur: literæque a senatu de transitu in Italiam Annibalis, & ut primo quoque tempore collegæ ferret auxilium, missæ traduntur. Multis simul anxius curis, exercitum extemplo in naves impositum, Ariminum supero mari misit: Sex. Pomponio legato cum viginti quinque longis navibus Vibonensem agrum, maritimamque oram Italiæ tuendam attribuit: M. Æmilio prætori quinquaginta navium classem explevit: ipse compositis Siciliæ rebus, decem navibus oram Italiæ legens Ariminum pervenit: inde cum exercitu suo profectus ad Trebiam
 52 flumen, collegæ conjungitur. Jam ambo consules, & quicquid Romanarum virium erat, Annibali oppositum, aut illis copiis de-

defendi posse Romanum imperium, aut spem nullam aliam esse, satis declarabat. Tamen consul alter equestri prælio uno, & vulnere suo minutus, trahi rem malebat: recentis animi alter, eoque ferocior, nullam dilationem patiebatur. Quod inter Trebiam, Padumque agri est, Galli tum incolabant, in duorum præpotentium populorum certamine, per ambiguum favorem, haud dubie gratiam victoris spectantes. Id Romani, ne quid modo moverent, æquo satis, Pœnus periniquo animo ferebat, a Gallis accitum se venisse ad liberandum eos dictitans. Ob eam iram, simul ut præda militem aleret, duo millia peditum, & mille equites, Numidas plerosque, mistos quosdam & Gallos populari omnem deinceps agrum usque ad Padi ripas jussit. Egentes ope Galli, cum ad id dubios servassent animos, coacti ab auctoribus injuriæ ad vindices futuros declinant: legatisque ad consulem missis, auxilium Romanorum terræ ob nimiam cultorum fidem in Romanos laboranti orant. Cornelio nec causa, nec tempus agendæ rei placebat: suspectaque ei gens erat, tum ob infida multa facinora, tum, ut alia vetustate obsolevissent, ob recentem Boiorum perfidiam. Sempronius contra, continendis in fide sociis maximum vinculum esse, primos, qui coissent, ope defensos, censebat. Tum collega cunctante, equitatum suum, mille peditum jaculatoribus ferme admistis, ad defendendum Gallicum agrum trans Trebiam mittit. hi sparsos & incompósitos, oneratosque præda plerosque cum inopinautes invasissent, ingentem terrorem, cædemque ac fugam usque ad castra, stationesque hostium fecere: unde mul-

53 titudine effusa pulsi, rursus subsidio suorum prælium restituere. Varia inde pugna sequentes, quanquam ad extremum æquassent certamen, major tamen hostium Romanis fama victoriæ fuit. Cæterum nemini omnium major, justiorque, quam ipsi consuli, videri. gaudio efferri, *qua parte copiarum alter consul victus foret, ea se vicisse. restitutos ac resectos militum animos, nec quenquam esse, præter collegam, qui dilatam dimicationem vellet. cum animo magis, quam corpore sgrum, memoria vulneris, aciem, ac tela horrere. sed non esse cum agro senescendum. quid enim ultra differri, aut teri tempus? quem tertium consulem, quem alium exercitum expectari? castra Carthaginensium in Italia, ac prope in conspectu urbis esse. non Siciliam, ac Sardiniam victis ademptas, nec cis Iberum Hispaniam peti: sed solo patrio, terraque, in qua geniti forent, pelli Romanos. Quantum ingemiscant, inquit, patres nostri circa mœnia Carthaginis bellare soliti, si videant nos, progeniem suam, duos consules, consularesque exercitus in media Italia paventes intra castra? Pœnum, quod inter Alpes, Apenninumque agri sit; sua divisionis fecisse? Hæc assidens ægro collegæ, hæc in prætorio prope concionabundus agere. stimulabat & tempus propinquum committorum, ne in novos consules bellum differretur; & occasio in se unum vertendæ gloriæ, dum æger collega erat. Itaque nequicquam dissentiente Cornelio, parari ad propinquum certamen milites jubet.*

CAPUT XXII.

Annibal, instante cum Romanis certamine, collocat in insidiis Magonem fratrem: per Numidarum equitatum pertractus citra Trebiam, frigore, & fame fessos totis viribus invadit: mox exorto Magone ex insidiis, late cadit, & fugat: ex ea clade magnus in Urbe terror.

ANnibal, cum quid optimum foret hosti, cerneret: vix ullam spem habebat, temere atque improvide quicquam consules acturos. sed cum alterius ingenium fama prius, deinde recognitum, percitum ac ferox sciret esse, ferociusque factum ex profpero cum prædatoribus suis certamine crederet: adesse gerendæ rei fortunam haud diffidebat. cujus ne quod prætermitteret tempus, sollicitus, intentusque erat, dum tiro hostium esset miles: dum meliorem ex ducibus inutilem vulnus faceret: dum Gallorum animi vigerent: quorum ingentem multitudinem sciebat segnius secuturam, quanto longius ab domo traheretur. Cum ob hæc, taliaque speraret propinquum certamen, & facere, si cessaretur, cuperet: speculatoresque Galli ad ea exploranda, quæ vellet, tutiores, quia in utrisque castris militabant, paratos pugnæ esse Romanos retulissent: locum insidiis circumspectare Pœnus cœpit. Erat in medio rivus præaltis utrinque clausus ripis, & circa obsitus palustribus herbis, & quibus inculta ferme vestiuntur, virgultis, vepribusque. quem ubi ad equites quoque tegendos satis latebrosam locum circumvectus ipse oculis perlustravit: *hic erit locus*, Magoni fratri ait, *quem tenens, delige centenos viros ex omni*

54

pedite, atque equite: cum quibus ad me vigiliæ prima venias, nunc corpora curare tempus est. Ita prætorium missum, mox cum delectis Mago aderat. *Robora virorum cerno,* inquit Annibal: *sed ut & numero etiam, non animis modo valeatis, singulis vobis novenos ex turmis, manipulisque vestri similes eligite.* Mago locum monstrabit, quem insideatis. *hostem cacum ad has belli artes habebitis.* Ita mille equitibus Magoni, mille peditibus dimissis, Annibal prima luce Numidas equites, transgressos Trebiam flumen, obequitare jubet hostium portis, jaculandoque in stationes elicere ad pugnam hostem: injecto deinde certamine, cedendo sensim citra flumen, pertrahere. Hæc mandata Numidis. cæteris ducibus peditum equitumque præceptum, ut prandre omnes juberent: armatos deinde, instratisque equis signum expectare. Sempronius ad tumultum Numidarum primum omnem equitatum, ferox ea parte virium, deinde sex millia peditum, postremo omnes copias ad destinatum locum jam ante consilio, avidus certaminis eduxit. Erat forte brumæ tempus, & nivalis dies in locis Alpibus Appenninoque interjectis, propinquitatem etiam fluminum ac paludum prægelidis. ad hæc raptim eductis hominibus atque equis, non capto ante cibo, non ope ulla ad arcendum frigus adhibita, nihil caloris inerat: & quicquid auræ fluminis appropinquabat, afflabat acrior frigoris vis. ut vero refugientes Numidas insequentes aquam ingressi sunt: (& erat pectoribus tenuis aucta nocturno imbri) tum utique egressis rigere omnibus corpora, ut vix armorum tenendorum potentia esset: & simul procedente jam die, fame etiam

55 deficere. Annibalis interim miles, ignibus ante.

ante tentoria factis, oleoque per manipulos, ut mollirent artus, misso, & cibo per otium capto, ubi transgressos flumen nuntiatus est hostes, alacer animis corporibusque arma capit, atque in aciem procedit. Baleares locat ante signa, levemque armaturam, octo ferme millia hominum: deinde graviolem armis peditem, quod virium, quod roboris erat: in cornibus circumfundit decem millia equitum, & ab cornibus in utranque partem divisos elephantos statuit. Consul effusos sequentes equites, cum ab resistentibus subito Numidis incauti exciperentur, signo receptui dato, revocatos circumdedit peditibus. Duodeviginti millia Romanorum erant, socium nominisque latini XX. auxilia præterea Cænonomanorum. ea sola in fide manserat Gallica gens. his copiis concursus est. Prælium a Balearibus ortum est; quibus cum majore robore legiones obsisterent, deductæ propere in cornua leves armaturæ sunt. quæ res effecit, ut equitatus Romanus exemplo urgeretur. nam cum vix jam per se resisterent decem millibus equitum quatuor millia, & plerique fessi, intégris Pœnis, obruti sunt insuper velut nube jaculorum a Balearibus coniecta: ad hoc elephantum eminentes ab extremis cornibus, equis maxime non visu modo, sed odore insolito territis, fugam late faciebant. Pedestris pugna par animis magis, quam viribus erat, quas recentes Pœnus paulo ante curatis corporibus in prælium attulerat: contra, jejuna fessaque corpora Romanis, & rigentia gelu torpebant. restitissent tamen animis, si cum peditum solum foret pugnatum: sed & Baleares pulso equite jaculabantur in

latera, & elephanti jam in mediam peditum
 aciem sese tulerant: & Mago Numidæque,
 simul latebras eorum improvida præterlata
 acies est, exorti a tergo ingentem tumultum
 ac terrorem fecere. Tamen in tot circum-
 stantibus malis mansit aliquandiu immota
 acies, maxime præter spem omnium adver-
 sus elephantos. eos pedites ad id ipsum loca-
 ti verutis coniectis & avertere, & insecuti
 56 aversos sub caudis, qua maxime molli cute
 vulnera accipiunt, fodiebant. Trepidantes,
 propeque jam in suos consternatos media acie
 in extremam, ad sinistrum cornu, adversus
 Gallos auxiliares agi jussit Annibal. exem-
 plo haud dubiam fecere fugam. additus quo-
 que novus terror Romanis, ut fusa auxilia
 sua viderunt. itaque cum jam in orbem utrin-
 que pugnarent, decem millia ferme homi-
 num, cum alia evadere nequivissent, media
 Afrorum acie, quæ Gallicis auxiliis firmata
 erat, cum ingenti cæde hostium perrupere.
 Et cum neque in castra reditus esset, flumine
 interclusis, neque præ imbris satis decernere
 possent, qua suis opem ferrent, Placentiam
 recto itinere perrexere. Plures deinde in
 omnes partes eruptiones factæ, & qui flu-
 men petiere, aut gurgitibus absumpti sunt,
 aut inter cunctationem ingrediendi ab hosti-
 bus oppressi. qui passim per agros fuga sparsi
 erant, vestigia sequentes cedentis agminis,
 Placentiam contendere. aliis timor hostium
 audaciam ingrediendi flumen fecit, trans-
 gressique in castra pervenere. Imber nive mi-
 stus, & intoleranda vis frigoris & homines
 multos, & jumenta, & elephantos prope
 omnes absumpsit. Finis insequendi hostis
 Pœnis flumen Trebia fuit: & ita torpentes
 gelu in castra rediere, ut vix lætitiâ victo-
 riæ

riæ sentirent. Itaque nocte insequenti cum præsidium Romanorum castrorum, & quod reliquum ex magna parte militum erat, rati-
bus Trebiam trajicerent: aut nihil sentire Pœni, obstrepente pluvia; aut, quia jam mo-
veri præ lassitudine nequibant, ac vulneri-
bus, sentire sese dissimulaverunt: quietisque
Pœnis, tacito agmine ab Scipione consule
exercitus Placentiam est perductus: inde Pa-
do trajectus Cremonam, neduorum exerci-
tuum hibernis una colonia premeretur. Ro- 57
mam tantus terror ex hac clade perlatus est,
ut jam ad urbem Romam crederent infestis
signis hostem venturum: nec quicquam spei
aut auxilii esse, quo portis mœnibusque vim
arcerent. *Uno consule ad Ticinam victo, altero
ex Sicilia revocato, duobus consulibus, duobus
consularibus exercitibus victis, quos alios duces,
quas alias legiones esse, qua accerferentur? Ita
territis Sempronius consul advenit; ingenti
periculo per effusos passim ad prædandum ho-
stium equites, audacia magis, quam consi-
lio aut spe fallendi resistendive; si non falle-
ret, transgressus. Id quod unum maxime in
præsentia desiderabatur, comitiis consulari-
bus habitis, in hiberna rediit. Creati con-
sules Cn. Servilius, & C. Flaminius.*

CAPUT XXIII.

*Ab Emborii oppugnatione repulsus Annibal,
ad Virunviam oppugnandas se convertit:
quamvis deditas, crudeliter diripit.*

CÆterum ne hiberna quidem Romanis U.C.
quieta erant, vagantibus passim Nu- 533
midis equitibus, &, quæ his impeditio-
ra erant, Celtiberis, Lusitanisque. Omnes

igitur clausi undique commeatus erant, nisi quos Pado naves subveherent. Emporium prope Placentiam fuit, & opere magno munitum, & valido firmatum præsidio. Ejus castelli oppugnandi spe cum equitibus, ac levi armatura profectus Annibal, cum plurimum in celando incœpto ad effectum spei habuisset, nocte adortus non fefellit vigiles. tantus repente clamor est sublatus, ut Placentiæ quoque audiretur. Itaque sub lucem cum equitatu consuladerat, jussis quadrato agmine legionibus sequi. Equestre prælium interim commissum: in quo, quia Annibal saucius pugna excessit, pavore hostibus iniecto, defensum egregie præsidium est. Paucorum inde dierum quiete sumpta, & vixdum satis percurato vulnere, ad Vicumvias ire pergit oppugnandas. Id emporium a Romanis Gallico bello fuerat munitum. inde locum frequentaverant accolæ missi undique ex finitimis populis; & tum terror populationum eo plerosque ex agris compulerat. Hujus generis multitudo fama impigre defensi ad Placentiam præsidii accensa, armis arreptis, obviam Annibali procedit. Magis agmine, quam acie, in via concurrerunt. & cum ex altera parte nihil præter inconditam turbam esset, in altera & dux militi, & duci fidens miles, ad triginta quinque millia hominum a paucis fusa. Postero die deditione facta, præsidium intra mœnia accipere: jussique arma tradere, cum dicto paruisent, signum repente victoribus datur, ut, tanquam vi captam, urbem diriperent. neque ulla, quæ in tali re memorabilis scribentibus videri solet, prætermissa clades est. adeo omnis libidinis, crudelitatisque, & inhumanæ superbæ editum in miseros exemplum.

CAPUT XXIV.

Tendentem per Apenninum in Etruriam Annibalem atrox tempestas cum maxima vexatione adoritur: retro degressus cum Sempronio Cos. dubia pugna concreditur: post eam in Liguriam pergit.

HÆ fuere hibernæ expeditiones Annibalis. 58
 Haud longis inde temporibus, dum intolerabilia frigora erant, quies militi data est: & ad prima ac dubia signa veris profectus ex hibernis, in Etruriam ducit, eam quoque gentem, sicut Gallos, Liguresque, aut vi, aut voluntate adjuncturus. Transeuntem autem Apenninum adeo atrox tempestas adorta est, ut Alpium feritatem prope superaverit. Vento mistus imber cum ferretur in ipsa ora: primum, quia aut arma omittenda erant, aut contra enitentes vortice intorti affligebantur, constitere. deinde cum jam spiritum intercluderet, nec reciprocare animam sine-
 ret, aversi a vento parumper confedere. Tum vero ingenti sono cœlum strepere, & inter horrendos fragores micare ignes. capti auribus & oculis, metu omnes torpere. Tandem effuso imbre, cum eo magis accensa vis venti esset, ipso illo, quo deprehensi erant, loco castra ponere necessarium visum est. Id vero laboris velut de integro initium fuit. nam nec explicare quicquam, nec statuere poterant: nec quod statutum esset, manebat, omnia perscindente vento, & rapiente. & mox aqua levata vento, cum super gelida montium cacumina concreta esset, tantum nivosa grandinis dejecit, ut omnibus omissis procumberent homines,

tegminibus suis magis obruti , quam tecti . tantaque vis frigoris infecuta est , ut ex illa miserabili hominum jumentorumque strage cum se quisque attollere , ac levare vellet , diu nequiret : quia torpentibus rigore nervis , vix flectere artus poterant : deinde ut tandem agitando sese movere , ac recepere animos , & raris locis ignis fieri est cœptus , ad alienam opem quisque inops tendere . Bidduum eo loco velut obsessi mansere . multi homines , multa jumenta , elephantiquoque ex his , qui prælio ad Trebiam facto super-
 39 fuerant , septem absumpti . Digressus Apennino retro ad Placentiam castra movit , & ad decem millia progressus confedit . Postero die XII. millia peditum , quinque equitum adversus hostem ducit . Nec Sempronius consul (jam enim redierat ab Roma) detrectavit certamen . atque eo die tria millia passuum inter bina castra fuere . Postero die ingentibus animis , vario eventu pugnatum est . primo concursu adeo res Romana superior fuit , ut non acie vincerent solum , sed pul-
 sos hostes in castra persequerentur : mox castra quoque oppugnarent . Annibal paucis propugnatoribus in vallo portisque positis , cæteros confertos in media castra recepit : intentosque signum ad erumpendum spectare jubet . Jam nona ferme diei hora erat , cum Romanus , nequicquam fatigato milite , postquam nulla spes erat potiundi castris , signum receptui dedit . quod ubi Annibal accepit , laxaramque pugnam , & recessum a castris vidit , extemplo equitibus dextra lævaque emissis in hostem , ipse cum peditum robore de his castris erupit . Pugna raro ulla magis sæva : & cum utriusque partis perniciæ clarior fuisset , si exten-
 di

di ea dies in longum spatium quivisset. nox accensum ingentibus animis prælium diremit. itaque acrior concursus fuit, quam cædes. & sicut æquata ferme pugna erat, ita clade pari discessum est. ab utraque parte sexcentis plus peditibus, & dimidium ejus equitum cecidit. sed major Romanis, quam pro numero, jactura fuit: quia equestris ordinis aliquot, & tribuni militum quinque, & præfecti sociorum tres sunt interfecti. Secundum eam pugnam Annibal in Ligures, Sempronius Lucam concessit. Venienti in Ligures Annibali; per insidias intercepti duo quæstores Romani, C. Fulvius, & L. Lucretius, cum duobus tribunis militum, & quinque equestris ordinis senatorum ferme liberis, quo magis ratam fore cum his pacem societatemque crederet, traduntur.

CAPUT XXV.

Cn. Cornelius Scipio in Hispania prospere pugnât, & cum Pœnis, capto Annone duce, & cum Pœnorum sociis populis, castris Lacetanis.

DUM hæc in Italia geruntur, Cn. Scipio in Hispaniam cum classe & exercitu missus, cum ab ostio Rhodani profectus, Pyrenæosque mentes circumvectus, Emporiis appulisset classem; exposito ibi exercitu, orsus a Lacetanis, omnem oram usque ad Iberum flumen, partim renovandis societatibus, partim novis instituendis, Romanæ ditionis fecit. inde conciliata clementiæ fama, non ad maritimos modo populos, sed in mediterraneis quoque ac montania ad ferociore jam gentes valuit; nec
pax

pax modo apud eos, sed societas etiam armorum parata est: validæque aliquot auxiliorum cohortes ex his conscriptæ sunt. Anno non infcius in Iberi provincia erat. eum reliquerat Anniбал ad regionis ejus præsidium. Itaque prius, quam alienarentur omnia, obviam eundum ratus, castris in conspectu hostium positis, in aciem eduxit. Nec Romano differendum certamen visum; quippe qui sciret cum Annone, & Asdrubale sibi dimicandum esse, malletque adversus singulos separatim, quam adversus duos simul rem gerere. Nec magni certaminis ea dimicatio fuit. Sex millia hostium cæsa, duo capta cum præsidio castrorum. nam & castra expugnata sunt, atque ipse dux militum cum aliquot præsidiis capitur: & Stissum, propinquum castris oppidum, expugnatur. cæterum præda oppidi parvi pretii rerum fuit, supellex barbarica, ac vilium mancipiorum. castra militem ditavere, non ejus modo exercitus, qui victus erat, sed & ejus, qui cum Annibale in Italia militabat, omnibus fere caris rebus, ne gravia impedimenta ferentibus essent, citra Pyrenæum relictis.

¶ Prius quam certa hujus cladis fama accideret, transgressus Iberum Asdrubal cum octo millibus peditum, mille equitibus, tanquam ad primum adventum Romanorum occursum, postquam perditas res, amissaque castra accepit, iter ad mare convertit. Haud procul Tarracone classicos milites, navalesque socios, vagos palantesque per agros (quod ferme fit, ut secundæ res negligentiam creent) equite passim dimisso, cum magna cæde, majore fuga ad naves compellit. nec diutius circa ea loca morari ausus, ne a Scipione opprimeretur, trans Iberum sese

recepit. Et Scipio raptim ad famam novorum hostium agmine accito, cum in paucos præfectos paululum animadvertisset, præsidio Tarracone modico relicto, Emporias cum classe rediit. Vixdum digressus eo, Asdrubal aderat: & Iltergetum populo, qui obsides Scipioni dederat, ad defectionem impulsio, cum eorum ipsorum juventute agros fidelium Romanis sociorum vastat. Excito deinde Scipione hibernis, toto cis Iberum rursus cedit agro. Scipio relictam ab auctore defectionis Iltergetum gentem cum infesto exercitu invasisset, compulsis omnibus, Athanagiam urbem, quæ caput ejus populi erat, circumfedit: intraque dies paucos pluribus quam ante obsidibus imperatis, Iltergetes pecunia etiam multatos in jus ditionemque recepit. inde in Aufetanos prope Iberum, socios & ipsos Prænorum, procedit: atque urbe eorum obsessa, Lacetanos auxilium finitimis ferentes, nocte haud procul jam urbe, cum intrare vellent, excepit insidiis. Cæsa ad XII. millia; exuti pene omnes armis, domos, passim palantes per agros, diffugere. nec obsessos alia ulla res, quam iniqua oppugnantibus hyems tutabatur. XXX. dies obsidio fuit: per quos raro unquam nix minus quatuor pedes alta jacuit: adeoque pluteos ac vineas Romanorum operuerat, ut ea sola, ignibus aliquoties coniectis ab hoste, etiam tutamentum fuerit. Postremo cum Amu- 62. situs, princeps eorum, ad Asdrubalem profugisset, XX. argenti talentis pacti deduntur. Tarraconem in hiberna reditum est.

CAPUT XXVI.

Prodigia, & eorum in urbe procuratio.

ROmæ autem, & circa urbem multa ea hyeme prodigia facta: aut (quod evenire solet motis semel in religionem animis) multa nuntiata, & temere credita sunt. in queis ingenuum infantem semestrem in foro olitorio triumphum clamasse: & foro boario bovem in tertiam contignationem sua sponte scandisse, atque inde tumultu habitatorum territum sese dejecisse: & navium speciem de cœlo affulsisse: & ædem Spei, quæ in foro olitorio est, fulmine ictam: & Lanuvii hastam se commovisse; & corvum in ædem Junonis devolasse, atque in ipso pulvinario consedissee: & in agro Amiternino multis locis hominum species procul candida veste visas, nec tamen cum ullo congressos: & in Piceno lapidibus pluuisse: & Cære sortes extenuatas: & in Gallia lupum vigili gladium e vagina raptum abstulisse. Ob cætera prodigia libros adire Decemviri jussi. quod autem lapidibus pluisset in Piceno, novendiale sacrum edictum, & subinde aliis procurandis, prope tota civitas operata fuit. Jam primum omnium urbs lastrata est: hostiæque majores, quibus edictum est, diis cæsæ: & donum ex auri pondo XL. Lanuvium Junoni portatum est: & signum æneum matronæ Junoni in Aventino ædificaverunt: & lectisternium Cære, ubi sortes extenuatæ erant, imperatum; & supplicatio Fortunæ in Algido: Romæ quoque & lectisternium Juventæ, & supplicatio ad ædem Herculis, nominatim deinde universo populo circa omnia pulvinaria indicta: &

Ge.

Genio majores hostiæ cæsæ quinque: & C. Atilius Serranus prætor vota suscipere jussus, si in X. annos Resp. eodem stetisset statu. Hæc procurata vota que ex libris sibyllinis magna ex parte levaverant animum religione.

CAPUT XXVII.

C. Flaminius cos. designatus, cum timeret, ne a senatu, quem jam sibi fecerat infestum, in Urbe retineretur, neglectis Roma auspiciis, privatus clam abis in provinciam: ab iratis Patribus revocatus, minime paret: inito Arimini magistratu, immolanti triste omen obicitur.

Consulum designatorum alter Flamin- 63
nius, cui ex legiones, quæ Placentiæ hibernabant, forte evenerant, edictum & literas ad consulem misit, ut is exercitus idibus Martiis Arimini adesset in castris. Huic in provincia consulatum inire consilium erat, memori veterum certaminum cum patribus, quæ tribunus plebis, & quæ postea consul, prius de consulatu qui abrogabatur, dein de triumpho habuerat: invisus etiam senatui ob novam legem, quam inique Q. Claudius tribunus pl. adversus senatum, uno patrum adjuvante C. Flaminio, tulerat: ne quis senator, quive senatoris pater fuisset, maritimam navem, quæ plusquam trecentarum amphorarum esset, haberet. id satis habitum ad fructus ex agris vestandos. Quæstus omnis patribus indecorus visus est. Res per summam contentionem acta, invidiam apud nobilitatem sua fori legis Flaminio, favorem apud plebem, alterumque inde consulatum peperit.

perit. Ob hoc ratus auspiciis ementiendis, Latinarumque feriarum mora, & consularibus aliis impedimentis retenturos se in urbe, simulato itinere, privatus clam in provinciam abiit. Ea res ubi palam facta est, novam insuper iram infestis jam ante patribus movit. Non cum senatu modo, sed cum diis immortalibus C. Flaminium bellum gere-
 re. Consulem ante inauspicato factum, revocantibus ex ipsa arce diis, atque hominibus
 * al. non paruisse: & nunc, conscientia. * praterito-
 spre. rum, & Capitolium, & solemnem votorum
 torū. nuncupationem fugisse: ne diei iuxta magistratus Jovis Opt. Max. templum adiret: ne senatum invisus ipse, & sibi uni invisum videret, consulereque, ne Latinas indiceret: Jovique Latiali solenne sacrum in monte Albano faceret: ne auspicato profectus in Capitolium ad vota nuncupanda, paludatus inde ad provinciam iret. Lixæ modo sine insignibus, sine libellis profectum clam, furtim, haud aliter, quam si exilii causa solum vertisset: magis pro maiestate videlicet imperii Arimini, quam Roma magistratum initurum: & in diversorio hospitale, quam apud penates suos pretextam sumpturum. Revocandum universi, retrahendumque censuerunt: & cogendum omnibus prius præsentem in deos hominesque fungi officiis, quam ad exercitum, & in provinciam iret. In eam legationem (legatos enim mitti placuit) Q. Terentius, & M. Antistius profecti nihilo magis eum movere, quam priori consulatu literæ moverant a senatu missæ. Paucos post dies magistratum iniit: immolantique ei vitulus iam ictus e manibus sacrificantium sese cum proripuisse, multos circumstantes cruore respersit. Fuga procul etiam major apud
 igna.

ignaros quid trepidaretur, & concursatio fuit. id a plerisque in omen magni terroris acceptum. Legionibus inde duabus a Sempronio, prioris anni consule, duabus a C. Atilio prætore acceptis, in Etruriam jam per Apennini tramites exercitus duci est cœptus.

DECADIS TERTIÆ

LIBER SECUNDUS.

CAPUT I.

Annibal a Gallis, quorum terras diu morando premebat, insidiis petitur: iis evitatis, maturius ex hibernis profisciscitur.



Am ver appetebat, cum Annibal ex hibernis movit, & nequicquam ante conatus transcendere Apenninum intolerandis frigoribus, & cum ingenti periculo moratus; ac metu. Galli, quos prædæ populationumque conciverat spes, postquam pro eo ut ipsi ex alieno agro raperent, agerentque, suas terras sedem belli esse, premique utriusque partis exercituum hibernis viderunt, verterunt retro ad Annibalem ab Romanis odia: petitusque sæpe principum insidiis, ipsorumque inter se fraude, eadem levitate, qua consenserant, consensu indicantium servatus erat.

erat: & mutando nunc vestem, nunc tegumenta capitis, errore etiam sese ab insidiis munierat. cæterum hic quoque ei timor causa fuit maturius movendi ex hibernis.

CAPUT II.

Cn. Servilius Cos. magistratum iuit: alterius Cos. Flamini in auspiciata prefessione sollicitam Urbem terrent insuper nuntiata prodigia: inter alia placamina sit lectisternium, atque Saturnalia celebrantur.

PER idem tempus Cn. Servilius Romæ idibus Martiis magistratum iniit. Ibi cum de Rep. retulisset, redintegrata in C. Flaminium invidia est. duos se consules creasse, unum habere. quod enim illi iustum imperium, quod auspiciū esset magistratus, id a domo, publicis privatisque penatibus, Latinis feriis actis, sacrificio in monte perfecto, votis rite in Capitolio nuncupatis, secum ferre: nec privatum auspiciā sequi: nec sine auspiciis profectum in externo ea solo nova, atque integra concipere posse. Augebant metum prodigia ex pluribus simul locis nuntiata: in Sicilia militibus aliquot spicula, in Sardinia autem in muro circumeunti vigilas equiti scipionem, quem manu tenuerat, arsisse: & litora crebris ignibus fulsisse: & scuta duo sanguinem sudasse: & milites quosdam ictos fulminibus: & solis orbem minui visum: & Præneste ardentēs lapides cœlo cecidisse, & Arpis parmas in cœlo visas, pugnantemque cum luna solem: & Capenæ duas interdiu lunas ortas: & aquas Cærete sanguine mistas fluxisse, fontemque ipsum Ilerculis cruentis manasse sparsum maculis: & in

& in Antii agro metentibus cruentas in cornibus spicas cecidisse: & Faleriis cœlum fissum visum velut magno hiatu, quaque patuerit, ingens lumen effulxisse: sortes sua sponte attenuatas, unamque excidisse ita scriptam: *Mavors telum suum concutit*. Et per idem tempus Romæ signum Martis Appia via ad simulacra luporum sudasse: & Capuæ speciem cœli ardentis fuisse, lunæque inter imbrem candentis. Inde minoribus etiam dictu prodigiis fides habita: Capras lanatas quibusdam factas, & gallinam in mare, galum in scœlinam sese vertisse. His, sicut erant nuntiata, expositis, auctoribusque in curiam introductis, consul de religione patres consuluit. Decretum, ut ea prodigia partim majoribus hostiis, partim lætæstibus procurarentur: & uti supplicatio per triduum ad omnia pulvinaria haberetur. Cætera, cum Decemviri libros inspexissent, ut ita fierent, quemadmodum cordi esse Divi carminibus præfarentur. id Decemvirorum monitu decretum est, Jovi primum donum fulmen aureum pondo quinquaginta fieret: Junoni, Minervæque ex argento daretur: & Junoni reginæ in Aventino, Junonique Sospitæ Lanuvii majoribus hostiis sacrificaretur: matronæque, pecunia collata, quantum conferre cuique commodum esset, donum Junoni reginæ in Aventinum ferrent, lætisterniumque fieret: quin & libertinæ ut ipsæ, unde Feroniæ donum daretur, pecuniam pro facultatibus suis conferrent. Hæc ubi facta, Decemviri Ardeæ in foro majoribus hostis sacrificarunt. postremo ex libris Decembri jam mense ad ædem Saturni Romæ immolatum est, lætisterniumque imperatum: (& eum lætæstium senatores straverunt) & convivium

vium publicum, ac per urbem Saturnalia die ac nocte clamatum, populusque eum diem festum habere, ac servare in perpetuum iussus.

CAPUT III.

Annibal per paludes quadriduo & tribus noctibus iter faciens, amisso propter continuas vigilias, & cœli intemperiem oculo, venit in Etruriam.

- 2 **D**Um consul placandis Romæ diis, habendoque delectu dat operam, Annibal profectus ex hibernis, quia jam Flaminium consulem Arretium pervenisse fama erat; cum aliud longius, cæterum commodius ostenderetur iter, propiorem viam per paludem petit, quam fluvius Arnus per eos dies solito magis inundaverat. Hispanos, & Afros, & omne quod veterani erat robur exercitus, admissis ipsorum impedimentis, necubi consistere coactis necessaria ad usus deessent, primos ire iussit, sequi Gallos, ut id agminis medium esset, novissimos ire equites: Magonem inde cum expeditis Numidis cogere agmen, maxime Gallos, si tædio laboris, longæque viæ (ut est mollis ad talia gens) dilaberentur, aut subsisterent, cohibentem. Primi, qua modo præirent duces, per præaltas fluvii ac profundas voragines hausti pene limo, immergentesque se, tamen signa sequebantur. Galli neque sustinere se prolapsi, neque assurgere ex voraginibus poterant: aut corpora animis, aut animos spe sustinebant: alii fessa ægre trahentes membra: alii, ubi semel victi tædio animis procubuissent, inter jumenta & ipsa jacent.

tentia passim morientes. maximeque omnium
 vigiliæ conficiebant, per quatrimum jam,
 & tres noctes toleratæ. Cum, omnia obti-
 nentibus aquis, nihil, ubi in sicco fella ster-
 nerent corpora, inveniri posset, cumalatis
 in aquas sarcinis insuper incumbabant. ju-
 mentorum itinere toto prostratorum passim
 acervitantum, quod extaret aqua, quæren-
 tibus ad quietem, parvi temporis necessa-
 rium cubile dabant. Ipse Annibal æger ocu-
 lis ex verna primum intemperie variante ca-
 lores frigoraque, elephanto, qui unus super-
 fuerat, quod altius ab aqua extaret, vectus;
 vigiliis tamen, & nocturno humore, palu-
 strique cœlo gravante caput, & quia meden-
 di nec locus, nec tempus erat, altero oculo
 capitur. Multis hominibus jumentisque fœ- 3
 de amissis, cum tandem de paludibus emer-
 sisset, ubi primum in sicco potuit, castra
 locat: certumque per præmissos explorato-
 res habuit, exercitum Romanum circa Ar-
 retii mœnia esse. consulis deinde consilia at-
 que animum, & situm regionum, itinera-
 que, & copias, atque com meatus expedien-
 dos, & cætera, quæ cognoscenda in re erant,
 summa omnia cum cura inquirendo exequ-
 batur. Regio erat in primis Italiæ fertilis,
 Etrusci cambi, qui Fæsulæ inter Arretium-
 que jacent, frumenti, ac pecoris, & omnium
 copia rerum opulenti.

CAPUT IV.

Flaminius, temere indita cum Annibale pugna, quamvis multis fœdis omnibus retraheretur, nihilominus pergens, insidiis circumventus ad Trasymenum lacum cum exercitu caditur: sex millia, qua eruperant, fide ab Maharbale data, perfidia Annibalis vinciuntur.

Consul ferox ab consulatu priore, & non modo legum, aut patrum majestatis, sed ne deorum quidem satis metuens erat, hanc insitam ingenio ejus temeritatem fortuna prospero civilibus, bellicisque rebus successu aluerat. itaque satis apparebat, nec deos, nec homines consulentem ferociter omnia, ac præpropere acturum: quoque pronior esset in vitia sua, agitare eum, atque irritare Pœnus parat: & læva relicto hoste, Fœsulas petens, Etruriæ agros prædatum profectus, quantam maximam vastitatem potest, cædibus incendiisque consuli procul ostendit. Flaminius, qui ne quieto quidem hoste ipse quieturus erat, tum vero, posteaquam res sociorum ante oculos prope suos ferri, agique vidit, suum id dedecus ratus, per mediam jam Italiam vagari Pœnum, atque obsidente nullo ad ipsa Romana mœnia ire oppugnanda; cæteris omnibus in concilio salutaria magis, quam speciosa suadentibus, collegam expectandum, ut conjunctis exercitibus communi animo, consilioque rem gererent, interim equitatu, auxiliisque levium armorum ab effusa prædandi licentia hostem cohibendum: iratus, se ex concilio proripuit, signumque simul itineris, pugnaeque proposuit.

Tuit, *Quinimo Arretii antemœnia sedeamus*, inquit: *hic enim patria, & penates sunt: Annibal emissus e manibus perpopuletur Italiam, vastandoque, & urendo omnia, ad Romanam mœnia perveniat: nec ante nos hinc moverimus, quam, sicut olim, Camillum ab Veis, C. Flaminium ab Arretio patres acciverint*. Hæc simul increpans, cum ocyus signa convelli iuberet, & ipse in equum insiluiſſet, equus repente corruit, consulemque lapsum super caput effudit. Territis omnibus, qui circa erant, velut fœdo omine incipiendæ rei, insuper nuntiatur, signum omni vi moliente signifero convelli nequire. Conversus ad nuntium, *num literas quoque, inquit, ab senatu affers, qua me rem gerere vetent? abi, nuntia, signum effodiant, si ad convellendum manus præ metu obtorpuerint*. Incedere inde agmen cœpit: primoribus, super quam quod discesserant a concilio, territis etiam duplici prodigio, milite in vulgus læto ferocia ducis, cum spem magis ipsam, quam causam spei, intueretur. Annibal, quod agri est inter Cortonam urbem Traſymenumque lacum, omni clade belli pervastat, quo magis iram hosti ad vindicandas sociorum injurias acuat. Et jam pervenerant ad loca insidiis nata, ubi maxime montes Cortonenses Traſymenus subit. Via tantum interest perangusta, velut ad id ipsum de industria relicto spatio: deinde paulo latior patescit campus, inde colles assurgunt. Ibi castra in aperto locat, ubi ipse cum Afris modo, Hispanisque consideret. Baleares, cæteramque levem armaturam post montes circumducit: equites ad ipsas fauces saltus, tumultis apte tegentibus, locat: ut ubi intrassent Romani, objecto equitatu,

clausa omnia lacu ac montibus essent: Flaminus cum pridie solis occasu ad lacum pervenisset, inexplorato, postero die, vix dum satis certa luce angustiis superatis, postquam in patentiorem campum pandi agmen cœpit, id tantum hostium, quod ex adverso erat, aspexit: a tergo, ac super caput detectæ insidiæ. Pœnus ubi, id quod petierat, clausum lacu montibusque, & circumfusum suis copiis habuit hostem, signum omnibus dat invadendi. Qui ubi qua cuique proximum fuit, decurrere: eo magis Romanis subita, atque improvisa res fuit, quod orta ex lacu nebula, campo, quam montibus, densior federat: agminaque hostium ex pluribus vallibus ipsa inter se satis conspecta, eoque magis pariter decurrerunt. Romanus, clamore prius undique orto, quam satis cerneret, se circumventum esse sensit: & ante in frontem lateraque pugnari cœptum est, quam satis instrueretur acies, aut expediri arma, stringique gladii possent. Consul, perculsis omnibus, ipse satis, ut in trepida re, impavidus, turbatos ordines, vertentesque se quoque ad dissonos clamores, instruit, ut tempus locusque patitur: & quacunque potest, adhortatur, ac stare, & pugnare jubet. *Nec enim inde votis, aut imploratione deum, sed vi ac virtute evadendum esse. per medias acies ferro viam fieri, & quo timoris minus sit, eo minus ferme periculi esse.* Cæterum præ strepitu ac tumultu, nec consilium, nec imperium accipi poterat: tantumque aberat, ut sua signa, atque ordinem, & locum nosceret miles, ut vix ad arma capienda, aptandaque pugna competeret animus: opprimerenturque quidam onerati magis his, quam testibus. & erat in tanta caligine major usus aurium, quam

quam oculorum, ad gemitus vulnerum, idus-
que corporum aut armorum, & * mistos stre-
pentium paventiumque clamores, circum-
ferebant ora, oculoque. Alii fugientes pu-
gnantium globo illati hærebant: alios redeun-
tes in pugnam avertēbat fugientium agmen.
Deinde ubi in omnes partes nequicquam im-
petus facti, & ab lateribus montes, ac la-
cus, a fronte & a tergo hostium acies claude-
bat, apparuitque nullam, nisi in dextra fer-
roque, salutis spem esse: tum sibi unusquis-
que dux, adhortatorque factus ad rem geren-
dam, & nova de integro pugna exorta est, non
illa ordinata per principes, hastatosque, ac
triarios; nec ut pro signis antesignanus, post
signa alia pugnaret acies: nec ut in sua legio-
ne miles, aut cohorte, aut manipulo ellet.
fors conglobabat, & animus suus cuique an-
te, aut post pugnandi ordinem dabat, tan-
tusque fuit ardor animorum, adeo intentus
pugnæ animus, ut eum terræ motum, qui
multarum urbium Italiæ magnas partes pro-
stravit, avertitque cursu rapido amnes, ma-
re fluminibus invexit, montes lapsu ingenti
proruit, nemo pugnantium senserit. Tres 6
ferme horas pugnatum est, & ubique atroci-
ter. circa consulem tamen acrior, infestior.
que pugna erat. eum & robora virorum se-
quebantur: & ipse quacunque in parte pre-
mi ac laborare senserat suos, impigre fere-
bat opem: insignisque armis & hollem sum-
ma vi petebat, & tuebatur suos cives: donec
Insper eques (Ducario nomen erat) faciem
noscitans, Consul, inquit, hic est, popula-
ribus suis, qui legiones nostras cecidit, agrosque
& urbem est depopulatus. jam ego hanc victimam
Manibus peremptorum sæde civium dabo. subdi-
tisque calcaribus equo, per confertissimam
E 2 hostium

hostium turbam impetum facit: obtruncatoque prius armigero, qui se infesto venienti obviam objecerat, consulem lancea transfixit. ipoliare cupientem triarii objectis clypeis arcuere. Magnæ partis fuga inde primum cœpit: & jam nec lacus, nec montes obstant pavori. per omnia arcta præruptaque, velut cæci, evadunt: armaque, & viri super alium alii præcipitantur. pars magna, ubi locus fugæ deest, per prima vada paludis in aquam progressi, quoad capitibus, humerisque extare possunt, sese immergunt. fuere, quos inconsultus pavor nando etiam capeßcere fugam impulerit. quæ ubi immensa, ac sine spe erat, aut, deficientibus animis, hauriebantur gurgitibus, aut, ubi nequicquam festinaverant, retro ægerrime terram repetebant, atque ibi ab ingressis aquam hostium equitibus passim trucidabantur. Sex millia ferme primi agminis, per adversos hostes eruptione impigre facta, ignari omnium, quæ post se agerentur, ex saltu evasere. & cum in tumultu quodam constitissent, clamorem modo, ac sonum armorum audientes, quæ fortuna pugnæ esset, neque scire, nec prospicere præ caligine poterant. Inclinata ad iniqua re, cum calescente sole dispulsa nebula aperuisset diem: tum liquida jam luce montes campi que perditas res, stratumque ostendere fœde Romanam aciem: itaque ne in conspectos procul immitteretur eques, sublatis raptim signis, quam citatissimo poterant agmine, sese abripuerunt. postero die, cum super cætera extrema fames etiam instaret: fidem dante Maharbale, qui cum omnibus equestribus copiis nocte consecutus erat, si arma tradidissent, abire cum singulis vestimen-

mentis passurum, sese dediderunt. quæ Punica religione servata fides ab Annibale est, atque in vincula omnes coniecti. Hæc est nobilis ad Trasymenum pugna, atque inter paucas memorata populi Romani clades. Quindecim millia Romanorum in acie cæsa sunt: decem millia sparsa fuga per omnem Etruriam diversis itineribus Romam petiere. Mille & quingenti hostium in acie, multi postea utrinque ex vulneribus periere. Multiplex cædes utrinque facta traditur ab aliis. Ego, præterquam quod nihil haustum ex vano velim, quo nimis inclinant ferme scribentium animi: Fabium æqualem temporibus hujusce belli potissimum auctorem habui. Annibal, captivorum, qui Latini nominis essent, sine pretio dimissis, Romanis in vincula datis, segregata ex hostium coacervatorum cumulis corpora suorum cum sepeliri jussisset, Flamini quoque corpus funeris causa magna cum cura inquisitum non invenit.

CAPUT V.

Cum allato nuntio cladis ad Trasymenum acceptæ ingens luctus esset in Urbe, duæ matres, insperato receptis filiis, gaudio exanimantur.

ROmæ ad primum nuntium cladis ejus, cum ingenti terrore ac tumultu concursus in forum populi est factus. Matronæ vagæ per vias, quæ repens clades allata, quæve fortuna exercitus esset, obvios percontantur. & cum frequentis concionis modo turba in comitium & curiam versa, magistratus vocaret; tandem haud multo ante solis occasum M. Pomponius prætor,

Fugna, inquit, *magna victi sumus*. & quamquam nihil certius ex eo auditum est, tamen aliud ab alio impleti rumoribus domos referunt, *consulem cum magna parte copiarum casum: superesse paucos, aut fuga passim per Etruriam sparsos, aut captos ab hoste*. Quot casus exercitus victi fuerant, tot in curas dispartiti eorum animi erant, quorum propinqui sub C. Flamini consule meruerant, ignorantium, quæ cujusque suorum fortuna esset, nec quisquam satis certum habet, quid aut speret, aut timeat. Postero, ac deinceps aliquot diebus ad portas major prope mulierum, quam virorum, multitudo stetit, aut suorum aliquem, aut nuntios de his opperiens: circumfundebanturque obviis sciscitantes: neque avelli utique a notis, priusquam ordine omnia inquisissent, poterant. inde varios vultus digredientium ab nuntiis cerneret, ut cuique aut læta, aut tristitia nuntiabantur, gratulantesque, aut consolantes redeuntibus domos circumfusus. Fœminarum præcipue & gaudia insignia erant, & luctus. Unam in ipsa porta, sospite filio repente oblato, in conspectu ejus expirasse fecerunt. Alteram, cui mors filii falso nuntiata erat, mœstam sedentem domi, ad primum conspectum redeuntis filii gaudio nimio exanimatam. Senatum prætores per dies aliquot ab ortu usque ad occidentem solem in curia retinent, consultantes, quonam duce, aut quibus copiis resisti victoribus Pœnis posset.

CAPUT VI.

Romam nunciata alia clade in Umbria accepta, Q. Fabius Maximus, quoniam, absente Cos. Dictator dici non posset, Prodictator a populo creatur, dato ei magistro equitum M. Minutius. Annibal in Apuliam, omnia vastando, pervenit.

PRIUS quam satis certa consilia essent, re-
pensalia nuntiatur clades, quatuor mil-
lia equitum cum C. Centenio pro prætore
missa ad collegam a Servilio consule in Um-
bria; quo post pugnam ad Trasymenum au-
ditam averterant iter, ab Annibale circum-
venta. Ejus rei fama varie homines affecit.
pars, occupatis majore ægritudine animis,
levem ex comparatione priorum ducere re-
centem equitum jacturam. pars non id, quod
acciderat, per se æstimare; sed ut in affecto
corpore quamvis levis causa, magis quam
valido gravior sentiretur; ita tum agræ &
affectæ civitati quodcunque adversi incide-
rit, non rerum magnitudine, sed viribus
extenuatis, quæ nihil, quod aggravaret,
pati possent, æstimandum esse. Itaque ad
remedium jamdiu desideratum, nec adhibi-
tum, dictatorem dicendum, civitas confu-
git: & quia & consul aberat, a quo uno dici
posse videbatur, nec per occupatam armis
Punicis Italiam facile erat, aut nuntium,
aut literas mitti: nec dictatorem populus
creare poterat: quod nunquam ante eam
diem factum erat, prodictatorem populus
creavit Q. Fabium Maximum, & magistrum
equitum M. Minutium Rufum. hisque ne-
gotium ab senatu datum, ut muros turref-

que urbis firmarent, & præsidia disponderent, quibus locis videretur, pontesque rescinderent fluminum: cum Pœnis pro urbe dimicandum esse, quando Italiam tueri nequivissent. Annibal interim recto itinere per Umbriam usque ad Spoletum venit. inde cum perpopulato agro urbem oppugnare adortus esset, cum magna cæde suorum repulsus, conjectans ex unius coloniae haud nimis prospere tentatae viribus, quanta moles Romanae urbis esset, in agrum Picenum avertit iter, non copia solum omnis generis frugum abundantem, sed refertum præda, quam effuse avidi atque egentes rapiebant: ibi per dies aliquot stativa habita: refectusque miles hibernis itineribus, ac palustri die, prælioque magis ad eventum secundo, quam levi aut facili, affectus. Ubi satis quieti datum, præda ac populationibus magis, quam otio aut requie gaudentibus, profectus, Præutianum Adrianumque agrum, Marfos inde, Marucinosque, & Pelignos devastat, circaque Arpos, & Luceriam proximam Apuliae regionem.

CAPUT VII.

Rebus jam ad extremum discrimen adductis, inspectis ex sententia Q. Fabii Maximi Dictatoris libris Sybillinis, inter alia, ver sacrum varetur: indiclis supplicationibus, sistit lætisternium.

CN. Servilius consul levibus præliis cum Gallis actis, & uno oppido ignobili expugnato, postquam de collegæ, exercitusque cæde audivit, jam mœnibus patriæ metuens, ne abesset in discrimine extremo,

tremo, ad urbem iter intendit. Q. Fabius Maximus, dictator iterum, quo die magistratum iniit, vocato senatu, ab diis orsus, cum edocuisset patres, plus negligentia caeremoniarum, auspiciorumque, quam temeritate, atque inscitia, peccatum a C. Flaminio consule esse: quæque piacula iræ deum essent, ipsos deos consulendos esse: pervicit, ut, quod non ferme decernitur, nisi cum tetra prodigia nuntiata sunt, decemviri libros sybillinos adire juberentur: qui, inspectis fatalibus libris, retulerunt patribus, quod ejus belli causa votum Marti foret, id non rite factum, de integro atque amplius faciendum esse: & Jovi ludos magnos, & ades Veneri Erycina, ac Menti vovendas esse, & supplicationem, lectisterniumque habendum, & Ver sacrum vovendum, si bellatum prospere esset, resque publica in eodem, quo ante bellum fuisset, statu permansisset. Senatus, quoniam Fabium belli cura occupatura esset, M. Æmilium prætorem, ex collegii pontificum sententia, omnia ea ut mature fiant, curare jubet. His senatus consultis præfectis, L. Cornelius Lentulus pontifex maximus, consulente * collegio pontificum, omnium primum populum consulendum de Vere sacro censet: injussu populi voveri non posse. Rogatus in hæc verba populus: Velitis, jugium beatis nec hoc sic fieri? si res populi Romani Quiritium ad quinquennium proximum, sicut velim eam, salva servata erit hisce duellis, datum donum duit populus Romanus Quiririum, quod duellum populo Romano cum Carthaginiensi est, quaque duella cum Gallis sunt, qui cis Alpes sunt, quod Ver attulerit ex suillo, ovillo, capri- no grege, quaque profana erunt, Jovi fi-

ri, ex qua die senatus, populusque iusserit. qui faciet, quando volet, quaque lege volet, facito: quo modo faxit, probe factum esto. si id moritur, quod fieri oportebit, prophannum esto, neque scelus esto. si quis rumpet, occidere insciens, ne fraus esto. si quis clepsit, ne populo scelus esto, neve cui cleptum erit. si atro die faxit insciens, probe factum esto. si nocte, siue luce, siue servus, siue liber faxit, prope factum esto. si ante id ea senatus, populusque iusserit fieri, ac faxit, eo populus solutus, liber esto. Et ejusdem rei causa ludi magni voti, æris CCCXXXIII. millibus triente: præterea bubus Jovi CCC. multis aliis divis bubus albis, atque cæteris hostiis. Votis rite nuncupatis, supplicatio edita: supplicatumque iit cum conjugibus, ac liberis non urbana multitudo tantum, sed agrestium etiam, quos in aliqua sua fortuna publica quoque contingebat. Curatum lectisternium, & per triduum habitum, decemviris sacrorum curantibus, & pulvinaria in conspectu fuere: Jovi, & Junoni unum: alterum Neptuno, & Minervæ: tertium Marti, ac Veneri: quartum Apollini, ac Dianæ: quintum Vulcano, ac Vestæ: sextum Mercurio, & Cereri. Tum ædēs votæ, Veneri Erycinæ: ædem Q. Fabius Max. dictator vovit: quia ita ex fatalibus libris editum erat, ut is voveret, cujus maximum imperium in civitate esset. Menti ædem Otacilius præto vovit.

CAPUT VIII.

2. Fabius Maximus dictator, accepturus a Servilio Cos. exercitum, ab Urbe proficiscitur: cum interim naves oneraria, qua in Hispaniam commeatum portabant, a Carthaginensium classe capta essent, ad eam persequendam mittitur Servilius Cos.

ITa rebus divinis peractis, tum de bello, 11
 deq; rep. dictator retulit; quibus, quot-
 ve legionibus victori hosti obviam eundum
 esse patres censerent. Decretum, ut ab
 Cn. Servilio consule exercitum acciperet:
 sciberet præterea ex civibus, sociisque quan-
 tum equitum, ac peditum videretur. cæ-
 tera omnia ageret, faceretque, ut e repu-
 blica duceret. Fabius duas legiones se ad-
 jecturum ad Servilianum exercitum dixit.
 his per magistrum equitum scriptis, Tibur
 diem ad conveniendum edixit, editoque
 proposito, ut quibus oppida, castellaque
 immunita essent, in loca tuta commigra-
 rent; ex agrisqueque uti demigrarent om-
 nes regionis ejus, qua iturus Annibal esset:
 tectis prius incensis, ac frugibus corruptis,
 ne cuius rei copia esset; ipse via Flaminia
 profectus obviam consuli exercituique, cum
 ad Tiberim circa Otriculum prospexisset ag-
 men, consulemque cum equitibus ad se progre-
 dientem, viatorem misit, qui consuli nun-
 tiaret, ut sine lictoribus ad dictatorem ve-
 niret: qui cum dicto paruisset, congres-
 susque eorum ingentem speciem dictaturæ
 apud cives, sociosque vetustate jam prope
 oblitos ejus imperii fecisset, literæ ab urbe
 allatæ sunt, naves onerarias commeatum ab

Ostia in Hispaniam ad exercitum portantes a classe Punica circa portum Cossanum captas esse. Itaque extemplo consul Ostiam proficisci jussus, navibus, quæ ad urbem Romanam, aut Ostiæ essent, completis milite ac navalibus sociis, persequi hostium classem, ac litora Italiæ tutari. Magna vis hominum conscripta Romæ erat. Libertini etiam, quibus liberi essent, & ætas militaris, in verba juraverant. ex hoc urbano exercitu qui minores quinque & triginta annis erant, in naves impositi: alii, ut urbi præsiderent, relictii.

• C. A. P. U. T. IX.

Dictator Fabius, ducto contra Annibalem exercitu, quamvis facta ab illo pugnandi potestate, prælium detrectat, ac tergiversando feroces hostis conatus eludit: hinc tanquam segnis & timidus a Minutio magistro equitum, homine temerario, compellatur.

12. **D**ictator exercitu consulis accepto a Fulvii Flacco legato, per agrum Sabinum Tibur, quo diem ad conveniendum edixerat novis militibus, venit: inde Præneste transversis tramitibus in viam Latinam est regressus: unde itineribus summa cum cura exploratis, ad hostem ducit: nullo loco, nisi, quantum necessitas cogeret, fortunæ se commissurus. Quo primum die haud procul Arpis in conspectu hostium posuit castra, nulla mora facta, quin Pœnus educeret in aciem, copiamque pugnandi faceret. sed ubi quieta omnia apud hostes, nec castra ullo tumultu mota videret, increpans quidem victos tandem Martios,

ani.

animos Romanorum, debellatumque, & concessum eis propalam de virtute ac gloria esse in castra rediit. Cæterum tacita cura animum incensus, quod cum duce haudquam Flaminio; Sempronioque simili, futura sibi res esset: ac tum demum docti malis Romani parem Annibali ducem quæsisent: & prudentiam quidem, non vim dictatoris extemplo timuit, constantiamque ejus haud dum expertus, agitare ac tentare animum movendo crebro castra, populandoque in oculis ejus agros sociorum, cœpit: & modo citato agmine e conspectu abibat, modo repente in aliquo flexu viæ, si excipere digressum in æquum posset, occultus subsistebat. Fabius per loca alta agmen ducebat, modico ab hoste intervallo, ut neque omitteret eum, neque congredereetur. castris, nisi quantum usus necessario cogeret, tenebatur miles. pabulum, & ligna nec pauci petebant, nec passim, equitum, levisque armaturæ statio composita, instructaque in subitos tumultus, & suo militum omnia, & infesta effusis hostium populatioribus præbebat. neque universo periculo summa rerum committebatur: & parva momenta levium certaminum ex tuto cæptorum, finitimorum receptu, assuefaciebant territum pristinis cladibus militem, minus jam tandem aut virtutis, aut fortunæ pœnitere suæ. Sed non Annibalem magis infestum tam sanis consiliis habebat, quam magistrum equitum, qui, nihil aliud quam quod non imperabat, moræ ad rem publicam præcipitandam habebat. ferox, rapidusque in consiliis, ac lingua immodicus, primo inter paucos, deinde propalam in vulgus pro cunctatore seque, pro cauto timidum, affingens vicina virtutibus vi-

tia,

tia, compellabat: premendorumque superiorum arte, quæ pessima ars nimis prosperis multorum successibus crevit; sese extollebat.

CAPUT X.

Annibal populando terras sociorum pop. Rom.

Q. Fabium Dictatorem de industria irritat: admo in Campaniam exercitu, cum amenissimum Italia agrum ureret, & nihilominus quiesceret Fabius, ferociter ejus cunctationem criminatur Minutius magister equitum.

- 13 **A** Nnibalex Arpinis in Samnium transit, Beneventanum depopulatur agrum, Telesiam urbem capit: irritat etiam de industria ducem, si forte accensum tot indignitatibus cladibusque sociorum trahere ad æquum certamen possit. Inter multitudinem sociorum Italici generis; qui ad Trasymenum capti ab Annibale, dimissique fuerant, tres Campani equites erant: multis jam tum illecti donis, promissisque Annibalis ad conciliandos popularium animos. Hi nuntiantes, si in Campaniam exercitum admovisset, Capuæ potiendæ copiam fore; cum res major, quam auctores, esset, dubium Annibalem, alternisque fidentem ac diffidentem; tamen ut Campanos ex Samnio peteret, moverunt. Monitos; ut etiam atque etiam promissa rebus confirmarent, jussosque cum popularibus, & aliquibus principum redire ad se, dimisit. ipse imperat duci, ut se in agrum Casinatem ducat, edoctus a peritis regionum, si eum saltum occupasset, exitum Romano ad opem ferendam sociis interclusurum. Sed Punicum abhorrens ab Latino nomen, Casili-

filium pro Casino ducem accipere fecit: a-
 versusque ab itinere, per Alifanum Calati-
 numque, & Calenum agrum, in campum
 Stellatam descendit. ubi cum montibus,
 fluminibusque clausam regionem circumspe-
 xisset, vocatum ducem percontatur, ubi ter-
 rarum esset: cum is Casilini eo die mansurum
 eum dixisset; tum demum cognitus est error,
 & Casinum longe inde alia regione esse. vir-
 gilque cæso duce, & ad reliquorum terro-
 rem in crucem sublato, castris communi-
 tis, Maharbalem cum equitibus in agrum
 Falernum prædatum dimisit. usque ad aquas
 Sinuessanas populatio ea pervenit. Ingen-
 tem cladem, fugam terroremque latius
 Numidæ fecerunt. nec tamen is terror,
 cum omnia bello flagrarent, fide socios di-
 movit, videlicet quia iusto, & moderato
 regebantur imperio, nec abnuebant, quod
 unum vinculum fidei est, melioribus pare-
 re. Ut vero ad Vulturum flumen castra
 sunt posita, exurebaturque amœnissimus Ita-
 liæ ager, villæque passim incendiis fumabant, 14
 per juga Massici montis Fabio ducente, pro-
 pe de integro est orta seditio, ac duces sedi-
 tionis accensi quidam. Fuerat enim silen-
 tium per paucos dies: quia cum celerius so-
 lito ductum agmen fuisset; festinari ad pro-
 hibendam populationibus Campaniam cre-
 diderant. ut vero in extrema juga Massici
 montis ventum est, hostesque sub oculis e-
 rant, Falerni agri, colonorumque Sinuessæ
 testa urentes; nec ulla erat mentio pugnae:
*spectatum ne huc; inquit Minutius, ad rem
 fruendam oculis; sociorum cades, & incendia
 venimus? nec si nullius alterius nos, ne
 civium quidem horum pudet, quos in Si-
 nuessam colonos patres nostri miserunt, ut*
 ab

ab Samnite hoste tuta hac ora esset, quam nunc non vicinus Samnisurit, sed Pœnus advena, ab extremis orbis terrarum terminis nostra cunctatione & socordia jam huc progressus? Tantum (proh dolor!) degeneramus a parentibus nostris, ut præter quam oram illi Punicas vagari classes, dedecus esse imperii sui duxerint, eam nos nunc plenam Numidarum hostium, ac Maurorum jam factam videamus? Qui modo Saguntum oppugnari, indignando, non homines tantum, sed fœdera, & deos ciebamur, tendentem ad mœnia Romana colonia Annibalem lenti spectamus? Fumus ex incendiis villarum, agrorumque in oculos atque ora venit, strepunt aures clamoribus plorantium sociorum, sapius nos, quam deorum invocantium opem. Nos hic pecorum more per æstivos salus, deviosque calles exercituum ducimus, conditi nubibus, silvisque? Si hoc modo peragrando cacumina saltusque Furius recipere a Callis urbem voluisset, quo hic novus Camillus nobis dictator unicuique in rebus affectis quasitus, Italiam ab Annibale recuperare parat, Gallorum Roma esset: quam vereor, ne sic cunctantibus nobis, Annibali, ac Pœnis toties servaverint majores nostri. Sed vir, ac vere Romanus, quo die dictatorem eum ex auctoritate patrum iussuque populi dictum, Vejios allatus est nuntius, cum esset satis altum Janiculum, ubi sedens prospectaret hostem, descendit in equum: atque illo ipsa die media in urbe, qua nunc busta Gallica sunt, & postero die citra Gabios, cecidit Gallorum legiones. Quid post multos annos, cum ad furcas Caudinas ab Samnite hoste sub iugum missi sumus? utrum tandem L. Papirius Cursor iuga Samnii per-

lustrando, an Luceriam premendo, obsidendo, que, & laceffendo victorem hostem, depulsum ab Romanis cervicibus iugum superbo Samniti imposuit? Modo consuli Lutatius qua alia res, quam celeritas, victoriam dedit? quod postero die, quam hostem vidit, classem gravem com meatibus, impeditam suomet ipsam instrumento atque apparatu, oppressit. Stultitia est, sedendo, aut votis debellari credere posse: armaricopias eporter, deducendas in aquam, ut vir cum viro congrediari, audendo agendoque res Romana crevit, non his sensibus, consilisque, quae timidi cauta vocant. Hæc velut concionanti ^{* al.} Minutius circumfundebatur tribunorum equitumque Romanorum multitudo, & ad ^{se-} ^{gni-} ^{bus} ^{con-} aures quoque militum dicta ferocia volebantur: ac si militaris suffragii res esset, haud ^{al.} dubie ferebant, Minutium Fabio duci prælaturos,*

CAPUT XL.

L. Hostilius Mancinus iussus a Fabio exploratoris modo speculari hostem, cum certamen tentasset, a Numidis circumventus, cum deletis equitibus occiditur.

FAbius pariter in suos, haud minus quam ¹⁵ in hostes, intentus, prius ab illis invitum animum præstans, quanquam probe scit, non in castris modo suis, sed jam etiam Romæ suam cunctationem infamem esse, obstinatus tamen eodem consiliorum tenore æstatis reliquum extraxit: ut Annibal destitutus ab spe summa appetiti certaminis, jam hibernis locum circumspectaret: quia ea regio præsentis erat copię, non perpetuæ, arbuta vineæque, & confuta.

sita omnia magis amœnis quam necessariis fructibus. Hac per exploratores relata fama Fabio, cum satis sciret per easdem angustias, quibus intraverat Falernum agrum, redditurum, Calliculam montem, & Casilinum occupat modicis prædiis: quæ urbs Vulturno flumine dirempta, Falernum à Campano agro dividit: ipse jugis iisdem exercitum reducit, misso exploratum cum CCC equitibus sociorum L. Hostilio Mancino: qui ex turba juvenum audientium sæpe ferociter concionantem magistrum equitum, progressus primo exploratoris modo, ut ex tuto specularetur hostem; ubi vagos passim per vicos Numidas vidit, per occasionem etiam paucos occidit: extemplo occupatus certamine est animus, excideruntque præcepta dictatoris: qui, quam tuto posset, progressum, prius recipere sese jusserat, quam in conspectum hostium veniret. Numidæ alii atque alii occurrentes, refugientesque, ad castra prope ipsum cum fatigatione equorum, atque hominum pertraxere: inde Cartalo, penes quem summa equestris imperii erat, concitatis equis inVectus, cum prius quam ad conjunctum teli veniret, avertisset hostem; quinque millia ferme continenti cursu secutus est fugientes. Mancinus, postquam nec hostem desistere sequi, nec spem vidit effugiendi esse, cohortatus suos, in prælium rediit, omni parte virium impar: itaque ipse, & delecti equitum circumventi occiduntur, cæteri effuso rursus cursu Cales primum, inde prope inviis calibus ad dictatorem perfugerunt.

Annibal inter Casilinum oppidum, & Calliculam montem a Fabio clausus, sarmentis ad cornua bouum ligatis, & incensis, praesidium Romanum, quod Calliculam insidebat, fugat: saltum transgressus, facili populationibus, tandem Apuliam repetit. Fabius sacrorum causa Romanum vocatus, magistrum equitum Minutium, ne quid temere agat, monet.

Eo forte die Minutius se conjunxerat Fabio, missus ad firmandum praesidio saltum, qui super Taffacinam in arctas coactus fauces imminet mari, ne immunito Appiae limite, Pœnus pervenire in agrum Romanum posset. Coniunctis exercitibus dictator, ac magister equitum castra in viam deferunt, qua Annibal ducturus erat. duo inde millia hostes aberant. Postero die Pœni quod viae inter bina castra erat, agmine complevere. Cum Romani sub ipso constitissent vallo, haud dubie æquiore loco, successit tamen Pœnus cum expeditis equitibus, atque ad læssendum hostem carptim & procurfando, recipiendoque sese, pugnare. Restitit suo loco Romana acies. lenta pugna, & ex dictatoris magis, quam Annibalis, fuit voluntate. CC. ab Romanis, DCCC hostium cecidere. Inclusus inde videri Annibal, & ad Casilinum obsessus. cum Capua, & Samnium, & tantum a tergo divitum sociorum Romanis commeatus subveheret: Pœnus contra intra Formiana Saxa, ac Linterni arenas, stagnaque perhorrida situ hibernaturus esset. Nec Annibalem fefellit, suis se artibus peti.

ti. itaque cum per Casilinum evadere non posset, petendique montes, & jugum Calliculæ superandum esset, necubi Romanus inclusum vallibus agmen aggrederetur, ludibrium oculorum specie terribile ad frustrandum hostem commentus, principio noctis furtim succedere ad montes statuit. Fallacis consilii talis apparatus fuit. Faces undique ex agris collectæ, fascesque virgarum, atque arida sarmenta præligantur cornibus boum: quos domitos, indomitosque multos inter cæteram agrestem prædam agebat. ad duo milia ferme boum effecta: Aldrubalique negotium datum, ut primis tenebris noctis id armentum accensis cornibus ad montes ageret, 17 maxime, si posset, saltu ab hoste incesso. Primis tenebris silentio mota castra. boves aliquanto ante signa acti, ubi ad radices montium, viasque angustas ventum est, signum extemplo datur, ut accensis cornibus armenta in adversos concitentur montes. & metus ipse relucens flammæ ex capite, calorque jam ad vivum, ad imaque cornuum adveniens, velut stimulos furore agebat boves. quo repente discursu, haud secus quam silvis, montibusque accensis, omnia circumvirgulta ardere: capitumque * inquietatio excitans flammam, hominum passim discurrentium speciem præbebat. Qui ad transitus saltus insidendos locati erant, ubi in summis montibus, ac super se quosdam ignes conspexerunt, circumventos se esse rati, præsidio excessere: qua ingens emicabat flamma, velut tutissimum iter petentes summa montium juga. tum in quosdam boves palantes a suis gregibus inciderunt: & primo cum procul cernerent, veluti flammæ spirantium miraculo attoniti constiterunt. deinde

* al.
itri-
ta
qual-
fatio.

inde ut humana apparuit fraus, tum vero insidias rati esse, cum multo maximoque strepitu concitant se in fugam, levique armaturæ hostium incurrere. cæterum nox æquato timore neutros pugnam incipientes ad lucem tenuit. Interea toto agmine Annibal traducto per saltum, & quibusdam in ipso saltu hostium oppressis, in agro Alifano posuit castra. Hunc tumultum sensit Fabius: cæterum & insidias esse ratus, & ab nocturno utique abhorrens certamine, suos munimentis tenuit. Luce prima sub jugo montis prælium fuit, quo interclusam ab suis levem armaturam facile (etenim numero aliquantum præstabant) Romani superassent, nisi Hispanorum cohors ad id ipsum remissa ab Annibale, pervenisset. Ea assuetior montibus, & ad concurrandum inter saxa rupeſque aptior ac levior, cum velocitate corporum, tum armorum habitu, campeſtrem hostem gravem armis, statariumque, pugnae genere facile elusit. Ita haudquaquam pari certamine digressi, Hispani fere omnes incolumes, Romani, aliquot suis amissis, in castra contenderunt. Fabius quoque movit castra: transgressusque saltum super Alifas loco alto ac munito confedit. Tum per Samnium Romam petere simulans Annibal, usque in Pelignos populabundus rediit. Fabius mediis inter hostium agmen, urbemque Romam jugis ducebat, nec absistens, nec congregiendi. Ex Pelignis Pœnus flexit iter, retroque Apuliam repetens: Geronium pervenit, urbem metu, quia collapsa ruinis pars mœnium erat, ab suis desertam. Dictator in Larinate agro castra communiit. inde sacrorum causa Romam revocatus, non imperio modo, sed consilio etiam, ac pro-

pe precibus agens cum magistro equitum, *æ plus consilio, quam fortuna confidat: & se potius ducem, quam Sempronium Flaminiūque imitetur, ne nihil actum censeret; * exacta prope ætate per ludificationem hostis. medicos quoque plus interdum quiete, quam movendo atque agendo, proficere. haud parvam remesse, ab toties victore hoste vinci desisse, & ab continuis cladibus respi-*
 19. *asse.* Hæc nequicquam præmonito magistro equitum, Romam est profectus.

C A P U T XIII.

C. Scipionis in Hispania terra, marique res pulcherrima.

PRincipio æstatis, qua hæc gerébantur, in Hispania quoque terra marique pugnari cœptum est. Asdrubal ad eum navium numerum, quem a fratre instructum, paratumque acceperat, decem adjecit, quadraginta navium classem Himileoni tradidit; atque ita Carthagine profectus, navibus prope terram exercitum in littore ducebat, paratus configere, quacunque parte copiarum hostis occurrisset. Cn. Scipioni, postquam movisse ex hibernis hostem audivit, primo idem consilii fuit. deinde minus terra, propter ingentem famam novorum auxiliorum, occurrere ausus, delecto milite in naves imposito, quinque & triginta navium classe ire obviam hosti pergit. Altero ab Tarracone die ad stationem XX millia passuum distantem ab ostio Iberi amnis pervenit. inde duæ Massiliensium speculatoriæ præmissæ retulerunt, classem Punicam stare in ostio fluminis, castraque in ripa posita. Ita-

Itaque ut improvidos incautosque universos simul effuso terrore opprimeret, sublatis anchoris, ad hostem vadit. Multas & locis altis positas turres Hispania habet: quibus & speculis, & propugnaculis adversus latrones utuntur. Inde primo conspectis hostium navibus, datum signum Asdrubali est: tumultusque prius in terra & castris, quam ad mare & ad naves est ortus, nondum aut pulsu remorum, strepituque alio nautico exaudito, aut aperientibus classem promontoriis: cum repente eques alius super alium ab Asdrubale missus, vagos in littore, quietosque in tentoriis suis, nihil minus, quam hostem aut praelium eo die expectantes conscendere naves propere, atque arma capere jubet: classem Romanam jam haud procul a portu esse. Hæc equites dimissi passim imperabant: mox Asdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, fugientium magis e terra, quam in pugnam euntium, modo. Vix dum omnes conscenderant, cum alii resolutis loris anchoram vellunt: alii, ne quid teneat, anchoravia incidunt: raptimque omnia præpropere agendo, militum apparatu nautica ministeria impediuntur; trepidatione nautarum capere, & aptare arma miles prohibetur. Et jam Romanus non propinquabat modo, sed direxerat etiam in pugnam naves. itaque non ab hoste & praelio magis Pœni, quam suometipsi tumultu, turbantur: & tentata verius pugna, quam inita, in fugam averterunt classem. & cum aversi, ac diverso late agmine a tam multis simul venientibus haud sane impenetrabiles essent, in litus passim naves egerunt: atque alii vadis, alii sicco

litore excepti, partim armati, partim inermes ad instructam per litus aciem suorum perfugere. Duæ tamen primo occurſu captæ erant Punicæ naves, quatuor ſuppreſſæ. Romani, quanquam terra hoſtium erat, armatamque aciem toto prætentam in litore cernebant, haud cunctanter tamen inſecuti trepidam hoſtium claſſem, naves omnes, quæ non aut perfregerant proras litore illiſas, aut carinas fixerant vadis, religatas puppibus in altum extraxere. ad V. & XX. naves ex XXX. cepere. Neque id pulcherrimum ejus victoriæ fuit, ſed quod una levi pugna toto ejus oræ mari potiti erant. Itaque ad Honofcam claſſe proveſti, exſcenſu e navibus in terram factò, cum urbem vi cepiſſent, captamque diripiſſent, Carthaginem inde petunt: atque omnem agrum circa depopulati, poſtremo teſta quoque juncta muro, portisque incenderunt. Inde jam præda gravis ad Longunticam pervenit claſſis: ubi viſ magna ſparti fuit, ad rem nauticam congeſta ab Afdrubale. quod ſatis in uſum fuit, ſublato, ceterum omne incenſum eſt. Nec continentis modo projectas præs præterveſta, ſed in Ebuſum inſulam tranſmiſſum: ubi urbe, quæ caput inſulæ eſt, biduum nequicquam ſummò labore oppugnata, ubi in ſpem irritam fruſtra teri tempus animadverſum eſt: ad populationem agri verſi, direptis aliquot incenſiſque vicis, majore quam ex continenti præda parta, cum in naves ſeſe recepiſſent, ex Balearibus inſulis legati pacem petentes ad Scipionem venerunt. Inde flexa retro claſſis, reditumque in citeriora provinciæ: quo omnium populorum, qui Iberum incolunt, multorum & ultimæ Hiſpaniæ legati concurrerunt, Sed qui vere di.

ditionis imperiique Romani facti sunt, obsidibus datis, populi amplius fuerunt centumviginti. Igitur terrestribus quoque copiis satis fidens Romanus, usque ad saltum Castulonensem est progressus. Asdrubal in Lusitaniam, ac propius Oceanum concessit. Quietum inde fore videbatur reliquum æstatis tempus, fuissetque prope per Pœnum hostem: sed præterquam quod ipsorum Hispanorum inquieta, avidaque in novas res sunt ingenia, Mandonius, * vir nobilis, qui antea Ilergetum regulus fuerat, postquam Romani ab saltu recessere ad maritimam oram, concitis popularibus, in agrum pacatum Romanorum sociorum ad populandum venit. Adversus eos tribus milibus cum expeditis auxiliis a Scipione missis, levi certamine ut tumultuariam manum fudere, multis occisis, quibusdam captis, magnaque parte armis exuta. Hic tamen tumultus cedentem ad Oceanum Asdrubalem cis Iberum ad socios tutandos retraxit. Castra Punica in agro Ilercaonensium, castra Romana ad novam classem erant, cum fama repens alio vertit bellum. Celtiberi principes, qui regionis suæ legatos, obsidesque dederant Romanis, nuntio misso a Scipione exciti arma capiunt, provinciamque Carthaginensium valido exercitu invadunt: tria oppida vi expugnant. inde cum ipso Asdrubale duobus præliis egregie pugnantes, XV. millia hostium occiderunt, quatuor millia cum multis militaribus signis capiunt.

21

* al.
Indi-
bilis.
que.

CAPUT XIV.

P. Scipio in Hispaniam cum classe profectus fratri Cn. Scipioni conjungitur: Saguntum cum accessissent, obsides totius Hispania, qui ibi asservabantur, per Aceducis transfuga prodicionem recipiunt: quibus redditis, Hispania principes sibi conciliant.

- 22 **H**oc statu rerum in Hispania, P. Scipio in provinciam venit, prorogato post consulatum imperio, ab senatu missus cum XXX. longis navibus, & octo millibus militum, magnoque compectu advecto. Ea classis ingens agmine onerariarum procul visa cum magna lætitia civium, sociorumque portum Tarraconis ex alto tenuit. ibi milite exposito, profectus Scipio fratri conjungitur: ac deinde communi animo, consilioque gerebant bellum. Occupatis igitur Carthaginensibus Celtiberico bello, haud cunctanter Iberum transgrediuntur; nec ullo viso hoste, Saguntum pergunt ire, quod ibi obsides totius Hispaniæ custodiæ traditos ab Annibale, fama erat modico in arce custodiri præsidio. Id unum pignus inclinatos ad Romanam societatem omnium Hispaniæ populorum animos morabatur, ne sanguine liberorum suorum culpa defectionis lueretur. Eo vinculo Hispaniam vir unus solerti magis, quam fideli consilio exolvit. Acedux erat Sagunti nobilis Hispanus, fidus ante Pœnis: tum (qualia pleraque sunt barbarorum ingenia) cum fortuna mutaverat fidem. cæterum transfugam sine magnæ rei prodicione venientem ad hostes, nihil aliud, quam unum vile
at-

atque infame corpus esse ratus, id agebat, ut quam maximum emolumentum novis lociis esset. circumspēctis igitur omnibus, quæ fortuna potestatis ejus poterat facere; obsidibus potissimum tradendis animum adjecit: eam unam rem maxime ratus conciliaturam Romanis principum Hispaniæ amicitiam. Sed cum injussu Bostaris præfecti satis sciret nihil obsidum custodes facturos esse, Bostarem ipsum aggreditur. Castra extra urbem in ipso litore habebat. Bostar, ut aditum ex portu intercluderet Romanis. ibi eum in secretum abductum, veluti ignorantem, monet, in quo statu sit res. *Metum continuisse ad eam diem Hispanorum animos, quia procul Romani abessent: nunc cis Iberum castra Romana esse, arcem tutam, perfugiumque novas volentibus res. itaque quos metus non teneat, beneficio & gratia devinciendos esse.* Miranti Bostari, percontantique, quodnam id subitum tantæ rei donum posset esse, *obsides, inquit, in civitates remitte: id privatim parentibus, quorum maximum nomen in civitatibus est suis & publice populis gratum erit. Vult sibi quisque credi, & habita fides ipsam plerunque obligat fidem.* Ministerium restitutorum domos obsidum mihi met deposco ipse, ut opera quoque impensa consilium adjuvem meum, & rei suapte natura grata, quantam insuper gratiam possim, adjiciam. Homini non ad cætera Punica ingenia callido ut persuasit, nocte clam progressus ad hostium stationes, conventis quibusdam auxiliaribus Hispanis, & ab iis ad Scipionem perductus, quid afferret, expromit. Fide accepta dataque, ac loco & tempore constituto ad obsides tradendos, Saguntum redit, diem insequentem absurgit.

pluit cum Bostare mandatis ad rem agendam accipiendis, dimissus, cum se nocte iturum, ut custodias hostium falleret, constituisset, ad compositam cum iis horam excitatis custodibus puerorum profectus, veluti ignarus, in præparatas sua fraude insidias ducit. in castra Romana perducti, cætera omnia de reddendis obsidibus, sicut cum Bostare constitutum erat, acta per eundem ordinem, quasi Carthaginiensium nomine sic agerentur. Major aliquanto Romanorum gratia fuit in re pari, quam quanta futura Carthaginiensium fuerat. Illos enim graves, superbosque in rebus secundis expertos, fortuna & timor mitigasse videri poterat. Romanus primo adventu, incognitus ante, ab re clementi, liberalique initium fecerat: & Acedux, vir prudens, haud frustra videbatur socios mutasse. Itaque ingenti consensu ad defectionem omnes spectare: armaque extemplo mota forent, ni hyems, quæ Romanos quoque, & Carthaginienses concedere in testa coegit, intervenisset.

C A P U T XV.

Annibal Fabii Dictatoris, cum omnia circa ureret, agro parcit, ut eum tanquam proditorum suspectum reddat: facta deinde de permittendis captivis pactione, cum, quod ea de re non esset consultus senatus, argentum tardius mitteretur, Fabius, eo divendito agro, fidem hosti datam exsolvit.

23 **H**Æc in Hispania quoque secunda æstate Punici belli gesta, cum in Italia paululum intervalli cladibus Romanis solers
cum

cunctatio Fabii fecisset: quæ ut Annibalem non mediocri sollicitum cura habebat, tandem eum militiæ magistrum delegisse Romanos cernentem, qui bellum ratione, non fortuna gereret: ita contempta erat inter cives armatos pariter togatosque, utique postquam absente eo, temeritate magistri equitum, læto, ut verius dixerim, quam prospero eventu pughatum fuerat. Accesserant duæ res ad augendam invidiam dictatoris, ut a, fraude, ac dolo Annibalis: quod cum a perfugis ei monstratus ager dictatoris una, omnibus circa solo æquatis, ab uno eo ferrum, ignemque, & vim omnem hostium abstineri iussit, ut occulti aliqujus pacti ea merces videri posset, altera ipsius facto, primo forsitan dubio, quia non expectata in eo senatus auctoritas est, ad extremum haud ambigue in maximam laudem verso, in permutandis captivis: quod, sicut primo Punico bello factum erat, convenerat inter duces Romanos, Pœnumque, ut quæ pars plus reciperet, quam daret, argenti pondo bina, & selibras in militem præstaret. CCXLVII. cum plures Romanus, quam Pœnus recepisset, argentumque pro eis debitum, sæpe jactata in senature, quoniam non consulisset patres, tardius rogetur: inviolatum ab hoste agrum, misso Romam filio, vendidit, fidemque publicam impendio privato exolvit.

CAPUT XVI.

Minutius magister equitum, absente Fabio Dictatore, rem cum Annibale gerit: aucta Romanis literis victoria, promulgata a Metellio tribuno pleb. rogatio de equando magistri equitum, & dictatoris imperio, suadente C. Terentio Varrone, qui ex eo populi auram quaereret, a populo accipitur.

A Nnibal: pro Gerionis mœnibus, cujus urbis captæ atque incensæ ab se in usum horreorum pauca reliquerat tecta, stativa habebat, inde frumentatum duas exercitus partes mittebat: cum tertia ipse expedita in statione erat, simul castris præsidio, & circumspiciens nec uide impetus in frumentatores fieret. Romanus tunc exercitus
 24 in agro Larinati erat, præerat Minutius magister equitum, profecto (sicut ante dictum est) ad urbem dictatore. Cæterum castra, quæ in monte alto, ac tuto loco posita fuerant, jam in planum deferuntur: agitanturq; pro ingenio ducis consilia callidiora, ut impetus aut in frumentatores palantes, aut in castra relictæ, cum levi manu præsidioque fieret. Nec Annibalem fefellit, cum duce mutatam esse belli rationem, & ferocius, quam consiliis rem hostes gesturos. Ipse autem (quod minime quis crederet) cum hostis propius esset, tertiam partem militum frumentatum, duab; in castris retentis, dimisit: deinde castra ipsa propius hostem movit, duo ferme a Gerione millia, in tumultum hosti conspectum: ut intentum sciret esse ad frumentatores, si qua vis fieret, tutandos. Propior inde ei ,
 at-

atque ipsis imminens Romanorum castris tumultus apparuit: ad quem capiendum si luce palam iretur, quia haud dubie hostibus brevior via praeventus esset, nocte clam missi Numidae ceperunt: quos tenentes locum contempta paucitate Romani postero die cum eiecissent, ipsi eo transferunt castra. Tum itaque ut exiguum spatii vallum a vallo aberat, & id ipsum totum prope compleverat Romana acies, simul & per averfa castra a castris Annibalis equitatus cum levi armatura emissus in frumentatores late caedem fugamque hostium palatorum fecit. nec acie certare Annibal ausus: quia tanta paucitate vix castra, si oppugnarentur, tutari poterat. Jamque artibus Fabii pars exercitus aberat, jam ferme sedendo, & cunctando bellum gerebat, receperatque suos in priora castra, quae pro Gerionis moenibus erant. Iusta quoque acie, & collatis signis dimicatum, quidam auctores sunt. Primo concursu Pœnum usque ad castra fufum, inde eruptione facta, repente versum terrorem in Romanos: Numerii Decimii Samnitis deinde interventu praelium restitutum. Hunc principem genere ac divitiis non Boviani modo, unde erat, sed toto Samnio, iussu dictatoris octo millia peditum, & equites ducentos adducentem in castra, ab tergo cum apparuisset Annibali, spem parti utrique præbuisse novi subsidii: tumque Fabio ab Roma veniente, Annibalem insidiarum quoque aliquid timentem recepisse suos: Romanum infecutum adjuvante Samnite duo castella eodie expugnasse: sex millia hostium cæsa, quinque admodum Romanorum: tamen in tam pari prope clade famam egregiæ victoriæ cum vanioribus literis magistri equitum Ro-

25 mam perlatam. De his rebus persæpe & in senatu, & in concione actum est. Cum læta civitate dictator unus nihil nec famæ, nec literis crederet, &, ut vera omnia essent, secunda se magis, quam adversa time-
 re diceret: tum M. Metilius tribunus plebis id enim vero ferendum esse negat, non presentem solum dictatorem obstiterisse rei bene gerenda, sed absentem etiam gesta obstare: & in ducendo bello sedulo tempus terere, quo diutius in magistratu sit, solusque & Roma, & in exercitu imperium habeat. quippe consulum alterum in acie cecidisse, alterum, specie classis Punica persequenda, procul ab Italia ablegatum. duos prætore Sicilia, atque Sardinia occupatos, quorum neutra hoc tempore provincia prætore egeat. M. Minutium magistrum equitum, ne hostem videret, ne quid rei bellicę gereret, prope in custodia habitum. Itaque hercule non Samnium modo, quo jam tanquam trans Iberum agro Pœnis concessum sit, & Campanum, Calenumque, & Falernum agrum pervastatos esse, sedente Casilini dictatore, & legionibus populi Romani agrum suum tutante; verum etiam exercitum cupientem pugnare, & magistrum equitum, clausos prope intra vallum retentos, tanquam hostibus captivis arma adempta. tandem ut abscesserit inde dictator, ut obsidione liberatos, extra vallum egressos, fudisse, ac fugasse hostes. Quas ob res, si antiquus animus plebi Romana esset, audacter se laturum fuisse de abrogando Q. Fabii Imperio. Nunc modicam rogationem promulgaturum de aquando magistri equitum & dictatoris jure: nec tamen, ne ita quidem, prius dimittendum ad exercitum Q. Fabium, quam consulem in locum C. Fla-

Flaminii suffecisset. Dictator concionibus se abstinuit, in actione minime popularis. ne in senatu quidem satis æquis auribus audiebatur, tunc cum hostem verbis extolleret, biennique clades per temeritatem atque incitiani ducum acceptas referret: *magistroque equitum, quod contra edictum suum pugnasset, rationem diceret reddendam esse. si penes se summa imperii, consiliique sit, propediem effecturum, ut sciant homines, bono imperatori haud magni fortunam momenti esse: mentem rationemque dominari. se salvo tempore, & sine ignominia servasse exercitum, quam multa millia hostium occidisse, ducere maiorem gloriam esse.* Hujus generis orationibus frustra habitis, & consule creato M. Atilio Regulo, ne præsens de jure imperii dimicaret, pridie, quam rogationis ferendæ dies adesset, nocte ad exercitum abiit. Luce orta, cum plebis concilium esset, magis tacita invidia dictatoris, favorque magistri equitum animos versabat, quam satis audebam homines ad suadendum quod vulgo placebat, prodire: & favote superante, auctoritas tamen rogationi deerat. Unus inventus est suator legis, C. Terentius Varro, qui priore anno prætor fuerat, loco non humili solum, sed etiam sordido ortus: patrem lanium fuisse ferunt, ipsum institorem mercis, filioque hoc ipso in servili ejus artis ministerio usum. Is juvenis ubi ex eo genere quæstus pecunia a patre relicta, animum ad spem liberalioris fortunæ adjecit, togaque, & forum placuere, proclamando pro sordidis hominibus, causisque adversus rem & famam bonorum, primum in notitiam populi, deinde ad honorem pervenit: quæstura quoque, & duabus ædilitatibus.

plebeja, & curuli, postremo & prætura perfunctus, jam ad consulatus spem cum attolleret animos, haud parum callide auram favorabilis populi ex dictatoria invidia petiit: sicque plebis unus gratiam tulit.

C A P U T XVII.

Fabius nequaquam iniquo animo ferens sibi Minutium aequatum jure, exercitum, ut suis uterque consiliis rem gerat, cum illo dividit.

27 **O**Mnes eam rogationem, quique Romæ, quique in exercitu erant, æqui, atque iniqui, præter ipsum dictatorem, in contumeliam ejus latam acceperunt. ipse, qua gravitate animi criminantes se ad multitudinem inimicos tulerat, eadem & populi in se sevientis injuriam tulit: acceptisque in ipso itibere literis senatus consulti de equato imperio, satis fidens haudquaquam cum imperii jure artem imperandi equatam, cumque invicto a civibus, hostibusque animo ad exercitum rediit. Minutius vero, cum jam ante vix tolerabilis fuisset, secundis rebus, ac favore vulgi, tum utique immodice, immodesteque non Annibale magis victo ab se, quam Fabio, gloriari. illum in rebus asperis unicum ac pacem ducem quasitum Annibali, majorem minori, dictatorem magistro equitum (quod nulla memoria habeat annalium) jussu populi æquatam in eadem civitate, in qua magistri equitum virgas, ac secures dictatoris tremere, atque horrere soliti sunt, in tantum suam felicitatem, virtutemque enituisse, ergo secuturum se fortunam suam, si dictatoris cunctatio in segnitie deorum hominumque judicio damnata perstaret.

rit. Itaque quo die primum congressus est cum Fabio, statuendum omnium primum ait esse, quemadmodum imperio adaquato utantur. se optimum ducere, aut diebus alternis, aut, si majora intervalla placerent, partitis temporibus, alternis summum jus imperiumque esse, ut par hosti non solum consilio, sed viribus etiam esset, si quam occasionem rei gerenda habuisset. Q. Fabio haudquaquam id placere: omnia enim fortunam habituram, quacumque remeritas collega habuisset. sibi communicatum cum illo, non ademptum imperium esse. Itaque se nunquam volentem parte, qua posset, rerum consilio gerendarum, cessurum: nec se tempora, aut dies imperii cum eo, sed exercitus divisurum: suisque consiliis, quoniam omnia non liceret, qua posset, servaturum. Ita obtinuit, ut legiones, sicut consulibus mos esset, inter se dividerent. Prima & quarta Minutius, secunda & tertia Fabio evenerunt. Item equites pari numero, sociumque, & Latini nominis auxilia diviserunt. castris se quoque separari magister equitum voluit.

C A P U T XVIII.

Minutius, magister equitum, cum, in iniquo loco congressus, legiones in maximum discrimen adduxisset, superveniente Fabio Maximo, periculo liberatur: eo beneficio victus, castra cum illo conjungit, & patriam salutat; idemque facere milites jubet.

DUplex inde Annibali gaudium fuit: neque enim quicquam eorum, quae apud hostes agerentur, eum fallebat, &

per fugis multa indicantibus, & per suos explorantem) nam & liberam Minutii temeritatem se suo modo captaturum, & solertiæ Fabii dimidium virium decessisse. Tumulus erat inter castra Minutii, & Pœnorum, quem qui occupasset, hæud dubie iniquiorem erat hosti locum facturum. cum non tam capere sine certamine volebat Annibal, quanquam id, operæ pretium erat, quam causam certaminis cum Minutio, quem semper occurrurum ad obsistendum satis sciebat, contrahere. Ager omnis medius erat prima specie inutilis insidiatori, quia non modo silvestre quicquam, sed ne vepribus quidem vestitum habebat: re ipsa natus tegendis insidiis, eo magis, quod in nuda valle nulla talis fraus timeri poterat. & erant in anfractibus cavæ rupes, ut quædam earum ducenos armatos possent capere. In has latebras, quot quenque locum apte insidere poterant, quinque millia conduntur peditum equitumque. necubi tamen aut motus alicujus temere egressi, aut fulgor armorum fraudem in valle tam aperta detegeret; missis paucis prima luce ad capiendum quem ante diximus tumulum, avertit oculos hostium. Primum statim conspectu contempta paucitas; ac sibi quisque deposcere pellendos inde hostes. ad locum capiendum dux ipse inter stolidissimos ferocissimosque ad arma vocat, & vanis animis & minis increpat hostem. Principio levem armaturam demittit, deinde conferto agmine mittit equites; postremo, cum hostibus quoque subsidia mitti videret, instructis legionibus procedit. Et Annibal laborantibus suis alia atque alia, crescente certamine, mittens auxilia peditum equitumque,

que, jam justam expleverat aciem, ac totis utrinque viribus certabatur. Prima levis armatura Romanorum præoccupatum inferiore loco succedens tumulum, pulsa detrusaque terrorem in succedentem intulit equitem, & ad signa legionum refugit. peditum acies inter percussos impavida sola erat, videbaturque, si justa aut si recta pugna esset, haudquaquam impar futura. tantum animorum fecerat prospere ante paucos dies res gesta. sed exorti repente insidiatores, eum tumultum terroremque in latera utrinque, ab tergoque incurstantes fecerunt, ut neque animus ad pugnam, neque ad fugam spes cuiquam superesset. Tunc Fabius primo clamore paventium audito, dein conspecta procul turbata acie: *Ita est, inquit, non celerius, quam timui, deprehendit fortuna temeritatem. Fabio aequatus imperio, Annibalem & virtute, & fortuna superiorem videt. sed aliud iurgandi succensendique tempus erit: nunc signa extra vallum proferte: victoriam hosti extorqueamus, confessionem erroris civibus.* Jam magna ex parte cæsis aliis, aliis circumspicientibus fugam, Fabiana se acies repente, velut cælo demissa, ad auxilium ostendit. Itaque prius quam ad conjectum teli veniret, aut manum confereret, & suos a fuga effusa, & a feroci pugna hostes continuit: Qui solutis ordinibus vage dissipati erant, undique confugerunt ad integram aciem. qui plures simul terga dederant, conversi in hostem, volventesque orbem, nunc sensim referre pedem, nunc conglobati restare. ac jam prope una acies facta erat victi atque integri exercitus, inferebantque signa in hostem, cum Pœnus receptui cecinit, palam ferente Annibale, ab se Minutium, se

29~

a Fa

a Fabio victum. Ita per variam fortunam diei maiore parte exacta, cum in castra reditura esset, Minucius convocatis militibus: Sape ego, inquit, audiui, milites, eum primum esse virum, qui ipse consulat. quid in rem sit: secundum, eum; qui bene monenti obediatur: qui nec ipse consulere, nec alteri parere scit, eum extremi ingenii esse. Nobis quoniam prima animi ingenique negata sors est, secundam ac mediam teneamus: & cum imperare discimus, parere prudenti in animum inducamus. castra cum Fabio jungamus. ad prætorium ejus signa cum tulerimus; ubi ego eum parentem appellavero, quod beneficio ejus erga nos, ac maiestate ejus dignum est; vos milites eos, quorum vos modo arma dexteraque texerunt, Patronos salutabitis: & si nihil aliud, gratiarum certe nobis animorum gloriam dies hac dederit.

- 34 Signo dato, conclamatur inde, ut colligantur vasa. profecti & agmine incedentes ad dictatoris castra, in admirationem & ipsum, & omnes, qui circa erant, converterunt. Ut constituta sunt ante tribunal signa, progressus ante alios magister equitum, cum patrem Fabium appellasset, circumfususque militum ejus totum agmen patronos consulasset: Parentibus, inquit, meis dictator, quibus te modo nomine, quo fando possum, aquavi, vitam tantum debeo; tibi cum meam salutem; tum omnium horum, itaque precibuscitum, quo oneratus magis, quam honoratus sum, primus antiquo, abrogoque: & quod tibi, mihi, quod meo exercitui tuoque conservato, ac conservatori sit felix, sub imperium, auspiciūque tuum redeo, & signa hac, legionesque restituo. tu quaso placatus me magistrum equitum, hos ordinibus suis quēque teneri jubeas. Tum dextras

inter-

interjunctæ: militesque concione dimissa a
notis, ignotisque benigne atque hospitali-
ter invitati: lætusque dies ex admodum
tristi paulo ante, ac prope execrabili fa-
ctus. Romæ, ut est perlata fama rei ge-
stæ, dein literis non magis ipsorum impe-
ratorum, quam vulgi militum ex utroque
exercitu affirmata, pro se quisque Maximum
laudibus ad cœlum ferre. Per gloria apud
Annibalem, hostesque Pœnos erat: ac tum
demum sentire, cum Romanis, atque in
Italia bellum esse: nam biennio ante adeo
& duces Romanos, & milites spreverant,
ut vix cum eadem gente bellum esse crede-
rent, cujus terribilem eam famam a patri-
bus accepissent. Annibalem quoque ex acie
redeuntem dixisse ferunt, tandem eam nu-
bem, que sederet in jugis montium, sollicitam
procella imbrem dedisse.

CAPUT XIX.

- Cn. Servilius Cos. expositas in Africa litoribus
copias cum ad præludandum temere duxisset,
compulsus ad naves, cum eade trajecit in
Siciliam: literis deinde accitus cum M.
Atilio collega ad accipiendum a Fabio Di-
ctatore exercitum venit: ambo Fabianis au-
ribus bellum gerentes, Annibalem ad sum-
mam inopiam adigunt.

DUM hæc geruntur in Italia, Cn. Ser- 31.
vilius Geminus consul cum classe CXX.
navium circumvectus Sardiniae & Corsicæ
oram, & obsidibus utrinque acceptis, in
Africam transmisit: & prius, quam in con-
tinentem descensiones faceret, Meninge in-
sula vastata, & ab incolentibus circa eam, ne-
&c.

& ipsorum ureretur diripereturque ager, X talentis argenti acceptis, ad litora Africæ accessit, copiasque exposuit. Inde ad populandum agrum ducti milites, navalesque socii juxta effusi, ac si insulas cultorum egen-
 tes prædarentur. itaque in insidias temere illati, cum a sequentibus palantes, & loco-
 rum ignari circumvenirentur, cum multa cæde, ac fœda fuga retro ad naves compulsi sunt. Ad mille hominum, cum his Semp-
 * al. nio Blæso quæstore * amisso, classis a litori-
 amif- bus hostium plenis trepide soluta in Siciliam
 sum. cursum tenuit: traditaque Lilybæi T. Otacilio prætori, ut a legato ejus P. Sura Romam reduceretur. ipse per Siciliam pedibus profectus, freto in Italiam trajecit: literisque Q. Fabii accitus. & ipse, & collega ejus M. Atilius, ut exercitum ab se exacto jam prope semestri imperio acciperent. Omnium prope annales Fabium dictatorem adversus Annibalem rem gessisse tradunt. Cælius etiam eum primum a populo creatum dictatorem scribit. Sed & Cælium, & cæteros fugit, uni consuli Cn. Servilio, qui tunc procul in Gallia provincia aberat, jus fuisse dicendi dictatoris; quam moram quia expectare terri-
 ta jam clade civitas non poterat, eo decursum esse, ut a populo crearetur, qui prodictatore esset; res inde gestas, gloriamque insignem ducis; & augendæ titulum imaginis posteris, ut dictator pro prodictatore diceretur, facile obtinuisse. Consules. M. Atilius
 32 Regulus, Cn. Servilius Geminus, exercitu accepto, hibernaculis mature communitis (tamen enim autumnus erat tempus) Fabii artibus cum summa inter se concordia bellum gesserunt. Frumentatum exeunti Annibali diversis locis opportune aderant, carpentes
 agmen,

agmen, palantesque excipientes. in catum universæ dimicationis, quam omnibus artibus petebat hostis, non veniebant. Adeoque inopia est coactus Annibal, ut nisi tum fugæ speciem abeundo timuisset, Galliam repetiturus fuerit: nulla relicta spe alendi exercitus in eis locis, si insequentes consules eisdem artibus bellum gererent.

CAPUT XX.

Neapolitanorum in rebus dubiis erga populum Romanum munificentia.

Cum ad Gerionem, jam hyeme impendente, constitisset bellum, Neapolitani legati Romam venere. ab iis quadraginta pateræ aureæ. magni ponderis in curiam illatæ, atque ita verba facta, ut dicerent, *scire se Romani populi ararium bello exhaustum: & cum iusta pro urbibus agrisque sociorum, ac pro capite, atque arce Italia, urbe Romana, atque imperio geratur: æquum censuisse Neapolitanos, quod auri sibi cum ad ipsorum ornatum, tum ad subsidium fortuna a maioribus relictum foret, eo juvare populum Romanum. si quam opem in sese crederent, eodem studio fuisse oblatores, gratum sibi patres Romanos, populumque facturum, si omnes res Neapolitanorum suas duxissent: dignosque judicaverint, a quibus donum animo ac voluntate eorum, qui libentes darent, quam re, majus ampliusque acciperent.* Legatis gratiæ actæ pro munificentia, curaque, patera, quæ ponderis minimi fuit, accepta.

CAPUT XXI.

*Roma supplicium sumitur de Carthaginiensium
speculatore, & de servis, qui in campo
Martio conjuraverant: res alia quadam ex-
terna per legatos curantur; cum causa comi-
tiorum dictus esset Dictator, quia vitio crea-
tus esset, res redit ad interregnum: in eo ha-
bitis comitiis, Consul creatur favore plebis,
dissentientibus Patribus, C. Terentius Var-
ro: huic L. Aemilius Paulus collega datur:
auctis exercitibus, prodigia procurantur.*

- 33 **P**ER eosdem dies speculator Carthaginiens-
is, qui per biennium fefellerat, Ro-
mæ deprehensus, præcisisque manibus di-
missus: & servi quinque & viginti in cru-
cem acti, quod in campo Martio conju-
rassent. indici data libertas, & æris gravis
XX. millia. Legati & ad Philippum Mace-
donum regem missi, ad deposcendum De-
metrium Pharium, qui bello victus ad eum
fugisset: & alii in Ligures, ad expostulan-
dum, quod Pœnum opibus auxiliisque suis
juvissent: simul ad visendum ex propin-
quo, quæ in Boiis, atque Insubribus gere-
rentur. Ad Pineum quoque regem in Il-
lyrios legati missi ad stipendium, cujus dies
exierat, poscendum: aut, si diem proferre
vellet, obsides accipiendos, adeo, etsi bel-
lum ingens in cervicibus erat, nullius us-
quam terrarum rei cura Romanos, ne lon-
ginqua quidem, effugiebat. In religionem
etiam venit, ædem Concordiæ, quam per
seditionem militarem biennio ante L. Man-
lius prætor in Gallia vovisset, locatam ad
id tempus non esse. Itaque Duumviri ad
eam

eam rem creati ab Æmilio prætore urbano, Cn. Pupius, & K. Quintius Flaminius, ædem in arce faciendam locaverunt. Ab eodem prætore ex senatus consulto literæ ad consules missæ, ut si iis videretur, alter eorum ad consules creandos Romam veniret: se in eam diem, * qua jussissent, comitia edicturum. Ad hæc a consulibus rescriptum, ^{al.} *sine detrimento reip. abscedi non posse ab hoste, quæ itaque per interregem comitia habenda esse potius, quam consilium alter a bello avocaretur*, Patribus rectius visum est, dictatorem a consule dici comitiarum habendorum causa. Dictus L. Veturius, Philo, M. Pomponium Mathonem magistrum equitum dixit. His vitio creatis, jussisque die quartodecimo se magistratu abdicare, ad interregnum res rediit. Consulibus prorogatum in 34 annum imperium: intereges proditi a patribus C. Claudius Appii Filius Centho, inde P. Cornelius Asina. in ejus interregno comitia habita magno certamine patrum ac plebis. G. Terentium Varronem, sui generis hominem, plebi, insectatione principum, popularibusque artibus conciliatum, a Q. Fabii opibus e dictatorio imperio concussis, aliena invidia splendentem, vulgus etiam extrahere ad consulatum nitebatur: patres summa ope obstabant, ne se insectando sibi æquare assuescerent homines. Bæbius Hærennius, tribunus plebis, cognatus G. Terentii, criminando non senatum modo, sed etiam augures, quod dictatorem prohibuissent comitia perficere, per invidiam eorum, favorem candidato suo conciliabat. *Ab hominibus nobilibus per multos annos bellum quarentibus Annibalem in Italiam adductum: ab iisdem, cum debellari possit, fraude id bellum*

trahi . cum quatuor militum legionibus universis pugnari posse apparuisset , eo quod M. Minutius absente Fabio prospere pugnasset , duas legiones hosti ad eadem objectas : deinde ex ipsa cade ereptas , ut pater patronusque appellaretur , qui prius vincere prohibuisset Romanos , quam vinci . Consules deinde Fabianis artibus , cum debellari posset , bellum traxisse . Id fœdus inter omnes nobiles ietum : nec finem ante belli habituros , quam consulem vere plebejum , id est hominem novum fecissent . nam plebejos nobiles jam eisdem iniurias esse sacris : & contemnere plebem , ex quo contemni desierint a patribus , capisse . Cui non id apparere ? id actum , & quæsitum esse , ut interregnum iniretur : ut in patrum potestate comitia essent . Id consules ambos ad exercitum morando quasisse . id postea , quia invitis iis dictator esset dictus comitiarum causa , expugnatum esse , ut vitiosus dictator per augures fieret . Abhorrere igitur interregnum eos : consulatum unum certe plebis Romana esse : populum liberius habiturum , ac daturum ei , qui magis vincere , quam diu imperare malit . Cum his orationibus accensa plebs esset , tribus patriciis
 35 U. C. t ionibus accensa plebs esset , tribus patriciis
 534 petentibus , P. Cornelio Merenda , L. Manlio Vulsone , M. Æmilio Lepido , duobus nobilibus jam familiaribus . plebi , C. Atilio Serano , & Q. Ælio Pæto , quorum alter pontifex , alter augur erat , C. Terentius consul unus creatur , ut in manu ejus essent comitia rogando collegæ . Tum experta nobilitas parum fuisse virium in competitoribus ejus , L. Æmiliū Paulum , qui cum M. Livio consul fuerat , & damnatione collegæ , & sua prope ambustus evaserat , infestum plebi , diu ac multum recusantem
 ad

ad petitionem compellit. Ita is proximo comitali die, concedentibus omnibus, qui cum Varrone certaverant, par magis in adversando, quam collega, datur consuli. Inde prætoriam comitia habita. creati M. Pomponius Matho, & P. Furius Philus. Romæ juris dicundi urbana fors Pomponio, inter cives Romanos, & inter peregrinos P. Furio Philo evenit. Additi duo prætores, M. Claudius Marcellus in Siciliam, L. Postumius Albinus in Galliam. Omnes absentes creati sunt, nec cuiquam eorum, præter Terentium consulem, erat mandatus honos, quem jam non antea gessisset, præteritis aliquot fortibus ac strenuis viris, quia in tali tempore nullus novis magistratus videbatur mandandus. Exercitus quoque multiplicati sunt. Quantæ autem peditum, equitumque additæ sint copiæ, adeo & numero, & genere copiarum variant auctores, ut vix quicquam satis certum affirmare ausim. Decem millia novorum militum alii scripta in supplementum, alii novas quatuor legiones quinque legionibus additas, ut novem legionibus rem gererent. numero quoque peditum, equitumque legiones auctas, millibus peditum, & centenis equitibus in singulas adjectis: ut quina millia peditum, trecenti equites essent: socii duplicem numerum equitum darent, pedites æquarent. Septem & octoginta millia armatorum, & CC. in castris Romanis, cum pugnatum ad Cannas est, quidam auctores sunt. Illud haudquaquam discrepat, majore conatu atque impetu rem actam, quam prioribus annis, quia spem, posse vinci hostem, dictator præbuerat. Cæterum prius, quam signa ab urbe novæ legiones moverent, decemviri libros adire, atque inspicere jussi, propter territor

tos vulgò homines novis prodigiis. nam & Romæ in Aventino, & Ariciæ nuntiatum erat, sub idem tempus lapidibus pluiffe, & multo cruore, signa in Sabinis cædis, aquas e fonte calidas manasse. Id quidem, & quod sæpius acciderat, magis terrebat, & in via Fornicata, quæ ad campum erat, aliquot homines de cœlo tacti, exanimatique fuerant. Ea prodigia ex libris procurata. Legati a Pæsto pateras aureas Romam attulerunt. iis, sicut Neapolitanis, gratiæ actæ, aurum non acceptum.

CAPUT XXII.

Hieronis regis Syracusanorum in populum Rom. liberalitas, & fides.

- 37 **P**ER eosdem dies ab Hierone classis Ostiam cum magno apparatu accessit. legati Syracusani in senatum introducti nuntiarunt, eadem C. Flamini consulis, exercitusque allatam adeo affecisse regem Hieronem, ut nulla sua propria, regnique sui clado moveri magis potuerit. itaque, quanquam probe scias magnitudinem populi Romani admirabiliorem prope adversis rebus, quam secundis esse, missa tamen a se omnia, quibus a bonis fidelibusque sociis bella iuvare soleant; quæ ne accipere abnuant, magnopere se P. C. orare. Jam omnium primum ominis causa victoriam auream pondo CCCXX. afferre sese; acciperent eam, tenerentque, & habere propriam, & perpetuam. advexisse etiam trecenta millia modium tritici, ducenta hordei, ne comitatus decissent. & quantum præterea opus esset, & quo iussissent, subveñerit. Milite, neque equite scire, nisi Ro.

Romano, Latinique nominis, non uti populum Romanum: levium armatorum auxilia etiam externa vidisse in castris Romanis, itaque misisse mille sagittariorum ac funditorum aptam manum adversus Baleares, ac Mauros, pugnacesque alias missili telo gentes. Ad ea dona consilium quoque addebant, ut prator, cui provincia Sicilia evenisset, classem in Africam traiceret: ut & hostes in terra sua bellum haberent, minusque laxamenti daretur iis ad auxilia Annibali summittenda. Ab senatu ita responsum regi est, Virum bonum, egregiumque socium Hieronem esse, atque uno tenore, ex quo in amicitiam populi Romani venerit, fidem coluisse, ac rem Romanam omni tempore, ac loco munifice adjuvisse: id, perinde ac deberet, pergratum populo Romano esse. Aurum & a civitatibus quibusdam allatum, gratia rei accepta, non accepisse populum Romanum: victoriam, omneque accipere, sedemque ei se diva dare, dicare Capitolium, templum Jovis Optimi Maximi, in ea arce urbis Roma sacratam, volentem propitiameque, firmam ac stabilem fore populo Romano. Funditores, sagittarii, & frumentum traditum consulibus. Quinqueremes ad navium classem, quæ cum T. Otacilio prætore in Sicilia erant, quinque & viginti additæ: permissumque est, ut, si e re p. censeret esse, in Africam trajiceret.

CAPUT XXIII.

Milites, quod nunquam antea, jure jurando ab tribunis militum adiguntur: cum collega Terentii Varronis, se temere jactantis, ferociam improbare se ostendisset Paulus Æmilius, eum proficiscentem Q. Fabius Maximus, ut in ea mente perstet, ac nihil nisi consulte agat, hortatur.

- 38 **D** Electu perfecto, consules paucos morati dies, dum socii ab nomine Latino venirent. Milites tunc, quod nunquam antea factum erat, jurejurando a tribunis militum adaçti, jussu consulum conventuros, neque injussu abituros. Nam ad eam diem nihil præter sacramentum fuerat: & ubi ad decuriam, aut centuriam convenissent, sua voluntate ipsi inter se equites decuriati, centuriati pedites conjurabant, sese fugæ atq; formidinis ergo non abituros, neque ex ordine recessuros, nisi teli sumendi, aut petendi, aut hostis ferendi, aut civis servandi causa. Id ex voluntario inter ipsos federe a tribunis ad legitimam jurisjurandi adactionem translatum. Conciones, priusquam ab urbe signa moverentur, consulis Varronis multæ ac feroces fuere, denuntiantes, bellum accersitum in Italiam ab nobilibus, mansurumque in visceribus reipublice, si plures Fabios imperatores haberet: se quo die hostem vidisset, * profi-
 * al-
 per-
 festu
 rum, gaturum. Collegæ ejus Pauli una, pridie quam ex urbe proficiscerentur, concio fuit, verior, quam gratior populo, qua nihil inclementer in Varronem dictum, nisi id modo, *Mirari se quo modo quis dux, priusquam aut suum, aut hostium exercitum, locorum situm, natura*

turam regionis nasset, jam nunc locatus in urbe sciret, qua sibi agenda armato forent: & diem quoque pradicere posset, quâ cum hoste signis collatis esset dimicaturus. Se, qua consilia magis res dent hominibus, quam homines rebus, ea ante tempus immatura non praecepturum. optare, ut, qua caute atque consulte gesta essent, satis prospere evenirent. temeritatem, praterquam quod stulta sit, infelicem etiam ad id locorum fuisse. Eum sua sponte apparebat tuta celeribus consiliis praeponiturum: & quo id constantius perseveraret. Q. Fabius Maximus sic eum poscipientem allocutus fertur: Si aut collegam (id quod mallet) tui similem, L. Aemili, haberes, aut tu collega tui similis esses, supervacanea esset oratio mea, nam & duo boni consules, etiam me tacente, omnia e rep. fide vestra faceretis: & mali nec mea verba auribus vestris, nec consilia animis reciperetis. nunc & collegam tuum, & te talem virum intuenti mihi, tecum omnis oratio est: quem video nequicquam & virum bonum, & civem fore, si altera parte claudiceret respublica. malis consiliis idem ac bonis juris & potestatis erit. Erras enim, L. Paulle, si tibi minus certaminis cum C. Terrentio, quam cum Annibale, futurum censes. nescio an infestior hic adversarius, quam ille hostis maneat: & cum illo in acie tantum, cum hoc omnibus locis ac temporibus certaturus es. & adversum Annibalem legionesque ejus tuis equitibus ac peditibus pugnandum tibi est: Varro dux tuis militibus te est oppugnaturum. Ominis etiam tibi causa absit C. Flamini memoria. tamen ille consul demum, & in provincia, & ad exercitum cepit furere: hic prius quam peteret consulatum: deinde

in petendo consulatu; nunc quoque consul, prius quam castra videat, aut hostem, insanit. & qui tantas jam nunc procellas, praelia atque acies iactando inter regatos ciet, quid inter armatam juventutem censes facturum, & ubi extemplo verba res sequitur? Atqui si hic, quod facturum se denuntiat, extemplo pugnaverit: aut ego rem militarem, belli hoc genus, hostem hunc ignoro, aut nobilior alius Trasymeno locus nostris cladibus erit. Nec gloriandi tempus adversus unum est: & ego contemnendopotius, quam appetendo gloriam modum excefferim. sed ita res habet. una ratio belli gerendi adversus Annibalem est, qua ego gessi. nec eventus modo hoc docet: stultorum iste magister est: sed eadem ratio, qua fuit, futuraque, donec res eadem manebunt, immutabilis est. In Italia bellum gerimus, in sede ac solo nostro. omnia circa plena civium ac sociorum sunt, armis, viris, equis, commeatibus juvant, juvabuntque: id jam fidei documentum in adversis rebus nostris dederunt. meliores, prudentiores, constantiores nos tempus diesque facit. Annibal contra in aliena, in hostili est terra, inter omnia inimica infestaque, procul a domo, procul a patria. neque illi terra, neque mari est pax: nulla cum urbes accipiunt, nulla mœnia: nihil usquam sui videt, in diem rapto viris. partem utx tertiam exercitus ejus habet, quem Iberum amnem trajecit: plures fames quam ferrum absorpsit: nec his paucis iam victum suppeditat. Dubitas ergo, quin eum sedendo superaturi simus, qui senescat in dies? non commeatus, non supplementum, non pecuniam habeat? Quandiu pro Gerionis, castelli Appulia inopis, tanquam pro Carthaginis mœnibus, pugnatum est? Sed ne adversus te quidem gloriabor. Cn. Servilius, atq; M.

Atilius, proximi consules, vide quemadmodum eum Indificari sint. Hac una salutis est via, L. Paule, quam difficilem infestamque cives sibi magis, quam hostes facient, idem enim tui, quod hostium milites, volent: idem Varro, consul Romanus, quod Annibal, Pœnus imperator, cupiet duobus ducibus unus resistas oportet. resistes autem, adversus famam, rumoresque hominum si satis firmus steteris: si te neque collega vana gloria, neque tua falsa infamia moverit. A veritate laborare nimis ius saepe ajunt, extinguere nunquam. Gloriam qui spreverit, veram habebit. Sine, timidum pro cauto, tardum pro considerato, imbellem pro perito belli vocent. malo, te sapiens hostis metuat, quam stulticives laudent. omnia audentem contemnet Annibal: nil temere agentem metuet. Nec ego, ut nihil agatur, moneo, sed ut agentem te ratio ducat, non fortuna. tua potestatis semper, tuaque omnia sint. armatus intentusque sis, neque occasio tua desis, neque suam occasionem hosti des. omnia non properanti clara certa que erunt. festinatio improvida est, & caca. Ad- 40
versus ea oratio consulis haud fane læta fuit, magis fatentis ea, quæ dicerent, vera, quam facilia factu esse. Dictatori magistrum equitum intollerabilem fuisse: quid consuli adversus collegam seditiosum ac temerarium virium, atque auctoritatis fore? Se populare incendium priore consulatu semivictum effugisse, optare ut omnia prospere evenirent: at si quid adversi caderet, hostium se velis potius, quam suffragiis iratorum civium caput obiecturum.

CAPUT XXIV.

C. Terentius Varro, & L. Aemilius Paulus Consules contra Annibalem ab Urbe profecti, in castra perveniunt; cum Varro prospera contra prædadores usus fortuna temere hostem insequeretur, Paulus, objecto metu insidiarum, ei obsistit: cum pergeret nihilominus, omine primum, deinde certo de insidiis nuntio deterretur.

AB hoc sermone profectum Paulum tradunt, prosequentibus primoribus patrum. Plebejum consulem sua plebs prosecuta, turba quam dignitate conspectior. Ut in castra venerunt, permisso novo exercitu ac veteri, castris bifariam factis, ut nova minora essent propius Annibali, in veteribus major pars, & omne robur virium esset: tum anni prioris consulem M. Atilium ætatem excusantem Romam miserunt. Cn. Servilium in minoribus castris legioni Romanæ, & socium peditum equitumque duobus millibus præficiunt. Annibal, quanquam parte dimidia auctas hostium copias cernebat, tamen adventu consulum mire gaudere. non solum enim nihil ex raptis in diem com meatibus superabat, sed ne unde raperet quidem, quicquam reliqui erat, omni undique frumento, posteaquam ager parum tutus erat, in urbes munitas convector: ut vix decem dierum, quod compertum postea est, frumentum superesset, Hispanorumque ob inopiam transi-
 41 ctata foret. Cæterum temeritati consulis, ac præproprio ingenio materiam etiam fortuna dedit: quod in prohibendis prædatoribus tu-
 mul-

multuario prælio, ac procorſu magis militum, quam ex præparato, aut juffu imp:ratorem orto, haudquaquam par Pœnif demicatior fuit. Ad M & DCC. cæſi: non plu C. Romanorum, ſociorumque occiſis. Cæ:etum victoribus effuſe ſequentibus, metu inſidiarum, obſtitit Paulus conſul, cujuſeodie (nam alternis imperitabant) imperium erat, Varrone indignante, ac vociferante, *emiſſum hoſtem e manibus: debellarique, ni ceſſatum foret, potuiſſe*. Annibal id damnum haud ægerrime pati: quin potius credere, velut inefcatam temeritatem ferocioris conſulis, ac novorum maxime militum eſſe. & omnia ei hoſtium, haud ſecus quam ſua, nota erant: diſſimiles diſcordesque imperitare: duas prope partes tironum militum in exercitu eſſe. itaque locum & tempus inſidiis aptum ſe habere ratus, nocte proxima, nihil, præter arma ferentes ſecum milites, ducens, caſtra plena omnis fortunæ publicæ privatæque relinquit: tranſque proximos montes læva pedites inſtructos condit, dextra equites, impedimenta per cornua in medium agmen traducit, ut diripiendis velut deſertis fuga dominorum caſtris occupatum impeditumque hoſtem opprimeret. Crebri relictī in caſtris ignes, ut fides fieret, dum ipſe longius ſpatium fuga præriperet, falſa imagine caſtrorum, ſicut Fabium priore anno fruſtratus eſſet, tenere in locis conſules voluiſſe. Ubi illuxit, ſubductæ primo ſtationes, deinde propius adeuntibus inſolitum ſilentium admirationem fecit. Jam ſatis comperta ſolitudine in caſtris, concurſus fit ad prætoria conſulum, nuntiantium fugam hoſtium adeo trepidam, ut tabernaculis ſtantibus caſtra reliquerint: quoque

fuga obscurior esset, crebros etiam relictos ignes, Clamor inde ortus, ut signa proferri juberent, ducerentque ad persequendos hostes, ac protinus castra diripienda. & consul alter velut unus turbæ militaris erat. Paulus etiam atque etiam dicere, providendum præcavendumque esse. postremo cum aliter neque seditionem, neque ducem seditionis sustinere posset: M. Statilium præfectum cum turma Lucanorum exploratum misit. qui ubi adequitavit portis, subsistere extra munimenta cæteris jussis, ipse cum duobus equitibus vallum intravit, speculatusque omnia cum cura, renuntiat insidias profecto esse: ignes in parte castrorum, quæ vergat in hostem, relictos: tabernacula aperta, & omnia cara in promptu relictæ: argentum quibusdam locis temere per vias velut objectum ad prædam vidisse. Quæ ad deterrendos a cupiditate animos nuntiata erant, ea accenderunt: & clamore sublato a militibus, nisi signum detur, sine ducibus ituros: handquaquam dux defuit. nam extemplo Varro signum dedit proficiscendi. Paulus. cum ei sua sponte cunctanti pulli quoque auspicio non addixissent, obnuntiari jam efferenti porta signa collegæ jussit. quod quanquam Varro ægre est passus, Flamini tamen recens casus, Claudique consulis primo Punico bello memoratæ navalis clades religionem animo incussit. Dii prope ipse eo die magis distulere, quam prohibuere imminentem pestem Romanis, nam forte ita evenit, ut, cum referri signa in castra jubenti consuli milites non parerent, servi duo, Formiani unus, alter Sidicini equitis, qui Servilio atque Atilio consulibus inter pabulatores excepti a Numidis fuerant, profu-

gerent eo die ad dominos. qui deducti ad consules denuntiant, omnem exercitum Annibalis trans proximos montes sedere in insidiis. Horum opportunus adventus consules imperii potentes fecit: cum ambitio alterius suam primum apud eos prava indulgentia majestatem solvisset.

CAPUT XXV.

Annibal, orto in ejus exercitu propter frumenti inopiam gravi tumultu, castris in vis prociis ab Romanis, pergit ad Cannas: eo consulas quoque persequuntur.

ANnibal, postquam motos magis inconsulte Romanos, quam ad ultimum temere evictos vidit: nequicquam detecta fraude in castra rediit. ibi plures dies propter inopiam frumenti manere nequibat: novaque consilia in dies non apud milites solum mistos ex colluvione omnium gentium, sed etiam apud ipsum ducem oriebantur. nam cum initio fremitus, deinde aperta vociferatio fuisset exposcentium stipendium debitum, querentiumque annonam primo, postremo famem: & mercenarios milites, maxime Hispani generis, de transitione cepisse consilium, fama esset, ipse etiam interdum Annibal de fuga in Galliam dicitur agitasse: ita ut relicto peditatu omni cum equitatu se proriperet. Cum hæc consilia, atque hic habitus animorum esset in castris, movere inde statuit in calidiora, atque eo maturiora mensibus Apuliæ loca, simul ut quo longius ab hoste recessisset, transfugia impeditiora levibus ingeniis essent. Profectus est nocte, ignibus similiter factis, tabernaculisque pau-

cis in speciem relictis, ut insidiarum par priori metus contineret Romanos. Sed per eundem Lucanum Statilium omnibus ultra castra, transque montes exploratis, cum relatum esset, visum procul hostium agmen: tum die sequenti ejus insequendi consilia agitari cœpta. Cum utriusque consulis eadem esset, quæ semper ante fuisset, sententia; cæterum Varroni fere omnes, Paulo nemo præter Servilium prioris anni consulem, assentiretur: majoris partis sententia ad nobilitandas clade Romana Cannas urgente fato profecti sunt. Prope cum vicum Annibal castra posuerat averfa a Vulturno vento, qui campis torridis siccitate nubes pulveris vehit. Id cum ipsis castris percommodum fuit, tum salutare præcipue futurum erat, cum aciem dirigerent, ipsi averfi, terga tantum afflante vento, in obcæcatum puvlere effuso hostem pugnaturi.

CAPUT XXVI.

Nobilis Romana clade apud Cannas cum Annibale pugna: caduntur quadraginta quinque millia cum Paulo Cos., & senatoribus octoginta, consularibus, atque pratoriis, & adilitis triginta.

- 44 **C**onsules satis exploratis itineribus sequentes Pœnum, ut ventum ad Cannas est, ubi in conspectu Pœnum habebant, bina castra communiunt, eodem ferme intervallo, quo ad Gerionem, sicut ante copiis divisis. Aufidus amnis utrisque castris affluens, aditum aquatoribus ex sua cujusque opportunitate haud sine certamine dabat. ex minoribus tamen castris, quæ posita trans Aufidum erant, liberius aquabantur

tur Romani: quia ripa ulterior nullum habebat hostium præsidium. Annibal spem nactus loci ad equestrem pugnam, qua parte virium invictus erat, facturus copiam pugnandi consulibus, dirigit aciem, lacescitque Numidarum procurratione hostes. Inde rursus sollicitari seditione militari, ac discordia consulum Romana castra, cum Paulus Sempromii, & Flamini temeritatem Varroni, Varro speciosum timidis ac segnibus ducibus exemplum Fabii objiceret: testareturque deos & homines: hic, nullam penes se culpam esse, quod Annibal jam velut suam cepisset Italiam, se constrictum a collega teneri, ferrum, atque arma iratis & pugnare cupientibus adimi militibus: ille, si quid projectis ac proditis ad inconsultam atque improvidam pugnam legionibus accideret, se omnis culpæ exortem, omnis tamen eventus participem fore diceret. videret, ut quibus lingua prompta ac temeraria esset, æque in pugnam vigerent manus. Dum altercationibus magis, quam consiliis tempus teritur, Annibal ex acie, quam ad multam diem tenuerat instructam, cum in castra cæteras reciperet copias, Numidas ad invadendos ex minoribus castris Romanorum aquatores trans flumen mittit. quam inconditam turbam cum vixdum in ripa megressi clamore ac tumultu fugassent, in stationem quoque pro vallo locatam, atque ipsas prope portas evecti sunt. Id vero indignum visum, ab tumultuario auxilio jam etiam castra Romana terreri, ut ea modo una causa, ne extemplo transirent flumen, dirigerentque aciem, tenuerit Romanos, quod summa imperii eo die penes Paulum fuerit. Itaque Varro postero die, cui fors ejus diei imperii erat, nihil con-

sulto collega, signum pugnae proposuit instructisq; copiis flumen transivit, sequente Paulo: quia magis non probare, quam non adjuvare consilium poterat. Transgressi flumen, eas quoque quas in castris minoribus habuerant copias, suis adjungunt: atque ita instructa acie, in dextro cornu (id erat flumini propius) Romanos equites locant, deinde pedites. lævum cornu externi equites sociorum, intra pedites, ad medium juncti legionibus Romanis tenuerunt jaculatores. ex cæteris levium armorum auxiliis prima acies facta. consules cornua tenent, Terentius lævum, Æmilius dextrum. Cn. Servilio media pugna tuenda

46 data. Annibal luce prima Balearibus, levique alia armatura præmissa, transgressus flumen, ut quosq; traduxerat, ita in acie locabat. Gallos, Hispanosque equites prope ripam lævo in cornu adversus Romanum equitatum; dextrum cornu Numidis equitibus datum, media acies peditibus firmata: ita, ut Afrorum utraque cornua essent, interponerentur his medii Galli, atque Hispani. Afros Romanam magna ex parte crederes aciem: ita armati erant, armis & ad Trebiam, cæterum magna ex parte ad Trasymenum captis. Gallis Hispanisque scuta ejusdem formæ fere erant: dispares ac dissimiles gladii: Gallis prælongi, ac sine mucronibus: Hispano punctim magis, quam cæsim, assueto petere hostem, brevitate habiles, & cum mucronibus. ante cæteros armati (is gentium harum habitus tum magnitudine corporum, tum specie terribilis erat) Galli super umbilicum erant nudi: Hispani linteis pretextis purpura tunicis candore miro fulgentibus constiterant. Numerus omnium, qui tum peditum, equitumque in acie steterunt, L. millia fuerunt; vide-

licet

licet quadraginta peditum millia, decem equitum. Duces cornibus præerant: finistrum Asdrubal, dextrum regebat Maharbal: mediam aciem Annibal ipse cum fratre Magone tenuit. sol, seu de industria ita locatis, seu quod forte ita starent, peropportune utrique parti obliquuserat, Romanis in meridiem, Pœnis in septentrionem versis. ventus, quem Vulturum incolæ regionis vocant, adversus * Romanos coortus, multo pulvere in ipsa ora volvendo prospectum ademit. Clamore sublato procursum ab auxiliis, & pugna levibus primum armis commissa: deinde equitum Gallorum, Hispanorumque lævum cornu cum dextro Romano concurrit, minime equestris more pugnae. frontibus enim adversis concurrendum erat: quia nullo circa ad evagandum relicto spatio, hinc amnis, hinc peditum acies claudebant. In directum utrinque nitentes, stantibus ac confertis, postremo turbatis equis vir virum amplexus detrahebat equo. pedestre magna jam ex parte certamen factum erat. acrius tamen, quam diutius pugnatum est: pulsi que Romani equites terga vertunt. Sub equestris finem certaminis coorta est peditum pugna. Primo & viribus & animis pares constabant ordines Gallicis, Hispanisque. tandem Romani diu ac sæpe consilio agitabant, qua fronte, acieque densa impellerent hostium cuneum nimis tenuem, eoque parum validum, a cætera prominentem acie. impulsis deinde, ac trepide referentibus pedem insistere, ac tenore uno per præceps pavore fugentium agmen in mediam primum aciem illati, postremo; nullo resistente, ad subsidia Afrorum pervenerunt, qui utrinque reductis alis constituerant * medique Galli, Hispanique steterunt

* al.
Ro-
ma-
nis.
47

* al.
me-
dia,
qua

runt aliquantum prominente acie. qui cuneus ut pulsus æquavit frontem primum, deinde nitendo etiam sinum in medio dedit, Afri circa jam cornua vim fecerant, irruentibusque incaute in medium Romanis circumdedere alas: mox cornua extendendo, claufere & ab tergo hostes. Hinc Romani defuncti nequicquam prælio uno, omissis Gallis Hispanisque, quorum terga ceciderant, etiam adversus Afros integram pugnam ineunt: non tantum eo iniquam, quod inclusi adversus circumfusus, sed etiam quod fessi cum recentibus ac vegetis pugnabant. Jam & in sinistro cornu Romano, ubi sociorum equites adversus Numidas steterant, confertum prælium erat, segne primo, & a Punica cæptum fraude. Quingenti ferme Numidæ præter consueta arma telaque, gladios occultos sub loriceis habentes, specie transfugarum cum ab suis parma post terga habentes adequitassent, repente ex equis desiliunt, parmisque & jaculis ante pedes hostium projectis, in mediam aciem accepti, ductique ad ultimos, confidere ab tergo jubentur. ac dum prælium ab omni parte confertur, quieti manserunt. postquam omnium animos oculosque occupaverat certamen, tum arreptis scutis, quæ passim inter acervos cæсорum corporum strata erant, aversam adoriuntur Romanam aciem, tergaque ferientes, ac poplites cædentes, stragem ingentem dederunt: ac majorem aliquanto pavorem, ac tumultum fecerunt. Cum alibi terror ac fuga, alibi pertinax in mala jam spe prælium esset: Asdrubal, qui ea parte præerat, subductos ex media acie Numidas, quia segnis eorum cum adversis pugna erat, ad persequendos passim fugientes mittit, Hispanos, & Gal-

los

los pedites Afris jam prope fessis cæde magis, quam pugna adjungit. Parte altera pugnae 49 Paulus, quanquam primo statim prælio funda graviter ictus fuerat, tamen & occurrit sæpe cum confertis Annibali, & aliquot locis prælium restituit, protegentibus eum equitibus Romanis. omissis postremo equis, quia consulem ad regendum equum vires deficiebant, tum denuntianti cuidam, jussisse consulem ad pedes descendere equites, dixisse Annibalem ferunt, *quam mallem, victos mihi traderes*. Equitum pedestre prælium, quale jam laud dubia hostium victoria, fuit, cum victi mori in vestigio mallent, quam fugere: victores morantibus victoriam irati, trucidarent, quos pellere non poterant: pepulerunt tamen jam paucos superatos, & labore ac vulneribus fessos. inde dissipati omnes sunt, equosque ad fugam, qui poterant, repetebant. Cn. Lentulus tribunus militum cum prætervehens equo, sedentem in saxo, cruore oppletum consulem vidisset: L. Æmili, inquit, *quem unum in fontem culpa cladis hodierna dii respicere debent, cape hunc equum, dum tibi virium aliquid superest: comes ego te tollere possum, ac protegere, ne funestam hanc pugnam morte consulis feceris: etiam sine hoc lacrymarum satis, luctusque est*. Ad ea consul: Tu quidem, Cn. Corneli, *maeste virtute esto: sed cave, frustra miserando exiguum tempus a manibus hostium evadendi absumas*. Abi, *nuntia publice patribus, urbem Romam muniant, ac prius quam hostis victor adveniat, præsidii firment: privatimque Q. Fabio, L. Æmilium præceptorum ejus memorem existisse, & vixisse, & adhuc mori*. & tu me in hac strage militum *magnum patere empirare, ne ut reus inter-*
eam:

eam; causaque consulatus accusator collega exi-
stam, & alieno crimine innocentiam meam pro-
tegam. Hæc exigentem prius turba fugien-
 tium civium, deinde hostes oppressere con-
 sulem, ignorantes quis esset, obrueruntque
 telis. Lentulum in tumulum abripuit equus.
 tum inde effulse fugiunt. Septem millia homi-
 num in minora castra, decem in majora, duo
 ferme in vicum ipsum Cannas perfugerunt:
 qui extemplo a Carthalone, atque equitibus,
 nullo munimento tegente vicum, circum-
 venti sunt. Consul alter, seu forte, seu con-
 silio, nihil fugientium infestus agmini, cum
 quinquaginta fere equitibus Venusiam pro-
 fugit. Quadraginta millia peditum, duo
 millia septingenti equites, & tanta prope ci-
 vium sociorumque pars cæsi dicuntur. in his
 alter consulum, quæstores L. Atilius, &
 L. Furius Bibaculus: XXI. tri. mil. con-
 sulares quidam, prætorique, & ædilitii:
 inter eos Cn. Servilius, M. Matho, qui ma-
 gister equitum priore anno aliquot diebus an-
 te fuerat: LXXX præterea senatores, aut
 qui eos magistratus gessissent, unde in sena-
 tum legi deberent, cum sua voluntate mili-
 tes in legionibus facti essent. Capta eo præ-
 lio tria millia peditum, & equites trecenti
 50 dicuntur. Hæc est pugna Cannensi clade no-
 bilitata, par Aliensi. Cæterum ut hæc illa
 iis, quæ post pugnam accidere, levior, quia
 ab hoste cessatum est: sic strage exercitus gra-
 vior, fædiorque fuit fuga: namq; ad Aliam
 fuga sicut urbem prodidit, ita exercitum ser-
 vavit; ad Cannas fugientem consulem vix
 quinquaginta secuti sunt, alterius morientis
 prope totus exercitus fugit.

CAPUT XXVII.

Aliquot Romanorum militum, qui ex Cannensi pralio in minora castra fugerunt, ut se cum illis conjungant, qui in majora se receperant, per medios hostes percurrunt: inde, facto agmine, Canusium perveniunt.

B Inis in castris cum multitudo semiermis sine ducibus esset, nuntium, qui majoribus præerant, mittunt: dum prælio, deinde ex lætitia epulis fatigatos quies nocturna hostes premeret, ut ad se transirent. uno agmine inde Canusium abituros esse. Eam sententiam alii totam aspernari. cur enim illos qui se accersant, ipsos non venire, cum æque conjungi possent? quia videlicet plena hostium omnia in medio essent; & aliorum, quam sua corpora tanto periculo mallent objicere. Aliis non tam sententia displicere, quam animus deesse. P. Sempronius Tuditanus, tribunus militum: Capi ergo mavultis, inquit, ab avarissimo & crudelissimo hoste? astimarique capita vestra pretio? & exquiri ab interrogantibus, Romanus civis sis, an Latinus socius? ut ex tua contumelia & miseria alteri honos quaratur, non tibi? non vos quidem L. Æmilii, qui se bene mori, quam turpiter vivere maluit, & tot fortissimorum virorum, qui circa cum cumulati jacent, similes estis: Sed antequam opprimat lux, majoraque hostium agmina obsepant iter, per hos, qui inordinari, atque incomposti obstreperunt portis, erumpamus. Ferro, atque audacia iter sit per quamvis confertos hostes, cuneo quidem hoc laxum atque solutum

tum agmen, ac si nihil obftet, transibimus. Itaque ite mecum, qui & vosmetipsos, & rempublicam saluam vultis. Hæc ubi dicta dedit, stringit gladium, cuneoque facto per medios vadit hostes, & cum in latus dextrum, quod patebat, Numidæ jacularentur, translatis in dexteram partem scutis, in majora castra ad sexcentos evaserunt: atque inde protinus alio magno agmine adjuncto Canusium incolumes perveniunt. Hæc apud victos magis impetu animorum, quem ingenium suum cuique, aut fors dabat, quam ex consilio ipsorum, aut imperio cujusquam agebantur.

CAPUT XXVIII.

Annibal a Maharbale admonitus, posse ipsum intra quingentum diem, si pergat, in Capitolio epulari, ejus consilio propter quietis desiderium non utitur: moratus in spoliis legendis, & fœda clade spectanda, ducit exercitum ad oppugnanda minora & majora Romanorum castra: utrisque, cum non essent qui defenderent, cum ingenti prada potitur. In eos, qui Canusium abierant, Canusina fœmina munificentia.

- 51 **A** Nnibali victori cum cæteri circumfusi gratularentur, suaderentque, ut tanto perfunctus bello, diei quod reliquum esset, noctisque insequentis, quietem & ipse sibi met sumeret, & fessis daret militibus, Maharbal præfectus equitum minime cessandum ratus: Imo ut quid hac pugna sit actum, scias, die quinta, inquit, victor in Capitolio epulaberis. sequere cum equite, ut prius te venisse, quam venturum sciant, Pra-

Præcedant, Annibal inquit, *nuntii: lata res est: sed via major, quam ut eam statim capere animo possim.* itaque voluntatem se laudare Maharbalis, ait, *ad consilium prensandum tempus opus esse.* Tum Maharbal: *Non omnia nimirum eidem dii dedere. Vincere scis Annibal, victoria uti nescis.* Mora ejus diei satis creditur salutis fuisse urbi, atque imperio. Postero die ubi primum illuxit, ad spolia legenda, fœdamque etiam hostibus spectandam stragem insistant. Jacebant tot Romanorum millia, pedites passim, equitesque, ut quem cuique fors aut pugna junxerat, aut fuga. assurgentes quidam ex strage media cruenti, quos stricta matutino frigore excitaverant vulnera, ab hoste oppressi sunt. Quosdam & jacentes vivos succisis feminibus, poplitibusque invenerunt, nudantes cervicem jugulumque, & reliquum sanguinem invitantes haurire. Inventi sunt quidam merfis ineffossam terram capitibus, quos sibi ipsos fecisse foveas, obruentesque ora subjecta super humo injecta interclusisse spiritum apparebat. Præcipue convertit omnes substratus Numida mortuo super incumbenti Romano vivus, naso auribusque laceratis: cum, manibus ad capiendum telum inutilibus, in rabiem ira versus, laniando dentibus hostem expirasset. Spoliis ad multum diei lectis, Annibal ad minora ducit castra oppugnanda: & omnium primum brachio flumini objecto eos excludit. Cæterum ab omnibus, labore, vigiliis, vulneribus etiam fessis, maturior ipsius spe deditio est facta. pacti, ut arma atque equos traderent, in capita Romana tricenis nummis quadrigatis, in socios ducenis, in servos centenis, & ut eo pretio persoluto, cum singulis abirent vestimen-

mentis, in castra hostes receperunt: traditque in custodiam omnes sunt, sed seorsum cives, focique. Dum ibi tempus teritur, interea cum ex majoribus castris, quibus satis virium aut animi fuit, ad quatuor millia hominum, & CC. equites, alii agmine, alii palantes passim per agros, quod haud minus tutum erat, Canusium profugissent, castra ipsa ab faucibus, timidisque eadem conditione, qua altera, tradita hosti. Præda ingens parta est: & præter equos, virosque, & si quid argenti, quod plurimum in phaleris equorum erat: (nam ad vescendum factò perexiguo utique militantes utebantur) omnis cætera præda diripienda data est. Tum sepeliendi causa conferri in unum corpora suorum iussit. Ad octo millia fuisse dicuntur fortissimorum virorum. Consulem quoque Romanum conquestum, sepultumque quidam auctores sunt. Eos, qui Canusium perfugerant, muliercula nomine Busa, genere clara ac divitiis, mœnibus tantum tectisque a Canusinis receptos, frumento, veste, viatico etiam juvit. pro qua ei munificentia postea bello perfectò ab Senatu honores habiti sunt.

CAPUT XXIX.

Propter desperationem agitantibus consilium nobilibus adolescentibus de relinquenda Italia, P. Cor. Scipio tribun. militum, qui postea Africanus fuit appellatus, stricto super capite consultantium gladio, compellis jurare, se Italiam non deserturos.

53 CÆterum cum ibi tribuni militum quatuor essent, Fabius Maximus de legio-

gione prima, cujus pater priore anno dicta-
tor fuerat: & de legione secunda L. Publi-
cius Bibulus, & P. Cornelius Scipio: & de
legione tertia Ap. Claudius Pulcher, qui
proxime ædilis fuerat: omnium consensu ad
P. Scipionem admodum adolescentem, & ad
Ap. Claudium summa imperii delata est.
quibus consultantibus inter paucos de sum-
ma rerum, nuntiat P. Furius Philus consu-
laris viri filius, *nequiequam eos consultare;
perditam spem fovere: desperatam, complora-
tamque rem esse publicam. nobiles juvenes quos-
dam, quorum principem L. Cacilium Metellum,
mare, ac naves spectare, ut deserta Italia, ad
regum aliquem transfugiant. Quod malum,
præterquam quod atrox, super tot clades,
etiam novum, cum stupore ac miraculo tor-
pidos defixisset; & qui aderant, consilium
advocandum de eo censerent: negat consilii
rem esse Scipio, juvenis fatalis dux hujusce
belli: *audendum atque agendum, non consul-
tandum*, ait, *in tanto malo esse. irent secum
extemplo armati, qui rem publicam salvam vel-
lent. nusquam verius, quam ubi ea cogi-
tentur, hostium castra esse.* Pergit deinde
ire, sequentibus paucis, in hospitium Me-
telli. & cum concilium ibi juvenum, de
quibus allatum erat, invenisset: stricto su-
per capita consultantium gladio. *Ex mei
animi sententia*, inquit, *juro, ut ego Rem-
publicam non deseram, neque alium civem
Romanum deserere patiar. si sciens fallo,
tum me Jupiter Optime Maxime, domum,
familiam, remque meam pessimo letho afficias.*
*In hac verba L. Cacili jures, exoptulo, ca-
terique, qui adestis; qui non juraveris, in
se hunc gladium strictum esse sciat. Haud
secus pavidum, quam si victorem Annibalem*
cer-*

cernerent, jurant omnes: custodiendosque semetipsos contra Annibalem Scipioni tradunt.

CAPUT XXX.

Milites, qui Venusiam cum Terentio Consule fugerant, a Venusinis benigne excipiuntur: inde profecti, cum iis, qui Canusi erant: se conjungunt. Roma interim cum esset ingens trepidatio, agereturque de urbe custodienda, allatis literis Terentii Consulis, cognitaque cladis magnitudine, ingens luctus exoritur.

EO tempore, quo hæc Canusii agebantur, Venusiam ad Consulem ad quatuor milia peditum equitumque, qui sparsi fuga per agros fuerant, pervenere. Eos omnes Venusini per familias benigne accipiendos, curandosque cum divisissent, in singulos equites togas, & tunicas, & quadrigatos nummos quinofvicenos, & peditibus denos, & arma quibus deerant, dederunt: cæteraque publice ac privatim hospitaliter facta: certatumque, ne a muliere Canusina populus Venusinus officii vinceretur. Sed Canusii gravius onus Bursæ multitudo faciebat, & jam ad decem milia hominum erant. Appius, & Scipio, postquam incolumem esse alterum consulem acceperunt, nuntium extemplo mittunt, quantæ secum peditum, equitumque copię essent: sciscitatumque simul, utrum Venusiam adduci exercitum, an manere juberet Canusii. Varro ipse Canusium copias traduxit. Et jam aliqua species consularis exercitus erat, mœnibusque se certe, si non armis, ab hoste videbantur defensuri. Romam,

nam, ne has quidem reliquias superesse civium, sociorumque, sed occisione occisum cum duobus exercitibus consulem, deletaque omnes copias, allatum fuerat. Nunquam salva urbe tantum pavoris, tumultusque intra mœnia Romana fuit. itaque succumbam oneri, neque aggrediar narrare, quæ disse-
rendo minora vero facio. Consule, exercituque ad Trasymenum priore anno amisso, non vulnus super vulnus, sed multiplex clades, cum duobus consulibus consulares exercitus amissi nuntiabantur: nec ulla jam castra Romana, nec dueem, nec militem esse: Annibalis Apuliam, Samnium, ac iam prope totam Italiam factam. Nulla profecto alia gens tanta mole cladis non obruta esset. Comparem cladem ad Ægates insulas Carthaginiensium prælio navali acceptam, qua fracti Sicilia ac Sardinia cessere: hinc vectigales, ac stipendiarios fieri se passi sunt: aut pugnam adversam in Africa: cui postea hic ipse Annibal succubuit: nulla ex parte comparandæ sunt: nisi quod minore animo latæ sunt: P. Furius Philus, & M. 55
Pomponius prætores senatum in curiam Hostiliam vocaverunt, ut de urbis custodia consulerent. neque enim dubitabant, deletis exercitibus, hostem ad oppugnandam Romam, quod unum opus belli restaret, venturum. Cum malis sicut ingentibus, ita ignotis ne consilium quidem satis expedirent, obstreperetque clamor lamentantium mulierum, & nondum palam facti vivi, mortuique per omnes pene domos promiscue complorarentur: tum Fabius Maximus censuit, equites expeditos, & Appia, & Latina via mittendos, qui obviam euntes percontarentur aliquos profectos ex fuga, pass-

passim dissipatos, si forte referant, qua fortuna
 consulum, atque exercituum sit, & quid dii im-
 mortales* miseriti imperii reliquum Romano no-
 minifecerint: ubi ea copia sint: quo se Annibal
 post praelium contulerit: quid paret, quid agat,
 acturusque sit. Hac exploranda, noscendaque
 per impigros juvenes esse. Illud per patres ipsos a-
 gendum; quoniam magistratum parum sit, ut
 tumultum, ac trepidationem in urbe tollant,
 matronas publico arceant, continerique in-
 tra suum quamque limen cogant: complora-
 tus familiarum coerceant: silentium per ur-
 bem faciant: nuntios rerum omnium ad
 pratores deducendos curent: sua quisque
 fortuna domi auctorem expectent: custo-
 des praterea ad portas ponant, qui pro-
 hibeamt quengquam egredi urbe, cogant-
 que homines nullam, nisi urbe ac mœnibus
 salvis, salutem sperare. ubi conticuerit tu-
 multus, recte tum in curiam patres revo-
 candos, consulendumque de urbis custodia
 esse. Cum in hanc sententiam pedibus
 omnes issent, summotaque foro per magi-
 stratus turba, patres diversi ad sedandos tu-
 multus discessissent: tum demum literæ a
 Terentio consule allatæ sunt, L. Æmilium
 consulem, exercitumque casum, Canusique se
 esse, reliquias tante cladis velut ex naufra-
 gio colligentem: ad X. millia militum fer-
 me esse incompolitorum, inordinatorumque.
 Sed* Annibalem nunc sedere ad Cannas, in
 captivorum pretiis, pradaque aliâ, victoriam
 nec victoris animo, nec magni ducis more me-
 tientem. Tum privatæ quoque per domos
 clades vulgatæ sunt, adeoque totam urbem
 opplevit luctus, ut sacrum anniversarium
 Cereris intermissum sit; quia nec lugenti-
 bus id facere est fas, nec ulla in illa tem-
 pe.

* al.
mife-
ri.

56

* al.
P. 500

pestate matrona expers luctus fuerat. Itaque ne ob eandem causam alia quoque sacra publica, aut privata defererentur, senatus consulto diebus XXX. luctus est finitus.

CAPUT XXXI.

Ex Sicilia res parum prospera nuntiantur : Opimia, & Fleronia Vestales virgines incesti damnantur : id cum in prodigium esset acceptum, simul ut auxilium ab Diis intans calamitatibus exposceretur, Delphicum oraculum consulitur. interim sacra extraordinaria Roma fiunt.

CÆterum cum sedato urbis tumultu, revocati in curiam patres essent, aliæque super ex Sicilia literæ allatæ sunt ab T. Otacilio proprætore, regnum Hieronis classe Punica vastari: cui cum opem imploranti ferre vellet, nuntiatum sibi esse, aliam classem ad Ægates insulam stare paratam, instructamque, ut, ubi se versum ad tuendam Syracusanam oram Pœni sensissent, Lilybæum extemplo, provinciamque aliam Romanam aggrederentur. itaque classe opus esse, si regem socium, Siciliamque tueri vellent. 57 Literis consulis, proprætorisque lectis, M. Claudium, qui classi ad Ostiam stanti præesset, Canusium ad exercitum mittendum, scribendumque consuli, ut, cum prætori exercitum tradidisset, primo quoque tempore, quantum per commodum reip. fieri posset, Romam veniret. Territi etiam super tantas clades, cum cæteris prodigiis, tum quod duæ Vestales eo anno, Opimia, atque Fleronia, stupri compertæ: & altera sub terram, ut mos est, ad portam

tam Collinam necata fuerat: altera sibimet-
ipsa mortem consciverat. L. Cantilius,
scriba pontificum, quos nunc minores ponti-
fices appellant, qui cum Flronia stuprum
fecerat, a pontifice maximo eo usque virgis
in comitio cæsus erat, ut inter verbera ex-
piraret. Hoc nefas cum inter tot, ut sit,
clades, in prodigium versum esset, Decem-
viri libros adire iussi sunt. & Q. Fabius Pi-
stor Delphos ad oraculum missus est scisci-
tatum, quibus precibus supplices deos pos-
sent placare: & quænam futura finis tantis
cladibus foret. Interim ex fatalibus libris sa-
crificia aliquot extraordinaria facta: inter
quæ Gallus & Galla, Græcus & Græca in
foro Boario sub terra vivi demissi sunt, in lo-
cum saxo confectum, ibi ante hostiis huma-
nis minime Romano sacro imbutum.

CAPUT XXXII.

*Accito Romam Varrone Cos., M. Claudius Mar-
cellus Prator Canusium ad exercitum proficisci-
tur. Dictus dictator M. Junius, propter pau-
citatem militum, octo millia servorum armat:
captivi Romani, facta ipsis ab Annibale se re-
dimendi potestate, decem deligunt, qui ad se-
natum veniant.*

PLacatis satis, ut rebantur, deis, M.
Claudius Marcellus ab Ostia mille, &
quingentos milites, quos in classem scri-
ptos habebat, Romam, ut urbi præsidio es-
sent, mittit: ipse, legione classis (ea tertia
legio erat) cum tribuovis mil. Theanum Si-
dicinum præmissa, classe tradita P. Furio
collegæ, paucos post dies Canusium magnis
itineribus contendit. Dictator ex auctori-
ta.

tate patrum dictus M. Junius, & T. Sém-
 pronius magister equitum, delectu edicto, ju-
 niores annis XVII. & quosdam prætextatos
 scribunt. quatuor ex his legiones, & mille
 equites effecti. Item ad socios, Latinumque
 nomen ad milites ex formula accipiendos
 mittunt: arma, tela, alia parari jubent: &
 vetera hostium spolia detrahunt templis, por-
 ticibusque. Et aliam formam novi delectus
 inopia liberorum capitum ac necessitas dedit:
 octo millia juvenum validorum ex servitiis,
 prius sciscitantes singulos, vellentne milita-
 re, empti publice armaverunt. Hic miles
 magis placuit, cum pretio minore redimen-
 di captivos copia fieret. Namque Annibal se-
 cundum tam prosperam ad Cannas pugnam, 58
 victoris magis, quam bellum gerentis, in-
 tentus curis, cum captivis productis, se-
 gregatisque sociis, eos, sicut ante ad Tre-
 biam, Trasymenumque lacum, benigne al-
 locutus, sine pretio dimisisset; Romanos
 quoque vocatos, quod nunquam alias an-
 tea, satis miti sermone alloquitur. *Non
 internecinum sibi esse cum Romanis bellum:
 de dignitate, atque imperio certare. &
 patres virtuti Romana cecidisse, & se id ad-
 niti, ut sua invicem simul felicitati, &
 virtuti cedatur. itaque redimendi se capti-
 vis copiam facere. pretium fore in capita,
 equiti quingenos quadrigatos nummos, tre-
 centos pediti, servo centenos.* Quanquam
 aliquantum adjiciebatur equitibus ad id pre-
 tium, quod pepigerant dedentes se: læti
 tamen quamcumque conditionem paciscendi
 acceperunt. Placuit suffragio eorum decem
 deligi, qui Romam ad Senatum irent: nec
 pignus aliud fidei, quam ut jurarent se re-
 dituros, acceptum, Missus cum his Car-
 tho

thalo nobilis Carthaginienſis: qui, ſi forte ad pacem inclinarent animos, conditiones ferret. Cum egreſſi caſtris eſſent, unus ex iis minime Romani ingenii homo, velut aliquid oblitus, jurisjurandi ſolvendi cauſa cum in caſtra rediſſet, ante noctem comites aſſequitur. Ubi eos Romam venire nuntiatum eſt, Carthalonī obviā liſtor miſſus, qui dictatoris verbis nuntiaret, ut ante noctem excederet finibus Romanis.

CAPUT XXXIII.

M. Junius, princeps legationis captivorum, de eorum redemptione in ſenatu agit.

- 39 **L**egatis captivorum ſenatus ab dictatore datus eſt. Quorum princeps M. Junius, P. C. inquit; nemo veſtrum ignorat; nulli unquam civitati viliores fuiſſe captivos, quam noſtra. ceterum, niſi nobis plus juſto noſtra placet cauſa, non alii unquam minus negligendi vobis, quam nos, in hoſtium poteſtatem venerunt, non enim in acie per timorem arma tradidimus, ſed cum prope ad noctem ſuperſtantes cumulis caſorum corporum praliū extraxiſſemus, in caſtra recepimus nos, diei reliquum, ac noctem inſequentem feſſi labore ac vulneribus vallum ſumus tutati. poſtero die, cum circumſeſſi ab exercitu victore aqua arceremur, nec ulla alia jam per conſertos hoſtes erumpendi ſpes eſſet, nec eſſe neſas duceremus, quinquaginta millibus hominum ex acie noſtra trucidatis, aliquem ex Canenſi pugna Romanum militem reſtare: tum demum pacti ſumus pretium, quo redempti dimitteremur: arma, in quibus nihil jam auxilii erat, hoſti tradidimus. Majores neſros

nostros quoque acceperamus, se a Gallis auro
 redemisse: & patres nostros, asperrimos illos
 ad conditionem pacis, legatos tamen captivo-
 rum redimendorum gratia Tarentum misisse.
 atqui in Italiam Gallis, & ad Heracleam
 cum Pyrrho, utraque non tam clade infamis,
 quam pavore & fuga, pugna fuit. Cannen-
 ses campos acervi Romanorum corporum te-
 gunt: nec supersumus pugna, nisi in quibus
 trucidandis & ferrum & vires hostem defe-
 cerunt. Sunt etiam de nostris quidam, qui
 nec in acie quidem refugerunt; sed prasidio
 castris relictis, cum castra traderentur, in
 potestatem hostium venerunt. Haud equidem
 ullius civis, aut commilitonis fortuna, aut
 conditioni invideo, nec premendo alium, me
 extulisse velim videri, ne illi quidem (nisi
 pernicitatis pedum, & cursus aliquod pra-
 miuni est. (qui plerique inermes ex acie fu-
 gientes, non prius, quam Venusia, aut
 Canusii constiterunt, se nobis merito pratu-
 lerint, gloriatique sint, in se plus, quam
 in nobis, prasidii reip. esse. Sed illis ut bo-
 nis ac fortibus viris militibus utemini, &
 nobis jam promptioribus pro patria, quod
 beneficio vestro redempti, atque in patriam
 restituti fuerimus. Delectum ex omni gra-
 te & fortuna habetis. octo millia fervorum
 audio armari. non minor numerus noster
 est, nec majori pretio redimi possumus,
 quam hi emuntur. nam si conferam nos cum
 illis, injuriam nomini Romano faciam. Il-
 lud etiam in tali consilio animadvertendum
 vobis censeam, P. C. si duriores esse ve-
 litis, quod nullo nostro merito faciat; :
 cui nos hosti relicturi sitis. Pyrrho vide-
 licet? qui nos hospitum numero habuit ca-
 ptivos, an barbaro, ac Pæno? qui utrum

avarior, an crudelior sit, vix æstimari potest. Si videatis catenas, squalorem, desertitatemque civium vestrorum, non minus profecto vos ea species moveat, quam si ex altera parte cernatis stratas Cannensibus campis legiones vestras. Intueri potestis sollicitudinem, & lacrymas in vestibulo curia stantium cognatorum vestrorum, expectantiumque responsum vestrum. cum ii pro nobis, proque iis, qui absunt, ita suspensi ac solliciti sint, quem censeatis animum ipsorum esse, quorum in discrimine vita, libertasque est? Si medius fidius ipse in nos mltis Annibal contra naturam suam esse velit: nihil tamen nobis vita opus esse censeamus, cum indigni ut a vobis redimeremur, visi simus. Rediere Romam quondam remissi a Pyrrho sine pretio capti: sed rediere cum legatis, primoribus civitatis, ad redimendos sese missis. Redeam ego in patriam trecentis nummis non æstimatus civis? suum quisque habet animum, P. C. Scio in discrimine esse vitam, corpusque meum. magis me fama periculum movet, ne a vobis damnati, ac repulsi habeamur. neque enim vos pretio pepercisse homines credent.

CAPUT XXXIV.

De redimendis captivis T. Manlius Torquatus in senatu adsuadet.

60 **U**Bi is finem fecit, extemplo ab ea turba, quæ in comitio erat, clamor flebilis est sublatus, manusque ad curiam tendebant, orantes, ut sibi liberos, fratres, cognatos redderent. Fœminas quoque metus, ac necessitas turbæ huic virorum in foro immiscuerat: Senatus, summotis arbitris, consuli

fusi coëptus. Ibi cum sententiis variaretur, & alii redimendos de publico, alii nullam publicam impensam faciendam, nec prohibendos ex privato redimi; si quibus argentum in præsentia deesset, dandam ex ærario pecuniam mutuam, prædibusque ac prædiis cavendum populo, censerent: tum T. Manlius Torquatus, præfæ ac nimis duræ, ut plerisque videbatur, severitatis, interrogatus sententiam, ita locutus fertur: *Si tantummodo postulassent legati pro iis, qui in hostium potestate sunt, ut redimerentur, sine ullius insectatione, eorum brevi sententiam peregissem. quid enim aliud, quam admonendi essetis, ut morem traditum a patribus, necessario ad rem militarem exemplo, servaretis? Nunc autem cum prope gloriati sint, quod se hostibus dediderint, præferrique non captis modo in acie ab hostibus, sed etiam iis, qui Venusiam, Canusumque pervenerunt, atque ipsi C. Terentio consuli, æquum censuerint: nihil vos eorum, P. C., quæ illic acta sunt, ignorare patiar. Atque utinam hæc, quæ apud vos acturus sum, Canusi apud ipsum exercitum agerem, optimum testem ignavia cuiusque, & virtutis: aut unus hic saltem adesset P. Sempronius, quem si isti ducem secuti essent, milites hodie in castris Romanis, non captivi in hostium potestate essent: & cum fessis pugnando hostibus, tum victoria latis, & ipsis plerisque regressis in castra sua, noctem ad erumpendum liberam habuissent, & septena armatorum hominum millia erumpere etiam inter confertos hostes potuissent; neque per se ipsi id facere conati sunt, neque alium sequi voluerunt. Nocte prope tota P. Sempronius Tuditanus non destitit admonere, adhortarique eos: dum paucitas ho-*

situm circa castra, dum quies ac silentium ef-
 set, dum nox incaptum tegeret, se ducem se-
 querentur: ante lucem pervenire in tuta loca,
 in sociorum urbes posse; Sicut avorum memoria
 P. Decius tri. mil. in Samnio: sicut nobis ado-
 lescentibus priore Punico bello Calpurnius Flam-
 ma trecentis voluntariis, cum ad tumultum eos
 capiendum, situm inter medios hostes, duceret,
 dixit, Moriamur, milites, & morte nostra eri-
 piamus ex obsidione circumventas legiones: si
 hoc P. Sempronius diceret: nec viros quidem,
 nec Romanos vos duceret; si nemo tanta vir-
 tutis existeret comes: Viam non ad gloriam
 magis, quam ad salutem ferentem demonstrat.
 ducem se in patriam, ad parentes, ad conju-
 ges ac liberos facit: ut servemini, deest vo-
 bis animus: quid, si moriendum pro patria
 esset; faceretis? Quinquaginta millia civium,
 sociorumque circa vos eo ipso die caesa jacent:
 si tot exempla virtutis non movent, nihil un-
 quam movebit: si tanta clades vobis vilem vi-
 tam non fecit, nulla faciet. Et liberi, atque
 incolumes desiderate patriam. imo desiderate,
 dum patria est, dum cives ejus estis. sero
 nunc desideratis, diminuti capite, ab alienati
 jure civium, servi Carthaginensium facti.
 Pretio redituri estis eo, unde ignavia ac ne-
 quitia abistis? P. Sempronium civem vestrum
 non audistis, arma capere, ac se jubentem
 sequi: Annibalem paulo post audistis, castra
 prodi, & arma tradi jubentem. Quam ego
 ignaviam istorum accuso, cum scelus possim
 accusare? non enim modo sequi recusarunt
 bene monentem, sed obsistere, ac retinere co-
 nati sunt, ni strictis gladiis viri fortissimi
 inertes summovissent: prius, inquam, P.
 Sempronio per civium agmen, quam per
 hostium fuit erumpendum. Hos cives patria
 desi-

desideret, quorum si ceteri similes fuissent, neminem hodie ex iis, qui ad Cannas pugnaverunt, civem haberet? Ex millibus septem armatorum sexcenti extiterunt, qui erumpere auderent, qui in patriam liberi, atque armati redirent: neque iis quadraginta millia hostium obstitere. quam tutum iter duarum prope legionum agmini futurum censeris fuisse? haberetis hodie viginti millia armatorum Canusii, fortia, fidelia, P. C. Nunc autem quemadmodum hi boni, fidelesque (nam fortes ne ipsi quidem dixerint) cives esse possunt? nisi quis credere potest fuisse, qui erumpentibus, quin erumperent, obsistere conati sunt: aut non invidere eos cum incolumitati, tum gloria illorum per virtutem parta, cum sibi timorem, ignaviamque servitutis ignominiosa causam esse sciant. Maluerunt in tentoriis latentes simul lucem, atque hostem expectare, cum silentio noctis erumpendi occasio esset. At enim ad erumpendum e castris defuit animus, ad tutanda fortiter castra animum habuerunt: dies noctesque aliquot obfessi armati se ipsi tutati vallo sunt: tandem ultima ausi, passique, cum omnia subsidia vita deessent, affectisque fame viribus, arma jam sustinere nequirent, necessitatibus magis humanis, quam armis victi sunt. Orto sole hostis ad vallum accessit. ante secundam horam, nullam fortunam certaminis experti, tradiderunt arma, ac se ipsos. Hac vobis ipsorum per biduum militia fuit. cum in acie stare, ac pugnare decuerat, tum in castra refugerunt: cum pro vallo pugnandum erat, castra tradiderunt, neque in acie, neque in castris utiles. Vos redimam? Cum erumpere castris oportet, cum-

flamini, ac manetis: cum manere, & cast-
tutari armis necesse est, & castra, & arma
& vos ipsos traditis hosti. Ego non magis istos
dimendos, P. C., censeo, quam illos dedenda
Annibali, qui per medios hostes e castris eruperunt
ac per summam virtutem se patria restituerunt.

CAPUT XXXV.

*Fuit senatusconsultum de non redimendis captivis
de eorum legatis, qui Romam venerunt, quod
inter auctores discrepet; exponitur. Ad An-
nibalem multi Italia populi deficiunt. Varro
ni Cos. Romam redeunti obviam itur, quod
de Rep. non desperasset.*

61 **P**osteaquam Manlius dixit, quanquam p-
trum quoque plerosque captivi cogn-
tione attingebant, præter exemplum civit-
tis minime in captivos jam inde antiquit-
indulgentis, pecuniæ quoque summa h-
mines movit, quia nec ærarium exhaurir-
magna jam summa erogata in servos ad m-
litiam emendos, armandosque, nec Ann-
balem maxime hujusce rei, ut fama erat
egentem, locupletari volebant. Cum trist-
responsum, non redimi captivos, redditu-
esset, novusque super veterem luctus t-
jactura civium adjectus esset, cum magn-
fletibus, questibusque legatos ad porta-
prosecuti sunt. Unus ex iisdem abii-
quod fallaci reditu in castra, jurejurando
exolvisset. quod ubi innotuit, relatumque
ad senatum est, omnes censuerunt compr-
hendendum, & custodibus publice datis
deducendum ad Annibalem esse. Est & al-
de captivis fama, X. primos venisse: c-
eis cum dubitatum in senatu esset, admi-

tetentur in urbem, necne, ita admissos esse; ne tamen iis senatus daretur. morantibus deinde longius omnium spe, alios tres insuper legatos venisse, L. Scribonium, & C. Calpurnium, & L. Manlium. tum demum ab cognato Scribonii tribuno pl. de redimendis captivis relatum esse, nec censuisse redimendos senatum, & novos legatos tres ad Annibalem revertisse, decem veteres remansisse, quod, per causam recognoscendi nomina captivorum, ad Annibalem ex itinere regressi, religionē sese exolvissent. de iis dedendis magna contentione actum in senatu esse: victorūque paucis sententiis, quī dedendos censuerint. cæterum proximis censoribus adeo omnibus notis, ignominiisq̃ affectos esse, ut quidam eorum mortem sibi ipsi extemplo consciverint, cæteri non foro solum omni deinde vita, sed prope luce ac publico caruerint. Mirari magis, adeo discrepare inter auctores, quam quid veri sit, discernere queas. Quanto autem major hæc clades superioribus cladibus fuerit, vel ea res indicio est, quod qui sociorum ad eam diem firmi steterant, tum labare cœperunt: nulla profecto alia de re, quam quod desperare cœperant de imperio, Defecere autem ad Pœnos hi populi: Atellani, Calatini, Hirpini; Apulorum pars, Samnites, præter Petellinos, Brutii omnes, Lucani: præter hos Surrentini, & Græcorum omnis ferme ora, Tarentini, Metapontini, Crotonienses, Locrique, & Cisalpini omnes Galli. Nec tamen hæc clades, defectionesque sociorum moverunt, ut pacis unquam mentio apud Romanos fieret, neque ante consulis adventum Romam, nec postquam is rediit, renovavitque memo-

riam acceptæ cladis. quo in tempore ipso adeo magno animo civitas fuit, ut consuli ex tanta clade, cuius ipse maxima causa fuisset, redeunti, & obviam itum frequenter ab omnibus ordinibus sit, & gratiæ actæ, quod de repub. non desperasset, cui si Carthaginiensium ductor fuisset, nihil recusandum supplicii foret.

DECADISTERTIÆ

LIBER TERTIUS.

CAPUT I.

Annibal Cossam in Hirpinis positus, pergit Neapolim: cæsis per insidias aliquot nobilibus, cæterum non tentata Urbis oppugnatione, flectit iter Capuam. ibi Pacullus Calavius, uerem ad Pænos trahat, callida arte sibi Senatum obnoxium facit, & plebi conciliat.



Annibal, post Cannensem pugnam, castra capta accirepta, confestim ex Apulia in Samnium moverat, accitus in Hirpinos a Statio pollicente se Cossam traditurum. Cossanus erat Trèbius, nobilis inter suos. Sed premebat eum Cossanorum factio, familiæ per gratiam Rômanorum potentis. Post famam Cannensis pugnæ, vulgatumque sermonibus adventum Annibalis, cum Cossani urbe excessissent, sine certamine tradita urbs Pæno, præsidiumque acceptum est. ibi præda omni atque impedimentis

tis relictis, exercitu partito, Magonem regionis ejus urbes aut deficientes ab Romanis accipere, aut detrectantes cogere ad defectionem jubet: ipse per agrum Campanum mare inferum petit, oppugnaturus Neapolim, ut urbem maritimam haberet. Ubi fines Neapolitanorum intravit, Numidas partim in insidiis (& pleræque cavæ sunt viæ, sinusque occulti) quacunque arte poterat, disposuit: alios, præ se actam prædam ex agris ostentantes, obequitare portis jussit. in quos, quia nec multi, & incompoti videbantur, cum turma equitum erupisset, a cedentibus consulto tracta in insidias circumventa est. nec evasisset quisquam, ni mare propinquum, & haud procul litorē naves piscatoriæ pleræque conspectæ peritis nandi dedissent effugium. aliquot tamen eo prælio nobiles juvenes cæsi sunt: inter quos & Hegeas, præfectus equitum, intemperantius cedentes secutus, cecidit. Ab urbe oppugnanda Pœnum absteruere conspecta mœnia, haudquaquam prompta oppugnanti. Inde Capuam flectit iter, luxuriantem longa felicitate, atque indulgentia fortunæ: maxime tamen inter corrupta omnia, licentia plebis sine modo libertatem exercentis, senatum & sibi, & plebi obnoxium Pacullus Calavius fecerat, nobilis idem; ac popularis homo, cæterum malis artibus nactus opes. Is cum eo forte anno, quo res male gesta ad Trasymenum est, in summo magistratu esset: jam diu infestam senatui plebem, ratus per occasionem novandi res, magnum ausuram facinus, ut, si in ea loca Annibal cum victore exercitu venisset, truncidato senatu, traderet Capuam Pœnis: improbus homo, sed non ad extremum perditus, cum mallet incolumi, quam eversa

rep. dominari, nullam autem incolumem
 esse orbatam publico consilio crederet, ra-
 tionem iniit, qua & senatum servaret, &
 obnoxium sibi, ac plebi faceret. Vocato
 senatu, cum sibi defectionis ab Romanis con-
 silium placitum nullo modo, nisi necessarium
 fuisset, præfatus esset, quippe qui liberos ex
 Appi Claudii filia haberet, filiamque Roma-
 nuptum Livio dedisset: ceterum maiorem mul-
 to rem, magisque timendam instare, non
 enim per defectionem ad tollendum ex civitate
 senatum plebem spectare: sed per eadem sena-
 tus vacuum rempub. tradere Annibali, ac
 Pœnis velle, eo se periculo posse liberare eos,
 si se permittant sibi, & certaminum in rep.
 obliti credant. Cum omnes victi metu per-
 mitterent: Claudam in curia vos, inquit,
 & tanquam & ipse cogitati facinoris parti-
 cept, approbando consilia, quibus nequicquam
 adversarer, viam saluti vestra inveniam. in
 hoc fidem, quam vultis ipsi, accipite. Fide
 data egressus, claudi curiam jubet, præsi-
 diumque in vestibulo reliquit; ne quis adi-
 re curiam in iussu suo, neve inde egredi
 possit. Tunc vocato ad concionem populo,
 Quod sæpe, inquit, oprastis, Campani, ut
 supplicii sumendi vobis ex improbo, ac detesta-
 bili senatu potestas esset, eam nunc non per tu-
 multum expugnantes domos singulorum, quas
 præsidis clientium servorumque tumentur, cum
 summo vestro periculo, sed tutam habetis, ac
 liberam. Clausos omnes in curiam accipite;
 solos, inermes: nec quicquam raptim, aut for-
 te temere egeritis: de singulorum capite vobis
 ius sententia dicenda faciam: ut, quas quis-
 que emeritus est, pœnas pendat. Sed ante
 omnia ira vos ira indulgere oportet, ut potius
 ira salutem atque utilitatem vestram ha-
 bea-

beatis. Et enim (ut opinor) oñsistis senatores , nam senatum omnino non vultis : aut , quod unum libera civitatis consilium est , senatus habendus est . Itaque dua res simul agenda sunt vobis , ut & veterem senatum tollatis , & novum cooptetis . Citari singulos senatores jubebo : de quorum capite vos consulam : quod de quoque censueritis , fiet . Sed prius in ejus locum virum fortem ac strenuum novum senatorem cooptabitis , quam de noxio supplicium sumatur . Inde confedit , & nominibus in urnam conjectis , citari quod primum forte nomen excidit , ipsumque e curia produci jussit . Ubi auditum est nomen , malum , & improbum pro se quisque clamare , & supplicio dignum , Tum Pacullus : video qua sententia de hoc sit data : ejicitur pro malo atque improbo . bonum senatorem , & justum eligere . Primo silentium erat , inopia potioris subjiciundi . deinde cum aliquis omissa verecundia quempiam nominasset , multo major extemplo clamor oriebatur : cum alii negarent nosse , alii nunc probra , nunc humilitatem , sordidamque inopiam , & pudendæ artis , aut quæstus genus objicerent . Hoc multo magis in secundo ac tertio citato senatore est factum , ut ipsius poenitere homines appareret , quem autem in ejus substituerent locum , deesse . quia nec eosdem nominari attinebat , nihil aliud , quam ad audienda probra nominatos : & multo humiliores obscurioresque cæteri erant eis , qui primi memoriæ occurrebant . Ita dilabi homines , notissimum quodque malum maxime tolerabile dicentes esse ; jubentesque senatum ex custodia dimitti .

CAPUT II.

*Campanicum ingenito vitio, tum praesentirerum
suarum fortuna superbi, rogati in tantis po-
puli Romani calamitatibus auxilium, non so-
lum misericordia sociorum nihil moventur, sed
etiam rati id opportunum defectionis tempus,
cum Annibale foedus faciunt.*

HOC modo Pacullus cum obnoxium vi-
tæ beneficio senatum multo sibi ma-
gis, quam plebi fecisset, sine armis, jam
omnibus concedentibus, dominabatur. Hinc
senatores, omiſſa dignitatis libertatisque me-
moriam, plebem affari, ſalutare, benigne in-
vitare, apparatis accipere epulis, ejus cau-
ſas ſuſcipere, ei ſemper parati aſſeſſe, ſe-
cundum eum in lite judicem dare, qui ma-
gis popularis, aptiorque in vulgus favori
conciliando eſſet. Jam vero nihil in ſena-
tu actum aliter, quam ſi plebis ibi ad-eſſet
concilium. Prona ſemper civitas in luxu-
riam, non ingeniorum modo vitio, ſed af-
fluenti copia voluptatum, & illecebris o-
mnis amœnitatis maritimæ, terreſtrisque;
tum vero ita obſequio principum, & licen-
tia plebis laſcivire, ut nec libidini, nec
ſumptibus modus eſſet. ad contemptum le-
gum, magistratum, ſenatusque, acceſſit
tum poſt Canneſem cladem, ut, cujus
aliqua erat verecundia, Romanum quoque
imperium ſpernerent. id modo erat in mo-
ra, ne id extemplo efficerent, quod con-
nubium vetuſtum multas familias claras ac
potentes Romanis miſcuerat: & quod,
cum militarent aliquot apud Romanos, ma-
ximum vinculum erant trecenti equites, no-
bilis.

bilissimus quisque Campanorum, in præsidia Sicularum urbium delecti ab Romanis, ac missi. Horum parentes, cognatique ægre pervicerunt, ut legati ad consulem Romanum mitterentur. In nondum Canusium profectum; sed Venusiæ cum paucis ac semiermibus consulem invenerunt, quam poterant maxime miserabilem bonis sociis, superbis, atque infidelibus, ut erant Campani, spernendum. Et auxit rerum suarum, sui que contemptum consul, nimis detegendo cladem, nudandoque. nam cum Legati ægre ferre senatum; populumque Campanum, adversi quicquam evenisse Romanis, nuntiasse; pollicerenturque omnia, quæ ad bellum opus essent: *Morem, inquit, magis loquendi cum sociis servastis, Campani, jubentes qua opus essent ad bellum, imperare, quam convenienter ad præsentem fortuna nostra statum locuti estis. quid enim nobis ad Cannas relictum est, ut, quasi aliquid habeamus, id, quod deest, expleri ab sociis velimus? pedites vobis imperemus; tanquam equites habeamus? pecuniam deesse dicamus, tanquam ea tantum desit? nihil, nec quod suppleremus quidem, nobis reliquit fortuna. legiones, equitatus, arma, signa, equi, virique, pecunia, commeatus aut in acie, aut in ruinis postero die amissis castris perierunt. Itaque non juvetis nos in bello, oportet Campani, sed cum Pœnis bellum pro nobis suscipiatis. Veniat in mentem, ut trepidos quondam majores vestros intra mœnia compulsos, nec Samnitum modo hostem, sed etiam Sidicinum paventes receptos in fidem apud Saticulam defenderimus, ceptumque propter vos cum Samnitibus bellum, per centum prope annos, variante fortuna eventum, tulerimus.*

Adj.

Adjicite ad hac, quod fœdus æquum dedimus, quod leges nostras, quod ad extremum, id quod ante Cannensem certe cladem maximum fuit, civitatem nostram magna parti vestrum dedimus, communicavimusque vobiscum. Itaque communem vos hanc cladem, quæ accepta est, credere, Campani, oportet: communem patriam tuendam arbitrari esse. Non cum Samnite, aut Etrusco res est, ut quod a nobis ablatum sit, in Italia tamen imperium maneat. Pœnus hostis ne Africa quidem indigena, ab ultimis terrarum oris, fœtero Oceani, Herculisque columnis, expertem omnis iuris, & conditionis, & lingua prope humana militem trahit. Hunc natura & moribus immitem ferumque insuper dux ipse efferauit, pontibus, ac molibus ex humanorum corporum strue faciendis, (& quod proloqui etiam piget) vesci humanis corporibus docendo. hos in sandis pastos epulis, quos contingere etiam nefas sit, videre atque habere dominos, & ex Africa, & a Carthagine iura petere, & Italiam Numidarum ac Maurorum patri provinciam esse, cui non, genito modo in Italia, detestabile sit? Pulchrum erit, Campani, prolapsam clade Romanum imperium vestra fide, vestris viribus retentum ac recuperatum esse. Triginta millia peditum, quatuor equitum arbitror ex Campania vos scripisse: jam pecunia affatim est frumentique. qui si patrem fortuna vestra fidem habetis, nec Annibal se vicisse sentiet, nec Romani se victos esse. Hac oratione consulis dimissis redeuntibusque domum legatis, unus ex iis, Vibius Virius, tempus venisset, ait; quo Campani non agrum solum ab Romanis quondam per injuriam ademptum recuperare, sed imperio etiam Italia potiri possint. fœdus enim tum Annibale quibus velint legibus facturos

neque controversiam fore , quin ipse confecto bello Annibal victor in Africam hinc decedat , exercitumque deportet : Italia imperium Campanis relinquatur . Hæc Virio loquenti assensu omnes , ita renuntiant legationem , uti deletum omnibus videretur nomen Romanum . Extemplo plebes ad defectionem , ac pars maxima senatus spectare . extracta tamen auctoritatibus seniorum per paucos dies est res : postremo vicit sententia plurimum , ut iidem legati , qui ad consulem Romanum ierant , ad Annibalem mitterentur . Quo priusquam iretur , certumque defectionis consilium esset , Romam legatos missos a Campanis , in quibusdam annalibus invenio , postulantes , ut alter consul Campanus fieret , si rem Romanam adjuvari vellet : indignatione orta , summo veri a curia iussos esse : missumque lictorem , qui ex urbe educeret eos , atque eo die manere extra fines Romanos juberet . Quia nimis compar Latinorum quondam postulationi erat , Cœliusque , & alii id haud sine causa prætermiserant scriptores , ponere pro certo sum veritus . Legati ad Annibalem venerunt , pacemque cum eo his conditionibus fecerunt , *Ne quis imperator , magistratusve Pœnorum ius ullum in civem Campanum haberet , neve civis Campanus invitus militaret , munusve faceret , ut sua leges , sui magistratus Campanis essent . ut trecentos ex Romanis captivos Pœnos daret Campanis , quos ipsi elegissent , cum quibus equitum Campanorum , qui in Sicilia stipendia facerent , permutatio fieret .*

CAPUT III.

Campanorum in cives Romanos crudelitas: indignitati resisteret, & contra pacem Fœnis factam palam vociferaretur Decius; vocatus ab Annibale, ire recusat; quam deinde venienti cum civitas omnia curreret, ipse obviam non egreditur.

HÆC pacta. Alia insuper, quam pacta erant, facinora Campani erant. nam præfectos socium, civesque Romanos alios, partim aliquo militiæ re occupatos, partim privatis negotiis implicatos, plebs repente omnes compulsi, velut custodiæ causa, balneis iniussit: ubi fœtore, atque æstu animæ clusa, fœdum in modum expirarent ne fierent, neu legatio mitteretur annum, summa ope Decius Magius, vi ad summam auctoritatem nihil, præ nam civium mentem, defuit, restituit vero præsidium mitti ab Annibale vitæ, Pyrrhi superbam dominationem, rabilemque Tarentinorum servitutem, placula referens, primo, ne reciperetur præsidium, palam vociferatus est: deinde conceptum aut ejiceretur; aut, si malum, quod a vetustissimis sociis conneisq; defecissent, forti ac memor facinore purgare vellent, ut interfecto præsidio restituerent se Romanis (neque enim occulte agebantur) curata Annibali essent, primo misit, quarent Magium ad sese in castra: cum is ferociter negasset se iturum, enim Annibali jus esse in civem

num) concitatus ira Pœnus, comprehendit hominem, vinctumque attrahi ad se iussit: veritus deinde, ne quid inter vim tumultus, atque ex concitatione animorum inconsulti certaminis oriretur, ipse, præmisso nuntio ad M. Blœsum, prætorem Campanum, postero die se Capuæ futurum, proficiscitur e castris cum modico præsidio. Marcus concione advocata edicit, ut frequentes cum conjugibus, ac liberis obviam irent Annibali. Ab universis id non obedienter modo, sed enixe, favore etiam vulgi, & studio visendi tot jam victoriis clarum imperatorem, factum est. Decius Magius nec obviam egressus est: nec, quo timorem aliquem ex conscientia significare posset, privatim se tenuit. in foro cum filio clientibusque paucis otiose inambulavit, trepidante tota civitate ad excipiendum Pœnum, visendumque.

CAPUT IV.

Capuam ingressus Annibal hospitio excipitur a Pacullo Calavio: huius filius, qui pro Romana societate cum Magio steterat, de Annibale inter epulas interficiendo consilium agitat: id cum patri sevocato aperuisset, illius precibus coactus ab incapto desistit.

Annibal ingressus urbem, senatum ex templo postulat: precantibusque inde primoribus Campanorum, ne quid eo die fere gereret, diemque ut ipse adventu suo festum lætus, ac libens celebraret: quam præceps ingenio in iram erat, tamen, ne quid in principio negaret, visendo urbem, magnam diei partem consumpsit.

8 pfit. Diversatus est apud Minios Celeres, Stenium, Pacillumque, inclytos nobilitate ac divitiis. Eo Pacillus Calavius, de quo ante dictum est, princeps factionis ejus, quæ attraxerat rem ad Pœnos, filium juvenem adduxit: abstractumque ab se a Decio ait latere, cum quo ferocissime pro Romana societate adversus Punicum foedus steterat. nec cum aut inclinata in partem alteram civitas, aut patria majestas sententia depulerat. Huic tum pater juveni Annibalem deprecando magis, quam purgando placavit, victusque patris precibus lacrymisque, etiam ad cœnam eum tum patre vocari jussit: cui convivio neminem Campanum, præterquam hospites, Jubbelliumque Tauream, insignem bello virum, adhibiturus erat. Cœperunt epulari de die, & convivium non ex more Punico, aut militari disciplina esse, sed ut in civitate, atque etiam domo diu ad varias omnium voluptatum illecebras instructum. Unus nec dominorum invitatione, nec ipsius interdum Annibalis, Calavii filius Perolla vilici potuit: ipsique valetudinem excusans patri, animi quoque ejus mirabilem interturbationem cum quæreretur; ante solis ferme occasum, patrem Calavium ex convivio egressum secutus filius, ubi in secretum (hortus erat posticis ædium partibus) pervenerunt: *consilium*, inquit, *affero*, *pater*, *quo non veniam solum peccati, quo defecimus ad Annibalem, impetraturi ab Romanis, sed in multo majore dignitate, & gratia simus Campani, quam unquam fuimus*. Cum mirandus pater, quidnam id esset consilii, quæreretur, toga rejecta ab humero, latus succinctum gladio nudat. *Jam ego*, inquit, *sanguine Annibalis sanctiam Romanum foedus*.

te id prius scire volui, si forte abesse, dum
 facinus patratur, malles. Quæ ubi vidit, au-
 divitque senex, velut si jam agendis, quæ
 audiebat, interesset, cum metu: Per ego te,
 inquit, fili, quacunque iura liberos jungunt
 parentibus, precor quæque, ne ante oculos pa-
 tris facere, & pati omnia infanda velis. pau-
 ca hora sunt, intra quas, jurantes per quic-
 quid deorum est, dexteras dextra jungentes, fi-
 dem obstrinximus, ut sacratis de mensis essemus.
 digressi a colloquio extemplo in eum armamur?
 surgis ab hospitali mensa, ad quam tertius
 Campanorum adhibitus ab Annibale es: eam
 ipsam mensam cruentare vis hospitis sanguine?
 Annibalem modopater filio meo potui placare,
 filium Annibali non possum? sed si nihil sancti,
 non fides, non religio, non pietas, audiantur
 infanda, si non perniciem nobis cum scelere af-
 ferunt. Unus aggressurus es Annibalem? quid
 illa turba tot liberorum, servorumque? quid
 in unum intenti omnium oculi? quid tot dex-
 tra? torpescentne? in amentia illa vultum i-
 psius Annibalis, quem armati exercitus tre-
 munt, quem horret populus Romanus, tu sus-
 tinebis? & si alia auxilia desint, me ipsum
 ferire, corpus meum opponentem pro corpore
 Annibalis, sustinebis? atqui per meum pectus
 petendus ille tibi, transfigendusque est. deter-
 reris hic sine te potius, quam illic vinci. va-
 leant preces apud te mee, sicut pro te hodie
 valuerunt. Lacrymantem inde juvenem cer-
 nens, medium complectitur: atque osculo
 hærens, non ante precibus abstinit, quam
 pervicit, ut gladium poneret, fidemque da-
 ret, nihil facturum tale. Tum juvenis: Ego
 quidem, inquit, quam patria debeo pieta-
 tem, exolvam patri. tuam doleo vicem, cui ter
 prodita patria sustinendum est crimen: semel,
 cum

cum defectionem inisti ab Romanis, iterum, cum pacis cum Annibale fuisti auctor: tertio hodie, cum restituenda Romanis Capua mora atque impedimentum tu es. O patria, ferrum, quo pro te armatus hanc arcem defendere volebam, hosti minime parcens, quando parens extorques, accipe. Hæc cum dixisset, gladium in publicum trans maceriam horti abiecit: &, quo minus res suspecta esset, seipse convivio reddidit.

CAPUT V.

Decius Magius, qui Punica amicitia obstinate adversabatur, a Capuanis, Annibali deditur: vi pertractus in ejus castra, & navim impositus, ut Carthaginem mitteretur, tempestate Cyrenas defertur: ad Ptolemaum Alexandriam deportatus, vinculis liberatur.

- 10 **P**ostero die senatus frequens datus Annibali, ubi prima ejus oratio perblanda, ac benigna fuit, qua gratias egit Campanis, quod amicitiam suam Romanæ societati preposuissent: & inter cætera magnifica promissa pollicitus, brevi caput Italia omnis Capuam fore, juraque inde cum cæteris populis Romanum etiam petiturum. Unum esse exortem Punica amicitia, fœderisque secum facti, quem neque esse Campanum, neque dici debere, Magium Decium. eum postulare, ut sibi dedatur, ac se presente de eo referatur, senatusque consultum fiat. Omnes in eam sententiam ierunt: quanquam magnæ parti & vir indignus ea calamitate, & haud parvo initio minui videbatur jus libertatis. egressus curia, in templo magistratus confedit: comprehendique Decium Magium, atque ante pedes statutum causam dicere

cere jussit. Qui cum, manente ferocia animi, negaret lege foederis id cogi posse: tum injectæ catenæ, ducique ante lictorem in castra jussus est. Quoad capite aperto est ductus, concionabundus incessit, ad circumfusam undique multitudinem vociferans: *Haberis eam libertatem, Campani, quam petistis, foro medio, luce clara, videntibus, vobis, nulli Campanorum secundus, vinculus ad mortem raptor. quid violentius Capua capta fieret? ite obviam Annibali, exornate urbem, diemque adventus ejus consecrate, ut hunc triumphum de cive vestro spectetis.* Hæc eo vociferante cum moveri vulgus videretur, obvolutum caput est: ocyusque rapi extra portam jussus; ita in castra perducitur: extemploque impositus in navem, & Carthaginem missus: ne motu aliquo Capuæ ex indignitate rei orto, senatum quoque poeniteret dediti principis: & legatione missa ad repetendum eum, ne, aut negando rem, quam primum peterent, offendendi sibi novi locii: aut tribuendo, habendus Capuæ esset seditionis ac turbarum auctor. Navem Cyrenas detulit tempestas, quæ tum in ditione regum erant, ibi cum Magius ad statuam Ptolemæi regis confugisset, deportatus a custodibus Alexandriam ad Ptolemæum, dum eum docuisset contra jus foederis vinculum se ab Annibale esse, vinculis liberatur: permissumque ut rediret, seu Romam, seu Capuam mallet. Nec Magius Capuam sibi tutam dicere: *Et Romam eo tempore, quo inter Romanos, & Campanosque bellum sit, transfuga magis, quam hospitis domicilium fore: nusquam malle, quam in regno ejus vivere, quem vindicem, atque auctorem habeat libertatis,*

CAPUT VI.

*Delphici Oraculi responsum de propitiandis
Diis in tam adversa populi Rom. fortuna.*

- 11 **D**UM hæc geruntur, Q. Fabius Pictor
legatus a Delphis Romam rediit, re-
sponsumque ex scripto recitavit: (divi quo-
que in eo erant, quibus quoque modo sup-
plicaretur.) Tum, si ita faxitis, Romani,
vestra res meliores, felicioresque erunt: magis
ex sententia resp. vestra vobis procedet: vi-
ctoriaque duelli populi Romani erit. Pythio
Apollini, rep. vestra bene gesta servataque,
lucris meritis donum mittitote, deque prada,
manubiis, spoliisque honorem habetote. Hæc
ubi ex Græco carmine interpretata recita-
vit: tum dixit, se oraculo egressum, exem-
plo his omnibus divi rem divinam thure, ac
vino fecisse: jussumque ab antistite, sicut co-
ronatus laurea corona & oraculum adisset,
& rem divinam fecisset, ita coronatum na-
vim ascendere, nec ante deponere eam, quam
Romam pervenisset, se quacumque imperata
sint, cum summa religione ac diligentia exe-
cutum, coronam Roma in ara Apollinis de-
posuisse. Senatus decrevit, ut res divinæ,
supplicationesque primo quoque tempore
cum cura fierent.

CAPUT VII.

Nuntius Cannensis victoria Mago Carthaginem missus, ad fidem latarum rerum faciendam annulos aureos, a digitis occisorum Romanorum detractos, in vestibulo curiae effundit.

DUM hæc Romæ atque in Italia geruntur, nuntius victoriæ ad Cannas, Carthaginem venerat, Mago Amilcaris filius, non ex ipsa acie a fratre missus, sed retentus aliquot dies in recipiendis civitatibus Bruttiorum, quæ deficiebant. Is, cum ei senatus datus esset, res gestas in Italia a fratre exposuit. Cum sex imperatoribus eum, quorum quatuor consules, duo dictator ac magister equitum fuerint, cum sex consularibus exercitibus acie conflixisse, occidisse supra ducenta millia hostium: supra L. millia cepisse. ex quatuor consulibus duos occidisse. ex duobus saucium alterum, alterum toto exercitu amisso vix cum L. hominibus effugisse, magistrum equitum, qui consularis potestatis sit, fustum, fugatumque, dictatorem, quia se in aciem nunquam commiserit, unicum haberi imperatorem. Bruttios, Apulosque partem Samnitium, ac Lucanorum, defecisse ad Pœnos. Capuam quod caput non Campania modo, sed post afflictam rem Romanam Cannensi pugna, Italia sit, Annibali se tradidisse. Pro his tot tantisque victoriis sacrum diis immortalibus agi haberique. Ad fidem deinde 21 tam lætarum rerum, effundi in vestibulo curiæ iussit annulos aureos. qui tantus acervus fuit, ut merientibus, dimidium super tres modios explese, sint quidam au-

ctores. Fama tenuit, quæ propior vero est, haud plus fuisse modio. Adiecit deinde verbis, quo majoris cladis indicium esset, neminem nisi equitum, atque eorum ipsorum primores, id gerere insigne. Summa fuit orationis, quo propius spes belli perficiendi sit, eo magis omni ope juvandum Annibalem esse. procul enim ab domo militiam esse, in media hostium terra, magnam vim frumenti pecuniaque absumi: Et tot acies ut hostium exercitus delesse, ita victoris etiam copias parte a liqua minuisse. mittendum igitur supplementum esse, mittendam in stipendium pecuniam, frumentumque tam benemeritis de nomine Punico militibus.

CAPUT VIII.

Ad nuntium rerum prospere ab Annibale gestarum compellatus Anno, qui propter veteres similitudines erat illi infestus, pacem nihilominus cum Romanis suadet; obstrepente factione Barchina, parum movet.

SECUNDUM hæc dicta Magonis lætis omnibus, Himilco, vir factionis Barchinæ, locum Annonis increpandi esse ratus: quid est Anno? inquit, etiam nunc repœnitet belli suscepti adversus Romanos? jube dedi Annibalem; veta in tam prosperis rebus gratias diis immortalibus agi. audiamus Romanum senatorem in Carthaginensium curia. Tum Anno. Tacuisssem hodie, patres conscripti, ne quid in communi omnium gaudio, minus latum quod esset vobis, loquerer. nunc interrogante senatore, pœniteat ne me adhuc suscepti adversus Romanos belli, si reticeam, aut superbus, aut obnoxius videar: quorum alterum est hominis aliena libertatis obliti, alterum

rum sua. Respondeam igitur Himilconi, non
 desisse poenitere me belli, neque desitutum an-
 te invictum nostrum imperatorem incusare,
 quam finium aliqua tolerabili conditione bel-
 lum videro; nec mihi pacis antiquus desiderium
 ulla alia res, quam pax nova finiet. Itaque
 ista, qua modo Mago perstravit, Himilconi,
 ceterisque Annibalis satellitibus jam lata sunt.
 mihi possunt lata esse, quia res bello bene ge-
 sta, si volumus fortuna uti, pacem nobis a-
 quiozem dabunt. nam si pratermittimus hoc
 tempus, quo magis dare, quam accipere pos-
 sumus videri pacem: vereor, ne hac quoque
 latitia luxuriet nobis, ac vana evadat. qua
 tamen nunc quoque qualis est? Occidi exorci-
 tus hostium: mittite milites mihi, quid aliud
 rogares, si esses victus? Hostium cepi bina
 castra, prada videlicet plena, & commea-
 tum: frumentum, & pecuniam date. quid
 aliud, inquam, si spoliatus, si exutus castris
 esses, peteres? Et ne omnia ipse mirer? (mi-
 hi quoque enim, quoniam respondi Himilco-
 ni, interrogare ius fasque est) velim seu Hi-
 milco, seu Mago respondeat: cum ad inter-
 necionem Romani imperii pugnatum ad Can-
 nas sit, constetque in defectione totam Italiam
 esse: primum ecquis Latini nominis populus
 defecerit ad nos? deinde ecquis homo ex V. &
 XXX. tribubus ad Annibalem transfugerit?
 Cum utraque Mago negasset: hostium qui-
 dem ergo, inquit adhuc multum superest,
 sed multitudo ea quid animorum, quidve spei
 habeat, scire velim. Cum id nescire se Ma-
 go diceret: nihil facilius sciri est: inquit, Ec-
 quos legatos ad Annibalem Romani miserunt
 de pace? nequam denique mentionem pacis
 Roma factam esse, allatum ad vos est? Cum
 id quoque negasset: bellum igitur, inquit,

tam integrum habemus , quam habuimus , qua die Annibal in Italiam est ingressus . Quam varia victoria priore Punico bello fuerit , plerique , qui meminerimus , supersumus . nunquam terra marique magis prospera res nostra visa sunt , quam ante consules C. Lutatium , & A. Postumium fuerunt . Lutatius , & Postumio consulibus devicti ad Ægates insulam sumus . Quod si (id quod dii omen avertant) nunc quæque fortuna aliquid variaverit , tum pacem speratis , cum vincimur , quam nunc , cum vicimus , dat nemo . Ego , si quis de pace consulat , seu deferenda hostibus , seu accipienda , habeo quid sententia dicam . Si de iis , quæ Mago postulat , refertis , nec victoribus mitti attinere puto : & frustrantibus nos falsa atque inani victoria multo minus censeo mittenda esse . Haud multos movit Annonis oratio . nam & similtas cum familia Barchina , leviolem auctorem faciebat : & occupati animi præsentilætitia , nihil , quo vanius fieret gaudium suum , auribus admittebant : debellatumque mox fore , si adniti paululum voluissent , rebantur . Itaque ingenti consensu fit senatus consultum , ut Annibali XL. Numidarum millia in supplementum mitterentur , & XL elephanti , & argenti multa talenta . Dictatorque cum Magone in Hispaniam præmissus est ad conducenda XX. millia peditum , quatuor equitum , quibus exercitus , qui in Italia , quique in Hispania erant , supplerentur .

14 Cæterum hæc , ut in secundis rebus , segniter otioseque gesta sunt .

CAPUT IX.

M. Junius Dictator præter servorum delectum, adscripta in militiam magna etiam damnatorum multitudine, ab Urbe cum exercitu proficiscitur. Annibal, frustratentatis Neapolitanorum animis, Nolam pergit: cum eo advenisset Claudius Marcellus, admonitus per legatos a primoribus de defectione, quam plebs agigaret, inde Nuceriam petit: acceptam in deditionem diripit, atque incendit.

Romanos, præter insitam industriam animis, fortuna etiam cunctari prohibebat: nam nec consul ulli rei, quæ per eum agenda esset, deerat: & dictator M. Junius rebus divinis perfectis, latoque, ut solet, ad populum, ut equum ascendere liceret: præter duas urbanas legiones, quæ principio anni a consulibus conscriptæ fuerant, & servorum delectum, cohortesque ex agro Piceno & Gallico collectas, ad ultimum prope desperatæ reip. auxilium, cum honesta utilibus cedunt, descendit equo, dixitque: *qui capitalem fraudem ausi, qui que pecunia judicati in vinculis essent: qui eorum apud se milites fierent, eos noxæ pecuniaque se exolveri jussurum.* Ea sex millia hominum Gallicis spoliis, quæ triumpho C. Flaminii translata erant, armavit. ita cum XXV millibus armatorum ab urbe proficiscitur. Annibal, Capua recepta, cum iterum Neapolitanorum animos partim spe, partim metu nequicquam tentasset, in agrum Nolanum exercitum traducit. & ut non hostiliter statim, quia non desperabat voluntariam deditionem, ita,

si morarentur spem, nihil eorum, quæ pa-
 ti, aut timere possent; prætermisurus. Se-
 natus, ac maxime primores ejus, in socie-
 tate Romana cum fide perstare. plebs no-
 varum, ut solet, rerum avida, atque An-
 nibalis tota esse: metumque agrorum po-
 pulationis, & patienda in obsidione multa
 gravia; indignaque proponere animo. ne-
 que auctores defectionis deerant. Itaque
 ubi senatum metus cepit, si palam contra-
 tenderent; resisti multitudini concitatae non
 posse; clam simulando dilationem mali in-
 veniunt. placere enim sibi defectionem ad
 Annibalem; simulant: quibus autem condi-
 tionibus in foedus amicitiamque novam
 transeant, parum constare. Ita spatio sum-
 pto, legatos prope ad prætorem Roma-
 num, Marcellum Claudium, qui Canusii
 cum exercitu erat, mittunt: docentque,
 quanto in discrimine sit Nolana res: agrum
 Annibalis esse, & Pœnorum urbem ex-
 templo futuram, ni subveniatur. conce-
 dendo plebi senatum, ubi velint, defectu-
 ros se, ne deficere præfestinarent, effecis-
 se. Marcellus, collaudatis Nolanis, eadem
 simulatione extrahi rem in suum adven-
 tum jussit: interim celari quæ secum acta
 essent, spemque omnem auxilii Romani.
 Ipse a Canusio Calatiam petit: atque in-
 de Vulturno amne trajecto, perque agrum
 15 Saticulanum, Trebrianumque super Sueffu-
 lam per montes Nolam pervenit. Subad-
 ventum prætoris Romani Pœnus agro
 Nolano excessit: & ad mare proxime Nea-
 polim descendit, cupidus maritimi oppi-
 di potiundi, quo cursus navibus tutus ex
 Africa esset. Cæterum postquam Neapo-
 lim a præfecto Romano teneri accepit:

(M.

(M. Julius Silanus erat, ab ipsis Neapolitanis accitus) Neapolim quoque, sicut Nolam, non admissus, petit Nuceriam. Eam cum aliquandiu circumfedisſe, sæpe vi, sæpe ſolicitandis nequicquam nunc plebe, nunc principibus, fame demum in deditionem accepit, pactus, ut inermes cum ſingulis abirent veſtimentis: deinde, ut qui a principio mitis omnibus Italicis, præter Romanos, videri vellet, præmia atque honores iis, qui remaſſissent, ac militare vellent ſecum, propoſuit. nec ea ſpes quenkum tenuit. dilapſi omnes, quocunque hoſpitia, aut fortuitus animi impetus tulit, per Campaniæ urbēs, maxime Nolam, Neapolimque. Cum ferme triginta ſenatores, ac forte primus quiſque, Capuam petiſſent: excluſi inde, quod portas Annibali clauſiſſent, Cumas ſe contulerunt. Nuceria præda militi data eſt, urbs direpta, atque incenſa.

CAPUT X.

Claudius Marcellus nobilem juvenem Nolanum, qui patriam Annibali prodere nitebatur, comitate, & beneficio conciliat.

N Olam Marcellus non ſui magis fiducia præſidii, quam voluntate principum habebat. Plebs timebatur, & ante omnes L. Bantiuſ, quem conſenſu attentatæ defectionis, ac metu a prætore Romano, nunc ad proditionem patriæ, nunc ſi ea die fortuna deſuiſſet, ad transfugendum ſtimulabat. Erat juvenis acer, & ſociorum ea tempeſtate nobiliſſimus eques. Seminecem eum ad Cannas in acervo cæ-

forum corporum inventum, curatumque benigne, etiam cum donis Annibal domum remiserat. ob ejus gratiam meriti, rem Nolanam in jus, ditionemque dare voluerat Peno: anxiumque eum, & sollicitum cura novandi res prætor cernebat. cæterum cum aut pœna cohibendus esset, aut beneficio conciliandus, sibi assumpsisse, quam hosti ademisse fortem ac strenuum maluit socium: accitumque ad se benigne appellat. *Multos eum invidos inter populares habere, inde existimatu facile esse, quod nemo civis Nolanus sibi indicaverit, quam multa ejus egregia facinora militaria essent, sed qui in Romanis militavit castris, non posse obscuram ejus virtutem esse. multos sibi, qui cum eo stipendia fecerint, referre, qui vir esset ille: quaque, & quoties pericula pro salute ac dignitate populi Romani adisset: utique Cannensi pugna non prius pralio abstinerit, quam prope exanguis ruina superincidentium virorum, equorum, armorumque sit oppressus. Itaque macte virtute esto, inquit: apud me tibi omnis honos, atque omne præmium erit: & quo frequentior mecum fueris, senties eam rem tibi dignitati, atque emolumento esse. Lætoque juveni promissis equum eximium dono dat, bigatosque quingentos quæstorem numerare jubet. lictoribus imperat, ut cum se adire, quoties velit, patiantur. Hac comitate Marcelli ferocis*
16 juvenis animus adeo est mollitus, ut nemo inde sociorum rem Romanam fortius, ac fidelius jüverit.

CAPUT XI.

*Spectante denuo ad defectionum Nolana plebe,
Claudius Marcellus, antequam aliquis mo-
tus intus oriatur, eruptione ex urbe facta,
prosperè cum Annibale pugnat.*

CUM Annibal ad portas esset : (No-
lam enim rursus a Nuceria moverat
castra) plebesque Nolana de integro ad de-
fectionem spectaret : Marcellus sub adven-
tum hostium intra muros se recepit, non
castris metuens, sed ne prodendæ urbis oc-
casionem nimis multis ineam imminenti-
bus daret . Instrui deinde utrinque acies
cœptæ, Romanorum pro mœnibus Nolæ,
Pœnorum ante castra sua. prælia hinc par-
va inter urbem castraque, & vario eventu
fiebant : quia duces nec prohibere paucos
temere rogantes, nec dare signum univer-
sæ pugnæ volebant. in hac continua duo-
rum exercituum statione principes Nolano-
rum nuntiant Marcello, nocturna colloquia
inter plebem, ac Pœnos fieri. statutumque es-
se, ut cum Romana acies egressa portis irer,
impedimenta eorum ac sarcinas diriperent :
clauderentque deinde portas, murosque oc-
cuparent, ut * potientes rerum suarum at-
que urbis, Pœnum inde pro Romano accipe-
rent . Hæc ubi nuntiata sunt Marcello,
collaudatis senatoribus Nolanis, priusquam
aliquis motus intus oriretur, fortunam
pugnæ experiri statuit. Ad tres portas in
hostes versa tripartito exercitum instruxit,
impedimenta subsequi iussit : calones, li-
xasque, & invalidos milites vallum ferre.
media porta robora legionum, & Roma-

nos equites, duabus circa portis novos milites, levemque armaturam, ac sociorum equites statuit. Nolani muros portasque adire vetiti: subsidiaque destinata impedimentis data, ne occupatis prælio legionibus, in ea impetus fieret. ita instructi intra portas stabant. Annibali sub signis (id quod per aliquot dies fecerat) ad ultimum diei in acie stanti, primo miraculo esse, quod nec exercitus Romanus porta egrederetur, nec armatus quisquam in muris esset. ratus deinde prodita colloquia esse, metuque residues factos, partem militum in castra remittit, iustos propere apparatus omnem oppugnandæ urbis in primam aciem afferre: satis fidens, si cunctantibus instaret; tumultum aliquem in urbe plebem moturam. Moxque dum in sua quisque ministeria discursu trepidat ad prima signa, succeditque ad muros acies: patefacta repente porta, Marcellus signa canere, clamoremque tolli, ac pedites primum, deinde equites, quanto maximo possent impetu, in hostem erumpere jubet. Satis terroris tumultusque in aciem mediam intulerant, cum duabus circa portis P. Valerius Flaccus, & C. Aurelius legati in cornua hostium erupere. Addidere clamorem lixæ calonesque, & alia turba custodiæ impedimentorum apposita, ut paucitatem maxime spernentibus Pœnis ingentis repente exercitus speciem fecerint. Vix equidem ausim affirmare, quod quidam auctores sunt, duomille, & CCC. hostium cæsos: non plus uno Romanos amisisse. Sive tanta, sive minor victoria fuit, ingens eo die res, ac nescio an maxima illo bello gesta sit. non vinci enim ab Annibale, vincere solito, difficilius fuit, quam postea vincere.

CAPUT XII.

Annibal, relicta Nola, Acerras recedit: defertur ab oppidanis diripit, & incendit: Casilinum aggressus, atque a Prænestinorum præsidio, quod ibi erat, acriter repulsus, Capuam in hiberna concedit.

A Nnibal spē potiundę Nole adempta, cum Acerras recessisset: Marcellus extemplo 17 clausis portis, custodibusque dispositis, ne quis egrederetur, quæstionem in foro de iis, qui clam in colloquiis hostium fuerant, habuit: supra LXX damnatos prodicionis securi percussit; bonaque eorum iussit publica esse. & summa rerum senatui tradita, cum exercitu omni profectus supra Sueffulam castris positus confedit. Pœnus Acerras primum ad voluntariam deditionem conatus pellicere, posteaquam obstinatos vidit, obsidere inde, atque oppugnare parat. Cæterum Aceranis plus animi quam virium erat: itaque, desperata tutela urbis, ut circumvallari mœnia viderunt, priusquam continuarentur hostium opera, per intermissa munimenta, neglectasque custodias silentio noctis dilapsi, per vias, inviaque, qua quenque aut consilium, aut terror tulit, in urbes Campaniæ, quas satis certum erat non mutasse fidem, perferunt. Annibal, Aceris direptis atque incensis, cum a Casilino dictatorem Romanum legionesq; eminus aspici nunciassent, ne quis tam propinquis hostium castris Capuam quoque recurrat, exercitum ad Casilinum ducit. Casilinum eo tempore quingenti Prænestini habebant cum paucis Romanis, Latiniq; nominis, quos eodem audita Cannensis clades

contulerat. Hi, non confecto Præneste ad diem delectu, serius profecti domo, cum Casilinum ante adversæ pugnæ famam venissent, & aliis aggregarent sese Romanis, sociisque, profecti a Casilino, cum satis magno agmine irent, avertit eos retro Casilinum nuntius Cannensis pugne. ibi cum dies aliquot, suspecti Campanis, timentesque, cavendis ac struendis invicem insidiis traduxissent, jamque de Cupuæ defectione agi, accipique Annibalem, satis pro certo haberent: interfectis nocte oppidanis, partem urbis, quæ circa Vulturum est, (eo enim dividitur amni) occupare. idque præsidium Casilini habebant Romani. Additur & Perusina cohors, homines CCCC & LX, eodem nuntio, quo Prænestini, paucos ante dies Casilinum compulsi. & satis ferme armatorum ad tam exigua mœnia, & flumine altera parte cincta tuenda erat. penuria frumenti, nimium etiam ut
 18 videretur hominum, efficiebat. Annibal cum jam inde haud procul esset, Getulos cum profecto, nomine Isalca, præmittit. ac primo, si fiat colloquii copia, verbis benignis ad portas aperiendas, præsidiumque accipiendum perlicere jubet. sin in pertinacia perstent, rem gerere, ac tentare si qua parte invadere urbem possit. Ubi ad mœnia accessere, quia silentium erat, solitudo visa: metuque concessum barbarus ratus: moliri portas, & feras claustraque effringere parat; cum patefactis repente portis cohortes duæ ad id ipsum instructæ intus, ingenti cum tumultu erumpunt, stragemque hostium faciunt. Ita primis repulsi, Maharbal cum majore robore virorum missus, nec ipse eruptionem cohortium sustinuit. Postremo Annibal castris ante ipsa mœnia oppositis, parvam urbem,
 par-

parvumque præsidium summa vi, atque omnibus copiis oppugnare parat, ac dum inflat, laceffitque, corona undique circumdatis mænibus, aliquot milites, & promptissimum quenque e muro, turribusque ictos amisit. Semel ultro erumpentes agmine elephantorum opposito prope interclusit, trepidosque compulit in urbem, satis multis, ut ex tanta paucitate, interfectis. plures cecidissent, ni nox prælio intervenisset. Postero die omnium animi ad oppugnandum accenduntur: utique posteaquam corona aurea muralis proposita est, atque ipse dux castelli plano loco positi segnem oppugnationem Sagunti expugnatoribus exprobrabat: Cannarum, Trasymenique, & Trebiæ singulos admonens, universosque inde vineæ quoque cæptæ agi, cuniculique. nec ad varios conatus hostium aut vis ulla, aut ars deerat. Socii Romanorum propugnacula adversus vineas statuere; transversis cuniculis hostium cuniculos excipere, & palam, & clam cæptis obviam ire, donec pudor etiam Annibalem ab incæpto avertit, castrisque communitis, ac præsidio modico imposito, ne omissa res videretur, in hiberna Capuam concessit.

C A P U T XII.

Annibalis exercitus per hiberna Capua. luxurie corrumpitur.

IBI partem majorem hyemis exercitum in tectis habuit, adversus omnia humana mala sæpe ac diu durantem, bonis inexpertum, atque insuetum. Itaque quos nulla mali vicerat vis, perdere nimia bona, ac voluptates immodicæ, & eo impensius, quo

quo avidius ex insolentia in eas se immerferant. somnus enim, & vinum, & epulæ, & scorta, balneaque, & otium consuetudine in dies blandius, ita enervaverunt corpora, animosque, ut magis deinde præteritæ victoriæ eos, quam præsentis tutarentur vires, majusque id peccatum ducis apud peritos artium militarium haberetur, quam quod non ex Cannensi acie protinus ad urbem Romam duxisset. illa enim cunctatio distulisse modo victoriam videri potuit: hic error vires ademisse ad vincendum. Itaque hercule; velut si cum alio exercitu a Capua exiret: nihil usquam pristinae disciplinæ tenuit: nam & redierunt plerique scortis impliciti: & ubi primum sub pellibus haberi cœpti sunt; viaque, & alius militaris labor excepit; tironum modo corporibus animisque deficiebant; & deinde per omne æstivorum tempus magna pars sive com meatibus ab signis dilabebantur: neque aliæ latebræ, quam Capua, desertoribus erant.

CAPUT XIV.

Casilinum a Pœnis obsessum dira fame vexatur: cum eo inopia venturisset, ut tora, & pelles scutis detractas, & muros etiam comederent, facta pactione de liberorum capitum redemptione, se dedunt: Prænestini milites, qui eam obsidionem fortiter sustinuerant, ab Senatu Rom. cohonestantur.

- 19 CÆterum mitesciente jam hyeme, edito ex hibernis milite, Casilinum reddit. ubi quanquam ab oppugnatione cessatum erat, obsidio tamen continuata oppidanos,

nos; præsidiumque ad ultimum inopiæ adduxerat. Castris Romanis T. Sempronius præerat, dictatore auspicioꝝ repetendorum causa profecto Romam. Marcellum & ipsum cupientem ferre auxilium obsessis, Vulturis amnis inflatus aquis, & preces Nolanorum, atque Acerranorum tenebant; Campanos timentium, si præsidium Romanum abcessisset. Gracchus assidens tantum Casilino, quia edictum erat dictatoris, ne quid absente eo rei gereret, nihil movebat; quanquam quæ facile omnem patientiam vincerent, nuntiabantur a Casilino, nam & præcipitasse se quosdam non tolerantes famem, constabat: & stare inermes in muris, nuda corpora ad missilium telorum ictus præbentes. Ea ægre patiens Gracchus, cum neque pugnam conferere dictatoris iniuria auderet: pugnandum autem esse, si palam frumentum importare vellet, videret; neque clam importandi spes esset: farre ex agris circa undique convecto cum complura dolia compleisset, nuntium ad magistratum Casilinum misit, ut exciperent dolia, quæ amnis deferret. Insequenti nocte intentis omnibus in flumen, ac spem ab nuntio Romano factam, dolia medio missa amni defluerunt. æqualiter inter omnes frumentum divisum. id postero quoque die; ac tertio factum est. nocte & mittebantur; & perveniebant: eo custodias hostium fallébant. Imbris deinde continuis citatior solito amnis, transverso vortice dolia impulit ad ripam, quam hostes servabant. ibi hærentia inter obnata ripis salicta conspiciuntur, nuntiatumque Annibali est: & deinde intentiore custodia cautum, ne quid falleret Vulturno ad urbem missum. Noces inde fusæ ab Romanis

manis castris, cum medio amni ad Casilinum defluerent, cratibus excipiebantur. Postremo ad id ventum inopiæ est, ut lora, detractasque scutis pelles, ubi fervida mollescent aqua, mandere conarentur: nec muribus, aliove animali abstinerent: & omne herbarum, radicumque genus aggeribus infimis muri eruerent. & cum hostes obarassent, quicquid herbi terreni extra murum erat, raporum semen injecerunt, ut Annibal, *Eone usque dum ea nascantur, ad Casilinum sessuri sumus?* exclamaret. Et qui nullam antea pactionem auribus admiserat, tum demum agi secum est passus de redemptione liberorum capitum. Septunces auri in singulos pretium convenit. fide accepta, sese tradiderunt. donec omne aurum persolutum est, in vinculis habiti. tum remissi Cumas cum fide. Id verius est, quam ab equite in abeuntes immisso interfectos. Prænestini maxima pars fuere. ex quingentis septuaginta, qui in præsidio fuerunt, minus dimidium, ferrum, famesque absumpsit. ceteri incolumes Præneste cum prætore suo Manitio (scriba is antea fuerat) redierunt. Statua ejus indicio fuit Præneste in foro statuta, loricata, amicta toga, velato capite: & tria signa cum titulo laminae æneæ in scripto, *Manitium pro militibus, qui*
20 *Casilini in præsidio fuerint, votum rovisse.* Idem titulus tribus signis in æde Fortunæ positus fuit subiectus. Casilinum oppidum redditum Campanis est, firmatum septingentorum militum de exercitu Annibalis præsidio: ne, ubi Pœnus inde abcessisset, Romani oppugnant. Prænestinis militibus senatus Romanus duplex stipendium, & quinquennii militiæ vacationem decrevit. civitate cum donarentur ob virtutem, non mutaverunt. Perusino-
rum.

rum casus obscurior fama est, quia nec ipsorum monumento ullo est illustratus, nec decreto Romanorum

C. A P. U. T XV.

Petellini, fideles populi Rom. socii, malis coacti, auxilium ab senatu petunt: jussi sibi metipsi consulere, ingenti mœstitia capiuntur.

Eodem tempore Petellinos, qui uni ex Brutiis manserant in amicitia Romanorum, non Carthaginieneses modo, qui regionem obtinebant, sed Brutii quoque cæteri ob separata ab se consilia oppugnabant. quibus cum resistere malis nequirent Petellini, legatos Romam ad præsidium petendum miserunt. Quorum preces, lacrymaque (in questus enim flebiles, cum sibi metipsi consulere jussi sunt, sese in vestibulo curiæ profuderunt) ingentem misericordiam patribus, ac populo moverunt. consultique iterum a M. Pomponio prætore patres, circumspectis omnibus imperii viribus, fateri coacti, nihil jam longinquis sociis in se præsidii esse: redire domum, fideque ad ultimum expleta, consulere sibi metipsos in præsentī fortuna jusserunt. Hæc posteaquam renuntiata legatio Petellinis est, tantus repente mœror pavorque senatum eorum cepit, ut pars profugiendi qua quisque posset, ac deferendæ urbis auctores essent, pars, quando deserti a veteribus sociis essent, adjungendi se cæteris Brutiis, ac per eos dedendi Annibali. Vicit tamen ea pars, quæ nihil raptim nec temere agendum, consulendumque de integro censuit. Relaxata postero die per minorem trepidatio.

tionem retinuerunt optimates, ut conve-
ctis omnibus ex agris, urbem ac muros
firmarent.

CAPUT XVI.

*Cum neque stipendium, neque frumentum es-
set, quæ ad classes mitteretur, altera, quæ
erat in Sicilia, ab Hierone rege, altera, quæ
in Sardinia, a civitatibus sociis subsidio ju-
vantur. Roma propter penuriam argenti trium-
viri mensarii creantur. Ædes Concordiæ
dedicatur.*

- 21 **P**ER idem fere tempus literæ ex Sicilia,
Sardiniaque Romam allatæ. priores ex
Sicilia Otacilii pro prætore in senatu recita-
tæ sunt. Fûrium prætorem cum classe ex
Africa Lilybæum venisse: ipsum graviter
saucium in discrimine ultimo vitæ esse. mi-
liti & navalibus sociis neque stipendium, ne-
que frumentum ad diem dari: neque unde
detur, esse: magnopere suadere, ut quam-
primum ea mittantur: sibi que, si ita vide-
tur, ex novis prætoribus successorem mit-
tant. Eademque ferme de stipendio, frumen-
toque ab A. Cornelio Mammula pro prætore
ex Sardinia scripta: Responsum utrisque,
non esse, unde mitteretur. iussique ipsi, clas-
sibus, atque exercitibus suis consulerent.
Otacilius ad unicum subsidium populi Ro-
mani Hieronem legatos cum misisset, in sti-
pendium quantum argenti opus fuit, & sex
mensium frumentum accepit. Cornelio in
Sardinia civitates sociæ benigne contule-
runt. Et Romæ quoque, propter penuriam
argenti, triumviri mensarii rogatione Minu-
tii tribuni pl. facti, L. Æmilius, qui consul,
cen-

censorque fuerat: & M. Atilius Regulus, qui bis consul fuerat: & L. Scribonius Libo, qui tum tribunus pl. erat. Et duumviri creati, M. & C. Atilii, ædem Concordiæ, quam L. Manlius prætor voverat, dedicaverunt. Et tres Pontifices creati, Q. Cæcilius Metellus, Q. Fabius Maximus, & Q. Fulvius Flaccus, in locum P. Scantini demortui, & L. Æmilii Pauli consulis, & Q. Ælii Pæti, qui ceciderant in pugna Cannensi.

CAPUT XVII.

Pauca numero cladibus imminuto, suadet Carvilius; ut propter civium paucitatem, adscripti in civitatem bini Senatores ex singulis populis Latinis, illi accipiantur in senatum: ea rejecta sententia, dictus Dictator M. Fabius Buteo ex ordine equestris centum septuaginta septem legit. Habitis comitiis consularibus, L. Postumius absens in Gallia, & T. Semp. Gracchus COSS. creantur.

CUM cætera, quæ continuis cladibus fortuna minuerat, quantum consiliis humanis asequi poterant, patres expleissent: tandem se quoque, & solitudinem curiæ, paucitatemque convenientium ad publicum consilium respexerunt: neque enim post L. Æmiliū, & C. Flaminium censores senatus lectus fuerat, cum tantum senatorum adversæ pugnae, ad hoc sui quæque casus per quinquennium absumpsissent. Cum de ea re M. Pomponius prætor, dictatore post Casilinum amissum profecto jam ad exercitum, exposcentibus cunctis, retulisset: tum Sp. Carvilius, cum longa oratione non solum inopiam,

piam; sed paucitatem etiam civium, ex quibus in patres legerentur, conquestus esset: ex plendi senatus causa, & jungendi arctius Latini nominis, pro magna re suadere dixisset: ut ex singulis populis Latinorum binis senatoribus, quos patres Romani censuissent, civitas daretur: atque in demortuorum locum in senatum legerentur, eam sententiam habuerunt æquioribus animis, quam ipsorum quondam postulatum Latinorum, patres audierunt. & cum fremitus indignantium tota curia esset, & præcipue Manlius, esse etiam nunc stirpis ejus virum, diceret, ex qua quondam in Capitolio consul minatus esset, quem Latium in curia vidisset, eum sua manu interfectorum: Q. Fabius Maximus, *Nunquam rei ullius alieniore tempore mentionem factam in senatu dixit, quam inter tam suspensos sociorum animos, incertamque fidem id tactum, quod in super sollicitaret eos. eam unius hominis temerariam vocem silentio omnium extinguendam esse. & si quid unquam arcani, sanctive ad silentium in curia fuerit, id omnium maxime regendum, occulendum, obliviscendum, pro non dicto habendum esse.* Ita ejus rei oppressa mentio est Dictatorem; qui censor ante fuisset, vetustissimusque ex iis, qui viverent censoriis esset, creari placuit, qui senatum legeret: ac utrique C. Terentium consulem ad dictatorem dicendum jusserunt. qui cum ex Apulia relicto ibi præsidio, magnis itineribus Romanam redisset: nocte proxima, ut mos erat.

23. M. Fabium Buteonem ex S. C. sine magistro equitum dictatorem in sex menses dixit. Ibi cum lictoribus in nostra ascendit, neque duos dictatores tempore uno, quod nunquam ante factum esset, probare se dixit: neque dictatorem sine magistro equitum: nec censoriam vi-
 per-

*permissam uni & eidem iterum : nec auctori , nisi rei gerenda causa creato , in sex menses datum imperium . qua immoderata fors , tempus , ac necessitas fecerint , iis se modum impositurum . nam neque senatu quenquam moturum ex iis , quos C. Flaminius , L. Æmilius censores in senatum legissent : transcribi tantum , recitarique eos iussurum , ne penes unum hominem iudicium arbitriumque de fama ac moribus senatoris fuerit : & ita in demortuorum locum subleeturum , ut ordo ordini , non homo homini praelatus videretur . Recitato vetere senatu , inde primum in demortuorum locum legit , qui post L. Æmilium , & C. Flaminium censores curulem magistratum cepissent , necdum in senatum lecti essent , ut quisque eorum primus creatus erat . tum legit , qui ædiles , tribuni plebis , quæstoresve fuerant : tum ex iis , qui magistratus non cepissent , qui spolia ex Roman. hoste fixa domi haberent , aut civicam coronam accepissent . Ita CLXXVII cum ingenti approbatione omnium in senatum lectis , extemplo se magistratu abdicavit , privatusque de rostris descendit , lictoribus abire iussis : turbæque se immiscuit privatas agentium res : tempus hic sedulo terens , ne deducendi sui causa populum de foro abduceret . neque tamen elanguit cura hominum ea mora , frequentesque eum domum deduxerunt . Consul nocte insequenti ad exercitum rediit , non facto certiore senatu , ne comitiorum causa in urbe retineretur . Postero die consultus a M. 24 Pomponio prætore senatus decrevit dictatori scribendum , uti , si e rep. censeret esse
 se,*

se, ad consules subrogandos veniret cum magistro equitum, & prætore M. Marcello, ut ex iis præsentibus noscere patres possent, quo statu res publicæ essent, consiliaque ex rebus caperent. Qui accitieri, omnes venerunt, relictis legatis, qui legionibus præessent. Dictator de se pauca, ac modice locutus, in magistrum equitum T. Sempronium Gracchum magnam partem gloriæ vertit: comitiaque edixit, quibus L. Postumius III. absens, qui tum Galliam provinciam obtinebat, & T. Sempronius Gracchus, qui tum magister equitum eo accurrerat, consules crearentur. Prætores inde creati, M. Valerius Lævinus, Ap. Claudius Pulcher, Q. Flavius Flaccus, Q. Mutius Scævola. Dictator creatis magistratibus, Teanum in hiberna ad exercitum rediit, relicto magistro equitum Romæ: qui, cum post paucos dies magistratum initurus esset, de exercitibus scribendis, comparandisque in annum, patres consularet.

CAPUT XVIII.

L. Postumius Cos. designatus vastam silvam ingressus a Gallis cum exercitu opprimitur: hanc Romam nuntiata cladem Civitas publica mœstitia prosequitur: anxius Senatus, erectus per T. Sempronium, bellum, omissis interim Gallis, in Pœnos hostes insente apparat.

CUM ex res maxime agerentur, nova clades nuntiata, alia super aliam cum mulante in eum annum fortuna: L. Postumium consulem designatum, in Gallia ipsum, atque exercitum deletos. Silva erat

« vasta, (Litanam Galli vocant) qua exerci-
 tum traducturus erat. ejus silvæ dextra, læ-
 vaque circa viam Galli arbores ita incide-
 rant, ut immotæ starent, momento levi im-
 pulse occiderent. Legiones duas Romanas
 habebat Postumius: sociumque ab supero
 mari tantum conscripserat, ut XXV. mil-
 lia armatorum in agros hostium induxisset.
 Galli oram extreme silvæ cum circum edif-
 sent, ubi intravit agmen saltum, tum ex-
 tremas arborum succisarum impellunt, quæ
 alia in aliam instabilem per se ac male hæ-
 rentem incidentes, ancipiti strage arma, vi-
 ros, equos obruerunt, ut vix decem homi-
 nes effugerent. nam cum exanimati plerique
 essent arborum truncis, fragmentisque ramo-
 rum: ceteram quoque multitudinem inopi-
 nato malo trepidam Galli saltum, omnem ar-
 mati circumfidentes interfecerunt: paucis
 et tanto numero captis, qui pontem fluminis
 petentes, obfesso ante ab hostibus ponte in-
 terclusi sunt. Ibi Postumius omni vi, ne ca-
 peretur, obnixus occubuit: spolia corporis,
 caputque ducis præcisum Boii ovantes tem-
 plo, quod sanctissimum est apud eos, intu-
 lere. purgato inde capite, ut mos iis est, cal-
 vam auro celavere. idque sacrum vas iis erat,
 quo solennibus libarent: poculumque idem
 sacerdoti esse, ac templi antistitibus. Præda
 quoque haud minor Gallis, quam victoria,
 fuit. nam etsi magna pars animalium strage
 silvæ oppressa erat: tamen ceteræ res, quia
 nihil dissipatum fuga est, stratae per omnem
 jacentis agminis ordinem inventæ sunt. Hac
 nuntiata clade, cum per dies multos in tanto
 pavore fuisset civitas, ut tabernis clausis, ve-
 lut nocturna solitudine per urbem acta, sena-
 tus ædilibus negotium daret, ut urbem cir-
 cum,

cumirent, aperiri que tabernas, & mœstitiis publicæ speciem urbi demi juberent: tum T Sempronius senatum habuit, consolatusque patres est, & adhortatus, ne, qui Cannensium ruinam non succubuissent, ad minores calamitates animos summitterent. Quod ad Carthaginienses hostes, Annibalemque attinet, prospera mox esset, sicut speraret, fortuna, Gallicum bellum & omitti tuto, & differri posse: ultionemque earum fraudis in deorum, ac populi Romani potestatem fore. de hoste Pæno, exercitibusque, per quos in bellum gereretur, consultandum, atque agitandum. Ipse primum, quid peditum, equitumque, quid civium, quid sociorum in exercitu esset dictatoris, disseruit. Tum Marcellus suarum copiarum summam exposuit. Quid in Apulia cum C. Terentio consule esset, aperitis quæsitum est. duone consules exercitus satis firmi tanto bello sufficerent, inibatur ratio. Itaque Galliam, quam stimulabat iusta ira, omitti eo anno placuit. Exercitus dictatoris consuli decretus est. De exercitu Marcelli, qui ex fugâ Cannensium essent, in Siciliam eos traduci atque ibi militare, donec in Italia bellum esset, placuit. eodem ex dictatoris legionibus rejici militem minimi quemque roboris nullo præstituto militiæ tempore, nisi quo stipendiorum legitimorum esset. Duæ legiones urbanæ alteri consuli, qui in locum I. Postumii successus esset, decretæ sunt: eumque, cum primum salvis auspiciis posset creari placuit. legiones præterea duas primo quoque tempore ex Sicilia acciri: atque inde de consul, cui legiones urbanæ evenissent militum sumeret, quantum opus esset. C. Terentio consuli propagari in annum imperium: neque de eo exercitu, quem a præ-

præsidium Apuliæ haberet, quicquam minui.

CAPUT XIX.

Asdrubal in Hispania coacta ad deditionem Carpesiorum gente, quam prætore ab ipso transfugientes, a Pœnis auerterant, ducturus in Italiam exercitum, ad Iberum descendit.

DUm hæc in Italia geruntur, apparanturque, nihilo segnius in Hispania bellum erat, sed eam diem magis prosperum Romanis. P. & Cn. Scipiones, inter se partiti sunt copias, ut Cn. terra, P. mari navibusque rem gereret. Asdrubal Pœnorum imperator neutri parti virium satis fidens, procul ab hoste intervallo, ac locis tutis tenebat se. cui multum, ac diu obtestanti quatuor millia peditum, & quingenti equites in supplementum missi ex Africa sunt. Tum refecta tandem spe, castra propius hostem movit: classemque & ipse instrui, pararique jubet, ad insulas, maritimamque oram tutandam. In ipso impetu movendarum de integro rerum perculit eum præfectorum navium transitio, qui post classem ad Iberum per pavorem desertam graviter increpiti, nunquam deinde satis fidi, aut duci, aut Carthaginensium rebus fuerunt. Fecerant ii transfugæ motum in Carpesiorum gente: desciverantque iis auctoribus urbes aliquot: una etiam ab ipsis vi capta fuerat. In eam gentem verum ab Romanis bellum est. infestoque exercitu Asdrubal ingressus agrum hostium, pro captæ ante dies paucos urbis mœnibus Calbum, nobilem Carpesiorum ducem, cum

valido exercitu castris se detinentem aggredi statuit. Præmissa igitur levi armatura, qua eliceret hostes ad pugnam, peditum parter ad depopulandum per agros passim dimisit ut palantes exciperent. simul & ad castra tumultuosa multuserat, & per agros fugaque, & cædes deinde undique diversis itineribus cum in castra se recepissent, adeo repente decessit animis pavor, ut non ad munimenta modo defendenda satis animorum esset, sed etiam a laceffendum hostem prælio. Erumpunt igitur agmine e castris tripudiantes more suo: repente inquit eorum audacia terrorem hostis paulo ante ultro laceffenti incussit. Itaque & ipse Asdrubal in collem satis arduum, tumque flumine etiam obiecto tum copiis subducit, & præmissam levem armaturam equitesque palatos eodem recipit: nec a colli, aut flumini satis fidens, vallo castrorum permunit. In hoc alterno pavore certamina aliquot sunt contracta. Nec Numida Hispanique par fuit: nec jaculator Maurus ceteraque velocitate pari, robore animi viriumque quantum præstanti. Posteaquam neque e cere Poenum ad certamen observati castris poterant, neque castrorum oppugnatio facili erat: urbem Afenam, quo fines hostium grediens Asdrubal frumentum, commeatumque alios convexerat, vi capiunt, omnino circa agro potiuntur. nec jam aut in agminibus aut in castris ullo imperio contineri. Quam ubi negligentiam ex re, ut fit, bene gerendi oriri sentierat Asdrubal; cohortatus militum ut palantes sine signis hostes aggredierentur digressus colle, pergit ire acie instructa castra. Quem ut adesse tumultuosi nuntii fugientes ex speculis, stationibusque attulerunt ad arma conclamatum est. Ut quisque ar-

ceperat, sine imperio, sine signo, incompositi, inordinati in prælium ruunt. Jam primi conseruerant manus, cum alii catervatim currerent; alii nondum e castris exissent. tum primo ipsa audacia terruere hostem, deinde rari in confertos illati, cum paucitas parum tuta esset, respicere alii alios, & undique pulsi coire in orbem. & dum corporibus applicantur, armaque armis jungunt, in arctum compulsi, cum vix movendis armis satis spatii esset, corona hostium cincti, ad multum dici cæduntur. Exigua pars, eruptione facta, silvas, ac montes petit: parique terrore, & castra sunt deserta, & universa gens postero die in deditionem venit. nec diu in pacato mansit. nam subinde ab Carthagine allatum est, ut Asdrubal primo quoque tempore in Italiam exercitum duceret. quæ vulgata res per Hispaniam, omnium ferme animos ad Romanos avertit. Itaque Asdrubal extemplo literas Carthaginem mittit, indicans, quanto fama professionis suæ damno fuisset. Si vero inde pergeret, prius quam Iberum transiret, Romanorum Hispaniam fore. nam præterquam quod nec præsidium, nec ducem haberet; quem relinqueret pro se, imperatores esse Romanos, quibus vix equis viribus resisti possit. Itaque si ulla Hispania cura esset, successorem sibi cum valido exercitu mitterent, cui si omnia prospere evenirent, non tamen otiosam provinciam fore. Hæ li- 28

teræ quanquam primo admodum moverunt senatum: tamen quia Italiæ cura prior potiorque erat, nihil de Asdrubale, neque de copiis ejus mutatum est. Himilco cum exercitu iusto, & aucta classe ad retinendam terra marique, ac tuendam Hispaniam est missus, qui ut pedestres, navalesque copias

trajecit, castris communitis, navibusque sub-
 ductis, & vallo circumdatis, cum equitibus
 delectis ipse, quantum maxime accelerare
 poterat, per dubios infestisque populos jux-
 ta intentus ad Asdrubalem pervenit. Cum
 decreta senatus mandataque exposuisset, at-
 que edidicisset ipse invicem, quemadmodum
 tractandum bellum in Hispania foret, retro
 in sua castra rediit: nulla re, quam celerita-
 te tutior, quod undique abierat, antequam
 populi consentirent. Asdrubal prius quam
 moveret castra, pecunias imperat populis o-
 mnibus suæ ditionis: satis gnarus, Anniba-
 lem transitus quosdam pretio mercatum: nec
 auxilia Gallica aliter, quam conducta habuiss-
 se: inopem tantum iter ingressum, vix pe-
 netraturum ad Alpes fuisse. pecuniis igitur
 raptim exactis, ad Iberum descendit.

CAPUT XX.

*Cn. , & P. Scipiones facti obviam ad Ibe-
 rum Asdrubali, transitum in Italiam
 prohibebant, illum ingenti pralio super-
 rant.*

DEcreta Carthaginiensium, & Asdruba-
 lis iter, ubi ad Romanos sunt perla-
 ta, omnibus omissis rebus, ambo duces
 junctis copiis ire obviam cœptis, atque ob-
 sistere parant: rati, si Annibali, vix perse-
 ipsi tolerando Italiæ hosti, Asdrubal dux,
 atque Hispaniensis exercitus esset junctus,
 illico Romani finem imperii fore. His an-
 xii curis ad Iberum contrahunt copias, &
 transito amne, cum diu consultassent, utrum
 castra castris conferrent, an satis haberent
 sociis Carthaginiensium oppugnandis morari.

ab

ab itinere proposito hostem: urbem a propinquo flumine Iberam appellatam, opulentissimam ea tempestate regionis ejus, oppugnare parant. quod ubi sensit Asdrubal, pro ope ferenda fociis pergit ipse ire ad urbem deditam nuper in fidem Romanorum oppugnandam. Ita jam cœpta obsidio omissa ab Romanis est, & in ipsum Asdrubalem versum bellum. 29
 Quinque millium intervallo castra distantia habuere paucos dies, nec sine levibus præliis, nec ut in aciem exirent. tandem uno eodemque die, velut ex composito, utrinque signum pugnae propositum est: atque omnibus copiis in campum descensum est. Triplex stetit Romana acies: peditum pars ante signa locata, pars post signa accepta: equites cornua cinxere. Asdrubal mediam aciem Hispanis firmat: in cornibus, dextro Pœnos locat, lævo Afros: mercenariorumque auxilia equitum, Numidas Pœnorum peditibus, cæteros Afris pro cornibus opponit. nec omnes Numidæ in dextro locati cornu, sed quibus, desultorum in modum, binos trahentibus equos: inter acerrimam sæpe pugnam in recentem equum ex fesso armatis transultare mos est. tanta velocitas ipsis; tamque docile equorum genus est. Cum hoc modo instructi starent, imperatorum utriusque partis haud ferme dispares spes erant nam ne multum quidem aut numero aut genere militum hi aut illi præstabant. militibus longe dispar animus erat. Romanis enim, quanquam procula patria pugnarent, facile persuaserant duces, pro Italia atque urbe Roma eos pugnare. Itaque velut quibus reditus in patriam eo discrimine pugnae verteretur, obstinaverant animis vincere, aut mori. Minus pertinaces viros habebat altera acies.

nam maxima pars Hispani erant; qui vinci in Hispania, quam victores in Italiam trahi malebant. Primo igitur concursu, cum vix pila coniecta essent, retulit pedem media acies, ferentibusque sese magno impetu Romanis terga vertit. Nihilo segnius in cornibus prælium fuit. hinc Pœnus, hinc Afer urget: & velut in circumventos prælio ancipiti pugnant: sed cum in medium tota jam coisset Romana acies, satis virium ad dimovenda hostium cornua habuit. Ita duo diversa prælia erant: utroque Romani, ut qui pulsus tandem mediis, & numero, & robore virorum præstarent, haud dubie superarunt. Magna vis hominum ibi occisa: & nisi Hispani vix dum conferto prælio tam effuse fugissent, per pauci ex tota superfuissent acie. Equestris pugna nulla admodum fuit: quia simul inclinatum mediam aciem Mauri Numidæque vident, extemplo fuga effusa, nuda cornua, elephantis quoque præ se actis, deferuere. Et Asdrubal usque ad ultimum eventum pugnae moratus, e media cæde cum paucis effugit. Castra Romani cepere, atque inde diripuere. Ea pugna, si qua dubia in Hispania erant, Romanis adjunxit: Asdrubalique non modo in Italiam traducendi exercitus, sed ne manendi quidem satis tuto in Hispania spem reliquit. Quæ posteaquam literis Scipionum Romæ vulgata sunt, non tam victoria, quam prohibito Asdrubalis in Italiam transitu lætabantur.

C A U T. XXI.

Pœni Petelia, & Consentia in Brutiis possuntur: Crotonem quoque a Bruttiorum exercitu expugnatam, & Locrenses, per defectionem venientes, recipiunt: Hieronis filius Gello, dum nititur res in Sicilia ad Carthaginienses trahere, morte opportuna absumitur.

DUM hæc in Hispania geruntur; Petelia 30
in Brutiis aliquot post mensibus, quam cœpta oppugnari erat, ab Himilcone, præfecto Annibalis, expugnata est. multorumque sanguine, ac vulneribus ea Pœnis victoria stetit: nec ulla magis vis obfessos, quam fames expugnavit. absumptis enim frugum alimentis, carnisque omnis generis quadrupedum, sutrinæ postremo coriis, herbisque & radicibus, corticibus teneris, strictisque rubis vivere: nec antequam vires ad standum in muris ferendaque arma deerant, expugnatæ sunt. Recepta Petelia, Pœnus ad Consentiam copias traducit. quam minus pertinaeiter defensam, intra paucos dies in deditionem accepit. Iisdem ferme diebus & Bruttiorum exercitus Crotonem, Græcam urbem, circumfedit; opulentam quondam armis virisque: tum jam adeo multis magnisque cladibus afflictam, ut omnis ætatis minus viginti millia civium superessent. Ita que urbe defensoribus vacua facile potiti sunt hostes: arx tantum retenta, in quam inter tumultum captæ urbis e media cæde quidam effugere. Et Locrenses descivere ad Bruttios, Pœnosque, prodita multitudine a principibus. Rhegini tantummodo regionis

ejus & in fide erga Romanos, & potestatis suæ ad ultimum manserunt. In Siciliam quoque eadem inclinatio animorum pervenit: & ne domus quidem Hieronis tota ab defectione abstinuit. namque Gelo, maximus stirpis, contempta simul senectute patris, simul post Cannensem cladem Romana societate, ad Pœnos defecit, movissetque in Sicilia res, nisi mors adeo opportuna, ut patrem quoque suspicione aspergeret, armantem eum multitudinem, sollicitantemque socios, absumpsisset. Hæc eo anno in Italia, in Africa, in Sicilia, in Hispania vario eventu acta.

C A P U T XXII.

Ludi Romani, & plebei fiunt: inito a Sempronio Cos. magistratu, Claudio Marcello proconsulare datur imperium: cum de exercitibus decerneretur; Marcellus in Campaniam cum duabus urbanis legionibus mittitur: inde qui reliquerant ex Cannensi fuga, in Siciliam deportantur. Aedes Veneris Erycinæ, & Menris Roma deditur.

EXitu anni Q. Fabius Maximus a senatu postulavit, ut ædē Veneris Erycinæ, quam dictator vovisset, dedicari liceret. Senatus decrevit, ut T. Sempronius consul designatus, cum primum magistratum inisset, ad populum ferret, ut duum viros esse juberent ædium dedicandarum causa. Et M. Æmilio Lepido, qui bis consul, augurque fuerat, filii tres, Lucius, Marcus, Quintus, ludos fœnebres per triduum, & gladiatorum paria duo, & XX: per triduum in foro dederunt. Aediles cu-

rules C. Lætorius, & T. Sempronius Gracchus. consul designatus, qui in ædilitate magister equitum fuerat, ludos Romanos fecerunt, qui per triduum instaurati sunt. Plebei ludia M. Aurelio Cotta, & M. Claudio Marcello ter instaurati sunt. Circumactotertio anno Punici belli, T. Sempronius consul idibus Martiis magistratum iniit. Prætores, Q. Fulvius Flaccus, qui antea consul censorque fuerat, urbanam, M. Valerius Lævinus peregrinam sortem in iurisdictione habuit. Ap. Claudius Pulcher Siciliam, Q. Mutius Scævola Sardiniam sortiti sunt. M. Marcello proconsulare imperium esse populus iussit; quod post Cannensem cladem onus Romanorum imperatorum in Italia prospere rem gessisset. Senatus quo die primum est in Capitolio consultus, decrevit, ut eo anno duplex tributum imperaretur, simplex confestim exigeretur, ex quo stipendium præsens omnibus militibus daretur, præterquam qui milites ad Cannas fuissent. Inde de exercitibus ita decretum est, ut duabus legionibus urbanis T. Sempronius consul Cales ad conveniendum diem ediceret: inde sex legiones in castra Claudiana supra Sueffulam deducerentur. quæ ibi legiones essent: (erant autem Cannensis maxime exercitus) eas Ap. Claudius Pulcher prætor in Siciliam trajiceret: quæque in Sicilia essent, Romam deportarentur. Ad exercitum, cui ad conveniendum Cales edicta dies erat, M. Claudius Marcellus missus, isque iussus in castra Claudiana deducere urbanas legiones. ad veterem exercitum accipiendum, deducendumque in Siciliam, T. Metilius Crotolægatus ab Ap. Claudio est missus. Taciti primo expectaverant homines, uti consul co-

mitia collegæ creando haberet. deinde ubi ablegatum velut de industria M. Marcellum viderunt, quem maxime consulem in eum annum ob egregie in prætura res gestas creari volebant, frémitus in curia est ortus. Quod ubi sensit consul; *Utrumque*, inquit, *& rep. fuit; patres conscripti, & M. Claudium ad permutandos exercitus in Campaniam proficisci, & comitia non prius edici. quam is inde, confecto, quod mandatum est; negotio, revertisset: ut vos consulem, quem tempus reip. postulares: quemque maxime vultis, haberetis.* Ita de comitiis, donec rediit Marcellus, silentium fuit. Interea Duumviri creati sunt Q. Fabius Maximus, & T. Otacilius Crassus, adibus dedicandis, Menti Otacilius, Fabius Veneri Erycinæ. Utraque in Capitolio est, canali uno discretæ. Et de trecentis equitibus Campanis, qui in Sicilia cum fide stipendiis emeritis Romam venerant, dein latum ad populum, ut cives Romani essent; item uti municipes Cumani essent; pridie quam populus Campanus a populo Romano defecisset. Maxime ut hoc ferretur, moverat, quod, quorum hominum essent, scire se ipsi negabant, vetere patria relicta, in eam, in quam redierant, nondum adsciti.

CAPUT XXIII.

Marcellus Romam reversus in locum Postumii Cos. sufficitur: quod vitio creatus videretur; magistratu se abdicat: illi substituitur Fabius Maximus. Prodigia novendiali sacro expiantur: novi Cos. vires inter se dividunt: Marcellus ad exercitum Nuceriam mittitur.

POSTEAQUAM Marcellus ab exercitu rediit, comitia uni consuli rogando in locum L. Postumii edicuntur. Creatur ingenti consensu Marcellus, qui extemplo magistratum occiperet: cui ineunti consulatum cum tonuisset, vocati augures vitio creatum videri pronuntiaverunt: vulgoque patres ita fama ferebant; quod tum primum duo plebei consules facti essent; id deis cordi non esse. In locum Marcelli, ubi is se magistratu abdicavit, suffectus Fabius Maximus tertium. Mare arsit eo anno: ad Sinuessam bos equuleum peperit: signa Lanuvii ad Junonis Sospitæ cruore manare: lapidibusque circa id templum pluit, ob quem imbrem Novendiale, ut assolet, sacrum fuit: cæteraque prodigia cum cura expiata. Consules exercitus inter se diviserunt. Fabio exercitus; cui M. Junius dictator præfuerat, evenit. Sempronio, volonum quod fuerat; & sociorum XXV. millia. M. Valerio prætori legiones, quæ ex Sicilia redissent, decretæ. M. Claudius pro consule ad eum exercitum; qui supra Suessulam Nolæ præsideret, missus: Prætores in Siciliam, ac Sardiniam profecti. Consules edixerunt, quoties senatum vocassent, uti senatores, quibusque in senatum dicere sententiam liceret.

ad portam Capenam convenirent. prætores quorum jurisdictio erat, tribunalia ad Piscinam publicam posuerant. eo vadimonia fieri jusserunt: ibique eo anno jus dictum est,

CAPUT XXIV.

Perlata Carthaginem fama rei male gestæ in Hispania, misitunt eo Magonem cum classe, & copiis: facta spe recipienda Sardinia, eo deligunt ducem, Asdrubalem Calvum.

INterim Carthaginem, unde Mago, frater Annibalis, XII. millia peditum, & mille quingentos equites, XX. elephantos, mille argenti talenta in Italiam transmissurus erat: cum præsidio LX. navium longarum, nuntius affertur, in Hispania rem male gestam, omnesque ferme ejus provinciæ populos ad Romanos defecisse. Erant qui Magonem cum classe ea, copiisque, omisso Italia, in Hispaniam averterent, cum Sardinia recipiendæ repentina spes affulsit. Parvum ibi exercitum Romanum esse, veterem prætorem inde Cornelium provinciæ peritum decedere: novum expectari; ad hoc, fessos jam animos Sardorum esse diuturnitate imperii: & proximo iis anno acerbe, atque avare imperatum: gravi tributo, & collatione iniqua frumenti oppressos. nihil deesse aliud; quam auctorem, ad quem deferrent. Hæc clandestina legatio per principes missa erat: maxime eam rem moliente Harlicora, qui tum auctoritate, atque opibus longe primus erat. His nuntiis prope uno tempore turbati, erectique Magonem cum classe sua copiisque in Hispaniam

mit.

mittunt : in Sardiniam Afrubalem cognomento Calvum deligunt ducem : & tantum ferme copiarum, quantum Magoni, decernunt.

CAPUT XXV.

Romanorum terrestres ; maritimaque contra Carthaginienses expeditiones .

ET Romæ consules , transactis rebus , quæ in urbe agenda erant, movebant jam sese ad bellum . T. Sempronius militibus Sinuesam diem ad conveniendum edixit : & Q. Fabius , consulto prius senatu , ut frumenta omnia ex agris ante Kalendas Junias primas in urbes munitas conveherent ; qui non invexissent ; eorum se agrum populaturum , servos sub hasta venditurum , villas incensurum : Ne prætoribus quidem, qui ad jus dicendum creati erant , vacatio a belli administratione data est . Valerium prætorem in Apuliam ire placuit ad exercitum a Tarentio accipiendum : cum ex Sicilia legiones venissent , iis potissimum uti ad regionis ejus præsidium : Terentianum mitti cum aliquo legatorum . Et XXV. naves M. Valerio datæ sunt , quibus oram maritimam inter Brundisium , ac Tarentum tutari posset : Par navium numerus Q. Fulvio prætori urbano decretus ad suburbana litora tutanda . C. Terentio proconsuli negotium datum , ut in Piceno agro conquisitionem militum haberet , locisque iis præsidio esset . Et T. Otacilius Crassus, posteaquam ædem Mentis in Capitolio dedicavit , in Siciliam cum imperio , qui classi præesset , missus .

Xenophanes legatus mittitur a Philippo Macedonia rege ad faciendum cum Annibale fœdus: cum per Apuliam tendens incidisset in Romanos, callido mendacio eos fallit: perveniens ad Annibalem, fœdus & amicitiam cum illo jungit: dum redit in Macedoniam, a Romanis capitur, & Romanam mittitur.

- 33 **I**N hanc dimicationem duorum opulentissimorum in terris populorum, omnes reges gentesque animos intenderant: inter quos Philippus Macedonum rex eo magis, quod propior Italiæ, ac mari tantum Jonio discretus erat: Is ubi primum fama accepit, Annibalem Alpes transgressum, ut bello inter Romanos, Pœnumque orto lætatus erat: ita utrius populi mallet victoriam esse, incertis adhuc viribus fluctuatus animo fuerat. posteaquam tertia jam pugna, tertia victoria cum Annibale, & Pœnis erat, ad fortunam inclinavit, legatosque ad Annibalem misit, qui vitantes portus Brundisium, Tarentinumque, quia custodiis navium Romanarum tenebantur, ad Lacinia Junonis templum in terram egressi sunt. inde per Apuliam petentes Capuam, media in præsidia Romana illati sunt, deductique ad M. Valerium Lævinum prætorem, circa Lúceriam castra habentem. Ibi intrepide Xenophanes legationis princeps a Philippo rege semissum, ait, ad amicitiam, societatemque jungendam cum populo Romano, mandata habere ad consules, ac senatum populumque Romanum. Inter defectiones veterum sociorum Valerius nova
fo.

societate tam clari regis lætus admodum, ho-
 stem pro hospite comiter accepit. dat, qui
 prosequantur, itinera cum cura demonstrent,
 quæ loca, quosque saltus aut Romani, aut
 hostes teneant. Xenophanes per præsidia Ro-
 mana in Campaniam, inde quæ proximum
 fuit, in castra Annibalis pervenit: fœdusque
 cum eo, atque amicitiam jungit legibus his,
 ut *Philippus rex quam maxima classe (ducentas
 autem naves videbatur effecturus) in Italiam
 trajiceret, & vastaret maritimam oram, bel-
 lum pro parte sua terra, marique gereret, ubi
 delellatum esset; Italia omnis cum ipsa urbe
 Roma, Carchaginiensium, atque Annibalis
 esset, pradaque omnis Annibali cederet:
 Perdomita Italia, navigarent in Graciam,
 bellumque cum quibus regibus placeret, ge-
 rerent; qua civitates continentis, qua in-
 sula ad Macedoniam vergunt; ea Philip-
 pi, regnique ejus essent.* In has ferme le- 34
 ges inter Pœnum ducem, legatoque Ma-
 cedonum ictum fœdus. missique cum
 iis ad regis ipsius firmandam fidem legati,
 Gisgo, & Bostar, & Mago, eodem ad Ju-
 nonis Laciniaë templum, ubi navis occulta
 in statione erat, perveniunt. inde proceſſi
 cum jam altum tenerent, conspecti a clas-
 se Romana sunt; quæ præsidio erat Cala-
 briaë litoribus. P. Valerius Flaccus Corcy-
 ræos ad persequendam retrahendamque na-
 vem cum misisset, primo fugere regii cona-
 ti: deinde, ubi celeritate victi cesserunt,
 tradunt se Romanis: & ad præfectum clas-
 sis adducti, cum quæreret, qui, & unde,
 & quo tenderent cursum, Xenophanes pri-
 mo satis jam semel felix mendacium strue-
 re, a Philippo se ad Romanos missum, ad
 M. Valerium, ad quem unum iter tutum
 fue-

fuerit, pervenisse: Campaniam superare ne-
 quisse, septam hostium præsidiis. deinde ut
 Punicus cultus, habitusque suspectos legatos
 fecit Annibalis, interrogatosque sermo pro-
 didit: tum comitibus eorum seductis, ac
 metu territis, literæ quoque ab Annibale ad
 Philippum inventæ de pace inter regem Mæ-
 cedonum, Pœnumque ducem. Quibus satis
 cognitis, optimum visum est, captivos co-
 mitesque eorum Romam ad senatum, aut
 ad consules, ubicumque essent, quam pri-
 mum deportare. ad id celerrime quinque
 naves delectæ: ac L. Valerius Antias, qui
 præesset, missus: eique mandatum, ut in
 omnes naves legatos separatim custodiendos
 divideret: daretque operam, ne quod iis
 colloquium inter se, neve communicatio
 consilii esset.

CAPUT XXVII.

*Ægrotante in Sardinia Q. Mutio Pratore, mis-
 titur eo cum imperio T. Manlius Torquatus:
 classis Carthaginiensium, quam ad eandem
 insulam Asdrubal Calvus ducebat, tempe-
 state fœdatur.*

PER idem tempus Romæ. cum A. Cor-
 nelius Mammula ex Sardinia provincia
 decedens retulisset, qui status rerum in in-
 sula esset, ad bellum, ac defectionem o-
 mnes spectare, Q. Mutium, qui successis-
 set sibi, gravitate cœli aquarumque adve-
 nientem exceptum, non tam in periculo-
 sum, quam longam morbum implicitum,
 diu ad belli vim sustinendam inutilem fo-
 re: exercitumque ibi ut satis firmum pa-
 ratæ provinciæ præsidem esse, ita parum
 bel-

bello, quod motum iri videretur: decreverunt patres, ut Q. Fulvius Flaccus quinque millia peditum, quadringentos equites scriberet, eamque legionem primo quoque tempore in Sardiniam trajiciendam curaret, mitteretque cum imperio quem ipsi videretur, qui rem gereret, quoad Mutius convaluisset. Ad eam rem missus est T. Manlius Torquatus, qui bis consul, censorque fuerat, subegeratque in consulatu Sardos. Sub idem ferè tempus & a Carthagine in Sardiniam classis missa duce Aldrubale, cui Calvo cognomen erat, fœda tempestate vexata ad Baleares insulas ejicitur. ibique (adeo non armamenta modo; sed etiam alvei navium quasi erant) subductæ naves dum reficiuntur, aliquantum temporis triverunt.

CAPUT XXVIII.

Sempronius Gracchus Cos. Campanos, qui dolo Cumanos capere tentabant, cadit: Cumanas, quo ipse se receperat, cum oppugnaret Annibal, obsidione liberat.

IN Italia cum post Cannensem pugnam 35 fractis partis alterius viribus, alterius mollitis animis, segnius bellum esset: Campani per se adorti sunt rem Cumanam suæ ditionis facere, primo sollicitantes, ut ab Romanis deficerent. ubi id parum processit, dolum ad capiendos eos comparant: Campanis omnibus statum sacrificium ad Hamas. eo senatum Campanum venturum; certiores Cumanos fecerunt: petieruntque; ut & Cumanus eo senatus veniret ad consultandum communiter, ut eisdem uterque populus socios hostesque haberet. præsidium.

fidium ibi armatum sese habituros, ne quid ab Romanis novi periculi esset. Cumani, quanquam suspecta fraus erat, nihil abnuere, ita tegi fallax consilium posse rati. Interim T. Sempronius, consul Romanus, Sinues-
 læ, quoad conveniendum diem edixerat, exercitu lustrato, transgressus Vulturnum flumen circa Liternum castra posuit. ibi quia otiosa stativa erant, crebro decurrere milites coge-
 bat, ut tirones (ea maxima pars volonum erat) assuescerent signa sequi, & in acie agnoscere ordines suos, inter quæ, concordie maxima erat cura duci, itaque legatis tribunisque præceperat, *ne quam exprobratio cuiquam veteris fortuna discordiam inter ordines sereres: vetus miles tironi, liber voloni sese exa-*
*quari sineret: omnes satis honestos, generosos-
 que ducerent, quibus arma sua, signaque populus Romanus commisisset. qua fortuna coegisset ita fieri, eandem cogere rueri fa-*
ctum. Ea non majore cura præcepta ab du-
 cibz sunt, quam a militibus observata: brevique tanta concordia coaluerant om-
 nium animi, ut prope in oblivionem ve-
 nirent, qua ex conditione quisque esset miles factus. Hæc agenti Graccho legati Cumani nuntiarunt, quæ a Campanis lega-
 tio paucos ante dies venisset, & quid iis ipsi respondissent. Triduum post eum diem festum esse: non senatum solum omnem i-
 bi futurum, sed castra etiam, & exercitum Campanum. Gracchus, jussis Cumanis o-
 mnia ex agris in urbem convehere, & mane-
 re intra muros, ipse pridie, quam statutum sacrificium Campanis esset, Cumas movet castra. Hamæ inde tria millia passuum ad-
 sunt: Jam Campani eo frequentes ex com-
 posito convenerant; nec procul inde in

occulto Marius Alfius, qui summus magi-
 stratus erat Campanis, cum XIV. millibus
 militum habebat castra. Is sacrificio apparan-
 do, & inter id instruendæ fraudi aliquanto
 intentior, quam muniendis castris; aut ulli
 militari operi fuit. Triduum sacrificatum ad
 Hamas. nocturnum erat sacrum, ita ut ante
 mediam noctem compleretur. Huic Grac-
 chus insidiandum tempori ratus, custodibus
 ad portas positis, ne quis enuntiare posset, a
 sexta ad decimam diei horam coactis militi-
 bus corpora curare, somnoque operam dare
 ut primis tenebris convenire ad signum pos-
 sent, vigilia ferme prima tolli iussit signa. si-
 lentique profectus agmine cum ad Hamas
 media nocte pervenisset, castra Campana,
 ut in pervigilio neglecta, simul omnibus por-
 tis invadit. alios somno stratos, alios perpe-
 trato sacro inermes redeuntes obtruncat.
 Hominum eo tumultu cæsa plus duo millia
 cum ipso duce Mario Alfio. Capta sunt signa
 militaria quatuor & triginta. Gracchus mi- 36
 nus centum militum iactura castris hostium
 potitus, Cumas se propere recepit; ab An-
 nibale metuens: qui super Capuam ad Tifa-
 ta habebat castra. Nec eum provida viri fe-
 fellit opinio. nam simul Capuam ea clades
 est nuntiata, ratus Annibal ab re bene ge-
 sta insolenter lætum exercitum, tironum ma-
 gna ex parte servorumque; spoliante vi-
 ctos, prædæque agentem ad Hamas se in-
 venturum, citatum agmen præter Capuam
 rapit: obviosque ex fuga Campanorum per
 duo præsidia Capuam duci, faucios vehicu-
 lis tolli, portarique jubet. ipse ad Hamas
 vacua ab hostibus castra, nec quicquam,
 præter recentis vestigia cædis, strataque pas-
 sim corpora sociorum, invenit. Auctores
 erant.

erant quidam, ut protinus inde Cumas duceret, urbemque oppugnaret. id quanquam haud modice Annibal cupiebat, ut, quia Neapolim non potuerat, Cumas saltem maritimam urbem haberet: tamen quia præter arma nihil secum miles raptim acto agmine extulerat, retro in castra supra Tifata se recepit. inde fatigatus Campanorum precibus sequenti die, cum omni apparatu oppugnandæ urbis, Cumas redit; populatoque agrò Cumano, mille passus ab urbe castra locat. Tum Gracchus magis verecundia in tali necessitate deferendi socios implorantes fidem suam populi quæ Romani substitit, quam satis fidens exercitui. Nec alter consul Fabius, qui ad Cales castra habebat, Vulturum traducere audebat exercitum; occupatus primo auspiciis repetendis Romæ: dein prodigiis, quæ alia super alia nunciabantur; expiantique ea, haud facile litari, aruspices respondebant. Hæ causæ cum Fabium tenerent, Sempronius in obsidione erat: & jam operibus oppugnabatur. Adversus ligneam ingentem turrim admotam urbi, aliam turrem ex ipso muro excitavit consul Romanus aliquanto altiore: quia muro satis per se alto subjectis validis subleis pro solo usus erat. inde primum saxis, sudibusque: & cæteris missilibus propugnatores urbem ac mœnia tuebantur: postremo ubi promovendo adjunctam muro viderunt turrim, facibus ardentibus plurimum simul ignem conjecerunt. quo incendia trepida armatorum multitudo cum de turri sese præcipitaret, eruptio ex oppido simul duabus portis facta; stationes hostium fudit, fugavitque in castra, ut eo die obsesso, quam obsidenti similior esset Pœnus. Ad mille CCC Car-

Carthaginienſium cæſi, unde quadraginta vivapti, qui circa muros, & in ſtationibus ſolute ac negligenter agentes, cum nihil minus, quam eruptionem timuiſſent, ex improviſo oppreſſi ſunt. Gracchus, prius quam ſe hoſtes ab repentino pavore colligerent, receptui ſignum dedit, ac ſuos intra muros recepit. Poſtero die Annibal elatum ſecunda re conſulem, juſto prælio ratus certaturum, aciem inter caſtra atque urbem inſtruxit: cæterum poſteaquam neminem moveri ab ſolita cuſtodia urbis vidit, nec committi quicquam temerariæ ſpei, ad Tiſata redit, infecta re.

CAPUT XXIX.

In Lucanis cum Annone Pæno proſpere pugnatur: in Hirpinis tria oppida, qua defecerant, capiuntur: cognitiſ. Roma conſiliis Philippi regis ex captivis legatis, & ex liſteris, quas ab Annibale ad illum ferebant, ad avertendum ab Italia bellum inde imminens, claffis in Macedoniam paratur:

Quibus diebus Cumæ liberatæ ſunt obſidione, iſſdem diebus & in Lucanis ad Grumentum T. Sempronius, cui Longo cognomen erat, cum Annone Pæno proſpere pugnât. ſupra duo millia hominum occidit, & CCLXXX, milites amiſit. ſigna militaria ad XLI. cepit. Pulſus finibus Lucanis Anno, retro in Bruttios ſeſe recepit. Et ex Hirpinis oppida tria, quæ a populo Romano defecerant, vi recepta per M. Valerium prætorem. Vercellius, Siciliuſque, auctores defectionis, ſecuri percuſſi, ſupra mille captivorum ſub haſta venie-

38 nientur. præda alia militi concessa, exerci-
 tusque Cumas reductus. Dum hæc in Luca-
 nis, atque in Hirpinis geruntur, quinque na-
 ves, quæ Macedonum, atque Pœnorum ca-
 ptos legatos Romam portabant, a superno ma-
 ri ad inferum circumvectæ prope omnem Ita-
 liæ oram, cum præter Cumas velis ferren-
 tur, neque, hostium, an sociorum essent, sa-
 tis sciretur, Gracchus obviam ex classe sua
 naves misit. Cum percontando invicem co-
 gnitum esset, consulem Cumis esse, naves
 Cumas appulsæ, captivique ad consulem de-
 ducti, & literæ datæ. consul, literis Philip-
 pi, atque Annibalis perlectis, consignata o-
 mnia ad senatum itinere terrestri misit: na-
 vibus devehit legatos iussit. Cum eodem fere
 die literæ legatique Romam venissent, &
 percontatione facta, dicta cum scriptis con-
 gruerent, primo gravis cura patres incēssit,
 cernentes quanta vix tolerantibus Punicum
 bellum Macedonici belli moles instaret, cui
 tamen adeo non succubuerunt, ut extem-
 plo ageretur, quemadmodum ultro infe-
 rendo bello averterent ab Italia hostem. Ca-
 ptivis in vincula conditis, comitibusque eo-
 rum sub hasta venditis, ad naves XXV. qui-
 bus Q. Valerius Flaccus præfectus præerat,
 viginti paratas alias decernunt. His compa-
 ratis, deductisque, & additis quinque navi-
 bus, quæ advexerant captivos legatos, quin-
 quaginta naves ab Ostia Tarentum profectæ:
 iussusque Q. Valerius militibus Varronianis,
 quibus L. Apustius legatus Tarenti præerat,
 in naves impositis; L. navium classe non tue-
 ri modo Italiæ oram, sed explorare de Ma-
 cedonico bello. si congruentia literis, le-
 gatorumque indiciis Philippi consilia essent,
 ut M. Valerium prætorem literis certiore m
 fa-

faceret: isque, L. Apustio legato exercitui præposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam, bellumque Macædonicum ei decreta est, quæ Ap. Claudio in Siciliam missa erat, ut redderetur Hieroni regi. & hæc per L. Apustium legatum Tarentum est devecta. simul ab Hierone missa ducenta millia modium tritici, & hordei centum. Dum hæc Romani parant, aguntque, ad Philippum captiva navis una ex iis, quæ Romam missæ erant, ex cursu fugit. inde scitum, legatos cum literis captos. Itaque ignarus de iis, quæ cum Annibale legatis suis convenissent, quæque legati ejus ad se allaturi fuissent, legationem aliam cum eisdem mandatis mittit. Legati ad Annibalem missi, Heraclitus, cui Scotino cognomen erat, & Crito Berreus, & Sositheus Magnes. hi prospere tulerunt, ac retulerunt mandata. sed prius se æstas circumegit, quam movere, ac moliri quicquam rex posset. tantum navis una capta cum legatis momenti fecit ad dilationem imminens Romanis belli.

CAPUT XXX.

In Campania aliquot urbes, quæ defecerant, Fabius Cos. recipit: Nolam propter dubiam fidem mittitur in præsidium Marcellus. in Sardinia T. Manlius adversus Pœnos, & Sardos feliciter pugnat: ab eo Asdrubal dux, & Mago, & Anno capiuntur. cum classe Carthaginensium, Africam repetente, haud vano conatu congregitur Otacilius prætor.

ET circa Capuam, transgresso Vultur-
num Fabio post expiata tandem pro-
digia, ambo consules rem gerebant. Com-
bulteriam, & Trebulam, & Ausculam ur-
bes, quæ ad Pœnum defecerant, Fabius vi-
cepit; præsidiaque in iis Annibalis. Cam-
pani permulti capti. & Nolæ, sicut priore
anno, senatus Romanorum, plebs Anni-
balis erat: consiliaque occulta de cæde
principum, & proditione urbis inibantur.
quibus ne incœpta procederent, inter Ca-
puam, castraque Annibalis, quæ in Tifatis
erant, traducto exercitu, Fabius super Ve-
suvium in castris Claudianis confedit. inde
M. Marcellum pro prætore cum iis copiis,
quas habebat, Nolam in præsidium misit.
40 Et in Sardinia res per T. Manlium præto-
rem administrari cœptæ, quæ omisæ erant,
posteaquam Q. Mutius prætor gravi mor-
bo est implicitus. Manlius navibus longis
ab Caraleis subductis, navalibusque sociis
armatis, ut terrorem gereret, & a præto-
re exercitu accepto, duo & viginti millia
peditum, mille & ducentos equites confe-
cit. Cum his equitum peditumque copiis
profectus in agrum hostium, haud procul

ab Harficoræ castris castra posuit. Harficora tum forte profectus erat in Pellidos Sardos ad juventutem armandam, qua copias augeret. Filius ejus nomine Hioftus castris præerat. Is adolescentia ferox, temere prælio inito fufus, fugatusque, ad XXX. millia Sardorum eo prælio cæsa: mille trecenti ferme vivi capti. Alius exercitus primo per agros, silvasque fuga palatus: dein, quo ducem fugisse fama erat, ad urbem nomine Cornum, caput ejus regionis, confugit. debellatumque eo prælio in Sardinia esset, ni classis Punica cum duce Asdrubale, quæ tempestate dejecta ad Baleares erat, in tempore ad spem rebellandi advenisset. Manlius post famam appulsæ Punicæ classis Carales se recepit. ea occasio Harficoræ data Pœno se jungendi. Asdrubal copiis in terram expositis, & classe remissa Carthaginem, duce Harficora, ad sociorum populi Romani agrum populandum profectus, Caraleis perventurus erat, ni Manlius obvio exercitu ab effusa eum populatione continuisset. Primo castra castris modico intervallo sunt objecta: deinceps procurfationes, levique certamina vario eventu inita: postremo descendum in aciem, signisque collatis justo prælio per quatuor horas pugnatum. Diu pugnam anticipem Pœni, Sardis facile vinci assuetis, fecerunt: postremo & ipsi, cum omnia circa strage ac fuga Sardorum repleta essent, fusi. cæterum terga dantes, circumducto cornu, quo pepulerat Sardos, inclusit Romanus: cædes inde magis, quam pugna fuit. Duodecim millia hostium cæsa, Sardorum simul Pœnorumque ferme III. millia, & DCC. capta, & signa militaria septem & XX. Ante omnia claram, & me.

morabilem pugnam fecit Asdrubal imperator captus, & Anno, & Mago, nobiles Carthaginienſes: Mago ex gente Barchina propinqua cognatione Annibali junctus: Anno auctor rebellionis Sardis, bellicue ejus haud dubie concitator. Nec Sardorum duces minus nobilem eam pugnam cladibus ſuis fecerunt: nam & filius Harſicoræ Hioſtus ipſe acie cecidit: & Harſicora cum paucis equitibus fugiens, ut ſuper afflictaſ res necem quoque filii audivit, nocte, ne cujuſquam interven-tus cœptum impediret, mortem ſibi conſci-vit. Cæteris urbs Cornus, eadem quæ ante, fugæ receptaculum fuit, quam Manlius vi-ctore exercitu aggreſſus intra paucos dies re-cepit. Deinde aliæ quoque civitates, quæ ad Harſicoram Pœnoſque defecerant, obſi-dibus datis, dediderunt ſeſe. quibus ſtipen-dio frumentoque imperato pro cujuſque aut viribus, aut delicto, Caraleis exercitum re-duxit. ibi navibus longis deductis, imposito-que quem ſecum advexerat milite, Romam navigat: Sardiniamque perdomitam nuntiat patribus: & ſtipendium quæſtoribus, fru-mentum ædilibus, captivoſque Fulvio præ-tori tradidit. Per idem tempus T. Otacilius prætor quinquaginta navium claſſe ab Lily-bæo in Africam tranſvectus, depopulatuſ-que agrum Carthaginiẽſem, cum Sardiniam inde peteret, quò fama erat Asdrubalem a Balearibus nuper trajeciſſe, claſſi Africam repetenti occurrit: leviſque armatura certa-mine in alto commiſſo, ſeptem inde naves cum ſociis navalibus cepit. cæteras metus haud ſecus, quam tempeſtas, paſſim diſjecit. Per eoſdem forte dies & Bomilcar cum mili-tibus ad ſupplementum Carthagine miſſis, quadragintaque elephantis, & comœatu,

Locros accessit. quem ut incautum opprimeret Ap. Claudius, per simulationem provinciæ circumeundæ, Messanam raptim exercitu ducto, æstu secundo Locros trajecit. jam inde Bomilcar ad Annonem in Bruttios profectus erat, & Locrenses portas Romanis clausurunt. Appius, magno conatu nulla re gesta, Messanam repetit.

CAPUT XXXI.

Samnites, & Hirpini a Marcello vastati auxilium ab Annibale implorant: ille ducto Nola, quam Marcellus præsidio habebat, exercitu, tentat eam urbem per prodicionem recipere.

EAdem æstate Marcellus ab Nola, quam præsidio obtinebat, crebras excursions in agrum Hirpinum, & Samnites Caudinos fecit: adeoque omnia ferro, atque igni vastavit, ut antiquarum cladum Samnio memoriam renovaret. Itaque extemplo legati 42 ad Annibalem missi simul ex utraque gente, ita Pœnum allocuti sunt: *Hostes populi Romani, Annibal, fuimus primum per nos ipsi, quoad nostra arma, nostra vires nos tutari poterant, posteaquam iis parum fidebamus, Pyrrho regi nos adjunximus: a quo relictis, pacem necessariam accepimus, fuimusque in ea per annos prope LX. ad id tempus, quo in Italiam venisti. Tua nos non magis virtus fortunæque, quam unica comitas ac benignitas erga cives nostros, quos captos nobis remisisti, ita conciliavit tibi, ut, te salvo atque incolumi amico, non modo populum Romanum, sed ne deos quidem iratos (si dici fas est) timeremus. At hercule, non solum incolumi & vi-*

Elore, sed prasente te, cum ploratum prope con-
 jugum ac liberorum nostrorum exaudire, & fla-
 grantia testā posses conspiciere, ita sumus ali-
 quoties hac astate devastati, ut M. Marcellus,
 non Annibal, vicisse ad Canas videatur; glo-
 rienturque Romani, te ad unum modo ictum
 vigentem, velut jaculo emisso terpere. Percen-
 tum prope annos cum populo Romano bellum ges-
 simus, nullo externo adjuti nec duce, nec exer-
 citu: nisi quod per biennium Pyrrhus nostro
 magis milite suas auxit vires, quam suis vi-
 ribus nos defendit. Non ergo secundis rebus no-
 stris gloriabimur: duos Consules, ac duos con-
 sulares exercitus a nobis sub jugum missos, &
 si qua alia aut lata, aut gloriosa nobis evene-
 runt. qua aspera, adversaque tunc accide-
 runt, minore indignatione referre possumus,
 quam qua hodie eveniunt. Magni dictatores
 cum magistris equitum, bini consules cum binis
 consularibus exercitibus ingrediebantur fines no-
 stros ante explorato, & subsidiis positis, & sub
 signis ad populanaum ducebant. nunc prope
 unius, & parvi ad tuendam Nolam prasidii
 prada sumus. jam ne manipulatim quidem,
 sed latronum modo percursant totis finibus no-
 stris negligentius, quam si in Romano vaga-
 rentur agro. Causa autem hac est, quod ne-
 que tu defendis: & nostra juvenus, qua, si
 domi esset, tutaretur, omnis sub signis militat
 tuis. Nec te, nec exercitum tuum norim, nisi
 a quo tot Romanas acies fusas, stratasque esse
 sciam, ei facile esse ducam opprimere populato-
 res nostros vagos, sine signis palatos, quo quen-
 que trahit quamvis vana prada spes. Numi-
 darum paucorum illi quidem prada erunt: pra-
 sidiumque missum nobis erit: & Nola ademe-
 ris, si modo quos ut socios haberes, dignos du-
 xisti, haud indignos judicas, quos in fidem re-

ceptos tuearis . Ad ea Annibal respondit : 45
omnia simul facere Hirpinos , Samnitesque : &
indicare clades suas , & petere præsidium , &
queri indefensos se , neglectosque . Indicandum
autem fuisse primum : dein petendum præsi-
dium ; postremo , ni impetraretur , tum denique
querendum frustra opem imploratam . Exerci-
tum se non in agrum Hirpinum , Samnitæ ,
ne & ipse oneri esset ; sed in proxima loca so-
ciorum populi Romani adducturum . iis popu-
landis & militem suum repleturum se , &
metu procul ab iis summoturum hostes . Quod
ad bellum Romanum attineret : si Trasyme-
ni , quam Trebia , si Cannarum , quam Tra-
symeni pugna nobilior esset : Cannarum se
quoque memoriam obscuram maiore & cla-
riore victoria facturum . Cum hoc respon-
so , muneribusque amplis legatos dimisit .
ipse præsidio modice relicto in Tifatis , pro-
fectus cum cætero exercitu ire Nolam per-
git . Eodem Anno ex Bruttis cum supple-
mento Carthagine advecto , atque elephan-
tis venit . ibi castris haud procul positis ,
longe alia omnia inquirenti comperta sunt ,
quam quæ a legatis sociorum audierat . Ni-
hil enim Marcellus ita gerebat , ut aut for-
tunæ , aut temere hosti commissum dici
posset . explorato , cum firmisque præsidiis
tuto receptu prædatum ierat : omniaque
velut adversus præsentem Annibalem cau-
ta provisique fuerunt . tum ubi sensit ho-
stem adventare , copias intra mœnia tenuit :
per muros inambulare senatores Nolos
jussit , & omnia circa explorare , quæ apud
hostes fierent . Ex iis Anno , cum ad mu-
rum successisset : Herennium Bassum , &
Henum Petrium ad colloquium evocatos ,
permissoque Marcelli egressos , per inter-
pre-

pretem alloquitur . Annibalis virtutem , fortunamque extollit : populi Romani obtinuit fenefcentem cum viribus majeflatem . qua fi paria efferent , ut quondam fuiffent , tamen expertis quam grave Romanum imperium fociis , quanta indulgentia Annibalis etiam in captivos omnes Italici nominis fuiffet , Punicam Romana focietatem atque amicitiam praoptandam effer . Si ambo confules cum fuis exercitibus ad Nolam efferent , tamen non magis pares Annibali futuros , quam ad Cannas fuiffent : nedum prator unus cum paucis & novis militibus Nolam tutari poffit . ipforum magis quam Annibalis intereffe , capta , an tradita Nola potiretur . potiturum enim , ut Capua Nuceriaque potitus effer . fed quid inter Capua Nuceriaque fortunam intereffet , ipfos prope in medio fitos Nolanos fcire . Nolle ominari , qua capta urbi cefura forent : fed potius fpondere , fi Marcellum cum praefidio ac Nolam tradidiffent , neminem alium , quam ipfos , legem , qua in focietatem amicitiamque Annibalis venirent ,

44. dicturum . Ad ea Herennius Baflus refpondit : Multos annos jam inter Romanum Nolanumque populum amicitiam effer , cujus neutros ad eam diem poeniteret : & fibi fi cum fortuna mutanda fides fuerat , fero jam effer mutare eam . dedituris fe Annibali non fuiffe accerfendum Romanum praefidium . cum iis , qui ad fe tuendos veniffent , omnia fibi & effer confeciata , & ad ultimum fore .

CAPUT XXXII.

Claudius Marcellus facta eruptione in Annibalis exercitum, Nolam oppugnantem, cogit se in castra recipere: eductis deinde in aciem copiis, duce utrinque suos adhortante, ingens praelium committitur. Marcellus Pœnum fundit, & fugat.

HOc colloquium abstulit spem Annibali per prodicionem recipiendæ Nolæ. itaque oppidum corona circumdedit, ut simul ab omni parte mœnia aggrediretur. Quem ut successisse muris Marcellus vidit, instructa intra portam acie, cum magnotumultu erupit. Aliquot primo impetu perculsi, cæsi que sunt. deinde concursu ad pugnam facto, æquatisque viribus, atrox cœpit esse pugna, memorabilisque inter paucas fuisset, ni ingentibus procellis effusus imber diremisset pugnantes. Eo die commissio modico certamine, atque irritatis animis, in urbem Romani, Pœni in castra sese receperunt. tamen Pœnorum prima eruptione perculsi ceciderunt haud plus, quam triginta: Romanorum nullus. Imber continens per noctem totam usque ad horam tertiam diei insequentis tenuit. itaque quanquam utraque pars avida certaminis erat, eo die tamen tenuerunt sese munimentis. tertio die Annibal partem copiarum prædatum in agrum Nolanum misit. Quod ubi animadvertit Marcellus, extemplo in aciem copias eduxit: neque Annibal detrectavit. Mille fere passuum inter urbem erant, castraque: eo spatio (& sunt omnia campi circa Nolam) concurrerunt. Glamor ex parte utraque sub-

latus, proximos ex cohortibus iis, quæ in agros prædatum exierant, ad prælium jam commissum revocavit. Et Nolani aciem Romanam auxerunt, quos collaudatos Marcellus in subsidiis stare, & faucios ex acie efferre iussit: pugna abstinere, nisi ab se signum accepissent. Prælium erat anceps. summa vi & duces hortabantur, & milites pugnant. Marcellus victis ante diem tertium, fugatis ante paucos dies a Cumis, pulsus prioris anno ab Nola ab eodem se duce, milite alio, instare jubet. *Non omnes esse in acie, prædantes vagari in agro, sed qui pugnent, marce-
re Campana luxuria, vino, scortis, omnibusque lustris per totam hyemem confectos. abisse illam vim, vigoremque: dilapsa esse robor corporum animorumque, quibus Pyrenæi, Alpiumque superata sint iuga. reliquias illorum virorum vix arma, membraque sustinentes pugnare. Capuam Annibali Cannas fuisse. ibi virtutem bellicam, ibi militarem disciplinam, ibi præteriti temporis famam, ibi spem futuri extinctam.* Cum hæc exprobrando hosti, Marcellus suorum militum animos erigeret, Annibal multo gravioribus probris increpabat: *Arma, signaque eadem se agebat noscere, quæ ad Trebiam, Trasymenumque; postremo ad Cannas viderit, habueritque. militem alium profecto se in hiberna Capuam duxisse, alium inde eduxisse. Legatine Romani, & legionis unius atque ala magno certamine vix toleratis pugnam; quos bina acies consulares nunquam sustinuerunt? Marcellus tirone milite, ac Nolanis subsidiis fultus nos jam iterum lacessit? Ubi ille meus miles est, qui erepto ex equo C. Flaminio consuli caput abstulit? ubi, qui L. Paulum ad Cannas occidit? ferrumne hebet, an dextera torpent? an quid prodigii est aliud? qui pauci plures vin-*
cere

cere soliti estis, nunc paucis plures vix resistitis. Romam vos expugnaturus, si quis duceret, fortes lingua jactabatis. en nunc minor res est. hic experiri vim, virtutemque volo. expugnate Nolum, campestre urbem, non flumine, non mari septam. hinc vos ex tam opulenta urbe prada spoliisque onustos vel ducam quo voletis, vel sequar. Nec bene, nec male dicta profuerunt ad confirmandos animos. Cum omni parte pellerentur, Romanisque crescerent animi, non duce solum adhortante, sed Nolanis etiam per clamorem, favoris indicem, accendentibus ad ardorem pugnae, terga Pœni dederunt, atque in castra compulsi sunt. quæ oppugnare cupientes milites Romanos Marcellus Nolum reduxit cum inagno gaudio, & gratulatione etiam plebis, quæ ante inclinatio ad Pœnos fuerat. Hostium plus mille cæsi eo die, capti mille DC. & signa militaria undeviginti, & duo elephanti, quatuor in acie occisi. Romanorum minus mille interfecti. Posterum diem, induciis datis, fepeliendo utrinque cæsos in acie, consumpserunt. Spolia hostium Marcellus Vulcano votum cremavit. Tertio post die (ob iram credo aliquam, aut spem liberalioris militiæ) mille CCLXXII. equites misti Numidæ, Hispanique ad Marcellum transfugerunt. eorum forti fidelique opera in eò bello usi sunt sæpe Romani. Ager Hispanis in Hispania, & Numidis in Africa post bellum virtutis causa latus datus est.

CAPUT XXXIII.

Admotis Capuam a Fabio Cos. castris, populationibus cogit Campanos urbe egressos castra in aperto locare: ibi ex Campanis Jubellius Taurea, ex Romanis Claudius Asellus, equestri pralio congregiuntur: alter Cos. Sempronius in Apuliam ductis legionibus, mittit inde M. Valerium in Sallentinos, propter curam Macedonici belli.

ANnibal, ab Nola, remisso in Bruttios: Annone cum quibus venerat copiis, ipse Apuliæ hiberna petit, circaque Arpos confedit. Q. Fabius, ut profectum in Apuliam Annibalem audivit, frumento ab Nola Neapolique in ea castra convector, quæ super Sueffulam erant, munimentisque firmatis, & præsidio, quod per hiberna ad tutandum locum satis esset, relicto, ipse Capuam propius movit castra, agrumque Campanum ferro, ignique est depopulatus: donec coacti sunt Campani nihil admodum viribus suis fidentes egredi portis, & castra ante urbem in aperto communire. Sex millia armatorum habebant, peditem imbellem: equitatu plus poterant. itaque equestribus præliis lacescebant hostem. Inter multos nobiles equites Campanus acerrimus erat Jubellius, cognomine Taurea: cives indidem erat, longe omnium Campanorum fortissimus eques: adeo, ut eum apud Romanos militaret, unus eum Romanus Claudius Asellus gloria equestri æquaret. Hunc Taurea, cum diu perlustrans oculis obequitasset hostium turmis, tandem facto silentio, *ubi esset Claudius Asellus,*

lus, quælivit. & quoniam verbis secum de virtute ambigere solitus esset, cur non ferro decerneret, daretque opima spolia victus, aut victor caperet? Hæc ubi Afello nuntiata sunt in castra, 47 id modo moratus, ut consulem percontaretur, liceretne extra ordinem in provocantem hostem pugnare, permisso ejus arma extemplo cepit: proventusque ante stationes equo, Tauream nomine compellavit, congregique ubi vellet, jussit. Jam Romani ad spectaculum pugnae ejus frequentes exierant. & Campani non vallum modo castrorum, sed mœnia etiam urbis spectantes repleverant. Cum jam ante ferocibus dictis rem nobilitassent, infestis hastis concitarunt equos: dein libero spatio inter se ludificantes, sine vulnere pugnam extrahebant. Tum Campanus Romano, Equorum, inquit, hoc, non equitum erit certamen, nisi e campo in cavam hanc viam demittimus equos, ibi nullo ad evagandum spatio, cominus conferentur manus. Dicto prope citius equum in viam Claudius egit: Taurea verbis ferocior, quam re, minime sis, inquit, canterium in fossa, quæ vox in rusticum inde proverbium prodita. Claudius cum ex via longe perequitasset, nullo obvio hoste, in campum rursus evectus, increpans ignaviam hostis, cum magno gaudio & gratulatione victor in castra redit. Huic pugnae equestri rem, quam satis certam, communis existimatio est, mirabilem certe, adjiciunt quidam annales: cum refugientem ad urbem Tauream Claudius sequeretur, patenti hostium portæ investum, per alteram, stupentibus miraculo hostibus, intactum evasisse. Quieta inde 48 stativa fuere, ac retro etiam consul movit castra, ut sementem Campani faceret.

rent; nec ante violavit agrum Campanum, quam jam altæ in fegetibus herbæ pabulum præbere poterant. id convexit in Claudiana castra super Sueffulam, ibique hiberna ædificavit. M. Claudio præconſule imperavit, ut retento Nolæ neceſſario ad tuendam urbem præſidio, cæteros milites dimitteret Romam, ne oneri ſociis, & ſumptui reip. eſſent. Et T. Gracchus a Cumis Luceriam in Apuliam legiones cum duxiſſet, M. Valerium inde prætorem Brundisium cum eo, quem Luceriæ habuerat, exercitu miſit, tuerique oram agri Sallentini, & providero quod ad Philippum bellumque Macedonicum attineret, juffit.

C A P U T XXXIV.

Cum, exhausto arario, non eſſent, quæ exercitui neceſſaria in Hispaniam mitterentur, publicani hac privata pecunia præſtanda ita conducunt, ut ſolutionem, niſi ubi pecunia in arario eſſet, ſe petituros polliceantur: miſſis in Hispaniam quæ obus erant, P. & Cn. Scipiones duplici prælio Pœnos vincunt: Hispaniam totam ſuam faciunt.

EXitu æſtatis ejus, qua hæc geſta perſcripſimus, literæ a Publio, & Cn. Scipionibus venerunt, quantas, quamque proſperas in Hispania res geſſiſſent: ſed pecuniam in ſtipendium, veſtimentaque, & frumentum exercitui, & ſociis navalibus omnia deeſſe. quod ad ſtipendium attineat, ſi ærarium inops eſſet, ſe aliquam rationem inituros, quomodo ab Hispanis ſumant. cætera utique ab Roma mittenda eſſe. nec aliter aut exercitum, aut provinciam retine-

ri posse. Literis recitatis, nemo omnium erat, qui non & vera scribi, & postulari æqua, fateretur. sed occurrebat animis, quantos exercitus terrestres navalesque tuerentur: quantaque nova classis mox paranda esset, si bellum Macedonicum moveretur. Siciliam, ac Sardiniam, qua ante bellum vestigiales fuissent, vix præsides provinciarum exercitus alere, tributo sumptus suppeditari, verum cum ipsum tributum conferentium numerum, tantis exercituum stragibus & ad Trasymenum lacum, & ad Cannas, imminutum: tum qui superessent pauci, si multiplici gravarentur stipendio, alia perituros peste, itaque nisi fide staret respublica, opibus non staturam. Frodeundum in concionem Eulvio prætori esse, indicandasque populo publicas necessitates, exhortandosque, qui redempturi auxissent patrimonia, ut reipublica, ex qua crevissent, ad tempus commodarent: conduce-
rentque ex lege præbenda, qua ad exercitum Hispanionsem opus essent: ut cum pecunia in arario esset, iis primis solveretur. Hæc prætor in concione edixit: qua die vestimenta, frumentum Hispaniensi exercitui præbenda, quæque alia opus essent navalibus lociis, esset locaturus. Ubi ea dies venit, ad
conducendum tres societates aderant hominum undeviginti. quorum duo postulata
fuere: unum, ne alii triennio eo publica-
ni essent: alterum, ut quæ in naves impo-
fuissent, ab hostium, tempestatisque vi pu-
blico periculo essent. Utroque impetrato,
conduxerunt, privataque pecunia resp. ad-
ministrata est. Hi mores, eaque caritas pa-
triæ per omnes ordines, velut tenore uno,
pertinebat. Quemadmodum conductæ omnia
magno animo sunt, sic summa fide præbi-

ta: nec quicquam desideratum, ac si ex opulento ærario, ut quondam, alerentur. Cum hi commeatus venerunt, Illiturgi oppidum ab Asdrubale, ac Magone, & Amilcare, Bomilcaris filio, ob defectionem ad Romanos, oppugnabatur. Inter hæc terna castra hostium Scipiones cum in urbem sociorum magno certamine, ac strage obsistentium pervenissent, frumentum, cujus inopia erat, advexerunt. cohortatique oppidanos, ut eodem animo mœnia tutarentur, quo pro se pignantem Romanum exercitum vidissent, ad castra maxima oppugnanda, quibus Asdrubal præerat, ducunt. Eodem & duo duces, & duo exercitus Carthaginensium, ibi rem summam agi cernentes, convenerunt. itaque eruptione e castris pugnatum est. LX. hostium millia eodie in pugna fuerunt, sexdecim circiter Romanis. Tamen adeo haud dubia victoria fuit, ut plures numero, quam ipsi erant, Romani hostium occiderint, ceperint amplius tria millia hominum, paulominus mille equorum, unde sexaginta militaria signa, elephantis V in prælio occisis, ternisque castris eodie potiti sunt. Illiturgi obsidione liberato, ad Incibili oppugnandum Punici exercitus traducti, suppletis copiis ex provincia, ut quæ maxime omnium belli avida, modo præda, aut merces esset, & tum juventute abundante. Iterum signis collatis eadem fortuna utriusque partis pugnatum. supra XIII. millia hostium cæsa, supraque tria capta, cum signis duobus & XL, & novem elephantis. Tum vero omnes prope Hispaniæ populi ad Romanos defecerunt. multoque majores ea æstate in Hispania, quam in Italia, res gestæ.

DECADIS TERTIÆ

LIBER QVARTVS.

CAPUT I.

Locrensum, quam in superiori libro attigerat, ad Pœnos deditio. Crotonis per Bruttiorum exercitum expugnatio: Locrensis amicicia datur: iis, qui in Crotonia arcem, qua capi non potuit, confugerant, permittitur, ut inde Locros abeant. In Apulia interim Sempronius Cos. leuia prœlia prospere cum Annibale committit.



Tex Campania in Bruttios reditum est, Anno adiutoribus & ducibus Bruttiis Græcas urbes tentavit, eo facilius in societate manentes Romana, quod Bruttios, quos & oderant, & metuebant, Carthaginensium partis factos cernebant. Rhegium primum tentatum est, diesque aliquot ibi nequicquam absumpti. Interim Locrenses frumentum, lignaque, & cætera necessaria usibus ex agris in urbem rapere, etiam ne quid relictum prædæ hostibus esset: & in dies major omnibus portis multitudo effundi, postremo ii modo relictæ in urbe erant, qui reficere muros ac portas, telaque in propugnacula congerere cogebantur. In permixtam omnium ætatum ordinumque multitudinem, & vagantem in agris magna ex parte inermem Amilcar Pœnus equites emisit, qui violare quenquam vetiti, tantum ut excluderent ab urbe fuga dissipatos, turmas obje-

objecere. Dux ipse loco superiore castra ponit, unde agros, urbemque possit conspiceret. Bruttiorum cohortem adire muros, atque vocare principes Locrensiū ad colloquium jussit, & pollicentes amicitiam Annibalis, adhortari ad urbem tradendam. Brutiis in colloquio nullius rei primo fides est: deinde ut Pœnus apparuit in collibus, & refugientes pauci aliam omnem multitudinem in potestate hostium esse asserebant, tum metu victi consulturos se populum responderunt. advocataque extemplo concione, cum & levissimus quisque novas res, novamque societatem mallet; & quorum propinqui extra urbem interclusi ab hostibus erant, velut obsidibus datis, pignoratos haberent animos; pauci magis taciti probarent constantem fidem, quam probatam tueri auderent: haud dubio in speciem consensu fit ad Pœnos deditio. L. Atilio præfecto præsidii, quique cum eo milites Romani erant, clam in portum deductis, atque impositis in naves, ut Rhegium deveherentur: Amilcarem, Pœnosque ea conditione, ut fœdus extemplo æquis legibus fieret, in urbem acceperunt. Cujus rei prope non servata fides deditis est, cum Pœnus dolo dimissum Romanum incusaret, Locrenses profugisse ipsum causarentur. Infecuti etiam equites sunt, si quo casu in freto æstus morari, aut deferre naves in terram posset. & eos quidem, quos sequebantur, non sunt adepti, alias a Messana trajicientes freto Rhegium naves conspexerunt. milites erant Romani a Claudio prætore missi ad obtinendam urbem præsidio. itaque Rhegio extemplo abscessum est. Locrensis jussu Annibalis data pax, ut liberi suis legibus viverent: urbs pariter, & portus in potestate Lo.

Locrenſium eſſet : ſocietas eo jure ſtaret ,
ut Pœnus Locrenſem , Locrenſiſque Pœnum
pace ac bello juvaret . Sic a freto Pœni
reducti , frementibus Bruttiis , quod Rhe- z
gium , ad Locros , quas urbes direpturos
ſe deſtinaverant , intactas reliquiſſent . Ita-
que per ſe ipſi conſcriptis armatiſque ju-
ventutis ſuæ XV. millibus , ad Crotonem
oppugnandum pergunt ire , Græcam &
ipſam urbem , & maritimam : plurimum
acceſſurum opibus , ſi in ora maris portum
ac urbem mœnibus validam tenuiſſent , cre-
dentes . Ea cura angebat , quod neque non
accereſcere ad auxilium Pœnos ſatis audebant ,
ne quid non pro ſociis egiſſe viderentur :
& ſi Pœnus rurfus magis arbiter pacis ,
quam adjutor belli fuiſſet , ne in liberta-
tem Crotonis , ſicut ante Locrorum , fru-
ſtra pugnaretur . itaque optimum viſum eſt ,
ad Annibalem mitti legatos : caverique ab
eo , ut receptus Croto Bruttiorum eſſet .
Annibal cum præſentium eam conſolatione-
nem eſſe reſpondiſſet , & ad Annonem eos
rejeciſſet , ab Annone nihil certi allatum .
nec enim diripi volebant nobilem atque
opulentam urbem : & ſperabant , cum Brut-
tius oppugnaret ; Pœnos nec probare , nec
juvare eam oppugnationem appareret , eo
maturius ad ſe defeſturos . Crotone nec
conſilium unum inter populares , nec vo-
luntas erat . Unus velut morbus invaſe-
rat omnes Italiæ civitates , ut plebs ab
optimatibus diſſentiret : ſenatus Romanis
faveret , plebs ad Pœnos rem traheret .
Eam diſſenſionem in urbe perſuga nun-
tiat Bruttiis : Ariſtomachum eſſe princi-
pem plebis , tradendæque auctorem urbis ,
& in vaſta urbe , lateque omnibus diſjectis
mœ-

mœnibus partitas stationes custodiasque senatorum ac plebis esse. quacunque custodiant plebis homines, ea patere aditum. Auctore ac duce perfuga Bruttii corona cinxerunt urbem, acceptique a plebe primo impetu locos omnes, præter arcem, cepere. Arcem optimates tenebant; præparato jam ante ad talem casum perfugio. Eodem Aristomachus perfugit, tanquam Pœnis, non Bruttiis auctor urbis tradendæ fuisset. Urbs Crotonum in circuitu patentem XII. millia passuum habuit ante Pyrrhi in Italiam adventum. post vastitatem eo bello factam, vix pars dimidia habitabatur. flumen, quod medio oppido fluxerat, extra frequentia tectis loca præterfluebat muros, procul iis, qui inhabitabantur. sex millia aberat ab urbe nobile templum, ipsa urbe nobilius, Laciniae Junonis, sanctum omnibus circa populis. luscus ibi frequenti silva, & proceris abietis arboribus septus, læta in medio pascua habuit, ubi omnis generis sacrum deæ pascebatur pecus sine ullo pastore: separatimque egressi cuiusque generis greges nocte remeabant ad stabula, nunquam insidiis ferarum, non fraude violati hominum. magni igitur fructus ex eo pecore capti, columna que inde aurea solida facta, & sacrata est: inclytumque templum divitiis etiam, non tantum sanctitate fuit. Ac miracula aliqua affinguntur plerumque tam insignibus locis. Fama est, aram esse in vestibulo templi, cujus cinerem nullus unquam moveat ventus. Et arx Crotonis una parte imminet mari, altera vergente in agrum, situ naturali quondam munita, postea & muro cincta, quæ per aversas rupes ab Dionysio Siciliae tyranno per dolum fuerat capta. Eam tum arcem

cem satis, ut videbatur, tutam, Crotoniatum optimates tenebant, circumsedente cum Bruttiis eos etiam plebe sua. Postremo Bruttii cum suis viribus inexpugnabilem viderent arcem, coacti necessitate, Annonis auxilium implorant. Is conditionibus ad deditionem compellere Crotoniatis conatus, ut coloniam Bruttiorum eo deduci, antiquamque frequentiam eorum recipere vastam ac desertam bellis urbem paterentur, omnium neminem præter Aristomachum, movit. morituros se firmabant citius, quam immitti Bruttiis, alienos ritus, mores, legesque, ac mox inguam etiam verterentur. Aristomachus ius, quando nec suadendo ad deditionem vis valebat, nec, sicut urbem prodiderat, cum prodendæ arcis inveniebat, transfudit ad Annonem. Locrenses brevi post legati um permisu Annonis arcem intrassent, perierant, ut traduci se in Locros paterentur, nec ultîma experiri vellent. jam hoc ut sibi ceret, impetraverant & ab Annibale, missis ad id ipsum tum legatis. Ita Crotone excessum est, deductique Crotoniatæ ad mare, aves conscendunt. Locros omnis multitudo abeunt. in Apulia ne hyems quidem quiescit inter Romanos atque Annibalem erat. Laceriæ Sempronius consul, Annibal haud procul Arpis hibernabat. Inter eos levia prælia ex occasione, aut opportunitate hujus aut illius partis oriebantur. meliorque ei Romanus, & in dies cautior tutiorque ab insidiis fiebat.

CAPUT II.

Hieronymus Syracusanorum rex , cuius avus Hiero amicus populo Romano fuerat , per Hippocratem , & Epicidem legatos societatem cum Carthaginiensibus jungit : paulo post a suis propter crudelitatem , & superbiam interficitur .

- 4 **I**N Sicilia Romanis omnia mutaverat mors Hieronis . regnumque ad Hieronymum nepotem ejus translatus , puerum , vixdum libertatem , nedum dominationem modice laturum . Læte id ingenium tutores , atque amici ad præcipitandum in omnia vitia acceperunt . Quæ ita futura cernens Hiero , ultima senectæ voluisse dicitur liberas Syracusas relinquere : ne sub dominatu puerili , per ludibrium , bonis artibus partum firmatumque interiret regnum : Huic consilio ejus summa ope oblitere filiæ , nomen regium penes puerum futurum ratæ , regimen rerum omnium penes se , virosque suos , Andronodorum , & Zoilum : nam ii tutorum primi relinquebantur . Non facile erat nonagesimum jam agentium annum , circumfesso dies noctesque muliebribus blanditiis , liberare animum , & convertere ad publicam privatamque curam . Itaque tutores numero quindecim puero reliquit , quos precatus est moriens , ut fidem erga populum Romanum quinquaginta annos ab se cultam inviolatam fervarent : juvenemque suis potissimum vestigiis insistere vellent , disciplinæque , in qua edoctus esset . Post hæc mandata cum expirasset , tutores prodeunt . testamento prolato , pueroque in concionem producto ,
(erat

(erat autem XV. tunc ferme annorum) paucis, qui per concionem ad excitandos clamores dispositi erant, approbantibus testamentum, cæteris velut patre amillo in orba civitate omnia timentibus, funus fit regium, magis amore civium & caritate, quam cura suorum celebre. Deinde cæteros tutores summovet Andronodorus, juvenem jam esse dictitans Hieronymum, ac regni potentem. deponendoque tutelam, quæ ipsi cum pluribus communis erat, in se unum omnium vires convertit. Vix quidem ulli bono moderatoque regi facilis erat favor apud Syracusanos succedendi tanta caritate Hieronis. verum enim vero Hieronymus, velut suis vitiis desiderabilem efficere vellet avum, primo statim conspectu omnia, quam disparia essent, ostendit. nam qui per tot annos Hieronem, filiumque ejus Gelonem nec vestis habitu, nec alio ullo insigni differentes a cæteris civibus vidissent, conspexere purpuram, ac diadema, ac satellites armatos, quadrigisque etiam alborum equorum interdum ex regia procedentem, more Dionysii tyranni. Hunc tam superbum apparatus, habitumque convenientes sequebantur mores: contemptus omnium hominum, superbæ aures, contumeliosa dicta, aditus non alienis modo, sed tutoribus etiam difficiles, libidines novæ, inhumana crudelitas: itaque tantus omnes terror invaserat, ut quidam ex tutoribus aut morte voluntaria, aut fuga præverterent metum suppliciorum. Tres ex iis, quibus solis aditus in domum familiarior erat, Andronodorus, & Zoilus, generi Hieronis, & Thraso quidam, de aliis quidem rebus haud magnopere audiebantur. Tendendo autem duo ad Cartha-

ginienses, Thraſo ad ſocietatem Romanam, certamine ac ſtudiis interdum in ſe convertebant animum adoleſcentis. Conjura- tio in tyranni caput facta indicatur per Calonem quendam, æqualem Hieronymi, & jam inde a puero in omnia familiaria jura aſſuetum. Index unum ex conjuratis Theodorum, a quo ipſe appellatus erat, nominare potuit, qui comprehenſus ex- templo traditusque Andronodoro torquen- dus, de ſe ipſe haud cunctanter faſſus, conſcios celabat. poſtremo cum omnibus intolerandis patientiæ humanæ cruciati- bus laceraretur, victum malis ſe ſimulans, avertit ab conſciis in inſontes indicium: Thraſonem eſſe auctorem conſilii menti- tus: nec niſi tam potenti duce conſiſos, rem tantam auſuros, ab latere inde eos nominat tyranni, quorum capita viliffima ſingenti inter dolores gemitusque occur- rere. Maxime animo tyranni credibile in- dicium Thraſo nominatus fecit. itaque extemplo traditur ad ſupplicium: adjecti- que pœnæ cæteri juxta inſontes. Conſcio- rum nemo, cum diu ſocius conſilii tor- queretur, aut latuit, aut fugit. tantum
 6 illis in virtute ac fide Theodori fiduciæ fuit: tantumque ipſi Theodoro virium ad arcana occultanda. Itaque, quod unum vinculum cum Romanis ſocietatis erat, Thraſone ſublato e medio, extemplo haud dubie ad defectionem res ſpectabat. lega- tique ad Annibalem miſſi, ac remiſſi ab eodem Annibale nobiles adoleſcentuli Hip- pocrates & Epicides, nati Carthagine, ſed oriundi ab Syracuſis exule avo, Pœ- ni ipſi materno genere, per hos juncta ſo- cietas Annibali, ac Syracuſano tyranno.

nec

nec invito Annibale apud Tyrannum man-
 ferunt. Ap. Claudius prætor, cujus Sicilia
 provincia erat, ubi ea accepit, extemplo
 legatos ad Hieronymum misit, qui cum
 sese ad renovandam societatem, quæ cum
 avo fuisset, venisse dicerent, per ludibrium
 auditi, dimissique sunt ab quærente per jo-
 cum Hieronymo, quæ fortuna eis pugnae
 ad Cannas fuisset, vix credibilia enim le-
 gatos Annibalis narrare, velle, quid veri
 sit, scire, ut ex eo utram spem sequatur,
 consilium capiat. Romani, cum serio le-
 gationes audire cœpisset, redituros se ad
 eum dicentes esse, monito magis eo, quam
 rogato, ne fidem temere mutaret, profici-
 scuntur. Hieronymus legatos Carthaginem
 misit ad fœdus ex societate cum Annibale
 faciendum. Pacto convenit, ut cum Ro-
 manos Sicilia expulissent, (id autem bre-
 vi fore, si naves, atque exercitum misis-
 sent) Himera amnis, qui ferme insulam
 dividit, finis regni Syracusani, ac Punici
 imperii esset. Aliam deinde, inflatus as-
 sentationibus eorum, qui eum non Hiero-
 nis tantum, sed Pyrrhi etiam regis, ma-
 terni avi, jubebant meminisse, legatio-
 nem misit, qua æquum censebat, Siciliam
 sibi omnem cedi: Italiæ imperium pro-
 prium quæri Carthaginensi populo. Hanc
 levitatem animi ac jactationem neque mi-
 rabantur in juvene furioso, neque argue-
 bant, dummodo averterent eum ab Ro-
 manis. Sed omnia in eo præcipitia ad exi-
 tium fuerunt. nam cum præmissis Hippo-
 crate, atque Epicide cum binis millibus
 armatorum ad tentandas urbes, quæ præ-
 sidiis tenebantur Romanis, & ipse in Leon-
 tinos cum cætero omni exercitu (erant
 au-

autem ad XV. millia peditum equitumque) profectus esset: liberas ædes conjurati (& omnes forte militabant) imminentes viæ angustæ, qua descendere ad forum rex solebat, sumpserunt. ibi cum instructi armatique cæteri transitum expectantes starent, uni ex eis (Indigemini fuit nomen) quia custos corporis erat, partes datæ sunt, ut cum appropinquaret januæ rex, per causam aliquam in angustiis sustineret ab tergo agmen. Ita, ut convenerat, factum est. tanquam laxaret elatum pedem ab stricto nodo, moratus turbam Indigemines, tantum intervalli fecit, ut cum in prætereuntem sine armatis regem impetus fieret, confoderetur aliquot prius vulneribus, quam succurri posset. Clamore & tumultu audito, in Indigeminem jam haud dubie obstantem tela conjiciuntur: per quæ tamen, duobus acceptis vulneribus, evasit. fuga satellitum, ut jacentem videre regem, facta est. interfectores, pars in forum in multitudinem lætam libertate, pars Syracusas pergunt ad præoccupanda Andronodori, regionumque aliorum consilia. Incerto rerum statu, Ap. Claudius bellum oriens ex propinquo cum cerneret, senatum literis certiores fecit, Siciliam Carthaginienſi populo, & Annibali conciliari. ipse adversus Syracusana consilia, provinciam, regniſque fines, omnia convertit præſidia.

CAPUT III.

Q. Fabius Cos. comitiorum causa Romam profectus, ne T. Otacilius, & M. Æmilius Regillus, in quos prerogativa favor inclinabat, consules difficillimis hisce Reip. temporibus creentur, perficit: cum ipse idem Fabius cos. quartum creatus esset, datur illi collega M. Marcellus.

LXitu anni ejus Q. Fabius ex auctoritate senatus Puteolos, per bellum ceptum frequentari emporium, communiit, praesidiumque imposuit. Inde Romam comitiorum causa veniens, in eum, quem primum diem comitialem habuit, comitia edixit, atque ex itinere praeter urbem in campum descendit. Eo die cum fors prerogativæ ante juniorum exisset, eaque T. Otacilium, & M. Æmilium Regillum consules diceret, tum Q. Fabius, silentio facto, tali oratione est usus: Si aut pacem in Italia, aut bellum cum eo hoste haberemus, in quo negligentia, aut errori locus esset: qui vestris stuaiis, quæ in campum ad mandandos quibus velitis, honores affertis, moram ullam offerret, is mihi parum meminisse videretur vestra libertatis. sed cum in hoc bello, cum hoc hoste nunquam ab ullo duce sine ingenti nostra clade erratum sit: eandem vos cura, quæ in aciem armati descenditis, inire suffragium ad creando consules daret, & sibi sic quæque dicere: Annibali imperatori parem consulem nomine. Hoc anno ad Capuam Jubellio Taurea, Campano summo equiti, provocanti, summus Romanus eques, Aseilus Claudius oppositus. Adversus Gallum quondam provocantem in ponte Anienis, Manlium sidentem

& animo & viribus misere majores nostri .
 Ob eandem causam haud multis annis post fuisse non negaverim , cur M. Valerio non diffideretur arma capienti adversus similiter provocantem ad certamen Gallum . Quemadmodum pedites equitesque optamus , ut validiores , si minus , ut pares hosti habeamus : ita duci hostium parem imperatorem quarimus . Cum qui est summus in civitate dux , eum legerimus : tum repente lectus , in annum creatus adversus veterem ac perpetuum imperatorem comparabitur , nullis neque temporis , neque juris inclusum angustiis , quominus ita cuncta gerat , administretque , ut belli tempora postulabunt . nobis autem in apparatu ipso , ac tantum inchoantibus res , annus circumagitur . Quoniam quales viros creare vos consules deceat , satis est dictum : restat ut pauca de eis , in quos prerogativa favor inclinavit , dicam . M. Æmilius Regillus flamen est Quirinalis , quem neque mittere a sacris , neque retinere possumus , ut non deum , aut belli deferamus curam . Otacilius sororis mea filiam uxorem , atque ex ea liberos habet . ceterum non ea vestra in me , majoresque meos merita sunt , ut non potiotem privatis necessitudinibus Rempub. habeam . Quilibet nautarum , vectorumque tranquillo mari gubernare potest . ubi sava orta tempestas est , ac turbato mari rapitur vento navis : tum viro , & gubernatore opus est . Non tranquillo navigamus : sed jam aliquot procellis submersi pene sumus , itaque quis ad gubernacula sedeat , summa cura providendum , ac precavendum nobis est . In minore re experti , T. Otacili , operam tuam sumus . haud sane , cur ad majora tibi fidamus , documentum quicquam dedisti . Classem hoc anno , cui tu praefuisti , triumphum causa paravimus : ut Africa oram populare-

*Taretur : ut tuta nobis Italia litora essent : ante omnia , ne supplementum cum stipendio , com-
 meatuque ab Carthagine Annibali transporta-
 retur . Create consulem T. Otacilius : non dico
 si omnia hac , sed si aliquid eorum Reip. prastiterit .
 Sin autem te classem obtinente , etiam velut pa-
 ento mari qualibet Annibali tuta atque integra
 ab domo venerunt : si ora Italia infestior hoc an-
 no , quam Africa , fuit : quid dicere potes , cur
 te potissimum ducam Annibali hosti opponant ? Si
 consul esses , dictatorem dicendum exemplo mayo-
 rum nostrorum censeremus . nec tu id indignari
 posses : aliquem in civitate Romana meliorem bel-
 lo haberi , quam te , magis nullius interest ,
 quam tua , T. Otacili , non imponi cervicibus
 tuis onus , sub quo concidas . Ego magnopere sua-
 deo , eodem animo , quo , si stantibus vobis in
 acie armatis repente deligendi duo imperatores
 essent , quorum ductu atque auspicio dimicaretis ,
 hodie quoque consules creetis , quibus sacra-
 menta liberi nostri dicant : ad quorum edictum con-
 veniant : sub quorum tutela atque cura militent .
 Lacus Trasymenus , & Cannæ , triste ad recor-
 dationem exemplar : ut ad praevendendum simile ,
 utilia documenta sunt . Prærogativa juniorum 9
 in suffragium revocata , cum T. Otacilius fe-
 rociter eum continuare consulatum velle vo-
 ciferaretur , atque obstreperet , lictores ad
 eum accedere consul iussit : & quia in ur-
 bem non inierat , protinus in campum ex-
 itinere profectus , admonuit , cum securibus
 sibi fasces præferri . Interim prærogativa suf-
 fragium init : creatique in ea consules Q.
 Fabius Maximus quartum , M. Marcellus
 tertium . eosdem consules cæteræ centuriæ
 sine variatione ulla dixerunt . & prætor unus
 reselectus , Q. Fulvius Flaccus . novialii crea-
 ti , T. Otacilius Crassus iterum , Q. Fabius con-
 M 2 fulis*

fulis filius, qui tum ædilis curulis erat: P. Cornelius Lentulus, Comitibus prætorum perfectis, S. C. factum est, ut Q. Fulvio *extra ordinem urbana provincia esset, isque potissimum consulibus ad bellum præfessis, urbi præfessis.* Aquæ magnæ, & nives eo anno fuerunt: Tiberisque agros inundavit cum magna strage rectorum, pecorumque, & hominum perniciæ. Quinto anno secundi Punici belli Q. Fabius Maximus quartum, M. Claudius Marcellus tertium, consulatum ineuntes, plus solito converterant in se civitatis animas. multis enim annis tale consulum par non fuerat. Referebant senes: sic Maximum Rullum cum P. Decio ad bellum Gallicum, sic postea Papirium, & Carvilius adversus Samnites, Bruttiosque, & Lucanum cum Tarentino populum, consules declaratos. Absens Marcellus consul creatus, cum ad exercitum esset: præsentibus Fabio, atque ipso comitia habente, consulatus continuatus. Tempus, ac necessitas belli, ac discrimen summæ rerum faciebant, ne quis aut in exemplum exquireret, aut suspectum cupiditatis imperii consulem haberet. quin laudabant potius magnitudinem animi, quod cum summo imperatore esset opus reip., sciretque se eum haud dubie esse: minoris invidiam suam, si qua ex re oriretur, quam utilitatem Reip. fecisset. Quo die magistratum inierunt consules, senatus in Capitolio est habitus: decretumque omnium primum, ut consules sortirentur, compararentve inter se, uter censoribus creandis comitia haberet prius, quam ad exercitum profisceretur. Prorogatum deinde imperium omnibus, qui ad exercitus erant, iussique in provinciis manere, T. Gracchus Luceriæ, ubi cum volonum exercitu

citu erat, C. Terentius Varro in agro Piceno, M. Pomponius in Gallico. ex prætoribus prioris anni pro prætore Q. Mutius obtineret Sardiniam, M. Valerius ad Brundisium oræ maritimæ, intentus adversus omnes motus Philippi Macedonum regis, præesset. P. Cornelio Lentulo præturi Sicilia decreta provincia, T. Otacilio classis eadem, quam adversus Carthaginienses priore anno habuisset. Prodigia eo anno multa nuntiata sunt. quæ quo magis credebant simplices ac religiosi homines, eo etiam plura nuntiabantur. Lanuvii in æde intus Sospitæ Junonis corvos nidum fecisse. In Apulia palmam viridem arsisse. Mantua stagnum effusum Mincio amni cruentum visum. Et Calibus creta, & Romæ in foro Boario sanguine pluuisse. Et in vico Istrico fontem sub terra tanta vi aquarum fluxisse, ut series, dolique, quæ in loco erant, provoluta velut impetus torrentis tulerit. Taucta de cælo, atrium publicum in Capitolio, ædem in campo Vulcani, nucem in Sabinis, publicamque viam, murum, ac portam Gabiis. Jamalia vulgata miracula erant: Hastam Martis Præneste sua sponte promotam: Bovem in Sicilia locutum: Infantem in utero matris in Marucinis, Jo triumphæ, clamasse: Ex muliere Spoleti virum factum: Hadriæ aram in cælo, speciesque hominum circum eam cum candida veste visas esse. Quin Romæ quoque in ipsa urbe secundum apum examen in foro visum. quod mirabile est, quia rarum. Affirmantes quidam legiones se armatas in Janiculo videre, concitaverunt civitatem ad arma: qui cum in Janiculum ivissent, negarunt quenquam ibi, præter assuetos collis ejus cultores, apparuisse. Hæc prodigia hostiis majoribus procurata sunt ex aruspicum res-

ponso: & supplicatio omnibus diis, quorum
 21 pulvinaria Romæ sint, indicta est. Perpe-
 tratis, quæ ad pacem deum pertinebant, de
 Rep. belloque gerendo, & quantum copia-
 rum, & ubi quæque essent, consules ad se-
 natum retulerunt. Duodeviginti legionibus
 bellum geri placuit: binas consules sibi sume-
 re: binis Galliam, Siciliamque, ac Sardi-
 niam obtineri: duabus Q. Fabium, præto-
 rem Apuliæ, duabus volonum T. Gracchum
 circa Luceriam præesse: singulas C. Teren-
 tio pro consule ad Picenum, & M. Valerio
 ad classem circa Brundisium, & duas urbi
 præsidium relinqui. Hic ut numerus legio-
 num expleretur, sex novæ legiones erant
 scribendæ. Eas primo quoque tempore con-
 sules scribere jussi, & classem parare, ut cum
 eis navibus, quæ pro Calabriae litoribus in
 statione essent, CL. longarum navium classis
 eo anno expleretur. Delectu habito, & na-
 vibus novis deductis, Q. Fabius comitia cen-
 soribus creandis habuit. creati M. Atilius
 Regulus, & Publius Furius Philus. Cum
 increbresceret rumor, bellum in Sicilia es-
 se: T. Otacilius eo cum classe proficisci jussus
 est. Cum decissent nautæ, consules ex sena-
 tus consulto edixerunt, ut qui L. Æmilio, C.
 Flamini censoribus, millibus aris quinquaginta
 ipso, aut pater ejus census fuisset usque ad cen-
 tum millia, aut cui postea res tanta esset facta,
 nautam unum cum sex mensium stipendio daret:
 qui supra centum millia usque ad CCC. millia,
 tres nautas cum stipendio annuo: qui supra tre-
 centa millia usque ad decies aris, quinque nau-
 tas; qui supra decies, septem. senatores octo nau-
 tes cum annuo stipendio darent. Ex hoc edicto
 dati nautæ armati, instructique ab dominis
 cum triginta dierum coctis cibariis naves.

conscenderunt. Tum primum est factum, ut classis Romana sociis navalibus privata impensa paratis compleretur.

CAPUT IV.

Territi Campani Romanorum apparatu, ex Apulia Annibalem ad se vocant: quem cum eo movisse allatum esset, Fab. Maximus Cos. ad exercitum proficiscitur: ceteri quoque in suas quisque provincias abeunt.

Hic major solito apparatus præcipue con- 12
territ Campanos, ne ab obsidione Capuæ bellum ejus anni Romani inciperent. itaque legatos ad Annibalem oratum miserunt, ut Capuam exercitum admoveret, ad eam oppugnandam novosexercitus scribi Romæ, nec ullius urbis defectioni magis infensos eorum animos esse. Id quia tam trepidi nuntiabant, maturandum Annibaleratus, ne prævenirent Romani: profectus Arpis, ad Tifata in veteribus castris super Capuam confedit. inde Numidis, Hispanisque ad præsidium simul castrorum, simul Capuæ relictis, cum cætero exercitu ad lacum Averni, per speciem sacrificandi, re ipsa, ut tentaret Puteolos, quique ibi præsidio erant, descendit. Maximus, postquam Annibalem Arpis profectum, & regredi in Campaniam, allatum est, nec die, nec nocte intermisso itinere, ad exercitum redit: & T. Gracchum ab Luceria, Beneventum copias admovere: Q. Fabium prætorem (is filius consulis erat) Luceriam Graccho succedere jubet. in Siciliam eodem tempore duo prætores profecti: P. Cornelius ad exercitum, Otacilius, qui maritimæ oræ, rei-

que navali præflet, & cæteri in suas quifque provincias profecti, & quibus prorogatum imperium erat, easdem, quas priore anno, regiones obtinuerunt.

C A P U T V.

Legati Tarentinorum ad Annibalem veniunt, ejus urbis deditionem pollicentes : his benigne acceptis, ac dimissis, ipse interim Puteolos, & Nolam nequiquam tentat.

- 13 **A**D Annibalem, cum ad lacum Averni effet, quinque nobiles juvenes ab Tarento venerunt, partim ad Trasymenum lacum, partim ad Cannas capti, dimissique domos cum eadem comitate, qua usus adversus omnes Romanorum socios Pœnus fuerat. Ii memores beneficiorum ejus, perpulisse magnam partem se adventuris Tarentina referunt, ut Annibalis amicitiam ac societatem, quam populi Romani mallet: legatosque ab suis missos rogare Annibalem, ut exercitum propius Tarentum admoveat. si signa ejus, si castra conspici a Tarento sint, haud ullam intercessuram moram, quin urbs dedatur. in potestate juniorum plebem, in manu plebis rem Tarentinam esse. Annibal collaudat eos, oneratosque ingentibus promissis domum adcepta maturanda redire jubet: se in tempore affuturum esse. Hac cum ipse dimissi Tarentini. ipsum ingens cupido incesse- rat Tarenti potiundi. urbem esse videbat cum opulentam nobilemque, tum maritimam, & in Macedonia n. opportune versam: regemque Philippum hunc portum, si transiret in Italiam, cum Brundisium Romani haberent, petiturum, Sacro inde perpetra-

to, ad quod venerat: & dum ibi moratur, pervasato agro Cumano usque ad Miseni promontorium, Puteolos repente agmen convertit ad opprimendum præsidium Romanum. Sex millia hominum erant, & locus munimento quoque, non natura modo tutus. Triduum ibi moratus Pœnus, ab omni parte tentato præsidio. deinde, ut nihil procedebat, ad populandum agrum Neapolitanum magis ira, quam potiundæ urbis spe processit. Adventu ejus in propinquum agrum Nolana mota est plebs, jandiu averſa ab Romanis, & infesta ſenatui ſuo. itaque legati ad accerſendum Annibalem cum haud dubio promiſſo tradendæ urbis venerunt. Prævenit inceptum eorum Marcellus conſul a primoribus accitus. die uno Sueſſulam a Calibus, cum Vulturſus annis traſſicientem moratus eſſet, contenderat. inde proxima nocte ſex millia peditum, equiteſque CCC., qui præſidio ſenatui eſſent, Nolam intromiſit. & uti a conſule omnia impigre facta ſunt ad præoccupandam Nolam: ita Annibal tempus terebat, bis jam ante nequicquam tentata re, ſegnius ad credendum Nolanis factus.

CAPUT VI.

Ad Beneventum T. Sempronius Gracchus profecto prospere adversus Annonem Pænorum ducem pugnat, servorum maxime opera, quos liberos esse jubet.

14. **I**dem diebus & Q. Fabius consul ad Cafilinum tentandum, quod præsidio Punico tenebatur, venit. Et ad Beneventum velut ex composito parte altera Anno ex Brutiis cum magna peditum equitumque manu, altera T. Gracchus ab Luceria accessit qui primo oppidum intravit. deinde ut Annonem tria millia ferme ab urbe ad Calorem fluvium castra posuisse, & inde agrum populari audivit: & ipse egressus mœnibus, mille ferme passus ab hoste castra locat, ibique concionem militum habuit. Legiones magna ex parte volonum habebat: qui jam alterum annum libertatem tacite mereri, quam postulare palam, maluerant. fenserat tamen hibernis egrediens murmur in agmine esse, querentium, *nunquamne liberi militaturi essent?* scripseratque senatui, non tam quid desiderarent, quam quid meruissent. bona, fortique opera eorum se ad eam diem usum, neque ad exemplum justi militis quicquam eis, præter libertatem, deesse. De eo permissum ipsi erat, faceret quod & Repub. ducere esse. Itaque prius quam cum hoste manum confereret, pronuntiat, *tempus venisse ejus libertatis, quam diu sperassent, potiunda. postero die signis collatis dimicaturum puro ac patenti campo, ubi sine ullo insidiarum metu vera virtute geri res posset. Qui caput hostis retulisset, eum se exemplo liberum iussurum esse:*
qui

qui loco cecisset, in eum servili supplicio animad-
versurum. Suam cuique fortunam in manu esse.
libertatis auctorem eis non se fore solum, sed con-
sulem M. Marcellum, & universos patres, qui
consulti ab se de libertate eorum, sibi permisissent.
 Literas inde consulis, ac senatus consultum
 recitavit. Ad quæ clamor cum ingenti as-
 sensu est sublatus. pugnam poscebant, si-
 gnumque ut daret extemplo, ferociter in-
 stabant. Gracchus, prælio in posterum diem
 pronuntiato, concionem dimisit. Milites læ-
 ti, præcipue quibus merces navatæ in unum
 diem operæ, libertas futura erat: armis ex-
 pediendis, quod reliquum diei fuit, con-
 sumperunt. Postero die ubi signa cœperunt
 canere, primi omnium parati, instructique
 ad prætorium conveniunt. sole orto Grac-
 chus in aciem copias eduxit. Nec hostes
 moram dimicandi fecerunt: Decem & se-
 ptem millia peditum erant, maxima ex par-
 te Bruttii ac Lucani: equites M. CC. inter
 quos pauci admodum Italici, cæteri Numi-
 dæ fere omnes, Maurique. Pugnatum est
 & acriter, & diu. quatuor horis neutro in-
 clinata est pugna. nec alia magis Romanum
 impediēbat res, quam capita hostium pre-
 tia libertati facta. nam ut quisque hostem
 impigre occiderat, primum capita ægre in-
 ter turbam tumultumque abscindendo, tem-
 pus terebat: deinde occupata dextra tenen-
 do caput, fortissimus quisque pugnator esse
 desierat. segnibus, ac timidis tradita pugna
 erat. Quod ubi tribuni militum Graccho
 nuntiaverunt, neminem stantem jam vulne-
 rari hostem, carnificari jacentes, & in dex-
 tris militum pro gladiis humana capita esse:
 signum dari propere iussit, projicerent ca-
 pita, invaderentque hostem. claram satis,

& insignem virtutem esse; nec dubiam libertatem
 futuram strenuis viris. Tum redintegrata
 pugna est, & eques etiam in hostem emissus.
 Quibus cum impigre Numidæ concurrissent,
 nec legnior equitum, quam peditum pugna
 esset, iterum in dubium adducta res: cum
 utrinque duces, Romanus Bruttium, Lu-
 canumque toties a maioribus suis victos sub-
 acto, & Pœnus mancipia Romana, & ex
 ergastulo militem verbis obtereret. Postre-
 mo pronuntiat Gracchus, esse nihil, quod
 de libertate sperarent, nisi eo die fusi fugati-
 26 que hostes essent. Ea demum vox ita animos
 accendit, atque renovato clamore velut alii
 repente facti, tanta vi se in hostem intule-
 runt, ut sustineri ultra non possent. Primo
 antesignani Pœnorum, deinde signa pertur-
 bata, postremo tota impulsæ acies: inde-
 haud dubie terga data. ruuntque fugientes:
 in castra adeo pavidum, trepidumque, ut ne in-
 portis quidem, aut vallo quisquam restite-
 rit. ac prope continente agmine Romani in-
 secuti, novum de integro prælium inclusi
 hostium vallo ediderint. Ibi sicut pugna im-
 peditior in angustiis, ita cædes atrocior fuit:
 & adjuvare captivi, qui rapto inter tumul-
 tum ferro conglobati, & a tergo cæciderunt
 Pœnos, & fugam impedierunt. itaque mi-
 nus duo millia hominum ex tanto exercitu,
 & ea major pars equitum cum ipso duce
 effugerunt: alii omnes cæsi, aut capti. ca-
 pta & signa duodequadraginta. Ex victori-
 bus duo millia ferme cecidere. præda omnis,
 præter quam hominum captorum, militi
 concessa est. & pecus exceptum est, quod
 intra dies triginta domini cognovissent. Cum
 præda onusti in castra redissent, quatuor
 millia ferme volonum militum, qui pugna-
 ve.

verant segnius, nec in castra irruperant simul, metu pœnæ, collem haud procul castris ceperunt. postero die per tribunos militum inde deducti. concione militum advocata a Graccho, superveniunt: ubi cum proconsoles veteres milites primum, prout cujusque virtus atque opera in ea pugna fuerat, militaribus donis donasset: tunc quod ad volones attineret, omnes ait male laudatos a se, dignos, indignosque, quam quenkum eo die castigatum esse, quod bonum, faustum, felixque Reipub. ipsisque esset, omnes eos liberos esse jubere. Ad quam vocem cum clamor ingenti alacritate sublatum esset: ac nunc complexi inter se, gratulantesque, nunc manus ad cœlum tollentes, bona omnia populo Romano, Gracchoque ipsi precarentur: tum Gracchus, prius quam omnes jure libertatis agnasset, inquit, neminem nota stremui, aut ignavi militis notasse volui. nunc exsoluta jam fuit publica, ne discrimen omne virtutis, ignaviaque pereat, nomina eorum, qui detrectata pugna memores; secessionem proculo ante fecerunt, et ferri ad me jubelocitatoque singulos jurejurando attingam, nisi quibus morbus causa erit, non aliter quam stantes, cibum potumque, quoad stipendia facient, cœtuos esse. Hanc multam ita a quo animo feretis, si reputabitis, nulla ignavia nota levior vos designari potuisse. Signum deinde colligendi vasa dedit: militesque prædam portantes agentesque, per lasciviam ac jocum ita ludibundi Beneventum rediere, ut ab epulis per cœlebrem festumque diem actis, non ex acie, reverti viderentur. Beneventani omnes turba effusa cum obviam ad portas exissent, compecti milites, gratulari, vocare in hospitium,

tium. Apparata convivia omnibus in propatulo ædium fuerant: ad ea invitabant: Gracchumque orabant, ut epulari permetteret militibus. Et Gracchus ita permisit, in publico epularentur omnes. Ante suas quibusque fores prolata omnia. pileati, aut lana alba velatis capitibus volones epulati sunt, alii accubantes, alii stantes, qui simul ministrabant, vescebanturque. Digna res visa, ut simulacrum celebrati ejus diei Gracchus, postquam Romam rediit, pingi juberet in æde Libertatis, quam pater ejus in Aventino ex multatitia pecunia faciendam curavit, dedicavitque.

CAPUT VII.

Ad Nolam congressus cum Annibale Marcellus victoriam refert, futuram multo majorem, si Claudius Nero jussus clam circumvohi hostium tergis, in tempore supervenisset: Annibal, omissa Nola, Tarentum pergit.

- 17 **D**Um hæc ad Beneventum geruntur: Annibal depopulatus agrum Neapolitanum, ad Nolam castra movet. Quem ubi adventare consul sensit, Pomponio pro prætore cum eo exercitu, qui super Suessulam in castris erat, accito, ire obviam hosti parat, ne moram dimicandi faceret. Claudium Neronem cum robore equitum, silentio noctis, per averfam maxime ab hoste portam emittit: circumvectumque occulte subsequi sensim agmen hostium jubet: & cum cœptum prælium videret, ab tergo se objicere. Id errore viarum, an exiguitate temporis Nero exequi non potuerit, incertum est. Absente eo cum prælium commissum esset, superior qui-

quidem haud dubie Romanus erat. sed quia equites non affuere in tempore, ratio compositæ rei turbata est. Non ausus insequi cedentes Marcellus, vincentibus suis signum receptui dedit: plus tamen duo millia hostium eo die caesa traduntur: Romanorum minus CCCC. Solis fere occasu Nero diem noctemque nequicquam fatigatis equis hominibusque, ne viso quidem hoste rediens, adeo graviter est ab consule increpitus, ut per eum stetisse diceret, quo minus accepta ad Cannas redderetur hosti clades. Postero die Romanus in aciem descendit. Pœnus tacita etiam confessione victus, castris se tenuit. Tertio die silentio noctis, ommissa spe Nolæ potiundæ, rei nunquam prospere tentatæ, Tarentum ad certio rem spem prodicionis proficiscitur.

CAPUT VIII.

Cura censorum in moribus civitatis regendis, vitisque castigandis.

NEC minore animo res Romanæ domi, quam militiæ gerebantur. Censores vacui ab operum locandorum cura propter inopiam ærarii: ad mores hominum regendos animum adverterunt, castigandaque vitia: quæ, velut diutinis morbis ægra corpora ex sese gignunt, nata bello erant. Primum eos citaverunt, qui post Cannensem pugnam Rempub. deseruisse, Italiaque excessisse velle dicebantur, princeps eorum L. Cæcilius Metellus, qui quæstor tum forte erat. iussu deinde eo, cæterisque ejusdem noxæ reis causam dicere, cum purgari nequissent, pronuntiarunt, verba, oratio-

tionemque eos adversus Remp. habuisse, quo conjuratio deferendæ Italiæ causa fieret. Secundum eos citati nimis callidi exolvendi jurisjurandi interpretes, qui captivorum ex itinere regressi clam in castra Annibalis, solutum quod juraverant redituros, rebantur. His, superioribusque illis equi adempti, qui publicum equum habebant; tribuque moti, ærarii omnes facti. Neque senatu modo, aut equestri ordine regendo cura se censorum tenuit. nomina omnium ex juniorum tabulis excerpserunt, qui quadriennio non militassent, quibus neque vacatio iusta militiæ, neque morbus causa fuisset. & ea supra duo millia nominum in ærarios relata, tribuque omnes moti: additumque inerti censoriæ notæ triste senatus consultum, ut ii omnes, quos censores notassent, pedibus mererent, mitterenturque in Siciliam, ad Cannensis exercitus reliquias: cui militum generi non prius, quam pulsus Italia hostis esset, finis stipendiorum tempus erat.

CAPUT IX.

*In publici ærarii inopiâ privatorum civium
erga patriam caritas.*

CUM censores ob inopiam ærarii se jam locationibus abstinerent ædium sacrarum tuendarum, curuliumque equorum præbendorum, ac sanilium his rerum, convenire ad eos frequentes, qui hastæ huius generis assueverant: hortatique censores, ut omnia perinde agerent, locarentque, ac si pecunia in ærario esset. neminem, nisi bello confecto, pecuniam ab ærario petiturum esse. Convenere deinde domini eorum, quos

T.

T. Sempronius ad Beneventum manu emisit : accersitosque se ab triumviris mensariis esse dixerunt , ut pretia servorum acciperent . cæterum non antequam bello confecto accepturos esse . Cum hæc inclinatio animorum plebis ad sustinendam inopiam ararii fieret : pecuniæ quoque pupillares primo , deinde viduarum cæptæ conterri , nusquam eat tutius , sanctiusque deponere credentibus qui deferebant , quam in publica fide . inde si quid emptum paratumque pupillis , ac viduis foret , a quæstore perscribebatur . Manavit ea privatorum benignitas ex urbe etiam in castra , ut non eques , non centurio stipendium acciperent : mercenariumque increpantes vocarent , qui accepisset .

CAPUT X.

Fabius Cos. cum collega Marcello , accito ab Nola , Casilinum capit : per eosdem dies Graccho in Lucanis ab Annone clades inferitur : profectus in Samnium Fab. Cos. , factis ibi populationibus , multas urbes vi expugnat : dum hæc ille , atque alia feliciter gerit , Marcellus Nola aversa valetudine impeditur .

Q. Fabius consul ad Casilinum castra 19 habebat , quod duum millium Campanorum , & septingentorum militum Annibalis tenebatur praesidio . Præerat Staius Minius , missus ab Cn. Magio Atellano : qui eo anno Mediastruticus erat , servitiaque , & plebem promiscue armabat , ut castra Romana invaderet , intento consule ad Casilinum oppugnandum . Nihil eorum
Fa

Fabium fefellit, itaque Nolam ad collegam mittit, altero exercitu, dum Casilinum oppugnatur, opus esse, qui Campanis opponatur. vel ipse relicto Nolæ præsidio modico veniret: vel, si eum Nola teneret, & necdum securæ res ab Annibale essent, T. Gracchum pro Consule a Benevento accitutum. Hoc nuntio Marcellus, duobus militum milibus Nolæ in præsidio relictis, cum cætero exercitu Casilinum venit. adventuque ejus Campani jam moventes sese, quieverunt, ita a duobus consulibus Casilinum oppugnari cœptum. ubi cum multa succedentes temere mœnibus Romani milites acciperent vulnera, neque satis inceptis succederet, Fabius omittendam rem parvam, ac juxta magnis difficilem, abscedendumque inde censebat, cum res majores instarent. Marcellus multa magnis ducibus sicut non aggredienda, ita semel aggressis non dimittenda esse dicendo, quia magna famæ momenta in utranque partem fierent, tenuit ne incepto abiretur. Vineæ inde, omniaque alia operum machinationumque genera cum admoventur, Campanique Fabium orarent, ut abire Capuam tuto liceret, paucis egressis, Marcellus portam, qua egrediebantur, occupavit: cædesque promiscue omnium circa portam primo, deinde irruptione facta, etiam in urbe fieri cœpta est. Quinquaginta fere primo egressi Campanorum cum ad Fabium confugissent, præsidio ejus Capuam pervenerunt. Casilinum inter colloquia, cunctationemque petentium fidem, per occasionem captum est. captivi, quique Campanorum, quique Annibalis militum erant, Romam missi, atque ibi in carcere inclusi sunt: oppidanorum turba per finitimos populos in cursu.

stodiam divisa. Quibus diebus a Casilino re bene gesta recessum est, eis Gracchus in Lucanis aliquot cohortes in ea regione conscriptas cum præfecto sociorum in agros hostium prædatum misit. eos effuse palatos Anno adortus, haud multo minorem, quam ad Beneventum acceperat, reddidit hosti cladem: atque in Bruttios raptim, ne Gracchus assequeretur, concessit. Consulum Marcellus retro, unde venerat, Nolam redit: Fabius in Samnium ad populandos agros, recipiendasque armis, quæ defecerant, urbes processit. Caudinus Samnis gravius devastatus: perusti, populatique late agrî, prædæ pecudum, hominumque actæ: oppida vi capta, Compulteria, Telesia, Cossa, Melæ, Fifulæ, & Orbitanium. ex Lucanis Blandæ, Apulorum Ancæ oppugnatae. Millia hostium in his urbibus XXV capta, aut occisa: & recepti perfugæ CCCLXX; quos cum Romam misisset consul, virgis in Comitio cæsi omnes, ac de saxo dejecti. Hæc a Q. Fabio intra paucos dies gesta. Marcellum ab gerendis rebus valetudo adversa Nolæ tenuit. Et a prætore Q. Fabio, cui circa Luceriam provincia erat, Accua oppidum per eos dies vi captum, stativaque ad Ardoneas communita. Dum hæc aliis locis ab Romanis geruntur, jam Tarentum pervenerat Annibal cum maxima omnium, quacunque ierat, clade. in Tarentino demum agro pacatum incedere agmen cœpit. nihil ibi violatum, neque usquam via excessum est. apparebatque non id modestia militum, aut ducis, nisi ad conciliandos Tarentinorum animos, fieri. Cæterum cum prope jam mœnibus accessisset, nullo ad conspectum primi agminis, ut rebatur, motu facto, castra ab urbe ferme passus.

sus mille locat. Tarentum triduo antequam Annibal ad mœnia accederet, a M. Valerio pro prætore, qui classi ad Brundisium præerat, P. Valerius legatus missus. Is, primorum juventute conscripta, dispositisque ad omnes portas, circaque muros, qua res postulabat, stationibus, die ac nocte plurimum intentus, neque hostibus, neque dubiis sociis quicquam præbuit attentandum. Sicque diebus aliquot frustra ibi absumptis, Annibal, cum eorum nemo, qui ad lacum Averni adissent, aut ipsi venirent, aut nuntium literasve mitterent, vana promissa se temere secutum cernens, castra inde movit. Tum quoque intacto agro Tarentino, quanquam simulata lenitas nondum profuerat: tamen spe labefactandæ fidei haud abstinens, Salapiam tendit: eoque frumentum ex agris Metapontino, atque Heracleensi (jam mediæ ællas exacta erat, & hibernis placebat locus) comportat. Prædatum inde Numidæ Maurique per Sallentinum agrum, proximisque Apuliæ saltus dimissi: unde ceteræ prædæ haud multum, equorum greges maxime abacti: equibus ad quatuor millia domanda equitibus divisa.

CAPUT XI.

Rerum novarum in Sicilia causa est Hieronymi tyranni cades; cujus auctores, occupatis Syracusis, pertractisque ad deditionem regiis, qui firmissima urbis loca jam ceperant, populum libertatis amore inflammant.

ROmani, cum bellum nequaquam con- 21
temnendum in Sicilia oriretur; mors-
que tyranni duces magis impigros dedisset
Syracusanis, quam causam antanimos mu-
tasset; M. Marcello alteri consulum eam
provinciam decernunt. Secundum Hiero-
nymi cædem primo tumultuatum in Leon-
tinis apud milites fuerat, vociferatumque
ferociter, parentandum regi sanguine con-
juratorum esse. deinde libertatis restitutæ
dulce auditum nomen, crebro usurpatum,
spes facta ex pecunia regia largitionis mili-
ti, atque fungendi potioribus ducibus; &
relata tyranni fœda scelera, fœdiorelque
libidines, adeo mutavere animos, ut inse-
pultum jacere corpus paulo ante desiderati
regis paterentur. Cum cæteri ex conju-
ratis ad exercitum obtinendum remansis-
sent, Theodorus, & Solis regiis equis,
quanto maximo cursu poterant, ut ignaros
omnium regios opprimerent, Syracusas con-
tendunt. cæterum prævenerat non fama
solum, qua nihil in talibus rebus est cele-
rius, sed nuntius eçiam ex regiis servis:
itaque Andronodorus & insulam, & ar-
cem, & alia, quæ poterat, quæque oppor-
tuna erant, præsidiiis firmarat. Hexapylo
Theodorus ac Solis post solis occasum jam
obscura luce inveci, cum cruentam regiam

vestem, atque insigne capitis ostentarent, transvecti per Ticam, simul ad libertatem, simul ad arma vocantes, in Achradinam convenire jubent. Multitudo, pars procurrit in vias, pars in ædium vestibulis stat, pars ex tectis fenestrisque prospectant, & quid rei sit, rogitant. omnia luminibus collucent, strepituque vario complentur. armati locis patentibus congregantur. inermes ex Olympii Jovis templo spolia Gallorum, Illyriorumque, dona data Hieroni a populo Romano, fixaque ab eo, detrahunt, precantes Jovem, ut volens propitius præbeat sacra arma pro patria, pro deum delubris, pro libertate sese armantibus. Hæc quoque multitudo stationibus per principes regionum urbis dispositis adjungitur. In insula inter cætera Andronodorus præfidiis firmat horrea publica. Locus saxo quadrato septus, atque arcis in modum emunitus capitur ab juventute, quæ præsidio ejus loci attributa erat. mittuntque nuntios in Achradinam: horrea frumentumque in senatus potestate esse.

- 22 Luce prima populus omnis armatus inermisque in Achradinam ad curiam convenit. ibi pro Concordiæ arâ, quæ in eo sita loco erat, ex principibus unus, nomine Polyneus, concionem & liberam & moderatam habuit: *Servitudinis, indignitatisque homines expertos, adversus notum malum irritatos esse. Discordia civilis quas importet clades, audisse magis a patribus Syracusanos, quam ipsos vidisse. Arma quod impigre ceperint, laudare, magis laudaturum, si non utantur, nisi ultima necessitate coacti. in præsentia legatos ad Andronodorum mitti placere, qui denuntient, ut in potestate senatus, ac populi sit: porta insula pateant, reddat præsidium, si tutelam alieni*

*ni regni suum regnum velis facere, eundem sa-
 censere, multo acrius ab Andronodoro, quam
 ab Hieronymo, repeti libertatem. Ab hac con-
 cione legati missi sunt. senatus inde haberi
 cœptus est; quod sicut regnante Hierone
 manserat publicum consilium: ita post mor-
 tem ejus ante eam diem nulla de re neque
 convocati, neque consulti fuerant. Ut ven-
 tum ad Andronodorum est: ipsum quidem
 movebat & civium consensus, & cum aliæ
 occupatæ urbis partes, tum pars insulæ,
 velut munitissima prodita, atque alienata:
 sed evocatum eum ab legatis Demarata uxor,
 filia Hieronis, inflata adhuc regiis animis,
 ac muliebri spiritu, admonet sæpe usurpatæ
 Dionysii Tyranni vocis: *qua pedibus tractum,
 non insidentem equo, relinquere tyrannidem di-
 xerit debere. facile esse momento quo quis velit,
 cedere possessione magna fortuna: facere, & pa-
 rare eam, difficile, atque arduum esse. paulu-
 lum sumeret spatii ad consultandum ab legatis.
 eo uteretur ad accersendos ex Leontinis milites.
 quibus si pecuniam regiam pollicitus esset, omnia
 in potestate ejus futura.* Hæc muliebria consi-
 lia Andronodorus neque tota aspernatus est,
 neque extemplo accepit: tutiorem ad opes
 affectandas ratus esse viam, si in præsentia
 tempori cessisset. itaque legatos renuntiare
 jussit, futurum se in senatus, ac populi po-
 testate. Postero die, luce prima patefactis
 insulæ portis, in forum Achradinæ venit.
 ibi in aram Concordiæ, ex qua pridie Poly-
 neus concionatus erat, ascendit: orationem-
 que eam orsus est, qua primum cunctationis
 suæ veniam petivit. *Se enim clausas habuisse
 portas, non separantem suas res a publicis, sed,
 strictis semel gladiis, timentem qui finis cadibus
 esset futurus, utrum, quod satis libertati foret,**

contentinece tyranni essent: an quicumque aut propinquitate, aut affinitate, aut aliquibus ministeriis regiam corrigissent, aliena culpa rei trucidarentur. postquam animadvertit, ecs, qui liberassent patriam, servare etiam libertatem velle, atque undique consuli in medium: non dubitasse, quin & corpus suum, & cætera omnia, quæ suæ fidei intelaque essent, quando cum, qui mandasset, suus furor absumpsisset, patria restitueret. Conversus deinde ad interfectores tyranni, ac nomine appellans Theodorum, ac Sosim, facinus, inquit, memorabile fecistis. sed, mihi credite, inchoata vestra gloria nondum perfectæ est: periculumque ingens manet, nisi communi concordia consulitis, ne libera afferatur respub. Post hanc orationem, claves portarum pecuniæque regiae ante pedes eorum posuit. atque illo quidem die dimissi ex concione læti circa omnia fana deum supplicaverunt cum conjugibus, ac liberis. Posterodie comitia prætoribus creandis habita. creatus in primis Andronodorus: cæteri magna ex parte interfectores tyranni. duos etiam absentes, Sopatrum ac Deome-nem, fecerunt. Qui, auditis iis, quæ Syraculis acta erant; pecuniam regiam, quæ in Leontinis erat, Syracusas devectam quæstoribus ad idipsum creatis tradiderunt. & ea, quæ in insula erat, & Achradina, tradita est. murique ea pars, quæ ab cætera urbe nimis firmo munimento intersepiebat insulam, consensu omnium dejecta est. secutæ & cæteræ res hanc inclinationem animorum ad libertatem.

CAPUT XII.

Hippocrates , & Epicides , per quos Annibali , atque Hieronymo iuncta amicitia fuerat , rem ad Carthaginienses trahere clam Syracusis conantur .

Hippocrates , atque Epicides , audita morte tyranni , quam Hippocrates etiam nuntio interfecto celare voluerat : deserti a militibus , quia id tutissimum ex præsentibus videbatur , Syracusas rediere . ubi ne suspecti observarentur , tanquam novandi res aliquam occasionem quærentes : prætores primum , dein per eos senatum adeunt . Ab Annibale se missos prædicant ad Hieronymum , tanquam amicum , ac socium . paruisse imperio ejus , cujus imperator suus voluerit . velle ad Annibalem redire . cæterum cum iter tutum non sit , vagantibus passim per totam Siciliam Romanis armis , petere , ut præsidii dent aliquid , quo Locros in Italiam perducantur . gratiam magnam eos parva opera apud Annibalem inituros . Facile res impetrata : abire enim duces regios , cum peritos militiæ , tum egentes eisdem atque audaces , cupiebant . sed , quod volebant , non quam maturato opus erat , gnaviter expediebant . Interim juvenes militares , & assueti militibus , nunc apud eos ipsos , nunc apud transfugas , quorum maxima pars ex navalibus sociis Romanorum erat , nunc etiam apud infimæ plebis homines crimina serebant in senatum , optimatesque , moliri clam eos atque struere , ut Syracusæ per speciem reconciliandæ societatis in ditione Romanorum sint : dein factio , ac per pauci auctores fœderis renovati dominantur .

CAPUT XIII.

Detesta Syracusis regionum contra libertatem conjuratione, omnes regia stirpis interficiuntur: ex his Heraclea, Hieronis filia, cum duabus natis virginibus misera morte occiditur. Seditioes deinde excitantibus apud multitudinem Hippocrate, atque Epicide, cum alii ad Carthaginienses, alii ad Romanos retraherent, tandem Romanipotius, quam Carthaginienses socii liguntur.

- 24 **H**is audiendis; credendisque opportuna multitudo major in dies Syraculas confluebat: nec Hippocrati, & Epicidi solum spem novandarum rerum, sed Andronodoro etiam præbebat. Qui festius tandem uxoris vocibus monentis, nunc illud esse tempus occupandi res, dum turbata omnia nova, atque incognita libertate essent, dum regis stipendiis passus obversaretur miles, dum ab Annibale missi duces assueti militibus juvare possent incæpta: cum Themisto, cui Gelonis filia nupta erat, rem consociatam paucos post dies Aristoni cuidam tragico actori, cui & alia arcana committere allueverat, incaute aperit. Huic & genus, & fortuna honesta erant: nec ars, quia nihil tale apud Græcos pudori est, ea deformabat. itaque fidem potiolem ratus, quam patriæ debebat, indicium ad prætores defert. Qui ubi rem haud vanam esse certis indiciis compererunt: consultis senioribus, & auctoritate eorum præsidio ad fores posito, ingressos curiam Themistum, atque Andronodorum interfecerunt. & cum tumultus ab re in speciem atrocior, causam aliis ignorantibus, ortus esset:

esset: silentio tandem facto, indicem in curiam introduxerunt. Qui cum ordine omnia edocuisset: & principium conjurationis factum ab Hermonia, Gelonis filia, nuptiis, quibus Themisto juncta esset: Afrorum Hispanorumque auxiliares instructos ad eadem prætorum, principumque aliorum: bonaque eorum prædæ futura interfectioribus pronuntiatum: jam mercenariorum manum assuetam imperiis Andronodori paratam fuisse ad insulam rursus occupandam: singula deinde, quæ, per quosque agerentur, totamque viris, armisque instructam conjurationem ante oculos posuisset: senatui quidem tam jure cæsi, quam Hieronymus, videbantur. Ante curiam varia, atque incertæ rerum multitudinis clamor erat. quam ferociter minitantem in vestibulo curiæ corpora conjuratorum eo metu compresserunt, ut silentes integram plebem in concionem sequerentur. Sopatro mandatum ab Senatu, & ab collegis, ut verba faceret. Is (tanquam reos agebat) ab ante acta vita orsus, quæcunque post Hieronis mortem scelestæ, atque impie facta essent, Andronodorum, ac Themistum arguit fecisse. *Quid enim sua sponte fecisse Hieronymum puerum, ac vixdum pubescentem facere potuisse? tutores, ac magistratus ejus sub aliena invidia regnasse, itaque aut ante Hieronymum, aut certe cum Hieronymo perire eos debuisse. At illos debitos jam morti destinatosque, alia nova scelera post mortem tyranni molitos. palam primo, cum clausis Andronodorus insula portis, hereditatem regni creverit: quæque procurator tenebat, pro domino possederit, proditus deinde ab eis, qui in insula erant, circumfessus ab universa civitate, qua Achradinam tenebat,*

rit, nequicquam palam atque aperte petitum regnum, clam & dolo affectare conatus sit. Et ne beneficio quidem, atque honore petuerit vincere: cum inter liberatores patria insidiator ipse libertatis creatus esset prator. Sed animos eis regios regias conjuges fecisse: alteri Hieronis, alteri Gelonis, filias nuptas. Sub hanc vocem ex omnibus partibus concionis clamor oritur, nullam earum vivere debere, nec quenquam superesse tyrannorum stirpis. Hæc natura multitudinis est: aut servit humiliter, aut superbe dominatur. libertatem, quæ media est, nec spernere modice, nec habere sciunt. & non ferme desunt irarum indulgentes ministri, qui avidos atque intemperantes plebejorum animos ad sanguinem, & cædes irritent. sic tum extemplo prætores rogationem promulgarunt, (acceptaque pene prius, quam promulgata est) ut omnes regiæ stirpis interficerentur. missique a prætoribus Demaratam Hieronis, & Harmoniam Gelonis filias, conjuges Andronodori, & Themisti, interfecerunt. Heraclæa erat filia Hieronis, uxor Sosippi: qui legatus ab Hieronymo ad regem Ptolemæum missus, voluntarium consciverat exilium. Ea cum ad se quoque venire præscisset, in sacrum ad penates confugit cum duabus filiabus virginibus, resolutis crinibus, miserabilique alio habitu: & ad ea addidit preces, nunc per memoriam Hieronis patris, Gelonisque fratris, ne se innoxiam invidia Hieronymi conflagrare sinerent. nihil se ex regno illius, præter exilium viri, habere. neque fortunam suam eandem vivo Hieronymo fuisse, quam sororis: neque interfecto eo, causam eandem esse. Quid, quod si Andronodoro consilia processissent, illa cum viro fueris regna-

tura , sibi cum ceteris serviendum ? Si quis Sosippo nuntiet , interfectum Hieronymum , ac liberatas Syracusas , cui dubium esse , quin ex templo conscensurus sit navim , atque in patriam rediturus ? Quantum spes hominum fallit : in liberata patria conjugem ejus , ac liberos de vita dimicare ? quid obstantes libertati , aut legibus ? quod ab se cuiquam periculum a sola , ac prope vidua , & puellis in orbitate degentibus esse ? At enim periculi quidem nihil ab se timeri : invisam tantum regiam stirpem esse . Ablegarent ergo procul ab Syracusis , Siciliaque , & asportari Alexandriam juberent ad virum uxorem , ad patrem filias . Aversis auribus , animisque , casse ne tempus tereretur , (ferrum enim quosdam expedientes cernebat) tum omis- sis pro se precibus , puellis ut saltem parcerent , orare institit : a qua ætate etiam hostes irati abstinerent : ne tyrannos ulciscendo , quæ odissent scelera , ipsi imitarentur . Inter hæc abstractam a penetralibus jugulant . in virgines deinde resperfas matris cruore impetum faciunt : quæ alienata mente simul luctu , metuque , velut captæ furore , occursum se ex sacrario proripuerunt : ut , si effugium patuisset in publicum , impleturæ urbem tumultu fuerint . tum quoque haud magno ædium spatio inter medios tot armatos aliquoties integro corpore evaserunt : tenentibusque , cum tot ac tam validæ eluctandæ manus essent , sese eripuerunt , tandem vulneribus confectæ , cum omnia replessent sanguine , exanimis corruerunt . cædemque per se miserabilem , miserabiliorem casus fecit : quod paulo post nuntius venit , mutatis repente ad misericordiam animis , ne interficerentur .

27 Ira deinde ex misericordia orta: quod adeo festinatum ad supplicium, neque locus pœnitendi, aut regressus ab ira relictus esset, itaque fremere multitudo, & in locum Andronodori, ac Themisti (nam ambo prætores fuerant) comitia poscere, quæ nequaquam ex sententia prætorum futura essent. Statutus est comitiis dies: quo, nec opinantibus omnibus, unus ex ultima turba Epicidem nominavit: tum inde alius Hippocratem. crebriores deinde eæ voces, & cum haud dubio assensu multitudinis esse. Et erat confusa concio, non populari modo, sed militari quoque turba, magna ex parte etiam perfugis, qui omnia novare cupiebant, permittis. Prætores dissimulare primo: & trahendam rem esse. postremo victi consensu, & seditionem metuentes, pronuntiant eos prætores. Nec illi primo statim creati nudare quid vellent: quanquam ægre ferebant, & de induciis dierum decem legatos isse ad Appium Claudium: & impetratis eis, alios, qui de fœdere antiquo renovando agerent, mis-
 sos. Ad Murgantiam tum classem navium centum Romanus habebat, quo evaderent motus ex cædibus tyrannorum orti Syracusis, quoque eos ageret nova atque insolita libertas, opperiens. Per eosdem dies cum ad Marcellum venientem in Siciliam legati Syracusani missi ab Appio essent: auditis conditionibus pacis, Marcellus posse rem convenire ratus, & ipse legatos Syracusas, qui coram cum prætoribus de renovando fœdere agerent, misit. Et jam ibi nequaquam eadem quies, & tranquillitas erat. postquam Punicam classem accessisse Pachynum allatum est: dempto timore, Hippocrates, & Epicides nunc apud mercenarios milites,
 nunc

nunc apud transfugas, prodi Romanis Syracusas, criminabantur. At vero Appius naves ad hostium portus, quid aliæ partis hominibus animi accederet, opperiens, in statione habere cœpit. Ingens in speciem criminibus vanis accesserat fides: ac primo etiam tumultuose decurrerat multitudo ad prohibendos, si in terram egrederentur. In hac turbatione rerum in concionem vocari placuit, ubi cum alii alio tenderent, nec procul a seditione res esset, Apollonides, principum unus, orationem salutarem, ut in tali tempore, habuit: *Nec spem salutis, nec perniciem propiorem unquam civitati ulli fuisse. si enim uno animo omnes vel ad Romanos, vel ad Carthaginienses inclinent, nullius civitatis statum fortunatiorem, gratioremve fore. si alia alio trahat res, non inter Pœnos, Romanosque bellum atrocius fore, quam inter ipsos Syracusanos: cum intra eosdem muros pars unaquaque suos exercitus, sua arma, suos habitura sit duces, itaque ut idem omnes sentiant, summa vi agendum esse, utra societas sit utilior, longe minoris adeo rem momenti ad consultationem esse, sed tamen Hieronis potius, quam Hieronymi auctoritatem sequendam in sociis legendis, vel quinquaginta annis feliciter expertam amicitiam nunc incognita, quondam infideli, præferendam. Esse etiam momenti aliquid ad consilium, quod Carthaginiensibus ita pax negari possit, ut non utique in præsentia bellum cum eis geratur: cum Romanis extemplo aut pacem, aut bellum habendum. Quo minus cupiditatis, ac studii visa est oratio habere, eo plus auctoritatis habuit. Adjectum est prætoribus, ac delectis senatorum militare etiam consilium: jussi & duces ordinum, præfectique auxiliorum simul consulere.*

Cum sæpe acta res esset mediis certaminibus : postremo , quia belli cum Romanis gerendi ratio nulla apparebat , pacem fieri placuit , mittique cum eis legatos ad rem confirmandam .

CAPUT XIV.

*Junctum cum Romanis fœdus per Hippocratem , & Epicidem rumpitur : cum ex Leontinis facta esset in Romanam stationem irruptio , accurrens Marcellus urbem expugnat : fugientes inde Hippocrates , atque Epicides , au-
cta fama cadis , Romanorum crudelitatem per literas quoque fictas suspectam faciunt : missis Syracusas falsis nuntiis , ibi quoque tumultus excitant : mox accedentes ipsi , opera concitata multitudinis urbem occupant .*

- 29 **D**ies haud ita multi intercesserant , cum ex Leontinis legati præsidium finibus suis orantes venerunt . Legatio peropportuna visa ad multitudinem inconditam ac tumultuosam exonerandam , ducesque ejus ablegandos . Hippocrates prætor ducere eo transfugas jussus . secuti multi ex auxiliis mercenariis quatuor millia armatorum effecerunt . Et mittentibus , & missis ea læta expeditio fuit . nam & illis , quod jandiu cupiebant , novandi res occasio data est : & hi sentinam quandam urbis rati exhaustam , lætabantur . cæterum levaverunt modo in præsentia velut corpus ægrum , quo mox in graviores morbum recideret . Hippocrates enim finitima provinciæ Romanæ primo furtivis excursionibus vastare cœpit : deinde cum ad tuendos sociorum agros missum ab Appio præsidium esset , omnibus copiis impetum
- in

in oppositam stationem cum cæde multorum fecit. Quæ cum essent nuntiata Marcello, legatos ex templo Syracusas misit, qui pacis fidem ruptam esse dicerent: nec belli defuturam unquam causam, nisi Hippocrates, atque Epicides non ab Syracusis modo, sed tota procul Sicilia ablegarentur. Epicides ne aut reus criminis absentis fratris præfens esset, aut deesset pro parte sua concitando bello: profectus & ipse in Leontinos, quia satis eos adversus populum Romanum concitatos cernebat: avertere etiam ab Syracusis cœpit. *Nam ita eos pacem pepigisse cum Romanis, ut quicumque populi sub regibus fuissent, & sua ditionis essent: nec jam libertate contentos esse, nisi etiam regnent, ac dominantur. Renuntiandum igitur eis esse, Leontinos quoque æquum censere liberos esse, vel quod in solo urbis sua tyrannus ceciderit: vel quod ibi primum conclamatum ad libertatem, relictisque regiis ducibus, Syracusas sit concursum. Itaque aut eximendum id de fœdere esse, aut legem eam fœderis non accipiendam.* Facile multitudinî persuasum. legatisque Syracusanorum & de cæde stationis Romanæ querentibus, & Hippocratem atque Epicidem abire, seu Locros, seu quo alio mallet, dummodo Sicilia crederent, jubentibus, ferociter responsum est: neque mandasse sese Syracusanis, ut pacem pro se cum Romanis facerent, neque teneri alienis fœderibus. Hæc ad Romanos Syracusani detulerunt, abnuentes, Leontinos in sua potestate esse. itaque integro secum fœdere, bellum Romanos cum iis gesturos, neque sese defuturos ei bello: ita, ut in potestatem redacti, suæ rursus ditionis essent, sicut pax convenisset. Marcellus cum omni

exercitu profectus in Leontinos, Appio quoque accito, ut altera parte aggrederetur, tanto ardore militum est usus ob iram inter conditiones pacis interfectæ stationis, ut primo impetu urbem expugnarent. Hippocrates, atque Epicides, posteaquam capi muros, refringique portas viderunt, in arcem sese cum paucis recepere. inde clam nocte Herbelum perfugiunt. Syracusanis octo millium armatorum agmine profectis domo, ad Mylam flumen nuntius occurrit, captam urbem esse, cætera falsa mista veris ferens, cædem promiscuam militum, atque oppida, horum factam, nec quenquam puberem arbitrari superesse: direptam urbem, bona locupletum donata. Ad nuntium tam atrocem constitit agmen: concitatisque omnibus, duces (erant autem Sosis, ac Dinomenes) quid agerent, consultabant. Erroris speciem haud vanam mendacio præbuerant verberati, ac securi percussi transfugæ ad duo millia hominum. Cæterum Leontinorum, militumque aliorum nemo post captam urbem violatus fuerat: suaque omnia eis, nisi quæ primus tumultus captæ urbis absumpserat, restituebantur. Nec ut in Leontinos irent, proditos ad cædem commilitones querentes, percelli potueret: nec ut eodem loco certiores nuntium expectarent. Cum ad defectionem inclinatos animos cernerent prætores, sed eum motum haud diuturnum fore, si duces a mentis sublati essent, exercitum ducunt Megaram. ipsi cum paucis equitibus Herbesum proficiscuntur, spe, territis omnibus, per proditorem urbis potiundæ. quod ubi frustra eis fuit incæptum, vi agendum rati, postero die Megaris castra movent, ut Herbesum omnibus copiis oppugnarent. Hippo-
cra-

crates, & Epicides non tam tutum prima specie, quam unum, spe undique abscissa, consilium esse rati, ut se militibus permitterent, & assuetis magna ex parte sibi, & tum fama cædis commilitonum accensis, obviam agmini procedunt. Prima forte signa lexcen-
 torum Cretensium erant, qui apud Hieronymum meruerant sub eis, & Annibalis beneficium habebant, capti ad Trasymenum inter Romana auxilia, dimissique. quos ubi ex signis armorum habituque cognovere Hippocrates, atque Epicides, ramos oleæ, ac velamenta alia supplicum porrigentes orare, *ut reciperent sese: receptosque tutarentur, ne proderent Syracusanis; a quibus mox ipsi trucidandi populo Rom. dederentur.* Enimvero con-
 clamant: *bonum ut animum haberent, omnes se cum illis fortunam subituros.* Inter hoc colloquium signa constiterant, tenebaturque agmen: necdum, quæ moræ causa foret, pervenerat ad duces. Postquam Hippocratem, atque Epicidem adesse pervasit rumor, fremitusque toto agmine haud dubie approbantium adventum eorum, extemplo prætores citatis equis ad prima signa perrexerunt: *qui mos ille, qua licentia Cretensium esset, rogitantes, colloquia ferendi cum hoste, injussu-
 que prætorum miscendi eos agmini suo?* comprehendendi, vincirique catenis iusserunt Hippocratem. Ad quam vocem tantus extemplo primum a Cretensibus clamor est ortus, deinde exceptus ab aliis, ut facile, si ultra tenderent, appareret eis timendum esse. Solliciti incertique rerum suarum Megaram, unde profecti erant, referri signa jubent, nuntiosque de statu præsentis Syracusas mittunt. Fraudem quoque Hippocrates addit inclinatis ad omnem suspicionem animis, & Cre-

tensium quibusdam ad itinera insidenda missis, velut interceptas litteras, quas ipse composuerat, recitat. *Prætores Syracusani Marcello suo S. Secundum salutem, ut assolet, scriptum erat, Recte eum, atque ordine fecisse, quod in Leontinis nulli pepercisset. Sed omnium mercenariorum militum eandem esse causam: nec unquam Syracusas quieturas, donec quicquam externorum auxiliorum aut in urbe, aut in exercitu suo esset. itaque daret operam, ut eos, qui cum suis prætoribus castra ad Megaram haberent, in suam potestatem redigeret, ac supplicio eorum liberaret tandem Syracusas.* Hæc cum recitata essent, tanto clamore ad arma discursum est, ut prætores inter tumultum pavidi obequitaverint Syracusas. & ne fuga quidem eorum seditio compressa est, impetusque in Syracusanos milites fiebat. nec ab ullo temperatum foret, ni Epicles, atque Hippocrates iræ multitudinis obviam issent: non a misericordia, aut humano consilio; sed ne spem reditus præciderent sibi; & cum ipsos simul milites fidos haberent, simul obsides, tum cognatos quoque eorum, atque amicos tanto merito primum, dein pignore sibi conciliarent. expertique quam vana, aut levi aura mobile vulgus esset, militem nacti ex eo numero, qui in Leontinis circumfessi erant, subornant, ut Syracusas perferret nuntium convenientem eis, quæ ad Mylam falso nuntiata erant; auctoremque se exhibendo, ac velut visa, quæ dubia erant, narrando, concitaret iras hominum. Huic non apud vulgum modo fides fuit, sed senatum quoque in curiam introductus movit, ut vani quidam homines palam ferrent, perbene detectam in Leontinis esse avaritiam, & crudelitatem Romanorum

norum. eadem, si intrassent Syracusas, aut fe-
 dora etiam, quo majus ibi avaritiæ præmium
 esset, facturos fuisse. Itaque claudendas cuncti
 portas, & custodiendam urbem censere. sed
 non ab eisdem omnes timere, nec eosdem
 odisse. apud militares pene omnes, partem-
 que magnam plebis invisum esse nomen Ro-
 manum. prætores, optimatumque pauci quan-
 quam inflati vano nuntio erant, tamen ad
 propius, præsentiusque malum cautiores es-
 se. Et jam ad Hexapylum erant Hippocrates,
 atque Epicides: ferebanturque colloquia per
 propinquos popularium, qui in exercitu e-
 rant, ut portas aperirent, sinerentque com-
 munem patriam defendi ab impetu Romano-
 rum. Jam unis foribus Hexapyli apertis cœ-
 pti erant recipi, cum prætores interven-
 runt. & primo imperio minisque, deinde au-
 ctoritate deterrendo, postremo, ut omnia
 vana erant, obliti majestatis, precibus age-
 bant, ne proderent patriam tyranni ante sa-
 tellitibus, & tum corruptoribus exercitus.
 Sed surdæ adeo omnium aures concitatæ mul-
 titudinis erant, quod non minore intus vi,
 quam foris portæ effringerentur. effractisque
 omnibus tuto in Hexapulo agmen receptum
 est. Prætores in Achradinam cum juventute
 popularium confugiunt. mercenarii milites,
 perfugæque, & quicquid regionum militum
 Syracusis erat, agmen hostium augent. Ita A-
 chradina quoque primo impetu capitur; præ-
 toresque, nisi qui inter tumultum effugerunt,
 omnes interficiuntur. nox cædibus finem fecit.
 Postero die servi ad pileum vocati, & carcere
 victi emissi. confusaq; omnis multitudo Hip-
 pocratem, atque Epicidem creant prætores:
 Syracusæque, cum breve tempus libertas af-
 fulsisset, in antiquam servitutem reciderunt.

CAPUT · XV.

*Syracusas , ubi per legatos de pace missos nihil proficitur , terra marique Marcellus aggre-
ditur : omnes conatus indifcante bellicis
machinis Archimede , ab oppugnatione abste-
ffit .*

- 33 **H**Æc nuntiata cum essent Romanis , ex
Leontinis mota sunt extemplo castra
ad Syracusas . Et ab Appio legati per por-
tum missi forte in quinquere mi erant . præ-
missa quadriremis cum intrasset fauces por-
tus , capitur . legati ægre effugerunt . Et
jam non modo pacis , sed ne belli quidem
jura relicta erant , cum Romanus exercitus
ad Olympicum (Jovis id templum est) mille
& quingentis passibus ab urbe castra posuit .
Indequoque legatos præmitti placuit . qui-
bus , ne intrarent urbem , extra portam
Hippocrates , atque Epicides obviam cum
suis processerunt . Romanus orator , non
bellum se Syracusanis , sed opem auxiliumque
afferre ait : & iis , qui ex media cade elapsi
perfugerint ad se , & eis , qui metu oppressi ,
fœdiorem non exilio solum , sed etiam morte
servitutem patiantur . Nec eadem nefandam
sociorum inultam Romanos passuros . Itaque si
eis , qui ad se perfugerunt , tutus in patriam
reditus pateret , ac cadis auctores dedantur ,
& libertas , legesque Syracusanis restituantur ,
nihil armis opus esse . si ea non fiant , quicun-
que in mora sit , bello persecuturos . Ad ea
Epicides , si qua ad se mandata haberent ,
respondit eis , ait , se daturus fuisse : cum in
eorum , ad quos venerint , manu res Syracu-
sana esset , tum revertorentur . Si bello laces-
sant ,

*sant, ipsæ re intellecturos, nequaquam idem esse Syracusas, ac Leontinoæ oppugnare. Ita legatis relictis portas clausit. Inde terra, marique simul cœptæ oppugnari Syracusæ, terra ab Hexapylo, mari ab Achradinæ, cujus murus fluctu alluitur. & quia sicut Leontinos terrore, ac primo impetu ceperant, non diffidebant, vastam, disiectamque spatium urbem parte aliqua se invasuros, omnem apparatus oppugnandarum urbium muris admoverunt. Et habuisset tanto impetu cœpta res fortunam, nisi unus homo Syracusis ea tempestate fuisset. Archimedes is erat, unicus spectator cœli, siderumque, mirabilior tamen inventor, ac machinator bellicorum tormentorum, operumque; quibus ea, quæ hostes ingenti mole agerent, ipse per levi momento ludificaretur. Murum per inæquales ductum colles, pleraque alta & difficilia aditu, summissa quædam, & quæ planis vallibus adiri possent, ut cuique aptum visum est loca, ita omni genere tormentorum instruxit. Achradinæ murum, qui, ut ante dictum est, mari alluitur, ex quinquere-
 34
 mis Marcellus oppugnabat. ex cæteris navibus sagittarii, funditoresque, & velites etiam, quorum telum inhabile ad remittendum imperitis est, vix quenkquam sine vulnere consistere in muro patiebantur. Hi, quia spatio missilibus opus est, procul muro tenebant naves. junctæ aliæ binæ ad quinquere-
 72
 mes, ademptis interioribus remis, ut latus lateri applicaretur: cum exteriori ordine remorum velut naves agerentur: turres contabulatas, machinamenta que alia quatiendis muris portabant. Adversus hunc navalem apparatus, Archimedes variæ magnitudinis tormenta in muris disposuit. in eas, quæ
 pro-*

procul erant; naves, saxa ingenti pondere emittebat: propiores levioribus, eoque magis crebris petebat telis. postremo ut sui vulnere intacti tela in hostem ingererent, murum ab imo ad summum crebris cubitalibus fere caveis aperuit: per quæ cava pars sagittis, pars scorpionibus modicis ex occulto petebant hostem. Quæ propius quidem subibant naves, quo interiores ictibus tormentorum essent, in eas tollenone super murum eminente ferrea manu firmæ catenæ illigata, cum injecta proræ esset, gravique libramento plumbi recelleret ad solum, suspensa prora, navim in puppim statuebat. dein remissa subito, velut ex muro cadentem navim cum ingenti trepidatione nautarum ita undæ affligebat, ut etiam si recta recideret, aliquantum aquæ acciperet. Ita maritima oppugnatio est elusa: omnisque vis est averfa, ut totis viribus terra aggredierentur. sed ea quoque pars eodem omni apparatu tormentorum instructa erat, Hieronis impensis curaque per multos annos, Archimedis unica arte. natura etiam adjuvabat loci: quod saxum, cui imposita muri fundamenta sunt, magna ex parte ita proclive est, ut non solum missa tormento, sed etiam quæ pondere suo provoluta essent, graviter in hostem inciderent: eadem causa ad subeundum arduum aditum instabilemque ingressum præbebat. Ita consilio habito, cum omnis conatus ludibrio esset, absistere oppugnatione, atque obsidendo tantum arcere terra marique com meatibus hostem placuit. Interim Marcellus cum tertia fere parte exercitus ad recipiendas urbes profectus, quæ in motu rerum ad Carthaginienes defecerant, Pelorum, atque Herbesum dedentibus ipsis recepit, Megaram vi captam diruit, ac diripuit,

puit, ad reliquorum, ac maxime Syracusanorum terrorem.

CAPUT XVI.

Ex occupatis ab Hippocrate & Epicide Syracusis, facta spe Pænis repetenda Sicilia, Himilco Carthagine cum navis viribus adveniens. Agrigentum recipit: spectantes inde ad defectionem Siculos cohibet prospere commissa a Marcello pugna cum Hippocrate, qui ut Himilconi se adjungeret, Syracusis exierat.

PER idem fere tempus & Himilco, qui ad Pachyni promontorium classem diu tenuerat, ad Heracleam, quam vocant Minoam, quinque & viginti millia peditum, tria equitum, XII elephantos exposuit. Nequaquam cum tantis copiis ante tenuerat ad Pachynum classem: sed postquam ab Hippocrate occupatæ Syracusæ erant, profectus Carthaginem, aditusque ibi & ab legatis Hippocratis, alterisque Annibalis, qui venisse tempus agebant Siciliæ per summum decus repetendæ: & ipse haud vanus præfens monitor facile perpulerat, ut, quantæ maxime possent, peditum equitumque copiæ in Siciliam trajicerentur. adveniens Heracleam, intra paucos dies inde Agrigentum recipit: aliarumque civitatum, quæ partis Carthaginensium erant, adeo accensæ sunt spes ad pellendos Sicilia Romanos, ut postremo etiam qui obsidebantur Syracusis, animos sustulerint. & parte copiarum satis defendi urbem possiderati, ita inter se munera belli partiti sunt: ut Epicides præesset custodiæ urbis, Hippocrates Himilconi conjunctus, bellum adversus

fus consulem Romanum gereret. Cum de-
 cem millibus peditum, quingentis equitibus
 nocte per intermissa custodiis loca profectus,
 castra circa Acrillas urbem ponebat. Mu-
 nientibus supervenit Marcellus, ab Agrigen-
 to jam occupato, cum frustra eo, prævenire
 hostem festinans, tetendisset, rediens: nihil
 minus ratus, quam illo tempore, ac loco Sy-
 racusanum sibi exercitum obviam fore. sed
 tamen metu Himilconis Pœnorumque, ut
 quibus nequaquam eis copiis, quas habebat,
 par esset, quam poterat maxime intentus,
 atque agmine ad omnes casus composito,
 36 ibat. Forte ea cura, quæ erat adversus Pœ-
 nos præparata, adversus Siculos usui fuit.
 Castris ponendis incompósitos ac dispersos
 nactus eos, & plerosque inermes, quod pe-
 ditum fuit, circumvenit. eques, levi certa-
 mine inito, cum Hippocrate Acras perfu-
 git. Ea pugna deficientes ab Romanis cum
 cohibuisset Siculos, Marcellus Syracusas re-
 diit: & post paucos dies Himilco, adjuncto
 Hippocrate, ad flumen Anátim, octo ferme
 inde millia, castra posuit. Sub idem fere
 tempus & naves longæ quinque & quinqu-
 aginta Carthaginensium cum Bomilcare,
 classis præfecto, in magnum portum Syracu-
 sas ex alto decurrere: & Romana item classis
 XXX quinquereemes legionem primam Pa-
 normi exposuere: versumque ab Italia bel-
 lum. adeo uterque populus in Siciliam inten-
 tus fuisse videri poterat. Legionem Roma-
 nam, quæ exposita Panormi erat, venien-
 tem Syracusas, prædæ haud dubiæ sibi futu-
 ram, Himilco ratus, via decipitur: medi-
 terranco namque Pœnus itinere duxit: legio
 maritimis locis classe prosequente ad Appium
 Claudium Pachynum cum parte copiarum
 obviam

obviam progressum, pervenit. Nec diutius Pœni Syracusis morati sunt. & Bomilcar simul parum fidens navibus suis, duplici facile numero classe adventantibus Romanis, simul inutili mora cernens nihil aliud ab suis, quam inopia aggravari socios, velis in altum datis, in Africam transmisit.

CAPUT XVII.

Himilco Murgantium per prodicionem recipit. Enna, cum defectionem & ipsa ab Romanis agitaret, a L. Pinario præfecto præstiti, trucidatis oppidanis, id quod in talere videbatur necessarium, retinetur.

ET Himilco secutus nequicquam Marcel- lum Syracusas, si qua prius, quam maioribus copiis jungeretur, occasio pugnandi esset: postquam ea nulla contigerat, tutumque ad Syracusas & munimento, & viribus hostem tenebat: ne frustra assidendo, spectandoque obsidionem sociorum, tempus tereret, castra inde movit: ut quocunque vocasset defectionis ab Romanis spes, admoveret exercitum: ac præfens suas res foventibus adderet animos. Murgantium primum, prodito ab ipsis præsidio Romano, recepit: ubi frumenti magna vis, commeatusque omnis generis convecti erant a Romanis. Ad hanc defectionem erecti sunt & aliarum civitatum animi: præsidiaque Romana aut pellebantur arcibus, aut prodita per fraudem opprimebantur. Enna in excelso loco ac prærupto undique sita, cum loco inexpugnabilis erat, tum præsidium in arce validum, præfectumque præsidii haud sane opportunum insidiantibus habebat, L. Pinarius erat, vir acer, & qui plus

plus in eo, ne posset decipi, quam in fide Sicularum, reponeret. & tum intenderant eum ad cavendum omni cura tot audita proditiones defectionesque urbium, & clades præsidiorum. itaque nocte, dieque juxta parata, instructaque omnia custodiis, ac vigiliis erant: nec ab armis, aut loco suo miles abscedebat. Quod ubi Ennensium principes jam pacti cum Himilcone de proditione præsidii, animadverterunt, nulli occasione fraudis Romanum patere, aperte, ac propalam placuerat agendum. Urbem, arcemque sua potestatis ajunt debere esse, si liberi in societatem, non servi in custodiam traditi essent Romanis. itaque claves portarum reddi sibi, æquum censent. bonis sociis fidem suam maximum vinculum esse. & ita si populum Romanum senatumque gratias habiturum, si volentes, ac non coacti mansissent in amicitia. Ad ea Romanus, se in præsidio impositum esse dicere ab imperatore suo: clavesque portarum, & custodiam arcis ab eo accepisse, qua nec suo, nec Ennensium arbitrio haberet, sed ejus, qui commisisset. præsidio decedere, apud Romanos capitale esse: & nece liberorum etiam suorum eam parentes sanxisse. consulem Marcellum haud procul esse: ad eum mitterent legatos, ejus juris, atque arbitrii esset. Se vero negare illi missuros: testarique, si verbis nihil agerent, vindictam aliquam libertatis sua questuros. Tum Pinarius ait illis, si ad consulem gravarentur mittere, sibi salutem darent populi consilium: ut sciretur, utrum paucorum ea denuntiata, an universa civitatis essent. Consensu in posterum diem concio edicitur. Postquam ab eo colloquio in arcem sese recepit, convocati,

mi-

militibus, Credo ego vos audisse, milites, in-
 quit, quemadmodum prasidia Romana ab Si-
 culis circumventa, & oppressa sint per hos
 dies. eam vos fraudem, deum primo beni-
 gnitate, dein vestra ipsi virtute, dies noctes-
 que perstando ac pervigilando in armis, vita-
 stis. utinam reliquum tempus nec patiando
 infanda, nec faciendo, traduci possit. Hec,
 occulta fraude, cautio est: qua, quia ad-
 huc minus cuiquam successit, aperte ac pro-
 palam claves portarum reposcunt. quas simul
 tradiderimus. Carthaginensium extemplo En-
 na erit: fœdusque hic trucidabimur, quam
 Murgantia prasidium interfectum est. No-
 etem unam agere ad consultandum sumpsi,
 qua vos certiores periculi instantis facerem.
 Orta luce concionem habituri sunt ad crimi-
 nandum me, concitandumque in vos popu-
 lum. itaque crastino die aut vestro, aut
 Ennensium sanguine Enna inundabitur. nec
 praoccupati peculii: nec occupantes, pericu-
 li quicquam habebitis. qui prior strinxerit
 ferrum, ejus victoria erit. Intenti ergo om-
 nes armatique signum expectabitis. ego in
 concione ero: & tempus, quoad omnia in-
 structa sint, loquendo altercandoque traham.
 cum toga signum dederò, tum mihi undique
 clamore sublato, turbam invadite, ac ster-
 nite omnia ferro: & cavete, ne quisquam
 ex iis supersit, a quibus aut vis, aut fraus
 timeri possit. Vos, Ceres mater, ac Proserpi-
 na, precor, ceteri superni, infernique dii,
 qui hanc urbem, hos sacros lacus, lucos-
 que colitis, ut ita nobis volentes propitiis
 adsitis, si vitanda, non inferenda fraudis
 causa hoc consilii capimus. Pluribus vos,
 milites, hortarer, si cum armatis dimicatio
 futura esset, inermes, incautos ad satietate-
 rem

39 rem trucidabit. Et consulis castra in propinquo sunt, ne quid ab Himilcone, & Carthaginien-
 bus timeri possit. Ab hac adhortatione dimissi,
 corpora curant. Postero die alii aliis locis ad
 obsidenda itinera, claudendisque oppidanis
 exitus, pars maxima super theatrum, circa-
 que, assueti & ante spectaculis concionum,
 consistunt. Productus ad populum a magi-
 stratibus præfectus Romanus, cum consulis
 ea de re jus ac potestatem esse, non suam, &
 pleraque eadem, quæ pridie, prius dixisset;
 primo lenissim, ac plures reddere claves, dein
 jam una voce id omnes juberent; cunctanti-
 que, ac differenti ferociter minitarentur,
 nec viderentur ultra vim ultimam dilaturi:
 tum præfectus toga signum, ut convenerat,
 dedit: militisque intenti dudum ac parati,
 alii superne in adversam concionem clamore
 sublato decurrunt: alii ad exitus theatri con-
 ferti obsistunt. Cæduntur Ennenses cavea
 inclusi: coacervanturque non cæde solum,
 sed etiam fuga, cum alii super aliorum capita
 ruerent, atque integri sauciis, vivi mortuis
 incidentes cumulantur. Inde passim discur-
 ritur, & urbis captæ modo fugæque, & cæ-
 des omnia tenet, nihilo remissiore militum
 ira, quod jure turbamini mem cædebant,
 quam si periculum par & ardor certaminis
 eos irritaret. Ita Enna aut malo, aut neces-
 sario facinore retenta. Marcellus nec factum
 improbavit, & prædam Ennensium militi-
 bus concessit, ratus timore deterritos tem-
 peraturos prodicionibus præsidiorum Sici-
 los. Atque ea clades, ut urbis in media Sici-
 lia sitæ, claræque vel ob insignem munimen-
 to naturali locum, vel ob sacrata omnia ve-
 stigiis raptæ quondam Proserpinæ, prope
 uno die omnem Siciliam pervasit. & quia
 cæde

cæde infanda rebantur non hominum tantum, sed etiam deorum sedem violatam esse: tum vero qui etiam ante dubii fuerant, defecere ad Pœnos. Hippocrates inde Murgantium, Himilco Agrigentum sese recepit, cum acciti a proditoribus nequicquam ad Ennam exercitum admovissent. Marcellus retro in Leontinos redit: frumentoque & com meatibus aliis in castra convectis, præsidio modico ibi relicto, ad Syracusas obsidendas venit. inde, Appio Claudio Romam ad consulatum petendum misso, T. Quintium Crispinum in ejus locum classi castrisque præfecit veteribus: ipse hibernacula quinque millia passuum ab Hexapylo (Leontiam vocant locum) communiit, ædificavitque.

CAPUT XVIII.

M. Valerius prætor contra Philippum bellum jam moventem profectus, Oricum ab illo captum recuperat. Rex deinde cum Apolloniam tentaret, ibi nocturno pralio oppressus, cum prope inermi exercitu in Macedoniam fugatur.

HÆc in Sicilia usque ad principium hyemis gesta. Eadem æstate & cum Philippo Rege, quod jam ante suspectum fuerat, motum bellum est. Legati ab Orico ad M. Valerium prætorem venerunt, præsidem classi, Brundusio, Calabriaeque circa litoribus, nuntiantes, Philippum primum Apolloniam tentasse, levibus biremibus CXX flumine adverso subvectum: deinde, ut ea res tardior spe fuerit, ad Oricum clam nocte exercitum admovisse: cam

eamque urbem sitam in plano, neque mœnibus, neque viris, neque armis validam, primo impetu oppressam esse. Hæc nuntiantes, orabant, ut opem ferret, hostemque haud dubium Romanis, terra, aut maritimis viribus arceret, qui ob nullam aliam causam, nisi quod imminerent Italiæ, peterentur. M. Valerius, præsidio loci ejus relicto P. Valerio legato, cum classe instructa parataque, & quot longæ naves militum capere non poterant, in onerarias impositis, altera die Oricum pervenit: urbemque eam levi tenente præsidio, quod recedens inde reliquerat Philippus, haud magno certamine recepit. Legati eo ab Apollonia venerunt nuntiantes, in obsidione sese, quod deficere ab Romanis nollent, esse: neque sustinere ultra vim Macedonum posse, nisi præsidium mittatur Romanum. Facturum se quæ vellet pollicitus, mille delectorum militum navibus longis mittit ad hostium fluminis cum præfecto socium Nævio Crispo, viro impigro, & perito militiæ. Is, expositis in terram militibus, navibusque Oricum retro, unde venerat, ad cæteram classem remissis, milites procul a flumine per viam minime ab regiis obsessam duxit: & nocte, ita ut nemo hostium sentiret, urbem est ingressus. Die insequentiquievit, dum præfectus juventutem Apolloniatum, armaque, & urbis vires inspiceret. ubi ea visa inspectaque satis animorum fecere, simulque ab exploratoribus comperit, quanta socordia ac negligentia apud hostes esset: silentio noctis ab urbe sine ullo tumultu egressus, castra hostium adeo neglecta atque aperta intravit, ut satis constaret, prius plus mille hominum vallum intrasse, quam quisquam sentiret:

tiret:

tiret: ac si cæde abstinuissent, pervenire ad
 tabernaculum regium potuisse. Cædes pro-
 ximorum portæ excitavit hostes. inde tan-
 tus terror, pavorque omnes occupavit, ut
 non modo alius quisquam arma caperet,
 aut castris pellere hostem conaretur: sed
 etiam ipse rex, sicut somno excitus erat,
 prope seminudus fugiens, militi quoque,
 nedum regi, vix decoro habitu, ad flumen
 navesque perfugerit. eodem & alia turba
 effusa est. Paulo minus tria millia militum
 in castris aut capta, aut occisa. plus tamen
 hostium aliquanto captum, quam cæsum
 est. Castris direptis, Apolloniæ catapul-
 tas, balistas, tormenta que alia, quæ op-
 pugnandæ urbi comparata erant, ad tuen-
 da mœnia, si quando similis fortuna venis-
 set, Apolloniam devexere. cætera omnis
 præda castrorum Romanis concessa est.
 Hæc cum Oricum essent nuntiata, M. Va-
 lerius classem ex templo ad ostium fluminis
 duxit, ne navibus capeßere fugam rex pos-
 set. Itaque Philippus neque terrestri, ne-
 que navali certamine satis fore parem se
 fidens, subductis, aut incensis navibus, ter-
 ra Macedoniam petit, magna ex parte in-
 ermi exercitu, spoliatoque. Romana clas-
 sis cum M. Valerio Orici hibernavit.

C A P U T XIX.

*P. & Cn. Scipiones in ulteriorem Hispaniam
 ducto exercitu, Pœnos, qui pop. Rom. so-
 cios ibi oppugnabant, multis præliis, magna
 ubique facta cæde, superant.*

Eodem anno in Hispania variæ res ge-
 stæ. nam prius quam Romanam
 Tom. II. O Abe.

Iberum transirent, ingētes copias Hispanorum Mago & Asdrubal fuderunt. defecissetque ab Romanis ulterior Hispania, ni P. Cornelius raptim traducto exercitu Iberum, dubiis sociorum animis in tempore advenisset. Primo ad castrum Altum (locus est insignis cæde magni Amilcaris) castra Romani habuere. Arx erat munita, & convexerant ante frumentum, tamen quia omnia circa hostium plena erant, agmenque Romanum impune incursum ab equitibus hostium fuerat, & ad duo millia aut moratorum, aut palantium per agros interfecta: cessere inde Romani per prius pacata loca, & ad montem Victoriæ castra communiverē. Eo Cn. Scipio cum omnibus copiis, & Asdrubal, Gisgonis filius, tertius Carthaginensium dux, cum exercitu iusto advenit: contraque castra Romana trans fluvium omnes coniedere. P. Scipio cum expeditis clam profectus ad loca circa visenda, haud fefellit hostes: oppressissentque eum in patentibus campis, ni tumultum in propinquo cepisset. ibi quoque circumfessus; adventu fratris obsidione eximitur. Castulo urbs Hispaniæ valida ac nobilis, & adeo conjuncta societate Pœnis, ut uxor inde Annibali esset, ad Romanos defecit. Carthaginenses Illiturgim oppugnare adorti, quia præsidium ibi Romanum erat: videbanturque inopia cum locum maxime expugnaturi. Cn. Scipio, ut sociis præsidioque ferret opem, cum legione expedita profectus inter bina castra, cum magna cæde hostium urbem est ingressus, & postero die eruptione æque felici pugnavit. supra duodecim millia hominum cæsa duobus præliis: plus decem millia capta, cum sex & triginta militaribus signis. ita

ab Illiturgi recessum est obsidione. Bigerra inde urbs (sociis & hæc Romanorum erat) a Carthaginienſibus oppugnari cœpta est. Eam obsidionem sine certamine adveniens Cn. Scipio solvit. Ad Mundam exinde castra Punica mota, & Romani eo confestim secuti sunt. Ibi signis collatis pugnatum per quatuor ferme horas, egregieque vincentibus Romanis signum receptui est datum, quod Cn. Scipionis femur tragula confixum erat: pavorq; circa eum ceperat milites; ne mortiferum esset vulnus. Cæterum haud dubium fuit, quin, nisi ea mora intervenisset, castra eo die Punica capi potuerint. iam enim non milites solum, sed elephantii etiam usque ad vallum acti erant: superque ipso novem & triginta elephantii pilis confixi. Hoc quoque prælio ad duodecim millia hominum dicuntur cæsa: prope tria millia capta, cum signis militaribus septem & quinquaginta. Ad Auringen inde urbem Pœni recessere, & ut territis instaret, secutus Romanus. Ibi iterum Scipio læticula in aciem illatus conflavit. nec dubia victoria fuit: minus tamen dimidio hostium, quam antea, quia pauciores superfuerant, qui pugnarent, occisum. Sed gens nata instaurandis reparandisque bellis, Magone ad conquestionem militum fratre misso, brevi replevit exercitum: animosque ad tentandum de integro certamen fecit. Alii plerique milites, sicut pro parte toties intra paucos dies victa, eisdem animis, quibus prius, eodemque eventu pugnare: plus octo millia hominum cæsa: haud multo minus quam mille capta: & signa militaria LVIII, & spolia plurima Gallica fuere: annuli aurei, torques, armillæque magnus numerus. duo

etiam insignes reguli Gallorum (Mœnicapto, & Civismaro nomina erant) eo prælio ceciderunt. octo elephantis capti, tres occisi. Cum jam res prosperæ in Hispania essent, verecundia Romanos tandem cepit, Saguntum oppidum, quod causa belli esset, quintum jam annum sub hostium potestate esse. itaque id oppidum, vi pulso præsidio Pupico, receperunt: cultoribusque antiquis, quos vis reliquerat belli, restituerunt. & Turdetanos, qui contraxerant eis cum Carthaginensibus bellum, in potestatem redactos sub corona vendiderunt, urbemque eorum delevere.

CAPUT XX.

Roma creantur novi Coss. Q. Fabius Maximus, proximi Coss. filius, & T. Sempronius Gracchus iterum: cum ab his Senatus de bello consultus esset, provincia atque exercitus dividuntur: iidem Coss. antequam ab Urbe contra Annibalem moverent, præagia procurant.

43 **H**Æc in Hispania, Q. Fabio, M. Claudio contulibus, gesta. Romæ cum tribuni plebis novi magistratum inissent, extemplo censoribus P. Furio, & M. Atilio a L. Metello tribuno plebis dies dicta ad populum est. quæstorem eum proximo anno adempto equo tribu moverant, atque ærarium fecerant, propter coniurationem deferendæ Italiæ ad Cannas factam. sed novem tribunorum auxilio vetiti causam in magistratu dicere, dimissique fuerant. Ne lustrum perficerent, mors prohibuit P. Furii: M. Atilius magistratu se abdicavit. Consularia comitia habita a Q. Fabio Maximo

ximo consule. creati consules ambo absentes,
 Q. Fabius maximus, consulis filius, & T.
 Sempronius Gracchus iterum. Prætores sunt
 M. Atilius, & qui tum ædiles curules erant,
 P. Sempronius Tuditanus, & Cn. Fulvius
 Centumalus, & M. Æmilius Lepi-
 dus. Ludos scenicos per quadriduum eo an-
 no primum factos ab curulibus ædilibus,
 memoriæ proditur. Ædilis Tuditanus hic
 erat, qui ad Cannas, pavore aliis in tanta
 clade torpentibus, per medios hostes erupit.
 Comitiiis perfectis ab Q. Fabio consule desi-
 gnati consules Romam accersiti magistratum
 inierunt: senatumque de bello ac provinciis
 suis, prætorumque, & de exercitibus, qui-
 bus quique præessent, consuluerunt. Itaque
 provinciæ atque exercitus divisi. Bellum un-
 decunque cum Annibale consulibus manda-
 tum, & exercitus unus, quem ipse Sempro-
 nius habuerat, alter, quem Fabius consul.
 eæ binæ erant legiones. M. Æmilius præ-
 tor, cujus peregrina fors erat, jurisdictione
 Atilio collegæ, prætori urbano, manda-
 ta, ut Luceriam provinciam haberet, le-
 gionesque duas, quibus Q. Fabius, qui tum
 consul erat, prætor præfuerat. prætori
 Sempronio provincia Ariminum, Cn. Ful-
 vio Sueffula, cum binis item legionibus
 evenerunt, ut Fulvius urbanas legiones du-
 ceret, Tuditanus a M. Pomponio accipe-
 ret. Prorogata imperia provinciæque, M.
 Claudio Sicilia, finibus eis, quibus regnum
 Hieronis fuisset, Lentulo pro prætore pro-
 vincia vetus: T. Otacilio classis, exercitus
 nulli additi novi: M. Valerio Græcia Mace-
 doniaque, cum legione, & classe, quam
 haberet: Q. Mutio cum vetere exercitu.
 (duæ autem legiones erant) Sardinia: C.

U.C.
537

44

Terentio cum legione una, cui jam diu præerat, Picenum. Scribi præterea duæ legiones urbanæ iussæ, & viginti millia sociorum. His ducibus, his copiis adversus multa simul aut mota, aut suspecta bella munierunt Romanum imperium. Consules, duabus urbanis legionibus scriptis, supplementoque in alias lecto, prius quam ab urbe moverent, prodigia procurarunt, quæ nuntiata erant. Murus, ac portæ tactæ. & Ariciæ etiam Jovis ædes de Cœlo tacta fuerat. Et alia ludibria oculorum, auriumque credita pro veris. Navium longarum species in flumine Tarracinae, quæ nullæ erant, visæ. Et Jovis Vicilini templo, quod in Cossano agro est, arma concrepuisse: & flumen Amiterni cruentum fluxisse.

C. A. P. U. T. XXI.

Altero Cōs. Sempronio. in Lucanos profecto, Fabius in Apuliam pergit: ad eum Arpis transfugiens Albinus, qui antea defectionis ad Annibalem ibi auctor fuerat, ut dubia adhuc fidei, in custodiam traditur: re Arpis cognita, ejus conjux, & liberi ab Annibale vivi comburuntur.

His procuratis ex decreto pontificum, profecti consules, Sempronius in Lucanos, in Apuliam Fabius. Pater filio legatus ad Sueffulam in castra venit. cum obviam filius, progredieretur, lictoresque verecundia majestatis ejus taciti anteirent, non summoventes patrem, præter undecim fasces equo prævectus senex, ut consul, animadvertere proximum lictorem iussit; & is ut descenderet ex equo, inclamavit: tum de.

demum defiliens, experiri, inquit, volui si-
 li, satin scires consulem te esse. In ea castra Cas-
 sius Altinus Arpinus clam nocte cum tribus
 servis venit, promittens, si sibi præmio fo-
 ret, se Arpos proditurum esse. Cum eam
 tunc rem ad consilium retulisset Fabius, Al-
 tinus pro transfuga verberandus, necandusque
 videri, ancipitis animi, communis hostis, qui
 post Cannensem cladem, tanquam cum fortuna
 fidem stare oporteret, ad Annibalem discessisset,
 traxissetque ad defectionem Arpos: cum,
 posteaquam res Romana, contra spem vota-
 que ejus, velut resurgeret, turpius videat-
 ur novam referre prodicionem: ut prodi-
 tio pro septemviri judicio esset, semperque
 aliud sentiret, infidus socius, vanus ho-
 stis, ad Faleriorum, Pyrrhivæ proditorum,
 tertium transfugis documentum esset. Con-
 tra ea consulis pater Fabius, temporum
 oblitus homines in medio ardore belli, tan-
 quam in pace libera de quoque arbitrari,
 & agere, aiebat: cum illud potius agen-
 dum, atque eis cogitandum sit, si quo mo-
 do fieri possit, ne qui socii a populo Roma-
 no desciscant, & non vocitent. documen-
 tum autem ducant statui oportere, si quis re-
 sipiscat, & antiquam societatem respiciat.
 quod si abire ab Romanis liceat, redire ad
 eos non liceat, cui dubium esse, quin bre-
 vi deserta ab sociis Romana res, fœderibus
 Punicis omnia in Italia juncta visura sit?
 Se tamen non eum esse, qui Altino fidei
 quicquam censeat habendum, sed mediam
 consecuturum consilii viam: neque eum
 pro hoste, neque pro socio in prasentia ha-
 bitum, libera custodia haud procul a ca-
 stris placere in aliqua fida civitate serva-
 ri per belli tempus, perpetrato bello, tum

*consultandum, utrum defectio prior plus merita
sit poena, an hic reditus venia.* Fabio assensum
est. catenisque ligatus traditus & ipse, &
comites: & auri satis magnum pondus, quod
secum tum attulerat, ei servari iussum. Ca-
libus eum interdum solutum custodes seque-
bantur, nocte clausum asservabant. Arpis
domi primum desiderari, quærique est cœ-
ptus; dein fama per totam urbem vulgata,
tumultum pro principe amisso fecit: metu-
que rerum novatum, extemplo nuntii ad
Annibalem missi. Quibus nequaquam offen-
sus Poenus; quia & ipsum, ut ambiguae fidei
virum, suspectum jam pridem habebat, &
causam nactus erat tam dicis hominis bonæ
possidendi, vendendique: cæterum ut iræ
magis, quam avaritiæ datum crederent ho-
mines, crudelitati quoque gravitatem addi-
dit: conjugemque ejus, ac liberos in castra
accitos, quæstione prius habita, primum de
fuga, deinde quantum auri argentique domi
relictum esset, satis cognitis omnibus, vi-
vos combussit.

C A P U T XXII:

*Arpi per Fabium consulem Romanis sine cla-
re restituntur.*

46 **F**ABius ab Sueffula profectus; Arpos pri-
mum institit oppugnare. ubi cum a-
mille fere passibus castra posuisset, contem-
platus ex propinquo situm urbis; mœnia-
que, quæ pars tutissima mœnibus erat, qua
maxime neglectam custodia vidit, ea potis-
simum aggredi statuit. Comparatis omni-
bus, quæ ad urbes oppugnandas usui sunt,
centurionum robora ex toto exercitu dele-
git.

gis, tribunosque viros fortes eis præfecit: & milites sexcentos; quantum satis visum est, attribui; eosque, ubi quartæ vigiliæ signum cecinisset, ad eum locum scalas iussit terre. Porta ibi humilis & angusta erat, via infrequenti per desertam partem urbis. eam portam scalis prius transgressos, ad murum pergere, & ex interiore parte claustra refringere jubet; & tenentes partem urbis cornu signum dare, ut cæteræ copiæ admoverentur, parata omnia, atque instructa sese habiturum. Ea impigre facta. & quod impedimentum agentibus fore videbatur, id maxime ad fallendum iuvit. Imber a nocte media coortus, custodes vigilesque dilapsos e stationibus suffugere in tecta coegit, sonituque primo largioris procellæ strepitum demolientium portam exaudiri prohibuit: lentior deinde æqualiorque accidens auribus, magnam partem hominum sopivit. Posteaquam portam tenuerunt, cornicines in viaribus intervallis dispositos canere jubent, ut consulem excirent. Id ubi factum ex composito est, signa efferri consul jubet: ac paulo ante lucem per effractam portam urbem ingreditur. Tum demum hostes excitati sunt, jam & imbre conquiescente, & propinqua luce. Præsidium in urbe erat. Annibalis quinque millia ferme armatorum: & ipsi Arpini tria millia hominum armabant. eos primos Pœni, ne quid ab tergo fraudis esset, hosti opposuerunt. Pugnatum primo in tenebris, angustisque viis est; cum Romani non vias tantum, sed tecta etiam proxima portæ occupassent, ne peti superne ac vulnerari possent. Cogniti inter se quidam Arpinique, & Romani: atque inde colloquia cœpta fieri: percunctantibus

Romanis, quid sibi vellent Arpini? quam obnoxam Romanorum, quod ob meritum Pœnorum, pro alienigenis ac barbaris Itali- ci adversus veteres socios Romanos bellum gererent? & vestigalem ac stipendiariam Italiam Africæ facerent? Arpinis purganti- bus, ignaros omnium se venum a principibus datos, pene captos oppressosque a paucis esse: initio orto plures cum pluribus colloqui. po- stremo prætor Arpinus ab suis ad consulem deductus, fideque data inter signa aciesque, Arpini repente pro Romanis adversus Car- thaginienses arma verterunt. Hispani quo- que paulo minus mille homines, nihil præte- rea cum consule pacti, quam ut sine fraude Punicum emitteretur præsidium, ad consu- lem transtulerunt signa. Carthaginiensibus portæ patefactæ, emissique cum fide incolu- mes ad Annibalem, Salapiam venerunt. Ar- pi sine clade ullius, præterquam unius, ve- teris proditoris, novi perfugæ, restituti Ro- manis. Hispanis duplicia cibaria dari iussa, operaque eorum forti ac fideli persæpe Res- pub. usa est.

C A P U T XXIII.

*Ad Cn. Fulvium prætorem ad Sueffulam a-
liquot Campani equites transfugiunt: ab
altero prætore Sempronio Aternum expu-
gnatur. Roma scdum incendium exori-
tur.*

Cum consulum alter in Apulia, alter in Lucanis esset, equites CXII. no- biles Campani, per speciem prædandi ex hostium agro, permissu magistratuum ab Capua profecti, ad castra Romana, quæ su-
per

per Sueffulam erant, venerunt. stationi militum, qui essent dixerunt, colloqui se cum prætore velle. Cn. Fulvius castris præerat. cui ubi nuntiatum est, X ex eo numero iussis inermibus deduci ad se, ubique postulerent audivit: (nihil autem aliud petebant, quam ut Capua recepta, bona sibi restituerentur) in fidem omnes accepti. Et ab altero prætore Sempronio Tuditano oppidum Aternum expugnatum. amplius septem millia hominum capta, & æris, argentique signati aliquantum. Romæ scdum incendium per duas noctes ac diem unum tenuit. solo æquata omnia inter Salinas ac portam Carmentalem, cum Æquimelio, Jugarioque vico: in templis Fortunæ ac Matris Maturæ, & Spei extra portam, late vagatus ignis sacra, profanaque multa absumpsit.

CAPUT XXIV.

Syphax rex Numidarum in amicitiam Romanarum ascitus, atque rationem pedestris belli ab iis edoctus, cum Carthaginiensibus proficere concreditur: victus deinde a Masinissa, pro Carthaginiensibus pugnante, in Maurusios refugit.

Eodem anno P. & Cn. Cornelii, cum 48 in Hispania res prosperæ essent, multosque & veteres reciperent socios, & novos adjicerent, in Africam quoque spem extenderunt. Syphax erat Rex Numidarum, subito Carthaginiensibus hostis factus. ad eum centuriones tres legatos miserunt, qui cum eo amicitiam societatemque facerent, & pollicerentur, si perseveraret urgere bello Carthaginienses, gratam eam

rem fore senatui populoque Romano: & ad-
 nixuros, ut in tempore, & bene cumulatam
 gratiam referant. Grata ea legatio barbaro
 fuit. collocutusque cum legatis de ratione
 belli gerendi, ut veterum militum verba au-
 divit, quam multarum rerum ipse ignarus es-
 set, ex comparatione tam ordinatæ discipli-
 næ animadvertit. Tum primum, ut pro bo-
 nis ac fidelibus fociis facerent, oravit: ut duo
 legationem referrent ad imperatores suos: unus
 apud sese magister rei militaris remaneret, ru-
 dem ad pedestria bella Numidarum gentem esse,
 equis tantum habilem. Ita jam inde a princi-
 piis gentis majores suos bella gessisse, ita se a
 pueris insuetos, sed habere hostem pedestri fiden-
 tem Marte, cui se equari robore virium
 velit. & sibi pedites comparandos esse: &
 ad id multitudine hominum regnum abun-
 dare: sed armandi, ordinandique, & in-
 struendi eos, artem ignorare omnia, velut
 forte congregata, turba sua inscia, ac reme-
 raria esse. Facturos se in præsentia quod
 vellet, legati responderunt, fide accepta,
 ut remitteret extemplo eum, si imperatores
 sui non comprobassent factum. Q. Statorio
 nomen fuit, qui apud regem remansit. Cum
 duobus Romanis relata, Numidasque lega-
 tos in Hispaniam misit ad accipiendam fi-
 dem ab imperatoribus Romanis. iisdem
 mandavit, ut protinus Numidas, qui intra
 portas, seu præsidia Carthaginiensium au-
 xiliares essent, ad transitionem perlicerent.
 Et Statorius ex multa juventute regi pe-
 dites conscripsit: ordinatosque proximo mo-
 tem Romanum instruendo, & decurrendo
 signa sequi, & servare ordines docuit: &
 operi, aliisque institutis militaribus ita af-
 fuescit, ut brevi rex non equiti magis fi-
 deret,

deret, quam pediti, collatisque æquo campo signis, iusto prælio Carthaginiensem hostem superaret. Romanis quoque in Hispania legatorum regis adventus magno emolumento fuit: namque ad famam eorum transi-
 nes crebræ ab Numidis cœptæ fieri. Ita cum Syphace Romanis iuncta amicitia est. Quod ubi Carthaginienses acceperunt, extemplo ad Galam in parte altera Numidiæ (Massylia eagens vocatur) regnantem legatos mittunt. Filium Gala Massanifam habebat, XVII. annos natum, & cæterum juvenem, ea indole, ut jam tum appareret, ejus regnum opulenti-
 us, quam quod accepisset, facturum. Legati, quoniam Syphax se Romanis junxisset; ut potentior societate eorum adversus reges, populosque Africæ esset, docent, melius fore Galæ quoque Carthaginiensibus jungi quam primum, antequam Syphax in Hispaniam, aut Romani in Africam transeant: opprimi Syphacem, nihil dum præter nomen ex fœdere Romano habentem, posse. Facile persuasum Galæ, filio deposcente id bellum, ut exercitum mitteret. Qui, Carthaginiensium legionibus conjunctis, magno prælio Syphacem devicit. XXX millia eo prælio hominum cæsa dicuntur. Syphax cum paucis equitibus in Maurusios ex acie Numidas (extremi prope Oceanum adversus Gadés colunt) refugit, affluen-
 tibusque ad famam ejus undique barbaris, ingentes brevi copias armavit. cum quibus antequam in Hispaniam angusto diremptam fretum trajiceret, Massanisa cum victore exercitu advenit. isque ibi cum Syphace, ingenti gloria, per se sine ullis Carthaginiensium opibus gessit bellum. In Hispania nihil memorabile gestum, præterquam quod Celtiberum

ju ventutem eadem mercede, quæ pacta cum Carthaginienſibus erat, imperatores Romani ad ſe perduxerunt, & nobiliſſimos Hiſpanos ſupra CCC. inde in Italiam ad ſolicitan- dos populares, qui inter auxilia Annibalis erant, miſerunt. Id modo ejus anni in Hiſpania ad memoriã inſigne eſt, quod merce- narium militem in caſtris neminem, ante- quam tum Celtiberos, Romani habuerunt.

DECADIS TERTIÆ

LIBER QUINTUS.

CAPUT I.

In Salentinis urbes ignobiles ad Annibalem defi- ciunt: in Brutiis temeritate L. Pomponii Vejentani præſecti ſociorum clades accipitur, cum in Urbem externa religiones a ſacriſcu- lis, & vatibus invecta eſſent, per ſenatus- conſultum amoveantur.



Um hæc in Africa, atque in Hiſ- pania geruntur, Annibal in agro Tarentino æſtatem conſumpſit, ſpe per proditionem urbis Ta- rentinorũ potiundæ. ipſorum interim Salentinorum ignobiles urbes ad eum defecerunt. Eodem tempore in Brut- tiis ex XII. populis, qui anno priorẽ ad Pœnos deſciverant, Conſentini, & Thuri- ni in fidem populi Romani redierunt. & plu- res rediſſent, ni L. Pomponius Vejetanus, præſectus ſocium, proſperis aliquot populatio- nibus in agro Bruttio juſti ducis ſpeciem na- ctus,

Quis, tumultuario exercitu coacto cum An-
 none conflisset. Magna ibi vis hominum,
 sed inconditæ turbæ agrestium, servorumque
 cæsa, aut capta est. minimumque iacturæ
 fuit, quod præfectus inter cæteros est captus
 & tum temerariæ pugnae auctor, & ante pu-
 blicanus; omnibus malis artibus & reipu-
 blicæ, & societatibus infidus, damnosusque.
 Sempronius consul in Lucanis multa prælia
 parva, haud ulla digna memoria fecit: &
 ignobilia oppida Lucanorum aliquot expu-
 gnavit. Quo diutius traheretur bellum, &
 variabant secundæ adversæque res non fortu-
 nam magis, quam animos hominum, tanta
 religio, & ea magna ex parte externa, civi-
 tatem incessit, ut aut homines, aut dii re-
 pente alii viderentur facti. nec jam in secreto
 modo, atque intra parietes, ac postes con-
 temnebantur Romani ritus, sed in publico
 etiam, ac foro, Capitolioque mulierum tur-
 ba erat nec sacrificantium, nec precantium
 deos patriæ more. Sacrificuli ac vates cepe-
 rant hominum mentes, quorum numerum
 auxit rustica plebs, ex incultis diutino bello
 infestisque agris egestate, & metu in urbem
 compulsa, & quæstus ex alieno errore facilis
 quem, velut ex concessæ artis usu, exerce-
 bant. Primo secretæ bonorum indignationes
 exaudiebantur, deinde ad patres etiam, &
 ad publicam querimoniam excessit res. Incu-
 sati graviter ab senatu ædiles, triumvirique
 capitales, quod non prohiberent, cum emo-
 vere eam multitudinem: e foro, ac disjicere
 apparatus sacrorum conati essent, haud pro-
 cul abfuit, quin violarentur. Ubi potentius
 jam esse id malum apparuit, quam ut mino-
 res per magistratus sedaretur, M. Atilio, præ-
 tori urbano, negotium ab senatu datum est,
 ut

ut & his religionibus populum liberaret. Id
 & in concione senatus consultum recitavit,
 & edixit, ut quicunque libros vaticinos, pre-
 cationesve, aut artem sacrificandi conscriptam
 haberet, eos libros omnes, literasque ad se
 ante Kalendas Apriles deferret, neu quis in
 publico, sacrove loco novo, aut externo ritu
 sacrificaret. Et aliquot publici sacerdotes
 mortui eo anno sunt: L. Cornelius Lentu-
 lus, pontifex maximus, & C. Papirius C. F.
 Maso pontifex, & P. Furius Philus augur,
 & C. Papirius L. F. Maso decemvir sacro-
 rum. In Lentuli locum M. Cornelius Ce-
 thegus, in Papirii Cn. Servilius Cæpio, pon-
 tifices suffecti sunt, augur creatus L. Quin-
 tius Flaminius, decemvir sacrorum L. Cor-
 nelius Lentulus.

CAPUT II.

*Habitis comitiis per Dictatorem C. Claudium
 Centhonem, creantur COSS. Q. Fulvius Flac-
 cus, & Ap. Claudius Pulcher: P. Cornelius
 Scipio, postea Africanus, ante tempus Edi-
 lis fit: Ladi Romani, & plebei habentur:
 facta provinciarum sortitione, bellum con-
 tra Annibalem consulibus decernitur.*

Comitiorum consularium jam appetebat
 tempus: sed quia consules a bello in-
 tentos avocare non placebat, T. Sempronius
 consul comitiorum causa dictatorem dixit
 C. Claudium Centhonem. ab eo magister
 equitum est dictus Q. Fulvius Flaccus. Di-
 ctator primo comitali die creavit consules
 Q. Fulvium Flaccum magistrum equitum,
 & Ap. Claudium Pulchrum, cui Sicilia pro-
 vincia in prætura fuerat, Tum prætores crea-

et Cn. Fulvius Flaccus, C. Claudius Nero,
 M. Junius Sillanus, P. Cornelius Sulla. Co-
 mitiis perfectis, dictator magistratu abiit.
 Ædilis curulis fuit eo anno cum M. Cornelio
 Cethego P. Cornelius Scipio, cui post Afri-
 canus fuit cognomen. Huic petenti ædilita-
 tem cum obstitissent tribuni plebis, negantes,
 rationem ejus habendam esse, quod nondum
 ad petendum legitima ætas esset, *si me*, in-
 quit, *omnes Quirites adilem facere volunt, sa-*
tis annorum habeo. Tanto inde favore ad suf-
 fragium ferendum in tribus discorsum est, ut
 tribuni repente incæpto destiterint. Ædili-
 tia largitio hæc fuit. Ludi Romani pro tem-
 poris illius copiis magnifice facti, & diem
 unum instaurati, & congi olei in vicos sin-
 gulos dati. L. Villius Tappulus, & M. Fun-
 danus Fundulus, ædiles plebei, aliquot
 matronas apud populum probri accusarunt:
 quasdam ex eis damnatas in exilium egerunt.
 Ludi Plebei per biduum instaurati: & Jovis U.C.
 epulum fuit ludorum causa. Q. Fulvius Flac- 538
 cus tertium, Ap. Claudius consulatum ine-
 unt. Et prætores provincias sortiti sunt, P.
 Cornelius Sulla urbanam, & peregrinam, 3
 quæ duorum ante fors fuerat, Cn. Fulvius
 Flaccus Apuliam, C. Claudius Nero Sueffu-
 lam, M. Junius Sillanus Tuscos. Consu-
 libus bellum cum Annibale, & binæ le-
 giones decretæ: altera Q. Fabio, superio-
 ris anni consule, altera Fulvio Centumalo
 acciperet. Prætorum, Fulvii Flacci, quæ
 Luceriæ sub Æmilio prætore; Neronis Clau-
 dii, quæ in Piceno sub C. Terentio fuif-
 sent, legiones essent: supplementum in eas
 quisque scriberet sibi. M. Junio in Tu-
 scos legiones urbanæ prioris anni datæ.
 T. Sempronio Graccho, & P. Sempronio
Tu.

Tuditano imperium, provinciæque, Lucani, & Galliæ cum suis exercitibus prorogatae item P. Lentulo, qua vetus provincia in Sicilia esset; M. Marcello Syracusæ, & qua Hierionis regnum fuisset, T. Otacilio classis, Græcia M. Valerio, Sardinia Q. Mutio Scævolæ, Hispaniæ P. & Cn. Corneliis. Ad veteres exercitus duæ urbanæ legiones a consulibus scriptæ, summaque trium & viginti legionum eo anno effecta est.

CAPUT III.

Infamis exitus fraudis simul, & audacia M. Postumii Pyrgensis publicani.

DElectum consulum M. Postumii Pyrgensis cum magno prope motu rerum factum impediit. Publicanus erat Postumius, qui multis annis parem fraude avaritiæque neminem in civitate habuerat, præter L. Pomponium Vejentanum, quem populantem temere agros in Lucanis, ductu Annonis prioris anno ceperant Carthaginenses. Hi, quia publicum periculum erat a vi tempestatis in iis, quæ portarentur ad exercitus, & eementiti erant facta naufragia, & ea ipsa, quæ vera renuntiaverant, fraude ipsorum facta erant, non casu: in veteres quassatasque naves paucis, & parvi pretii rebus impositis, cum merfissent eas in alto, exceptis in preparatas scaphas nautis, multiplices fuisse merces eementiebantur. Ea fraus indicata M. Atilio prætori prioris anno fuerat, ac per eum ad senatum delata. nec tamen ullo senatus consulto notata, quia patres ordinem publicanorum in tali tempore offensum nolebant. populus severior vindex fraudis erat, excitatque tandem duo tribu-

ni

ni plebis, Sp. & L. Carvili, cum rem invisi-
 fam infamemque cernerent, ducentum mil-
 lium æris multam M. Postumio dixerunt :
 *cujus certandæ cum dies advenisset, concil-
 iumque tam frequens plebis adesset, ut mul-
 titudinem area Capitolii vix caperet: pero-
 rata causa, ipse una videbatur esse, si C. Ser-
 vilius Casca tribunus plebis, qui propinquus
 cognatusque Postumio erat, prius quam ad
 suffragium tribus vocarentur, intercessisset. *
 Testulis datis, tribuni populum summove-
 runt: Sifellaque lata est, ut fortirentur, ubi
 Latini suffragium ferrent. Interim publicani
 Cascæ instare, ut concilio diem eximeret, po-
 pulus reclamare: & forte in cornu primus
 sedebat Casca, cui simul metus, pudorque
 animum versabat. Cum in eo parum præsidii
 esset, turbandæ rei causa publicani, per va-
 cuum vi summo occupato loco, in eos irru-
 perunt, jurgantes simul cum populo, tribu-
 nisque. Nec procul dimicatione res erat, cum
 Fulvius consul tribunis, *Nonne videtis, inquit,
 vos in ordinem coactos esse? & rem ad seditionem
 spectare, ni propere dimittitis plebis concilium?*
 Plebe dimissa, senatus vocatur: &
 consules referunt de concilio plebis turbato
 vi atque audacia publicanorum. *Marcum Fu-
 rium Camillum, cujus exilium ruina urbis se-
 cuta fuerit, damnari se ab ingratis civibus
 passum esse. Decemviros ante eum, quorum
 legibus ad eam diem viverent, multos postea
 principes civitatis judicium de se populi pas-
 sos. Postumium Pyrgensem suffragium populo
 per vim extorsisse, concilium plebis sustulisse.
 tribunos in ordinem coegisse, contra populum
 Romanum aciem introduxisse, locum occupasse,
 ut tribunos a plebe intercluderet, tribus in suf-
 fragium vocari prohiberet. nihil aliud a cado*

ac dimicatione continuisse homines, nisi patientiam magistratum; quod cesserint in presentia furoris atque audacia paucorum, vincique se, ac populum Romanum passi sint, & comitia, qua reus vi, atque armis prohibiturus erat, nec causa quarentibus dimicationem daretur, voluntate ipsius suffulerint. Hæc cum ab optimo quoque pro atrocitate rei acta essent, vimque contra rempublicam pernicioso exemplo factam senatus decerneret: confestim Carvili Tr. pl. omiſſa multæ certatione, rei capitalis diem Postumio dixerunt: ac, ni vades daret, prehendi a viatore, atque in carcerem duci iusserunt. Postumius, vadibus datis, non affuit. Tribuni pleb. plebem rogarunt, plebesque scivit: Si M. Postumius ante Kal. Majas non prodisset, citatusque eo die non respondisset, neque excusatus esset, videri eum in exilio esse, bonaque ejus venire, ipsi aqua, & igni placere interdici. Singulis deinde eorum, qui turbæ ac tumultus concitatores fuerant, rei capitalis diem dicere, ac vades poscere cœperunt, primo non dantes, deinde etiam eos, qui dare possent, in carcerem conjiciebant; cujus rei periculum vitantes plerique in exilium abierunt. Hunc fraus publicanorum, deinde fraudem audacia protegens, exitum habuit.

CAPUT IV.

*Pontifex Maximus creatur P. Licinius Crassus
petentibus simul & senioribus & honoratio-
ribus : propter inopiam juvenum in Urbe,
delectus per agros a Cess. habetur.*

Comitia inde pontifici maximo creando
sunt habita. Ea comitia novus ponti-
fex M. Cornelius Cethegus habuit. Tres
ingenti certamine petierunt, Q. Fulvius Flac-
cus, consul, qui & ante bis consul, & cen-
sor fuerat, & T. Manlius Torquatus, &
ipse duobus consulatibus, & censura insi-
gnis: & P. Licinus Crassus, qui ædilitatem
curulem petiturus erat. Hic senes, hono-
ratosque juvenis in eo certamine evicit.
Ante hunc intra centum annos & viginti
nemo, præter P. Cornelium Scapulam,
pontifex maximus is creatus fuerat, qui sel-
la coruli non sedisset. Consules cum ægre
delectum conficerent, quod inopia juniorum
non facile in utrumque, ut & novæ urbanæ
legiones, & supplementum veteribus scri-
beretur, sufficiebat; senatus abstinere eos in-
cepto vetuit: & triumviros binos creari iussit:
alteros, qui citra, alteros, qui ultra quin-
quagesimum lapidem in plateis forisque, &
in conciliabulis omnem copiam ingenuorum
inspicerent: & si qui roboris satis ad feren-
da arma habere videretur, etiam si nondum
militari ætate essent, milites facerent. Tri-
buni plebis, si iis videretur, ad populum
ferrent, ut qui minores septem & decem
annis sacramento dixissent, iis perinde sti-
pendia procederent, ac si septem & decem
annorum, aut maiores, milites facti essent.

Ex

Ex hoc senatus consulto creati triumviri bini, conquisitionem ingenuorum per agros habuerunt.

CAPUT V.

Legati militum, qui reliqui ex Cannensi fuga in Siciliam relegati fuerant, Marcellum adeunt, ignominia finem precantes: ab ipso consultus per literas senatus, parum equum postulatis responsum reddit.

Eodem tempore ex Sicilia literæ M. Marcelli de postulatis militum, qui cum P. Lentulo militabant, in senatu recitatae sunt. Cannensis reliquiae cladis is exercitus erat, relegatus in Siciliam; sicut antedictum est, ne ante Punici belli finem in Italiam reportarentur. Hi, permissu Lentuli, primores equitum centurionumque, & robor ex legionibus peditum, legatos in hiberna ad M. Marcellum miserunt, e quibus unus, potestate dicendi facta, Consulem, inquit, te, M. Marcelle, in Italiam adissemus, cum primum de nobis, et si non iniquum, certe triste senatus consultum factum est, nisi hoc sperassemus, in provinciam nos morte regum turbata ad grave bellum adversus Siculos, simul Pœnosque mitti, & sanguine nostro vulneribusque magistratibus satisfacturos esse: sicut patrum memoria, qui capti a Pyrrho ad Hevacleam erant, adversus Pyrrhum ipsum pugnantes satisfecerunt, quanquam quod ob meritum nostrum succensuistis patres conscripti nobis, aut succensetis? Ambos mihi consules, & universum senatum intueri videtur, cum te, M. Marcelle, intueor: quem

quem si ad Cannas consulem habuissimus, melior
 & reipublica & nostra fortuna esset. Sine quaeso,
 prius quam de conditione nostra queror, noxam,
 cuius arguimur, nos purgare. Si non deum ira
 nec fato, cuius lege immobilis rerum humanarum
 ordo seritur, sed culpa periimus ad Cannas, cu-
 jus tandem ea culpa fuit? militum? an
 imperatorum? Equidem miles nihil unquam
 dicam de imperatore eo, cui praesertim gra-
 tias sciam ab senatu actas, quod non de-
 seraverit de republica, cui post fugam actam
 sit per omnes annos proregatum imperium.
 Ceteros item ex reliquiis cladis ejus, quos
 tribunos militum habuimus, honores petere,
 & gerere, & provincias obtinere, audivi-
 mus. An vobis vestrisque liberis ignoscitis
 facile patres conscripti? in hac vilis ca-
 pita servitis? & consuli, primoribusque a-
 liis civitatis fugere, cum spes alia nulla es-
 set, turpe non fuit? milites atque mori-
 tuos in aciem misistis? Ad Alliam prope o-
 mnis exercitus fugit: ad Furtas Caudinas ne
 expertus quidem certamen, arma tradidit
 hosti, (ut alias pudendas clades exercituum
 taceam,) tamen tantum absuit ab eo, ut
 ulla ignominia iis e exercitibus quaeretur,
 ut & urbs Roma per eum exercitum, qui
 ab Allia Vejos transfugerat, recuperaretur:
 & Caudina legiones, quae sine armis redie-
 rant Romam, armata remissa in Samnium,
 eundem illum hostem sub jugum miserint,
 qui hac sua ignominia latatus fuerat. Can-
 nensem vero quisquam exercitum fuga, aut
 pavoris insimulare potest? ubi plus quin-
 quaginta millia hominum ceciderunt? un-
 de consul cum equitibus quinquaginta fu-
 git? unde nemo superest, nisi quem hostis ca-
 deudo fessus reliquit? Cum captivis redem-
 ptio

prio negabatur, nos vulgo homines laudabant,
 quod reipublica nos servassemus: quod ad consu-
 lem Venusiam redissemus, & speciem iusti exer-
 citus fecissemus. Nunc deteriore conditione su-
 mus; quam apud patres nostros fuerant capti-
 vi, quippe illis arma tantum, atque ordo mi-
 litandi, locusque, in quo tenderent, in castris
 est mutatus: qua tamen semel navata reipubli-
 ca opera, & uno felici pralio recuperarunt, ne-
 mo eorum relegatus in exilium est: nemini spes
 emerendi stipendia adempta, hostis denique est
 datus, cum quo dimicantes aut vitam semel,
 aut ignominiam finirent. Nos, quibus, nisi
 quod commisimus, ut quisquam ex Cannensi
 pugna miles Romanus superesset, nihil obscipo-
 rest, non' olum a patria procul, Italiaque,
 sed ab hoste etiam relegati sumus, ubi senes-
 camus in exilio, ne qua spes, ne qua occasio
 abolenda ignominia, ne qua placanda ci-
 vium ira, ne qua denique bene moriendi
 sit. Neque ignominia finem, nec virtutis
 primum petimus, modo experiri animum,
 & virtutem exercere liceat, laborem & pe-
 riculum petimus: ut virorum, ut militum
 officio fungamur. Bellum in Sicilia jam al-
 terum annum ingenti dimicatione geritur. Ur-
 bes alias Pœnus, alias Romanus expugnat:
 peditum, & equitum acies concurrunt. ad
 Syracusas terra marique res geritur, clamo-
 rem pugnantium, crepitumque armorum
 exaudimus residues ipsi, ac segnes, tanquam
 nec manus, nec arma habemus. Servorum
 legionibus T. Sempronius consul toties jam cum
 hoste signis collatis pugnavit. opera pretium
 habent, libertatem, civitatemque. pro ser-
 vis saltem ad hoc bellum emptis nobis simul
 c ngredi cum hoste liceat, & pugnando qua-
 rere libertatem. Vis in mari, vis terra,

vis

vis acie, vis urbibus oppugnandis experiri virtutem? asperrima quaque ad laborem, periculumque deposcimus, ut quod ad Cannas faciendum fuit, quam primum fiat: quoniam quicquid postea viximus, id omne destinatum ignominia est. Sub hæc dicta ad genua Marcelli procubuerunt. Marcellus id nec juris, nec potestatis suæ esse dixit, senatui scripturum se, omniaque de sententia patrum facturum esse. Hæ literæ ad novos consules allatæ, ac pereos in senatu recitatæ sunt. consultusque de his literis ita decrevit senatus, Militibus, qui ad Cannas commilitones suos pugnantes deseruissent, senatui nihil videri Remp. committendam esse. si M. Claudio proconsuli aliter videretur, faceret quod e Rep. fideque sua duceret, dum nequis eorum munere vacaret, neu dono militari virtutis ergo donaretur, neu in Italiam reportaretur, donec hostis intra Italiam esset.

CAPUT VI.

Creantur in Urbe aliquot extraordinarii magistratus: prodigia expiantur.

Comitia deinde a prætore urbano de senatus sententia, plebisque scito sunt habita, quibus creati sunt quinqueviri muris turribusque reficiendis, & triumviri binis, uni sacris conquirendis, donisque persignandis, alteri reficiendis ædibus Fortunæ, & Matris Matutæ intra portam Camentalem, sed & Spei extra portam, quæ priore anno incendio consumptæ fuerant. Tempestates fœdæ fuere. In Albano monte biduum continenter lapidibus pluit. Ta-

des : vallum in castris multis locis supra Sueffulam, & duo vigiles exanimati : murus, turreſque quædam Cumis non idæ modo fulminibus, ſed etiam decuſſæ : Reate ſaxum ingens viſum volitare : ſol rubere ſolito magis, ſanguineoque ſimilis. Horum prodigiorum cauſa diem unum ſupplicatio fuit : & per aliquot dies conſules rebus divinis operam dederunt : & per eodem dies ſacrum novendiale fuit.

CAPUT VII.

Obsides Tarentini clam Roma fugientes comprehenduntur : in urbem reſtratti de ſaxo deſciuntur : poena atrocitate irritati Tarentini, agunt cum Annibale de urbe illi prodenda; qua poſtmodum per juvenes, qui ſe noctu venatum ire ſimulaverant, ab ipſo capitur, facta paſſim Romanorum cade : qui ſuperſuerunt arcem occupant.

13 CUM Tarentinorum defeſtio jamdiu & in ſpe Annibali, & in ſuſpicionem Romanis eſſet, cauſa forte extrinſecus maturandæ ejus intervenit. Phileas Tarentinus diu jam per ſpeciem legationis Romæ cum eſſet, vir inquieti animi, & minime otium (quo tum diutino ſeneſcere videbatur) patientis, aditum ſibi ad obſides Tarentinos invenit. Cuſtodiebantur in atrio Libertatis minore cura : quia nec ipſis, nec civitati eorum fallere Romanos expediebat. Hos crebris colloquiis ſollicitatos, corruptis ædituiſ duobus, cum primis tenebris cuſtodia eduxiſſet, ipſe comes occulti itineris factus profugit. Luce prima vulgata per urbem fuga eſt ; miſſique qui ſequerentur,
a Tar.

a Tarracina comprehensos omnes retraxe-
 runt. deducti in comitio, virgisque, appro-
 bante populo, cæsi, de saxo dejiciuntur.
 Hujus atrocitas pœnæ duarum nobilissima-
 rum in Italia Græcarum civitatum animos
 irritavit, tum publice, tum etiam singulos
 privatim, ut quisque tam sæde interemptos
 aut propinquitate, aut amicitia contingebat.
 Ex iis tredécim fere nobiles juvenes Taren-
 tini conjuraverunt, quorum principes Nico,
 & Philomenus erant. Hi prius, quam ali-
 quid moverent, colloquendum cum Anniba-
 le rati, nocte, per speciem venandi, urbe
 egressi ad eum proficiscuntur. & cum haud
 procul castris abessent, cæteri silva prope
 viam sese occuluerunt. Nico, & Philome-
 nus progressi ad stationes, comprehensique,
 ultro id petentes, ad Annibalem deducti
 sunt. Qui cum & causas consilii sui, & quid
 pararent, exposuissent: collaudati, onera-
 tique promissis, jubentur, ut fidem popula-
 ribus facerent prædandi causa se urbe egres-
 sos, pecora Carthaginensium, quæ pastum
 propulsa essent, ad urbem agere, tuto, ac
 sine certamine id facturos, promissum est.
 Conspecta ea præda juvenum est: minusque
 iterum, ac sæpius id eos audere, miraculo
 fuit. Congressi cum Annibale rursus fide
 sanxerunt, liberos Tarentinos leges, suæque
 omnia habituros, nec ullum vectigal Pœno
 pensuros, præsidiumve invitos recepturos:
 podita præsidia Carthaginensium fore. Hæc
 ubi convenerunt, tunc vero Philomenus con-
 suetudinem nocte egrediundi, redeundique
 in urbem, frequentiore facere (& erat ve-
 nandi studio insignis) canesque, & alius
 apparatus sequebatur: captumque ferme
 aliquid, aut ab hoste ex præparato abla-

tum reportando, donabat aut præfecto, aut
 custodibus portarum. nocte maxime commea-
 re propter metum hostium credebant. ubi jam
 eo consuetudinis adducta res est, ut quocun-
 que noctis tempore sibilo dedisset signum, por-
 ta aperiretur, ten pus agendæ rei Annibasi
 visum est. Tridui via aberat. ubi, quo minus
 mirum esset uno, eodemque loco stativa eum
 tandiu habere, ægrum simulabat. Romanis
 9 quoque, qui in præsidio Tarenti erant, suspen-
 da esse jam segnis mora ejus, desierat. Cæte-
 rum posteaquam Tarentum ire constituit, de-
 cem millibus peditum atque equitum, quos in
 expeditione velocitate corporum ac levitate
 armorum aptissimos esse ratus est, electis, quar-
 ta vigilia noctis signa movit: præmissisque octo-
 ginta fere Numidis equitibus præcepit, ut di-
 scurrerent circa vias, perlustrarentque om-
 nia oculis, ne quis agrestium procul spectator
 agminis falleret, progressos retraherent, ob-
 vios occiderent, ut prædonum magis, quam
 exercitus accolis species esset. Ipse raptim
 agmine facto, quindecim ferme millium spa-
 tio castra ab Tarento posuit: & ne ibi quidem
 nuntiato quo pergerent, tantum convocatos
 milites monuit, via omnes irent, nec diver-
 ti quenquam, aut excedere ordinem agminis
 paterentur: & in primis intenti ad imperia
 accipienda essent, neu quid, nisi ducum jussu,
 facerent. se in tempore editurum, quæ vellent
 agi. Eadem ferme hora Tarentum fama per-
 venerat, Numidas equites paucos populari
 agros, terroremque late agrestibus iniecisse.
 Ad quem nuntium nihil ultra motus præfe-
 ctus Romanus, quam ut partem equitum po-
 stero die luce prima juberet exire ad arcen-
 dum populationibus hostem. interea adeo ni-
 hil obedienter curatum est, ut contra pro ar-
 gumen-

gumento fuerit illa procurfatio Numidarum, Annibalem exercitumq; castris non moviffe. Annibal concubia nocte movit. dux Philomenus erat cum folito captæ venationis onere, cæteri proditores ea, quæ compofita erant, expectabant. Convenerat autem, ut Philomenus portula affueta venationem inferens, armatos induceret, parte alia portam Temenida adiret Annibal. Ea mediterranea regione orientem fpectabat: aliquantum intra mœnia includitur. Cum portæ appropinquaret, editus ex compofito ignis ab Annibale refulfit, idem redditum ab Nicone fignum. Extinctæ deinde utrinque flammæ funt. Annibal filentio ducebat ad portam. Nito ex improvifo ad portas fopitos vigilés in cubilibus fuis obruncat, portamque aperit. Annibal cum peditum agmine ingreditur, equites fubfiflere jubet, ut, quores poftulet, occurrere libero campo poſſent. Et Philomenus portulæ partē alia, quā commeare affuerat, appropinquabat. nota vox ejus, & familiare jam fignum cum excitaffet vigilē, dicentis, vix fuffinere grandis beftiæ onus, portula aperitur. inferentes aprum duos juvenes fecutus ipſe cum expedito venatore, vigilē incautius, miraculo magnitudinis, in eos qui ferebant verfum venabulo trajicit. ingreſſi deinde triginta fere armati cæteros vigilés obruncant, refringuntque portam maximam. & agmen ſub ſignis confefſim irrupit. inde cum ſilentio in forum ducti, Annibali ſeſe junxerunt. Tum duo milia Gallorum Pœnus in tres diviſa partes per urbem dimittit. Tarentinos & Afrōs quamaxime frequentia occupare jubet, tumultu orto Romanos paſſim cædi, oppidanis

20 danis parci . sed ut fieri id posset , præci-
 pit juvenibus Tarentinis , ut ubi quem suo-
 rum procul vidissent , quiescere , & silere ,
 ac bono animo esse juberet . Jam tumultus
 erat , clamorque , qualis esse in capta urbe
 solet : sed quid rei esset , nemo satis pro-
 certo scire . Tarentini Romanos ad diripien-
 dam urbem credere coortos . Romanis sediti-
 o aliqua cum fraude videri ab oppidanis
 mota . Præfectus primo excitatus tumultu
 in portum effugit : inde acceptus scapha in
 arcem confugit . Terrorem & tuba audita
 ex theatro faciebat . nam & Romana erat ,
 a proditoribus ad hoc ipsum præparata , &
 inscienter a Græco inflata , quis , aut qui-
 bus signum daret , incertum efficiebat . Ubi
 illuxit , & Romanis Punica , & Gallica ar-
 ma cognita , tum dubitationem exemerunt ;
 & Græci Romanos passim cæde stratos cer-
 nentes , ab Annibale captam urbem sense-
 runt . Postquam lux certior erat , & Roma-
 ni , qui cædibus superfuerant , in arcem con-
 fugerant , conticescebatque paulatim tumultus :
 tum Annibal Tarentinos sine armis con-
 vocari jubet . Convenere omnes , præter-
 quam qui cedentes in arcem Romanos ad
 omnem adeundam simul fortunam persecuti
 fuerant . Ibi Annibal benigne allocutus Ta-
 rentinos , testatusque ea , quæ præstitisset
 civibus eorum , quos ad Trasymenum , aut
 ad Cannas cepisset : simul in dominationem
 superbam Romanorum invehens , recipere
 se in domos suas quenque iussit , & foribus
 nomen suum inscribere . se domos eas , quæ
 inscriptæ non essent , signo extemplo dato ,
 diripi iussurum : si quis in hospitio civis
 Romani (vacuas autem cernebat domos)
 nomen inscripsisset , eum se pro hoste ha-
 bitu .

biturum. Concione dimissa, cum titulis notatæ fores discrimen pacatæ ab hostili domo fecissent, signo dato, ad diripienda hospitia Romana passim discursum est, & fuit prædæ aliquantum.

CAPUT VIII.

Annibal Tarenti arcem terra, marique circumfider.

POSTERODIE ad oppugnandam arcem ducit. quam cum & mari, quo in Peninsulæ 11 modum pars major circumluitur, & præaltis rupibus, & ab ipsa urbe muro & fossa ingentis septam videret, eoque nec vi, nec operibus expugnabilem esse, ne aut seipsum cura tuendi Tarentinos a majoribus rebus moraretur, aut in relictos sine valido præsidio Tarentinos impetum ex arce, cum vellent, Romani facerent: vallo urbem ab arce intersepire statuit, non sine ulla etiam spe, cum prohibentibus opus Romanis manum posse conseri: & si ferocius procurris- sent, magna cæde ita attenuari præsidii vires, ut facile per se ipsi Tarentini urbem ab iis tueri possent. Ubi cœptum opus est, patefacta repente porta, in munientes impetum fecerunt Romani, pellique se statio passa est, quæ pro opere erat, ut successu cresceret audacia, pluresque, & longius pullos persequerentur. Tum signo dato cohorti undique Pœni sunt, quos instructos ad hoc Annibal tenuerat. nec sustinuerunt impetum Romani, sed ab effusa fuga loci angustiae eos, impeditaque alia opere jam cœpto, alia apparatu operis, morabantur. plurimi in fossam præcipitati, occisique sunt

quant in pugna. Inde & opus, nullo prohibente, fieri cœptum. fossa ingens ducta; & vallum intra eam erigitur: modicoque post intervallo murum etiam eadem regione addere parat: ut vel sine præsidio tueri se adversus Romanos possent. reliquit tamen modicum præsidium, ut simul in faciendo muro adjuvaret. ipse profectus cum cæteris copiis, ad Galesum flumen (quinque millia ab urbe abest) posuit castra. Ex iis stativis regressus ad inspiciendum opus, quod aliquantum opinione ejus celerius creverat, spem cepit, etiam arcem expugnari posse. Et est non altitudine, ut cætera, tuta, sed loco plano posita, & ab urbe muro tantum, ac fossa divisa. Cum jam machinationum omni genere, & operibus oppugnaretur, missum a Metaponto præsidium Romanis fecit animum, ut nocte ex improvviso opera hostium invaderent. alia disjecerunt; alia igni corruerunt. isque finis Annibali fuit ea parte arcem oppugnandi. Reliqua erat in obsidione spes, nec ea satis efficax: quia arcem tenentes, quæ in peninsula posita imminet faucibus portus, mare liberum habebant: urbs contra exclusa maritimis com meatibus: propiusque inopiam erant obsidentes, quam obsessi. Annibal, convocatis principibus Tarentinis, omnes præsentis difficultates exposuit: *neque arcis tam munita expugnanda viam cernere, neque in obsidione quicquam habere spei, donec mari potiantur hostes, quod si naves sint; quibus com meatus inveni prohibeant, extemplo aut abcessuros, aut dedituros se hostes.* Assentiebantur Tarentini. cæterum ei, qui consilium afferret, opem quoque in eam rem afferendam esse censebant. Punicas enim naves ex Sicilia accitas id posse facere suas,

fuas, quæ sinu exiguo interclusæ essent. cum claustra portus hostis haberet, quemadmodum inde in apertum mare evasuras? *Eva-*
dent, inquit Annibal. *Multa, quæ impedita*
natura sunt, consilio expediuntur. urbem enim
in campositam habetis: plana, & satis lata via
patent in omnes partes. via, quæ in portum
për mediam urbem ad mare transmissa est,
plaustris transveham naves haud magna mole,
& mare nostrum erit, quo nunc hostes potius-
tur: & illinc mari, hinc terra circumsidebimus
arcem. imo brevi aut relictam ab hostibus, aut
cum ipsis hostibus capiemus. Hæc oratio non
 spem modo effectus, sed ingentem etiam
 ducis admirationem fecit. Contracta exem-
 plo undique plaustra, junctaque inter se, &
 machinæ ad subducendas naves admotæ, mu-
 nitumque iter; quo faciliora plaustra, minor-
 que moles in transitu esset. jumenta inde, &
 homines contracti, & opus impigre cœptum:
 paucosque post dies classis instructa, ac para-
 ta circumvehitur arcem, & ante ipsum por-
 tum anchoras jacit. Hunc statum rerum An-
 nibal Tarenti reliquit, regressus ipse in hi-
 berna. Cæterum defectio Tarentinorum
 utrum priore anno, an hoc facta sit, in di-
 versum auctores trahunt. plures propiores-
 que ætate memoriæ rerum hoc anno tra-
 dunt factam.

CAPUT IX.

Ex Martii carminibus, quibus Cannensis clades prædicta fuerat; ludi Apollinares instituuntur.

- 12 **R**omæ consules prætoresque usque ante diem quintum Kal. Majas Latinæ tenuerunt. eo die perpetrato sacro in monte, in suas quisque provincias profiscuntur. Religio deinde nova objecta est ex carminibus Martianis. Vates hic Martius illustris fuerat. & cum inquisitio priore anno ex senatus consulto talium librorum fieret, in M. Attilii prætoris urbani, qui eam rem agebat, manus venerant, is protinus novo prætori Sullæ tradiderat. Ex hujus Martii duobus carminibus, alterius postea acta editi certo auctoritas eventu, alteri quoque, cujus nondum tempus venerat, afferebat fidem. Priore carmine Cannensis prædicta clades in hæc fere verba erat. *Amnem Trojugena Cannam Romana fuge, ne te alienigena cegant in campo Diomedis conferre manus. Sed neque credes tu mihi, donec complevis sanguine campum: multaque millia occisa tua deferat amnis in pontum magnum ex terra frugifera: piscibus, atque avibus, ferisque, qua incolunt terras, iis fiat esca caro tua. Nam mihi ita Jupiter factus est.* Et Diomedis Argivi campos, & Cannam flumen, qui militaverant in iis locis, juxta, atque ipsam cladem agnoscebant. Tum alterum carmen recitatum; non eo tantum obscurius, quia incertiora futura præteritis sunt, sed perplexius etiam scripturæ genere. *Hossem Romani si ex agro pellere vultis, vomit*

cam.

camque, qua gentium venit longe, Apollini
 vovendos censeo ludos, qui quotannis comiter
 Apollini fiant: cum populus dederit ex publico
 partem, privati uti conferant, prosequisque.
 His ludis faciendis prærit prætor is, qui ius
 populo plebique dabit summum. Decemviri
 Græco ritu hostiis sacra faciant. hac si recte
 faxitis, gaudebitis semper, fietque res vestra
 melior. Nam is divus extinguet perduelles
 vestros, qui vestros campos pascunt placide.
 Ad id carmen expiandum diem unum sum-
 pserunt: postero die senatus consultum fa-
 ctum est, ut decemviri libros de ludis Apol-
 lini, reque divina facienda inspicerent. Ea
 cum inspecta relataque ad senatum essent,
 censuerunt patres, Apollini ludos vovendos,
 faciendosque; & quando ludi facti essent, du-
 decim millia æris prætori ad rem divinam, &
 duas hostias majores dandas. Alterum sena-
 tus consultum factum est, ut decemviri sa-
 crum Græco ritu facerent, hisce hostiis; Apol-
 lini, bove aurato, & capris duabus albis au-
 ratis: Latona, bove fœmina aurata. Ludos
 prætor incirco maximocum facturum esset,
 edixit, ut populus per eos ludos stipem A-
 pollini, quantam commodum esset, con-
 ferret. Hæc est origo ludorum Apollina-
 rium, victoriæ; non valetudinis ergo, ut
 plerique rentur, votorum. factosque popu-
 lus coronatus spectavit. matronæ suppli-
 cavere, vulgo apertis januis in propatulo
 epulati sunt: celeberrime dies omni cære-
 moniarum genere fuit.

CAPUT X.

Adversus Pœnos, duce Annone frumentum Capuam comportantes prospere pugnant Q. Fulvius, & Ap. Claudius consules: multis millibus caesis, & captis, ingenti prada potiuntur.

13. **C**UM Annibal circa Tarentum, consules ambo in Sampio essent, sed circumfessuri Capuam viderentur: quod malum diuturnæ obsidionis esse solet, jam famem Campani sentiebant, quia sementem facere prohibuerant eos Romani exercitus. itaque legatos ad Annibalem miserunt, orantes, ut prius quam consules in agros suos educerent legiones, viæque omnes hostium præliis insiderentur, frumentum ex propinquis locis convehi juberet Capuam. Annibal Annonem ex Brutiis cum exercitu in Campaniam transire, & dare operam, ut frumenti copia fieret Campanis, jussit. Anno ex Brutiis profectus cum exercitu, vitabundus castra hostium, consulesque, qui in Sampio erant, cum Benevento jam appropinquaret, tria passuum millia ab ipsa urbe loco edito castra posuit. inde ex sociis circa populis, quo æstate comportatum erat, devehî frumentum in castra jussit, præliis datis, quæ commeatus eos prosequerentur. Capuam inde nuntium misit, qua die ad accipendum frumentum præsto essent, omni undique genere vehiculorum, jumentorumque ex agris contracto. Id pro cætera socordia, negligentiaque a Campanis actum. paulo plus CCCC vehicula missa, & pauca præterea jumenta: ob id castigatis
- ab

ab Annone, quod ne famēs quidem, quæ
mutas accenderet bestias, curam eorum sti-
mulare posset, alia prodita dies ad frumen-
tum majore apparatu petendum. Ea omnia,
sicut acta erant, cum enuntiata Beneventa-
nis essent, legatos decem extemplo ad consu-
les (circa Bovianum castra Romanorum e-
rant) miserunt. Qui cum, auditis quæ ad
Capuam agerentur, inter se comparassent,
ut alter in Campaniam exercitum duceret:
Fulvius, cui ea provincia evenerat, profe-
ctus nocte Beneventum, mœnia est ingressus.
Ex propinquo cognoscit, Annonem cum exer-
citus parte profectum frumentatum: duo
millia plaustrorum, inconditam, inermem-
que aliam turbam advenisse: per tumultum,
ac trepidationem omnia agi, castrorumque
formam, & militarem ordinem, immistis a-
gressibus iis ex terris, sublatum. His satis
compertis, consul militibus edicit, signa tan-
rum armaque in proximam noctem expedi-
rent: castra Púnica oppugnanda esse. Quar-
ta vigilia profecti, sarcinis omnibus, impe-
dimentisque Beneventi relictis, paulo ante
lucem cum ad castra pervenissent, tantum
pavoris injecerunt, ut si in plano castra po-
sita essent, haud dubie primo impetu capi
potuerint. altitudo loci, & muniimenta de-
fenderunt, quæ nulla ex parte adiri, nisi
arduo ac difficili ascensu, poterant. Luce
prima prælium ingens accensum est: nec
vallum modo tutantur Pœni, sed, ut qui-
bus locus æquior esset, deturbant nitentes
per ardua hostes. Vicit tamen omnia parti-
nax virtus, & aliquot simul partibus ad val-
lum, ac fossas perventum est, sed cum mul-
tis vulneribus, ac militum pernicie. Itaque
convocatis tribunis militum, consul, absit

fien.

stendum temerario incepto ait: *rustius sibi videri, reduci eo die exercitum Beneventum: dein postero castris se hostium jungi, ne exire inde Campani, neve Anno regredi posset, id quo facilius obtineatur, collegam quoque, & exercitum ejus se acciturum, totumque eo versurum bellum.* Hæc consilia ducis, cum jam receptui caneret, clamor militum aspernantium tam segne imperium disjecit. proxima portæ hostium erat cohors Peligna: cuius præfectus Vibius ereptum vexillum trans vallum hostium trajecit. exēcratus inde seque, & cohortem, si ejus vexilli hostes potiti essent, princeps ipse per fossam, vallumque in castra irrumpit. Jamque intra vallum Peligni pugnabant, cum altera parte, Valerio Flacco, tribuno militum tertiæ legionis, exprobrante Romanis ignaviam, qui sociis captorum castrorum concederent decus, T. Pedanius, princeps primus centurio, cum signifero signum ademisset: *jam hoc signum, & hic centurio, inquit, intra vallum hostium erit: sequantur, qui capi signum ab hoste prohibebunt.* Manipulares sui primum transcenderunt fossam, dein legio tota secuta est. Jam & consul ad conspectum transgredientium vallum mutato consilio, abrevocandis ad incitandos hortandosque versus milites, ostendere, in quanto discrimine, ac periculo fortissima cohors sociorum, & civium legio esset. Itaque pro se quisque omnes per æqua, atque iniqua loca, cum undique tela conjicerentur, armaque & corpora hostes objicerent, pervadunt, irrumpuntque. multi vulnerati: etiam quos vires; sanguis que deferret, ut intra vallum hostium caderent, nitebantur. Capta itaque momento temporis,

velut in plano sita, nec permunita castra, cædes inde, non jam pugna erat, omnibus intra vallum permittis. supra sex millia hostium cæsa. supra septem millia capiuntur, cum frumentatoribus Campanis, omnique plaustrorum & iumentorum apparatu. capta & alia ingens præda fuit, quam Anno, populabundus passim cum islet, ex sociorum populi Romani agris traxerat. Inde dejectis hostium castris, Beneventum reditum est: prædamque ibi ambo consules (nam & Ap. Claudius eo post paucos dies venit) vendiderunt, diviseruntque. & donati, quorum opera castra hostium capta erant, ante alios Vibius Pelignus, & T. Pedanius princeps tertiæ legionis. Anno ab Cominio Cerito, quo nuntiata castrorum clades est, cum paucis frumentatoribus, quos forte secum habuerat, fugæ magis, quam itineris modo in Bruttios rediit. Et Campani, audita sua pariter, sociorumque clade, legatos ad Annibalem miserunt, qui nuntiarent, duos consules ad Beneventum esse, diei iter a Capua: tantum non ad portas, & muros bellum esse: ni propere subveniat, celerius Capuam, quam Arpos, in potestatem hostium venturam. ne Tarentum quidem, non modo arcem, tanti debere esse, ut Capuam, quam Carthagini æquare sit solitum, desertam indefensamque populo Romano tradat. Annibal curæ sibi fore rem Campanam pollicitus, in præsentia duo millia equitum cum legatis mittit, quo præsidio agros populationibus possent prohibere.

CAPUT XI.

In arcem Tarentinam ab hostibus undique obse-
sam frumentum per C. Servilium legatum im-
portatur: eo cum transissent milites, qui Me-
taponti erant, Metapontini ab Romanis defi-
ciunt: Thurini quoque, cum præsidium Ro-
manum pertractum ab Annone ad certamen
extra urbem, portis clausis, ad eadem prabuis-
sens, se Pœnis tradunt.

Romanis interim; sicut aliarum re-
rum, arcis Tarentinæ, præsidique,
quod ibi obsideretur, cura esse. C. Ser-
vilus legatus ex auctoritate patrum a P. Cor-
nelio prætore in Etruriam ad frumentum
cømendum missus, cum aliquot navibus
onustis in portum Tarentinum inter ho-
stium custodias pervenit. Cujus adventu,
qui ante in exigua spe vocati sæpe ad tran-
sitionem ab hostibus per colloquia erant;
ultro ad transeundum hostes vocabant, sol-
licitabantque. & erat satis validum præsi-
dium, traductis ad arcem Tarenti tuendam
qui Metaponti erant, militibus. Itaque
Metapontini extemplo metu, quo teneban-
tur, liberati, ad Annibalem defecere. Hoc
idem eadem ora maris & Thurini fecerunt.
movit eos non Tarentinorum magis defe-
ctio, Metapontinorumque, quibus indidem
ex Achaja criundi etiam cognatione juncti
erant, quam ira in Romanos, propter obsi-
des nuper interfectos. Eorum amici cognati-
que literas ac nuntios ad Annonem, Ma-
gonemque, qui iam propinquo in Brutiis e-
rant, miserunt, si exercitum ad mœnia ad-
movissent, se in potestatem eorum urbem
tra-

tradituros esse. M. Atilius Thuriis cum modico praesidio praeerat: quem facile elici ad certamen temere ineundum rebantur posse, non tam militum, quos perpauca habebat, fiducia, quam iuventutis Thurinae. eam ex industria centuriaverat, armaveratque ad tales casus. Divisis copiis inter se duces Pœnicum agrum Thurinum ingressi essent, Annō cum peditum agmine infestis signis ire ad urbem pergit. Mago cum equitatu teclus collibus ad tegendas insidias oppositis, subsistit. Atinius peditum tantum agmine per exploratores comperto, in aciem copias educit, & fraudis intestinæ, & hostium insidiarum ignarus. Pedestre prælium fuit per seque, paucis in prima acie pugnantibus Romanis, Thurinis expectantibus magis, quam adjuvantibus eventum: & Carthaginensium acies de industria peditum retinebat, ut ad terga collis ab equite suo infestis hostem incautum pertraheret. Quo ubi ventum est, coorti cum clamore equites propere inconditam Thurinorum turbam, nec satis fido animo, unde pugnat, stantem, extemplo in fugam averterunt. Romani, quanquam circumventos hinc pedes, hinc eques urgebat, tamen aliquandiu pugnam traxere. postremo & ipsi terga vertunt, atque ad urbem fugiunt. Ibi proditores conglobati, cum popularium agmen patentibus portis accepissent, ubi Romanos fusos ad urbem ferri viderunt, conclamant, inflare Pœnum, permisosque hostes urbem invasuros, ni propere portas claudant. ita exclusos Romanos præbuere hosti ad cædem. Atinius tamen cum paucis receptus. Seditio inde paulisper tenuit, cum alii urbem tuendam, inde alii cedendum fortunæ, & tradendam

urbem victoribus censerent. cæterum, ut plerumque, fortuna, & consilia mala vicerunt. Atinio cum suis ad mare ac naves deducto, magis quia ipsi, ob imperium in se mite ac iustum, consultum volebant, quam respectu Romanorum, Carthaginienses in urbem accipiunt.

CAPUT XII.

Coss., ducto in Campaniam exercitu, Capua oppugnationem parant: in Lucanis interim Tib. Sempronius Gracchus procos. ab hospite suo Flavio Lucano in insidias deductus, a Mago- ne interimitur: de hoc tristi fato prodigium, sacrificanti oblatum, illum pramonet.

Consules a Benevento in Campanum agrum legiones ducunt, non ad frumenta modo, quæ jam in hibernis erant, corrumpenda, sed ad Capuam oppugnandam, nobilem se consulatum tam opulentæ urbis excidio rati facturos: simul & ingens flagitium imperio dempturos, quod urbi tam propinquæ tertium annum impunita defectio esset. Cæterum ne Beneventum sine præsidio esset, & ut ad subita belli, si Annibal (quod facturum haud dubitabant) ad opem ferendam sociis Capuam venisset, equites vim sustinere possent, T. Gracchum ex Lucanis cum equitatu, ac levi armatura Beneventum venire jubent: legionibus, stativisque ad obtinendas res in Lucanis aliquem præficeret. Graccho, priusquam ex
 16^a Lucanis moveret, sacrificanti triste prodigium factum est. ad exta, sacrificio perpetrato, angues duo ex occulto allapsi edere jecur, conspectique repente ex oculis abierunt.

runt: id cum aruspicum monitu sacrificium
 instauraretur; atque intentius exta referata
 fervarentur, iterum; ac tertium venisse tra-
 dunt, libatoque jecinore intactos angues ab-
 iisse. Cum aruspices, ad imperatorem id per-
 tinere prodigium, præmonuissent, & ab oc-
 cultis cavendum hominibus, consiliisque, nul-
 la tamen providentia fatum imminens move-
 ri potuit: Flavius Lucanus fuit caput partis
 ejus Lucanorum, cum pars ad Annibalem de-
 fecisset; quæ cum Romanis stabat: & jam
 anno in magistratu erat, ab eisdem illis crea-
 tus prætor. Is, mutata repente voluntate,
 locum gratiæ apud Pœnum quærens, neque
 transire ipse, neque trahere ad defectionem
 Lucanos latis habuit, nisi imperatoris, &
 ejusdem hospitis proditi capite, ac sanguine
 fœdus cum hostibus sanxisset: ad Magonem,
 qui in Brutiis præerat, clam in colloquium
 venit: fidemque ab eo accepta, si Romanum
 imperatorem sibi tradidisset, liberos cum suis
 legibus venturos in amicitiam Lucanos, de-
 ducit Pœnum, in locum pacis Gracchum ad-
 ducturus. Magonem ibi pedites, equitesque
 armare, & capere eas latebras, ubi ingentem
 numerum occuleret, jubet. Loco satis inspe-
 cto, atque undique explorato, dies compo-
 sita gerendæ rei est. Flavius ad Romanum
 imperatorem venit. *Rem se ait magnam in-
 choasse, ad quam perficiendam ipsius Gracchi
 opera opus esset, omnium populorum pratoribus,
 qui ad Pœnum in illo communi Italia motu de-
 scissent, persuasisse, ut redirent in amicitiam
 Romanorum; quando res quoque Romana, qua
 prope exitium clade Cannensi venisset, in dies
 melior, atque auctior fieret, Annibalis vis se-
 nesceret, ac prope ad nihilum venisset, vere-
 ri delicto, haud implacabiles fore Romanos:*
 nulli.

placabiles fore Romanos: nullam unquam gentem magis exorabilem, promptioremque vendanda fuisse. quoties rebellionis etiam majorum suorum ignotum? Hac ab se ait dicta. ceterum ab ipso Graccho eadem hac audire malle eos, presentiſque contingere dextram: id pignus fidei ſecum ferre. Locum ſe conſiliis edixiſſe a conſpectu amotum, haud procul a caſtris Romanis. ibi paucis verbis tranſigire poſſe, ut omne nomen Lucanum in fide, ac ſocietate Romana ſit. Gracchus fraudem & ſermoni, & rei abeſſe ratus, ac ſimilitudine veri captus, cum liſtoribus ac turma equitum e caſtris profeſtus, duce hoſpitem in inſidias præcipitatur. Hoſtes ſubito exorti, &, ne dubia proditio eſſet, Flavius hiſ ſe adiungit. tela undique in Gracchum atque equites conjiciuntur. Gracchus ex equo deſilit, idem cæteros facere jubet: hortaturque, ut quod unum reliquum fortuna fecerit, id honeſtent virtute, reliquum autem quid eſſe paucis a multitudine in valle ſilva ac montibus ſepta circumventis, præter mortem? id referre, utrum præſenti torpore, pecorum modo, inulti iruſcuntur, an toto animo a patientiæ, expectandoque eventum in impetum atque iram verſo, agentes audenteſque, perſuſi hoſtium cruore, inter expirantium inimicorum cumulata armæque & corpora cadant. Lucanum proditorem ac tranſugam omnes peterent. qui eam victimam præ ſe ad inferos miſiſſet, eum decus eximium, egregiumque ſolacium ſuæ morti inventurum. Inter hæc dicta, paludamento circum lævum brachium intorto, (nam et ſcuta quidam ſecum extulerant) in hoſtes impetum fecit. Major, quam pro numero hominum, editur pugna. jaculis maxime aperta cor-

pora Romanorum, & cum undique ex altioribus locis in cavam vallem coniectus esset, transfiguntur. Gracchum jam nudatum presidio, vivum capere Pœni nituntur. ceterum ille conspicatus Lucanum hospitem inter hostes adeo infestus confertos invasit, ut parci ei sine multorum pernicie non posset. Exanimem eum Mago extemplo ad Annibalem misit, ponique cum captis simul fascibus ante tribunal imperatoris iussit. Hęc vera fama est. Gracchus in Lucanis, ad campos, qui Veteres vocantur, periit. Sunt qui in agro Beneventano prope Calorem fluvium ostendant a castris cum victoribus, ac tribus servis lavandi causa progressum, cum forte inter saliceta innata ripis laterent hostes, nudum atque inermem, faxisque, quę volvit amnis, propugnantem, interfectum. Sunt qui Aruspicum monitu quingentos passus a castris progressum, uti loco puro ea, quę ante dicta prodigia sunt, procuraret, ab infidentibus forte locum duabus turmis Numidarum circumventum scribant. adeo nec locus, nec ratio mortis in viro tam claro & insigni constat. Funeris quoque Gracchi varia fama est. Alii in castris Romanis sepultum ab suis: alii ab Annibale (& ea vulgatiores fama est) tradunt in vestibulo Punicorum castrorum rogi extructum esse, armatum exercitum decurrisse cum tripudiis Hispanorum, motibusque armorum & corporum suę cuique genti assuetis, ipso Annibale omni rerum verborumque honore exequias celebrante. Hęc tradunt, qui in Lucanis rei gestę auctores sunt. Si illis, qui ad Calorem fluvium interfectum memorant, credere velis, capitis tantum Gracchi hostes petiti sunt, eo delato ad Annibalem missus

17

sus

A. 11

ſus ab eo conſeſſim Carthalo , qui in caſtra Romana ad Cn. Cornelium quæſtorem deferret . is ſunus imperatoris in caſtris , celebrantibus cum exercitu Beneventanis , fecit .

CAPUT XIII.

Aucta Campanis ferocia ex proſpere facta in Conſules eruptione , Badius Campanus T. Quinctium Crispinum , olim ſibi perſamiliarē , ad pugnam provocat : is primum propter privati jura hoſpitii recusans , tandem , cum alter ferociter inſultaret , congreſſitur , ac magna cum laude ſuperat .

18 **C**onſules agrum Campanum ingreſſi , cum paſſim popularentur , eruptione oppidanorum & Magonis cum equitatu terri , ac trepidi ad ſigna milites palatos paſſim revocarunt : & vixdum inſtructa acie fuſi , ſupra mille & quingentos milites amiſerunt . Inde ingens ferocia ſuperbæ ſuo pte ingenio genti crevit : multisque præliis laceſſebant Romanos . ſed intentiores ad cavendum conſules una pugna fecerat incaute atque inconſulte inita . Reſtituit tamen his animos , & illis minuit audaciam parva una res . ſed in bello nihil tam leve eſt , quod non magnæ interdum rei momentum faciat . T. Quintio Crispino Badius Campanus hoſpes erat perſ familiari hoſpitio junctus . creverat conſuetudo , quod æger Romæ apud Crispinum Badius ante defectionem Campanam liberaliter , comiterque curatus fuerat . Tum Badius progreſſus ante ſtationes , quæ pro porta ſtabant , evocari Crispinum juſſit . quod ubi eſt Crispino nuntiatum , ratus colloquium amicum ac fami-

familia requæri, manente memoria, etiam in dissidio publicorum fœderum, privati juris, paulum a cæteris processit. Postquam in conspectum venere, *provoco te*, inquit, *ad pugnam*, Crispine, Badius. *conscendamus equos, summotisque aliis, uter bello melior sit, decernamus*. Ad ea Crispinus, *nec sibi, nec illi ait hostes deesse, in quibus virtutem ostendant, se ab eo, etiamsi in acie occurrat, declinaturum, ne hospitali cade dextram violet, conversusque abibat*. Enimvero ferocius tum Campanus increpare molliem ignaviamque, & se digna probra in infontem jacere, hospitalem hostem appellans, *simulantiemque parcere cui sciat parem se non esse, si parum publicis fœderibus ruptis dirempta simul & privata jura esse putet, Badium Campanum T. Quintio Crispino Romano, palam omnibus, & duobus exercitibus audientibus, renuntiare hospitium, nihil sibi cum eo consociatum, nihil fœderatum hospiti cum hoste, cujus patriam, ac penates publicos privatosque oppugnatum venisset, si vir esset, congregeretur*. Diu cunctantem in Crispinum perpulere turmales, ne impune insultare Campanum pateretur. itaque tantum moratus, dum imperatores consuleret, permitterentne sibi extra ordinem in provocantem hostem pugnare, permissu eorum arma cepit, equumque conscendit, & Badium nomine compellans ad pugnam evocavit. Nulla mora a Campano facta est. infestis equis concurrere. Crispinus supra scutum sinistrum humerum Badio hasta transfixit: superque delapsus cum vulnere ex equo desiliit, ut pedes jacentem conficeret. Badius prius quam opprimeretur, parma atque equo relicto, ad suos aufugit, Crispinus equum, armaque capta,

& cruentam cuspidem insignis spoliis ostentans, cum magna laude, & gratulatione militum ad consules est deductus: laudatusque ibi magnifice, & donis donatus.

C A P U T. XIV.

Consules æquo Marte congressi ad Capuam cum Annibale, ad illum avertendum abeunt inde diversi. Annibal sequutus Appium, in Lucanos pertrahitur.

- 19 **A**nnibal, ex agro Beneventano castra ad Capuam cum movisset, tertio post die quam venit, copias in aciem eduxit, haudquam dubius, quod Campanis absente se paucos ante dies secunda fuisset pugna, quin multo minus se, suumque toties victorem exercitum sustinere Romani possent. Cæterum posteaquam pugnari cœptum est, equitum maxime incursum cum jaculis obrueretur, laborabat Romana acies: donec signum equitibus datum est, ut in hostem admitterent equos. ita equestre prælium erat. cum procul visus Sempronianus exercitus, cui Cn. Cornelius quæstor præerat, utrique parti parem metum præbuit, ne hostes novi adventarent. velut ex composito utrinque signum receptui datum: reductique in castra prope æquo Marte discesserunt. plures tamen ab Romanis primo incursum equitum ceciderunt. Inde COSS., ut averterent Capua Annibalem, nocte, quæ secuta est, diversi, Fulvius in agrum Cumana, Claudius in Lucanos, abierunt. Postero die cum vacua castra Romanorum nuntiatum Annibali esset, & duobus agminibus diversos abiisse: incertus primo utrum sequeretur, Appium institit sequi, Ille circumducto hoste

ſſe qua voluit, alio itinere ad Capuam
rediit.

CAPUT XV.

*Centenius Penula, qui centurio militaverat,
pollicitus ſenatui victoriam de Annibale, ſi
ſibi daretur exercitus, acceptis octo milli-
bus, prælio cum Annibale in Lucanis con-
greſſus, cum exercitu caditur.*

ANnibali alia in iis locis bene gerendæ rei
fortuna oblata eſt. M. Centenius fuit
cognomine Penula, inſignis inter primipili
centuriones & magnitudine corporis, & ani-
mi. Iſ perfunctus militia, per P. Cornelium
Sullam prætorem in ſenatum introductus pe-
tit a patribus, ut ſibi quinque millia militum
darentur: ſe peritum & hoſtis, & regionum
brevis operæ pretium facturum: & quibus ar-
tibus ad id locorum noſtri & duces, & exer-
citus capti forent, iis adverſus inſentorem
uſurum. Id non promiſſum magis ſolide,
quam ſolide creditum: tanquam eodem mi-
litares, & imperatoriæ artes eſſent. Data
pro quinque octo millia militum: pars dimi-
dia cives, pars focii. & ipſe aliquantum vo-
luntariorum itinere in agris concivit: ac pro-
pe duplicato exercitu in Lucanos pervenit,
ubi Annibal nequicquam ſecutus Claudium
ſubſtiterat. Haud dubia res eſt: quippe inter
Annibalem ducem, & centurionem, exer-
citusque, alterum vincendo veteranum, al-
terum novum totum, & magna ex parte et-
iam tumultuarium, ac ſemiermem. Ut con-
ſpecta inter ſe agmina ſunt, & neutra pars de-
treſtavit pugnam, ex templo inſtructæ acies
pugnatum tamen duabus amplius horis.

in nullam partem concitata, donec duxstet Romana acie. Posteaquam is non pro vetere fama solum, sed etiam metu futuri dedecoris, si sua temeritate contractæ cladis superesset, obiectans se hostium telis cecidit: fusa exemplo est Romana acies. sed adeo ne fugæ quidem iter patuit, omnibus viis ab equite infestis, ut ex tanta multitudine vix mille evaserint. cæteri passim alii alia peste absumpti sunt.

C A P U T XVI.

Dum ab consulibus Capua iterum obsidetur, in Lucanis commissa cum Annibale pugna a Cn. Fulvio prætor, ejus stultitia, & temeritate ingens clades accipitur. Casis eo prælio sexdecim millibus, ipse Cn. Fulvius cum equitibus ducentis effugit.

- 20 **C**apua a consulibus interim summa vi obsideri cœpta est: quæque in eam rem opus erant, comportabantur, parabanturque. Casilinum frumentum convectum; ad Vulturni ostium, ubi nunc urbs est, castellum communitum: (ante Fabius Maximus munierat) præsidium impositum, ut & mare proximum, & flumen in potestate essent. In ea duo maritime castella frumentum, quod ex Sardinia nuper missum erat, quodque M. Junius prætor ex Etruria coemerat, ab Ostia convectum est, ut exercitui per hyemem copia esset. Cæterum super eam cladem, quæ in Lucanis accepta erat, volonum quoque exercitus, qui vivo Graccho summa fide stipendia fecerat, velut exauctoratus morte ducis, ab signis decessit. Annibal non Capuam neglectam, neque in tanto discrimi-
ne

one desertos volebat socios, sed prospero ex-
 temeritate unius Romani ducis successu, in
 alterius ducis exercitusque opprimendi occa-
 sionem imminebat. Cn. Fulvium prætorem
 Apuli legati nuntiabant, primo, dum urbes
 quasdam Apulorum, quæ ad Annibalem de-
 scivissent, oppugnaret, intentius remegisse:
 postea nimio successu & ipsum, & milites
 præda impletos, in tantam licentiam, socor-
 diamque effusos, ut nulla disciplina militiæ
 esset. Annibal cum sæpe alias, tum paucis
 diebus ante expertus, qualis sub inscio duce
 exercitus esset, in Apuliam castra movit.
 Circa Herdoniam Romanæ legiones, & præ- 21
 tor Fulvius erant. quo ubi allatum est, ho-
 stes adventare; prope est factum, ut in jussu
 prætoris signis convulsis in aciem exirent.
 nec res ulla magis tenuit, quam spes haud du-
 bia, suo id arbitrio, ubi vellent, acturos.
 Nocte insequenti Annibal, cum tumultua-
 tum in castris, & plerosque ferociter, signum
 ut daret, institisse duci ad arma vocantes,
 sciret: haud dubius prosperæ pugnæ occa-
 sionem dari, tria millia expeditorum mili-
 tum in villis circa, vepribusque, & silvis di-
 sponit, qui signo dato simul omnes e latebris
 exilirent. & Magonem, ac duo ferme mil-
 lia equitum, quæ fugam inclinaturam crede-
 bat, omnia itinera insidere jubet. his nocte
 præparatis, prima luce in aciem copias edu-
 cit. Nec Fulvius est cunctatus, non tam sua
 ulla spe, quam militum impetu fortuito tra-
 ctus. itaque eadem temeritate, qua proces-
 sum in aciem est, instruitur ipsa acies ad libi-
 dinem militum forte procurrentium, consi-
 stentiumque quo loco ipsorum tulisset ani-
 mus; deinde per libidinem aut metum dese-
 rentium locum, prima legio, & sinistra ala

commearent: unus ex Romanis ex propina
quo murum contemplatus, numerando lapi-
des, æstimandoque ipse secum; qui in fron-
te paterent: simul altitudinem muri, quan-
tum proxime conjectura poterat, permenfus.
humilioremque aliquanto pristina opinione
sua, & cæterorum omnium ratus esse, & vel
mediocribus scalis superabilem: ad Marcel-
lum rem defert. Haud spernenda res visa.
sed cum adiri locus, qui ob id ipsum intentius
custodiebatur, non posset, occasio querebatur.
quam obtulit transfuga, nuntians, diem festum
Dianæ per triduum agi: & quia alia in obsi-
dione desint, vino largius epulas celebrari,
& ab Epicide præbito universæ plebi, & per
tibus a principibus diviso. Id ubi accepit:
Marcellus, cum paucis tribunorum militum
collocutus, electisque per eos ad rem tan-
tam agendam audendamque idoneis centu-
rionibus, militibusque, & scalis in occulto
comparatis, cæteris signum dari jubet, ut
mature corpora curarent, quietique darent:
nocte in expeditionem eundum esse. Inde ubi
id temporis visum, quo die epulatis jam, vi-
noque satiatis principium somni esset, signi
unius milites ferre scalas jussi: & ad mille fe-
re armati tenui agmine per silentium eo de-
ducti. Ubi sine strepitu, ac tumultu primi
evaferunt in murum, secuti ordine alii,
cum priorum audacia dubiis etiam animum
faceret. Jam mille armatorum ceperant
partem, cum cæteræ admotæ, pluribusque
scalis in murum evadebant, signo ab Hexa-
pylo dato, quo per ingentem solitudinem
erat perventum, quia magna pars in tur-
ribus epulati, aut sopiti vino erant, aut se-
migraves potabant, paucos tamen eorum
oppressos in cubilibus interfecerunt. Pro-
pe-

pe Hexapylon est portula . ea magna vi refringi cœpta . & e muro composito tuba datum signum erat : & jam undique non furtim , sed vi aperte gerebatur res . quippe ad Epipolas , frequentem custodiis locum , per ventum erat . terrendique magis hostes erant , quam fallendi : sicut territi sunt . Nam simul ac tubarum est auditus cantus , clamorque tenentium muros , partemque urbis : omnia teneri , custodes rati , alii per murum fugere , alii salire de muro , præcipitarique turba paventium . magna pars tamen ignara tanti mali erat , & gravatis omnibus vino somnoque , & in vastæ magnitudinis urbis partium sensu non satis pertinente in omnia . Sub luce Hexapylo effracto , Marcellus omnibus copiis urbem ingressus , excitavit convertitque omnes ad arma capienda , opemque , si quam possent , jam captæ prope urbi ferendam . Epicides ab insula , quam ipsi Nason vocant , citato profectus agmine , haud dubius , quin paucos per negligentiam custodum transgressos murum expulsurus foret , occurrentibus pavidis , tumultum augere eos dictitans , & majora ac terribiliora vero afferre ; postquam conspexit omnia circa Epipolas armis completa , lacescito tantum hoste paucis missilibus , retro in Achradinam agmen convertit , non tam vim , multitudinemque hostium metuens : quam ne qua intestina fraus per occasionem oriretur , clausasque inter tumultum Achradinæ , atque insulæ inveniret portas . Marcellus , ut mœnia ingressus , ex superioribus locis urbem , omnium ferme illa tempestate pulcherrimam , subjectam oculis vidit , illacrymase dicitur , partim gaudio tantæ perpetratæ rei , partim

vetusta gloria urbis. Atheniensium classes demersæ, & duo ingentes exercitus cum duobus clarissimis ducibus deleti occurrebant: & tot bella cum Carthaginensibus tanto cum discrimine gesta, tot, ac tam opulenti tyranni, regesque: præter cæteros Hiero, cum recentissimæ memoriæ Rex, tum ante omnia, quæ virtus ejus, fortunaque sua dederat, beneficiis in populum Romanum insignis. ea cum universa occurrerent animo, subiretque cogitatio, jam illa momento horæ arsuræ omnia, & ad cineres reditura: prius quam signa Achradinæ admoveret, præmittit Syracusanos, qui inter præsidia Romana, ut ante dictum est, fuerant, ut alloqui leniperlicerent hostes ad dedendam urbem. Tenebant Achradinæ portas, murosque maxime transfugæ, quibus nulla erat per conditiones veniæ spes. ii nec adire muros, nec alloqui quenquam passi. itaque Marcellus, postquam id inceptum irritum fuit, ad Euryalom signa referri jussit. Tumulus est in extrema parte urbis versus a mari, viæque imminens ferenti in agros mediterraneaque insulæ, per commodus ad commeatus excipiendos. Præerat huic arci Philodemus Argivus ab Epicide impositus. ad quem missus a Marcello Sosus, unus ex interfectoribus tyranni, cum longo sermone habito dilatus per frustrationem esset, retulit Marcello, tempus eum ad deliberandum sumpsisse. Cum is diem de die differret, dum Hippocrates atque Himilco admoverent castra, legionesque, haud dubius, si in arcem accepisset eos, deleri Romanum exercitum inclusum muris posse: Marcellus, ut Euryalum neque tradi, neque capi vidit posse, inter Neapolim, & Ticam (nomina par-

partium urbis, & instar urbium sunt) posuit castra: timens ne si frequentia intrasset loca, contineri a discursu miles avidus prædæ non posset. Legati eo ab Tica, & Neapoli cum infulis & velamentis venerunt, precantes, ut cædibus, & incendiis parceretur. De quorum precibus quam postulatis magis consilio habito, Marcellus ex omnium sententia edixit militibus, ne quis liberum corpus violaret. cætera prædæ futura. castraque tectis parietum pro muro septa, portis regione platearum patentibus stationes præsidiaque disposuit, ne quis in discursu militum impetus in castra fieri posset. Inde signo dato milites discurrerunt: refractisque foribus cum omnia terrore, ac tumultu streperent; a cædibus tamentemperatum est. rapinis nullus ante modus fuit, quam omnia diuturna felicitate cumulata bona egressere. Inter hæc & Philodemus, cum spes auxilii nulla esset, fide accepta, ut inviolatus ad Epicidem rediret, reducto præsidio tradidit tumultum Romanis. Aversis omnibus ad tumultum ex parte caput urbis, Bomilcar noctem eam nactus, qua, propter vim tempestatis, stare ad anchoram in falo Romana classis non posset; cum trigintaquinque navibus ex portu Syracusano profectus, libero mari vela in altum dedit, quinque & quinquaginta navibus Epicidæ, & Syracusanis relictis. edoctisque Carthaginensibus, in quanto res Syracusana discrimine esset, cum C navibus post paucos dies redit, multis, (ut fama est) donis ex Hieronis gazæ ab Epicide donatus.

CAPUT XX.

Romani, Syracusarum mœnibus inclusi, cum adventu Hippocratis & Himilconis undique irgerentur, hostium impetus strenue repellunt: exorta deinde pestilentia, terrestribus Penorum exercitus ad internecionem absumitur.

- 26 **M**arcellus, Euryalo recepto, præsidioque addito, una cura erat liber, ne qua ab tergo vis hostium in arcem accepta, inclusos, impeditosque mœnibus suos turbaret. Achradinam inde, ternis castris per idonea dispositis loca, spe ad inopiam omnium rerum inclusos redacturum se, circumfedit. Cum per aliquot dies quietæ stationes utrinque fuissent, repente adventus Hippocratis, & Himilconis, ut ultro undique oppugnarentur Romani, fecit. nam & Hippocrates, castris ad magnum portum communitis, signoque iis dato, qui Achradinam tenebant, castra vetera Romanorum adortus est, quibus Crispinus præerat: & Epicides eruptionem in stationes Marcelli fecit, & classis Punica litori, quod inter urbem, & castra Romana erat, appulsa est, ne quid præsidii Crispino submitti a Marcello posset. Tumultum tamen majorem hostes præbuerunt, quam certamen. nam & Crispinus Hippocratem non repulit tantum a munimentis, sed insecutus etiam est trepidè fugientem: & Epicidem Marcellus in urbem compulit. satisque jam etiam in posterum videbatur profectum.

visum, ne quid ab repentinis eorum excursionibus periculi foret. Accessit & pestilentia, commune malum, quod facile utrorumque animos averteret a belli consiliis. nam tempore autumnii, & locis natura gravibus, multo tamen magis extra urbem, quam in urbe, intoleranda vis æstus per utraque castra omnium ferme corpora movit. & primo, temporis ac loci vitio & ægri erant, & moriebantur, postea curatio ipsa, & contactus ægrorum vulgabat morbos: ut aut neglecti, desertique, qui incidissent, morerentur: aut assidentes, curantesque eadem vi morbi repletos secum traherent: quotidianaque funera, & mors ob omnium oculos esset, & undique dies, noctesque ploratus audirentur. postremo ita assuetudine mali efferaverant animos, ut non modo lacrymis, justoque comploratu prosequerentur mortuos, sed ne efferrent quidem, aut sepelirent: jacerentque strata ex anima corpora in conspectu similem quoque mortem expectantium: mortuique ægros, ægri validos cum metu, tum tabe, ac pestifero odore corporum conficerent: & ut ferro potius morerentur, ferro quidam invadebant soli hostium stationes. Multo tamen major vis pestis Pœnorum castra, quam Romana, diu circumsidendo Syracusas, cæde aquisque affecerat magis. Ex hostium exercitu Siculi, ut primum videre, ex gravitate loci vulgari morbos, in suas quisque propinquas urbes dilapsi sunt, at Carthaginienses, quibus nusquam receptus erat, cum ipsis ducibus Hippocrate, atque Himilcone, ad internecionem omnes perierunt. Marcellus, ut tanta vis ingruerat mali, adduxerat in urbem suos: infirmaque corpora tecta, & umbræ recreaverant, multi tamen

ex.

29 ex Romano exercitu eadem peste absumpti sunt. Deleto terrestri Punico exercitu, Siculi, qui Hippocratis milites fuerant, haud in magna oppida, cæterum & situ, & munimentis tuta, tria milia alterum ab Syracusis, alterum quindecim ab ostio, & com meatus e civitatibus suis comportabant, & auxilia accersebant.

CAPUT XXI.

Classis Punica cum magno apparatu Carthaginæ rediens, aditu Syracusarum venio prohibetur: ea sper repente destitutus Epicles, Syracusis excedit: interim Siculi oblatam occasionem se conciliandi Romanis arripientes, ad Marcellum legatos de deditioe mittunt: eum transfuga, metu ne traderentur Romanis, cum mercenariis militibus Syracusanorum cadem faciunt.

INterea Bomilcar iterum cum classe profectus Carthaginem, ita exposita fortuna sociorum, ut spem faceret, non ipsis modo salutarem opem ferri posse, sed Romanos quoque in capta quodammodo urbem capi: perpulit, ut onerarias navēs quam plurimas omni copia rerum onustas secum mitterent, classemque suam augerent. Igitur centum triginta navibus longis, & septuaginta onerariis profectus a Carthagine, satis prosperos ventos ad trajiciendum in Siciliam habuit: sed lidem venti superare eum Pachynum prohibebant. Bomilcaris adventus fama primo, dein præter spem mora, cum gaudium & metum invicem Romanis Syracusanisque præbisset: Epicles metuens, ne, si pergerent iidem, qui

tum

tum tenebant, ab ortu solis stare per dies plures venti, classis Punica Africam repetere: tradita Achradina mercenariorum militum ducibus, ad Bomilcarem navigat, classem in statione versam in Africam habentem, atque timentem navale praelium, non tam quod impar viribus, aut numero navium esset, (quippe etiam plures habebat) quam quod venti aptiores Romanæ, quam suæ classis flarent: perpulit tandem, ut fortunam navalis certaminis experiri vellet. Et Marcellus, cum & Siculum exercitum ex tota insula conciri videret, & cum ingenti comœctu classem Punicam adventare, ne simul terra marique inclusus, urbe hostium urgeretur, quanquam impar numero navium erat, prohibere aditu Syracusarum Bomilcarem constituit. Duæ classes infestæ circa promontorium Pachynum stabant, ubi primum tranquillitas maris in altum evexisset, concursuræ. Itaque cadente jam Euro, qui per dies aliquot sævierat, prior Bomilcar movit: cuius prima classis petere altum visa est, quo facilius superaret promontorium. Cæterum postquam tendere ad se Romanas naves vidit, incertum qua subita territus re Bomilcar, vela in altum dedit: missisque nuntiis Heracleam, qui onerarias naves retro in Africam repetere juberent, ipse Siciliam prætervectus, Tarentum petit. Epicides a tanta repente destitutus spe, ne in obsidionem magna ex parte captæ urbis rediret; Agrigentum navigat, expectaturus magis eventum; quam inde quicquam moturus. Quæ ubi in castra Siculorum sunt nuntiata, Epicidem Syraculis excessisse, a Carthaginiensibus reliquam insulam, & prope iterum Romanis traditam: legatos de conditionibus dedenda

dæ urbis, explorata prius per colloquia voluntate eorum, qui obsidebantur, ad Marcel-
 cellum mittunt. Cum haud ferme discre-
 paret, quin quæ ubique regum fuissent,
 Romanorum essent; Siculis cætera cum li-
 bertate ac legibus suis fervarentur: evoca-
 tis ad colloquium iis, quibus ab Epicide
 credita res erat; missos se simul ad Marcel-
 lum, simul ab eo ad exercitum Siculorum
 ajunt. ut una omnium, qui obsiderentur,
 quique extra obsidionem essent, fortuna
 esset, neve alteri proprie sibi paciscerentur
 quicquam. Recepit deinde ab iis, ut ne-
 cessarios hospitesque alloquerentur, expo-
 sitis, quæ pacta jam cum Marcello habe-
 rent, oblata spe salutis perpulere eos, ut
 secum præfectos Epicidis Polycletum, &
 Philistionem, & Epicidem, cui Sydon-
 cognomen erat, aggrederentur. Interfectis iis,
 & multitudine ad concionem vocata: &
 inopiam, qua ipsi inter se fremere occulte
 solitierant, conquesti: &, quanquam tot
 mala urgerent, negarunt *fortunam accusan-*
dam esse, quod in ipsorum esset potestate, quan-
diu ea paterentur. Romanis causam oppugnan-
di Syracusas fuisse caritatem Syracusanorum,
non odium: nam ut occupatas res ab satelliti-
bus Annibalis, deinde Hieronymi Hippocrate
atque Epicide audierint, tum bellum movisse,
& obsidere urbem cœpisse: ut crudeles tyran-
nos ejus, non ut ipsam urbem expugnarent.
Hippocrate vero interempto, Epicide intercluso
ab Syracusis, & præfectis ejus occisis, Car-
thaginensibus omni possessione Sicilia terra
marique pulsis; quam superesse causam Ro-
manis, cur non, perinde ac si Hiero ipse
viveret, unicus Romana amicizia cultor, in-
columnes Syracusas esse velint? Itaque nec

*urbi, nec hominibus aliud periculi, quam ab
 semetipsis esse, si occasionem reconciliandi se
 Romanis pratermississent. eam autem, qualis il-
 lo momento hora sit, nullam deinde fore, si
 simul libertas ab impotentibus tyrannis appa-
 ruisset. Omnium ingenti assensu oratio au-
 dita est. prætore tamen prius creari, quam 29
 legatos nominari, placuit. ex ipsorum de-
 inde prætorum numero missi oratores ad
 Marcellum: quorum princeps, Neque pri-
 mo, inquit, Syracusani a vobis defecimus,
 sed Hieronymus nequaquam tam in vos im-
 pius, quam in nos: nec postea pacem tyranni
 cade compositam Syracusanus quisquam, sed
 satellites regii, Hippocrates atque Epicides,
 oppressis nobis hinc metu, hinc fraude, tur-
 baverunt. nec quisquam dicere potest, ali-
 quando nobis libertatis tempus fuisse, quod
 pacis vobiscum non fuerit. Nunc certe cade
 eorum, qui oppressas tenebant Syracusas, cum
 primum arbitrii nostri esse cœpimus, extemplo
 venimus ad tradenda arma, dedendos nos,
 urbem, mania: nullam recusandam fortu-
 nam, quæ imposita a vobis fuerit. Glo-
 riam capta nobilissima, pulcherrimaque ur-
 bis Græcarum diu tibi dederunt, Marcelle,
 quicquid unquam terra marique memoran-
 dum gessimus, id tui triumphi titulo acce-
 dit. fame ne credi malis, quanta urbs a
 te capta sit, quam posteris quoque eam spe-
 ctaculo esse. quo quisquis terra, quisquis
 mari venerit, nunc nostra de Atheniensibus,
 Carthaginiensibusque trophæa, nunc
 tua de nobis ostendat. incolumesque Syra-
 cusas familia vestra sub clientela nominis
 Marcellorum, tutelaque habendas tradas.
 ne plus apud vos Hieronymi, quam Hie-
 rononis memoria momenti faciat, diutius illa
 multa.*

multo amicus fuit, quam hic hostis: & it-
lius etiam benefacta persensistis, hujus amen-
tia ad perniciem tantum ipsius valuit. Om-
nia & impetrabilia, & tuta erant apud Ro-
manos. inter ipsos plus belli ac periculi
erat: nanque transfugæ tradi se Romanis
rati, mercenariorum quoque militum au-
xilia in eundem compulere metu: arreptis-
que armis prætores primam obtruncant, in-
de ad cædem Syracusanorum discurrunt:
quosque fors obtulit, irati interfecerunt:
atque omnia, quæ in promptu erant, di-
ripuerunt, tum, ne sine ducibus essent, sex
præfectos creavere, ut terni Achradinæ,
ac Naso præessent. Sedato tandem tumultu,
exsequentibus sciscitando mercenariis,
quæ acta cum Romanis essent: dilucere id
 30 *quod erat, coepit: aliam suam ac transfu-*
garum causam esse. In tempore legati a
Marcello redierunt, falsa eos suspitione in-
citatos memorantes: nec causam expeten-
dæ poenæ eorum ullam Romanis esse.

CAPUT XXII.

Marcellus, occupatis reliquis partibus, Syra-
cusas expugnat, ac ingentem se virum gœ-
rit: in eo tumultu capta urbis Archimedes
intentus formis, quas in pulvere descripse-
rat, interficitur: cum victoribus victisque
pariter perniciose famas instaret, Otacilius,
Uticam cum trajecisset, ingentem vim fru-
menti Syracusas opportune reportat.

E Rat ex tribus Achradinæ præfectis His-
 panus Mericus nomine. ad eum in-
 ter comites legatorum de industria unus
 ex Hispanorum auxiliaribus est missus: qui
 sine

sine arbitris Mericum nactus, primum, quod
 in statu reliquisset Hispaniam, (& nuper
 inde venerat) exponit. omnia Romanis ibi
 obrineri armis. posse eum, si opera pretium
 faciat, principem popularium esse: seu mili-
 tare cum Romanis, seu in patriam reversi
 libeat. contra, si malle obsideri pergat,
 quam sedem esse terra, marique clauso?
 Motus his Mericus, cum legatos ad Marcel-
 lum mitti placuisset, fratrem inter eos mit-
 tit: qui per eundem illum Hispanum secre-
 tus ab aliis ad Marcellum deductus, cum
 fidem accepisset, composuissetque agenda
 rei ordinem, Achradinam redit. Tum
 Mericus, ut ab suspitione proditoris aver-
 teret omnium animos, negat sibi placere
 legatos commeari ulro, citroque; neque re-
 cipiendum quengquam, neque missendum. Et
 quo intentius custodia servantur; opportuna lo-
 ca dividenda praeferens esse, ut sua quisque par-
 tis tutanda reus sit. Omnes assensu sunt.
 Partibus dividendis, ipsi regio evenit ab
 Arethusa fonte usque ad ostium magni por-
 tus. id ut scirent Romani, fecit. Itaque
 Marcellus nocte navim onerariam cum ar-
 matis remulco quadriremis trahi ad Achra-
 dinam jussit: exponique milites regione
 portae, quae prope fontem Arethusam est.
 Hoc cum quarta vigilia factum esset, ex-
 positosque milites porta, ut convenerat,
 recepisset Mericus: luce prima Marcellus
 omnibus copiis moenia Achradinae aggredi-
 tur: ita ut non eos solum, qui Archradi-
 nam tenebant, in se converteret, sed ab
 Naso etiam agmina armatorum concurre-
 rent, relictis stationibus suis, ad vim &
 impetum Romanorum arcendum. In hoc
 tumultu actuariae naves instructae jam an-
 te,

te, circumveſtæque, ad Naſum armatos exponunt. qui improvifo adorti ſemiplenas ſtationes, & adaperſas fores portæ, quæ paulo ante excurrerant armati, haud magno certamine Naſum cepere, deſertam trepidatione & fuga cuſtodum. neque utilis minus præſidii, aut pertinaciæ ad manendum, quam transfugis fuit: quia ne ſuis quidem ſatis credentes ſe, medio certamine effugerunt. Marcellus, ut captam eſſe Naſum didicit, & Achradinæ regionem unam teneri, Mericumque cum præſidio ſuis adjuñctum, receptui cecinit, ne regiæ opes, quarum fama major, quam res erat, diriperentur. Suppreſſo impetu militum, & iis, qui in Achradina erant, transfugis ſpatium, locusque fugæ datus eſt: & Syracuſani tandem liberi metu, portis Achradinæ apertis, oratores ad Marcellum mittunt, nihil petentes aliud, quam incolumitatem ſibi, liberisque ſuis. Marcellus, concilio advocato, & adhibitis etiam Syracuſanis, qui per ſeditiones pulſi ab domo intra præſidia Romana erant, reſpondit, non plura per annos quinquaginta benefacta Hieronis, quam paucis his annis maleſcia eorum, qui Syracuſas tenuerint, erga populum Romanum eſſe: ſed pleraque eorum, quo debuerint, recidiſſe: ſœderumque ruptorum ipſos ab ſe graviores multo, quam populus Roman. voluerit, pœnas exegiſſe. Se quidem tertium annum circumſedere Syracuſas, non ut populus Roman. ſervam civitatem haberet, ſed ne transfugarum duces captam, & oppreſſam tenerent. Quid potuerint Syracuſani facere, exemplo vel eos Syracuſanorum eſſe, qui intra præſidia Romana fuerint: vel Hiſpanum ducem Mericum, qui præſidium

tradiderit: vel ipsorum Syracusanorum postremo serum quidem, sed forte consilium. Omnium sibi laborum, periculorumque circa mœnia Syracusanæ terra, marique tandiu exhaustorum, nequaquam tantum fructum esse, quam capere Syracusas potuisse. Inde quæstor cum præsidio ad Nasum ad accipiendam pecuniam regiam, custodiendamque missus. diripiendaque urbs militi data est, custodibus divisim per domos eorum, qui intra præsidia Romana fuerunt. Cum multa iræ, multa invidiæ, avaritiæque fœda exempla ederentur: Archimede memoriam proditum est, in tanto tumultu, quantum capta urbs in discursu diripientium militum ciere poterat, intentum formis, quas in pulvere descripserat, ab ignaro milite quis esset, interfectum. ægre id Marcellum tulisse, sepulturæque curam habitam: & propinquis etiam inquisitis hopori, præsidioque nomen, ac memoriam ejus fuisse. Hoc maxime modo Syracusæ captæ: in quibus prædæ tantum fuit, quantum vix capta Carthagine tum fuisset, cum qua viribus æquis certabatur. Paucis antediebus, quam Syracusæ caperentur, T. Otacilius cum quinquere milibus octoginta Uticam ab Lilybæo transmissit. & cum ante lucem portum intrasset, onerarias frumento onustas cepit: egressusque in terram, depopulatus est aliquantum agri circa Uticam: prædamque omnis generis retro ad naves egit. Lilybæum tertio die, quam inde profectus erat, cum centum triginta onerariis navibus frumento, prædaque onustis rediit: idque frumentum ex templo Syracusas misit. quod ni tam in tempore subvenisset, victoribus, victisque pariter perniciofa fames instabat.

CAPUT XXIII.

P., & Cn. Scipiones in Hispania post tot tantasque res feliciter ibi gestas prope cum totis exercitibus caduntur, anno octavo quam in Hispaniam iuerant.

- 132 **E** Ademæstate in Hispania, cum biennio ferme nihil admodum memorabile factum esset, consiliisque magis, quam armis bellum gereretur, Romani imperatores egressi hibernis copias coniunxerunt. ibi concilium advocatum; omniumq; in unum congruerunt sententiæ, quando ad id locorum id modo actum esset, ut Asdrubalem tendentem in Italiam retinerent: tempus esse, id jam agi, ut bellum in Hispania finiretur. & satis ad id virium credebant accessisse, triginta millia Celtiberorum ea hyeme ad arma excitata. Tres exercitus erant. Asdrubal Gisgonis filius, & Mago conjunctis castris quinque ferme dierum iter ab Romanis aberant. Propior erat Amilcaris filius Asdrubal, vetus in Hispania imperator. ad urbem nomine Anitorgin exercitum habebat. Eum volebant prius opprimi duces Romani: & spes erat satis superque ad id virium esse. illa restabat cura, ne fuso eo perculsi alter Asdrubal, & Mago in avios saltus, montesque recipientes sese, bellum extraherent. Optimum igitur rati, divisis bifariam copiis, totius simul Hispaniæ amplecti bellum, ita inter se diviserunt, ut P. Cornelius duas partes exercitus Romanorum sociorumque adversus Magonem duceret, atque Asdrubalem; Cn. Cornelius cum tertia parte veteris exercitus Celtiberis ad-
- jun-

junctis cum Asdrubale, Barchino bellum ge-
 reret. Una profecti ambo duces, exercitus-
 que, Celtiberis prægredientibus, ad urbem
 Anitorgin, in conspectu hostium, dirimen-
 te amne, ponunt castra. Ibi Cn. Scipio cum
 quibus ante dictum est copiis substitit, & P.
 Scipio profectus ad destinatam belli partem.
 Asdrubal, postquam animadvertit, exiguum 33
 Romanum exercitum in castris, & spem om-
 nem in Celtiberorum auxiliis esse: peritus
 omnis barbaricæ, & præcipue omnium ea-
 rum gentium, in quibus per tot annos mili-
 tabat, perfidiæ, facili linguæ commercio,
 cum utraque castra plena Hispanorum es-
 sent, per occulta colloquia paciscitur magna
 mercede cum Celtiberorum principibus, ut
 copias inde abducant. Nec atrox visum faci-
 nus. non enim, ut in Romanos verterent
 arma, agebatur, & merces, quanta vel pro
 pro bello satis esset, dabatur, ne bellum ge-
 rerent: & cum quies ipsa, tum reditus do-
 mum, fructusque videndi suos, suæque, gra-
 ta vulgo erant. itaque non ducibus facilius,
 quam multitudini persuasum est: simul ne
 metus quidem ab Romanis erat, quippe tam
 paucis, se ne retinerent. Id quidem caven-
 dum semper Romanis ducibus erit; exempla-
 que hæc vere pro documentis habenda, ne
 ita externis credant auxiliis, ut non plus sui
 roboris, suarumque proprie virium in castris
 habeant. Signis repente sublati. Celtiberi
 abeunt, nihil aliud quærentibus causam, ob-
 testantibusque, ut manerent, Romanis res-
 pondentes, quam domestico se avocari bello.
 Scipio, postquam socii nec precibus, nec vi
 retineri poterant, nec se aut parem sine illis
 hosti esse, aut fratri rursus conjungi vidit
 posse, nec ullum aliud salutare consilium in
 prom-

promptu esse: retro quantum posset, credere statuit, in id omni cura intentus, nec ubi hosti æquo se committeret loco, qui transgressus flumen, prope vestigiis abeuntium insistebat. Per eosdem dies P. Scipionem par terror, periculum majus ab novo hoste urgebat. Massanissa erat juvenis, qui eo tempore erat socius Carthaginiensium, quem deinde clarum, potentemque Romana fecit amicitia. Is tum cum equitatu Numidarum & advenienti P. Scipioni occurrit, & deinde assidue dies noctesque infestus aderat: ut non vagos tantum procul a castris lignatum, pabulumque progressos exciperet, sed ipsis obsequitaret castris, in vestulque in medias sæpe stationes, omnia ingenti tumultu turbaret. noctibus quoque sæpe incursum repentino in portis valloque trepidatum est: nec aut locus aut tempus ullum vacuum a metu ac sollicitudine erat Romanis. compulsisque intra vallum, adempto rerum omnium usu, cum prope iusta obsidio esset, futuramque arctiorem eam appareret, si se Indibilis, quem cum septem millibus & quingentis Suesethanorum adventare fama erat, Pœnis conjunxisset: dux cautus & prudens Scipio victus necessitatibus, temerarium capit consilium, ut nocte Indibili obviam iret, & quocunque occurrisset loco, prælium confereret. Relicto igitur modico præsidio in castris, præpositoque T. Fontejo legato, media nocte profectus, cum obviis hostibus manus conferuit. Agmina magis, quam acies pugnabant. superior tamen, ut in tumultuaria pugna, Romanus erat. Cæterum & equites Numidæ repente, quos scissellisse se dux ratus erat, ab lateribus circumfusi magnum terrorem intulere. Contra-
 to adversus Numidas certamine novo, ter-
 tius

tlus insuper advenit hostis. duces Pœni asse-
 cuti ab tergo jam pugnantes. ancepsque præ-
 lium Romanos circumsteterat, incertos,
 in quem potissimum hostem, quamve in par-
 tem conferti eruptionem facerent. Pugnan-
 ti, hortantique imperatori, & offerenti se,
 ubi plurimus labor erat, latus dexterum lan-
 cea trajicitur: cuneusque is hostium, qui in
 confertos circa ducem impetum fecerat, ut
 exanimem, labentemque ex equo Scipionem
 vidit, alacres gaudio cum clamore per totam
 aciem nuntiantes discurrunt, imperatorem
 Romanum cecidisse. Hæc pervagata passim
 vox, ut & hostes haud dubie pro victoribus,
 & Romani pro victis essent, fecit. Fuga con-
 festim ex acie, duce amisso, fieri cœpta est.
 cæterum ut ad erumpendum inter Numidas,
 aliaque levium armatorum auxilia haud diffi-
 cilis reserat: ita effugere tantum equitum,
 æquantiumque equos velocitate peditum,
 vix poterant: cæsi que prope plures in fuga,
 quam in pugna sunt. nec superfuisset quis-
 quam, ni præcipiti jam ad vesperum die nox
 intervenisset. Haud segniter inde duces Pœ- 35
 ni fortuna usi, confestim e prælio, vix neces-
 saria quiete data militibus, ad Asdrubalem
 Amilcaris citatum agmen rapiunt, non du-
 bia spe, cum copias conjunxissent, debellari
 posse. Quo ubi est ventum, inter exercitus,
 ducesque victoria recenti lætos gratulatio
 ingens facta, imperatore tanto cum omni
 exercitu deleto, & alteram pro haud dubio
 parem victoriam expectantes. Ad Romanos
 nondum quidem fama tantæ cladis pervene-
 rat, sed tamen mœstum quoddam silentium
 erat, & tacita divinatio, qualis jam præ-
 sagientibus animis imminentis mali esse so-
 let. Imperator ipse, præterquam quod ab

fociis se desertum, hostium tantum auctas-
 copias sentiebat, conjectura etiam & ratione
 ad suspicionem acceptæ cladis, quam ad ul-
 lam bonam spem, pronior erat. Quonam
 modo enim Asdrubalem ac Magonem, nisi
 defuncto suo fratre bello, sine certamine ad-
 ducere exercitum potuisset? quomodo autem
 non obstitisse: aut ab tergo non secutum fra-
 trem? ut, si prohibere, quominus in unum
 coirent & duces, & exercitus hostium, non
 posset, ipse certe cum fratre conjungeret co-
 pias. His anxius curis, id modo etie saluta-
 re in præsens credebat, cedere inde, quan-
 tum posset. & inde una nocte ignaris hosti-
 bus, & ob id quietis, aliquantum emensus
 est iter. Luce ut senserunt profectos hostes,
 præmissis Numidis, quam poterant maxime
 citato agmine, sequi cæperunt. ante noctem
 assecuti Numidæ, nunc ab tergo, nunc in
 latera incurstantes. Consistere cæperunt, ac
 tutari agmen quantum possent. tamen tuto
 ut simul pugnarent, procederentque, Sci-
 pio hortabatur, prius quam pedestres copię
 36 allequerentur. Cæterum nunc agendo, nunc
 sustinendo agmen, cum aliquandiu haud
 multum procederetur, & nox jam instaret,
 revocat e prælio suos Scipio: & collectos in
 tumultum quendam, non quidem satis tu-
 tum, præsertim agmini perculso, editiorem
 tamen, quam cætera circa erant, subducit.
 Ibi primo impedimentis, & equitatu in me-
 dium receptis, circumdati pedites haud dif-
 ficulter impetus incurstantium Numidarum
 arcebant. dein postquam toto agmine tres
 imperatores cum tribus iustis exercitibus ad-
 erant, apparebatque, parum armis ad tuen-
 dum locum sine munimento valituros esse,
 circumspectare, ac agitare dux cœpit si quo
 mo-

modo posset vallum circum injicere. sed erat adeo nudus tumulus, & asperisoli, ut nec virgulta vallo cædendo, nec terra cespiti faciundo, aut ducendæ fossæ, aliive ulli operi apta inveniri posset: nec ferme quicquam satis arduum, aut abscisum erat, quod hosti aditum, ascensumve difficilem præberet. omnia fastigio leni subvexa. ut tamen aliquam imaginem valli objicerent, clitellas illigatas oneribus, velut struentes ad altitudinem solitam, circumdebant: cumulo sarcinarum omnis generis objecto, ubi ad molliendum clitellæ defuerant. Punici exercitus postquam advenere, in tumulum quidem perfacile agmen erexere: munitionis vero facies nova primo eos velut miraculo quodam tenuit, cum duces undique vociferarentur, *quid starent? & non ludibrium illud vix sæminis, puerisve morandis satis validum distraherent, diriperentque? captum hostem teneri, latentem post sarcinas.* Hæc contemptim duces increpabant: cæterum neque transilire, neque moliri onera objecta, nec cedere stipatas clitellas, ipsilque obrutas sarcinis, facile erat. Tardatis diu, cum amoliti objecta onera, armatis dedisset viam, pluribusque idem partibus fieret, capta jam undique castra erant: pauci ab multis, perculsi que a victoribus passim cædebantur. Magna pars tamen militum, cum in propinquas refugisset silvas, in castra P. Scipionis, quibus T. Fonteius legatus præerat, perfugerunt. Cn. Scipionem alii in tumulo primo impetu hostium cæsum tradunt: alii cum paucis in propinquam castris turrim perfugisse. hanc igni circumdatam, atque ita exuitis foribus, quas nulla moliri potuerunt vi, captam, omnesque intus cum ipso imperatore occisos. An-

no sexto postquam in Hispaniam venerat Cn. Scipio, unde trigesimo die post fratris mortem est interfectus. Luctus ex morte eorum non Romæ major, quam per totam Hispaniam fuit. quin apud cives partem doloris & exercitus amissi, & alienata provincia, & publica trahebat clades. Hispaniæ ipsos lugebant desiderabantque duces, Cneum tamen magis, quod diutius præfuerat iis, priorque & favorem occupaverat, & specimen iustitiæ, temperantiæque Romanæ primus dederat.

C A P U T XXIV.

Cum prope esset amissa Hispania provincia possessio, L. Martii equitis Romani virtute, & industria, contractis exercituum reliquiis, eodem Duce a militibus creato, bina castra hostium expugnantur: ad triginta septem millia caduntur: ad mille octingentos triginta capiuntur, ingens prada refertur.

- 37 **C**UM deletus exercitus, amissæque Hispaniæ viderentur: vir unus has restituit. Erat in exercitu L. Martius, Septimi filius, eques Romanus, impiger juvenis, animique & ingenii aliquanto, quam pro fortuna, in qua erat natus, majoris. ad summam indolem accesserat Cn. Scipionis disciplina: sub qua per tot annos omnes militiæ artes edoctus fuerat. Hic & ex fuga collectis militibus, & quibusdam de præsidiis deductis, haud contemnendum exercitum fecerat, junxeratque cum T. Fontejo, P. Scipionis legato. Sed tantum præstitit eques Romanus auctoritate inter milites, atque honore, ut castris citra Iberum communitis, cum du-
cem

cem exercituum comitiis militaribus creari placuisset, subeuntes alii aliis in custodiam valli, stationesque, donec per omnes suffragium iret, ad L. Martium cuncti summam imperii detulerint. Omne inde tempus (exiguum id fuit) muniendis castris, convehendisque com meatibus consumptum: & omnia imperia milites cum impigre, tum haudquam abjecto animo exequabantur. Cæterum postquam Asdrubalem Gisgonis venientem ad reliquias belli delendas transisse Iberum, & appropinquare allatum est, signumque pugnae propositum ab novo duce milites viderunt: recordati, quos paulo ante imperatores habuissent, quibusque & ducibus, & copiis freti prodire ad pugnam soliti essent, flere omnes repente, & offensare capita: & alii manus ad cælum tendere, deos incusantes: alii strati humi suum quisque nominatim ducem implorare. neque sedari lamentatio poterat, excitantibus centurionibus manipulares, & ipso mulcente & increpante Martio, quod in muliebres, & inutiles se projecissent fletus, potius, quam ad tutandos semetipsos, & rempublicam secum acuerent animos, & ne inultos imperatores suos jacere sinerent: cum subito clamor, tubarumque sonus (jam enim prope vallum hostes erant) exauditur. inde verso repente in iram luctu, discurrent ad arma: ac velut accensi rabie, discurrent ad portas, & in hostem negligentes, atque in composita venientem incurrunt. Exemplo improvisa res pavorem incutit Pœnis: mirabundique, unde tot hostes tam subito exorti prope deleta exercitu forent: unde tanta audacia, tanta fiducia sui victis, ac fugatis: quis imperator duobus Scipionibus

cæsis extitisset: quis castris præesset; quis signum dedisset pugnae: ad hæc tot, tam nec opinata, primo omnium incerti, stupentesque referunt pedem: dein valida impressione pulsi terga vertunt. & aut fugientium cædes fœda fuisset, aut temerarius, periculosusque sequentium impetus, ni Martius prope-re receptui dedisset signum, obstitensque ad prima signa, quosdam & ipse retinens, concitatam repressisset aciem. inde in castra avidos adhuc cædisque, & sanguinis reduxit. Carthaginienfes trepide primo ab hostium vallo acti, postquam neminem insequi viderunt, metu substitisse rati, contemptim rursus, & sedato gradu in castra abeunt. Par negligentia in castris custodiendis fuit. nam etsi propinquus hostis erat: tamen reliquias eum esse duorum exercituum ante paucos dies deletorum, succurrebat. Ob hoc cum omnia neglecta apud hostes essent, exploratis iis. Martius ad consilium prima specie temerarium magis, quam audax animum adjecit, ut ultro castra hostium oppugnaret: simul facilius esse ratus, unius Asdrubalis expugnari castra, quam si se rursus tres exercitus, ac tres duces junxissent, sua defendi: simul aut si successisset cœptis, recepturum se afflictas res: aut si pulsus esset, tamen ultro inferendo arma, contemptum sui dempturum. ne tamen subita res, & nocturnus

38 terror etiamnum suæ fortunæ consilium perturbaret; alloquendos, adhortandosque sibi milites ratus, concione advocata, ita disseruit. *Vel mea erga imperatores nostros vivos mortuosque pietas, vel prasens omnium nostrum, milites, fortuna fidem cuius facere potest, mihi hoc imperium, ut amplum iudicio vestro, ita re ipsa grave, ac sollicitum esse* quo.

quo enim tempore, nisi metus mœrorem obstu-
 pefaceret, vix ita compos mei essem, ut ali-
 qua solatia invenire agro animo possem: co-
 gor vestra omnium vicem, (quod difficilli-
 mum in luctu est) unus consolari. & ne tum
 quidem, ubi quonam modo has reliquias duo-
 rum exercituum patria conservare possim,
 cogitandum est, avertere animum ab assiduo
 mœrore liber. præsto est enim acerba memo-
 ria: & Scipiones me ambo dies, noctesque cu-
 ris insomniisque agitant, & excitant sape
 somno: neu se, neu invictos per septem an-
 nos in iis terris milites suos, commilitones
 vestros, neu rempublicam patiar inultam, &
 suam disciplinam, suæque instituta sequi ju-
 bent. Et ut imperiis vivorum nemo obedien-
 tior me uno fuerit: ita post mortem suam,
 quod quaque in re facturos illos fuisse ma-
 xime censeam, id optimum ducere vos quo-
 que velim, milites: non lamentis lacrymis-
 que tanquam extinctos prosequi (vivunt
 enim, vigentque fama rerum gestarum) sed
 quotiescumque occurreret memoria illorum, ve-
 lut si adhortantes, signumque dantes videam-
 ris eos, ita prœlia inire. Nec alia profecto
 species hesternò die oculis animisque vestris
 oblata memorabile illud edidit prælium, quo
 documentum dedistis hostibus, non cum Sci-
 pionibus extinctum esse nomen Romanum: &
 cujus populi vis atque virtus non obruta sit
 Cannensi clade, ex omni profecto savitia for-
 tunæ emersuram esse. Nunc qui tantum au-
 si estis sponte vestra, experiri liber, quan-
 tum audeatis duce vestro auctore. non enim
 hesternò die, cum signum receptui dedî se-
 quentibus effuse vobis turbatum hostem, fran-
 gere audaciam vestram, sed differre in ma-
 iorem gloriam atque opportunitatem volui:

ut postmodum preparati incantos, armati inermes, atque etiam sopitos per occasionem aggredi possetis. Nec huius occasionis spem, milites, forte temere, sed ex re ipsa conceptam habeo. A vobis quoque profecto si quis quarat, quonam modo pauci a multis, victi a victoribus castra tutati sitis, nihil aliud respondeatis, quam id ipsum rimentes vos, omnia & operibus firmata habuisse, & ipsos paratos instructosque fuisse. Et ita se res habet. Ad id, quod ne timeatur, fortuna facit, minime cauti sunt homines: quia quod neglexeris, incautum, atque apertum habeas. Nihil omnium nunc minus metuntur hostes, quam ne obsessi modo ipsi, atque oppugnati, castra sua ultro oppugnemus. Audeamus, quod credi non potest ausuros nos. eo ipso quod difficilimum videtur, facillimum erit. Tertia vigilia noctis, silenti agmine ducam vos. exploratum habeo, non vigiliarum ordinem, non stationes iustas esse, clamor in portis auditus, & primus impetus castra ceperit, tum inter torpidos somno, paventesque ad nec opinatum tumultum, & inermes in cubilibus suis oppressos illa cades edatur, a qua vos hosterno die revocatos agre ferebatis. Scio, audax videri consilium: sed in rebus asperis, & tenuibus fortissima quaque consilia tutissima sunt: quia si in occasionis momento, cuius pratervolat opportunitas, cunctatus paulum fueris: nequicquam mox emissam quaras. Unus exercitus in propinquo est: duo haud procul ab sunt. nunc aggredientibus par aliqua opportunitas est, & iam tentastis vestras, atque illorum vires. si diem proferimus, & hesternæ eruptionis fama contenti desierimus, periculum est, ne omnes duces omnesque

copia

*copia convenient. tres deinde duces, tres exercitus sustinebimus hostium, quos Cn. Scipio incolumi exercitu non sustinuit? Ut dividendo copias, periere duces nostri: ita separati, ac divisi opprimi possunt hostes. alia belli gerendæ via nulla est. proinde nihil præter noctis proximæ opportunitatem expectemus. Itæ diis bene juvantibus, corpora curate, ut integri vigentesque eodem animo in castra hostium irrum-
patis, quo vestra tutati estis. Læti & audire ab novo duce novum consilium: & quo audacius erat, magis placebat. reliquum diei expediendis armis, & curatione corporum consumptum: & major pars noctis quieti data est. quarta vigilia movere. Erant ultra proxima castra sex millium
39
intervallo distantes aliæ copię Pœnorum. Vallis cava intererat, condensæ arboribus, in hujus silvæ medio ferme stadio cohors Romana arte Punica abditur, & equites. Ita medio itinere intercepto, cæteræ copię silenti agmine ad proximos hostes ductæ, & cum statio nulla pro portis, neque in vallo custodiæ essent, velut in sua castra, nullo usquam obsidente, penetravere, inde signa canunt, & tollitur clamor. pars semisopitos hostes cædunt, pars ignis escas stramenta arida tectis injiciunt, pars portas occupant, ut fugam intercludant. hostes simul ignis, clamor, cædes, velut alienatos sensibus, nec audire, nec providere quicquam sinunt. incidunt inermes inter cater-
vas armatorum. alii ruunt ad portas, alii obseptis itineribus super vallum saliant: & ut quisque evaserat, protinus ad castra altera fugiunt. ubi a cohorte, & equitibus ex occulto proruentibus circumventi, cæsi-
que ad unum omnes sunt. quanquam etiam*

si quis ex ea cæde effugisset, adeo raptim captis propioribus castris, in altera transfursum castra ab Romanis est, ut prævenire nuntius cladis non posset. Ibi vero quo longius ab hoste aberant, & quia sub lucem pabulatum, lignatum, & prædatum quidam dilapsi fuerant, neglecta magis omnia, ac soluta invenere: arma tantum in stationibus posita, milites inermes, aut humi sedentes accubantesque, aut obambulantes ante vallum, portasque. Cum his tam securis, solutisque Romani calentes adhuc ab recenti pugna, ferocesque victoria prælium ineunt. itaque nequaquam resisti in portis potuit. intra portas, concursu ex totis castris ad primum clamorem, & tumultu facto, atrox prælium oritur. diuque tenuisset, ni cruenta scuta Romanorum visa indicium alterius cladis Pœnis, atque inde pavorem iniecissent. hic terror in fugam vertit omnes. effusique, qua iter est, nisi quos cædes oppressit, exuuntur castris. Atque ita nocte, ac die bina castra hostium expugnata ductu L. Martii. Ad triginta septem millia hostium cæsa, auctor est Claudius, qui annales Acilianos ex Græco sermone vertit: captos ad mille octingentos triginta: prædam ingentem partam: in ea fuisse clypeum argenteum pondo centum triginta octo, cum imagine Barchini Asdrubalis. Valerius Antias una castra Magonis capta tradit: septem millia ferme cæsa hostium: altero prælio eruptione pugnatum cum Asdrubale, decem millia occisa: quatuor millia trecentos triginta captos. Piso quinque millia hominum, cum Mago cedentes nostros effuse sequeretur, cæsa ex insidiis scribit. Apud omnes magnum nomen Martii ducis est: & veræ glo-

gloriæ ejus etiam miracula addunt, flammam ei concionanti fusam e capite sine ipsius sensu, cum magno pavore circumstantium militum: monumentumque victoriæ ejus de Pœnis usque ad incensum Capitolium fuisse in templo clypeum Martium appellatum, cum imagine Asdrubalis. Quietæ deinde aliquandiu in Hispania res fuere, utrisque post tantas acceptas invicem illatasque clades cunctantibus periculum summæ rerum facere.

CAPUT XXV.

Marcellus, rebus in Sicilia fide & integritate compositis, belli reliquias persequens, Epichæm, & Annonem pralio superat: devectis Romam captarum Syracusarum signis, & tabulis, eximie Deorum templa exornat. Habitis comitiis, novi Coss. creantur Cn. Fulvius Centumalus, & P. Sulpitius Galba.

DUM hæc in Hispania geruntur, Mar- 40
cellus, captis Syracusis, cum cætera in Sicilia tanta fide atque integritate composuisset, ut non modo suam gloriam, sed etiam majestatem populi Romani augeret: ornamenta urbis, signa tabulasque, quibus abundabant Syracusæ, Romam devexit, hostium quidem illa spolia, & parta belli jure: cæterum inde primum initium mirandi Græcarum artium opera, licentiæque hinc sacra, profanaque omnia vulgo spoliandi, factum est. quæ postremo in Romanos deos, templum idipsum primum, quod a Marcello eximie ornatum est, vertit. visebantur enim ab externis ad portam Capenam dedicata a Marcello templa, propter excel-

lencia ejus generis ornamenta, quorum per-
 exigua pars comparet. Legationes omnium
 ferme civitatum Siciliæ ad eum convenie-
 bant. dispar ut causa earum, ita conditio
 erat. Qui ante captas Syracusas aut non de-
 sciverant, aut redierant in amicitiam, ut so-
 cii fideles, accepti, cultique. quos metus
 post captas Syracusas dediderat, ut victi a vi-
 ctore leges acceperunt. Erant tamen haud
 parvæ reliquæ belli circa Agrigentum Ro-
 manis, Epicides, & Anno, duces reliqui
 prioris belli, & tertius novus ab Annibale in
 locum Hippæcratis missus, Libyphœnicum
 generis Hipponiates, (Mutinem populares
 vocabant) vir impiger, & sub Annibale ma-
 gistro omnes belli artes edoctus. Huic ab E-
 picide, & Annone Numidæ dati auxiliares.
 cum quibus ita pervagatus est hostium agros,
 ita socios ad retinendos in fide animos eorum,
 ferendumque in tempore cuique auxilium,
 adiit, ut brevi tempore totam Siciliam im-
 pleret nominis sui: nec spes alia major apud
 faventes rebus Carthaginiensium esset. Ita-
 que inclusi ad tempus mœnibus Agrigenti
 dux Pœnus, Syracusanusque, non consilio
 Mutinis magis, quam fiducia, ausi egredi ex-
 tra muros, ad Himeram amnem posuerunt
 castra. Quod ubi perlatum ad Marcellum est,
 ex templo copias movit, & ab hoste quatuor
 ferme millium intervallo confedit, quid age-
 rent, pararentve, expectaturus. Sed nullum
 neque locum, neque tempus cunctationi,
 consiliove dedit Mutinens, transgressus am-
 nem, ac stationibus hostium cum ingenti
 terrore, ac tumultu invehit. Postero die,
 prope iusto prælio compulit hostem intra
 munimenta. inde revocatus seditione Nu-
 midarum in castris facta, cum trecenti fer-
 me

me eorum Heracleam Minoaam concessissent, ad mirigandos revocandosque eos profectus, magnopere monuisse duces dicitur, ne absente se cum hoste manus conlererent. Id ambo ægre passi duces, magis Anno, jam ante anxius gloria ejus: Mutinem sibi modum facere, degenerem Afrum imperatori Carthaginiensi misso ab senatu populoque. Is perpulit cunctantem Epicidem, ut transgressi flumen in aciem exirent. nam si Mutinem opperirentur, & secunda pugnae fortuna evenisset, haud dubie Mutinis gloriam fore. Enimvero indignum ratus Marcellus, se, qui Annibalem subnixum victoria Cannensi ab Nola repulisset, his terra marique victis ab se hostibus cedere, arma propere capere milites, & efferri signa jubet. ad instruendum exercitum decem effulsi equis advolant ex hostium acie Numidæ, nuntiantes, populares suos primum ea seditione motos, qua trecenti ex numero suo concesserint Heracleam: dein quod præfectum suum ab obtrectantibus ducibus gloriae ejus sub ipsam certaminis diem ablegatum videant, quieturos in pugna. Gens fallax promissi fidem præstitit. Itaque & Romanis crevit animus, nuntio celeri per ordinem misso, destitutum ab equite hostem esse, quem maxime timuerant: & territi hostes, præterquam quod maxima parte virium suarum non juvabantur, timore etiam incusso, ne ab suo & ipsi equite oppugnarentur. Itaque haud magna vis certaminis fuit. Primus clamor, atque impetuserem decrevit. Numidæ cum in concursu quieti stetissent in cornibus, ut terga dantes suos viderunt, fugæ tantum parumper comites facti, postquam omnes Agrigentum trepido agmine petentes viderunt, ipsi metu ob-

obsidionis passim in civitates proximas dissi-
psi. Multa millia hominum cæsa, capta-
que, & VIII elephanti. Hæc ultima in Si-
cilia Marcelli pugna fuit. victor inde Syra-
cusas rediit. Jam ferme in exitu annuserat,
itaque senatus Romæ decrevit, ut P. Cor-
nelius prætor literas Capuam ad consules
mitteret: dum Annibal procul abesset, nec
ulla magni discriminis res ad Capuam ge-
reretur: alter eorum, si ita videretur, ad
magistratus subrogandos Romam veniret.
Literis acceptis, inter se consules compa-
rarunt, ut Claudius comitia perficeret, Ful-
vius ad Capuam maneret. Consules Clau-
dius creavit Cn. Fulvium Centumalum, &
P. Sulpitium Ser. F. Galbam, qui nullum
antea curulem magistratum gessisset. præto-
res deinde creati L. Cornelius Lentulus, M.
Cornelius Cethegus, C. Sulpitius, C. Cal-
purnius Piso. Pisoni jurisdictio urbana, Sul-
pitio Apulia, Cethego Sicilia, Lentulo Sar-
dinia evenit. Consulibus prorogatum in an-
num imperium est.

DECADIS TERTIÆ³⁹⁵

LIBER SEXTUS.

CAPUT I.

Hujus anni populi Romani expeditiones.



N. Fulvius Centumalus, P. Sul-
pitius Galba consules cum Idi-
bus Martiis magistratum inis-
sent, senatu in Capitolium vo-
cato, de re publica, de admini-
stratione belli, de provinciis, exercitibusque
patres consuluerunt. Q. Fulvio, & Appio
Claudio, prioris anni consulibus, proroga-
tum imperium est, atque exercitus, quos ha-
bebant, decreti: adjectumque, ne a Capua,
quam obsidebant, abscederent, prius quam
expugnassent. Ea tum cura maxime intentos
habebat Romanos: non tam ob iram, quæ
in nullam unquam civitatem justior fuit,
quam quod urbs tam nobilis, ac potens, si-
cut defectione sua traxerat aliquot populos,
ita recepta, inclinatura rursus animos vide-
batur ad veteris imperii respectum. Et præ-
toribus prioris anni, M. Junio in Etruria, P.
Sempronio in Gallia, cum binis legionibus,
quas habuerant, prorogatum est imperium.
Prorogatum & M. Marcello, ut pro consule
in Sicilia reliquias belli perficeret eo exer-
citu, quem haberet. si supplemento opus
esset, suppleret de legionibus, quibus P. Cor-
nelius pro prætore in Sicilia præesset: dum
ne quem militem legeret ex eo numero,
quibus senatus missionem, redditumque in
patriam negasset ante belli finem. C. Sul-
pi-

U.C.
539

pitio, cui Apulia evenerat, duæ legiones, quas P. Cornelius habuisset, decretæ: & supplementum de exercitu Cn. Fulvii, qui priore anno in Apulia fœde cæsus fugatusque erat. Huic generi militum senatus eundem, quem Cannensibus, finem statuerat militiæ. additum etiam utrorumque ignominia est, ne in oppidis hibernarent, neve hiberna propius ullam urbem decem millibus passuum ædificarent. L. Cornelio in Sardinia duæ legione datæ, quibus Q. Mutius præfuerat, supplementum, si opus esset, consules scribere iussit. T. Otacilio, & M. Valerio, Siciliae, Græciæque ora cum legionibus classibusque, quibus præerant, decreta. Quinquaginta Græci cum legione una, centum Siculi cum duabus legionibus habebant naves. Tribus & viginti legionibus Romanis eo anno bellum terra marique est gestum.

CAPUT II.

L. Martius, qui a militibus Imperator creatus, res in Hispania præclaras gesserat, titulo, quem in literis ad Senatum adhibuit, hominum animos offendit.

- 2 **P**Rincipio ejus anni cum de literis L. Martii referretur, res gestæ magnifice senatui visæ. titulus honoris, quod imperio non populi jussu, non ex auctoritate patrum dato, pro prætore senatui scripserat, magnam partem hominum offendebat. Rem mali exempli esse, imperatores legi ab exercitibus, & solenne auspicatorum comitiorum in castra & provincias, procul ab legibus, magistratibusque, ad militarem temeritatem transferri. & cum quidam referendum

dum ad senatum censerent, melius visum, differri eam consultationem, donec proficerentur equites, qui ab Martio literas attulerant. Rescribi de frumento, & vestimentis exercitus placuit: utranque rem eam curæ fore senatui. ascribi autem, *pro pratore L. Martio*, non placuit: ne id ipsum, quod consultationi reliquerant, pro præjudicato ferrent.

CAPUT III.

Cn. Fulvius ob exercitum in Apulia amissum bis accusatus, ut pecunia multaretur, eum tertio dies illi capitis dicta esset, ante diem comitiorum exulatum abijt.

DImissis equitibus, de nulla re prius consules retulerunt. omniumque in unum sententiæ congruebant, agendum cum tribunis plebis esse, primo quoque tempore ad plebem ferrent, quem cum imperio mitti placeret in Hispaniam, ad eum exercitum, cui Cn. Scipio imperator præfuisset. Ea res cum tribunis acta promulgataque est. Sed aliud certamen occupaverat animos. G. Sempronius Blæsus; die dicta, Cn. Fulvium ob exercitum in Apulia amissum, in concionibus vexabat, multa imperatorem temeritate, atque inscitia exercitum in locum precipitem perduxisse dictitans. Neminem, præter Cn. Fulvium, ante corrupisse omnibus vitiis legiones suas, quam proderet. itaque vere dici posse, prius eos perisse, quam viderent hostem: nec ab Annibale, sed ab imperatore suo victos esse, neminem, cum suffragium ineat, satis cernere, cui imperium, cui exercitum permittat. Quid interfuisse inter T. Sempronium? Cum ei serve-

rum exercitus datus esset , brevi effecisse disciplinam , & zue imperio , ut nemo eorum generis , ac sanguinis sui memor in acie esset : prasidio sociis , hostibus terrori essent . Cum ad Beneventum , aliasque urbes eos , velut e faucibus Annibalis ereptos , populo Romano restituisset , Cn. Fulvium Quiritium Romanorum exercitum , honeste genitos , liberaliter educatos , servilibus vitiis imbuisse . ergo effecisse , ut & feroces & inquieti inter socios , ignavi & imbelles inter hostes essent : nec impetum modo Pænorum , sed ne clamorem quidem sustinere possent . Nec Hercule mirum esse , milites in acie non stetisse , cum primus omnium imperator fugeret . magis mirari se , aliquos stantes cecidisse , & non omnes comites Cn. Fulvii fuisse pavoris , ac fuga . C. Flaminium , L. Paulum , L. Postumium , Cn. , ac P. Scipiones cadere in acie maluisse , quam deferere circumventos hostibus suos exercitus . Cn. Fulvium prope unum nuntium deleti exercitus Romam redisse . Facinus indignum esse , Cannensem exercitum , quod ex acie fugerit , in Siciliam deportatum , ne prius inde dimittatur , quam hostis ex Italia decesserit : & hoc idem in Cn. Fulvii legionibus nuper decretum : Cn. Fulvio fugam ex pralio ipsius temeritate commisso , impunitam esse : & eum in gænam , lustrisque , ubi juventam egerit , senectutem acturum : milites , qui nihil aliud peccaverint , quam quod imperatoris similes fuerint , relegatos prope in exilium , ignominiosam parâ militiam . adeo imparem libertatem Roma diti ac pauperi ,
3 honorato atque inhonorato esse . Reus ab se culpam in milites transferebat . Eos ferociter pugnam poscentes , productos in aciem , non eo , quo voluerint , quia serum diei fuerit :

rit: sed postero die, & tempore, & loco aquo-
 instructos, seu famam, seu vim hostium non
 sustinuisse. cum effuse omnes fugerent, se quo-
 que turba ablatum, ut Varronem Cannensi
 pugna, ut multos alios imperatores. Quid au-
 tem solum se restantem prodesse Reipubl. po-
 tuisse? nisi si mors sua remedio publicis cladi-
 bus futura esse potuisset. Non se inopia com-
 meatus, non in loca iniqua incaute deductum:
 non agmine inexplorato euntem, insidiis cir-
 cumventum: vi aperta, armis, acie victum:
 nec suorum animos, nec hostium in potestate
 habuisse: suum cuique ingenium audaciam,
 aut pavorem facere. Bis est accusatus: pe-
 cuniaque anquisitum. tertio testibus datis,
 cum, præterquam quod omnibus probris
 onerabatur, iurati permulti dicerent, fu-
 gæ, pavorisque initium a prætore ortum;
 ab eo desertos milites; cum haud vanum
 timorem ducis crederent, terga dedisse:
 tanta ira accensa est, ut capite anquiren-
 dum concio succlamaret. De eo quoque
 novum certamen ortum. nam cum tribu-
 nus bis pecunia anquisisset, tertio capitis
 se anquirere diceret; tribuni plebis appel-
 lati. cum collegæ negarent, se in mora
 esse, quominus, quod ei more majorum
 permissum esset, seu legibus, seu moribus
 mallet, anquireret, quoad vel capitis, vel
 pecuniæ iudicasset privato: tum Sempro-
 nius perduellionis se iudicare Cn. Fulvio
 dixit: diemque comitiis ab C. Calpurnio
 prætore urbano petit. Inde alia spes ab
 reo tentata est, si adesse iudicio Q. Fulvius
 frater posset, florens tum & fama rerum
 gestarum, & propinqua spe Capuæ po-
 tiundæ. Id cum per literas miserabiliter
 pro fratre capite scriptas petisset Fulvius,

negassentque patres e republica esse abscedi a Capua, prius quam dies comitiorum aderat: Cn. Fulvius exulatum Tarquinius abiit, id ei iustum exilium esse, scivit plebs.

C A P U T IV.

Campani obsessi, cum, multis factis eruptionibus, præliis equestribus superiores essent: tandem ab Romanis novo genere pugna, immixtis tum primum equis pedibus, cum strage in urbem repelluntur.

- 4 **I**Nter hæc vis omnis belli versa in Capuam erat. obsidebatur tamen acrius, quam oppugnabatur. nec aut famem tolerare servitia, ac plebs poterant, aut mittere nuntios ad Annibalem per custodias tam arctas. Inventus est tandem quidam Numida, qui, acceptis literis, evasurum se professus, ut promissum præstaret: per media Romana castra nocte egressus, spem accendit Campanis, dum aliquid virium superesset, ab omni parte eruptionem tentandi. Cæterum in multis certaminibus equestria prælia ferme prospera faciebant: pedites superabantur. sed nequaquam tam lætum vincere, quam triste vinci ulla parte erat ab obsesso, & prope expugnato hoste. Inita tandem ratio est, ut, quod viribus deerat, arte æquaretur. Ex omnibus legionibus electi sunt juvenes maxime vigore, ac levitate corporum veloces. eis parvæ breviores, quam equestres, & septena jacula quaternos longa pedes data, præfixa ferro, quale hastis velitaribus inest, eos singulos in equos suos accipientes equites, assuesecerunt, & vehi post sese, & desilire per.

perniciter, ubi datum signum esset. Postquam assuetudine quotidiana satis intrepidum visum est fieri, in campum, qui medius inter castra, murumque erat, adversus instructos Campanorum equites processerunt. & ubi ad conjectum teli ventum est, signo dato, velites desiliunt. pedestris inde acies ex equitatu repente in hostium equites incurrit: jaculaque cum impetu alia super alia emittunt: quibus plurimis in equos virosque passim conjectis, permultos vulneraverunt. pavoris tamen plus ex re nova atque inopinata injectum est. & in perculsum hostem equites invecti, fugam stragemque eorum usque ad portas fecerunt. Inde equitatu quoque superior Romana acies fuit. institutum, ut velites in legionibus essent. Auctorem peditum equiti immiscendorum centurionem Q. Navium ferunt, honorique id ei apud imperatorem fuisse.

CAPUT V.

Annibal in Campaniam contendit, obfessa Capua laturus auxilium: ibi castra Romana, facta eodem tempore etiam ab urbe eruptione, acriter aggressus; cum illa vi majore defenderentur, ab oppugnatione repellitur.

CUM in hoc statu ad Capuam res essent, Annibalem in diversum Tarentinae arcis potiundae, Capuaeque retinendae trahebant curae. vicit tamen respectus Capuae, in qua omnium sociorum hostiumque conversos videbat animos, documento futurae, qualemcunque eventum defectio ab Romanis habuisset. Igitur, magna parte im-

impedimentorum relicta in Bruttis, & omni graviore armatura. cum delectis peditum equitumque quam poterat aptissimis ad maturandum iter, in Campaniam contendit. secutitamentam raptim euntem tres & triginta elephantum. in valle occulta post Tifata montem imminuentem Capuæ confedit. Adveniens cum castellum Galatiam, præsidio inde vi pulso, cepisset: in circumfidentes Capuam se vertit, præmissis ante nuntiis Capuam, quo tempore castra Romana aggressurus esset, ut eodem & illi ad eruptionem parati portis omnibus sese effunderent. Res nec explorata Romanis ingentem præbuit terrorem. nam alia parte ipse adortus est: alia Campani omnes pedites equitesque, & cum iis Punicum præsidium, cui Bostar, & Anno præerant, erupit. Romani, ut in re trepida, ne ad unam concurrento partem, aliquid indefensi relinquerent: ita inter se copias partiti sunt. Appius Claudius Campanis, Fulvius Annibali est oppositus, C. Nero pro prætore equitibus sextæ legionis via, quæ Suessulam fert: C. Fulvius Flaccus legatus cum sociali equitatu constitit e regione Vulturni amnis. prælium non solito modo clamore, ac tumultu est cœptum, sed ad alium virorum equorum armorumque sonum disposita in muris Campanorum imbellis multitudo tantum cum æris crepitu, qualis in defectu lunæ silenti nocte cieri solet, edidit clamorem, ut averteret etiam pugnantium animos. Campanos facile vallo Appius arcebat. Major vis ab altera parte Fulvium, Annibal & Pœni urgebant. legio ibi sexta loco cessit: qua pulsa, cohors Hispanorum cum tribus elephantis usque ad vallum pervasit: ruperatque mediam aciem Romano-

manorum : & in ancipiti spe , ac periculo erat , utrum in castra perrumperet , an intercluderetur a suis . Quem pavorem legionis , periculumque castrorum Fulvius ubi vidit , Q. Navium , primoresque alios centurionum hortatur , ut cohortem hostium sub vallo pugnantes invadant , ac trucident : in summo discrimine rem verti : aut viam dandam iis esse , & minore conatu , quam condensam aciem irrupissent , in castra irrupturos : aut conficiendos sub vallo esse : nec magni certaminis rem fore : paucos esse , & ab suis interclusos : & qua , dum paveat , Romanis irrupta acies videatur : etiam si se utrinque in hostem vertat , ancipiti pugna medios circumventuram . Navius , ubi hæc imperatoris dicta accepit , secundi hastati signum ademptum signifero in hostes infert . jacturum in medios eos minitans , ni se propere sequantur milites , & partem capessant pugnae . Ingens corpus erat , & arma honestabant , & sublatum alte signum converterat ad spectaculum cives , hostesque . cæterum postquam jam ad signa pervenerat Hispanorum , tum undique in eum tragulae conjectæ , & prope tota in unum acies versa . sed neque hostium multitudo , neque telorum vis arcere impetum ejus viri potuerunt . Et M. Atilius , legatus primipili ex eadem legione signum inferri in cohortem Hispanorum coegit . Et qui castris præerant . L. Portius Licinus , & T. Pompilius legati pro vallo acriter pugnant : elephantosque transgredientes in ipso vallo conficiunt . quorum corporibus cum oppleta esset fossa , velut aggere , aut ponte injectu , transitum hostibus dedit . ibi per stragem jacentium elephantorum atrox edita cædes . Altera in parte castrorum jam pulsi erant

Cam-

Campani , Punicumque præsidium : & sub ipsa porta Capuæ , quæ ad Vulturum fert , pugnabatur : neque tam armati irrumpentibus Romanis resistebant , quam quod porta ballistis scorpionibusque instructa , missilibus procul hostes arcebat . & suppressit impetum Romanorum vulnus imperatoris Appii Claudii : cui suos ante prima signa adhortanti , sub lævo humero summum pectus gæso ictum est . magna tamen vis hostium ante portam est cæsa : cæteri trepidi in urbem compulsi . Et Annibal , posteaquam cohortis Hispanorum stragem vidit , summaque vi castra hostium defendi : omissa oppugnatione recipere signa , & convertere agmen retro peditum , objecto a tergo equitatu , ne hostis instaret , cœpit . Legionum ardor ingens ad hostem insequendum fuit : sed Flaccus receptui cani iussit , satis ad utrumque profectum ratus , ut & Campani , quam haud multum in Annibale præsidii esset , & ipse Annibal sentiret . Cæsa eodie , qui hujus pugnae auctores sunt , octo millia hominum de Annibalise exercitu , tria ex Campanis tradunt : signaque Carthaginensibus quindecim adempta , duodeviginti Campanis . Apud alios nequam tantam molem pugnae invenio , plusque pavoris , quam certaminis fuisse , cum inopinato in castra Romana Numidæ , Hispanique cum elephantis irrupissent : elephantis per media castra vadentes , stragem tabernaculorum ingenti sonitu , ac fuga abruptentium vincula jumentorum facerent . fraudem quoque super tumultum adjectam , immixtis ab Annibale , qui (habuit aliquot) gnari latinæ linguæ juberent consulum verbis , quoniam amissa castra essent , pro se quenque militum in proximos montes fugere .

gere. sed eam celeriter cognitam fraudem, oppressamque magna cæde hostium. elephantos igne castris exactos. Hoc ultimum, utcumque initum finitumque est, ante deditio- nem Capuæ prælium fuit. Mediastruticus, qui summus magistratus apud Campanos est, eo anno Seppius Lesius erat, loco obscuro, tenuique fortuna ortus. Matrem ejus quon- dam pro pupillo eo procurantem familiare ostentum, cum respondisset aruspex, sum- mum quod esset imperium Capuæ, perven- turum ad eum puerum: nihil ad eam spem agnoscentem, dixisse ferunt: *Tu perditas res Campanorum narras, ubi summus honos ad filium meum perveniet.* Ea ludificatio veri & ipsa in verum vertit. nam cum fame, ferroque urgerentur, nec spes ulla superesset, iis, qui nati in spem honorum erant, honores detrectantibus. Lesius, querendo desertam ac proditam a primoribus Capuam, summum magistratum, ultimus omnium Campano- rum, cepit.

CAPUT VI.

Ad avertendos a Capua obsidione Romanos im- peratores, Annibal improvise Romam petit: cum eum jam adventare esset allatum, in- genti terrore Urbs occupatur: properans a Capua Q. Fulvius, Romam cum exercitu ingreditur.

CÆterum Annibal ut nec hostes elici-
amplius ad pugnam vidit, nec per ca-
stra eorum perrumpi ad Capuam posse: ne
suos quoque commeatus intercluderent novi
consules, abscedere irrita incœpto, & mo-
vere a Capua statuit castra, multa secum,
Tom. II. S quo

quo jam inde pergeret, volventi subiit animus impetus, caput ipsum belli, Romam petendi, cujus rei semper cupitæ prætermisissam occasionem post Cannensem pugnam & alii vulgo tremebant, & ipse non dissimulabat: nec opinato pavore, ac tumultu non esse desperandum aliquam partem urbis occupari posse. Eo si Roma in discrimine esset, Capuam extemplo omisuros aut ambos imperatores Romanos, aut alterum ex iis, qui si divisissent copias, utrumque infirmiore factum, aut sibi, aut Campanis bene gerenda rei fortunam duros esse. Una ea cura angebat, ne ubi abcessisset, extemplo dederentur Campani. Numidam promptum ad omnia audenda donis perlicit, ut, literis acceptis, specie transfugæ castra Romana ingressus, altera parte Capuam clam pervadat. Literæ autem erant adhortatione plenæ. Professionem suam, qua salutaris illis foret, abstraham ad defendendam Romam ab oppugnanda Capua duces, atque exercitus Romanos: ne desponderent animos, tolerando paucos dies, totum soluturos obsidionem. Inde ~~naves~~ in flumine

* al. Vulturno comprehensas* duci ad id, quod
 subi- jam ante præsidii causa fecerat, castellum
 gi. jussit. quarum ubi tantam copiam esse, ut
 una nocte trajici posset exercitus, allatum
 est: cibariis decem dierum præparatis,
 deductas nocte ad fluvium legiones ante lu-
 8 cem trajecit. Id prius quam fieret, ita fu-
 turum compertum ex transfugis Fulvius
 Flaccus senatui Romam cum scripsisset,
 varie hominum animi pro cujusque inge-
 nio affecti sunt. Ut in re tam trepida,
 senatu extemplo vocato, P. Cornelius,
 cui Asinæ cognomen erat, omnes duces,
 exercitusque ex tota Italia, neque Capuæ,
 ne-

neque ullius alterius rei memor, ad urbis præsidium revocabat. Fabius Maximus, abscedi a Capua, terrerique, & circumagi ad nutus, commutationesque Annibalis flagitiosum ducebat. *Qui ad Cannas victor, ire tamen ad urbem ausus non esset, cum a Capua repulsum spem potiunda urbis Roma cepisse? Non ad Romam obsidendam, sed ad Capua liberandam obsidionem ire. Romam cum exercitu, qui ad urbem esset, Jovem fœderum ruptorum ab Annibale testem, deosque alios defensores esse. Has diversas sententias media sententia P. Valerii Flacci vicit: qui, utriusque rei memor, imperatoribus, qui ad Capuam essent, scribendum censuit, quid ad urbem præsidii esset, quantas autem Annibal copias duceret, aut quanto exercitu ad Capuam obsidendam opus esset, ipsos scire. si & Romam & ducibus alter, & exercitus pars mitti posset, ut ab reliquo & dote, & exercitu Capua recte obsideretur: inter se compararent Claudius, Fulviusque, utri obsidenda Capua, utri ad prohibendam obsidione patriam, Romam veniendum esset. Hoc senatus consulto Capuam perlato, Q. Fulvius proconsul, cui, collega ex vulnere ægro, eundem Romam erat, e tribus exercitibus milite electo, ad XV. millia peditum, mille equites Vulturum traducit. inde cum Annibalem Latina via iturum satis comperisset, ipse per Appiæ municipia, quæque propter eam viam sunt, Setia, Soram, Lavinium præmisit, ut commeatus paratos & in urbibus haberent, & ex agris deviis in viam proferrent: præsidiaque in urbes contraherent, ut sua cuique Resp. in manu esset. Annibal, quo die Vulturum est transgressus, haud procul a flumine* 9

castra posuit . postero die præter Cales in agrum Sidicinum pervenit . ibi diem unum populando moratus , per Sueffulanum Alifanumque & Casinatem agrum via Latina ducit . sub Casinum biduo stativa habita : & passim populationes factæ . inde præter Interamnam Aquinumque in Fregellanum agrum ad Lirim fluvium ventum . ubi intercium pontem a Fregellanis , morandi itineris causa , invenit . Et Fulvium Vulturum tenuerat amnis , navibus ab Annibale incensis , rates ad trajiciendum exercitum in magna inopia materiæ ægre comparantem . trajecto ratibus exercitu , reliquum Fulvio expeditum iter , non per urbes modo , sed circa viam expositis benigne commeatibus , erat : alacresque milites alius alium , ut adderet gradum , memor ad defendendam ire patriam , hortabantur . Romam Fregellanus nuntius , diem noctemque itinere continuato , ingentem attulit terrorem . tumultuosius , quam allatum erat , cursus hominum affingentium vana auditis , totam urbem conciverat . ploratus mulierum non ex privatis solum domibus exaudiebatur , sed undique matronæ in publicum effusæ circa deum delubra discurrent , crinibus passis aras verrentes , nixæ genibus , supinas manus ad cælum ac deos tendentes , orantesque , ut urbem Romam e manibus hostium eriperent , matresque Romanas , & liberos parvos inviolatos servarent . Senatus magistratibus in foro præsto est , si quid consulere velint . alii accipiunt imperia , discenduntque ad suas quisque officiorum partes : alii offerunt se , si quo usus operæ sit . præsidia in arce , in Capitolio , in muris , circa urbem , in monte etiam Albano , atque arce Tusculana ponuntur . Inter hunc tumultum

Q. Ful-

Q. Fulvium pro consule profectum cum exercitu a Capua affertur, cui ne minueretur imperium, si in urbem venisset, decrevit senatus, ut Q. Fulvio par cum consulibus imperium esset. Annibal, infestius perpopulato agro Fregellano, propter intercisos pontes, per Frusinatem, Ferentinatēque, & Anagninum agrum in Labicanum venit. inde Algidum Tusculum petiit: nec receptus mœnibus, intra Tusculum dextrorsus Gabios descendit. Inde in Papiniam exercitu demisso, octo millia passuum a Roma posuit castra. Quò propius hostis accedebat, eo major cædes fiebat fugientium, præcedentibus Numidis: pluresque omnium generum, atque ætatum capiebantur. In hoc tumultu Fulvius Flaccus porta Capena cum exercitu Romam ingressus, media urbe per Carinas Exquilias contendit. inde egressus, inter Exquilinam, Collinamque portam posuit castra. Ædiles plebis comitatum eo comportarunt. Consules senatusque in castra venerunt, ibi de summa Reip. consultatum. Placuit consulibus, circa portas Collinam Exquilinamque ponere castra: G. Calpurnium, prætorem urbanum, Capitolio atque arci præesse: & senatum frequentem in foro contineri, si quid in tam subitis rebus consulto opus esset.

10

CAPUT VII.

Annibal, ad tertium ab urbe lapidem positis castris, ipse cum duobus millibus equitum ad portam Collinam progreditur, situm Urbis exploraturus: cum semel, & iterum e ductis in aciem utrinque copiis, tempestat pugnam diremisset, tanquam divinitus submotus, castra refert: movet etiam cognita ex re parva populi Rom. magnanimitas, quod ager, quem ipse castris infederat, illis ipsis diebus hasta Roma subiectus invenit emporem.

INter hæc Annibal ad Anienem fluvium tria millia passuum ab urbe castra admovit. ibi stativis positis, ipse cum duobus millibus equitum a porta Collina usque ad Herculis templum est progressus: atque unde proxime poterat, mœnia situmque urbis obequitans contemplabatur. Id cum tam licenter atque otiose facere, Flacco indignum visum est. itaque immisit equites, submoverique, atque in castra redigi hostium equitatum iussit. Cum commissum prælium esset, consules transfugas Numidarum, qui tum in Aventino ad mille & CC. erant, media urbe transire Exquilias jusserunt; nullos aptiores interconvalles, tectaque hortorum, & sepulchra, & cavas undique vias ad pugnandum futuros rati. quos cum ex arce Capitolioque clivo publico in equis decurrentes quidam vidissent, captum Aventinum conclamaverunt. Ea res tantum tumultum ac fugam præbuit, ut, nisi castra Punica extra urbem fuissent, effusura se omnis pavida multitudo fuerit. Tunc in domos, atque in tecta refugiebant:

giebant : vagosque in viis suos pro hostibus lapidibus, telisque incessabant. nec comprimi tumultus, aperiri que error poterat, refertis itineribus agrestium turba, pecorumque, quæ repentinus pavor in urbem compulerat. Equestre prælium secundum fuit, summotique hostes sunt. & quia multis locis comprimendi tumultus erant, qui temere oriebantur, placuit, omnes, qui dictatores, consules, censoresve fuissent, cum imperio esse, donec recessisset a muris hostis. Et diei quod reliquum fuit, & nocte insequenti, multi temere excitati tumultus sunt, compressique. Postero die transgressus Anienem Annibal in aciem omnes copias eduxit : nec Flaccus, consulesque certamen detrectare. Instructis utrinque exercitibus in ejus pugnae casum, in qua urbs Roma victori præmium esset, imber ingens grandine missus ita utranque aciem turbavit, ut vix armis retentis in castra sese receperint, nullius rei minore, quam hostium metu. Et postero die eodem loco acies instructas eadem tempestas diremit. ubi recepissent se in castra, mira serenitas cum tranquillitate oriebatur. In religionem ea res apud Pœnos versa est : auditaque vox Annibalis fertur, *potiunda sibi urbis Roma modo mentem non dari, modo fortunam*. Minuere etiam spem ejus & aliæ magnæ parvæque res. magna illa, quod cum ipse ad mœnia urbis Romæ armatus sederet, milites sub vexillis in supplementum Hispaniæ profectos audivit : parva autem, quod per eos dies eum forte agrum, in quo ipse castra haberet, venisse, nihil ob id diminuto pretio, cognitum ex quodam captivo est. Id vero adeo superbum, atque indignum visum, ejus soli, quod ipse bello captum possideret

11

haberetque, inventum Romæ emptorem, ut ex templo vocato præcone, tabernas argentarias, quæ circa forum Romanum tunc essent, jussit venire. His motus ad Sturam fluvium castra retulit, sex millia passuum ab urbe. Inde ad lucum Feroniæ pergit ire, templum ea tempestate inclytum divitiis. Capenates aliqui occolæ ejus erant, primitias frugum eo, donaque alia pro copia portantes, multo auro argentoque id exornatum habebant. His omnibus donis tum spoliatum templum. æris acervi, cum rudera milites religione inducti jacerent, post profectiorem Annibalis magni inventi. Hujus populatio templi haud dubia inter scriptores est. Cælius Romam euntem ab Ereto divertisse eo Annibalem tradit; iterque ejus ab Reate, cutiliisque, & ab Amiterno orditur: ex Campania in Samnium, inde in Pelignos pervenisse: præterque oppidum Sulmonem in Marrucino transisse: inde Albeni agro in Marfos: hinc ad Amiternum, Forumque vicum venisse. Neque ibi error est, quod tanti exercitus vestigia intra tam brevis ævi memoriam potuerint confundi. ille enim ea constat, tantum id interest, veneritne eo itinere ad urbem, an ab urbe in Campaniam redierit.

CAPUT VIII.

Cam Annibal in ultimum Italia sinum abiisset, Campani sentientes, se desertos, literas ad illum conscribunt: eum perferenda data essent Numidis, hi transfugarum specie in castra Romana veniunt: detecti, sædeque multati, Capuam rediguntur.

CÆterum non quantum pertinaciæ ad pre- 12
mendam obsidione Capuam Romanis
fuit, tantum ad defendendam Annibali,
namque ex Lucanis in Bruttium agrum,
ad fretum vero ac Rhegium eo cursu con-
tendit, ut prope repentino adventu incau-
tos oppresserit. Capua, etsi nihilo segnius
oppressa per eos dies fuerat, tamen adven-
tum Flacci sensit; & admiratio orta est,
non simul regressum Annibalem. inde per
colloquia intellexerunt, relictos se, deser-
tosque, & spem Capuæ retinendæ deplora-
tam apud Pœnos esse. Accessit edictum pro-
consulis ex senatus consulto propositum;
vulgatumque apud hostes, ut qui civis Cam-
panus ante certam diem transisset, sine frau-
de esset, nec ulla facta est transitio, metu
magis eos, quam fide, continente: quia
majora in defectione deliquerant, quam
quibus ignosci posset. Cæterum quemad-
modum nemo privato consilio ad hostem
transibat, ita nihil salutare in medium con-
sulebatur. Nobilitas Remp. deseruerat, ne-
que in senatum cogi poterat. in magi-
stratu autem erat, qui non sibi hono-
rem adjecisset, sed indignitate sua vim ac
jus magistratui, quem gerebat, dempsisset.
jam ne in foro quidem, aut publico loco

principum quisquam apparebat: domibus inclusi, patriæ occasum cum suo exitio in dies expectabant. summa curæ omnis in Bostarem Annonemque, præfectos præsidii Punici, versa erat, suo, non sociorum periculo sollicitos. Hi conscriptis ad Annibalem literis, non libere modo, sed etiam aspere, quibus non Capuam solum traditam in manum hostibus, sed se quoque, & præsidium in omnes cruciatus proditos inculcabant: abiisse eum in Brutios, velut avertentem sese, ne Capua in oculis ejus caperetur. at hercule Romanos ne oppugnatione quidem urbis Roma abstrahi a Capua obsidenda potuisse. tanto constantiorem inimicum Romanum, quam amicum Bænum esse. Si redeat Capuam, bellumque omne eo vertat, & se, & Campanos paratos eruptioni fore. Non cum Rheginis, neque Tarentinis bellum gesturos transisse Alpes. ubi Romana legiones sint, ibi & Carthaginiensium exercitus debere esse. sic ad Cannas, sic ad Trasymenum rem bene gestam, coeundo, conferendo cum hoste castra, fortunam tentando. In hanc sententiam literæ conscriptæ, Numidis, proposita mercede jam professis operam, dantur. Hi specie transfugarum cum ad Flaccum in castra venissent, ut inde tem-
 * al. pore * captato abirent, famelique, quæ ta-
 * apte dia Capuæ erat, nulli non probabilem cau-
 sam transitionis faceret: mulier repente Campana in castra venit, scortum transfugarum unius: indicatque imperatori Romano, Numidas fraude composita transisse, literasque ad Annibalem ferre. Id unum ex iis, qui sibi rem aperuisset, arguere sese paratam. Productus primo, satis constanter ignorare se mulierem simulabat. paulatim deinde convictus veris, cum tormenta posci

sci & parari videret, fassus id ita esse, literæque prolatae: & additum etiam indicio, quod celabatur, & alios specie transfugarum Numidas vagari in castris Romanis. Hi supra LXX. comprehensi, & cum transfugis novis multati virgis, manibusque præcis Capuam rediguntur.

CAPUT IX.

Capna comploratis rebus, cum, convocato Senatu, de urbis deditione ageretur, Vibius Virius, qui defectionis ab Romanis auctor fuerat, nullam superasse impetranda pacis spem ostendens, primores hortatur, ut sibi veneno mortem consciscant.

CONSPECTUM tam triste supplicium fre-
git animos Campanorum. Concursum 13
ad curiam populi factus coegit Lesium senatum vocare: & primoribus, qui jandiu publicis consiliis aberant, propalam minabantur, nisi venirent in senatum, circa domos eorum ituros se, & in publicum omnes vi extracturos esse. Is timor frequentem senatum magistratui præbuit. Ibi cum cæteri de legatis mittendis ad imperatores Romanos agerent; Vibius Virius, qui defectionis ab Romanis auctor fuerat, interrogatus sententiam, negat, eos, qui de legatis, & de pace, ac deditione loquantur, meminisse, nec quid facturi fuerint, si Romanos in potestate habuissent, nec quid ipsis patiendum sit. Quid vos, inquit, eam deditionem fore censeatis, qua quondam, ut adversus Samnites auxilium impetraremus, nos nostraque omnia Romanis dedimus? Jam memoria excessit, quo tempore, & in qua
S 6 for.

*fortuna a populo Rom. defecerimus? jam quæ-
 admodum in defectione præsidium, quod poterat
 emitti, per cruciatum, & ad contumeliam ne-
 caverimus? quoties in obsidentes, quam inimici
 exuperimus? castra oppugnaverimus? Anniba-
 lem vocaverimus ad opprimendos eos? hoc quod
 recentissimum est, ad oppugnandam Romam
 hinc cum miserimus? Age contra, qua illi in-
 feste in nos fecerint, repetite, ut ex eo, quid
 speretis, habeatis. Cum hostis alienigena in
 Italia esse, & Annibal hostis, & cuncta bello
 arderent, omiſſis omnibus, omiſſo ipſo Anniba-
 le, ambos consules, & duos consulares exerci-
 tus ad Capuam oppugnandam miserunt. alte-
 rum annum circumvallatos inclusosque nos fa-
 me macerant, & ipsi nobiscum ultima tericu-
 la, gravissimos labores perpeſſi, circa vallum ac
 fossas sæpe cruciati, & prope ad extremum ca-
 stris exuri. Sed omitto hac. vetus, atque uſi-
 tata res est, in oppugnanda hostium urbe labo-
 res, ac pericula pati, illud ira, atque odii
 execrabilis indicium est. Annibal ingentibus co-
 piis peditum, equitumque castra oppugnavit,
 & ex parte cepit: tanto periculo nihil moti sunt
 ab obsidione. profectus trans Vulturnum perus-
 sit Calenum agrum: nihil tanta sociorum cla-
 de advocati sunt, ad ipsam urbem Romam in-
 festa signa ferri iussit: eam quoque tempeſtatem
 imminentem spreverunt. transgressus Anienem,
 tria millia passuum ab urbe castra posuit: po-
 ſtremo ad mœnia ipsa, & ad portas accessit:
 Romam se adempturum eis, nisi omitterent Ca-
 puam, ostendit: & non omiserunt. Feras be-
 ſtias cæco impetu ac rabie concitatas, si ad cu-
 bilia & catulos earum ire pergas, ad opem ſuis
 ferendam avertas: Romanos Roma circumſeſ-
 ſa, conjuges, liberi, quorum ploratus hinc
 quoque prope exaudiebantur, ara, foci, denum-
 delu-*

delubra , sepulchra majorum temerata ac violata , a Capua non averterant . tanta aviditas supplicii expetendi , tanta sanguinis nostri hauriendi est fitis . nec injuria forsitan . nos quoque idem jecissemus , si data fortuna esset . Itaque quando aliter diis immortalibus visum est , cum mortem ne recusare quidem debeam : cruciatus , contumeliasque , quas sperat hostis , dum liber , dum mei potens sum , effugere morte , praterquam honesta , etiam leni possum . non videbo Ap. Claudium , & Q. Fulvium victoria insolenti subnixos : neque victus per urbem Romam triumphi spectaculum trahar , ne deinde in carcerem , aut ad palum deligatus , lacerato virgis tergo , cervicem securi Romana subiciam : nec divui incendique patriam videbo , nec rapi ad stuprum matres Campanas , virginesque , & ingenuos pueros . Albam , unde ipsi oriundi erant , a fundamentis pruerunt , ne stirps , ne memoria originum suarum extaret : nedum eos Capua parsuros credam , cui infestiores , quam Carthagini sunt . Itaque quibus vestrum ante fato cedere , quam hac tor & tam acerba videant , in animo est , iis apud me hodie epula instructa parataque sunt . satias vino cibaque , poculum idem , quod mihi datum fuerit , circumferetur . ea potio corpus a cruciatu , animum a contumeliis , oculos , aures a videndis audiendisque omnibus acerbis , indignisque , qua manens victos , vindicabit . parati erunt , qui magno rogo in propatulo adium accenso corpora exanimia injiciant . Hac una via & honesta , & libera ad mortem . & ipsi virtutem mirabuntur hostes , & Annibal forte socios sciet ab se desertos , ac proditos assa-

CAPUT X.

*Veneno a Vibio Virio , & a paucis aliis sum-
pto , Urbs Romanis deditur ab reliquis se-
natoribus : qui in castra Rom. venientes ,
in custodias victi traduntur.*

- 24 **H**anc orationem Virii plures audierunt cum assensu , quam forti animo id , quod probabant , exequi potuerunt . Major pars senatus multis sæpe bellis expertam populi Romani clementiam haud diffiden-tes sibi quoque placabilem fore , legatos ad dedendam Romanis Capuam decreverunt , miseruntque . Vibium Virium septem & viginti ferme senatores domum secuti sunt : epulatique cum eo , & , quantum facere potuerant , alienatis mentibus vino ab imminenti sensu mali , venenum omnes sum-plerunt . inde misso convivio , dextris inter se datis , ultimoque complexu , collacry-antes suum patriæque casum , alii , ut eo- dem rogo cremarentur , manserunt , alii domos digressi sunt . Impletæ cibus vinoque venæ minus efficacem in maturanda morte vim veneni fecerunt . itaque noctem totam plerique eorum , & diei insequentis partem cum animam egissent : omnes tamen prius , quam aperirentur hostibus portæ , expira- runt . Postero die porta Jovis , quæ adver- sus castra Romana erat , jussu proconsulis aperta est , ea intromissa legio una , & duæ alæ cum G. Fulvio legato . Is , cum omnium primum arma telaque , quæ Capuæ erant , ad se conferenda curasset , custodiis ad omnes portas dispositis , ne quis exire , aut ~~emitti~~ posset , præsidium Punicum com-
pre-

prehendit: senatum Campanum ire in castra ad imperatores Romanos iussit. quo cum venissent, ex templo his omnibus catenæ injectæ, iussique ad quæstores deferre, quod auri argentique haberent, auri pondo LXX. fuit: argenti tria millia pondo & CC. senatores quinque, & viginti Cales in custodiam, duodetriginta Theanum missi, quorum de sententia maxime descitum ab Romanis constabat.

CAPUT XI.

Dum ab Appio Claudio de senatoribus Campanis consulitur per literas Romanus senatus, Q. Fulvius, non expectato arbitrio, ad supplicium de illis sumendum properat: dum ad palum deligantur, acceptas literas a senatu, ratus missas ad rem impediendam, antequam ligat, in gremio reponit, ac supplicium peragit.

DE supplicio Campani senatus haudquam inter Fulvium Claudiumque conveniebat. facilis impetrandæ veniæ Claudius, Fulvii durior sententia erat. Itaque Appius Romanum ad senatum arbitrium ejus rei totum rejiciebat, percunctandi etiam æquum esse potestatem fieri patribus, num communicassent consilia cum aliquibus sociorum Latini nominis municipiorum, & num ope eorum in bello forent, & municipiorum adjuti. Id vero minime committendum esse, Fulvius dicere, ut sollicitarentur criminibus dubiis sociorum fidelium animi, & subjicerentur indicibus, quæis, nequid facerent, neque quid dicerent, quicquam unquam per si fuisset. itaque se eam

qua-

*quaestionem oppressurum, extincturumque. Ab hoc sermone cum digressi essent, & Appius quamvis ferociter loquentem collegam, non dubitaret tamen literas super tanta re ab Roma expectaturum: Fulvius, ne id ipsum impedimentum incepto foret, dimittens prætorium, tribunis militum, ac præfectis sociorum imperavit, uti duobus millibus equitum delectis denuntiarent, ut ad tertiam buccinam præsto essent. Cum hoc equitatu nocte Theanum profectus, prima luce portam intravit, atque in forum perrexerit: concursuque ad primum equitum ingressum facto, magistratum Sidicinum citari iussit: imperavitque, ut produceret Campanos, quos in custodia haberet. Producti omnes, virgisque cæsi, ac securi percussi. Inde citato equo Cales percurrit, ubi cum in tribunali confedisset, productique Campani deligarentur ad palum, eques citus ab Roma venit: literasque a C. Calpurnio prætore Fulvio cum tradidisset, murmur a tribunali totam concionem pervasit, deferri rem integram ad patres de Campanis. Et Fulvius id ita esse ratus, acceptas literas, neque resolutas cum in gremio reposuisset, præconi imperavit, ut lictorem lege agere juberet. Ita de iis quoque, qui Calibus erant, sumptum supplicium. tum literæ lectæ, senatusque consultum, ferum ad impediendam rem actam, quæ summa ope appropinquata erat, ne impediri posset. Consurgentem iam Fulvium Taurea Jubellius Campanus per mediam vadensturbam nomine inclamavit: & cum mirabundus, quidnam sese vellet, inquireret, residens Flaccus: *me quoque, inquit, jube occidi, ut gloriari possis, multo fortiore, quam ipse es, virum abs te occisum esse.* Cum Flaccus*

negaret profecto satis compotem mentis esse: modo prohiberi etiam se, si id vellet, Senatus consulto diceret: tum Jubellius, quandoquidem, inquit, capta patria; propinquis amicisque amissis, cum ipse manu mea conjugem, liberosque interfecerim, ne quid indigni paterentur, mihi ne mortis quidem copia eadem est, qua his civibus meis: petatur a virtute invisæ hujus vitæ vindicta: atque ita gladio, quem velle tenerat, per adversum pectus transfixus, ante pedes imperatoris moribundus procubuit. Quia & quod ad supplicium attinet Campanorum, & pleraque alia, de Flacci unius sententia acta erant, mortuum Appium Claudium sub deditionem Capuæ quidam tradunt. hunc quoque ipsum Tauream neque sua sponte venisse Cales, neque sua manu interfectum, sed dum inter cæteros ad palum deligatur, quia parum inter strepitus exaudiri possent, quæ vociferabatur, silentium fieri Flaccum jussisse: tum Tauream illa, quæ ante memorata sunt, dixisse, virum se fortissimum a nequaquam pari ad virtutem occidi: sub hæc dicta iussu proconsulis præconem ita pronuntiasse, *Lictor, viro forti adde virgas, & in eum primum lege age.* Lectum quoque senatus consultum, prius quam securi feriret, quidam auctores sunt: sed quia adscriptum in senatus consulto fuerit, si ei videretur, integrum rem ad senatum rejiceret: interpretatum esse, quid magis e Republ. duceret, æstimationem sibi permissam. Capuam a Calibus redditum est: Atellaque, & Galatia in deditionem acceptæ. ibi quoque in eos, qui capita rerum erant, animadversum. ita ad LXX. principes senatus interfecti, trecenti ferme nobiles Campani in

carcerem conditi. alii per sociorum Latini nominis urbes in custodias dati, variis casibus interierunt. multitudo alia civium Campanorum venundata.

CAPUT XII.

Campanis magistratus, senatus, & commune consilium adimuntur: ager sit publicus populi Romani: urbs Capua servatur incolomis.

DE urbe, agroque reliqua consultatio fuit, quibusdam delendum consentibus urbem prævalidam, propinquam, inimicam. Cæterum præsens utilitas vicit. nam propter agrum, quem omni fertilitate terræ satis constabat primum in Italia esse, urbs servata est, ut esset aliqua aratorum sedes. urbi frequentandæ multitudo incolarum, libertinorumque, & institutorum, opificumque retenta. ager omnis, & tellus publica populi Romani facta. Cæterum habitari tantum, tanquam urbem, Capuam, frequentarique placuit: corpus nullum civitatis, nec senatus, nec plebis concilium, nec magistratus esse. sine consilio publico, sine imperio multitudinem, nullius rei inter se sociam, ad consensum inhabilem fore. Præfectum ad jura reddenda ab Roma quotannis misuros. Ita ad Capuam res compositæ consilio ab omni parte laudabili. severe, & celeriter in maxime noxios animadversum: multitudo civium dissipata in nullam spem reditus: non sævitum incendiis ruinisque in tellus innoxia, murosque: & cum emolumento quæsitæ etiam apud socios lenitatis species incolumitate urbis nobilissimæ opulentissimæque, cujus ruinis

nis omnis Campania, omnes, qui Campaniam circa accolunt, populi ingemuisent: confessio expressa hosti, quanta vis in Romanis ad expectandas pœnas ab infidelibus sociis, & quam nihil in Annibale auxilii ad receptos in fidem tuendos esset.

CAPUT XIII.

Claudius Nero in Hispaniam cum exercitu profectus, cum intra saltus angustias clausum teneret Asdrubalem Amilcaris, decipiens ab hoste fraude petiti, sed de industria dilati colloquii, dat illi spatium ad evadendum.

Romani * proconsules perfuncti, quod 17
ad Capuam attinebat, cura, C. Neroni * al,
ex iis duabus legionibus, quas ad Capuam ha- Pa.
buerant, sex millia peditum, & trecentos tica.
equites, quos ipse legisset, & socium Latini nominis peditum numerum parem, & octingentos equites decernunt. Eum exercitum, Puteolis in naves impositum Nero in Hispaniam transportavit. cum Tarraconem navibus venisset, expositisque ibi copiis, & navibus subductis, socios quoque navales, multitudinis augendæ causa, armasset: profectus ad Iberum flumen, exercitum ab T. Fontejo, & L. Martio accepit. inde pergit ad hostes ire. Asdrubal Amilcaris ad Lapides Atros castra habebat in Ausetanis. Is locus est inter oppida Imiturgim, & Mentisam. hujus saltus fauces Nero occupavit. Asdrubal, ne in arcto res esset, caduceatorem misit, qui promitteret, si inde missus foret, se omnem exercitum ex Hispania deportaturum. Quam rem cum læto animo Romanus accepisset, diem.

diem posterum Asdrubal colloquio petivit, ut Romani leges conscriberent de tradendis arcibus urbium, dieque statuenda, ad quam præsidia deducerentur, suaque omnia sine fraude Pœni deportarent. Quod ubi impetravit, extemplo primis tenebris, atque inde tota nocte, quod gravissimum exercitus erat, Asdrubal, quacunque posset, evadere e saltu iussit. data sedulo opera est, ne multi ea nocte exirent, ut ipsa paucitas tum ad hostem silentio fallendum aptior, tum ad evadendum per arctas semitas, ac difficiles esset. Ventum insequenti die ad colloquium est: sed loquendo plura scribendoque, dedita opera, quæ in rem non essent, die consumpto, in posterum dilatum est. addita insequens nox spatium dedit & alios emittendi: nec postero die res finem invenit. ita aliquot dies disceptando palam de legibus, noctesque emittendis clam e castris Carthaginiensibus absumptæ. & posteaquam major pars emissæ exercitus erat, jam ne iis quidem, quæ ultro dicta erant, stabatur: minusque ac minus, cum timore simul fide decrescente, conveniebat. Jam ferme pedestres omnes copiæ evaserant e saltu: cum prima luce densa nebula saltum omnem, camposque circa intexit. quod ubi sensit Asdrubal, mittit ad Neronem, qui in posterum diem colloquium differret. illum diem religiosum Carthaginiensibus ad agendum quicquam rei seriæ esse. Ne tum quidem suspecta fraus. cum data esset venia ejus diei, extemplo Asdrubal cum equitatu elephantisque castris egressus, sine ullo tumultu intutum evasit. Hora ferme quarta depulsa Sole nebula aperuit diem, vacuaque hostium castra conspexerunt Romani, Tum demum

Clau-

Claudius Punicam fraudem agnoscens, ut se dolo captum sensit, proficiscentem institit sequi, paratus configere acie: sed hostis detrectabat pugnam. levia tamen prælia inter extremum Punicum agmen, præcursoresque Romanorum fiebant. Inter hæc Hispaniæ populi, nec qui post cladem acceptam defecerant redibant ad Romanos, nec ulli novi 18 deficiebant.

CAPUT XIV.

Nemine in comitiis audente petere imperium in Hispaniam, P. Scipio P. filius, qui in Hispaniam ceciderat, professus se isurum, suffragio populi, consensuque omnium mittitur, annum agens vigesimum quartum, creditus divina stirpe creatus, quoniam & ipse, posteaquam togam virilem sumpserat, quotidie in Æde Capitolii erat, & in cubiculo matris ejus anguis sæpenumero videbatur.

ET Romæ senatui, populoque post receptam Capuam non Italiæ jam major quam Hispaniæ cura erat. & exercitum augeri, & imperatorem mitti placebat. nec tamen, quem mitterent, satis constabat: quoniam illuc, ubi duo summi imperatores intra dies XXX cecidissent, qui in locum duorum succederet, extraordinaria cura deligendus esset. Cum alii alium nominarent, postremum eo decursum est, ut populus pro consule creando in Hispaniam comitia haberet: diemque comitiis consules edixerunt. Primo expectaverant, ut qui se tanto imperio dignos crederent, nomina profiterentur, quæ ut destituta expectatio est, redintegratus luctus acceptæ clæ-

cladis, desideriumque imperatorum amissorum. Mœsta itaque civitas, prope inops consilii, comitiorum die tamen in campum descendit. atque in magistratus versi, circumspiciunt ora principum aliorum alios intuentium, fremuntque, adeo perditas res, desperatumque de Rep. esse, ut nemo audeat in Hispaniam imperium accipere. Cum subito P. Cornelius, illius, qui in Hispania ceciderat, filius, quatuor, & viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. iussi deinde inire * suffragium, ad unum omnes non-centuriæ modo, sed etiam homines P. Scipioni imperium esse in Hispania iusserunt. Cæterum post rem actam, ut jam resederat impetus animorum, ardorque, silentium subito ortum, & tacita cogitatio, quidnam egissent novi. quod favor plus valuisset, quam ratio ætatis, maxime pœnitebat. quidam fortunam etiam domus horrebant, nomenque, ex funestis duabus familiis in eas provincias, ubi inter sepulcra patris patruisque res gerendæ essent, proficiscentis. Quam ubi ab re tanto impetu acta sollicitudinem curamque hominum animadvertit, advocata concione, ita de ætate sua, imperioque mandato, & bello, quod gerendum esset, magno elatoque animo disseruit, ut ardorem eum, qui resederat, excitaret rursus, innovaretque, & impleret homines certioris spei, quam quantam fides promissi humani, aut ratio ex fiducia rerum subicere solet. Fuit enim Scipio non veris tantum virtutibus mirabilis, sed arde quoque quadam ab juvena in ostentationem

* al.
contu-
dum.

19

am

nem earum compositus; pleraque apud multitudinem aut per nocturnas visa species, aut velut divinitus mente monita, agens: sive & ipse capti quadam superstitione animi, sive ut imperia consiliaque, velut sorte oraculi missa, sine cunctatione a se sequeretur. ad hæc jam inde ab initio præparans animos, ex quo togam virilem sumpsit, nullo die prius ullam publicam privatamque rem egit, quam in Capitolium iret, ingressusque ædem consideret, & plerumque tempus solus in secreto ibi tereret. Hic mos, qui per omnem vitam servabatur, seu consulto, seu temere vulgatæ opinioni fidem apud quosdam fecit, stirpiseum divinæ virum esse: retulitque famam in Alexandro Magno prius vulgatam, & vanitate & fabula parem: anguis immanis concubitu conceptum, & in cubiculo matris ejus persæpe visam prodigii ejus speciem, interventuque hominum evolutam repente, atque ex oculis elaptam. His miraculis nunquam ab ipso elusa fides est: quin potius aucta arte quadam nec abeundi tale quicquam, nec palam affirmandi. Multa alia ejusdem generis, alia vera, alia assimulata, admirationis humanæ in eo juvene excesserant modum. quibus freta tunc civitas, ætati haudquaquam maturæ tantam molem rerum, tantumque imperium permisit. Ad eas copias, quas ex vetere exercitu Hispania habebat, quæque a Puteolis cum C. Nerone traherentur, decem millia peditum, & mille equites adduntur: & M. Junius Silanus pro prætore adiutor ad res gerendas datus est. Ita cum XXX. navium classe (omnes autem quinqueremes erant) ostiis Tiberinis profectus præter oram Tusci maris, Alpes, atque Gallicum sinum, & deinde Pyrenes circumvectus promonto-

rium,

rium, Emporiis, urbe Græca (oriundi & ipsi a Phocæa sunt) copias exposuit. inde sequi navibus iussis, Tarraconem pedibus profectus, conventum omnium sociorum (etenim legationes ad famam adventus ejus ex omni se provincia effuderant) habuit. naves ibi subduci iussit, remis quatuor triremibus Massiliensium, quæ officii causa ab domo profectæ fuerant. Responso inde legationibus suspensis varietate tot casuum dare cœpit, ita elato ab ingenti virtutum suarum fiducia animo, ut nullum ferox verbum excideret, ingenisque omnibus, quæ diceret, cum majestas inesset, tum fides. Profectus ab Tarracone, & civitates sociorum, & hiberna exercitus adiit. collaudavitque milites, quod duabus tantis cladibus deinceps icti, provinciam obtinuissent: nec fructum secundarum rerum sentire hostes passi, omni cis Iberum agro eos arcuissent, sociosque cum fide tutati essent. Martium secum habebat cum tanto honore, ut facile appareret, nihil minus eum vereri, quam ne quis obstaret gloriæ suæ. Successit inde Neroni Silanus, & in hiberna novi milites deducti. Scipio, omnibus, quæ adeunda, agendaque erant, mature aditis peractisque, Tarraconem concessit. Nihilominus fama apud hostes Scipionis erat, quam apud cives sociosque, & divinatio quædam futuri, quo minus ratio timoris reddi poterat, eo opportune majorem inferens metum. In hiberna diversi concesserant: Asdrubal Gisgonis usque ad Oceanum, & Cades: Mago in mediterranea maxime supra Castulonensem saltum. Asdrubal Amilcaris filius proximus Ibero circa Saguntum hibernavit.

CAPUT XV.

*Punica classis profecta Tarentum ad arcendos
 commentus praesidii, quod in arce erat, cum
 oppidanis magis, quam hostibus arctiorem an-
 nonam facere, inde discedit.*

A Statisejus extremo, quo capta est Ca-
 pua, & Scipio in Hispaniam venit,
 Punica classis ex Sicilia Tarentum accita ad
 arcendos commentus praesidii Romani, quod
 in arce Tarentina erat, clauserat quidem o-
 mnes ad arcem a marraditus: sed assidendo
 diutius, arctiorem annonam sociis, quam
 hosti faciebat, non enim tantum subvehi op-
 pidanis per pacata litora, apertoque portus
 praesidio navium Punicarum poterat, quan-
 ti frumenti classis ipsa turba navali mista ex
 omni genere hominum absumebat: ut arcis
 praesidium etiam sine in vecto, quia ibi pau-
 ci erant, ex ante praeparato sustentari pos-
 set: Tarentinis classique ne in vectum qui-
 dem sufficeret. Tarentinis classique ne in-
 vectum quidem sufficeret. tandem maiore
 gratia, quam venerat, classis dimissa est.
 annona haud multum laxaverat: quia remo-
 to maritimo praesidio subvehi frumentum
 non poterat.

CAPUT XVI.

M. Marcellus propter res prospere in Sicilia gestas, cum per calumniam ei triumphus a senatu negaretur, de sua sententia in Albano monte triumphat: ovans deinde cum magna spectaculi pompa Urbem ingreditur. Iis, quorum proditiōe capta Syracusa fuerunt, pramia decernuntur.

21. **E**iusdem ætatis exitu M. Marcellus ex Sicilia provincia cum ad urbem venisset, a C. Calpurnio prætore senatus ei ad ædem Bellonæ datus est. ibi cum de rebus ab se gestis disleruisset, questus leniter non suam magis, quam militum vicem, quod provincia confecta exercitum deportare non liquisset, postulavit, ut triumphanti urbem inire liceret. id non impetravit. Cum multis verbis actum esset, *utrum minus conveniret, cuius nomine absentis ob res prospere ductu ejus gestas, supplicatio decreta foret, & aliis immortalibus habitus honos, ei præsentis negare triumphum: an quem tradere exercitum successori iussissent, quod nisi manente in provincia belio, non decerneretur, cum quasi debellato triumphare, cum exercitus testis meriti, atque immeriti triumpho abesses: medium vilum, ut ovans urbem iniret.* Tribuni plebis ex auctoritate senatus ad populum tulerunt, ut M. Marcello, quo die urbem ovans iniret, imperium esset. Pridie quam urbem iniret, in monte Albano triumphavit. inde ovans multa præ se prædam in urbem intulit. Cum simulacro captarum Syracusarum, cætapultæ, ballistæque, & alia omnia instru-
- men-

imenta belli lata, & pacis diuturnæ, regiæque opulentiaæ ornamenta, argenti, ærisque fabrefacta vasa, & alia supellex, pretiosaque vestis, & multa nobilia signa. quibus inter primis Græciæ urbes Syracusæ ornatae fuerant. Punicæ quoque victoriæ signum, octo ducti elepanti. Et non minimum fuere spectaculum cum coronis aureis præcedentes Sosius Syracusanus, & Mericus Hispanus, quorum altero duce nocturno Syracusas introitum erat, alter Nasum, quodque ibi præsidii erat, prodiderat. His ambobus civitas data, & quingena jugera agri: Sosidi in agro Syracusano, qui aut regius, aut hostium populi Romani fuisset, & aedes Syracusis, cujus vellet eorum, in quos belli jure animadversum esset: Merico, Hispanisque. qui cum eo transierant, urbs agerque in Sicilia, ex iis, qui a populo Romano defecissent, jussa dari. id M. Cornelio mandatum, ut, ubi ei videretur, urbem agrumque eis assignaret. In eodem agro Belligeni, per quem illeclus ad transitionem Mericus erat, CD jugera agri decreta.

CAPUT XVII.

Aliquot urbes, quæ in Sicilia post Marcelli profectionem desciverant, per M. Cornelium Praetorem in potestatem rediguntur.

Post profectionem ex Sicilia Marcelli Punica classis octo millia peditum, tria Numidarum equitum exposuit. Ad eos Murgantinæ desciverunt terræ. secutæ defectionem earum Hybla, & Magella sunt, & ignobiliores quædam aliæ. Et Numidæ, præfecto Mutine, vagi per totam Siciliam sociorum populi Romani agros urebant, Super hæc

exercitus Romanus iratus, partim quod cum imperatore non devectus ex provincia esset, partim quod in oppidis hibernare vetiti erant, segni fungebantur militia: magisque eis auctor ad seditionem, quam animus deerat. Inter has difficultates M. Cornelius prætor & militum animos, nunc consolando, nunc castigando, sedavit: & civitates omnes, quæ defecerant, in deditionem redegit: atque ex his Murgantiam Hispanis, quibus urbs agerque debebatur, ex S. C. attribuit.

C A P U T XVIII.

Cum in comitiis prærogativa Veturia juniorum consulem cum T. Otacilio T. Manlium Torquatum declarasset, is primum causatus oculorum valitudinem, deinde aperte affirmans fore, ut neque ipse populi vitia, neque ille severitatem suam ferre possit, magistratum recusat, vocata eadem tribus in suffragium, ex auctoritate seniorum dicit cos. M. Claud. Marcellum, & M. Valerium Lavinum absentem: ludi Apollinares fiunt: prodigia procurantur.

- 22 **C**onsules, cum ambo Apuliam provinciam haberent, minusque jam terroris a Pœnis & Annibale esset, sortiri iussi Apuliam Macedoniamque provincias. Sulpitio Macedoniam venit, isque Lævino successit. Fulvius Romam comitiorum causa accersitus, cum comitia consulibus rogandis haberet, prærogativa * Veturia juniorum declaravit T. Manlium Torquatum, & T. Otacilium. Manlius, qui præfens erat, gratulandi causa cum turba coiret, nec dubius esset

esset consensus populi, magna circumfusus
 turba ad tribunal consulis venit: petitque,
 ut pauca sua verba audiret, centuriamque,
 quæ tulisset suffragium, revocari juberet.
 Erectis omnibus expectatione, quidnam po-
 stulaturus esset, oculorum valetudinem ex-
 cusavit. Impudentem & gubernatorem, &
 imperatorem esse, qui, cum alienis oculis ei
 omnia agendi sint, postulet sibi aliorum capi-
 ta ac fortunas committi. proinde si videretur,
 & redire in suffragium Veturiam juniorum
 juberet: & meminisset in consulibus crean-
 dis belli quod in Italia sit, temporumque
 reipublicæ. vixdum requiescere aures a stre-
 pitu, & tumultu hostili, quo paucos ante
 menses assederint prope mœnia Romana.
 Post hæc cum centuria frequens succlammas-
 set nihil se mutare sententiæ, eisdemque
 consules dicturos esse: tum Torquatus, *Negue*
ego vestros, inquit, *mores consul ferre potero, ne-*
que vos imperium meum. redite in suffragium, &
cogitate, bellum Punicum in Italia, &
hostium ducem Annibalem esse. Tum Ve-
 turia & auctoritate mota viri, & admi-
 rantium circa fremitu, petita consule, ut
 Veturiam seniorum citaret. velle sese cum
 majoribus natu colloqui, & ex auctoritate
 eorum consules dicere. Citatis Veturiæ se-
 nioribus, datum secreto in ovili cum his
 colloquendi tempus. Seniores de tribus con-
 sulendum dixerunt esse; duobus jam plenis
 honorum, Q. Fabio, & M. Marcello: &
 si utique novum aliquem adversus Pœnos
 consulem creari vellent, M. Valerium Læ-
 vinum egregie adversus Philippum Regem
 terra marique res gessisse. Ita de tribus con-
 sultatione data, senioribus dimissis, junio-

cellum fulgentem tum Sicilia domita, & M. Valerium absentem consules dixerunt. auctoritatem prærogativæ omnes centuriæ secutæ sunt. Eludant nunc antiqua mirantes, non equidem si qua sit sapientium civitas, quam docti fingunt magis, quam norunt: aut principes graviores, temperantioresq; a cupidine imperii, aut multitudinem melius moratam censeam fieri posse. centuriam vero juniorum seniores consulere voluisse, quibus imperium suffragio mandaret, vix ut verissimile sit parentum quoq; hoc sæculo vilis levissq; apud
 23 liberos auctoritas fecit. Prætoriam inde comitia habita: P. Manlius Volso, & L. Manlius Acidinus, & C. Lætorius, & L. Cincius Alimentus creati sunt. Forte ita incidit, ut comitiis perfectis nuntiaretur; T. Otacilium, quem T. Manlio, nisi interpellatus ordo comitiorum esset; collegam absentem daturus fuisse videbatur populus, mortuum in Sicilia esse. Ludi Apollinares & priore anno fuerant: & eo anno ut fierent, referente C. Calpurnio prætore, senatus decrevit, ut in perpetuum voverentur. Eodem anno prodigia aliquot visa, nuntiataque sunt. In æde Concordiæ Victoria, quæ in culmine erat, fulmine icta, decussa que ad Victorias, quæ jam ante fixæ erant, hæsit; neque inde procidit. Et Anagninæ, & Fregellis, nuntiatum est, murum, portasque de cælo tactas, & in foro Sudertano sanguinis rivos per diem totum fluxisse, & Ereti lapidibus pluuisse, & Reate mulam peperisse. Ea prodigia hostis majoribus sunt procurata: & obsecratio in unum diem populo indicta, & novendiale sacrum. Sacerdotes publici aliquot eo anno mortui sunt, novique suffecti: in locum M. Æmilii Numidæ, decem-

cœnviri sacrorum, M. Æmilius Lepidus: in locum M. Pomponii Mathonis pontificis C. Livius: in locum Sp. Carvili maximi auguris M. Servilius: T. Otacilius Crassus pontifex, quia exacto anno mortuus erat, ideo nominatio in locum ejus non est facta. C. Claudius, flamen Dialis, quod exta perperam dederat, Flaminio abiit.

CAPUT XIX.

Juncta a M. Valerio Lavino cum Ætolis amicitia, adversus Acarnanas, & Philippum Macedonia regem bellum geritur: cum Ætoli urgerent Acarnanas, hi ad animos ira incitandos conjurant, se, nisi victores, non redituros.

PER idem tempus M. Valerius Lævinus, 24 tentatis prius per secreta colloquia principum animis, ad indictum ante ad idipsum concilium Ætolorum classe expedita venit. Ubi cum Syracusas, Capuamque captas in fidem, in Italiaque rerum secundarum successum ostentasset; adjecissetque, jam inde a majoribus traditum morem Romanis colendi socios: ex quibus alios in civitatem, atque equum secum jus acceperant: alios in ea fortuna haberent, ut socii esse, quam cives mallent: Ætolos eo in majore futuros honore, quod gentium transmarinarum in amicitiam primi venissent: Philippum eis, & Macedonas graves accolae esse, quorum se vim ac spiritus etiam fregisse: & eo redactos esse, ut non his modo urbibus, quas per vim ademissent Ætolis, excedant, sed ipsam Macedoniam infestam habeant. Et Acarnanas, quos agro ferrent Ætoli a corpore suo diremptos, restitutum se in

antiquam formulam, jurisque ac ditionis eorum.
 Hædicta promissaque a Romano imperatore, Scopas, qui tum prætor gentis erat, & Dbrimachus, princeps Ætolorum, affirmarunt auctoritate sua, minore cum verecundia, & majore cum fide vim, majestatemque populi Romani extollentes. maxime tamen spes potiundæ movebat Acarnaniæ. Igitur conscriptæ conditiones, quibus in amicitiam, societatemque populi Romani venirent. additumque, *ut si placeret, vellentque, eodem jure amicitia Elei, Lacedæmonique, & Attalus, & Pleuratus, & Scerdiletus essent.* Asiæ Attalus, hi Illyriorum reges. Bellum ut exemplo Ætoli cum Philippo terra gererent. Navibus na minus XX quinqueremibus adjuvaret Romanus. Urbium, Corcyræ tenus, ab Ætolia incipienti, solum testaque, & muri cum agris Ætolorum; alia omnis prada populi Romani esset. Darentque operam Romani, ut Acarnaniam Ætoli haberent. Si Ætoli pacem cum Philippo facerent, fœderi ascriberent: ita ratam eorum pacem, si Philippus arma ab Romanis, sociisque, quique eorum ditionis essent, abstinuisset. item si populus Romanus fœdere jungeretur Regi, ut cave-ret, ne ius ei belli inferendi Ætolis, sociisque eorum esset. Hæc convenerunt, conscriptaque biennio post Olympiæ ab Ætolis, in Capitolio ab Romanis, ut testata sacris monumentis essent, sunt posita. Moræ causa fuerant retenti Rômæ diutius legati Ætolorum. nec tamen impedimento id rebus gerendis fuit. & Ætoli extemplo moverunt adversus Philippum bellum: & Lævinus Zacynthum (parva insula est, propinqua Ætoliæ, urbem unam eodem, quo ipsa est, nomine habet: eam præter arcem

vicepit) & Oeniadas, Naxumque Acarnanum captas Ætolis contribuit. Philippum quoque satis implicatum bello finitimo ratus, ne Italiam Pœnosque & pacta cum Annibale posset respicere, Corcyram ipse se recepit. Philippo Ætolorum defectio Pellæ hibernanti allata est. itaque, quia primo vere moturus exercitum in Græciam erat, Illyrios, finitimasque eis urbes alterno metu quietas ut Macedonia haberet expeditionem subitam in Oricinorum, atque Apolloniatum fines fecit, egressosque Apolloniatas cum magno terrore, ac pavore compulit intra muros. vastatis proximis Illyriis, in Pelagoniam eadem celeritate vertit iter. inde Dardanorum urbem sitam in Macedonia, transitum Dardanis facturam, cepit. His raptim actis, memor Ætolici, junctique cum eo Romani belli, per Pelagoniam, & Nymphæum, & Beroeam in Thessaliam descendit. ad bellum secum adversus Ætolos capessendum incitari posse homines credebat: &, relicto ad fauces Thessaliæ Perseo cum quatuor millibus armatorum ad arcendos aditu Ætolos, ipse, priusquam majoribus occuparetur rebus, in Macedoniam, atque inde in Thraciam exercitum, ac Medos eduxit. Incurrere ea gens in Macedoniam solita erat, ubi regem occupatum exetno bello, ac sine præsidio esse regnum, sensissent. Ad Phragandas igitur vastare agros, & urbem Jamphorinam, caput arcemque Medicæ, oppugnare cœpit. Scopas, ubi profectum in Thraciam regem, occupatumque ibi bello audivit, armata omni juventute Ætolorum, bellum inferre Acarnaniæ parat. Adversus quos Acarnanum gens & viribus impar, & jam Oeniadas, Naxumque amissa cernens,

Romanaque insuper arma ingruere, ira magis instruit; quam consilio bellum. conjugibus, liberisque, & senioribus supra LX. annos in propinquam Epirum missis, ab XV. ad LXX. annos conjurant; nisi victores, se non redituros; qui victus acie excessisset, cum ne quis urbe, tecto, mensa, lare reciperet: diram execrationem in populares, obtestationem, quam sanctissimam potuerunt, adversus hospites composuerunt: precatique simul Epirotas sunt, ut qui suorum in acie cecidissent, eos uno tumulo contegerent, adhiberentque humatis titulum, HIC SITI SUNT ACARNANES; QUI ADVERSUS VIM, ATQUE INJURIAM ÆTOLIORUM PRO PATRIA PUGNANTES, MORTEM OPPETIERUNT: Per hæc incitatis animis, castra in extremis finibus suis obviam hosti posuerunt. nuntiis ad Philippum missis, quanto res in discrimine esset, omittere Philippum id quod in manibus erat, coegerunt bellum. Jamphorina per deditiorem recepta, & prospero alio successu rerum. Ætolorum impetum tardaverat; primo conjurationis fama Acarnanicæ, deinde auditus Philippi adventus regredi etiam in intimos coegit fines: Nec Philippus, quanquam ne opprimeretur Acarnanes, itineribus magnis ierat; ultra Clinien est progressus: inde cum audisset reditum Ætolorum ex Acarnania, & ipse Pellam rediit.

262 Lævinus veris principio a Córçyra profectus navibus, superato Leucate promontorio, cum venisset Naupaetum, Anticyram inde se petiturum edixit; ut præsto ibi Scopas Ætolique essent: Sita Anticyra est in Locride læva parte sinum Córinthiacum intrantibus, breve terra iter eo, brevis navigatio

ab Naupacto est. Tertio ferme post die utrinque oppugnari cœpta est. gravior a mari oppugnatio erat : quia & tormenta machinæque omnis generis in navibus erant, & Romani inde oppugnabant. itaque intra paucos dies recepta urbs per deditionem, Ætolis traditur. præda ex pacto Romanis cessit. Literæ Lævino redditæ, consulem eum absentem declaratum, & successorem venire P. Sulpitium : cæterum diuturno ibi morbo implicitus, serius spe omnium Romam venit.

CAPUT XX.

Moderatio M. Marcelli consulis ad famam venientium Romam de se questum Siculorum.

M. Marcellus, cum Idibus Martiis consulatum inisset, senatum eo die moris modo causa habuit, professus, nihil se, absente collega, neque de republica, neque de provinciis acturum. Scire se, frequentes Siculos prope urbem in villis obtræctatorum suorum esse : quibus, tantum abesse, ut per se non liceat palam Roma crimina edita, siæque ab inimicis vulgare, ut, ni simularent aliquem sibi timorem absente collega dicendi de consule esse, ipse ei exemplo daturus senatum fuerit. ubi quidem collega venisset, non passurum quicquam prius agi, quam ut Siculi in senatum introducantur. delectum prope a M. Cornelio per totam Siciliam habitum, ut quamplurimi questum de se Romam venirent, eundem literis falsis urbem implese, bellum in Sicilia esse, ut suam laudem minuat. Moderati animi gloriam eo die adeptus consul,

senatum dimisit. ac prope iustitium omnium rerum futurum videbatur, donec alter consul ad urbem venisset.

C A P U T XXI.

Rumores a plebe excitatos comprimit fœdum ortum incendium: hujus auctores Campani: quidam detecti, atque comprehensi, supplicio afficiuntur.

27. **O** Tium, ut solet, excitavit plebis rumores. belli diluturnitate & vastatos agros circa urbem, qua infesto agmine esset Annibal, & exhaustam delectibus Italiam, & pro Repub. Cananis exercitus casus querebantur: & consules bellicosos ambas, viros acres nimis, & feroces creatos, qui vel in pace tranquilla bellum excitare possent, nedum in bello respirare civitatem forent passuri. Interrupit hos sermones nocte, quæ pridie quinquatrus fuit, pluribus simul locis circa forum incendium ortum. eodem tempore septem tabernæ, quæ postea quinque, & argentariæ, quæ nunc novæ appellantur, arserunt: comprehensa postea privata ædificia: (neque enim tum basilicæ erant) comprehensæ latumiæ, forumque piscatorium, & atrium regium: ædes Vestæ vix defensa est, tredecim maxime fervorum opera, qui in publicum redempti, ac manumissi sunt. nocte; ac die continuatum incendium fuit. nec ulli dubium erat, humana id fraude factum esse; quod pluribus simul locis, & iis diversis, ignes coorti essent. Itaque consul ex auctoritate senatus pro concione edixit, qui, quorum opera id conflatum incendium, profiteretur præmium fore libero pecuniam, servo liber.

bertatem. Eo præmio inductus Campanorum Calaviorum servus (Mannus ei nomen erat) indicavit, dominos, & quinque præterea juvenes nobiles Campanos, quorum parentes a Q. Fulvio securi percussierant, id incendium fecisse: vulgoque facturos alia, ni comprehendantur. Comprehensi, ipsi familiæque eorum. & primo elevabatur index, indiciumque. pridie eum verberibus castigatum ab dominis discessisse: per iram, ac levitatem ex re fortuita crimen commentum. cæterum ut coram coarguebantur, & quæstio ex ministris facinoris foro medio haberi cœpta est, fassi omnes, atque in dominos, servosque conscios animadversum est. indici libertas data, & XX millia æris.

CAPUT XXII.

M. Valerium Lavinum consulem, Capuam prætereuntem, Campani legati, implacabilem in se Q. Flacci iram apud senatum accusaturi, Romam sequuntur: eo cum is pervenisset, res a se in Macedonia gestas exponit.

Consuli Lævino Capuam prætereunti circumfusa multitudo Campanorum est. obsecrantium cum lacrymis, ut sibi Romam ad senatum ire liceret oratum, si qua misericordia tandem flecti possent, ne se ad ultimum perditum irent, nomenque Campanorum a Q. Flacco delerifinerent. Flaccus sibi privatam similitatem cum Campanis negare ullam esse; publicas inimicitias & hostiles esse, & futuras, quoad alieno animo esse a Populo Romano sciret, nullam enim in terris gentem esse, nullum infestiores popu-

populum nomini Romano . ideo se mœnibus inclusos tenere eos: quia si qui evasissent aliqua, velut feras bestias per agròs vâgari, & laniare, & trucidare, quodcunque obvium datur . alios ad Annibalem transfugisse; alios ad Romam incendendam profectos: inventurum in seminato foro consulem vestigia sceleris Campanorum . Vesta adem peritam, & aeternos ignes; & conditum in penetrati fatale pignus imperii Romani, se minime censere tutum esse; Campanis potestatem intrandi Romana mœnia fieri. Lævinus Campanos jurejurando à Blacco adactos; quinto die, quam a senatu responsum accepissent, Capuam redituros; sequi se Romam iussit . Hac circumfusus multitudo, simul Siculis obviam egressis, Romam pervenit: clarissimarum urbium excidio celeberrimis viris victos bello accusatores in urbem adducens . De Rep. tamen primum, ac de provinciis
 28 ambo consules ad senatum retulere . Ibi Lævinus, quo statu Macedonia, & Græcia, Ætoli, Acarnanes, Locrique essent, quasque ibi res ipse egisset terra marique, exposuit . Philippum inferentem bellum Ætolis, in Macedoniam retro ab se compulsus, ad intima penitus regni abiisse, legionemque inde deduci posse: classem satis esse ad arcendum Italia regem . Hæc de se, deque provincia, cui præfuerat .

CAPUT XXIII.

Provincia & exercitus ab Romanis decernuntur .

Cōsulum de provinciis communis relatio fuit . Decrevere patres, ut alteri cōsulum Italia, bellumque cum Annibale, provincia esset: alter classem, cui T. Otaci-

cilius præfisset, Siciliamque provinciam cum L. Cincio prætore obtineret. Exercitus eis duo decreti; qui in Etruria, Galliaque essent. ex quatuor erant legiones. urbanæ duæ superioris anni in Etruriam; duæ, quibus Sulpitius consul præfisset, in Galliam mitterentur. Gallia, & legionibus præfisset, quem consul, cujus Italia provincia esset, præfecisset. In Etruriam C. Calpurnius post præturam, prorogato in annum imperio, missus. Et Q. Fulvio Capua provincia decreta, prorogatumque in annum imperium. Exercitus civium sociorumque minui iussus, ut ex duabus legionibus una legio quinque millia peditum, & trecenti equites essent; dimissis, qui plurima stipendia haberent: & sociorum septem millia peditum, & trecenti equites relinquerentur; eadem ratione stipendiorum habita in veteribus militibus dimittendis. Cn. Fulvio, consuli superioris anni, nec de provincia Apulia, nec de exercitu, quem habuerat, quicquam mutatum: tantum in annum prorogatum imperium est. P. Sulpitius, collega ejus, omnem exercitum, præter socios navales, iussus dimittere est. Item ex Sicilia exercitus, cui M. Cornelius præfisset, ubi consul in provinciam venisset, dimitti iussus. L. Cincio prætori ad obtinendam Siciliam Cannenses milites dati; duarum instar legionum. Totidem legiones in Sardiniam P. Manlio Volsioni prætori decretæ: quibus L. Cornelius in eadem provincia prior anno præfuerat. Urbanas legiones ita scribere consules iussi, ne quem militem facerent, qui in exercitu M. Claudii, M. Valerii, Fulviique fuissent: neve eo anno plures, quam una & XX. Romanæ legiones essent.

CAPUT XXIV.

Examinatis Siculis, qui ad deplorandam calamitatem Romam venerant, sorte Marcelli, cui Sicilia & in hunc annum provincia obtigerat: cum audiret Marcellus ob id placere senatui provinciarum permutationem, cum collega Lævino, cui bellum adversus Annibalem evenerat, provinciam permutat.

29 **H**is senatus consultis perfectis, fortiti provincias consules, Sicilia & classis Marcello, Italia cum bello adversus Annibalem Lævino evenit. Quæ fors, velut iterum captis Syracusis, ita exanimavit Siculos expectatione fortis in consulum conspectu stantes, ut comploratio eorum, flexibilesque voces & extemplo oculos hominum converterent, & postmodum sermones præbuerint. Circumibant enim Senatum cum veste sordida, affirmantes, se non modo suam quisque patriam, sed totam Siciliam relicturos, si eo Marcellus iterum cum imperio redisset, nullo suo merito eum ante implacabilem in se fuisse; quid iratum; quod Romam de se questum venisse Siculos sciat, facturum & obrui Ætna ignibus, aut mergi fretis, satius illi insula esse, quam velut deditionis inimico. Hæ Siculorum querelæ per domos primum nobilium circumlatæ, celebratæque sermonibus, quos partim misericordia Siculorum, partim invidia Marcelli excitabat, in senatum etiam pervenerunt. Postulatum a consulibus est, ut de permutandis provinciis senatum consulerent. Marcellus, si jam auditi ab senatu Siculi

es.

essent, aliam forsiam futuram fuisse sententiam suam, dicere. nunc, ne quis timore, frangi eos dicere posset, quominus de eo libere querantur, in cuius potestate mox futuri sint, si collega nihil intersit, mutare se provinciam paratum esse. deprecari senatus praedictum. nam cum extra sortem collega optionem dari provincia iniquum fuerit, quanto maiorem injuriam, imo contumeliam esse, sortem suam ad eum transferri? Ita senatus, cum quid placeret, magis ostendisset, quam decrevisset, dimittitur. Inter ipsos consules permutatio provinciarum, rapien- te fato Marcellum ad Annibalem, facta est: ut ex quo primus adversæ pugnae gloriam ceperat, in ejus laudem postremus Romanorum imperatorum, prosperis tum maxime bellicis rebus, caderet.

CAP. XXV.

Marcellus cos. legatis Siculis de se conquerentibus? coram in senatu responder.

P Ermutatis provinciis, Siculi in senatum ³⁰ introducti, multa de Hieronis Regis fide perpetua erga populum Rom. verba fecerunt, in gratiam publicam avertentes: Hieronymum, ac postea Hippocratem; & Epicidem tyrannos, cum ob alia, tum propter defectionem ab Romanis ad Annibalem, in- visos fuisse sibi: ob eam causam & Hieronymum a principibus juventutis prope publico consilio interfectum, & in Epicidis Hippocratisque eadem septuaginta nobilissimorum juvenum conjurationem factam, quos Marcelli mora destitutos, quia ad praedictum tempus exercitum ad Syracusas non admo-
vis.

vissæ, indicio factò, omnes ab tyrannis interfectos. Eam quoque Hippocratis atque Epicidæ tyrannidem Marcellum excitasse, Leontinis crudeliter direptis. Nunquam deinde principes Syracusanorum desisse ad Marcellam transire, pollicerique, se urbem, cum vellet, ei tradituros: sed eum primo vi capere maluisse: dein cum id neque terra neque mari omnia expertus potuisset, auctores traditarum Syracusarum fabrum ararium Sosin, & Mericum Hispanum, quam principes Syracusanorum habere, toties id nequicquam ultro offerentes, præoptasse, quo scilicet iustior de causa vetustissimos socios populi Romani trucidaret, ac diriperet. Si non Hieronymus ad Annibalem defecisset, sed populus Syracusanus, & senatus: si portas Marcello Syracusani publice, & non oppressis Syracusanis, tyranni eorum Hippocrates & Epicides clausissent: si Carthaginiensium animis bellum cum populo Romano gessissent: quid ultra, quam quod feceris, nisi ut deleret Syracusas, facere hostiliter Marcellum potuisse? Certe præter moenia & recta exhausta urbis, & refracta deum delubra, diis ipsis, ornamentisque eorum ablatis, nihil relictum Syracusis esse, bona quoque multis adempta: ita ut, ne nudo quidem solo, reliquiis direpta fortuna alere sese, ac suos possent. Orare se patres conscriptos, ut si nequeant omnia, saltem quæ compareant, cognoscique possint, restitui dominis jubeant. Talia conquestos cum excedere templo, ut de postulatis eorum patres consuli possent, Lævinus jussisset. imo maneant, inquit Marcellus, ut coram his respondeam: quando ea conditione pro vobis, patres conscripti, bellamur, ut victos armis, accusatores habeamus. dua capta hoc anno urbes, Capua Ful-

vium

vinum reum, Marcellum Syracusa habeant.
 Reductis in curiam legatis, tum consul,
 Non adeo majestatis, inquit; populi Romani, 31
 imperiique hujus oblitus sum; patres conscri-
 pti, ut si de meo crimine ambigeretur, con-
 sul dicturus causam, accusantibus Gracis,
 fuerim: sed non quid ego fecerim, in disqui-
 sitionem venit, quem quidquid in hostibus fe-
 ci, ius belli defendit, sed quid isti pati de-
 buerint: qui si non fuerunt hostes, nihil inter-
 est, nunc, an vivo Hierone Syracusas viola-
 verim. sin autem desciverunt, legatos nostros
 ferro atque armis petierunt, urbem, ac moenia
 clauserunt; exercitumque Carthaginiensium ad-
 versus nos tutati sunt: quis passos esse hostilia,
 cum fecerint, indignatur? Tradentes urbem
 principes Syracusanorum averfatus sum: Sosin,
 & Mericum Hispanum, quibus tantam rem
 crederem, potiores habui? Non estis extremi
 Syracusanorum: quippe qui aliis humilitatem
 obijciatis, quis est vestrum, qui se mihi portas
 aperturum, qui armatos milites meos in urbem
 accepturum promiserit? Odistis & execramini
 eos, qui fecerunt, & ne hic quidem contume-
 liis in eos dicendis parcitis: tantum abest ut &
 ipsi tale quicquam facturi fueritis: Ipsa humi-
 lias eorum, patres conscripti, quam isti obji-
 ciunt, maximo argumento est, me neminem,
 qui navatam operam Reip. nostra velit, aver-
 satum esse. Et antequam obsiderem Syracusas,
 nunc legatis mittendis, nunc ad colloquium eun-
 do, tentavi pacem: & posteaquam neque lega-
 tos violandi verecundia erat, nec mihi ipsi con-
 gresso ad portas cum principibus responsum da-
 batur, multis terra marique exhaustis labori-
 bus, tandem vi atque armis Syracusas cepi.
 Qua captis acciderint; apud Annibalem, &
 Carthaginienses, victosque justius, quam apud
 vi.

victoris populi Rom. senatum, quererentur. Ego, P.C. Syracusas spoliatas si negaturus essem, nunquam spoliis earum urbem Romam exornarem, qua autem singulis victor aut ademi, aut dedi, cum belli jure, tum ex cuiusque merito satis scio me fecisse. ea vos rata habeatis; patres conscripti, necne, magis Reip. interest, quam mea. mea quippe fides exoluta est: ad Remp. pertinet, ne acta mea rescindendo, alios in posterum segniores duces faciatis. Et quoniam coram & Siculorum, & mea verba audistis, patres conscripti, simul templo excedemus, ut me absente liberius consuli sententus possit. Ita dimissis Siculis, & ipse in Capitolium ad delectum discessit.

CAPUT XXVI.

Causam Siculorum suscipiente T. Manlio Torquato, senatus tamen ea, quæ a Marcello in Sicilia acta essent, rata esse jubet: Siculi cum miti responso dimittuntur.

32 **C**onsul alter de postulatis Piculorum ad patres retulit. Ibi cum diu sententiis certatum esset, & magna pars senatus, principe ejus sententiæ T. Manlio Torquato, cum tyrannis bellum gerendum fuisse censerent, hostibus & Syracusanorum, & populi Romani: & urbem recipi, non capi, & receptam legibus antiquis, & libertate stabilire, non fessam miseranda servitute, bello affigi: inter tyrannorum, & dæcis Romani certamina præmium victoris in medio positam urbem pulcherrimam, ac nobilissimam periisse, horreum atque ararium quondam populi Romani: cujus munificentia ac donis multis tempestatibus, hoc denique ipso Punico bello adjuncta

ornataque Resp. esset. Si ab inferis existat Rex Hiero, fuissimus imperii Romani cultor, quo ore aut Syracusas, aut Romam ei ostendi posset cum ubi semirutam ac spoliaram patriam respexisset, ingrediens Romam, in vestibulo urbis, prope in porta, spolia patria sua visurus sit? Hæc, taliaque cum ad invidiam consulis, miserationemque Siculorum dicerentur, mitius tamen decreverunt patres causa Marcelli, Quis gerens bellum victorque egisset, rata habenda esse, in reliquum cura senatui fore rem Syracusanam, mandaturosque consuli Lavino, quod sine iactura Reipub. fieri posset, fortunis ejus civitatis consuleret. Missis duobus senatoribus in Capitolium ad consulem, uti rediret in curiam, & introductis Siculis, senatus consultum recitatum est. legatique benigne appellati, ac dimissi, ad genua se Marcelli consulis projecerunt, obsecrantes, ut qua deploranda, ac levanda calamitatis causa dixissent, veniam eis daret, & in fidem, & clientelam se, urbemque Syracusas reciperet. post hæc consul clementer appellatos eos dimisit.

a senatu vellent, venire eis Romam. Campanis in familias singulas decreta facta, quæ non operæ pretium est omnia enumerare. Aliorum bona publicanda, ipsos, liberosque eorum & conjuges vendendas, extra filias, quæ nupsissent prius, quam in populi Romani potestatem venirent, alios in vincula condendos, ac de his posterius consulendum. aliorum Campanorum summam etiam census distinxerunt, publicanda necne bona essent. pecua captiva, præter equos, & mancipia, præter puberes virilis sexus, & omnia, quæ solo non continerentur, restituenda censuerunt dominis. Campanos omnes, Atellanos, Calatinos, Sabatinos, extra quam qui eorum aut ipsi, aut parentes eorum apud hostes essent, liberos esse iusserunt: ita ut nemo eorum civis Romanus, aut Latini nominis esset, neve quis eorum, qui Capua fuissent, dum porta clausa essent, in urbe, agrove Campano intra certam diem maneret. locus, ubi habitarent, trans Tiberim, qui non contingeret Tiberim, daretur. qui nec Capua, nec in urbe Campana, quæ a populo Romano defecisset, per bellum fuissent, eos cis Lirim annum Romam versus: qui ad Romanos transissent prius, quam Annibal Capuam veniret, cis Vulturnum emovendas censuerunt: ne quis eorum propius mare XV. millibus passuum agrum, adificiumve haberet. qui eorum trans Tiberim emoti essent, ne ipsi posterius eorum uspiam pararent, haberentve, nisi in Vejente, aut Sutrino, Nepesinove agro: dum ne cui major, quam quinquaginta iugerum, agri modus, esset. Senatorum omnium, quique magistratus Capua, Atella, Calatia gessissent, bona venire Capua iusserunt. libera corpora,

quæ venditari placuerat, Romam mitti, ac Roma venire. Signa, statuas æneas, quæ capta de hostibus dicerentur, quæ eorum sacra, ac profana essent, ad pontificum collegium rejecerunt. Ob hæc decreta mœstiores aliquanto, quam Romam venerant, Campanos dimiserunt. nec jam Q. Fulvii sævitiam in sese, sed iniquitatem deum, atque execrabilem fortunam suam inculcabant.

CAPUT XXVIII.

Cum propter ararii inopiam onus classes instruendi privatis injungeretur, res prope ad seditionem venit: auctore deinde Lavino Cos. cum senatores primi aurum, argentum, atque æs in publicum consulissent, ingentis examine reliqui ordines studium juvanda patriæ amulantur.

DImissis Siculis Campanisque, delectus habitus. scripto deinde exercitu, de remigum supplemento agi cœptum. inquam rem cum neque hominum satis, nec ex qua pararentur, stipendiumque acciperent, pecuniæ quicquam ea tempestate in publico esset: edixerunt consules, ut privatim ex censu, ordinibusque, sicut antea, remiges darent cum stipendio, cibariisque dierum triginta. Ad id edictum tantus fremitus hominum, tantaque indignatio fuit, ut magis dux, quam materia seditioni deesset. *Secundum Siculos campanosque plebem Romanam perdendam, lacerandamque sibi consules sumpsisse. per tot annos tributo exhaustos, nil reliqui, præter terram nudam ac vastam habere. relictos hostes incendisse, servos agri cultores prætores abduxisse, nunc ad militiam parvo ære emendo, nunc remiges imperando. si*

Tom. II. V quid

populum nomini Romano . ideo se mœnibus inclusos tenere eos: quia si qui evasissent aliqua, velut feras bestias per agròs vâgari, & laniare, & trucidare; quodcunque obvium datur . alios ad Annibalem transfugisse; alios ad Romam incendendam profectos: inventurum in semivivis foro consulem vestigia sceleris Campanorum. Vesta adem peritam, & aeternos ignes; & conditum in penetrati fatale pignus imperii Romani, se minime censere tutum esse; Campanis potestatem intrandi Romana mœnia fieri. Lævinus Campanos jurejurando à Flacco adactos; quinto die, quam à senatu responsum accepissent, Capuam redituros; sequi se Romam iussit. Hac circumfusus multitudo, simul Siculis obviam egressis, Romam pervenit: clarissimarum urbium excidio celeberrimis viris victos bello accusatores in urbem adducens. De Rep. tamen primum, ac de provinciis
 28 ambo consules ad senatum retulere. Ibi Lævinus, quo statu Macedonia, & Græcia, Ætoli, Acarnanes, Locrique essent, quasque ibi res ipse egisset terra marique, exposuit. Philippum inferentem bellum Ætolis, in Macedoniam retro ab se compulsam, ad intima penitus regni abiisse, legionemque inde deduci posse: classem satis esse ad arcendum Italia regem. Hæc de se, deque provincia, cui præfuerat.

CAPUT XXIII.

Prœvincia & exercitus ab Romanis decernuntur.

Cōsulum de provinciis communis relatio fuit. Decrevere patres, ut alteri cōsulum Italia, bellumque cum Annibale, prœvincia esset: alter classem, cui T. Otaci-

cilius præfuiſſet, Siciliamque provinciam cum L. Cincio prætore obtineret. Exercitus eis duo decreti; qui in Etruria, Galliaque eſſent. ex quatuor erant legiones. urbanæ duæ ſuperioris anni in Etruriam; duæ, quibus Sulpitius conſul præfuiſſet, in Galliam mitterentur. Gallia, & legionibus præeſſet, quem conſul, cujus Italia provincia eſſet, præfecifſet. In Etruriam C. Calpurnius poſt præturam, prorogato in annum imperio, miſſus. Et Q. Fulvio Capua provincia decreta, prorogatumque in annum imperium. Exercitus civium ſociorumque minui juſſus, ut ex duabus legionibus una legio quinque millia peditum, & trecenti equites eſſent; dimiſſis, qui plurima ſtipendia haberent: & ſociorum ſeptem millia peditum, & trecenti equites relinquerentur; eadem ratione ſtipendiorum habita in veteribus militibus dimittendis. Cn. Fulvio, conſuli ſuperioris anni, nec de provincia Apulia, nec de exercitu, quem habuerat, quicquam mutatum: tantum in annum prorogatum imperium eſt. P. Sulpitius, collega ejus, omnem exercitum, præter ſocios navales, juſſus dimittere eſt. Item ex Sicilia exercitus, cui M. Cornelius præeſſet, ubi conſul in provinciam veniſſet, dimitti juſſus. L. Cincio prætori ad obtinendam Siciliam Cannenſes milites dati; duarum inſtar legionum. Totidem legiones in Sardiniam P. Manlio Volſoni prætori decretæ: quibus L. Cornelius in eadem provincia prior anno præfuerat. Urbanas legiones ita ſcribere conſules juſſi, ne quem militem facerent, qui in exercitu M. Claudii, M. Valerii, Fulviiſſet: neve eo anno plures, quam una & XX. Romanæ legiones eſſent.

CAPUT XXIV.

Examinatis Siculis; qui ad deplorandam calamitatem Romam venerant, sorte Marcelli, cui Sicilia & in hunc annum provincia obtingerat: cum audiret Marcellus ob id placere senatui provinciarum permutationem, cum collega Lavino, cui bellum adversus Annibalem evenerat, provinciam permutat.

19 **H**is senatus consultis perfectis, fortitius provincias consules: Sicilia & classis Marcello, Italia cum bello adversus Annibalem Lævino evenit. Quæ fors, velut iterum captis Syracusis, ita exanimavit Siculos expectatione fortis in consulum conspectu stantes, ut comploratio eorum, flebilesque voces & extemplo oculos hominum converterent, & postmodum sermones præbuerint. Circumibant enim Senatum cum veste sordida, affirmantes, se non modo suam quisque patriam; sed totam Siciliam relicturos, si eo Marcellus iterum cum imperio redisset. nullo suo merito eum ante implacabilem in se fuisse; quid iratum; quod Romam de se questum venisse Siculos sciat, facturum & obrui Ætna ignibus, aut mergi fretis, satius illi insula esse, quam velut dedi noxa inimico. Hæ Siculorum querelæ per domos primum nobilium circumlatæ, celebratæque sermonibus, quos partim misericordia Siculorum, partim invidia Marcelli excitabat, in senatum etiam pervenerunt. Postulatum a consulibus est, ut de permutandis provinciis senatum consularent. Marcellus, si jam auditi ab senatu Siculi

essent, aliam forsitan futuram fuisse sententiam suam, dicere. nunc, ne quis timore frangi eos dicere posset, quominus de eo libere querantur, in cuius potestate mox futuri sint, si collega nihil intersit, mutare se provinciam paratum esse. deprecari senatus praedictum: nam cum extra sortem collega optionem dari provincia iniquum fuerit, quanto maiorem injuriam, imo contumeliam esse, sortem suam ad eum transferri? Ita senatus, cum quid placeret, magis ostendisset, quam decrevisset, dimittitur. Inter ipsos consules permutatio provinciarum, rapien- te fato Marcellum ad Annibalem, facta est: ut ex quo primus adversae pugnae gloriam ceperat, in ejus laudem postremus Romanorum imperatorum, prosperis tum maxime bellicis rebus, caderet.

G A P U T XXV.

Marcellus cos. legatis Siculis de se conquerentibus? coram in senatu responder.

P Ermutatis provinciis, Siculi in senatum ³⁰ introducti, multa de Hieronis Regis fide perpetua erga populum Rom. verba fecerunt, in gratiam publicam avertentes: Hieronymum, ac postea Hippocratem; & Epicidem tyrannos, cum ob alia, tum propter defectionem ab Romanis ad Annibalem, in- visos fuisse sibi: ob eam causam & Hieronymum a principibus juventutis prope pu- blico consilio interfectum, & in Epicidis Hip- pocratisque eadem septuaginta nobilissimorum juvenum conjurationem factam, quos Marcelli mora destitutos, quia ad praedictum tempus exercitum ad Syracusas non admo- vis-

vissæ, indicio factò, omnes ab tyrannis interfectos. Eam quoque Hippocratis atque Epicidæ tyrannidem Marcellum excitasse, Leontinis crudeliter direptis. Nunquam deinde principes Syracusanorum desisse ad Marcellum transire, pollicerique, se urbem, cum vellet, ei tradituros: sed eum primo vi capere maluisse: dein cum id neque terra neque mari omnia expertus potuisset, auctores traditarum Syracusarum fabrum ararium Sosin, & Mericum Hispanum, quam principes Syracusanorum habere, toties id naquicquam ultro offerentes, præoptasse; quo scilicet iustiorè de causa vetustissimos socios populi Romani trucidaret, ac diriperet. Si non Hieronymus ad Annibalem defecisset, sed populus Syracusanus, & senatus: si portas Marcello Syracusanis publicas, & non oppressis Syracusanis, tyranni eorum Hippocrates & Epicides clausissent: si Carthaginensium animis bellum cum populo Romano gessissent: quid ultra, quam quod fecerit, nisi ut deleret Syracusas, facere hostiliter Marcellum potuisse? Certe præter moenia & recta exhausta urbis, & refracta deum delubra, diis ipsis, ornamentisque eorum ablatis, nihil relictum Syracusis esse. bona quoque multis adempta: ita ut, ne nudo quidem solo, reliquiis direpta fortuna alere sese, ac suos possent. Orare se patres conscriptos, ut si nequeant omnia, saltem quæ compareant, cognoscique possint, restitui dominis jubeant. Talia conquestos cum excedere templo, ut de postulatis eorum patres consuli possent, Lævinus jussisset: imo moneant, inquit Marcellus, ut coram his respondeam: quando ea conditione pro vobis, patres conscripti, bellagimus, ut victos armis, accusatores habeamus. dua capta hoc anno urbes, Capua Ful-

vium.

viuum rektu, Marcellum Syracusa habeant.
 Reductis in curiam legatis, tum consul,
 Non adeo maiestatis, inquit, populi Romani,
 imperiique huius oblitus sum, patres conscri- 31
 pti, ut si de meo crimine ambigeretur, con-
 sul dicturus causam, accusantibus Gracis,
 fuerim: sed non quid ego fecerim, in disqui-
 sitionem venit, quem quidquid in hostibus fe-
 ci, ius belli defendit, sed quid isti pati de-
 buerint: qui si non fuerunt hostes, nihil inter-
 est, nunc, an vivos Hierone Syracusas viola-
 verim. sin autem desciverunt, legatos nostros
 ferro atque armis petierunt, urbem, ac moenia
 clauferunt, exercitumque Carthaginensium ad-
 versus nos tutati sunt: quis passos esse hostilia,
 cum fecerint, indignatur? Tradentes urbem
 principes Syracusanorum auersatus sum: Sosin,
 & Mericum Hispanum, quibus tantam rem
 crederem, potiores habui? Non estis extremi
 Syracusanorum: quippe qui aliis humilitatem
 objiciatis, quis est vestrum, qui se mihi portas
 aperturum, qui armatos milites meos in urbem
 accepturum promiserit? Odistis & execramini
 eos, qui fecerunt, & ne hic quidem contume-
 liis in eos dicendis parcitis: tantum abest ut &
 ipsi tale quicquam facturi fueritis. Ipsa humi-
 lias eorum, patres conscripti, quam isti obl-
 ciunt, maximo argumento est, me neminem,
 qui navatam operam Reip. nostra velit, aver-
 satum esse. Et antequam obsiderem Syracusas,
 nunc legatis mittendis, nunc ad colloquium eun-
 do, tentavi pacem: & posteaquam neque lega-
 tos violandi verecundia erat, nec mihi ipsi con-
 gressu ad portas cum principibus responsum da-
 batur, multis terra marique exhaustis labori-
 bus, tandem vi atque armis Syracusas cepi.
 Qua captis acciderint, apud Annibalem, &
 Carthaginenses, victosque iustius, quam apud
 vi-

viſtoris populi Rom. ſenatum, quererentur. Ego, P. C. Syracuſas ſpoliatas ſi negaturus eſſem, nunquam ſpoliis earum urbem Romam exornarem. qua autem ſingulis victor aut ademi, aut dedi, cum belli jure, tum ex cuiusque merito ſatis ſcio me feciſſe. ea vos rata habeatis, patres conſcripti, necne, magis Reip. intereſt, quam mea. mea quippe fides exoluta eſt: ad Remp. pertinet; ne acta mea reſcindendo, alios in poſterum ſegniores duces faciatis. Et quoniam coram & Siculorum, & mea verba audiviſtis, patres conſcripti, ſimul templo excedamus, ut me abſente liberius conſuli ſenatus poſſit. Ita dimiſſis Siculis, & ipſe in Capitolium ad delectum diſceſſit.

CAPUT XXVI.

Cauſam Siculorum ſuſcipiente T. Manlio Torquato, ſenatus tamen ea, qua a Marcello in Sicilia acta eſſent, rata eſſe jubet: Siculi cum miti reſponſo dimittuntur.

32 **C**onſul alter de poſtulatſis Piculorum ad patres retulit. Ibi cum diu ſententiis certatum eſſet, & magna pars ſenatus, principe ejus ſententiæ T. Manlio Torquato, cum tyrannis bellum gerendum fuiſſe cenſerent, hoſtibus & Syracuſanorum, & populi Romani: & urbem recipi, non capi, & receptam legibus antiquis, & libertate ſtabilire, non ſeſſam miſeranda ſervitute, bello affigi: inter tyrannorum, & ducis Romani certamina præmium victoris in medio poſitam urbem pulcherrimam, ac nobiliſſimam periſſe, horreum atque ararium quondam populi Romani: cujus munificentia ac donis multis tempeſtatibus, hoc denique ipſo Punico bello adjuta

ornataque Resp. esset. Si ab inferis existat
 Rex Hiero, siissimus imperii Romani cultor,
 quo ore aut Syracusas, aut Romam ei osten-
 di posset cum ubi semirutam ac spoliaram pa-
 triam respexisset, ingrediens Romam, in ve-
 stibulo urbis, prope in porta, spolia patria
 sua visurus sis? Hæc, taliaque cum ad in-
 vidiam consulis, miserationemque Siculo-
 rum dicerentur, mitius tamen decreverunt
 patres causa Marcelli, Quais gerens bellum
 victorque egisset, rata habenda esse. in reli-
 quum cura senatui fore rem Syracusanam,
 mandaturusque consuli Levino, quod sine ja-
 ctura Reipub. fieri posset, fortunis ejus civita-
 tis consuleret. Missis duobus senatoribus in
 Capitolium ad consulem, uti rediret in
 curiam, & introductis Siculis, senatus con-
 sultum recitatum est. legatique benigne
 appellati, ac dimissi, ad genua se Marcel-
 li consulis projecerunt, obsecrantes, us-
 que deploranda, ac levanda calamitatis cau-
 sa dixissent, veniam eis daret, & in fidem,
 & clientselam se, urbemque Syracusas recipe-
 ret, post hæc consul clementer appellatos
 eos dimisit.

CAPUT XXVII.

Introduktis in curiam Campanis, cum rogatus sententiam M. Atilius Regulus, qui legatus Q. Fulvii Flacci ad Capuam fuerat, commemorasset eorum injurias; Senatus, quoniam Campani cives Romani essent, lata ad populum rogatione, ut sibi statuendi jus esset, tristitia de illis decreta facit.

- 33 **C**Ampanis deinde senatus datus est: quorum oratio miserabilior, causa durior erat. neque enim meritas pœnas negare poterant, nec tyranni erant, in quos culpam conferrent: sed satis pensum pœnarum, tot veneno absumptis, tot securi percussis senatoribus, credebant. Paucos nobilium superstitites esse, quos nec sua conscientia, ut quicquam de se gravius consulerent, impulerit, nec victoris ira capitis damnaverit: eos libertatem sibi, suisque, & bonorum aliquam partem orare, cives Romanos, affinitatibus plerosque & propinquis jam cognationibus ex connubio vetusto junctos. Summotis deinde e templo, paulisper dubitatum, an accersendus a Capua Q. Fulvius esset: (mortuus enim post captam Claudius proconsul erat) ut coram imperatore, qui res gessisset, sicut inter Marcellum Siculosque disceptatum fuerat, disceptaretur: dein cum M. Atilium, C. Fulvium, fratrem Flacci, legatos ejus, ac Q. Minutium, & L. Veturium Philonem, item Claudii legatos, qui omnibus gerendis rebus interfuerant, in senatu viderent: nec Fulvium avocari a Capua, nec differri Campanos vellent: interrogatus sententiam
- M.

M. Atilius Regulus, cujus ex iis, qui ad Capuam fuerant, maxima auctoritas erat, In consilio, inquit, arbitror me fuisse consuli-
 bus Capua capta. cum quaereretur, ecquis Cam-
 panorum de Rep. nostra benemeritus esset, duas
 mulieres compertum est, Veltiam Oppiam Atella-
 nam Capua habitantem, & Fauculam Clu-
 viam, qua quondam quastum corpore fecisset:
 illam quotidie sacrificasse pro salute, & victo-
 ria populi Romani: hanc captivis egentibus ali-
 menta clam suppeditasse: ceterorum omnium
 Campanorum eundem erga nos animum, quem
 Carthaginensium, fuisse: securique percussos
 a Q. Fulvio fuisse magis, quorum dignitas in-
 ter alios, quam quorum culpa eminebat. Per
 senatum agi de Campanis, qui cives Romani
 sunt, injussu populi non video posse, idque &
 apud majores nostros in Satricanis factum est,
 cum defecissent, ut M. Antistius tribunus pleb.
 prius rogationem ferret, sciretque plebs, uti se-
 natui de Satricanis sententia dicenda jus esset:
 Itaque censeo cum tribunis pleb. agendum
 esse, ut eorum unus pluresve rogationem
 ferant ad plebem, qua nobis statuendi de
 Campanis jus fiat. L. Atilius tribunus pl.
 ex auctoritate senatus plebem in hæc verba
 rogavit. Omnes Campani, Atellani, Calati-
 ni, Sabatini, qui se dediderunt in arbitrium
 ditionemque populi Romani Fulvio procon-
 sule, quaque una secum dediderunt, agrum,
 urbemque, divina humanaque, utensilia-
 que, sive quid aliud dediderunt: de iis re-
 bus quid fieri velitis, vos rogo, Quirites:
 Plebs sic jussit. Quod senatus maxima pars
 censeat, qui assidetis, id volumus jubemus-
 que. Ex hoc plebiscito senatus consultus
 Oppiæ, Cluviæque primum bona, ac liber-
 tatem restituit, si qua alia præmia petere

a senatu vellent, venire eas Romam. Campanis in familias singulas decreta facta, quæ non operæpretium est omnia enumerare. Aliorum bona publicanda, ipsos, liberosque eorum & conjuges vendendas, extra filias, quæ nupsissent prius, quam in populi Romani potestatem venirent, alios in vincula condendos, ac de his posterius consulendum. aliorum Campanorum summam etiam census distinxerunt, publicanda necne bona essent, pecunia captiva, præter equos, & mancipia, præter puberes virilis sexus, & omnia, quæ solo non continerentur, restituenda censuerunt dominis. Campanos omnes, Atellanos, Calatinos, Sabatinos, extra quam qui eorum aut ipsi, aut parentes eorum apud hostes essent, liberos esse iusserunt: ita ut nemo eorum civis Romanus, aut Latini nominis esset, neve quis eorum, qui Capua fuissent, dum porta clausa essent, in urbe, agrove Campano intra certam diem maneret. locus, ubi habitarent, trans Tiberim, qui non contingeret Tiberim, daretur, qui nec Capua, nec in urbe Campana, quæ a populo Romano defecisset, per bellum fuissent, eos cis Lirim amnem Romam versus: qui ad Romanos transissent prius, quam Annibal Capuam veniret, cis Vulturnum emovendos censuerunt: ne quis eorum propius mare XV. millibus passuum agrum, ædificiumve haberet. qui eorum trans Tiberim emoti essent, ne ipsi posterius eorum uspiam pararent, haberentve, nisi in Vejente, aut Sutrimo, Nepesinove agro: dum ne cui major, quam quinquaginta iugerum, agri modus, esset. Senatorum omnium, quique magistratus Capua, Atella, Calatia gessissent, bona venire Capua iusserunt, libera corpora,

quæ venditari placuerat, Romam missi, ac Roma venire. Signa, statuas æneas, quæ capta de hostibus dicerentur, quæ eorum sacra, ac profana essent, ad pontificum collegium rejecerunt. Ob hæc decreta mœstiores aliquanto, quam Romam venerant, Campanos dimiserunt. nec jam Q. Fulvii sævitiam in sese, sed iniquitatem deum, atque execrabilem fortunam suam inculabant.

CAPUT XXVIII.

Cum propter ararii inopiam onus classes instruendi privatis injungeretur, res prope ad seditionem venit: auctore deinde Lavino Cos. cum senatores primi aurum, argentum, atque æs in publicum consulissent, ingentieramine reliqui ordines studium juvanda patria amulantur.

DImissis Siculis Campanisque, delectus habitus. scripto deinde exercitu, de remigum supplemento agi cœptum. in quam rem cum neque hominum satis, nec ex qua pararentur, stipendiumque acciperent, pecuniæ quicquam ea tempestate in publico esset: edixerunt consules, ut privatim ex censu, ordinibusque, sicut antea, remiges darent cum stipendio, cibariisque dierum triginta. Ad id edictum tantus fremitus hominum, tantaque indignatio fuit, ut magis dux, quam materia seditioni deesset. *Secundum Siculos campanosque plebem Romanam perdendam, lacerandamque sibi consules sumpsisse. per tot annos tributo exhaustos, nil reliqui, præter terram nudam ac vastam habere. tota hostes incendiisse, servos agri cultores pratores abduxisse, nunc ad militiam parvo are emendo, nunc remiges imperando. si*

quid cui argenti, arisve fuerit, stipendio remigum, & tributis annuis ablatum. se ut dent, quod non habent, nulla vi, nullo imperio cogi posse. bona sua venderent, in corpora, qua reliqua essent, servirent. ne unde redimantur quidem quicquam superesse. Hæc non in occulto, sed propalam in foro atque oculis ipsorum consulum ingens turba circumfusi fremebant: nec eos sedare consules nunc castigando, nunc consolando poterant. Spatium deinde tridui se dare ad cogitandum dixerunt: quo ipsi ad rem inspiciendam, expediendamque usi sunt. Senatum postero die habuerunt de remigum supplemento. ubi cum multa dissenserent, cur æqua plebis recusatio esset, verterunt orationem eo, ut dicerent, privatis id, seu æquum, seu iniquum onus injungendum esse. nam unde, cum pecunia in arario non esset, paraturos navales socios? quo modo autem sine classibus aut Siciliam obtineri, aut Italia Philippum arceri posse? aut tuta Italia licere esse? Cum in hac difficultate rerum consilium hæreret, ac prope torpor quidam occupasset hominum mentes, tum Lævinus consul Magistratus senatui, & senatus populo si ut honore præstet, ita ad omnia, qua dura atque aspera essent, subeunda ducem debere esse. si quid injungere inferiori vellis, id prius in te, ac tuos si ipse juris statueris, facilius omnes obedientes habeas. nec impensa gravis est, cum ex ea plus, quam pro virili parte sibi quæque capere principum vident. Itaque ut classem habeat, quam ornare volumus, populus Romanus, privatos sine recusatione remiges dare nobismetipsis primum imperemus, aurum, argentum, as signatum omnes senatores crastina die in publicum conferamus: ita ut annuos sibi quisque, & conjugi, & liberis, & filio

but-

*Bullam, & quibus uxor, filiae sunt, singulas uncias pondo relinquunt auri, argenti: qui curuli sella sederunt, equi ornamenta, & libras pondo, ut salinum, patellamque deorum causa habere possint. ceteri senatores libram argenti tantum: auri signati quina millia in singulos patres familia relinquamus. Ceterum omne aurum, argentum, æs signatum ad triumviros mensarios extemplo deferamus, nullo ante senatus consulto facto, ut voluntaria collatio, & certamen adjuvanda Reipubl. excites ad amulandum animos primum equestris ordinis, dein reliqua plebis. hanc unam viam multum inter nos collocuti consules invenimus. Ingre-
dimini diis bene juvantibus. Respub. incolumis & privatas res facile salvas prestat. publica perdendo, tua nequicquam serves. In hæc tanto animo consensum est, ut gratiæ ultro consulibus agerentur. senatu inde misso, pro se quisque aurum, argentum, & æs in publicum conferunt, tanto certamine injecto, ut prima inter primos nomina sua vellent in publicis tabulis esse: ut nec triumviri accipiendo, nec scribæ referendo sufficerent. Hunc consensum senatus equester ordo est secutus, equestris ordinis plebs. ita sine edicto, sine * cohortatione magistratus, nec
remige in supplementum, nec stipendio Res-
pub. eguit: paratisque omnibus ad bellum, ne.
consules in provincias profecti sunt.*

* al.
coer-
citio.
ne.

CAPUT XXIX.

*Comparatis rebus presentibus, ancipitem adhuc
& ab Romanis & ab Carthaginiensibus bell.
fortunam esse, ostenditur.*

37. **N**Eque aliud magis tempus belli fuit, quo Carthaginienses, Romanique, pariter variis casibus immixtis, in ancipiti spe, ac metu fuerint. Nam Romanis & in provinciis, hinc in Hispania adversæ res, hinc prosperæ in Sicilia, luctum, & lætitiā miscuerant: & in Italia, cum Tarentum amissum damno, & dolori, tum arx cum præsidio retenta præter spem, gaudio fuit: & terrorem subitum, pavoremque urbis Romæ obsessæ & oppugnatae, Capua post dies paucos capta in lætitiā vertit. Transmarinæ quoque res quadam vice pensatae. Philippus hostis tempore haud satis opportuno factus: Ætoli novi adsciti socii, Attalusque Asiæ Rex, jam velut despondente fortuna Romanis imperium orientis. Carthaginienses quoque Capuam amissam, & Tarentum captum æquabant: & ut ad mœnia urbis Romæ nullo prohibente se pervenisse, in gloria ponebant; ita pigebat irriti incepti, pudebatque adeo se spreto, ut sedentibus ipsis ad Romana mœnia, alia porta exercitus Romanus in Hispaniam duceretur. Ipsæ quoque Hispaniæ quo propius spem venerant, tantis duobus ducibus exercitibusque cœsis, debellatum ibi, ac pulsos inde Romanos esse, eo plus, ab L. Martio tumultuario duce ad vanum & irritum victoriā redactam esse, indignationis præbebant. Ita æquante fortuna, suspensa omnia utrinque erant, integra spe, integro metu, velut illo tempore primum bellum inciperent.

C A.

CAPUT XXX.

Annibal post annissam Capuam avare, crudeliterque vastando, qua tueri non potest, multorum Italia populorum animos a se avertit: Consul Marcellus urbibus sollicitandis, si quo spes vocasset, insentus, Salapiam per proditionem B'assii principis, cum eade Punici, quod ibi erat, praesidii, potitur.

ANnibalem ante omnia angebat, quod Capua 33
 pertinacius oppugnata ab Romanis quam defensa ab se, multorum Italiae populorum animos averterat: quos neque omnes tenere praesidiis, nisi vellet in multas parvasque partes carpere exercitum (quod minime tum expediebat) poterat: nec deductis praesidiis spei liberam, vel obnoxiam timori sociorum relinquere fidem. Praeceptis in avaritiam & crudelitatem animus ad spolianda quae tueri nequibat, ut vastata hosti relinquerentur, inclinavit. Id foedum consilium tum incepto, tum etiam exitu fuit. neque enim indigna patientium modo ab alienabantur animi, sed caeterorum etiam. quippe ad plures exemplum, quam calamitas pertinebat. Nec consul Romanus tentandis urbibus, sic unde spes aliqua se ostendisset, deerat. Salapiae principes erant Dasius, & Blasius: Dasius Annibali amicus, Blasius, quantum ex tuto poterat, rem Romanam fovebat: & per occultos nuntios spem proditionis fecerat Marcello, sed sine adiutore Dasio res transigi non poterat. Multum ac diu cunctatus, & tum quoque magis inopia consilii potioris, quam spe effectus, Dasium appellabat. at ille cum ab reaversus, tum aemulo potentatus inimi-

cus, rem Annibali aperit. Accersito utroque, Annibal cum pro tribunali quædam ageret, mox de Blasio cogniturus, starentque summoto populo accusator, & reus, Blasius de proditione Dasium appellabat. Enimvero ille velut in manifesta re exclamat, sub oculis Annibalis secum de proditione agi. Annibali, atque eis, qui aderunt, quo audacior res erat, minus similis veri visa est. æmulationem profecto, atque odium esse: & id crimen afferri, quod, quia testem habere non potuisset, liberius fingeretur. Ita inde dimissi sunt. nec Blasius ante abstitit tam audaci incepto, quam idem obtundendo, docendoque, quam ea res ipsis, patriæque salutaris esset, perivit, ut præsidium Punicum, (hi autem Numidæ erant) Salapiaque traderetur Marcello. Nec sine cæde multa tradi potuit. longe fortissimi equitum toto Punico exercitu erant. itaque quanquam improvisa res fuit, nec usus equorum in urbe erat, tamen armis inter tumultum captis, & eruptionem tentaverunt, & cum evadere nequirent, pugnares ad ultimum occubuerunt, nec plus quinquaginta ex his in potestatem hostium vivi venerunt. plusque aliquantodamni hæc ala equitum amissa Annibali, quam Salapia fuit: nec deinde unquam Pœnus, quo longe plurimum valuerat, equitatu superior fuit.

CAPUT XXXI.

*Romana classis, qua, duce Quintio, com-
meatus in arcem Tarenti convehēbat, congressa
cum Tarentinis navali certamine supera-
tur: per eosdem dies Tarentini pradam
urbe egressi, ab Romanis, facto ex arce im-
petu, caduntur.*

PER idem tempus cum in arce Tarentina vix 39
inopia tolerabilis esset, spem omnem
præsidium, quod ibi erat, Romanum, præ-
fectusque præsidii atque arcis M. Livius in
commeatibus ab Sicilia missis habebant. qui
ut tuto præterveherentur ora Italiæ, classis
viginti ferme navium Rhegii stabat. Præerat
classi, commeatibusque D. Quinctius obscu-
ro genere ortus, cæterum multis fortibus
factis gloria militari illustris. primo quinque
naves, quarum maximæ duæ triremes a Mar-
cello ei traditæ erant, habuit: postea rem
impigre sæpe gerenti tres additæ quinquere-
mes: postremo ipse a sociis, Rheginisque,
& a Velia, & a Pestis, debitas ex fœdere exi-
gendo, classem XX. navium, sicut ante di-
ctum est, effecit. Huic ab Rhegio profectæ
classi Democrates cum pari classe navium Ta-
rentinarum numero, quindecim millia fer-
me ab urbe ad Sacriportum obvius fuit. Ve-
listum forte improvidus futuri certaminis
Romanus veniebat: sed circa Crotonem,
Sibarimque suppleverat remigio naves: in-
structamque & armatam egregie pro magni-
tudine navium classem habebat. & tum for-
te subidem fere tempus & venti vis omnis
cecidit, & hostes in conspectu fuere: ut
ad componenda armamenta, expediendum-

que remigem ac militem ad imminens certamen vix satis temporis esset. Raro alias tantis animis justæ concurrerunt classes: quippe cum in majoris discrimen rei, quam ipsæ erant, pugnarent: Tarentini, ut recuperata urbe ab Romanis post centesimum prope annum, arcem etiam liberarent; * spem commeatu quoque hostibus, si navali prælio possessionem maris ademissent, interclusuri: Romani, ut, retenta possessione arcis, ostenderent, non vi aut virtute, sed proditione ac futuro Tarentum amissum. Itaque ex utraque parte signo dato, cum rostris concurrissent, neque retro navem inhiherent, nec dirimi ab se hostem paterentur, quam quis indeptus navem erat, ferrea injecta manu, ita conferebant ex propinquo pugnam, ut non missilibus tantum, sed gladiis etiam prope collato pede * præliarentur. Proræ inter se junctæ hærebant, puppes alieno remigio circumagebantur. ita in arcto stipatæ erant naves. ut vix ullum telum in mari vanum intercideret. frontibus, velut pedestris acies, urgebant: perviæque naves pugnantibus erant. Insignis tamen inter cæteras pugna fuit duarum, quæ primæ agminis concurrerant inter se. in Romana nave ipse Quinctius erat, in Tarentina Nico, cui Percepi fuit cognomen, non publico modo, sed privato etiam odio invisus atque infestus Romanis, quod ejus factio, nis erat, quæ Tarentum Annibali prodiderat. Hic Quinctium simul pugnantem, hortantemque suos, incautum hasta transigit. ille simulatque præceps cum armis procidit ante proram, victor Tarentinus in turbatam duce amissa navem impigre transgressus, cum summovisset hostes, & prora jam Tarentinorum esset, puppim male conglobati tuerentur

Rc

* al.
spe.* al.
gerc-
retur
ies.

Romani: repente & alia a puppi triremis hostium apparuit, ita in medio circumventa Romana navis capitur. hinc cæteris terror injectus, ut prætoriam navem captam videre: fugientesque passim, aliæ in alto merse, aliæ in terram remis abreptæ, mox prædæ frære Thurinis, Metapontinisque. ex onerariis, quæ cum commeatu sequebantur, paucae in potestatem hostium venere: aliæ ad incertos ventos hinc atque illinc obliqua transferentes vela, in altum evectæ sunt. nequaquam pari fortuna per eos dies Tarenti res gesta. nam ad quatuor millia hominum frumentatum egressa, cum in agris passim vagarentur; Livius, qui arci præsidioque Romano præerat, intentus in omnes occasiones gerendæ rei, C. Persium, impigrum virum, cum duobus millibus armatorum ex arce emisit: qui vage effusos per agros, palatosque adortus, cum diu passim cecidisset, paucos ex multis trepida fuga incidentes semiaper-tis portarum foribus, in urbem compulit, ne urbs eodem impetu caperetur. Ita æquatæ res ad Tarentum, Romanis victoribus terra, Tarentinis mari. frumenti spes, quæ in oculis fuerat, utrosque frustrata pariter.

CAPUT XXXII.

Lævinus Cos., capto per Mutina proditorem Agrigento, quod reliqui Carthaginiensis belli sedes erat, in Sicilia, pulso inde Annone, atque Epicide, debellat.

PER idem tempus Lævinus consul, jam magna parte anni circumacta, in Siciliam, veteribus novisque sociis expectatus, cum venisset, primum & potissimum omnium ra-

tus Syracusanis nova pace inconditas componere res: Agrigentum inde, quod belli reliquum erat, tenebaturque a Carthaginiensium valido præsidio, duxit legiones. & affuit fortuna incæpto. Anno erat imperator Carthaginiensium, sed omnem in Mutine, Numidisque spem repositam habebat. Per totam Siciliam vagus prædas agebat ex sociis Romanorum: neque intercludi ab Agrigento vi, aut arte ullâ, nec, quin crumperet, ubi vellet, prohiberi poterat. Hæc ejus gloria, quia iam imperatoris quoque famæ officiebat, postremo in invidiam vertit, ut ne bene gestæ quidem res jam Annoni propter auctorem satis lætæ essent. propter quæ postremo præfecturam ejus filio suo dedit, ratus cum imperio auctoritatem quoque ei inter Numidas erepturum. quod longe aliter evenit. nam veterem favorem ejus sua insuper invidia auxit. neque ille indignitatem injuriæ tulit: confestimque ad Lævinum occultos nuntios misit de tradendo Agrigento. per quos ut est facta fides, compositusque rei gerendæ modus; portam ad mare ferentem Numidæ cum occupassent, pulsos inde custodibus, aut cæsis, Romanos ad id ipsum missos in urbem acceperunt. & cum agmine jam in media urbis, ac forum magno tumultu iretur, ratus Anno non aliud, quam tumultum ac secessionem (id quod & ante acciderat) Numidarum esse, ad comprimendam seditionem processit. atque ille, cum ei multitudo major, quam Numidarum, procul visa, & clamor Romanus haudquaquam ignotus ad aures accidisset, prius quam ad ictum teli veniret, capessit fugam. per aversam portam emissus, assumpto comite Epicide, cum paucis ad
mare

mare pervenit: nactique opportune parvum navigium, relicta hostibus Sicilia, de qua per tot annos certamen erat, in Africam trajecerunt, alia multitudo Pœnorum, Siculorumque, ne tentato quidem certamine, cum cæci in fugam ruerent, clausique exitus essent, circa portas cæsa. Oppido recepto, Lævinus, qui capita rerum Agrigenti erant, virgis cæsos securi percussit: cæteros, prædamque vendidit. omnem pecuniam Romam misit. Fama Agrigentinorum cladis Siciliam cum pervasisset, omnia repente ad Romanos inclinaverunt. Proditæ brevi sunt XX. oppida, sex vi capta, voluntaria deditione in fidem venerunt ad quadraginta. Quarum civitatum principibus cum pro cuiusque merito consul præmia pœnasque exolveret, coegissetque Siculos, positis tandem armis, ad agrum colendum animos convertere, ut esset non incolarum modo alimentis frugifera insula, sed urbis Romæ, atque Italiæ (id quod multis sæpe tempestatibus fecerat) annonam levaret: ab Agatirna inconditam multitudinem secum in Italiam transvexit. Quatuor millia hominum erant, misti ex omni colluvione, exules, obæratî, capitalia ausi plerique, & cum in civitatibus suis, ac sub legibus vixerant, & postquam eos ex variis causis fortuna similis conglobaverat, Agatirnæ per latrocinia ac rapinam tolerantes vitam. Hos neque relinquere Lævinus in insula, tum primum nova pace coalescente, velut materiam novandis rebus, satis tutum ratus est: & Rheginis usui futuri erant ad populandum Bruttium agrum, assuetam latrociniiis quærentibus manum. Et quod ad Siciliam attinet, eo anno debellatum est.

CAPUT XXXIII.

In Hispania P. Scipio ex hibernis profectus ad Iberum, accensum oratione exercitum ad Carthaginem Novam oppugnandam ducit.

- 41 **I**N Hispania principio veris P. Scipio, navibus deductis, evocatisque edicto Tarraconem sociorum auxiliis, classem onerariasque ostium inde Iberi fluminis petere jubet. eodem legiones ex hibernis convenire cum jussisset, ipse cum quinque millibus sociorum ab Tarracone profectus ad exercitum est. quo cum venisset, alloquendos maxime veteres milites, qui tantis superfuerant cladibus, ratus, concione advocata. ita disseruit. *Nemo ante me novus imperator militibus suis, prius, quam opera eorum usus esset, gratias agere jure ac merito potuit. me vobis prius, quam provinciam, aut castra viderem, obligavit fortuna: primum, quod ea pietate erga patrem patrumque meum, vivos, mortuosque fuistis: deinde, quod amissam tanta clade provincia possessionem integram & populo Romano, & successori mihi virtute vestra obtinuis-
tis. Sed cum jam benignitate deum id pare-
turus atque agamus, non ut ipsi maneamus in Hispania, sed ne Poeni maneant: nec ne pro ripa Iberi stantes, arceamus transitum hostis, sed ut ultro transeamus, transferamusque bellum: veror, ne cui vestrum majus id, audaciusque consilium, quam aut praememoria cladum nuper acceptarum, aut praetate mea videatur. Adversa pugna in Hispania nullius in animo, quam meo, minus obliterari possunt, quippe cui pater, & pa-*
trius.

gravis intra XXX dierum spatium, ut aliud super aliud cumlaretur familia nostra sumus, imperfecti sunt, sed ut familiaris pene orbitas ac solitudo frangit animum, ita publica cum fortuna, tum virtus desperare de summa rerum prohibet, eo fato, quo donata nobis fers est, ut magnis omnibus bellis victi vicerimus. Vetera omitto, Persenam, Gallos, Samnites. a Punicis bellis incipiam. Quot classes, quot duces, quot exercitus priora bello amissi sunt? jam quid hoc de bello memorem? omnibus aut ipse affuicladibus, aut quibus absui, maxime unus omnium eas sensi. Trebia, Trasymenus, Cannae, quid aliud sunt, quam monumenta occisorum exercituum, consulumque Romanorum? adde defectionem Italia, Sicilia majoris partis, Sardinia: adde ultimum terrorem ac pavorem, castra Punica inter Anienem & moenia Romana posita, & visum prope in portis victorem Annibalem. In hac ruina rerum stetit una integra, atque immobilis virtus populi Romani. hac omnia strata humi erexit, ac sustulit. Vos omnium primi, milites, post Cannensem cladem vadenti Asdrubali ad Alpes, Italiamque, (qui si se cum fratre conjunxisset, nullum jam nomen esset populi Romani) ductu, ausilioque patris mei obtistis. & haec secunda res illas adversas sustinuerunt. Nunc benignitate deum omnia secunda, prospera, in dies latiora ac meliora in Italia Siciliaque geruntur. In Sicilia Syracusa, Agrigentumque captum, pulsi tota insula hostes, receptaque provincia in ditionem populi Romani est. In Italia Arpi recepti, Capua capta: iter omne ab urbe Roma repida fuga emensus Annibal, in extremum angulum agri Bruttii compulsus, nihil jam magis precatur deos, quam ut incolumi cedere,

atque abire ex hostium terra liceat. Quid igitur minus conveniat, milites, quam, cum alia super alias clades cumularentur, ac dii prope ipsi cum Annibale starent, vos hic cum parentibus meis (aquentur enim ipsi etiam honore nominis) sustinuisse labantem fortunam populi Romani: nunc eosdem, quia illic omnia secunda, lataque sunt, animis deficere? Nuper quoque qua acciderunt, utinam tam sine meo luctu, quam vestro transissent. Nunc dii immortales, imperii Romani praesides, qui centuriis omnibus, ut mihi imperium iubetent dari, fieri auctores, iidem auguriis, auspiciisque, & per nocturnos etiam visus omnia lata, ac prospera portendunt. animus quoque meus, maximus mihi ad hoc tempus vates, praesagit, nostram Hispaniam esse: brevi extorere hinc omne Punicum nomen, maria, terrasque foeda fuga impleturum. Quod mens sua sponte divinat, idem subicit ratio haud fallax. Vexati ab iis socii, nostram fidem per legatos implorant: tres duces discrepantes, prope ut defecerint alii ab aliis, trifariam exercitum in diversissimas regiones distraxere. eadem in illos ingruit fortuna, qua nuper nos afflixit. nam & deserantur ab sociis, ut prius ab Celtiberis nos: & diduxere exercitus, qua patri, patruoque meo causa exitii fuit. nec discordia intestina coire eos in unum sinet, neque singuli nobis resistere poterunt. Vos modo, milites, favete nomini Scipionum, soboli imperatorum vestrorum, velut accisis recrescenti stirpibus. agite, milites veteres, novum exercitum, novumque ducem traducite Iberum, traducite in terras cum multis fortibus factis saepe a vobis peragratas. Brevi faciam, ut quemadmodum nunc noscitis in me patris patrique similitudinem oris, vultusque, & li-

nea-

neamenta corporis , ita ingenii , fidei virtutisque exemplum , ac effigiem vobis reddam : ut revixisse , aut renatum sibi quisque Scipionem imperatorem dicat. Hac oratione accensis militum animis , relicto ad præsidium regionis ejus M. Silano cum tribus millibus peditum , & trecentis equitibus , cæteras omnes copias (erant autem viginti quinque millia peditum , duo millia & quingenti equites) Iberum trajecit . Ibi quibusdam suadentibus , ut , quoniam intres tam diversas regiones discessissent Punici exercitus , proximum aggrederetur , periculum esseratus , ne , eo facto , in unum omnes contraheret , nec par esset unus tot exercitibus , Carthaginem Novam interim oppugnare statuit , urbem cum ipsam opulentam suis opibus , tum hostium omni bellico apparatu plenam , (ibi arma , ibi pecuniæ , ibi totius Hispaniæ obfides erant) sitam præterea cum opportune ad trajiciendum in Africam , tum super portum satis amplum quantævis classis , & nescio an unum in Hispaniæ ora , qua nostro adjacet mari . Nemo omnium , quo iretur , sciebat , præter C. Lælium . Is classe circummissus ita moderari cursum navium jussus , erat , ut eodem tempore Scipio ab terra exercitum ostenderet , classis portum intraret .

P. Scipio cum Carthaginem Novam pervenisset, ab regione urbis castra locat: satis pro ejusdem situ munitis omnibus, milites prius cohortatus, oppugnationem terra marique instruit.

Septimo die ab Ibero Carthaginem ventum est. simul terra marique castra ab regione urbis, qua in Septentrionem versa est, posita. his ab tergo (nam frons natura tuta erat) vallum objectum. Cæterum sita Carthago sic est. Sinus est maris media fere Hispaniæ ora, maxime Africo vento oppositus, & quingentos passus introrsus retractus, paulo plus passuum in latitudinem patens. hujus in ostio sinus parva insula objecta ab alto, portum ab omnibus ventis, præterquam Africo, tutum facit. ab intimo sinu peninsula excurrit, tumulus is ipse, in quo condita urbs est: ab ortu solis & a meridie cincta mari: ab occasu stagnum claudit, paulum etiam ad Septentrionem fustum, incertæ altitudinis, utcunque exæstuat aut deficit mare: continenti urbem jugum ducentos fere & quinquaginta passus patens conjungit. unde cum tam parvi operis munizio esset, non objecit vallum imperator Romanus, seu fiduciam hosti superbe ostentans, sive ut subeunti sæpe ad mœnia urbis recursus pateret. Cætera, quæ munienda
 43 erant, cum perfecisset, naves etiam in portu, velut maritimam quoque ostentans obsidionem, instruxit. circumvectusque classem, cum monuisset præfectos navium, ut vigilias nocturnas intenti servarent, (omnia ubique primo obsessum hostem conari) re-
 gres-

gressus in castra, ut consilii sui rationem, quod ab urbe potissimum oppugnanda bellum orsus esset, militibus ostenderet & spem potiundæ cohortando faceret, concione advocata, ita disseruit. *Ad urbem unam oppugnandam si quis vos adductos credit, is magis operis vestri, quam emolumenti rationem exactam, milites; habet. oppugnabitur enim vere mœnia unius urbis, sed in una urbe universam ceperitis Hispaniam. Hic sunt obsides omnium nobilium regum, populorumque; qui simul in potestate vestra erunt, ex templo omnia, qua nunc sub Carthaginensibus sunt, in ditionem tradent. hic pecunia omnis hostium, sine qua neque illi gerere bellum possunt, quippe qui mercenarios exercitus alant: & qua nobis maximo usui ad conciliandos animos barbarorum erit. hic tormenta, arma, armamenta, & omnis apparatus belli est; qui simul & vos instruet, & hostes nudabit. Potiemur præterea cum pulcherrima opulentissimaque urbe, tum opportunissima portu egregio, unde terra marique qua bellum usus poscunt, suppeditentur. qua cum magna ipsi habebimus, tum deperimus hostibus multo maiora: hac illis arx, hoc horreum ararium, armamentarium, omnium rerum receptaculum est: huc rectus ex Africa cursus est, hac nunc inter Pyrenæum & Gades statio, hinc omnis Hispania imminet Africa. Sed quoniam vos instructos & ordinatos cognosco; ad Carthaginem Novam oppugnandam totis viribus, & bono animo transeamus. Cum que omnes una voce hoc faciendum succlamarent, eos Carthaginem duxit, tum terra marique eam oppugnari iubet,*

Scipio nequicquam ab terra Carthaginiem oppugnare aggressus, parte alia per stagnum, decedente in mare æstu, ad muros succedens, urbem improviso intrat: introductis per refractam portam armatis, facta passim magna caede, arcem quoque capit: prada ingenti omnis generis potitur.

44. **C**ONTRA Mago Pœnorum dux, cum terra marique instrui oppugnationem videret, & ipse copias ita disponit. Oppidanorum duo millia ab ea parte, qua castra Romana erant, opponit: quingentis militibus arcem insedit: quingentos tumulo urbis in orientem verso imponit: multitudinem aliam, quo clamor, quo subita vis vocasset, resistentem ad omnia occurrere jubet. Patefacta deinde porta, eos, quos in via ferente ad castra hostium instruxerat, mittit. Romani, duce ipso præcipiente, parumper cessere, ut propiores subsidiis in certamine ipso summittendis essent. Et primo haud impari steteret acie. subsidia deinde identidem summissa e castris non averterunt solum in fugam hostes: sed adeo effusis institerunt, ut, nisi receptui cecinisset, permisti fugientibus, irrupturi fuisse in urbem viderentur. Trepidatio vero non prælio major, quam tota urbe fuit. multæ stationes pavore atque loca deserta sunt: relictique muri, cum quæ cuique erat proximum, desiluissent. Quod ubi versus Scipio in tumulum, quem Mercurium Teutatem appellant, advertit, multis partibus nudata defensoribus mœnia esse, omnes e castris excitos ire
ad

ad oppugnandam urbem, & ferre scalas jubet. ipse, trium præ se juvenum validorum scutis oppositis, (ingens enim jam vis omnis generis telorum e muris volabat) ad urbem incedit: hortatur, imperat, quæ in rem sunt: quodque plurimum ad accendendos militum animos intererat, testis spectatorque virtutis, atque ignaviæ cuiusque adest. Itaque in vulnera, ac tela ruunt. neque illos muri, neque superstantes armati arcere queunt, quin certatim ascendunt. Et ab navibus eodem tempore ea, quæ mari alluitur, pars urbis oppugnari cœpta est. cæterum tumultus inde major, quam vis* videri poterat. ^{* al,} dum applicant, dum partim exponunt scalas ^{adhi-} militesque, dum, qua cuique proximum est, ^{ber,} in terram evadere properant, ipsa festinatione & certamine alii alios impediunt. Inter hæc repleverat jam Pœnus armatis muros, & 45 vis magna, & ingens copia congesta telorum suppeditabat. sed neque viri, nec tela, nec quicquam aliud æque, quam mœnia ipsa sese defendebant. raræ enim scalæ altitudini æquari poterant: & quo quæque altiores, eo infirmiores erant. itaque cum summus quisque evadere non posset, subirent tamen alii, onere ipso frangebantur. quidam stantibus scalis, cum altitudo caliginem oculis offudisset, ad terram delati sunt. Et cum passim homines scalæque ruerent, & ipso successu audacia, atque alacritas hostium crece- et, signum receptui datum est. quod spem non præsentis modo ab tanto certamine ac labore quietis obsessis, sed etiam in posterum dedit, scalis & corona capi urbem non posse: opera & difficilia esse, & tempus datura ad ferendam opem imperatoribus suis. Vix prior tumultus conticuerat, cum Scipio ab defessis jam

vul-

Vulneratisque recentes, integrosque alios accipere scalas jubet, & vi majore aggredi urbem. ipse, ut ei nuntiatum est, æstum decedere, quod per piscatores Tarraconenses, nunc levibus cymbis, nunc, ubi eæ siderent, vadis pervagatos stagnum, compertum habebat, facilem pedibus ad murum transitum dari: eo armatos duxit. Medium ferme diei erat: & ad id, quod sua sponte cedente in mare æstu trahebatur aqua, acer etiam Septentrio ortus inclinatum stagnum eodem, quo æstus, ferebat: & adeo nudaverat vada, ut alibi umbilico tenusaqua esset, alibi genua vix superaret. Hoc cura ac ratione compertum, in prodigium ac deos vertens Scipio, qui ad transitum Romanis mare verterent, & stagna auferrent, viasque ante nunquam initas humano vestigio aperirent; Neptunum
 46 jubebat ducem itineris sequi, ac medio stagno evadere ad mœnia. Ab terra ingens labor succedentibus erat: nec altitudine tantum mœnium impediabantur: sed quod euntes ad ancipites utrinque ictus subiectos habebant Romanos: ut latera infestiora subeuntibus, quam adversa corpora essent. At parte in alia quietus, & per stagnum facilis transitus, & in murum ascensus inde fuit. nam neque opere emunitus erat, ut ubi ipsius loci, ac stagni præsidio satis creditum foret: nec ulla armatorum statio, aut custodia opposita, intentis omnibus ad opem eo ferendam, unde periculum ostendebatur. Ubi urbem sine certamine intravere, pergunt inde, quanto maximo cursu poterant, ad eam portam, circa quam omne contractum certamen erat. in quod adeo intenti omnium non animi solum fuerant, sed etiam oculi, auresque pugnantium, spectantiumque & ad-
 hor-

hortantium pugnantes, ut nemo ante ab tergo senferit captam urbem, quam tela in aversos inciderunt. & utrinque ancipitem hostem habebant. tunc turbatis defensoribus metu, & mœnia capta, & porta intus, forisque pariter refringi cœpit: & mox cædendo confraëtis, ac diffraëtis, ne iter impediretur, foribus, armati impetum fecerunt. Magna multitudo & muros transcendebat, sed hi passim ad cædem oppidanorum versi. illa, quæ portam ingressa erat, iusta acies, cum ducibus, cum ordinibus media urbe in forum processit. inde cum duobus itineribus fugientes videret hostes; alios ad tumulum in orientem versum, qui tenebatur quingentorum militum præsidio; alios in arcem, in quam & ipse Mago cum omnibus fere armatis, qui muris pulsi fuerant, refugerat: partem copiarum ad tumulum expugnandum mittit, partem ipse ad arcem ducit. Et tumulus primo impetu est captus: & Mago arcem conatus defendere, cum omnia hostium plena videret, neque spem ullam esse, se, arcemque & præsidium dedit. Quoad dedita arx est, cædes tota urbe passim factæ: nec ulli puberum, qui obuius fuit, parcebatur. Tum signo dato, cædibus finis factus. ad prædam victores versi, quæ ingens omnis generis fuit. Liberos capitum virilis sexus ad X millia capta. inde qui cives novæ Carthaginiserant, dimisit: urbemque, & sua omnia, quæ reliqua eis bellum fecerat, restituit. Opifices ad duo millia hominum erant. eos publicos fore pop. Rom. edixit, cum spe propinqua libertatis, si ad ministeria belli enixe operam navassent. cæteram multitudinem incolarum juvenum, ac validorum servorum in classem ad supplementum remigum dedit:

dit: & auxerat navibus octo captivis classem. Extra hanc multitudinem Hispanorum obsides erant: quorum perinde, ac si sociorum liberi essent, cura habita. Captus & apparatus ingens belli, catapultæ maximæ ferme centum viginti. minores CC LXXXI, ballistæ majores XXIII, minores LII, scorpionum majorum, minorumque, & armorum, telorumque ingens numerus, signa militaria LXXIV. Et auri, argentique relata ad imperatorem magna vis. pateræ aureæ fuerunt CCLXXVI, librales ferme omnes pondo: argenti facti signatique decem & octo millia & CCC pondo. vasorum argenteorum magnus numerus. Hæc omnia C. Flaminio quaestori appensa, adnumerataque sunt. tritici XL. millia modium: hordei CCLXX Naves onerariæ LXIII in portu expugnatae, captæque: quædam cum suis oneribus, frumento, armis, ære præterea, ferroque, & linteis, & sparto, & navali alia materia ad classem ædificandam: ut minimum omnium inter tantas opes bellicas Carthago ipsa fuerit.

C A P U T XXXVI.

Scipio post datam quietem exercitui, propter egregie navatam operam in Carthaginis expugnatione, convocatos milites collaudat, ac pro merito quemque suo premiis ornatur: cum muralis corona decus peterent ingenti certamine Q. Trebellius, & Sex. Digitius, ambos muralibus coronis donat.

- 48 **F**odie Scipio, C. Lælio cum sociis navalibus urbem custodire iusso, ipse in castra legiones reduxit. fessosque milites omni-

omnibus uno die belli operibus (quippe qui & acie dimicassent, & in capienda urbe tantum laboris periculique adissent, & capta, cum iis, qui in arcem confugerant, in quo etiam loco pugnassent) curare corpora iussit. Postero die, militibus, navalibusque sociis convocatis, primum diis immortalibus laudes gratiasque egit; qui se non urbis solum opulentissimæ omnium in Hispania uno die compotem fecissent, sed ante eo concessissent omnis pene Africæ, atque Hispaniæ opes: ut neque hostibus quicquam relinqueretur, & sibi, ac suis omnia superessent. Militum deinde virtutem collaudavit, quod eos non eruptio hostium, non altitudo mœnium, non inexplorata stagni vada, non castellum in alto tumultu situm, non munitissima arx deterruisset, quo minus transcendere omnia, perumperentque. Itaque quam omnibus omnia deberet: præcipuum tamen muralis coronæ decus ejus esse, qui primus murum ascendisse se profiteretur, qui se dignum eo duceret dono. Duo professi sunt, Q. Trebellius centurio legionis quartæ, & Sex. Digitius, socius navalis. Nec ipsi tam inter se acriter contendebant, quam studia excitaverant uterque sui corporis hominum, sociis C. Lælius præfectus classis, legionariis M. Sempronius Tuditanus aderat: ea contentio cum prope seditionem veniret, Scipio, tres recuperatores cum se daturum pronuntiasset, qui, cognita causa, testibusque auditis, judicarent, uter prior in oppidum transcendisset, C. Lælio, & M. Sempronio advocatis partis utriusque P. Cornelium Caudinum de medio adjecit: eosque tres recuperatores confidere; & causam cognoscere iussit. Cum res eo majore ageretur certamine,

quod

quod amoti tantæ dignitatis non tam advocati, quam moderatores studiorum fuerant: C. Lælius, relicto consilio, ad tribunal ad Scipionem accedit: eumque docet, *rem sine modo, ac modestia agi: ac prope esse, ut manus inter se conferant. ceterum etiam si vis absit, nihilominus detestabili exemplo rem agi: quippe ubi fraude, ac perjurio decus petatur virtutis. Stare hinc legionarios milites, hinc classicos, per omnes deos paratos jurare magis quam velint, quam qua sciunt, vera esse, & obstringere perjurio non se solum, suumque caput, sed signa militaria, & aquilas, sacramentique religionem. Hac se ad eum de sententia P. Cornelii, & M. Sempronii deferre. Scipio, collaudato Lælio, ad concionem vocavit, pronuntiavitque, se satis compertum habere, Q. Trebellium, & Sex. Digitium pariter in murum ascendisse: seque eos ambos virtutis causa coronis muralibus donare. Tum reliquos, prout cujusque meritum virtusque erat, donavit: ante omnes C. Lælium præfectum classis & omni genere laudis sibimetipsi æquavit, & corona aurea, ac XXX bobus donavit. Tum obfides civitatum Hispaniæ vocari iussit. quorum quantus numerus fuerit, piget scribere: quippe cum alibi CCC ferme, alibi DCCXXV fuisse inveniam. Æque & alia inter auctores discrepant. Præsidium Punicum alius X, alius VII, alius haud plus quam duum millium fuisse scribit. Capta alibi decem millia capitum, alibi supra V. & XX. invenio. Scorpiones majores, minoresque ad LX captos scripserim, si auctorem Græcum sequar Silenum: si Valerium Antiatem, majorem scorpionum sex millia, minorum XIII, adeo nullus men-*

tien-

tiendi modus est. Ne de ducibus quidem convenit. plerique Lælium præfuisse classi, sunt qui M. Junium Silanum dicant. Armen præfuisse Punico præsidio, deditumque Romanis, Antias Valerius: Magonem alii scriptores tradunt. Non de numero navium captarum, non de pondere auri, atque argenti, & redacta pecunia convenit. Si aliquibus assentiri necesse est, media similia veri sunt.

CAPUT XXXVII.

Scipionis in captivos, obsidesque, qui in ejus potestatem venerant, humanitas, & fides: continentia quoque rarum exemplum; nam virginem pulcherrimam ad ipsum a militibus adductam, parentibus, ac sponso inviolatam restituit.

CÆterum Scipio, vocatis obsidibus, primum universos bonum animum habere jussit: venisse eos in populi Rom. potestatem, qui beneficio, quam metu obligare homines malit, exterarumque gentes fide, ac societate junctas habere, quam tristi subjectas servitio. deinde acceptis nominibus civitatum, recensuit captivos, quot cujusque populi essent, & nuntios domum misit, ut ad suos quisque recipiendos veniret. si quarum forte civitatum legati aderant, eis præsentibus suos restituit. cæterorum curam benigne tuendorum C. Flaminio quæstori attribuit. Inter hæc, e media turba obsidum, mulier magno natu, Mandonii uxor, qui frater Indibilis Ilbergetum Reguli erat, flens ad pedes imperatoris procubuit: obtestarique cœpit, ut curam, cultumque foeminarum impensius custodibus commendaret. Cum Scipio nihil

Tam, II,

X

pro-

profecto de futuro mihi diceret : tum rursus mulier , *haud magni ista facimus* ; inquit . *quid enim huic fortuna non satis est ? aliam me cura , atatem harum intuentem (nam ipsa jam extra periculum injuria muliebris sum) stimulat .* ætate & forma florentes circa eam Indibilis filia erant , aliæque nobilitate pari , quæ omnes eam pro parente colebant . Tum Scipio , *Mea , populique Rom. disciplina causa facerem* , inquit , *ne quid , quod sanctum usquam esset , apud nos violaretur . nunc ut id curem impensus , vestra quoque virtus dignitasque facit , qua ne in malis quidem oblita decoris maritalis estis .* Spectatæ deinde integritatis viro tradidite eas : tuerique haud secus verè cunde ac modeste , quam hospitem conjugem

- 50 ac matrem jussit . Captiva deinde a militibus adducitur ad eum adulta virgo , adeo eximia forma , ut quacunque incedebat , converteret omnium oculos . Scipio percontatus patriam , parentesque , inter cætera accepit , desponsatam eam principi Celtiberorum adolescenti , cui Allucio nomen erat . ex templo igitur parentibus , sponsoque ab domo accitis , cum interim audiret deperire eum sponsæ amore ; ubi primum venit , accuratiore eum sermone , quam parentes , alloquitur . *Juvenis* , inquit , *juvenem appello , quo minor sit inter nos hujus sermonis verecundia .* Ego , cum sponsa tua capta a militibus nostris ad me deducta esset , audiremque eam tibi cordi esse , & forma faceret fidem : quia ipse , si frui liceret ludo ætatis , præsertim recto , & legitimo amore , & non Respub. animum nostrum occupasset , veniam mihi dari , sponsam impensus amansi vellem : tuo , cujus possum , amori faveo . Fuit sponsa tua apud me eadem , qua apud soceros tuos , parentesque suos , verecundia . *servata*

*vata tibi est, ut inviolatum, dignum me, & que dari tibi donum posset. hanc mercedem unam pro eo munere paciscor: amicus populo Rom. sis. Et si me virum bonum credis esse, quales patrem, patrnumque meum jam ante ha gentes norant: scias multos nostri similes in civitate Romana esse: nec ullum in terris populum hodie dici posse, quem minus tibi hostem, tuisque esse velis, aut amicum malis. Cum adolescens simul pudore gaudioque perfusus, dextram Scipionis tenens, deos omnes invocaret ad gratiam illi pro se referendam, quoniam sibi nequaquam satis facultatis pro suo animo, atque illius erga se merito esset: parentes inde cognatique virginis appellati. qui, quoniam gratis sibi redderetur virgo, ad quam redimendam satis magnum attulissent auti pondus, orare Scipionem, ut id ab se donum acciperet, cœperunt: haud minorem ejus rei apud se gratiam futuram affirmantes, quam redditæ inviolatæ foret virginis. Scipio, quando tantopere peterent, accepturum se pollicitus, poni ante pedes jussit: vocatoque ad se Allucio, *super dorem*, inquit, *quam accepturus a focero es, hac tibi a me dotalia dona accedent*: aurumque tollere, ac sibi habere jussit. His lætus donis honoribusque dimissus domum, implevit populares laudibus, & meritis Scipionis. Venisse diis simillimum juvenem, vincentem omnia cum armis, tum benignitate, ac beneficiis. Itaque delectu clientum habito, cum delectis mille & CD equitibus intra paucos dies ad Scipionem revertit.*

CAPUT XXXVIII.

Scipio, misso Romam Lelio, victoria nuntio, interim ipse dum Carthagine moratur, pedestres, navalesque copias extra urbem exercendo ad bellum acuit: recte in urbe quoque preparatis, ac dispositis omnibus, Tarraconem proficiscitur.

- 51 **S**Cipio retentum secum Lælium, dum captivos obsidesque, & prædam ex consilio ejus disponderet, rebus omnibus compositis, data quinquere me, captivis cum Magone, & quindecim fere senatoribus, qui simul cum eo capti erant, in navem impositis, nuntium victoriæ Romam mittit. ipse paucos dies, quibus morari Carthagine statuerat, exercendis navalibus, pedestribusque copiis absumpsit. Primo die legiones in armis quatuor millium spatio decurrerunt. secundo die arma curare, & tergere ante tentoria iussit. tertio die sudibus inter se in modum justæ pugnæ concurrerunt: præpilatisque missilibus jaculati sunt. quarto die quies data. quinto iterum in armis decursum est. Hunc ordinem laboris quietisque, quoad Carthagine morati sunt, servaverunt. Remigio, classici milites tranquillo in altum evecti, agilitatem navium simulacris navalis pugnæ experiebantur. Hæc extra urbem terra, marique corpora simul, animosque ad bellum acuebant. Urbs ipsa strepebat apparatu belli, fabris omnium generum in publica officina inclusis. dux cuncta pari cura obibat: nunc in classe, ac navali erat, nunc cum legionibus decurrebat, nunc operibus aspiciendis tempus dabat, quæque in officinis, quæque in arma-
- men-

mentario ac navalibus fabrorum multitudo plurima in singulos dies certamine ingenti faciebat. His ita inchoatis, reſectisque, quos quaſſaverant, muris, diſpoſitisque præſidiis ad cuſtodiam urbis, Tarraconem eſt profeſſus, a multis legationibus protinus in via aditus, quas partim dato reſponſo ex itinere dimiſit, partim diſtulit Tarraconem, quo omnibus novis veteriſque ſociis edixerat conventum. Et cuncti fere, qui eis Iberum incolunt populi, multique etiam ulterioris Hiſpaniæ convenerant. Carthaginienſium duces primo ex induſtria ſamam capte Carthaginiſ compreſſerant: deinde ut clarior reſerat, quam ut tegi ac diſſimulari poſſet, elevabant verbis. *Nec opinato adventu, ac prope ſurtu unius diei urbem unam Hiſpania interceptam, cujus reitam parva premio elatum inſolentem juvenem, immodico gaudio ſpectiem magna victoria impoſuiſſe, at ubi appropinquaret tres duces, tres victores hoſtium exercitus vididiſſet, occuſuram ei ex exemplo domeſticorum funerum memoriam.* Hæc in vulgus jaſtabant, hæc quaquam ipſi ignari, quantum ſibi ad omnia viſium, Carthagine amiſſa, deceſſiſſet.

482
 DECADIS TERTIÆ.

LIBER SEPTIMUS.

CAPUT I.

Cn. Fulvius Proconsul cum exercitu ab Annibale ad Herdoneam caditur : meliore eventu a Claudio Marcello Cos. adversus eundem apud Numistronem pugnatur : inde Annibalem, noctu recedentem, Marcellus insequutus, atque adeptus, levia praelia prope committit.



H.

le status rerum Hispaniæ erat. In Italia autem consul Marcellus, Salapia per deditionem recepta, Maroneam & Meles de Samnitibus vi cepit. Ad tria millia militum ibi Annibalis, quæ præsidii causa relicta erant, oppressa. prædæ aliquantum. usui militi concessa. tritici quoque CCXL. millia modium, & CX. millia hordei inventa. Cæterum nequaquam inde tantum gaudii fuit, quanta clades intra paucos dies accepta est haud procul Herdonea urbe. Castra ibi Cn. Fulvius proconsul habebat; spe recipiundæ Herdoneæ, quæ post Cannensem cladem ab Romanis defecerat; nec loco satis tutoposita, nec præsidiis firmata. Negligentiam insitam ingenio ducis augebat spes ea, quod labare iis adversus Pœnum fidem senserat; postquam Salapia amissa excessisse his locis Annibalem in Bruttios auditum est. Ea omnia ab Herdonea per occultos nuntios delata Annibali, simul curam sociæ retinendæ urbis, & spem fecere incautum hostem aggre-

grediendi. Exercitu expedito, ita ut famam quoque præveniret, magnis itineribus ad Herdoneam contendit, & quo plus terroris hostis objiceret, acie instructa accessit. Pari audacia Romanus, consilio & viribus impar, copiis raptim eductis confixit. quinta legio, & sinistra ala acriter pugnam inierunt. Cæterum Annibal signo equitibus dato, ut cum pedestres acies occupassent præsentī certamine oculos animosque, circumvecti, pars castra hostium, pars terga oppugnantium invaderent: ipse Cn. Fulvii similitudinem nominis, quod Cn. Fulvium prætorem biennio ante in iisdem devicerat locis, increpans, similem eventum pugnae fore affirmabat. Neque ea spes vana fuit. Nam cum cominus acie & peditum certamine multi Romanorum cecidissent, starent tamen ordines, signaque; equestris tumultus a tergo, simul a castris clamor hostilis auditus, sextam ante legionem, quæ in secunda acie posita, prior ab Numidis turbata est, quintam deinde, atque eos, qui ad prima signa erant, avertit. Pars in fugam effusi, pars in medio cæsi; ubi & ipse Cn. Fulvius cum undecim tribunis militum cecidit. Romanorum, sociorumque quot cæsa in eo prælio millia sint, quis pro certo affirmet? cum tredecim milia alibi, alibi haud plus quam septem inveniam. castris, prædaque victor potitur. Herdoneam, quia & defecturam fuisse ad Romanos comperit, nec mansuram in fide, si inde abcessisset, multitudine omni Metapontum ac Thurios traducta, incendit: principes, qui cum Fulvio colloquia occulta habuisse comperti sunt, perempti. Romani, qui ex tanta clade evaserant, diversis itineribus semiermes ad Marcellum confu-

lem in Samnium confugerunt. Marcellus nihil admodum tanta clade territus, literas Romam ad senatum de duce, & exercitu ad Herdoneam amisso scribit. Cæterum *eundem se, qui post Cannensem pugnam ferocem victoriam Annibalem contudisset, ire adversus eum, brevem illi latitiam, qua exulter, facturum.* Et Romæ quidem cum luctus ingens ex præterito; tum timor in futurum erat. Consul ex Samnio in Lucanos transgressus ad Numistrone[m], in conspectu Annibalis, loco plano, cum Pœnus collem teneret, posuit castra. addidit & aliam fidentis speciem, quod prior in aciem eduxit. Nec deterectavit Annibal, ut signa portis efferri vidit. Ita tamen aciem instruxerunt, ut Pœnus dexterum cornu in collem erigeret, Romani sinistrum ad oppidum applicarent. Ab hora tertia cum ad noctem pugnam extendissent, fessæque pugnando primæ acies essent, ab Romanis prima legio, & dextra ala, ab Annibale Hispani milites, & funditores Baleares, elephanti quoque, commisso jam certamine, in prælium acti. Diu pugna neutro inclinata stetit. Primæ legioni tertia, dexteræ alæ sinistra subit. & apud hostes integri a fessis pugnam accipere. Novum atque atrox prælium ex tam segni repente exarsit, recentibus animis corporibusque. sed nox incerta victoria diremit pugnantes. Postero die Romani ab sole orto in multum diem steterunt in acie: ubi nemo hostium adversus prodiit, spolia per otium legere, & congestos in unum locum cremavere suos. Nocte insequenti Annibal silentio movit castra, & in Apuliam abiit. Marcellus, ubi lux fugam hostium aperuit, faucibus cum præsidio modico Numistrone relictis, præpositoque
his.

his L. Furio Purpureone tribuno militum. vestigiis institit sequi. Ad Venusiam adeptus est. Ibi per dies aliquot cum ab stationibus procurfaretur, mista equitum pedumque tumultuosa magis prælia, quam magna, & ferme omnia Romanis secunda fuerunt. Inde per Apuliam ducti exercitus sine ullo memorando certamine, cum Annibal nocte signa moveret, locum insidiis quærens; Marcellus, nisi certa luce, & explorato ante, non sequeretur.

CAPUT II.

Aliquot Campanorum de incendendis testis Romani exercitus, qui ad Capuam erat, conjurant: detecti, atque comprehensi supplicio a Q. Fulvio afficiantur.

C^{ap}uæ interim Flaccus dum bonis principum vendendis, agro, qui publicatus fuerat, locando (locavit autem omne frumentum) tempus terit, ne deesset materia in Capuanos sæviendi, novum in occulto gliscens per indicium protractum est facinus. milites ædificiis emotos, simul ut cum agro testæ urbis fruenda locarentur, simul metuens, ne suum quoque exercitum, sicut Annibalis, nimia urbis amœnitas emolliret, in portis murisque sibi metipsum testæ militariter coegerat ædificare. erant autem pleraque ex cratibus, aut tabulis facta, alia arundine texta, stramento intacta omnia, velut de industria alimentis ignis. Hæc noctis una hora ut omnia incenderent; CLXX Capuani, principibus fratribus Blossis, conjuraverant. indicio ejus rei ex familia Blossiorum facto, portis repente jussu proconsulis clausis, cum ad ar-

ma, signo dato, milites concurrissent, comprehensi omnes, qui in noxa erant. & quæstione acriter habita, damnati, nequeque indicibus libertas, & æris dena millia data. Nucерinos, & Acerranos querentes ubi habitarent non esse, Acerris ex parte incensis, Nuceria deleta, Romam Fulvius ad senatum misit. Acerranis permissum, ut ædificarent quæ incensa erant. Nucерini Atellam, quia id maluerant, Atellanis Calatiam migrare jussis, traduci.

CAPUT III.

Præsidium cum frumento in arcem Tarentinam mittitur. jam instante comitiorum consularium tempore, ad ea habenda revocatur Romanus ex Sicilia Lavinus Cos.

4 **I**nter multas magnasque res, quæ nunc secundæ, nunc adversæ occupabant cogitationes hominum, ne Tarentinæ quidem arcis excidit memoria. M. Ogulnius, & P. Aquilius in Ætoliam legati ad frumentum coemendum, quod Tarentum portaretur, profecti: & mille milites de exercitu urbano, par numerus Romanorum, sociorumque eodem in præsidium cum frumento missi sunt. Jam æstas in exitu erat; comitiorumque consularium instabat tempus. sed literæ Marcelli negantis e Repub. esse, vestigium abscedi ab Annibale, cui cedenti, certamenque abnuenti gravius ipse instaret, curam injecerant, ne aut consulem tum maxime res agentem a bello avocarent, aut in annum consules deessent. Optimum visum est, quanquam extra Italiam esset, Valerium potius consulem ex Sicilia revocare. Ad eum literæ jussu senatus.

tus ab L. Manlio, prætore urbano, missæ cum literis consulis M. Marcelli: ut ex iis nosceret, quæ causa patribus eum potius, quam collegam revocandi ex provincia esset.

CAPUT IV.

Cum legati regis Syphacis ad petendam amicitiam Romam venissent, Senatus & ipse legatos cum donis ad regem mittit: cum Ptolemao quoque rege Alexandria, & Cleopatra amicitia renovatur. Nunciata prodigia procurantur.

EO fere tempore legati ab rege Syphace Romam venerunt, quæ is prospera prælia cum Carthaginiensibus fecisset, memorantes. Regem nec inimiciorem ulli populo, quam Carthaginiensi, nec amiciorem, quam Romano affirmabant esse. misisse eum antea legatos in Hispaniam ad Cn. & P. Cornelios Scipiones, imperatores Romanos. nunc ab ipso velut fonte petere Romanam amicitiam voluisse. Senatus non legatis modo benigne respondit, sed & ipse legatos cum donis ad regem misit, L. Genutium, P. Pœtellium, P. Popillium. Dona tulere, togam, & tunicam purpuream, sellam-eburneam, patenam auream ex quinque pondo factam. Protinus & alios Africæ Regulos iussi adire. iis quoque quæ darentur, portata, togæ prætextæ, & ternum pondo pateræ aureæ. Et Alexandriam ad Ptolemæum Cleopatram. que Reges M. Atilius, & M. Acilius legati ad commemorandam renovandamque amicitiam missi dona tulere, Regi togam, & tunicam purpuream cum sella eburnea: Reginæ pallam pictam cum amiculo purpureo.

reō. Multa ea æstate. qua hæc facta sunt, ex propinquis urbibus agrisque nuntiata sunt prodigia. Tusculi agnum cum ubere lactanti natum: Jovis ædis culmen fulmine ictum, ac prope omni tecto nudatum. Iisdem ferme diebus Anagninæ terram ante portam ictam diem ac noctem sine ullo ignis alimento arsisse: & aves ad compitum Anagninum in luco Dianæ nidos in arboribus reliquisse. Tarracinæ in mari, haud procul portu, angues magnitudinis miræ lascivientium piscium more exultasse: Tarquiniis porcum cum ore humano genitum. Et in agro Capenate ad lucum Feroniæ IV. signa sanguine multo diem, ac noctem sudasse; Hæc prodigia hostiis majoribus procurata decreto pontificum: & supplicatio diem unum Romæ ad omnia pulvinaria, alterum in Capenate agro ad Feroniæ lucum iudicta.

C A P U T V.

M. Valerius Lavinius Cos. cum literis accitus Romam pervenisset, res ab se gestas in senatu exponit: commemoratis eorum meritis, quorum opera in Sicilia debellasset, cum omnibus a senatu habiti honores essent, M. tinos etiam civis Romanus fit.

- 5 **M** Valerius consul literis excitus provincia exercituque mandato Cincio prætori, M. Valerio Messala præfecto classis cum parte navium in Africam prædatum simul, speculatumque, quæ populus Carthaginienſis ageret, pararetque, misso, ipse X. navibus Romam profectus cum prospere pervenisset, senatum extemplo habuit: ubi de suis rebus gestis commemoravit. *Cum*
- annos

annos prope LX. in Sicilia terra marique saepe magnis cladibus bellatum esset, se eam provinciam confecisse: neminem Carthaginiensem in Sicilia esse, neminem Siculum; qui metu inde fugati abfuerint, non esse. omnes in urbes, agrosque suos reductos, arare, ferere: desertam recoli tandem terram, frugiferam ipsis cultoribus, populoque Romano pace ac bello fidissimum annona subsidium. Exin Mutine, & si quorum aliorum merita erga populum Rom. erant, in senatum introductis; honores omnibus ad exolvendam fidem consulis habiti. Mutines etiam civis Romanus factus, rogatione ab tribuno pleb. ex auctoritate patrum ad plebem lata.

CAPUT VI.

Reversus in Siciliam ex Africa, quo pradam profectus fuerat, M. Valerius Messala, de ingenti Carthaginiensium apparatu literas ad cos. Lavinum Romam mittit: Dictatorem extemplo habendis comitiis cum dici placeret, teneretque disceptatio, quod Lavinus extra agrum Romanum diceret M. Valerium Messalam, tandem a Marcello cos. Q. Fulvius, qui ad Capuam erat, Dictator dicitur.

DUm hæc Romæ geruntur, M. Valerius Messala L. navibus cum ante lucem ad Africam accessisset, improvise in agrum Ticensem excursionem fecit: eamque late depopulatus, multis mortalibus cum alia omnis generis præda captis, ad naves rediit; atque Siciliam transmisit: tertiodécimo die, quam profectus inde erat, Lilybæum reductus. Ex captivis, quæstione habita:

bita, hæc comperta, consuli que Lævino omnia ordine perscripta, ut sciret, in quo statu res Africæ essent. *Quinque millia Numidarum cum Massanissa Gala filio, acerrimo juvene, Carthagine esse: & alios per totam Africam milites mercede conduci, qui in Hispaniam ad Asdrubalem traicerentur, ut is quam maximo exercitu primo quoque tempore in Italia transgressus jungeret se Annibali. in eo positam victoriam credere Carthaginienses. classem præterea ingentem apparari ad Siciliam repetendam, eamque se credere brevi trajeturam.* Hæc, recitata a consule, ita movere senatum, ut non expectanda comitia consulis censeret, sed dictatore comitiorum habendorum causa dicto, extemplo in provincia redeundum. Illa disceptatio tenebat, quod consul in Sicilia se M. Valerium Messalam, qui tum classi præesset, dictatorem dicturum esse agebat: patres extra Romanum agrum (eum autem Italia terminari) negabant dictatorem dici posse. M. Lucretius tribunus pl. cum de ea re consuleret, ita decrevit senatus, ut consul prius, quam ab urbe discederet, populum rogaret, quem dictatorem dici placeret: eumque, quem populus iussisset, dictatorem diceret. si consul noluisset, prætor urbanus populum rogaret. si ne is quidem vellet, tum tribuni ad plebem ferrent. Cum consul se populum rogaturum negasset, quod suæ potestatis esset, prætoremque vetuisset rogare: tribuni plebis rogarunt, plebesque scivit, ut Q. Fulvius, qui tum ad Capuam erat, dictator diceretur. Sed quo die id plebis concilium futurum erat, consul clam nocte in Siciliam abiit. destitutique patres litteras ad M. Claudium mittendas consueverunt, ut desertæ ab collega Reip. subviret, di-

cæretque , quem populus jussisset , dictatorem . Ita a M. Claudio consule Q. Fulvius dictator dictus , & ex eodem plebiscito a Q. Fulvio dictatore P. Licinius Crassus pontifex maximus magister equitum dictus .

CAPUT VII.

Comitia creandis consulibus habente Q. Fulvio Dictatore , ipse quartum post magnum certamen , & Q. Fabius Maximus quintum Consules creantur .

Dictator , posteaquam Romam venit , Cn. 6.
Sempronium Blæsum legatum , quem ad Capuam habuerat , in Etruriam provinciam ad exercitum misit , in locum C. Calpurnii prætoris : quem , ut Capuæ , exercituique suo præfset , literis excivit . ipse comitia , in quem diem primum potuit , edixit : quæ , certamine inter tribunos dictatoremque injecto , perfici non potuerant . Galeria juniorum , quæ sorte prærogativa erat , Q. Fulvium , & Q. Fabium consules dixerat . eodemque jure vocatæ inclinassent , ni tribuni pl. C. & L. Arennii se interposuissent : qui neque magistratum continuari satis civile esseiebant , & multo scædioris exempli , eum ipsum creari , qui comitia haberet , itaque si suum nomen dictator acciperet , se comitiis intercessuros : si aliorum , præterquam ipsius , ratio haberetur , comitiis se moram non facere . Dictator causam comitiorum auctoritate senatus , plebiscito , exemplisque tutabatur . Nam Cn. Servilio Conf. cum C. Flaminio alter consul ad Trasymenum cecidisset , ex auctoritate patrum ad plebem latum , plebemque scivisse , ut , quoad bellum in Italia

lia elset, ex iis, qui consules fuissent, quos, & quoties vellet, reficiendi consules populus esset. exemplaque ea in re se habere, vetus L. Postumii Megelli, qui interrex iis comitiis, quæ ipse habuisset, consul cum Cn. Junio Bubulco creatus esset: recens Q. Fabii, qui sibi continuari consulatum, nisi id bono publico fieret, profecto nunquam scivisset. His orationibus cum diu certatum esset, postremo ita inter dictatorem, ac tribunos convenit, ut eo, quod censuisset senatus, staretur. Patribus id tempus Reip. visum est, ut per veteres, & expertos, bellicque peritos imperatores Resp. gereretur. itaque moram fieri comitiis non placere. Concedentibus tribunis, comitia habita. Declarati consules Q. Fabius Maximus quintum, Q. Fulvius Flaccus quartum. Prætores creati L. Veturius Philo, T. Quinctius Crispinus, C. Hostilius Tubulus, C. Aurunculejus. Magistratibus in annum creatis, Q. Fulvius dictatura se abdicavit.

G A P U T V I I I .

Classis Punica ex Sardinia cum praeda in Africam redit: Roma mortuis aliquot sacerdotibus novi sufficiuntur: creati censores nihil memorabile agunt: ab Ædilibus curulibus, & plebeiis ludi fiunt: nuntius expugnata a P. Scipione Carthaginis Nova C. Lælius Romam pervenit:

EXtremo ætatis hujus classis Punica navium XL. cum præfecto Amilcare in Sardiniam trajecta, Olbientem primo, dein postquam ibi P. Manlius Vulso prætor cum exercitu apparuit, circumacta inde ad alterum insulæ latus, Caralitanum agrum va-

sta.

stavit: & cum præda omnis generis in Africam rediit. Sacerdotes Romani eo anno mortui aliquot suffectique. C. Servilius pontifex factus in locum T. Otacilii Crassi, Decemvir item sacris faciundis in locum T. Sempronii T. F. Longi T. Sempronius C. F. Longus suffectus. M. Marcius, rex sacrorum, mortuus est, & M. Æmilius Papus maximus curio: neque in eorum locum sacerdotes eo anno suffecti. Et censores hic annus habuit L. Veturium Philonem, & P. Licinium Crallum, pontificem maximum. Crassius Licinius nec consul, nec prætor ante fuerat, quam censor est factus: ex ædilitate gradum ad censuram fecit. Sed hi censores neque senatum legerunt, nec quiequam publicæ rei egerunt. Mors diremit L. Veturii. inde & Licinius censura se abdicavit. Ædiles curules L. Veturius, & P. Licinius Varus ludos Romanos diem unum instaurarunt. Ædiles plebis Q. Catius, & L. Portius Licinius ex mulctatio argento signa ænea ad Cereris dedere: & ludos pro temporis hujus copia magnifici apparatus fecerunt. Exitu anni hujus, die IV. & XXX., quem ab Tarracone profectus erat Lælius Romam venit. isque cum agmine captivorum ingressus urbem, magnum concursum hominum fecit. Postero die in senatum introductus, captam Carthaginem, caput Hispaniæ uno die, receptasque aliquot urbes, quæ defecissent, novasque in societatem ascitas, exposuit. Ex captivis comperta his fere congruentia, quæ in literis fuerant M. Valerii Messalæ. Maxime movit patres Asdrubalis transitus in Italiam, vix Annibali atque ejus armis obsistentem. Productus in concionem Lælius eadem disseruit. Senatus ob res feliciter a Pub. Scipione gestas suppli-

plicationem in unum diem decrevit. C. Læ-
 lum primo quoque tempore, cum quibus ve-
 nerat navibus, redire in Hispaniam iussit.
 Carthaginis expugnationem in hunc annum
 contuli, multis auctoribus, haud nescius
 quosdam esse, qui anno insequenti captam
 tradiderint. sed mihi minus simile veri vi-
 sum est, annum integrum Scipionem nihil
 gerendo in Hispania consumpsisse.

C A P U T IX.

*Romanorum exercituum, & provinciarum
 partitio.*

U. C. 541 **Q.** Fabio Máximo quintum, Q. Fulvio Flac-
 co quartum consulibus Idibus Martiis,
 quo die magistratum inierunt, Italia ambo-
 bus provincia decreta: regionibus tamen par-
 titum imperium: Fabius ad Tarentum, Ful-
 vius in Lucanis ac Bruttiis rem gereret. M.
 Claudio prorogatum in annum imperium.
 Prætores fortiti provincias: C. Hostilius Tu-
 bulus urbanam: L. Veturius Philo peregrin-
 nam cum Gallia: T. Quinctius Crispinus Ca-
 puam: C. Aurunculejus Sardiniam. Exerci-
 tus ita per provincias divisi. Fulvius duæ le-
 giones, quas in Sicilia M. Valerius Lævinus
 haberet: Q. Fabio, quibus in Etruria C. Cal-
 purnius præesset: exercitus urbanus ut in E-
 truriam succederet, C. Calpurnius eidem
 præesset provinciæ, exercituique. Capuam
 exercitumque, quem Q. Fulvius habuisset, T.
 Quinctius obtineret: C. Hostilius ab C. Læ-
 clorio pro prætore provinciam, exercitum-
 que, qui tum jam Arimini erat, acciperet. M.
 Marcello, quibus consul rem gesserat, legio-
 nes decretæ: M. Valerio cum L. Cincio (his
 quo-

quoque enim prorogatum in Sicilia imperium) Cannensis exercitus datus; eumque supplere ex militibus, qui ex legionibus Cn. Fulvii superessent, iussi. Conquisitos eos consules in Siciliam miserunt: additaque eadem militiæ ignominia, sub qua Cannenses militabant: quique ex prætoris Cn. Fulvii exercitu ob similis iram fugæ missi eo ab senatu fuerant. C. Aurunculejo eadem in Sardinia legiones, quibus P. Manlius Vulso eam provinciam obtinuerat, decretæ. P. Sulpitio eadem legione, eademque classe Macedoniam obtinere iussio, prorogatum in annum imperium. XXX. quinqueres ex Sicilia Tarentum ad Q. Fabium consulem mitti iussæ: cætera classe placere prædatum in Africam aut ipsum M. Valerium Lævinum trajicere, aut mittere, seu L. Cincium, seu M. Valerium Messalam vellet. Nec de Hispania quicquam mutatum, nisi quod non in annum Scipioni, Silanoque, sed donec revocati ab senatu forent, prorogatum imperium est. ita provinciæ, exercitusque in eum locum partita imperia.

CAPUT X.

*Primus ex plebe C. Mamilius Vitulus creatur maximus Curio: C. Flaccus, ut capitis cura sacrorum vitiosos mores exuat, invitatus inaugu-
ratur Flamen Dialis: hic, repente mutato
vita genere, vetustum ius sacerdoti jamin-
termissum repetens, in senatum, maxime pro-
pter sanctitatis opinionem, introducitur.*

INter majorum rerum curas comitia maxi-
mi curionis, cum in locum M. Æmilii
sacerdos crearetur, vetus excitaverunt cer-
tamen, patriciis negantibus, C. Mamili Vi-
tu-

tuli, qui unus ex plebe petebat, habendam rationem esse, quia nemo ante eum, nisi ex patribus, id sacerdotium habuisset. Tribuni appellati, ad senatum rejecerunt. senatus populo potestatem fecit. Ita primus ex plebe creatus Maximus curio C. Mamilius Vitulus. Et flaminem dialem invitum inaugurari coegit P. Licinius pontifex maximus C. Valerium Flaccum. decemvir sacris faciundis creatus in locum Q. Mutii Scævolaë demortui C. Læstorius. Causam inaugurari coacti flaminis libens reticuissem, ni ex mala fama in bonam vertisset. Ob adolescentiam negligentem, luxuriosamque C. Flaccus Flamen captus a P. Licinio pontifice maximo erat, L. Flacco fratri germano, cognatisque aliis ob eadem vitia invisus. Is, ut animum ejus cura sacrorum, & cæremoniarum cepit, ita repente exiit antiquos mores, ut nemo tota juventute haberetur prior, nec probatior primoribus patrum, suis pariter, alienisque esset. Hujus famæ consensu elatus ad justam fiduciam sui, rem intermissam per multos annos ob indignitatem flaminum priorum repetivit, ut in Senatum introiret. Ingressum eum curiam cum P. Licinius prætor inde eduxisset, tribunos plebis appellavit flamen. Vetustum jus sacerdotii repetebat. datum id cum toga prætexta, & sella curuli C. Flaminio esse. Prætor non exoletis vetustate annalium exemplis stare jus, sed recentissimæ cujusque consuetudinis usu volebat. nec patrum, nec avorum memoria dialem ququam id jus usurpasse. Tribuni rem inertia flaminum oblitteratam ipsis, non sacerdotio damno fuisse cum æquum censuissent, ne ipso quidem contra tendente prætore, magno assensu patrum plebisque flaminem in sena-

natum introduxerunt; omnibus ita existimantibus, magis sanctitate vitæ, quam sacerdotii jure, rem eam flaminem obtinuisse.

CAPUT XI.

Consules qua ad bellum opus sunt, expediunt: deductis ex Sicilia duabus legionibus, & triginta quinquereimis, nihilominus vires ibi egregie supplet M. Valerius proconsul; qui summa cura omnia tutando, atque inspiciendo, Insula agrorum culturam restituit.

Consules prius, quam in provincias irent, duas urbanas legiones in supplementum, quantum opus erat cæteris exercitibus militum, scripserunt. Urbanum veterem exercitum Fulvius Consul C. Fulvio Flacco legato (frater hic consulis erat) in Etruriam dedit ducendum, & legiones, quæ in Etruria erant, Romam deducendas. Et Fabius consul reliquias exercitus Fulviani conquistas (fuerunt autem ad tria millia CCCXXXVI) Q. Maximum filium ducere in Siciliam ad M. Valerium proconsulem jussit, atque ab eo duas legiones, & triginta quinquereimes accipere. Nihil eductæ ex insula legiones minuerunt nec viribus, nec specie ejus provinciae præsidium. nam cum, præter egregie suppletas duas veteres legiones, transfugarum etiam Numidarum equitum peditumque magnam vim haberet; Sículos quoque, qui in exercitu Epicidis, aut Penorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum
fer-

servavit: altero L. Cincium partem insulæ, qua regnum Hieronis fuerat, tueri iussit: altero ipse cæteram insulam tuebatur, divisam quondam Romani, Punicique imperii finibus. Classis quoque navium LXX parata, ut omni ambitu litorum præsidia oræ maritimæ essent. Ipse cum Mutinis equitatu provinciam peragrabat, ut viseret agros, cultaque ab incultis notaret, & perinde dominos laudaret, castigaretque. Ita tantum ea cura frumenti provenit, ut & Romam mitteret, & Catanam conveheret, unde exercitui, qui ad Tarentum æstiva acturus esset, posset præberi.

C A P U T XII.

Propter transportatos in Siciliam Cannenses milites, quorum major pars Latini nominis erat, inter populi Romani colonias fremitus oritur: quarum duodecim, missis Romanam legatis, munera militia detrectant.

• CÆterum transportati milites in Siciliam, (& erat major pars Latini nominis, sociorumque) prope magni motus causa fuere. adeo ex parvis sæpe magnarum momenta rerum pendent. fremitus enim inter Latinos, sociosque in conciliis ortus. Decimum annum delectibus, & stipendiis exhaustos esse. quotannis ferme clade magna pugnare. alios in acie occidi, alios morbo absumi. magis perire sibi civem, qui ab Romano miles lectus sit, quam qui a Pæno captus. quippe ab hoste gratis remitti in patriam, ab Romanis extra Italiam in exilium verius, quam in militiam ablegari. octavumque ibi annum seseferre Cannensem militem,

ma-

moriturum ante , quam Italia hostis (quippe nunc cum maxime florens viribus) excedat . si veteros milites non redeant in patriam , novi legantur , brevi neminem superfuturum . itaque quod propediem res ipsa negatura sit , prius , quam ad ultimam felitudinem , atque egestatem perveniant , negandum populo Romano esse , si consentientes in hoc socios videant Romani , profecto de pace cum Carthaginensibus jungenda cogitaturos . aliter nunquam , vivo Annibale , sine bello Italiam fore . Hæc acta in conciliis . Triginta tum coloniæ populi Romani erant . ex iis XII , cum omnium legationes Romæ essent , negaverunt consulibus , esse unde milites , pecuniamque darent . Eæ fuere , Ardea , Nepes , Sutrium , Circeii , Alba , Carseoli , Sueffa , Sora , Setia , Cales , Narnia , Interamna . Nova re consules isti , cum abstertere eos a tam detestabili consilio vellet , castigando increpandoque plus , quam leniter agendo profecturos rati , eos ausos esse consulibus dicere ajebant , quod consules , in senatu ut pronuntiarent , in animum inducere non possent . non enim detractionem eam munerum militia , sed apertam defectionem a populo Romano esse . Redirent itaque propere in colonias , & , tanquam integra re , locuti magis , quam ausi tantum nefas , cum suis consulerent : admonerent , non Campanos , neque Tarentinos eos esse , sed Romanos : inde oriundos , inde in colonias , atque in agrum bello captam stirpis augenda causa missos : qua liberi parentibus deberent , ea illos Romanis debere , si ulla pietas , si memoria antiquæ patria esset . Consulerent igitur de integro . nam tum quidem qua temere agitassent , ea prodendi imperii Romani , tradenda Anni-

bali victoria esse. Cum alternis hæc consules
 * al. * demonstrassent, nihil moti legati, neque
 diu se quod domum renuntiarent, habere di-
 ja- xerunt, neque senatum suum, quid novi
 etas- consuleret, ubi nec miles, qui legeretur,
 sent. nec pecunia, quæ daretur in stipendium,
 esset. Cum obstinatos eos viderunt consu-
 les, rem ad senatum detulerunt. ubi tan-
 tus pavor animis hominum est injectus, ut
 magna pars actum de imperio dicerent. idem
 alias colonias facturas, idem socios consen-
 sisse omnes ad prodendam Annibali urbem
 Romam. Consules hortari, & consolari
 10 senatum, & dicere, alias colonias in fi-
 de, atque officio pristino fore, eas quo-
 que ipsas, quæ officio decesserint, si legati
 circa eas colonias mittantur, qui castigent,
 non qui precentur, verecundiam imperii ha-
 bituras esse. Permissum ab senatu iis cum
 esset, agerent, facerentque, ut e Repub.
 ducerent, pertentatis prius aliarum colo-
 niarum animis, citaverunt legatos; quæsi-
 veruntque ab iis, ecquid milites ex formu-
 la paratos haberent? Pro duodeviginti co-
 loniis M. Sextilius Fregellanus respondit,
 & milites ex formula paratos esse, &, si
 pluribus opus esset, plures duros, &
 quicquid aliud imperaret, velletque popu-
 lus Romanus, enixe facturos: ad id sibi ne-
 que opes deesse, animum etiam superesse.
 Consules sibi parum videri præfati pro me-
 rito eorum, sua voce collaudari eos, nisi
 universi patres in curia gratias egissent, se-
 qui in senatu iusserunt. Senatus quam po-
 terat honoratissimo decreto allocutus eos,
 mandat consulibus, ut ad populum quoque
 eos producerent, & inter multa alia præ-
 clara, quæ ipsis, majoribusque suis præsti-
 tis-

visissent, recens etiam meritum eorum in Remp. commemorarent. Ne nunc quidem post tot sæcula fideantur, fraudenturve laude sua. Signini fuere, [Norbani, Siculoanque, & Brundusini, & Fregellani, & Lucerini, & Venusini, & Adriani, & Firmani, & Ariminenses, & ab altero mari, Pontiani, & Pæstani, & Cossani: & mediterranei, Beneventani, & Æterni, & Spoletani, & Placentini, & Cremonenses. Harum coloniarum subsidio tum imperium populi Rom. stetit. iisque gratiæ & in senatu, & apud populum actæ. Duodecim aliarum coloniarum, quæ detrectaverunt imperium, mentionem fieri patres vetuerunt: neque illos dimitti, neque retineri, neque appellari a consulibus. Ea tacita castigatio maxime ex dignitate populi Romani visa est.

CAPUT XIII.

Ultima jam Reipublica necessitate cogente aurum vicesimarium e sanctiore ærario promittitur: prodigia quoque procurantur.

Cætera expedientibus, quæ ad bellum opus erant, consulibus, aurum vicesimarium, quod in sanctiore ærario ad ultimos casus servaretur, promi placuit. prompta ad quatuor millia pondo auri. Inde quingena pondo data consulibus, & M. Marcello, & P. Sulpitio procons. & L. Veturio prætori, qui Galliam provinciam sortitus erat. additumque Fabio consuli C pondo auri præcipuum. quod in arcem Tarentinam portaretur. cætero usi sunt ad vestimenta præsentī pecunia locanda exercitui,

qui in Hispania bellum secunda sua fama, du-
 61 cisque gerebat. Prodigia quoque prius quam
 ab urbe consules proficiscerentur, procurari
 placuit. In Albano monte tacta de cœlo e-
 rant, signum Jovis, arborque templo pro-
 pinqua, & Ostiæ lacus, & Capuæ murus,
 Fortunæque ædes, Sinuessæ murus portaq:.
 Hæc de cœlo tacta. Cruentam etiam fluxis-
 se aquam Albanam, quidam auctores erant.
 Et Romæ intra cellam ædis Fortis Fortunæ
 de capite signum, quod in corona erat, in
 manus sponte sua prolapsum. Et Priverni
 fatis constabat, bovem locutum, vulturem-
 que frequenti foro in tabernam devolasse. Et
 Sinuessæ natum ambiguo inter marem ac fœ-
 minam sexu infantem, quos androgynos vul-
 gus, ut pleraque faciliore ad duplicanda ver-
 ba græco sermone, appellat, & lacte plu-
 visse, & cum elephanti capite puerum na-
 tum. Ea prodigia hostiis majoribus procu-
 rata, & supplicatio circa omnia pulvina-
 ria, & obsecratio in unum diem indicta.
 & decretum, ut C. Hostilius prætor ludos
 Apollini, sicut his annis voti, factique e-
 rant, voveret faceretque.

CAPUT XIV.

*Creati censes Q. Fabium Maximum post lon-
 gum certamen principem senatus legunt ;
 alio lecto senatu, ad mores corrigendos se
 convertunt.*

PER eos dies & censoribus creandis Q. Ful-
 vius consul comitia habuit. Creati cen-
 sores, ambo, qui nondum consules fuerant,
 M. Cornelius Cethegus, P. Sempronius
 Tuditanus. Hi censes ut agrum Campanum
 fruen-

fruendum locarent, ex auctoritate patrum latum ad plebem est, plebesque scivit. Senatuslectionem contentio inter ceusores de principe legendo tenuit. Sempronii lectio erat. Cæterum Cornelius morem traditum a patribus sequendum agebat, ut qui primus censor ex iis, qui viverent, fuisset, eum principem legerent. (is T. Manlius Torquatus erat) Sempronius, cui dii sortem legendi dedissent, ei jus liberum eosdem dedisse deos. se id suo arbitrio facturum, lecturumque Q. Fabium Maximum, quem tum principem Romanæ civitatis esse, vel Annibale iudice victurus esset. Cum diu certatum esset verbis, concedente collega, lectus a Sempronio princeps in senatu Q. Fabius Maximus consul. Inde alius lectus senatus, octo præteritis, inter quos L. Cæcilius Metellus erat, infamis auctor deferendæ Italiæ post Cannensem cladem. in equestribus quoque notis eadem servata causa, sed erant per pauci, quos ea infamia attingeret. Illis omnibus, (& multi erant) adempti equi, qui Cannensium legionum equites in Sicilia erant, addiderunt acerbitati etiam tempus, ne præterita stipendia procederent iis, qui equo publico meruerant, sed dena stipendia equis privatis facerent. Magnum præterea numerum eorum conquiverunt, qui equo merere deberent: atque ex iis, qui principio ejus belli; septem & decem annos nati fuerant, neque militaverant, omnes ærarios fecerunt. Locaverunt inde reficienda, quæ circa forum incendio consumpta erant, VII. tabernas, macellum, atrium regium,

CAPUT XV.

Proficiscentibus ad bellum consulibus, Marcellus, ut Annibalem, dum a Fabio Tarentum oppugnatur, bello detineat, cedentem insequitur: pralio commisso, Annibal, orta ab Romanis fuga, superior est.

¹² **T**Ransactis omnibus, quæ Romæ agenda erant, consules ad bellum profecti prior Fulvius prægressus Capuam. post paucos dies consecutus Fabius, qui & collegam coram obtestatus, & per literas Marcellum, ut quam acerrimo bello detineret Annibalem, dum ipse Tarentum oppugnaret; ea urbe adempta, hosti undique pulso; nec ubi consisteret, nec quid fidum respiceret, habenti, ne remorandi quidem causam in Italia fore. Rhegium etiam nuntium mittit ad præfectum præsidii, quod ab Lævino Cons. adversus Bruttios ibi locatum erat. octo millia hominum, pars maxima ab Agathirna (sicut ante dictum est) ex Sicilia traducta, rapto vivere hominum assuetorum. additi erant Bruttiorum indidem perfugæ & audacia, & ad audendum omnia necessitatibus pares. Hanc manum ad Bruttium primum agrum depopulandum duci iussit: inde ad Cauloniam urbem oppugnandam. Imperata non impigre solum, sed etiam avidè executi, direptis fugatisque cultoribus agri, summa vi urbem oppugnabant. Marcellus consulis literis excitus, & quia ita in animum induxerat, neminem ducem Romanum tam parem Annibali, quam se esse: ubi primum in agris pabuli copia fuit, exhibernis profectus, ad Canusium Anniba-

li occurrit. Sollicitabat ad defectionem Canusinos Pœnus. cæterum ut appropinquare Marcellum audivit, castra inde movit. Aperta erat regio sine ullis ad insidias latebris: itaque in loca saltuosa cedere inde cœpit. Marcellus vestigiis instabat, castraque castris conferebat: & opere perfecto, extemplo in aciem legiones educebat. Annibal turmatim per equites, peditumque jaculatores levia certamina ferens, casum universæ pugnae non necessarium ducebat. tractus est tamen ad id, quod vitabat, certamen. Nocte prægressum eum assequitur locis planis ac patentibus Marcellus. castra inde ponentem, pugnando undique in munitores, operibus prohibet. Ita signa collata, pugnatumque totis copiis; &, cum jam non instaret, Marte æquo discessum est. castra exiguo distantia spatio raptim ante noctem permunita. Postero die luce prima Marcellus in aciem copias eduxit. Nec Annibal detrectavit certamen, multis verbis adhortatus milites, ut memores *Trasymeni*, *Cannarumque*, cernerent ferociam hostis. urgere, atque instare eum? non iter quietos facere, non castra ponere pati, non respirare aut circumspicere. quotidie simul orientem solem, & Romanam aciem in campis videndam esse. sinno praelio haud incruentus abeat, quietius deinde tranquilliusque eum bellaturum. His irritati adhortationibus, simulque tædio ferociæ hostium quotidie instantium laceffentiumque, acriter prælium ineunt. Pugnatum amplius duabus horis est. cedere inde ab Romanis dextra ala, & extraordinarii cœpere. quod ubi Marcellus vidit, duodevicesimam legionem in primam aciem inducit. Dum alii trepidi cedunt, alii segniter subeunt, turbata tota

tuli, qui unus ex plebe petebat, habendam rationem esse, quia nemo ante eum, nisi ex patribus, id sacerdotium habuisset. Tribuni appellati, ad senatum rejecerunt. senatus populo potestatem fecit. Ita primus ex plebe creatus Maximus curio C. Mamilius Vitulus. Et flaminem dialem invitum inaugurari coegit P. Licinius pontifex maximus C. Valerium Flaccum. decemvir sacris faciundis creatus in locum Q. Mutii Scævolaë demortui C. Læstorius. Causam inaugurari coacti flaminis libens reticuissem, ni ex mala fama in bonam vertisset. Ob adolescentiam negligentem, luxuriosamque C. Flaccus Flamen captus a P. Licinio pontifice maximo erat, L. Flacco fratri germano, cognatisque aliis ob eadem vitia invisus. Is, ut animum ejus cura sacrorum, & cæremoniarum cepit, ita repente exiit antiquos mores, ut nemo tota juventute haberetur prior, nec probatior primoribus patrum, suis pariter, alienisque esset. Hujus famæ consensu elatus ad justam fiduciam sui, rem intermissam per multos annos ob indignitatem flaminum priorum repetiit, ut in Senatum introiret. Ingressum eum curiam cum P. Licinius prætor inde eduxisset, tribunos plebis appellavit flamen. Vetustum jus sacerdotii repetebat. datum id cum toga prætexta, & sella curuli C. Flaminio esse. Prætor non exoletis vetustate annalium exemplis stare jus, sed recentissimæ cujusque consuetudinis usu volebat. nec patrum, nec avorum memoria dialem ququam id jus usurpasse. Tribuni rem inertia flaminum obliteratam ipsis, non sacerdotio damno fuisse cum æquum censuissent, ne ipso quidem contra tendente prætore, magno assensu patrum plebisque flaminem in se-

natum introduxerunt; omnibus ita existimantibus, magis sanctitate vitæ, quam sacerdotii jure, rem eam flaminem obtinuisse.

CAPUT XI.

Consules qua ad bellum opus sunt, expediunt: deductis ex Sicilia duabus legionibus, & triginta quinquereimibus, nihilominus vires ibi egregie supplet M. Valerius proconsul; qui summa cura omnia tutando, atque inspiciendo, Insula agrorum culturam restituit.

Consules prius, quam in provincias irent, duas urbanas legiones in supplementum, quantum opus erat cæteris exercitibus militum, scripserunt. Urbanum veterem exercitum Fulvius Consul C. Fulvio Flacco legato (frater hic consulis erat) in Etruriam dedit ducendum, & legiones, quæ in Etruria erant, Romam deducendas. Et Fabius consul reliquias exercitus Fulviani conquistatas (fuerunt autem ad tria millia CCCXXXVI) Q. Maximum filium ducere in Siciliam ad M. Valerium proconsulem jussit, atque ab eo duas legiones, & triginta quinquereimes accipere. Nihileductæ ex insula legiones minuerunt nec viribus, nec specie ejus provinciae præsidium. nam cum, præter egregie suppletas duas veteres legiones, transfugarum etiam Numidarum equitum peditumque magnam vim haberet; Siculos quoque, qui in exercitu Epicidis, aut Pænorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum
 sex.

servavit: altero L. Cincium partem insulæ, qua regnum Hieronis fuerat, tueri iussit: altero ipse cæteram insulam tuebatur, divisam quondam Romani, Punicique imperii finibus. Classis quoque navium LXX parata, ut omni ambitu litorum præsidia oræ maritimæ essent. Ipse cum Mutinis equitatu provinciam peragrabat, ut viseret agros, culturaque ab incultis notaret, & perinde dominos laudaret, castigaretque. Ita tantum ea cura framenti provenit, ut & Romam mitteret, & Catanam conveheret, unde exercitui, qui ad Tarentum æstiva acturus esset, posset præberi.

CAPUT XII.

Propter transportatos in Siciliam Cannenses milites, quorum major pars Latini nominis erat, inter populi Romani colonias fremitus oritur: quarum duodecim, missis Romanam legatis, munera militia detrectant.

- 9 CÆterum transportati milites in Siciliam, (& erat major pars Latini nominis, sociorumque) prope magni motus causa fuere. adeo ex parvis sæpe magnarum momenta rerum pendent. fremitus enim inter Latinos, sociosque in conciliis ortus. Decimum annum delectibus, & stipendiis exhaustos esse. quotannis ferme clade magna pugnare. alios in acie occidi, alios morbo absumi. magis perire sibi civem, qui ab Romano miles lectus sit, quam qui a Pœno captus. quippe ab hoste gratis remitti in patriam, ab Romanis extra Italiam in exilium verius, quam in militiam ablegari. octavumque ibi annum senescere Cannensem militem,

moriturum ante, quam Italia hostis (quippe nunc cum maxime florens viribus) excedat. si veteros milites non redeant in patriam, novi legantur, brevi neminem superfuturum. itaque quod propediem res ipsa negatura sit, prius, quam ad ultimam solitudinem, atque egestatem perveniant, negandum populo Romano esse, si consentientes in hoc socios videant Romani, profecto de pace cum Carthaginensibus jungenda cogituros. aliter nunquam, vivo Annibale, sine bello Italiam fore. Hæc acta in conciliis. Triginta tum coloniarum populi Romani erant. ex iis XII, cum omnium legationes Romæ essent, negaverunt consulibus, esse unde milites, pecuniamque darent. Eas fuere, Ardea, Nepes, Sutrium, Circeii, Alba, Carseoli, Sueffa, Sora, Setia, Cales, Narnia, Interamna. Nova re consules icti, cum abstertere eos a tam detestabili consilio vellet, castigando increpandoque plus, quam leniter agendo profecturos rati, eos ausas esse consulibus dicere ajebant, quod consules, in senatu ut pronuntiarent, in animum inducere non possent. non enim detractionem eam munerum militia, sed apertam defectionem a populo Romano esse. Redirent itaque propere in colonias, & tanquam integra re, locuti magis, quam ausi tantum nefas, cum suis consulerent: admonerent, non Campanos, neque Tarentinos eos esse, sed Romanos: inde oriundos, inde in colonias, atque in agrum bello captam stirpis augenda causa missos: qua liberi parentibus deberent, ea illos Romanis debere, si ulla pietas, si memoria antiquæ patria esset. Consulerent igitur de integro. nam tum quidem qua temere agitassent, ea prodendi imperii Romani, tradenda Anni-

bali victoria esse. Cum alternis hæc consules
 * al. * demonstrassent, nihil moti legati, neque
 diu se quod domum renuntiarent, habere di-
 ja- xerunt, neque senatum suum, quid novi
 etas- consuleret, ubi nec miles, qui legeretur,
 sent. nec pecunia, quæ daretur in stipendium,
 esset. Cum obstinatos eos viderunt consu-
 les, rem ad senatum detulerunt. ubi tan-
 tus pavor animis hominum est injectus, ut
 magna pars actum de imperio dicerent. idem
 alias colonias facturas, idem socios consen-
 sisse omnes ad prodendam Annibali urbem
 Romam. Consules hortari, & consolari
 10 senatum, & dicere, alias colonias in fi-
 de, atque officio pristino fore, eas quo-
 que ipsas, quæ officio decesserint, si legati
 circa eas colonias mittantur, qui castigent,
 non qui precentur, verecundiam imperii ha-
 bituras esse. Permissum ab senatu. iis cum
 esset, agerent, facerentque, ut e Repub.
 ducerent, pertentatis prius aliarum colo-
 niarum animis, citaverunt legatos; quæsi-
 veruntque ab iis, ecquid milites ex formu-
 la paratos haberent? Pro duodeviginti co-
 loniis M. Sextilius Fregellanus respondit,
 & milites ex formula paratos esse, &, si
 pluribus opus esset, plures duros, &
 quicquid aliud imperaret, velletque popu-
 lus Romanus, enixe facturos: ad id sibi ne-
 que opes deesse, animum etiam superesse.
 Consules sibi parum videri præfati pro me-
 rito eorum, sua voce collaudari eos, nisi
 universi patres in curia gratias egissent, se-
 qui in senatu iusserunt. Senatus quam po-
 terat honoratissimo decreto allocutus eos,
 mandat consulibus, ut ad populum quoque
 eos producerent, & inter multa alia præ-
 clara, quæ ipsis, maioribusque suis præsti-
 tis

tissent, recens etiam meritum eorum in Remp. commemorarent. Ne nunc quidem post tot sæcula sileantur, fraudentur vel laude sua. Signini fuere, Norbani, Siculoanique, & Brundusini, & Fregellani, & Lucerini, & Venusini, & Adriani, & Firmani, & Ariminenses, & ab altero mari, Pontiani, & Pæstani, & Cossani: & mediterranei, Beneventani, & Æterni, & Spoletani, & Placentini, & Cremonenses. Harum coloniarum subsidio tum imperium populi Rom. stetit. iisque gratiæ & in senatu, & apud populum actæ. Duodecim aliarum coloniarum, quæ detrectaverunt imperium, mentionem fieri patres vetuerunt: neque illos dimitti, neque retineri, neque appellari a consulibus. Ea tacita castigatio maxime ex dignitate populi Romani visa est.

CAPUT XIII.

Ultima jam Reipublica necessitate cogente aurum vicesimarium e sanctiore ærario promittitur: prodigia quoque procurantur.

Cætera expedientibus, quæ ad bellum opus erant, consulibus, aurum vicesimarium, quod in sanctiore ærario ad ultimos casus servaretur, promi placuit. prompta ad quatuor millia pondo auri. Inde quingena pondo data consulibus, & M. Marcello, & P. Sulpitio procons. & L. Veturio prætori, qui Galliam provinciam sortitus erat. additumque Fabio consuli C pondo auri præcipuum. quod in arcem Tarentinam portaretur. cætero usi sunt ad vestimenta præsentis pecunia locanda exercitui,

Tom. II. Y qui

qui in Hispania bellum secunda sua fama, du-
 cisque gerebat. Prodigia quoque prius quam
 ab urbe consules proficiscerentur, procurari
 placuit. In Albano monte tacta de cœlo e-
 rant, signum Jovis, arborque templo pro-
 pinqua, & Ostiæ lacus, & Capuæ murus,
 Fortunæque ædes, Sinuessiæ murus portaq:.
 Hæc de cœlo tacta. Cruentam etiam fluxis-
 se aquam Albanam, quidam auctores erant.
 Et Romæ intra cellam ædis Fortis Fortunæ
 de capite signum, quod in corona erat, in
 manus sponte sua prolapsum. Et Priverni
 fatis constabat, bovem locutum, vulturem-
 que frequenti foro in tabernam devolasse. Et
 Sinuessiæ natum ambiguo inter marem ac fœ-
 minam sexu infantem, quos androgynos vul-
 gus, ut pleraque faciliore ad duplicanda ver-
 ba græco sermone, appellat, & lacte plu-
 visse, & cum elephanti capite puerum na-
 tum. Ea prodigia hostiis majoribus procu-
 rata, & supplicatio circa omnia pulvina-
 ria, & obsecratio in unum diem indicta.
 & decretum, ut C. Hostilius prætor ludos
 Apollini, sicut his annis voti, factique e-
 rant, voveret faceretque.

C A P U T XIV.

*Creati censores Q. Fabium Maximum post lon-
 gum certamen principem senatus legunt :
 alio lecto senatu, ad mores corrigendos se
 convertunt.*

PER eos dies & censoribus creandis Q. Ful-
 vius consul comitia habuit. Creati cen-
 sores, ambo, qui nondum consules fuerant,
 M. Cornelius Cethegus, P. Sempronius
 Tuditanus. Hi censores ut agrum Campanum
 fruen-

fruendum locarent, ex auctoritate patrum latum ad plebem est, plebesque scivit. Senatuslectionem contentio inter ceusores de principe legendo tenuit. Sempronii lectio erat. Cæterum Cornelius morem traditum a patribus sequendum agebat, ut qui primus censor ex iis, qui viverent, fuisset, eum principem legerent. (is T. Manlius Torquatus erat) Sempronius, cui dii sortem legendi dedissent, ei jus liberum eisdem dedisse deos. se id suo arbitrio facturum, lecturumque Q. Fabium Maximum, quem tum principem Romanæ civitatis esse, vel Annibale iudice victuruseffet. Cum diu certatum esset verbis, concedente collega, lectus a Sempronio princeps in senatu Q. Fabius Maximus consul. Inde alius lectus senatus, octo præteritis, inter quos L. Cæcilius Metellus erat, infamis auctor deferendæ Italiæ post Cannensem cladem. in equestribus quoque notis eadem servata causa, sed erant perpauci, quos ea infamia attingeret. Illis omnibus, (& multi erant) adempti equi, qui Cannensium legionum equites in Sicilia erant, addiderunt acerbitati etiam tempus, ne præterita stipendia procederent iis, qui equo publico meruerant, sed dena stipendia equis privatis facerent. Magnum præterea numerum eorum conquiverunt, qui equo merere deberent: atque ex iis, qui principio ejus belli septem & decem annos nati fuerant, neque militaverant, omnes ærarios fecerunt. Locaverunt inde reficienda, quæ circa forum incendio consumpta erant, VII. tabernas, macellum, atrium regium,

CAPUT XV.

Proficiscentibus ad bellum consulibus, Marcellus, ut Annibalem, dum a Fabio Tarentum oppugnatur, bello detineat, cedentem insequitur: pralio commisso, Annibal, orta ab Romanis fuga, superior est.

- 12 **T**Ransactis omnibus, quæ Romæ agenda erant, consules ad bellum profecti prior Fulvius prægressus Capuam. post paucos dies consecutus Fabius, qui & collegam coram obtestatus, & per literas Marcellum, ut quam acerrimo bello detineret Annibalem, dum ipse Tarentum oppugnaret; ea urbe adempta, hosti undique pulso; nec ubi consisteret, nec quid fidum respiceret, habenti, ne remorandi quidem causam in Italia fore. Rhegium etiam nuntium mittit ad præfectum præsidii, quod ab Lævino Cons. adversus Bruttios ibi locatum erat, octo millia hominum, pars maxima ab Agathirna (sicut ante dictum est) ex Sicilia traducta, rapto vivere hominum assuetorum. additi erant Bruttiorum indidem perfugæ & audacia, & ad audendum omnia necessitatibus pares. Hanc manum ad Bruttium primum agrum depopulandum duci iussit: inde ad Cauloniam urbem oppugnandam, Imperata non impigre solum, sed etiam avide executi, direptis fugatisque cultoribus agri, summa vi urbem oppugnabant. Marcellus consulis literis excitus, & quia ita in animum induxerat, neminem ducem Romanum tam parem Annibali, quam se esse: ubi primum in agris pabuli copia fuit, ex hibernis profectus, ad Canusium Annibali

li occurrit. Solicitabat ad defectionem Canusinos Pœnus. cæterum ut appropinquare Marcellum audivit, castra inde movit. Aperta erat regio sine ullis ad insidias latebris: itaque in loca saltuosa cedere inde cœpit. Marcellus vestigiis instabat, castraque castris conferebat: & opere perfecto, extemplo in aciem legiones educebat. Annibal turmatim per equites, peditumque jaculatores levia certamina ferens, casum universæ pugnæ non necessarium ducebat. tractus est tamen ad id, quod vitabat, certamen. Nocte prægressum eum assequitur locis planis ac patentibus Marcellus. castra indeponentem, pugnando undique in munitores, operibus prohibet. Ita signa collata, pugnatumque totis copiis; &, cum jam non instaret, Marte æquo discessum est. castra exiguo distantia spatio raptim ante noctem permunita. Postero die luce prima Marcellus in aciem copias eduxit. Nec Annibal detrectavit certamen, multis verbis adhortatus milites, *ut memores Trasymeni, Cannarumque, cernerent ferociam hostis, urgere, atque instare eum? non iter quietos facere, non castra ponere pati, non respirare aut circumspicere. quotidie simul orientem solem, & Romanam aciem in campis videndam esse. sinno pralio haud incruentus abeat, quietius deinde tranquilliusque eum bellaturum.* His irritati adhortationibus, simulque tædio ferociæ hostium quotidie instantium laceissentiumque, acriter prælium ineunt. Pugnatum amplius duabus horis est. cedere inde ab Romanis dextra ala, & extraordinarii cœpere. quod ubi Marcellus vidit, duodevicesimam legionem in primam aciem inducit. Dum alii trepidi cedunt, alii segniter subeunt, turbata tota

acies est: dein prorsus fusa, &, vincente pudorem metu, terga dabant. Cecidereque in pugna ad duo millia & septingenti civium, sociorumque: in his quatuor Romani centuriones fuere, duo tribuni militum, M. Licinius, & M. Fulvius. signa militaria quatuor de ala prima, quæ fugit, duo de legione, quæ cedentibus sociis successerat amissa.

CAPUT XVI.

Acriter propter fugam increpiti a Marcello milites, pugnam ad dedecus abolendum ultro poscunt; cum postero die illos in aciem Marcellus eduxisset, Annibalem superat.

13. **M**arcellus, postquam in castra reditum est, concionem adeo sequam atque acerbam apud milites habuit, ut prælio per diem totum infelicitè tolerato, tristior iis irati ducis oratio esset. Diis immortalibus ut in tali re laudes gratesque, inquit, ago, quod victor hostis, cum tanto pavore incidentibus vobis in vallum portasque, non in ipsa castra est aggressus. deseruissetis profecto eodem terrore castra, quo omisistis pugnam. Qui pavor hic? qui terror? qua repente, qui, & cum quibus pugnaretis, oblivio animos cepit? nempe iidem sunt ii hostes, quos vincendo, & victos sequendo proximam astatem absumpsistis: quibus dies, noctesque fugientibus per hos dies instristis: quos levibus præliis fatigastis: quos hesternò die nec iter facere, nec castra ponere passi estis. Omitto ea, quibus gloriari potestis: cuius & ipsius pudere, ac poenitere vos oportet, nempe aquis manibus hesternà die di-
- re

remistis pugnam. quid hac nox: quid hac dies abstulit? vestra his copia imminuta sunt, an illorum aucta? Non equidem mihi cum exercitu meo loqui videor, nec cum Romanis militibus. corpora tantum, atque arma eadem sunt. an si eosdem animos habuissetis, terga vestra vidisset hostis? signa alicui manipulo, aut cohorti abstulisset? Non adhuc casis Romanis legionibus gloriabatur: vos illi hodierno die primum fugati exercitus dedistis decus. Clamor inde ortus ut veniam ejus diei daret: ubi vellet deinde experiretur militum suorum animos. Ego vero experiar, inquit, milites, & vos crastina die in aciem educam, ut victores potius, quam victi veniam impetretis, quam petitis. Cohortibus quæ signa amiserant, hordeum dari jussit: centurionesque manipulorum, quorum signa amissa fuerant, districtis gladiis discinctos destituit: & ut postero die omnes pedites, equitesque armati adessent, edixit. Ita concio dimissa fatentium jure ac merito sese increpitos, neque illo die virum quenquam in acie Romana fuisse, præter unum ducem: cui aut morte satisfaciendum, aut egregia victoria esset. Postero die armati ornatique ad edictum aderant. Imperator eos collaudat: pronuntiatque, a quibus orta pridie fuga esset, cohortesque, quæ signa amisissent, se in primam aciem induendum. edicere jam sese, omnibus pugandum, ac vincendum esse: & adnitendum singulis, universisque, ne prius hesternæ fugæ, quam hodiernæ victoriæ fama Romam perveniat. Inde cibo corpora firmare jussit, ut, si longior esset pugna, viribus sufficerent. Ubi omnia dicta, factaque sunt, quibus excitarentur animi militum, in aciem procedunt. Quod ubi Annibali nuntiatum

est, Cum eo nimirum, inquit, hōste res est, qui nec bonam, nec malam ferre fortunam potest. seu vicit, ferociter instat victis: seu victus est, instaurat cum victoribus certamen. Signa inde canere iussit, & copias educit. Pugnatum utrinque aliquanto, quam pridie, acrius est, Pœnis ad obtinendum hesternum decus adnitentibus, Romanis ad demendam ignominiam. Sinistra ala ab Romanis, & cohortes, quæ amiserant signa, in prima acie pugnabant, & legio vicesima ad dextro cornu instructa. L. Cornelius Lentulus, & C. Claudius Nero legati cornibus præerant: Marcellus mediam aciem hortator, testisque præsens firmabat. Ab Annibale Hispani primam obtinebant frontem, & id roboris in omni exercitu erat. Cum anceps diu pugna esset, Annibal elephantos in primam aciem induci iussit. si quem injicere ea res tumultum, ac pavorem posset. Et primo turbaverunt signa ordinesque, &, partim concultis, partim dissipatis terrore, qui circa erant, nudaverant una parte aciem. latiusque fuga manasset, in C. Decimius Flavius tribunus militum signo arrepto primi hastati manipulum ejus signi se sequi jussisset. duxit, ubi maxime tumultum conglobatæ belluæ faciebant: pilaque in eas conjici jussit. Hæserunt omnia tela, haud difficili ex propinquo in tanta corpora ictu, & tam conferta turba. sed ut non omnes vulnerati sunt: ita in quorum tergis infixæ steterunt pila, ut est genus anceps, in fugam versi, etiam integros avertere. Tum jam non unus manipulus, sed pro se quisque miles, qui modo assequi agmen fugientium elephantorum poterat, pila conjicere. eo magis ruere in suos belluæ: tantoque majorem stragem

edere , quam inter hostes ediderant , quanto acrius pavor consternatas agit , quam infidentis magistri imperio reguntur . In perturbatam transcursu belluarum aciem signa inferunt Romani pedites : & haud magno certamine dissipatos trepidantesque avertunt . Tum in fugientes equitatum immittit Marcellus . nec ante finis sequendi est factus , quam in castra paventes compulsi sunt . nam super alia , quæ terrorem trepidationemque facerent , elephantum forte duo ipsa in porta corruerant , coactique erant milites per fossam vallumque ruere in castra . ibi maxima hostium cædes facta . Cæsa ad octo millia hominum , quinque elephantum . Nec Romanis incruenta victoria fuit . mille ferme & septingenti de duabus legionibus , & sociorum supra M & CCC occisi : vulnerati permulti civium , sociorumque . Annibal nocte proxima castra movit . Cupientem insequi Marcellum prohibuit multitudo fauciorum . Ppeculatores , qui sequerentur agmen , missi , postero die retulerunt , Bruttios Annibalem petere .

C A P U T XVII.

Ad Q. Fulvium Cos. aliquot populi , proditis Annibalis præfidiis , quæ in urbibus habebant , desciscunt : Q. Fabius ejus collega , Manduria in Salentinis vicapta , Tarentum profectus , eo per prodicionem peritur .

Iisdem ferme diebus & ad Q. Fulvium consulem Hirpini , & Lucani , & Volscientes , traditis præfidiis Annibalis , quæ in urbibus habebant , dediderunt sese : clementerque a consule cum verborum tantum ca-

stigatione ob errorem præteritum accepti, Et Bruttiiis similis spes veniæ facta est, cum ab iis Vibius, & Pactius fratres, longe nobilissimi gentis ejus, eandem, quæ data Lucanis erat, conditionem deditiois petentes venissent. Q. Fabius consul oppidum in Salentinis Manduriam vi cepit. ibi ad quatuor milia hominum capta, & cæteræ prædæ aliquantum. Inde Tarentum profectus, in ipsis faucibus portus posuit castra. naves, quas Livius tutandis com meatibus habuerat, partim machinationibus onerat, apparatuque mœnium oppugnandorum: partim tormentis & saxis, omnique missilium telorum genere instruit: onerarias quoque, non eas solum, quæ remis agerentur: ut alii machinas, scalasque ad muros ferrent, alii procul ex navibus vulnerarent mœnium propugnatores. Eæ naves, ab aperto mari ut urbem aggredierentur, instructæ paratæque sunt. Et erat liberum mare, classe Punica, cum Philippus oppugnare Ætolos pararet, Corcyram transmissa. In Bruttiiis interim Cauloniæ oppugnatores sub adventum Annibalis, ne opprimerentur, in tumulum a præsentis impetu tutum, ad cætera inopem, concessere. Fabium Tarentum obsidentem leve dictu momentum ad rem ingentem potiundam adjuvit. Præsidium Bruttiorum datum ab Annibale Tarentini habebant. ejus præsidii præfectus deperibat amore mulierculæ, cujus frater in exercitu Fabii consulis erat. Is certior literis sororis factus de nova consuetudine advenæ locupletis, atque inter populares tam honorati, spem natum, per sororem quolibet impelli amantem posse, quid speraret, ad consulem detulit. Quæ cum haud vana cogitatio visa esset, per fuga jussus Tarentum transire, ac per sororem præ-

præfecto conciliatus, primo occulte animum
 ejus tentando, dein satis explorata levitate,
 blanditiis muli-bribus perpuit eum ad prodi-
 tionem custodiæ loci, cui præpositus erat. Ubi
 & ratio agendæ rei, & tempus convenit, mi-
 les nocte per intervalla stationum clam ex ur-
 be emissus, ea, quæ acta erant, quæque ut age-
 rentur convenerat, ad consulem refert. Fa-
 bius, vigilia prima, dato signo iis, qui in arce
 erant, quique custodiam portus habebant, ipse
 circuito portu ab regione urbis in orien-
 tem verâ occultus confedit. Canere inde tu-
 bæ simul ab arce, & a portu, & a navibus,
 quæ aperto mari adpulsæ erant: clamorque
 undique cum ingenti tumultu, unde minimum
 periculi erat, de inditria ortus. Consul inte-
 rim silentio continebat suos. Igitur Democra-
 tes, qui præfectus antea classis fuerat, forte il-
 li loco præpositus, postquam quieta omnia
 circa se vidit, alias partes eo tumultu perso-
 nare, ut captæ urbis interdum excitaretur
 clamor: veritus ne inter cunctationem suam
 consul aliquam vim faceret, ac signa infer-
 ret; præsidium ad arcem, unde maxime ter-
 ribilis accidebat sonus, traducit. Fabius cum
 ex temporis spatio, & ex silentio ipso (quod,
 ubi paulo ante strepebant excitantes vocan-
 tesque ad arma, inde nulla accidebat vox)
 deductas custodias sensisset, ferri scalas ad
 eam partem muri, qua Bruttiorum cohor-
 tem præsidium agitare proditiōis concilia-
 tor pronuntiaverat, jubet. Ea primum ca-
 ptus est murus, adjuvantibus recipientibus-
 que Bruttiis, & transcensum in urbem est.
 deinde proxima refracta porta, ut frequen-
 ti agmine signa inferrentur. Tum clamore
 sublato sub ortum ferme lucis nullo obvio
 armato in forum perveniunt: omnesque

16 undique, qui ad arcem, portumque pugnant, in se converterunt. Prælium in aditu fori majori impetu, quam perseverantia commissum est. non animo, non armis, non arte belli, non vigore, aut viribus corporis par Romano Tarentinus erat. Igitur pilis tantum coniectis, prius pene, quam conferrent manus, terga dederunt, dilapsique per nota urbis itinera in suas amicorumque domos. Duo ex ducibus, Nico, & Democrates, fortiter pugnantes cecidere. Philomenus, qui prodicionis ad Annibalem auctor fuerat, cum citato equo ex prælio avectus esset, vacuus paulo post equus, erransque per urbem cognitus, corpus nusquam inventum est. creditum vulgo est, in puteum apertum ex equo præcipitasse. Carthalonem autem præfectum Punici præsidii, cum commemoratione paterni hospitii positis armis venientem ad consulem, miles obviis obtruncat. Alii alios passim sine discrimine armatos inermesque cædunt, Carthaginenses, Tarentinosque pariter. Bruteii quoque multi passim interfecti, seu per errorem, seu vetere in eos insito odio, seu ad prodicionis famam, ut vi potius, atque armis captum Tarentum videretur, extinguendam. Tum a cæde ad diripiendam urbem discursum. Triginta millia servilium capitum dicuntur capta, ingens argenti vis facti, signatique, auri LXXXIII. millia pondo, signa, tabulæquæ, prope ut Syracusarum ornamenta æquarent. Sed majore animo generis ejus præda abstinuit Fabius, quam Marcellus: qui interroganti scribæ, quid fieri de signis vellet (ingentis magnitudinis dii sunt, suo quisque habitu in modum pugnantium formati) deos irasci Tarentinis relinqui jussit. Murus inde,

de, qui urbem ab arce dirimebat, dirutus est, ac disiectus.

CAPUT XVIII.

Parata ab Annibale apud Metapontum insidia ad capiendum Fabium Cos. non succedunt.

DUM hæc Tarenti aguntur, Annibal-
iis, qui Cauloniam obsidebant, in
deditionem acceptis, audita oppugnatione
Tarenti, dies noctesque cursim agmine ac-
cto cum festinans ad opem ferendam captam
urbem audisset: & Romani, inquit, *sumus*
Annibalem habent. eadem, qua cepimus,
arte Tarentum amisimus. Ne tamen fu-
gientis modo convertisse agmen videretur,
quo consliterat loco, quinque millia ferme
ab urbe posuit castra. ibi paucos moratus
dies, Metapontum sese recepit. Inde duos
Metapontinos cum literis principum ejus
civitatis ad Fabium Tarentum mittit, fi-
dem ab consule accepturos, impunita iis
priora fore, si Metapontum ei cum præsi-
dio Punico prodidissent. Fabius vera quæ
afferrent esse ratus, diem, qua accessurus
esset Metapontum, constituit: literasque
ad principes dedit, quæ ad Annibalem de-
latæ sunt. Enimvero lætus successu frau-
dis, si ne Fabius quidem dolo victus ef-
fet, haud procul Metaponto insidias ponit.
Fabio auspicanti prius, quam egrederetur
ab Tarento, aves semel, atque iterum non
addixerunt. hostia quoque cæsa consulenti
deos, aruspex cavendum a fraude hostili,
& ab insidiis, prædixit. Metapontini, post-
quam ad constitutam non venerat diem,
emissi, ut cunctantem hortarentur, repen-
te

te comprehensi, metu gravioris quæstionis,
detegunt insidias.

CAPUT XIX.

*In Hispania Scipio, auctis per reconciliatorum
principum transitionem suis copiis, ad Bacu-
lam cum Asdrubale Amilcaris configit, &
vincit.*

17 **Æ** Statis ejus principio, qua hæc ageban-
tur, P. Scipio in Hispania cum hyemem
totam reconciliandis barbarorum animis
partim donis, partim remissione obsidum ca-
ptivorumque absumpsisset: Edelco ad eum,
clarus inter duces Hispanos, venit. Erant
conjux, liberique ejus apud Romanos: sed,
præter eam causam, etiam velut fortuita in-
clinatio animorum, quæ Hispaniam omnem
averterat ad Romanum a Punico imperio,
traxit eum. Eadem causa Indibili, Mando-
nioque fuit, haud dubie omnis Hispaniæ
principibus, cum omni popularium manu
relicto Asdrubale, secedendi in imminentes
castris ejus tumulos, unde per continentia
juga tutus receptus ad Romanos esset. Asdru-
bal, cum hostium res tacitis augescere incre-
mentis cerneret, suas imminui, ac fore, ut,
nisi audendo aliquid moveret, qua cœpissent,
* at. * ruerent: dimicare quam primum statuit.
flue-
rent. Scipio avidior etiam certaminis erat, cum a
spe, quam successus rerum augebat, tum
quod prius, quam jungerentur hostium exer-
citus, cum uno dimicare duce, exercituque,
quam simul cum universis malebat. Cæte-
rum etiam si cum pluribus pariter dimican-
dum foret, arte quadam copias auxerat, nam
cum videret nullum esse navium usum, quia
va.

vacua omnis Hispaniæ ora classibus Punicis erat, subductis navibus Tarraconem, navales socios terrestribus copiis addidit. Et armorum affatim erat captorum Carthagine, & quæ post captam eam fecerat, tanto opificum numero incluso. Cum iis Scipio veris principio ab Tarracone egressus (jam enim & Lælius redierat ab Roma, sine quo nihil majoris rei motum volebat) ducere ad hostem pergit. Per omnia pacata eunti, ut cujusque populi fines transiret, prosequentibus, excipientibusque sociis, Indibilis, & Mandonius cum suis copiis occurrerunt. Indibilis, pro utroque locutus, haudquaquam ut barbarus stolidè incauteque, sed potius cum verecundæ gravitate, propiorque excusanti transitionem, ut necessariam, quam glorianti ea velut ad primam occasionem rapta. *Scire enim se, transfuga nomen execrabile veteribus sociis, novis suspectum esse, neque eum se reprehendere morem hominum, si tamen anceps odium causa, non nomen faciat.* Merita inde sua induces Carthaginenses commemoravit: avaritiam contraeorum, superbiamque, & omnis generis injurias in se, atque populares. *Itaque corpus duntaxat suum ad id tempus apud eos fuisse: animum jam pridem ibi esse, ubi ius ac fas crederet coli. ad eos quoque confugere supplices, qui nequeant hominum vim, atque injurias pati. se id Scipionem orare, ut transitio sibi nec fraudi apud eum, nec honori sit. quales ex eadè experiundo cognoverit, perinde opera eorum pretium faciat.* Ita prorsus responderet facturum Romanis: nec pro transfugis habiturum, qui non duxerint societatem ratam, ubi nec divini quicquam, nec humani sanctum esset. Productæ deinde in conspectum ejus conjuges liberique lacryman-

mantibus gaudio redduntur : atque eo die in hospitium adducti . Postero die fœdere accepta fides, dimissique ad copias adducendas . Iisdem deinde in castris tendebant, donec ducibus iis ad hostem perventum est . Proximus Carthaginiensium exercitus Asdrubalis prope urbem Bæculam erat . pro castris equitum stationes habebat . In eas velites, antesignanique, & qui primi agminiserant, advenientes exitinere, prius quam castris locum caperent, adeo contemptim impetum fecerunt, ut facile apparet, quid utrique parti animorum esset . In castra trepida fuga compulsi equites sunt, signaque Romana portis prope ipsis illata . Atque illo quidem die irritatis tantum ad certamen animis, castra Romani posuerunt . Nocte Asdrubal in tumulum copias recepit, plano campo in summo patentem : fluvius ab tergo, ante, circaque velut ripa præceps oram ejus omnem cingebat . suberat & altera inferior summissa fastigio planicies . eam quoque altera crepido haud facilior in ascensum ambibat . In hunc inferiorem campum postero die Asdrubal, postquam stantem pro castris hostium aciem vidit, equites Numidas, leviumque armorum Baleares, & Afros demisit . Scipio circumvectus ordines signaque, ostendebat, hostem, *prædam nata spe æquo dimicandi campo, captantem tumulos, loci fiducia, non virtutis aut armorum stare in conspectu . sed altiora mœnia habuisse Carthaginem, quo transcendisset miles Romanus . nec tumulos, nec arcem, nec mare quidem armis obstitisse suis . ad id fore altitudines, quas cepissent . hostibus, ut per præcipitia & prærupta salientes fugerent : eam quoque se illis fugam clausurum,*

rum. Cohortesque duas, alteram tenere fauces vallis, per quam deferretur amnis, jubet: alteram viam insidere, quæ ab urbe per tumuli obliqua in agros ferret. ipse expeditos, qui pridie stationes hostium pepulerant, ad levem armaturam infimo stantem supercilio ducit. Per aspreta primum, nihil aliud, quam via impediti iere: deinde ut sub iactum venerunt telorum, primo omnis generis vis ingense effusa est in eos. ipsi contra saxa, quæ locus strata passim omnia ferme missilia præbet, ingerere. non milites solum, sed etiam turba calorum immista armatis. Cæterum quanquam ascensus difficilis erat, & prope obruebantur telis saxisque, assuetudine tamen succedendi muros, & pertinacia animi subierunt primi. Qui, simul cepere aliquid æqui loci, ubi firmo consisterent gradu, levem & concursatorem hostem, atque intervallo tutum, cum procul missilibus pugna eluditur, instabilem eundem ad cominus conferendas manus, expulerunt loco: & cæde magna in aciem altiori superstantem tumulo impegere. Inde Scipio, jussis adversus mediam evadere aciem victoribus, cæteras copias cum Lælio dividit: atque eum parte dextra tumuli circumire, donec mollioris ascensus viam inveniret, jubet. ipse ab læva, circuitu haud magno, in transversos hostes incurrit. Inde primo turbata acies est, dum ad circumsonantem undique clamorem flectere cornua, & obvertere ordines volunt. Hoc tumultu & Lælius subiit, &, dum pedem referunt, ne ab tergo vulnerarentur, laxata prima acies. locusque ad evadendum & mediis datus est: qui per tam iniquum locum, stantibus integris ordinibus, elephantisque ante signa loca

locatis, nunquam evalissent. Cum ab omni parte cædes fieret, Scipio, qui lævo cornu in dextrum incurrerat, maxime in nuda hostium latera pugnabat. Et jam ne fugæ quidem patebat locus. nam & stationes utrinque Romanæ dextra, lævaque infederant vias: & portam castrorum ducis principumque fuga clauferat, addita trepidatione elephantorum, quos territos æque atque hostes timebant. Cæsa igitur
 19 ad octo millia hominum. Adrubal jam antequam dimicaret, pecunia rapta, elephantisque præmissis, quam plurimos poterat de fuga excipiens, præter * Tagum flumen ad Cyrenæum tendit.

* al-
Tecu

C A P U T XX.

Scipio propter animi magnitudinem rex ab Hispanorum multitudine appellatus, nomen auersatur: captum inter alia proximo pralio puerum regalem eximia forma ad aquunculum Massanissam cum donis dimittit.

S Scipio castris hostium potitus, cum, præter libera capita, omnem prædam militibus concessisset, in recensendis captivis decem millia peditum, duo millia equitum invenit. ex iis Hispanos sine pretio omnes domum dimisit: Afros vendere quæstorem misit. Circumfusa inde multitudo Hispanorum, & ante deditorum, & pridie captorum, regem eum ingenti consensu appellavit. Tum Scipio, silentio per præconem facto, sibi maximum nomen imperatoris esse dixit, quo se milites sui aprellassent. regium nomen alibi magnum, Roma intolerandum esse. regalem animum in se esse.

*se . si id in hominis ingenio amplissimum duce-
rent , taciti judicarent , vocis usurpatione ab-
stinerent . Censere etiam barbari magnitudi-
nem animi , cujus miraculo nominis alii
mortales stuperent , id ex tam alto fastigio
aspernantis . Dona inde regulis principibus-
que Hispanorum divisa , & ex magna copia
captorum equorum trecentos , quos vellet ,
eligere Indibilem jussit . Cum Afros venderet
jussu imperatoris quaestor , puerum adultum
intereos forma insigni , cum audisset regii
generis esse , ad Scipionem misit . Quem cum
percunctaretur Scipio , quis , & cujas , &
cur id aetatis in castris fuisset : Numidam se la-
crymans esse ait : Massivam populares vocare . or-
bum a patre relictum , apud maternum avum
Gallam Regem Numidarum educatum . cum
avunculo Massanissa , qui nuper cum equitatu
subsidio Carthaginensibus venisset , in Hispa-
niam trajecisse . prohibitum propter aetatem a
Massanissa , nunquam ante praelium inisse . eo-
die se , quo pugnatum cum Romanis esset , in-
scio avunculo clam armis , equoque sumpto
in aciem exisse . ibi prolapsa equo effusum
in praecipit captum ab Romanis esse . Scipio
cum asservari Numidam jussisset , quae pro
tribunali agenda erant , peragit . inde cum
se in praetorium recepisset , vocatum eum
interrogat , velletne ad Massanissam rever-
ri ? Cum effusis gaudio lacrymis cupere ve-
ro diceret , tum puero annulum aureum ,
tunicam lato clavo cum Hispano sagulo , &
aurea fibula , equumque ornatum donat :
jussisque prosequi quoad vellet equitibus ,
dimisit . De bello inde consilium habitum :
& auctoribus quibusdam , ut confestim Af-
drubalem persequeretur , anceps id ratus , ne
Mago atque Asdrubal cum eo jungerent*

copias, præsidio tantum ad insidendum Pyrenæum misso, ipse reliquum ætatis recipiendis in fidem Hispaniæ populis absumpsit.

CAPUT XXI.

Duces Carthaginienses post rem ad Bæculam male gestam de bello consultant: decernitur inter cætera, ut Asdrubal Amilcaris in Italiam transeat.

PAUCIS post prælium factum ad Bæculam diebus, cum Scipio rediens Tarracoenem saltu Castulonensi jam excessisset; Asdrubal Gisgonis filius, & Mago imperatores ex ulteriore Hispania ad Asdrubalem venerunt, serum post male gestam rem auxilium, consilio in cætera exequenda belli haud parum opportuni. Ibi conferentibus, quid in cuiusque provinciæ regione animorum Hispanis esset, unus Asdrubal Gisgonis ultimam Hispaniæ oram, quæ ad Oceanum, & Gadès vergit, ignaram adhuc Romanorum esse, eoque Carthaginensibus satis fidam censebat. Inter Asdrubalem alterum, & Magonem constabat, beneficiis Scipionis occupatos omnium animos publice, privatimque esse: nec transitionis finem ante fore, quam omnes Hispani milites aut in ultima Hispania amoti, aut traducti in Galliam forent. itaque etiam si senatus Carthaginensium non censuisset, eundem tamen Asdrubali fuisse in Italiam, ubi belli caput, & rerum summa esset, simul ut Hispanos omnes procul ab nomine Scipionis ex Hispania adduceret. exercitum ejus cum transitionibus, tum adverso prælio imminutum, Hispanis repleri milibus, Et Mago-

rem,

nem, Asdrubali Gisgonis filio tradito exercitu, ipsum cum grandi pecunia ad conducendam mercede auxilia in Baleares trajicere. Asdrubalem Gisgonis cum exercitu penitus in Lusitaniam abire: nec cum Romano manus conferere. Massanissa ex omni equitatu quod roboris esset, tria millia equitum expleri: eumque vagum per citeriorem Hispaniam sociis opem ferre, hostium oppida, atque agros populari. His decretis, ad exequenda, quæ statuerant, duces digressi.

CAPUT XXII.

Cum propter acerbæ conciones C. Publicii Bibuli tribuni plebis ageretur de abrogando Marcelli imperio, is Romam rediens, cum semet egregie purgasset, antiquata rogatione, consul præterea creatur: additur illi collega T. Quinctius Crispinus: exerto interim in Etruria ab Arretinis motu, eo mittitur ad rem inspicendam Marcellus.

HÆc eo anno in Hispania acta. Romæ fama Scipionis in dies crescere: Fabio Tarentum captum astu magis quam virtute, gloriæ tamen esse: Fulvii senescere fama: Marcellus etiam adverso rumore esse, super quam quod primo male pugnauerat, quia vagante per Italiam Annibale, mediæ ætate Venusiam in tecta milites abduxisset. Inimicus erat ei C. Publicius Bibulus tribunus plebis. Is jam a prima pugna, quæ adversa fuerat, assiduis concionibus infamem, invisumque plebi Claudium fecerat: & jam de imperio abrogando ejus agebat. tum tamen necessarii Claudii obtinuerunt, ut, relicto Venusiæ legato, Marcellus

Ro.

* al- Romam * veniret ad purganda ea, quæ inimi-
 xedi- ci * objicerent, nec de imperio ejus abrogan-
 get. do abiente ipso ageretur. Forte sub idem tem-
 * al- pus & Marcellus ad deprecandam ignomi-
 decer neret niam, & Q. Fulvius consul comitiorum cau-
 fa Romam venit. Actum de imperio Marcel-
 li in circo Flamínio est, ingenti concursu ple-
 21 bisque, & omnium ordinum. accusavit tri-
 bunus plebis non Marcellum modo, sed om-
 nem nobilitatem. *Fraude eorum, & cuncta-
 tione fieri, ut Annibal decimum jam annum Ita-
 lia provinciam habeat, diutius ibi, quam Car-
 thagine vixerit. habere fructum imperii pro ro-
 gi Marcello populum Romanum. bis casum exer-
 citum ejus aestiva Venuſia sub testis agere.* Hanc
 tribuni orationem ita obruit Marcellus com-
 memoracione rerum suarum, ut non roga-
 tio solum de imperio ejus abrogando antiqua-
 retur, sed postero die consulem eum ingenti
 consensu centuriæ omnes crearent. Additur
 collega T. Quinctius Crispinus, qui tum præ-
 tor erat. Postero die prætores creati P. Li-
 cinius Crassus Dives, pontifex maximus, P.
 Licinius Varus, Sex. Julius Cæsar. Q. Clau-
 dius Flamen. Comitiorum ipsorum diebus
 sollicita civitas de Etruriæ defectione fuit.
 Principium ejus rei ab Arretinis fieri, C. Cal-
 purnius scripserat, qui eam provinciam pro
 prætore obtinebat. Itaque confestim eo mis-
 sus Marcellus consul designatus, qui rem in-
 spiceret, ac, si digna videretur, exercitu ac-
 cito bellum ex Apulia in Etruriam transfer-
 ret. Eo metu compressi Etrusci quieverunt.
 Tarentinorum legatis pacem petentibus cum
 libertate, ac legibus suis, responsum ab se-
 natu est, ut redirent, cum Fabius consul Ro-
 mam venisset. Ludi & Romani, & Plebei
 eo anno in singulos dies instaurati. *Ædiles*

curules fuere L. Cornelius Claudius, & Ser. Sulpitius Galba: Plebeii, C. Servilius, & Q. Cæcilius Metellus. Servilium negabant jure aut tribunum plebis fuisse, aut ædilem esse, quod patrem ejus, quem triumvirum agrarium occisum a Boiis circa Mutinam esse, opinio per decem annos fuerat, vivere, atque in hostium potestate esse, satis constabat.

CAPUT XXIII.

Inito consulatu a M. Marcello quintum, & T. Quinctio Crispino, provincia, & exercitus decernuntur: cum sine litatione causa a consulibus hostia essent, nuntiata prodigia procurantur: causa postilentia Iudi Apollinares in perpetuum voventur.

UNdecimo anno Punici belli consulatum inierunt M. Marcellus quintum, ²² (ut numeretur consulatus, quem vitio creatus non gessit) & T. Quinctius Crispinus. ^{U.C. 542} Utrique consulum Italia decreta provincia est, & duo consulum prioris anni exercitus: tertius tum erat Venusiæ, cui M. Marcellus præfuerat: ita ut ex tribus eligerent duos, quos vellent, tertius ei traderetur, cui Tarentum, & Salentini provincia evenisset. Cæteræ provinciæ ita divisæ prætoribus: P. Licino Varo urbana: P. Licino Crasso pontifici maximo peregrina, & quo senatus censuisset: Sex. Julio Cæsari Sicilia: Q. Claudio Flamini Tarentum. Prorogatum imperium in annum est Q. Fulvio Flacco, ut provinciam Capuam, quæ T. Quinctii prætoris fuerat, cum una legione obtineret.

neret. Prorogatum & C. Hostilio Tubulo est, ut pro prætore in Etruriam ad duas legiones succederet C. Calpurnio. Prorogatum & L. Veturio Philoni est, ut pro prætore Galliam eandem provinciam cum iisdem duabus legionibus obtineret, quibus prætor obtinuisset. Quod in L. Veturio, idem in C. Aurunculejo decretum ab senatu, latumque de prorogando imperio ad populum est, qui prætor Sardiniam provinciam cum duabus legionibus obtinuerat, additæ ei ad præsidium provinciae quinquaginta longæ naves, quas P. Scipio ex Hispania misisset. Et P. Scipioni, & M. Silano suæ Hispaniæ, sui que exercitus in annum decreti. Scipio ex octuaginta navibus, quas aut secum ex Italia adduxas, aut captas Carthagine habebat, quinquaginta in Sardiniam transmittere iussus: quia fama erat, magnum navalem apparatum eo anno Carthagine esse: CC navibus omnem oram Italiæ, Siciliæque, ac Sardiniae impleturos. Et in Sicilia ita divisa res est. Sex. Cæsari exercitus Cannensis est datus: M. Valerius Lævinus (ei quoque enim in annum prorogatum imperium est) classem, quæ ad Siciliam erat, navium LXX obtineret, adderetque eo XXX naves, quæ ad Tarentum priore anno fuerant: cum ea centum navium classe, si videretur ei, prædatum in Africam trajiceret. Et S. Pulpitio, ut eadem classe Macedoniam, Græciamque provinciam haberet, prorogatum in annum imperium est. De duabus, quæ ad urbem Romam fuerant, legionibus nihil mutatum. Supplementum, quo opus esset, ut scriberent, consulibus permissum. Una & viginti legionibus eo anno defensum imperium Roma-

manum est. Et P. Licinio Varo prætori urbano negotium datum, *ut naves longas XXX, veteres reficeret, quæ Ostia erant, & viginti novas naves sociis navalibus compleret, ut quinquaginta navium classe oram maris vicinam urbi Rome tueri posset.* C. Calpurnius vetitus ab Arretio movere exercitum, nisi cum successor venisset. Idem & Tubulo imperatum, ut inde præcipue caveret, ne qua nova consilia orirentur. Prætores in provincias profecti. Consules religio tenebat, quod prodigiis aliquot nuntiatis, non facile litabant. Et ex 23 Campania nuntiata erant, Capuæ duas ædes, Fortunæ, & Martis, & sepulcra aliquot de cælo tacta: cum iis, (adeo minimis etiam rebus prava religio inferit deos) mures in æde Jovis aurum rosisse: Casini examen apum ingens in foro consedis: & Ostiæ murum, portamque de cælo tactam: Cære vulturium volasse in ædem Jovis: Vulsinis sanguine lacum manasse. Horum prodigiorum causa diem unum supplicatio fuit. Per dies aliquot hostiæ majores sine litatione cæsæ, diuque non impetrata pax deum, in capita consulum, Rep. incolumi, exitiabilis prodigiorum eventus vertit. Ludi Apollinares Q. Fulvio, Ap. Claudio Coss. a P. Cornelio Sulla, prætore urbano, primum facti erant: inde omnes deinceps prætores urbani fecerant: sed in unum annum vovebant, dieque incerta faciebant. Eo anno pestilentia gravis incidit in urbem, agrosque, quæ tamen magis in longos morbos, quam in perniciales evasit. . . Ejus pestilentia causa & supplicatum per compita tota urbe est, & P. Licinius Varus, prætor urbanus, legem ferre ad populum jussus, ut hi ludi in perpetuum in statam diem voverentur. Itaque

ipse primus ita vovit, fecitque ante diem III. Nonas Quintiles. is dies deinde solennis servatus.

CAPUT XXIV.

Crescente fama de Arretinorum motu, acceptis inde per C. Hostilium obsidibus, C. Terentius Varro eo praesidii causa cum legione mittitur. De Tarentinis cum variatum in senatu sententiis esset, in aliud tempus consultationis differtur: de M. quoque Livio, praefecto arcis Tarentina, magna contentione in senatu agitur.

24 **D**E Arretinis & fama in dies gravior, & cura crescere patribus. itaque C. Hostilio scriptum est, ne differret obsides ab Arretinis accipere. cui traderet Romam deducendos, C. Terentius Varro cum imperio missus: qui ut advenit, extemplo Hostilius legionem unam, quæ ante urbem castra habebat, signa in urbem ferre iussit, præsidiaque locis idoneis disposuit. tum in foro citatis senatoribus obsides imperavit. Cum senatus biduum ad considerandum peteret tempus, aut ipsos extemplo dare, aut se postero die senatorum omnes liberos sumpturum, edixit. inde portas custodire iussit tribunos militum, præfectosque socium, & centuriones, ne quis nocte urbe exiret. Id segnius, negligentiusque factum, septem principes senatus, prius, quam custodiæ in portis locarentur, ante noctem cum liberis evaserunt. Postero die luce prima cum senatus in forum citari coeptus esset, desiderati, bonaque eorum venierunt. a cæteris senatoribus CXX, obsides, liberi ipso-

ipsorum accepti, traditique C. Terentio Ro-
 mam deducendi. Is omnia suspectiora, quam
 ante fuerant, in senatu fecit. Itaque tan-
 quam imminente Etrusco tumultu, legio-
 nem alteram ex urbanis Arretum ducere ius-
 sus ipse C. Terentius, eamque habere in præ-
 sidio urbis. C. Hostilium cum cætero exer-
 citu placuit totam provinciam peragrarè,
 & cavere, ne qua occasio novare cupienti-
 bus res daretur. C. Terentius ut Arretium
 cum legione venit, claves portarum cum
 magistratus poposcisset, negantibus iis compa-
 rare, fraude amotas magis ratus, quam negli-
 gentia intercidisse, ipse alias claves omni-
 bus portis imposuit: cavitque cum cura,
 ut omnia in potestate sua essent. Hostilium
 intentius monuit, ut in eo spem, non mo-
 tuos quicquam Etruscos, poneret, si, ne
 quid movere possent, præcavisset. De Ta-
 rentinis inde magna contentione in senatu
 actum coram Fabio, defendente ipso, quos
 ceperat armis, aliis infensis, & plerisque
 æquantibus eos Campanorum noxæ, pœnæ-
 que. S. C. in sententiam M. Acilii factum
 est, ut oppidum præsidio custodiretur: Ta-
 rentinique omnes intra mœnia contineren-
 tur: res integra postea referretur, cum tran-
 quillior status Italiæ esset. Et de M. Livio
 præfecto arcis Tarentinæ haud minore cer-
 tamine actum est, aliis *sententiis notanti-
 bus præfectum, quod ejus socordia Taren-
 tum proditum hosti esset, aliis præmia de-
 cernentibus, quod per quinquennium arcem
 tutatus esset, maximeque unius ejus opera
 receptum Tarentum foret, mediis ad cen-
 sores, non ad senatum, cognitionem de eo
 pertinere dicentibus: cujus sententiæ & Fa-
 bius fuit, adjecit tamen, fateri se, opera

Livii Tarentum receptum, quod amici ejus vulgo in senatu jactassent. neque enim recipiendum fuisse, nisi amissum foret.

C A P U T XXV.

Profecto ab Urbe Crispino Cos., Marcellus collegæ religionibus tenetur: quibus procuratis cum Venusiam duxisset exercitum, illi Crispinus, omissa Locrorum oppugnatione, se conjungit: ambo deinde Consules speculandi causa e castris egressi, insidiis ab Annibale circumveniuntur: Marcello occiso, Crispinus vulneratus fugit.

Consulum alter T. Quinctius Crispinus ad exercitum, quem Q. Fulvius Flaccus habuerat, cum supplemento in Lucanos est profectus. Marcellum aliæ atque aliæ objectæ animo religiones tenebant, in quibus, quod cum bello Gallico ad Clastidium ædem Honori & Virtuti vovisset, dedicatio ejus a pontificibus impediiebatur: quod negabant unam cellam amplius, quam uni Deo rite dedicari: quia si de cælo tacta, aut prodigii aliquid in ea factum esset, difficilis procuratio foret: quod, utri deo divina res fieret, sciri non posset. neque enim duobus, nisi certis deis, rite una hostia fieri. Ita addita Virtutis ædes approperato opere. neque tamen ab ipso ædes eæ dedicatæ sunt. Tum demum ad exercitum, quem priore anno Venusiæ reliquerat, cum supplemento proficiscitur. Locros in Brutiis Crispinus oppugnare conatus, quia magnam famam attulisse Fabio Tarentum ferebatur, omne genus tormentorum, machinarumque ex Sicilia accersierat. & naves indidem accitæ erant, quæ vergentem ad mare partem urbis oppugnarent. Ea
omissa

omissa oppugnatio est, quia Lacinium Annibal admoverat copias: & collegam eduxisse jam a Venusia exercitum, fama erat, cui conjungi volebat. Itaque in Apuliam ex Bruttiiis reditum, & inter Venusiam, Bantiamque minustrium millium passuum intervallo consules binis castris confederant. In eandem regionem & Annibal rediit, averso ab Locris bello. Ibi consulesambo ingenio feroces prope quotidie milites in aciem excire, haud dubia spe, si duobus exercitibus consularibus junctis commisisset sese hostis, debellari posse. Annibal, quia cum Marcello bis priore anno congressus vicerat, victusque erat, ut, cum eodem si dimicandum foret, nec spem, nec metum ex vano haberet, ita duobus consulibus haudquaquam sese parem futurum credebat. itaque totus in suas artes versus, insidiis locum quærebat. Levia tamen prælia inter bina castra vario eventu fiebant, quibus cum extrahi æstatem posse, consules crederent, nihilominus oppugnari Locros posse rati. L. Cincio, ut ex Sicilia Locros cum classe trajiceret, scribunt. Et ut ab terra quoque oppugnari mœnia possent, ab Tarento partem exercitus, quæ in præsidio erat, duci eo jusserunt. Ea ita futura per quosdam Thurinos comperta Annibali cum essent, mittit ad insidendam ab Tarento viam. Ibi sub tumulo Peteliæ equitum duo, peditum tria millia in occulto locata: in quæ inexplorato euntes Romani cum incidissent, ad duo millia armatorum cæsa. & mille & CC ferme vivi capti. alii dissipati fuga per agros saltusque, Tarentum rediere. Tumulus erat silvestris inter Punica & Romana castra, ab neutris primo occupatus: quia

Romani qualis pars ejus , quæ vergeret ad hostium castra , esset , ignorabant. Annibal insidiis , quam castris aptiorem eum crediderat. Itaque nocte ad id missas aliquot Numidarum turmas medio in saltu condiderat , quorum interdum nemo ab statione movebatur , ne aut arma , aut ipsi procul conspicerentur. Fremebant vulgo in castris Romanis , occupandum eum tumulum esse , & castello firmandum : ne , si occupatus ab Annibale foret , velut in cervicibus haberent hostem. Movit ea res Marcellum . & collegæ . *quin imus* , inquit , *ipsi cum equitibus paucis exploratum ? subiecta res oculis certius dabit consilium* . Adsentiente Crispino , cum equitibus ducentis & viginti , ex quibus XL Fregellani , cæteri Etrusci erant , proficiscuntur . Secuti M. Marcellus , consulis filius , & A. Manlius , tribuni militum , simul & duo præfecti socium , L. Arennius , & M. Aulius . Immo-
 27 lasse eo die , quidam prodidere memoriæ , Conf. Marcellum : & prima hostia cæsa , jecur sine capite inventum : in secunda omnia comparuisse , quæ assolent . Auctum etiam visum in capite : nec id sane aruspici placuisse , quod secundum trunca & turpia exta nimis læta apparuissent . Cæterum consulem Marcellum tanta cupiditas tenebat dimicandi cum Annibale , ut nunquam satis castra castris collata duceret . Tum quoque vallo egrediens signum dedit , ut ad locum miles esset paratus : si collis , in quem speculatum irent , placuisset , vasa colligerent , ac sequerentur . Exiguum campi ante ea castra erat : inde in collem aperta undique , & conspecta ferebat via . Numidis speculator nequaquam in spem tantæ rei positus , sed si quos vagos pabuli , aut lignorum causa lon-
 gius

gius a castris progressos possent excipere, signum dat, ut pariter ab suis quisque latebris exorirentur. Non ante apparuere, quibus obviis ab jugo ipso confurgendum erat, quam circumiere qui ab tergo includerent viam. Tum undique omnes exorti, & clamore sublato impetum fecere. Cum in ea valle consules essent, ut neque evaderent in jugum occupatum ab hoste, nec receptum ab tergo circumventi haberent; extrahi tamen diutius certamen potuisset, ni cœpta ab Etruscis fuga pavorem cæteris injecisset. Non tamen omisere pugnam deserti ab Etruscis Fregelani, donec integri consules hortando, ipsique ex parte pugnando rem sustinebant. Sed postquam vulneratos ambos consules, Marcellum etiam transfixum lancea prolabantem ex equo moribundum videre, tum & ipsi (perpauci autem supererant) cum Crispino consule duobus jaculis icto, & Marcello adolescente, faucio & ipso, effugerunt. Interfectus A. Manlius tribunus militum: & ex duobus præfectis socium M. Aulius occisus, L. Arennius captus. & lictores consulum quinque vivi in hostium potestatem venerunt. cæteri aut interfecti, aut cum consule effugerunt. equites tres & XL aut in prælio, aut in fuga ceciderunt: duodeviginti vivi capti. Tumultuatum & in castris fuerat, ut consulibus irent subsidio, cum consulem, & filium alterius consulis faucios, exiguasque infelicitis expeditionis reliquias ad castra venientes cernunt. Mors Marcelli cum alioqui miserabilis fuit: tum quod nec pro ætate, (major jam enim LX annis erat) neque pro veteris prudentia ducis, tam improvide se, collegamque, & prope totam Rempub. in præceps dederat.

Multos circa unam rem ambitus fecerim, in quæ de Marcelli morte variant auctores omnia exequi velim. Ut omittam alios, L. Cælius triplicem gestæ rei ordinem edit, unam traditam fama, alteram scriptam laudatione filii, qui rei gestæ interfuerit, tertiam, quam ipse pro inquisita, ac sibi comperta affert. Cæterum ita fama variat, ut tamen plerique loci speculandi causa castris egressum, omnes insidiis circumventum tradant.

CAPUT XXVI.

Annibal, Marcelli nomine, cujus annulo potitus fuerat, compositis litteris, Salapiam tentat: cum Salapiani fraudem sensissent, ad urbem accedentem fraude capiunt: inde Locros profectus, fugato ad naves L. Cincio, qui eos summa vi oppugnabat, obsidionem solvit.

28 **A** Nnibal magnum terrorem hostibus morte consulis unius, vulnere alterius, injectum esse ratus, ne cui deesset occasione, castra in tumulum, in quo pugnatum erat, extemplo transfert. ibi inventum Marcelli corpus sepelit. Crispinus & morte collegæ, & suo vulnere territus, silentio insequentis noctis profectus, quos proximos nactus est montes, in iis loco alto & tuto undique castra posuit. Ibi duo duces sagaciter moti sunt, alter ad inferendam, alter ad cavendam fraudem. Annulo Marcelli simul cum corpore Annibal potitus erat. ejus signi errore nequi dolus neceretur a Pœno, metuens Crispinus, circa civitates proximas miserat nuntios, occisum collegam esse, annuloque ejus hostem potitum: ne quibus leteris crederent nomine Marcelli compositis. Paulo ante hinc

nuntius consulis Salapiam venerat, quam literæ ab Annibale allatæ sunt, Marcelli nomine compositæ: se nocte, quæ diem illum fecutura esset, Salapiam venturum. parati milites essent, qui in præsidio erant, si quo opera eorum opus esset. Sensere Salapiani fraudem, & ab ira non defectionis modo, sed etiam equitum interfectorum rati occasionem supplicii peti, remisso retro nuntio, (perfuga autem Romanus erat) ut sine arbitro milites, quæ vellent, agerent, oppidanos per muros, urbisque opportuna loca in stationibus disponunt: custodias, vigiliæque in eam noctem intentius instruunt: circa portam, quæ venturum hostem rebantur, quod roboris in præsidio erat, opponunt. Annibal quarta vigilia ferme ad urbem accessit. Primi agminis erant perfugæ Romanorum, & arma Romana habebant. ii, ubi ad portam est ventum, latine omnes loquentes, excitant vigiles, aperiri que portam jubent: consulem adesse. Vigiles, velut ad vocem eorum excitati, tumultuari, trepidare, moliri. porta cataracta dejecta clausa erat. eam partim vestibulis levant: partim funibus subducunt in tantum altitudinis, ut subire recti possent. Vix dum satis patebat iter, cum perfugæ certatim ruunt per portam. cum sexcenti ferme intrassent, remisso fune, quo suspensa erat, cataracta magno sonitu cecidit. Salapiani, alii perfugas negligenter ex itinere suspensa humeris, ut inter pacatos, gerentes arma, invadunt: alii e turribus portæ murisque saxi, sudibus, pilis absterrent hostem. Ita inde Annibal suam et ipse fraude captus abiit, profectusque ad Locorum solvendam obsidionem, quam L. Cincius summa vi, operibus, tormentorumque om-

nni genere ex Sicilia adveſto oppugnabat. Magoni jam haud ferme ſidenti, retenturum deſenſurumque ſe urbem, prima ſpes morte nuntiata Marcelli aſfulſit: ſecutus inde nuntius, Annibalem, Numidarum equitatu præmiſſo, ipſum, quantum accelerare poſſet, cum peditum agmine ſequi. Itaque ubi primum Numidas edito e ſpeculis ſigno adventare ſenſit, & ipſe patefacta repente porta ferox in hoſtes erumpit. Et primo, magis quia improviſo id fecerat, quam quod par viribus eſſet, anceps certamen erat. deinde ut ſupervenere Numidæ, tantus pavor Romanis eſt injectus, ut paſſim ad mare ac naves fugerent, relictis operibus, machiniſque, quibus muros quatiebant. Ita adventu Annibalis ſoluta Locrorum obſidio eſt.

CAPUT XXVII.

Litteræ Crispini Coſ. de morte Marcelli collegæ, deque discrimine ipſius magnum lætium, & metum Romæ faciunt: M. Valerius in Africam cum trajeciſſet, proſpere apud Clupeam commiſſa pugna, in Siciliam cum præda revertitur.

- ²⁹ **C**Rispinus, poſtquam in Bruttios proſectum Annibalem ſenſit, exercitum, cui collega præfuerat, M. Marcellum tribunum militum Venuſiam abducere juſſit. ipſe cum legionibus ſuis Capuam proſectus, vix læticæ agitationem præ gravitate vulnerum patiens, Romam litteras de morte collegæ ſcripſit, quantoque ipſe in discrimine eſſet. *Se comitiorum cauſa non poſſe Romam venire: quia nec via laborem paſſurus videretur, & de Tarento ſolicitus eſſet.*

esset, ne ex Brutiis Annibal eo converteretur agmen. legatos opus esse ad se mitti, viros prudentes, cum quibus qua vellet, de Rep. loqueretur. Hæ literæ recitatæ, & magnum luctum morte alterius consulis, & metum de altero fecerunt. Itaque & Q. Fabium filium ad exercitum Venusianum miserunt; & ad consulem tres legati missi, Sex. Julius Cæsar, L. Licinius Pollio, L. Cincius Alimentus, cum paucis ante diebus ex Sicilia redisset. Hi nuntiare consuli iussi, ut si ad comitia ipse Romam venire non posset, dictatorem in agro Romano diceret comitiorum causa: si consul Tarentum profectus esset, Q. Claudium prætorem placere in eam regionem inde abducere legiones, in qua plurimas sociorum urbestuari posset. Eadem æstate M. Valerius cum classe centum navium ex Sicilia in Africam transmisit: & ad Clupeam urbem exscensione facta, agrum late nullo ferme obvio armato vastabat. inde ad naves raptim prædatores recepti, quia repente fama accidit, classem Punicam adventare. LXXX. erant & tres naves. Cum iis haud procul Clupea prospere pugnat Romanus. Decem & octo navibus captis, fugatis aliis, cum magna terrestri navalique præda Lilybæum rediit.

CAPUT XXVIII.

Res adversus Philippum & Achaos a P. Sulpitio gesta.

EAdem æstate & Philippus implorantibus Achæis auxilium tulit, quos & Machanidas Tyrannus Lacedæmoniorum finitimo bello urebat; & Ætoli navibus per fretum,

quod Naupactum & Patras interfluit, (Rhion incolæ vocant). exercitu trajecto, depopulati erant. Attalum quoque Regem Asiæ, quia Ætoli summum gentis suæ magistratum ad eum proximo concilio detulerant, fama erat in Europam trajecturum. Ob hæc Philippo in Græciam descendenti ad Lamiam urbem
 30 Ætoli, duce Phylia, qui prætor in eum annum cum absente Attalo creatus erat, occurrerunt. Habebant & ab Attalo auxilia secum, & mille ferme ex Romana classe a P. Sulpitio missos. Adversus hunc ducem, atque has copias Philippus bis prospero eventu pugnavit: multos admodum hostium utraque pugna occidit. Inde cum Ætoli metu compulsi Lamiæ urbis mœnibus tenerent sese, Philippus ad Phaleram exercitum reduxit. In Maliaco sinu is locus est, quondam frequenter habitatus propter egregium portum, tutasque circa stationes, & aliam opportunitatem maritimam, terrestremque. Eo legati ab Rege Ægypti Ptolemæo, Rhodiisque, & Atheniensibus, & Chiis venerunt, ad dirimendum inter Philippum, atque Ætolos bellum. Adhibitus ab Ætolis ex finitimis pacificator Aminandar Rex Athamanum. Omnium autem non tanta pro Ætolis cura erat, ferocioribus, quam pro ingeniis Græcorum gentis: quam ne Philippus regnumque ejus grave libertati futurum, rebus Græciæ immisceretur. De pace dilata consultatio est in concilium Achæorum: concilioque ei & locus, & dies certa indicta. Interim triginta dierum induciæ impetratæ. Profectus inde Rex per Thesaliam Bœotiamque, Chalcidem Eubœæ venit, ut Attalum, quem classe Eubœam petiturum audierat, portibus, & litorum appulsu arceret. Inde præsidio relicto adversus At-

Attalum, si forte interim trajecisset, profectus ipse cum paucis equitum, levisque armaturæ Argos venit. Ibi curatione Heroorum, Nemeorumque suffragiis populi ad eum delata, quia se Macedonum Reges ex ea civitate oriundos referunt, Hereis peractis, ab ipso ludrico extemplo Rhium profectus est ad indictum multo ante sociorum concilium. Ibi de Ætolico finiendo bello actum, ne causa aut Romanis, aut Attalo intrandi Græciam esset. Sed ea omnia, vixdum induciarum tempore circumacto, Ætoli turbavere; postquam & Attalum Æginam venisse, & Romanam classem stare ad Naupactum audivere, vocati enim in concilium Achæorum, in quo eadem legationes erant, quæ ad Phaleram egerant de pace, primum questi sunt quædam parva contra fidem conventionis tempore induciarum facta: postremo negarunt dirimi bellum posse, nisi Messeniis Achæi Pylum redderent: Sacionis restitueretur Athamania, Scerdileto & Pleurato Parthini. Id vero indignum ratus Philippus, victos victori sibi ultro condiciones ferre, *ne antea quidem se aut de pace audisse, aut inducias pepigisse*, dixit, *spem ullam habentem quiæ suorum Ætolos: sed ut omnes socios testes haberet, se pacis, illos belli causam quasisse*. Ita infecta pace concilium dimisit, quatuor millibus armatorum relictis ad præsidium Achæorum, & quinque longis navibus acceptis. quas si adjecisset missæ nuper ad se classi Carthaginiensium, & ex Bithynia ab Rege Prussia venientibus navibus statuerat navali prælio laceßere Romanos, jamdiu in ea regione potentes maris. ipse concilio Argos regressus. jam enim Nemeorum appetebat tempus, quæ celebrari volebat præsentia sua. Occupato Rege apparatu lu- 32

dorum, & per dies festos licentius, quam inter belli tempora, remittente animum, P. Sulpitius ab Naupacto profectus classem apulit inter Sicyonem, & Corinthum, agrumque nobilissimæ fertilitatis effuse vastavit. Fama ejus rei Philippum ab ludis excivit; raptimque cum equitatu profectus, se subsequi peditibus jussis, palatos passim per agros, gravesque præda, ut qui nihil tale metuerent, adortus Romanos compulit ad naves. Classis Romana haudquaquam læta præda Naupactum rediit. Philippus ludorum quoque, qui reliqui erant, celebritatem quantæcunque de Romanis tamen victoriæ partæ fama auxerat: lætitiaque ingenti celebrati festi dies, eo magis etiam, quod, populariter dempto capitis insigni, purpura, atque alio regio habitu æquaverat cæteris se in speciem: quo nihil gratius est civitatibus liberis. præbuissetque haud dubiam eo facto spem libertatis, nisi omnia intoleranda libidine fœda, ac deformia effecisset. vagabantur enim cum uno, aut altero comite per maritas domos dies noctesque: & submittendo se in privatum fastigium, quo minus conspectus, eo solutior erat: & libertatem cum aliis vanam ostendisset, totam in suam licentiam vertebat. neque enim omnia emebat, aut eblandiebatur, sed vim flagitiis adhibebat, periculosumque & viris, & parentibus erat, moram incommoda severitate libidini regiæ fecisse. uni etiam principi Achæorum Arato adempta uxor nomine Polycratia, ac spe regiarum nuptiarum in Macedoniam asportata fuerat. Per hæc flagitia solemnem Nemeorum peracto, paucisque additis diebus, Dymas est profectus ad præsidium Ætolorum, quod ab Eleis accitum, acceptumque in urbem erat,

rat, ejiciendum. Cycliadas, (penes eum summa imperii erat) Achæique ad Dymas Regi occurrere, & Eleorum accensi odio, quod a cæteris Achæis dissentirent, & infensi Ætolis, quos Romanum quoque adversus se movisse bellum credebant. Profecti a Dymis conjuncto exercitu, transeunt Larissum amnem, qui Eleum agrum a Dymeo dirimit. Primum diem, quo fines hostium ingressi sunt, 32. populando absumpserunt. Postero die acie instructa ad urbem accesserunt, præmissis equitibus, qui obequitando portis promptum ad excursiones genus lacefferent Ætolorum. ignorabant, Sulpitium cum quindecim navibus ab Naupacto Cyllenem trajecisse; & expositis in terram quatuor millibus armatorum silentio noctis, ne conspici agmen posset, intrasse Elim. Itaque improvisa res ingentem injecit terrorem, postquam inter Ætolos, Eleosque Romana signa, atque arma cognovere. Et primo recipere suos voluerat Rex: dein contracto jam inter Ætolos, & Trallos. (Illyriorum id est genus) certamine, cum urgeri videret suos, & ipse Rex cum equitatu in cohortem Romanam incurrit. Ibi equus pilo trajectus cum prolapsus per caput Regem effudisset, atrox pugna utrinque accensa est, & ab Romanis impetu in Regem facto, & protegentibus regiis. Insignis & ipsius pugna fuit, cum pedes inter equites coactus esset, prælium inire. deinde cum jam impar certamen esset, caderentque circaeum multi, & vulnerarentur, raptus ab suis, atque alteri equo injectus fugit. Eo die castra V. millia passuum ab urbe Eleorum posuit. postero die omnes copias ad propinquum Eleorum castellum, (Pyrgum vocant,) duxit, quo agrestium multitudinem cum pecoribus metu popula-

tionum compulsam audierat. eam inconditam, inermemque multitudinem primo statim terrore adveniens cepit, compensaveratque ea præda, quod ignominia ad Elim acceptum fuerat. Dividenti prædam, captivosque (fuerunt autem quatuor millia hominum, pecorumque omnis generis ad viginti millia) nuntius ex Macedonia venit, Eropum quendam, corrupto arcis præsidii præfecto, Lychnidum cepisse: tenera Darsaritorum quosdam vicos, & Dardanos etiam concire. Omisso igitur Achaico, atque Ætolico bello, relictis tamen duobus millibus & quingentis omnis generis armatorum, cum Menippo & Polyphante ducibus ad præsidium sociorum profectus ab Dymis per Achajam, Bœotiamque, & Bebbæidem, decimis castris Demetriadem in Thessaliam pervenit. Ibi alii majorem afferentes tumultum nuntii

53 occurrunt: Dardanos in Macedoniam effusos Orestidem jam tenere, ac descendisse in Ægestæum campum: famamque inter barbaros celebrem esse, Philippum occisum. Expeditione ea, qua cum populatoribus agri ad Sicyonem pugnavit, in arborem illatus impetu equi, ad eminentem rami cornu alterum galeæ perfregit. id eventum ab Ætolo quodam, perlatumque in Ætoliam ad Scerdiletum, cui notum erat insignegaleæ, famam interfecti Regis vulgavit. Post profectionem ex Achaja Philippi, Sulpitius Æginam classe profectus cum Attalo sese conjunxit. Achæi cum Ætolis, Eleisque haud procul Melsene prosperam pugnam fecerunt Attalus Rex, & P. Sulpitius Æginæ hibernarunt.

CAPUT XXIX.

T. Quinctius Crispinus cos. , dicto causa comitiorum, & ludorum Dictatore L. Manlio Torquato, ex vulnere moritur: cum pro temporum necessitate egregium par consulum fore videretur, si Claudio Neroni M. Livius fuisset adiutus; is, quod indigne multis ante annis a populo damnatus esset. delatum honorem primum recusat: instantibus deinde Patribus, cum Claudio Nerone consul creatur.

EXitu hujus anni T. Quinctius Crispinus consul, dictatore comitiorum ludorumque faciendorum causa dicto L. Manlio Torquato ex vulnere moritur. Alii Tarenti, alii in Campania mortuum tradunt. Id quod nullo ante bello acciderat, duo consules sine memorando prælio interfecti velut orbam Remp. reliquerant. Dictator Manlius magistrum equitum C. Servilium, qui tum ædilis curulis erat, dixit. Senatus quo die primum est habitus, ludos magnos facere dictatorem iussit: quos M. Æmilius, prætor urbanus, C. Flaminio, Cn. Servilio consulibus fecerat, & in quinquennium voverat. Tum dictator & ludos fecit, & in sequens lustrum vovit. Cæterum cum duo consulares exercitus tam prope hostem sine ducibus essent, omnibus aliis omissis, una præcipua cura patres, populumque incessit, consules primo quoque tempore creandi; ut eos potissimum crearent, quorum virtus satis tuta a fraude Punica esset. Cum vero eo bello damnosa præpropera, ac fervida ingenia imperatorum fuisse; tum eo ipso anno consules nimia cupiditate conferendi cum hoste manum,

34 *in nec opinatam fraudem lapsos esse. ceterum deos
 immortales, miseros nominis Romani, pepercis-
 se innoxiiis exercitibus: temeritatem consulum
 ipsorum copitibus damnassee. Cum circumspi-
 cerent patres, quosnam consules facerent,
 longe ante alios eminebat C. Claudius Nero.
 ei collega quærebat. & virum quidem
 eum egregium ducebant, sed promptiorem,
 acrioremque, quam tempora belli postula-
 rent, aut hostis Annibal. temperandum a-
 cre ejus ingenium moderato, & prudenti
 viro adjuncto collega censebant. M. Livius
 erat, multis ante annis ex consulatu populi
 judicio damnatus. quam ignominiam adeo
 egre tulerat, ut & rus migrarit, & per mul-
 tos annos & urbe, & omni cœtu caruerit
 hominum. octavo ferme post damnationem
 anno M. Claudius Marcellus. & M. Vale-
 rius Lævinus consules reduxerant eum in
 urbem. sed erat veste obsoleta, capilloque
 & barba promissa, præferens in vultu habi-
 tuque insignem memoriam ignominie acce-
 pte. L. Veturius, & P. Licinius censores
 eum tonderi, & squallorem deponere, &
 in senatum venire, fungique aliis publicis
 muneribus coegerunt. sed tum quoque aut
 verbo assentiebatur, aut pedibus in senten-
 tiam ibat: donec cognati hominis eum
 causa M. Livii Macati, cum de fama ejus
 ageretur, stantem coegit in senatu senten-
 tiam dicere. Tum ex tanto intervallo audi-
 tus, convertit ora hominum in se: causam-
 que sermonibus præbuit, indigna injuriam
 a populo factam: magnoque id damno fuisse,
 quod tam gravi bello nec opera, nec consilio
 talis viri usa Resp. esset. C. Neroni neque Q.
 Fabium, neque M. Valerium Lævinum dari
 collegas posse: quia duos patricios creari non
 lice.*

liceret, eandem causam in T. Manlio esse, praeterquam quod recusasset delatum consulatum, recusaturusque esset. egregium par consulum fore, si M. Livium C. Claudio collegam adiunxissent. Nec populus mentionem ejus rei ortam a patribus est aspernatus. Unus eam rem in civitate, is, cui deferre batur honos, abnuebat, levitatem civitatis accusans. Sordidat rei non miseros, candidam togam invito offerre: eodem honores, paenasque congeri. si bonum virum ducerent, quid ita pro malo, ac noxio damnassent? si innoxium comperissent, quid ita male credito prioris consulatu, alterum crederent? Hec, taliaque arguentem, & querentem castigabant patres: & M. Furium memorantes revocatum de exilio, patriam pulsam sede sua restituisse, ut parentum savitiam, sic patria, patiando, ac ferendo, leniendam esse. Adnixi omnes cum C. Claudio M. Livium consulem fecerunt. Post diem tertium ejus diei praetorum comitia habita. 33 Praetores creati L. Portius Licinius, C. Mamilius, A. & C. Hostilii Catones.

CAPUT XXX.

Habitis comitiis, C. Terentius Varro in Etruriam mittitur: per L. Manlium Siculi, & Tarentini, qui aut bello profugi, aut pulsi ab Annibale sese in Graciam receperant, revocantur: ut a consulibus Claudio Nerone, & M. Livio communi animo Respub. administraretur, veteres inter eos simulantes auctoritate senatus reconciliantur: facta ab hisdem provinciarum sortitione, Neroni Annibal, Livio Asdrubal, jam in Italiam adveniens hostis evenit.

COmitiis perfectis, ludisque factis, dictator, & magister equitum magistratu abierunt. C. Terentius Varro in Etruriam pro prætore missus: ut ex ea provincia C. Hostilius Tarentum ad eum exercitum iret, quem T. Quinctius consul habuerat. & L. Manlius trans mare legatus iret, viseretque, quæ res ibi gererentur: simul, quod Olympiæ ludicum ea æstate futurum erat, quod maximo cœtu Græciæ celebraretur: ut si tuto per hostem posset, adiret id concilium: ut qui Siculi bello ibi profugi, aut Tarentini cives relegati ab Annibale essent, domos redirent, scirentque sua omnia, quæ ante bellum habuissent, reddere populum Romanum. Quia periculosissimus annus imminere videbatur, neque consules in Repub. erant, in consules designatos omnes versi, quamprimum eos sortiri provincias, & præscire quam quisque eorum provinciam, quem hostem haberet, volebant. De reconciliatione etiam gratiarum eorum in senatu actum est, principio facto a Q. Fabio Maximo. Inimicitia ante nobis
lea

les inter eos erant: & acerbiores eas, indignioresque Livio sua calamitas fecerat, quod ipse se in ea fortuna credebat. itaque is magis implacabiliserat, & nihil opus esse reconciliatione agebat. acrius & intentius omnia gesturos, timentes ne crescendi ex se inimico collegæ potestas fieret. vicit tamen auctoritas senatus, ut, positis simultatibus, communi animo consilioque administrarent rempublicam. Provinciæ iis non permittæ regionibus, sicut superioribus annis, sed diversæ extremis Italiæ finibus, alteri adversus Annibalem Bruttii, Lucani, alteri Gallia adversus Asdrubalem, quem jam Alpibus appropinquare fama erat, decreta. Exercitum ex duobus, qui in Gallia, quinque in Etruria essent, addito urbano, eligeret quem mallet, qui Galliam esset fortitus. Cui Bruttii provincia evenisset, novis legionibus urbanis scriptis, utrius mallet consulum prioris anni exercitum sumeret. Relictum autem a consule exercitum Q. Fulvius pro consule acciperet, eique in annum imperium esset. & C. Hostilio, cui pro Etruria Tarentum mutaverant provinciam, pro Tarento Capuam mutaverunt. legio una data, cui Fulvius, proximo anno præfuerat. De Asdrubalis adventu in Italiam cura in dies crescebat. Massiliensium primum legati nuntiaverant, eum in Galliam transgressum, erectosque adventu ejus, quia magnum pondus auri attulisse diceretur ad mercede auxilia conducenda, Gallorum animos, missi deinde cum iis legati ab Roma Sex. Antistius, & M. Retius ad rem inspiciendam, retulerant, misisse se cum Massiliensibus duobus, qui per hospites eorum, principes Gallorum, omnia explorata referrent. pro comperto habere, Asdrubalem, ingenti jam

coactio exercitu proximo vere Alpes trajecturum: nec tum eum quicquam aliud morari, nisi quod clausæ hyeme Alpes essent. in locum M. Marcelli L. Ælius Pætus augur creatus, inauguratusque. Et Cn. Cornelius Dolabella rex sacrorum inauguratus est in locum M. Martii, qui biennio ante mortuus erat. Hoc eodem anno & lustrum conditum est a censoribus P. Sempronio Tuditano, & M. Cornelio Cethego: censa civium capita CXXVII millia C & VIII: minor aliquanto numerus, quam qui ante bellum fuerat. Eo anno primum, ex quo Annibal in Italiam venisset, Comitium testum esse, memoriæ proditum est: & ludos Romanos semel instauratos ab ædilibus curulibus Q. Metello, & C. Servilio. & plebeiis ludis biduum instauratum ab Q. Mamilio, & M. Cæcilio Metello ædilibus plebis. & tria signa ad Cereris ædem dederunt. & Jovis epulum fuit, ludorum causa.

CAPUT XXXI.

Sortitis etiam Prætoribus provincias, Consulles, priusquam proficiscantur, propter nuntiata prodigia Deos rite placant.

543 **C**onsulatum inde ineunt C. Claudius Nero, & M. Livius iterum, qui, quia jam designati provincias sortiti erant, prætores sortiri iusserunt. C. Hostilio urbana jurisdictio evenit, addita & peregrina, ut tres in provincias exire possent. A. Hostilio Sardinia, C. Mamilio Sicilia, L. Portio Gallia evenit. Summa legionum trium & XX ita per provincias divisa: ut binæ consulum essent: quatuor Hispania haberet: tres præto-

tores binas, in Sicilia, in Sardinia, & Gal-
 lia: duas C. Terentius in Etruria: duas Q.
 Fulvius in Bruttis: duas Q. Claudius circa
 Tarentum, & Pallentinos: unam C. Hosti-
 lius Tubulus Capuæ, duæ urbanæ ut scribe-
 rentur. primis quatuor legionibus populus
 tribunos creavit: in cæteras consules mise-
 runt. Prius quam consules proficiscerentur, 37
 novendiale sacrum fuit, quia Veis de cælo
 lapidaverat. Sub unius prodigii, ut fit, men-
 tionem, alia quoque nuntiata. Minturnis
 ædem Jovis, & lucum Maricę, item Atelle
 murum, & portam de cælo tacta; Mintur-
 nenses, terribilius quod esset, adjiciebant,
 sanguinis rivum in porta fluxisse. Et Capuę
 lupo nocte portam ingressus vigilem laniave-
 rat. Hęc procurata hostiis majoribus prodigia:
 & supplicatio diem unum fuit ex decreto
 pontificum; inde iterum novendiale instau-
 ratum, quod in Armilustro lapidibus visum
 plere. Liberatas religione mentes turbavit
 rursus nuntiatum, Frusinone infantem natum
 esse quadrimo parem, nec magnitudine tam
 mirandum, quam quod is quoque, ut Sinues-
 se biennio ante, incertus, mas an fœmina
 esset, natus erat. Id vero aruspices ex Etru-
 ria acciti fœdum ac turpe prodigium dicere:
 extorrem agro Romano, procul terrę con-
 tactu, alto mergendum. vivum in arcam con-
 didere, provectumque in mare projecerunt.
 Decrevere item pontifices, ut virgines ter
 novenę per urbem euntes carmen canerent.
 Id cum in Jovis Statoris æde discerent
 conditum ab Livio poeta carmen, tacta de
 cælo ædes in Aventino Junonis Reginę.
 prodigiumque id ad matronas pertinere aru-
 spices cum respondissent, donoque divam
 placandam esse, ædilium curulium edicto in
 Ca.

Capitolium convocatę , quibus in urbe Roma , intraque decimum lapidem ab urbe domicilia essent , ipsę inter se quinque & XX delegerunt , ad quas ex dotibus stipem conferrent . inde donum pelvis aurea facta , lataque in Aventinum , pureque , & caste a matronis sacrificatum . Confestim ad aliud sacrificium eidem divę ab decemviris edicta dies , cujus ordo talis fuit . Ab eđe Apollinis boves scēminę albę duę porta Carmentali in urbem ductę . post eas duo signa cupressea Junonis Reginę portabantur . tum septem & viginti virgines longam indutam vestem , carmen in Junonem Reginam canentes ibant illa tempestate forsitan laudabile rudibus sngeniis , nunc abhorrens , & inconditum , si referatur . Virginum ordinem sequebantur decemviri coronati laurea , prętextatique . a porta Jugario vico in forum venerę . in foro pompam constitit . & per manus recte data virgines sonum vocis pulsu pedum modulantes inceserunt . inde vico Tusco , Velabroque per Boarium forum in clivum publicum , atque eđem Junonis Reginę perrectum . ibi duę hostiæ ab decemviris immolatę , & simulacra cupressea in ædem illata ,

CAPUT XXXII.

Cum intentius quam nunquam antea delectus a Coss. haberetur, M. Livius inter cetera auxilia, volones quoque in exercitus supplementum conscribit.

Dis rite placatis, delectum consules habebant acrius intentiusque, quam, prioribus annis quisquam meminerat habitum. nam & belli terror duplicatus, novi hostis in Italiam adventu: & minus juvenitiserat, unde scriberent milites. itaque colonos etiam maritimos, qui sacrosanc- tam vacationem dicebantur habere, dare milites co- gebant. quibus recusantibus edixere in diem certam, ut, quo quisque jure vacationem haberet, ad senatum deferret. Ea die hi populi ad senatum venerunt Ostiensis, Alsien- sis, Antias, Anxuras, Minturnensis, Sinues- sanus, & a superno mari Senensis. Cum vaca- tiones suas quisque populus recitaret, nul- lius, cum in Italia hostis esset, præter Antia- tem Ostiensemque, vacatio observata est. & earum coloniarum juniores jurejurando ada- cti, supra quadraginta non pernoctaturos se extra mœnia coloniae suæ, donec hostis in Italia esset. Cum omnes censerent, primo quoque tempore consulibus eundem ad bel- lum, (nam & Asdrubali occurrendum esse descendentem ab Alpibus, ne Gallos Cisalpi- nos, neve Etruriam erectam in spem rerum novarum sollicitaret; & Annibalem suo pro- prio occupandum bello, ne emergeret ex Bruttis, atque obviam fratri ire posset) Livius cunctabatur, parum fidens suam provincia- rum exercitibus, collegam ex duobus con-
Tom. II,
A a
sula-

fularibus egregiis exercitibus, & tertio, cui Q. Claudius Tarenti præesset, electionem habere. intuleratque mentionem de Volonibus revocandis ad signa. Senatus liberam potestatem consulibus fecit & supplendi, unde vellent, & eligendi de omnibus exercitibus, quos vellent, permutandique, & ex provinciis, quos e Rep. censerent esse, traducendi. Ea omnia cum summa concordia consulum acta. Volones in undevicesimam & vicesimam legiones scripti: magni roboris auxilia ex Hispania quoque a P. Scipione Livio missa quidam ad id bellum auctores sunt, octo millia Hispanorum, Gallorumque, & duo millia de legionibus militum, equitum ad mille octingentos, mistos Numidas, Hispanosque. M. Lucretium has copias navibus advexisse, & sagittariorum funditorumque ad quatuor millia ex Sicilia C. Mamilium misisse.

C A P U T XXXIII.

Consules, audito Asdrubalis in Italiam adventu, ab Urbe in provincias profisciscuntur: eos proficiscentes anxii curis homines prosequuntur.

- 39 **A**Uxerunt Romæ tumultum literæ ex Gallia missæ ab L. Portio prætore: Asdrubalem movisse ex hibernis, & jam Alpes transire: octo millia Ligurum conscriptæ, armataque; conjuncturaque se transgresso in Italiam esse, nisi mitteretur in Ligures, quæ eos bello occuparet, se cum invalido exercitu, quoad tutum putaret, progressurum. Hæ literæ consules raptim confecto delectu maturius, quam constituerant, exire in provin-

vincias coegerunt : ea mente , ut uterque hostem sua provincia contineret , neque congiungi , aut conferre in unum vires pateretur . Plurimum in eam rem adjuvit opinio Annibalis ; quod etsi ea æstate transiturum in Italiam fratrem crediderat , recordando quæ ipse in transitu nunc Rhodani , nunc Alpium , cum hominibus locisque pugnando per quinque menses exhausisset , haudquaquam tam facilem maturumque transitum expectabat . eatardius movendi ex hibernis causa fuit . Cæterum Asdrubali sua , & aliorum spe omnia celeriora , atque expeditiora fuere . non enim receperunt modo Averni eum , deincepsque aliæ Gallicæ , atque Alpinae gentes , sed etiam secutæ sunt ad bellum . & cum per munita pleraque transitu fratris , quæ antea invia fuerant , ducebat : tum etiam duodecim annorum assuetudine perviis Alpibus factis , inter mitiora jam hominum transibat ingenia . inusitati namque antea alienigenis , nec videre ipsi advenam in sua terra assueti , omni generi humano infociabiles erant . & primo ignari , quo Pœnus pergeret , suas rupes , suæque castella , & pecorum hominumque prædam peti crediderant . fama deinde Punici belli , quo duodecimum annum Italia urèbatur , satis edocuerat , viam tantum Alpes esse : duas prævalidas urbes , magno inter se maris territorumque spatio discretas , de imperio , & opibus certare . Hæ causæ aperuerant Alpes Asdrubali . Cæterum quod celeritate itineris profectum erat , id mora ad Placentiam , dum frustra obsidet magis , quam oppugnat , corruptit . Crediderat campestris oppidi facilem expugnationem esse : & nobilitas coloniarum induxerat eum , magnum se

excidio ejus urbis terrorem cæteris raturum
 injecturum. Non ipse se solum ea oppugna-
 tione impediit, sed Annibalem post famam
 transitusejus tanto spe sua celeriore, jam
 moventem ex hibernis, continuerat, quippe
 reputantem non solum, quam lenta urbium
 oppugnatione esset, sed etiam, quam ipse fru-
 40 stra eandem illam coloniam ab Trebia victor
 regressus tentasset. Consules diversis itineri-
 bus profecti ab urbe, velut in duo pariter bel-
 la distenderant curas hominum, simul recor-
 dantium, quas primus adventus Annibalis
 intulisset Italiæ clades: simul, cum illa an-
 geret cura, quos tam propitios urbi atque im-
 perio fore deos, ut eodem tempore utrobique Resp.
 prospere gereretur, adversa secundis pensando,
 rem ad id tempus extractam esse, cum in Italia
 ad Trasymenum, & Cannas præcipitasset res-
 publica, prospera bella in Hispania prolapsam
 eam erexisse, postea cum in Hispania alia su-
 per aliam clades, duobus egregiis ducibus a-
 missis, duos exercitus ex parte delessent, multa
 secunda in Italia Siciliaque gesta quassatam
 remp. excepisse, & ipsum intervallum loci;
 quod in ultimis terrarum oris alterum bellum
 gereretur, spatium dedisse ad respirandum.
 nunc duo bella in Italiam accepta, duos cele-
 berrimi nominis duces circumstare urbem Ro-
 mam, & unum in locum totam periculi mo-
 lem, omne onus incubuisse, qui eorum prior
 vicisset, intra paucos dies castra cum altero
 juncturum. Terrebat & proximus annus lu-
 gubris duorum consulum funeribus. His an-
 xii curis homines, digredientes in provincias
 consules profecti sunt. Memorix proditum
 est, plenum adhuc ira in cives M. Livium ad
 bellum proficiscentem monenti Q. Fabio, ne
 prius quam genus hostium cognosset, temere
 ma-

manum confereret, respondisse, ubi primum hostium agmen conspexisset, pugnaturum: cum quaereretur, quæ causa festinandi esset: *aut ex hoste egregiam gloriam, inquit, aut ex civibus victis gaudium; meritum certe, et si non honestum, capiatur.*

CAPUT XXXIV.

C. Hostilius Tubulus abeuntem in Sallentinos Annibalem cum caude adoritur: Claudius quoque Nero Cos. adversus illum contendens, in Lucanis primum, deinde in Apulia rem prospere gerit.

PRIUS quàm Clàudius consul in provinciam perveniret, per extremum finem agri Larinatis ducentem in Sallentinos exercitum Annibalem cum expeditis cohortibus adortus C. Hostilius Tubulus, in composito agmini terribilem tumultum intulit. Ad quatuor millia hominum occidit, novem signa militaria cepit. Moverat ex hibernis ad famam hostis Q. Claudius, qui per urbes agri Sallentini castra disposita habebat. Itaque ne cum duobus exercitibus simul confligeret Annibal, nocte castra ex agro Tarentino movit, atque in Bruttios concessit. Claudius in Sallentinos agmen convertit. Hostilius Capuam petens, obvius ad Venusiam fit consuli Claudio. Ibi ex utroque exercitu electa peditum quadraginta millia, duo millia & quingenti equites, quibus consul adversus Annibalem rem gereret. reliquas copias Hostilius Capuam ducere iussus, ut Q. Fulvio proconsuli traderet. Annibal, undique contracto exercitu, 41 quem in hibernis, aut in præsidiis agri Brut-

tii habuerat; in Lucanos ad Grumentum venit, spe recipiendi oppida, quæ per metum ad Romanos defecissent. eodem a Venusia consul Romanus exploratis itineribus contendit, & mille fere & quingentos passus castra ab hoste locat. Grumentum mœnibus prope junctum videbatur Pœnorum vallum. quingenti passus erant inter castra Punica, ac Romana. interjacebat campus: colles imminabant nudi, sinistro lateri Carthaginensium, dextro Romanorum, neutri suspecti, quod nihil silvæ, neque ad insidias latebrarum habebant. In medio campo, ab stationibus procurantes, certamina haud satis digna dictu ferebant. id modo Romanum quærere apparebat, ne abire hostem pateretur. Annibal inde evadere cupiens, totis viribus in aciem descendebat. Tum consul ingenio hostis usus, quo minus in tam apertis collibus timeri insidiæ poterant, quinque cohortes, additis quinque manipulis, nocte jugum superare, & in aversis vallibus confidere jubet: tempus exurgendi ex insidiis, & aggre-diendi hostem, T. Claudium Asellum, tribunum militum, & P. Claudium, præfectum socium, edocet, quos cum iis mittebat: Ipse luce prima copias omnes peditum equitumque in aciem eduxit: Paulo post & ab Annibale signum pugnae propositum est: clamorque in castris ad arma discurrentium est sublatus. inde eques, pedesque certatim portis ruere, ac palati per campum properare ad hostes. Quos ubi effusos consul videt, tribuno militum tertiæ legionis C. Aurunculejo imperat, ut equites legionis, quanto maximo impetu possit, in hostem emittat: ita pecorum modo incompósitos toto passim campo se fudisse, ut sterni, obterique, priusquam

quam instruantur, possint. Nondum Annibal 42
 e castris exierat, cum pugnantium clamorem
 audivit. itaque exercitus tumultu raptim ad
 hostem copias agit. Jam primos occupaverat
 equestis terror. peditum etiam prima legio,
 & dextra ala prælium inibant. incompofiti
 hostes, ut quemque aut pediti, aut equiti
 casus obtulit, ita conferunt manus. crescit
 pugna subsidiis, & procurentium ad certa-
 men numero augetur: pugnantisque (quod
 nisi in vetere exercitu, & duce vetere haud
 facile est) inter tumultum ac terrorem in-
 struxisset Annibal, ni cohortium ac manipu-
 lorum decurrentium per colles clamor ab
 tergo auditus, metum, ne intercluderentur
 a castris, iniecisset. Inde pavor incussus, &
 fuga passim fieri cœpta est: minorque cædes
 fuit, quia propinquitas castrorum brevior
 fugam perculsis fecit: equites enim tergo in-
 hærebant: intransversa latera invaserant
 cohortes, secundis collibus via nuda ac faci-
 li decurrentes. tamen supra octo millia ho-
 minum occisa: super septingentos capti: si-
 gna militaria novem adempta. elephantia
 etiam, quorum nullus usus in repentina ac tu-
 multuaria pugna fuerat, quatuor occisi, duo
 capti. Romanorum, sociorumque ducenti
 ceciderunt. Postero die Pœnus quievit. Ro-
 manus, in aciem copiis eductis, posteaquam
 neminem signa contra efferre vidit, spolia le-
 gi cæsorum hostium, & suorum corpora col-
 lata in unum sepeliri iussit: inde insequenti-
 bus continuis diebus aliquot, ita institit por-
 tis, ut prope inferre signa videretur: donec
 Annibal tertia vigilia, crebris ignibus ta-
 bernaculisque, quæ pars castrorum ad hostes
 vergebat, & Numidis paucis, quin in vallo
 portisque se ostenderent, relictis, profectus,

Apuliam petere intendit. Ubi illuxit, successit vallo Romana acies : & Numidæ ex composito paulisper in portis se, valloque ostentavere : frustratique aliquandiu hostem, citatis equis agmen suorum assequuntur. consul, ubi silentium in castris, & ne paucos quidem, qui prima luce obambulaverant, parte ulla cernebat : duobus equitibus speculatum in castra præmissis, posteaquam satis tuta omnia esse exploratum est, inferri signa iussit. tantumque ibi moratus, dum milites ad prædam discurrunt, receptui deinde cecinit : multoque ante noctem copias reduxit. Postero die prima luce profectus, magnis itineribus famam, & vestigia agminis sequens, haud procul Venuſiam hostem assequitur. Ibi quoque tumultuaria pugna fuit. supra duo millia Pœnorum cæsa. Inde nocturnis, montanisque itineribus Pœnus, ne locum pugnandi daret. Metapontum petiit. anno inde (is enim præsidio ejus loci præfuerat) in Bruttios cum paucis ad exercitum novum comparandum missus. Annibal, copiis ejus ad suas additis, Venuſiam retro, quibus venerat itineribus, repetit : atque inde Canusium procedit. Nunquam Nero vestigiis hostis abstiterat : & Q. Fulvium, cum Metapontum ipse proficisceretur, in Lucanos, ne regio ea sine præsidio esset, accersierat • •

CAPUT XXXV.

Claudius Nero Cos. cum statuisset Asdrubali occurrere; antequam se fratri Annibali conjungeret; consilium suum per literas senatus aperit: cum novus ab Urbe exercitus missus potenti fuisset, cum delecto militum robore, relicto in Apulia Q. Catio legato, qui castris praeset, ad collegam M. Livium, Annibalem fallens, maxima celeritate contendit: ex hoc tam audaci consilio ingens Romae terror exoritur.

Inter hæc ab Asdrubale, postquam a Placentiæ obsidione abcessit, quatuor Galli equites, duo Numidæ cum literis ad Annibalem missi, cum per medios hostes totam ferme longitudinem Italiæ emensi essent, dum Metapontum cedentem Annibalem sequuntur, incertis itineribus Tarentum delati, a vagis per agros pabulatoribus Romanis ad Q. Claudium pro prætore deducuntur. Eum primo incertis implicantes responsis, ut metus tormentorum admotus fateri verâ coegit; edocuerunt, literas se ab Asdrubale ad Annibalem ferre. Cum iis literis, sicut erant, signatis, L. Virginio tribuno mil. ducendi ad Claudium consulem traduntur. duæ simul turmæ Samnitium præsidii causa missæ. Qui ubi ad consulem pervenerunt, literæque lectæ per interpretem sunt, & ex captivis percunctatio facta: tum Claudius non id tempus esse Reip. ratus; quo consiliis ordinariis provinciæ suæ quisque finibus per exercitus suos cum hoste destinato ab senatu bellum gereret; audendum, ac novandum aliquid

improvisum, inopinatum, quod cœptum, non minorem apud cives, quam hostes, terrorem faceret, perpetratum in magnam lætitiā ex magno metu verteret: literis Asdrubalis Romam ad senatum missis, simul & ipse patres conscriptos, quid pararet, edocet: ut, cum in Umbria se occursum Asdrubal fratri scribat, legionem a Capua Romam accersant, delectum Romæ habeant, exercitum urbanum ad Narniam hosti opponant. Hæc senatui scripta. Præmissi item per agrum Larinatem, Marrucinum, Ferentanum, Prætutianum, qua exercitum ducturus erat, ut omnes ex agris urbibusque commeatus paratos militi ad vescendum in viam deferrent, equos, jumenta que alia producerent, ut vehiculorum fessis copia esset. ipse de toto exercitu civium, sociorumque quod roboris erat, delegit, sex millia peditum, mille equites. pronuntiat, occupare se in Lucanis proximam urbem, Punicumque in ea præsidium velle, ut ad iter parati omnes essent. Profectus nocte flexit in Picenum. Et consul quidem, quantis maximis poterat itineribus, ad collegam ducebat; relicto Q.

44. Catio legato, qui castris præesset. Romæ haud minus terroris, ac tumultus erat, quam fuerat biennio ante, cum castra Punica oblecta Romanis mœnibus, portisque fuerant. neque satis constabat animis, tam audax iter consulis laudarent; vituperarentne: apparebat (quo nihil iniquius est) ex eventu famam habiturum. *Castra prope Annibalem hostem relicta sine duce, cum exercitu, cui detractum foret omne, quod roboris, quod floris fuerit: & consulem in Lucanos ostendisse iter, cum Picenum, & Galliam peteret, castra relinquentem nulla alia re tutiora, quam errore*

ho.

hostis, qui ducem inde, atque exercitus par-
tem abesse ignoraret. Quid futurum, si id pa-
lam fiat? & aut insequi Neronem cum sex
millibus armatorum profectum Annibal toto
exercitu velit: aut castra invadere prada reli-
cta, sine viribus, sine imperio, sine auspicio?
Veteres ejus belli clades, duo consules proximo
anno interfecti, terrebant. & ea omnia acci-
disse, cum unus imperator, unus exercitus ho-
stium in Italia esset. nunc duo bella Punica
facta, duos ingentes exercitus, duos prope An-
nibales in Italia esse. quippe & Asdrubalem
patre eodem Amilcare genitum, aequum impigrum
ducem, per tot in Hispania annos Romano
exercitum bello, gemina victoria insignem,
duobus exercitibus cum clarissimis ducibus dele-
tis. nam itineris quidem celeritate ex Hispa-
nia, & concitatis ad arma Gallicis gentibus,
multo magis, quam Annibalem ipsum gloriari
posse. quippe in iis locis hunc coegisse exerci-
tum, quibus ille majorem partem militum fa-
me, frigore, qua miserrima mortis genera
sint, amisisset. Adjiciebant etiam periti re-
rum Hispaniæ, haud cum ignoto duce C. Ne-
rone congressurum, sed quem in saltu impedito
deprehensus forte, haud secus quam puerum,
conscribendis fallacibus conditionibus pacis fru-
stratus elusisset. Omnia majora etiam vero
præsidia hostium, minora sua, metu inter-
prete semper in deteriora inclinatio, duce-
bant. Nero postquam jam tantum interval-
li ab hoste fecerat, ut detegi consilium fa- 45
tis tutum esset, paucis milites alloquitur.
Negat ullius consilium imperatoris in speciem
audacius, re ipsa tutius fuisse, quam suum.
Ad certam eos se victoriam ducere. quippe
ad quod bellum collega non ante quam ad
satiætem ipsius pedum atque equitum da-

ra; ab senatu copia fuissent, majores instru-
 ctioresque, quam si adversus ipsum Anniba-
 tem iret, profectus sit: eo ipsos, quantum-
 cumque virium momentum addiderint, rem
 omnem inclinaturos, auditum modo in acie;
 (nam ne ante audiat, daturum operam)
 alterum consulem, & alterum exercitum ad-
 venisse, haud dubiam victoriam facturum.
 Famam bellum conficere, & parva momenta
 in spem metumque impellere animos; Gloria
 quidem ex re bene gesta parva fructum prope
 omnem ipsos laturos. Semper quod postremum
 adjectum sit, id rem totam videri traxisse. Cera-
 nere ipsos, quo concursu, qua admiratione,
 quo favore hominum iter suum celebretur. Et
 hercule per instructa omnia ordinibus viro-
 rum mulierumque undique ex agris effuso-
 rum, inter vota, ac preces, & laudes ibant.
 illos præsidia reipublicæ, vindices urbis Ro-
 mæ imperiique appellabant. in illorum ar-
 mis, dextrisque suam, liberorumque suorum
 salutem ac libertatem repositam esse. deos
 omnes, deasque precabantur, ut illis faustum
 iter, felixque pugna, matura ex hostibus
 victoria esset, damnarenturque ipsi votorum,
 quæ pro iis suscepissent: ut quemadmodum
 nunc solliciti prosequerentur eos, ita paucos
 post dies læti ovantibus victoria obviam
 irent. Invitare inde pro se quisque, & of-
 ferre, & fatigare precibus, ut, quæ ipsis,
 jumentisque usui essent, ab se potissimum
 sumerent, benigne omnia cumulata dare.
 Modestia certare milites, ne quid ultra usum
 necessarium sumerent: nihil morari, nec ab
 signis abstinere, cibum capientes diem ac
 noctem ire. vix quod satis ad naturale defi-
 derium corporum esset, quieti dare. Et ad
 collegam præmissi erant, qui nuntiarent ad-
 ven-

ventum, percunctarenturque, clam, an palam, interdiu, an noctu venire sese vellet, iisdem, an aliis considerare castris. Nocte clam ingredi melius visum est: Tessera per castra ab Livio consule data erat, ut tribunum tribunus, centurio centurionem, eques equitem, pedes peditem acciperet. neque enim dilatarı castra opus esse, ne hostis adventum alterius consulis sentiret: & coarctatio plurium in angusto tendentium facilior futura erat, quod Claudianus exercitus nihil ferme, præter arma, secum in expeditionem tulerat. Cæterum ipso itinere autum voluntariis agmen erat, offerentibus sese ultro & veteribus militibus, perfunctis jam militia, & juvenibus; quos certatim nomina dantes, si quorum corporis species, roburque virium aptum militiæ videbatur, conscripserat.

CAPUT XXXVI.

Claudius Nero cos. cum ad collegam M. Livium pervenisset; castra cum illo conjungit. Asdrubalem, quod id sensisset; abeuntem, ambo insequuti, ad Metaurum assequuntur. ibi prælio commisso, illum ingenti clade superant: quinquaginta sex millia hostium cum ipso duce Asdrubale interficiuntur.

AD Senam castra alterius consulis erant: & quingentos inde ferme passus Asdrubal aberat. Itaque cum jam appropinquaret, tectus montibus substitit Nero, ne ante noctem castra ingrederetur. Silentio ingressi, ab sui quisque ordinis hominibus in tentoria adducti, cum summa omnium lætitia

aitia hospitaliter excipiuntur. Postero die concilium habitum, cui & L. Portius Lici- nus prætor affuit. Castra juncta consulum castris habebat: & anteadventum eorum per loca alta ducendo exercitum, cum modo in- sideret angustos saltus, ut transitum claude- ret, modo ab latere, aut ab tergo carperet agmen, ludificatus hostem omnibus artibus belli fuerat. istum in concilio aderat. Mul- torum eo inclinabant sententiæ, ut dum fes- sum via ac vigiliis reficeret militem Nero, simul & ad noscendum hostem paucos sibi su- meret dies, tempus pugnandi differretur. Nero non suadere modo, sed summa opẽ ora- re institit; *ne consilium suum, quod tutum ce- leritas fecisset, temerarium morando facerent.* Errore, qui non diuturnus futurus esset, velut torpentem Annibalem, nec castra sua sine duce relicta aggredi, nec ad sequendum se iter in- tendisse. antequam se moveat, delere exercitum Asdrubalis posse, redireque in Apuliam. Qui prolatando spatium hosti det, eum & illa ca- stra prodere Annibali, & aperire in Galliam iter, ut per otium, ubi velit, Asdrubali con- jungatur. Extemplo signum dandum, & exeun- dum in aciem; abutendumque errore hostium ab- sentium presentiumque; dum neque illi sciant cum paucioribus, nec hi cum pluribus & vali- dioribus rem esse. Concilio dimisso, signum pugnae proponitur, confestimque in aciem procedunt. Jam hostes ante castra instructi

47. stabant. Moram pugnae attulit, quod As- drubal proventus ante signa cum paucis equi- tibus scuta vetera hostium notavit, quæ an- te non viderat, & strigosiores equos: multi- tudo quoque major solito visa est. Suspiciatus id quod erat, receptui propere cecinit, ac misit ad flumen, unde aquabantur; ubi & exci-

excipi aliqui possent, & notari oculis, si qui forte adustioris coloris, ut ex recenti via, essent. simul circumvehi procul castra jubet, specularique, num auctum aliqua parte sit vallum: & ut attendant; semel, bisne signum canat in castris. Ea cum ordine omnia relata essent; castra nihil aucta errorem faciebant. Bina erant; sicut ante adventum consulis alterius fuerant, una M. Livii, altera L. Portii: neutris quicquam, quo latius tenderetur; ad munimenta adjectum. Illud veterem ducem, assuetumque Romano hosti movit, quod semel in prætoriiis castris signum, bis in consularibus referebant cecinisse: duos profecto consules esse: & quonam modo alter ab Annibale abscessisset, cura agebat: minime id, quod erat, suspicari poterat; tantæ rei frustratione Annibalem elusum: ut, ubi dux, ubi exercitus esset, cum quo castra collata haberet; ignoraret. profecto haud mediocri clade abstergitum, insequi non ausum: magnopere vereri, ne perditis rebus ferum ipse auxilium venisset, Romanisque eadem jam fortuna in Italia, quæ in Hispania esset: interdum literas suas ad eum non pervenisse, credere: interceptis, que iis, consulem ad sese opprimendum accelerasse. His anxius curis, extinctis ignibus; vigiliâ prima dato signo, ut taciti vasa colligerent, signa ferri iussit. In trepidatione, & nocturno tumultu duces parum intentè asservati, alter in destinatis jam inde ante animo latebris subsedit, alter per vada nota Metaurum flumen tranavit. Ita desertum a ducibus agmen primo per agros palatur: fessique aliquot somno ac vigiliis sternunt corpora passim, atque infrequentia relinquunt signa. Asdrubal, dum lux viam ostenderet, ripa

flu.

fluminis signa ferri jubet. & per tortuosi a-
 * al. mnis sinus; flexusque * cum errore obiens
 erro haud multum processit, & ubi prima lux tran-
 rem situm opportunum ostendisset, transitorus e-
 v. Al- rat: sed cum, quantum e mari abscedebat,
 vens tanto altioribus coercētibz amnem ripis,
 non inveniret vada, diem terendo, spatium
 dedit ad insequendum sese hosti. Nero pri-
 mum cum omni equitatu advenit. L. Portius
 48. deinde assecutus cum levi armatura: Qui
 cum fessum agmen carperent ab omni parte,
 incurfarentque, & jam omisso itinere, quod
 fugæ simile erat, castra metari Pœnus in tu-
 mulo super fluminis ripam vellet: advenit
 Livius peditum omnibus copiis, non itineri
 modo, sed ad conferendum extemplo præ-
 lium instructis, armatisque. Sed ubi omnes
 copias conjunxerunt, directaque acies est,
 Claudius dextro in cornu, Livius ab sinistro
 pugnam instruit; mediâ acies prætori tuenda
 datur. A. drubal, omiſſa munitione caſtro-
 rum, postquam pugnandum vidit, in prima
 acie ante signa elephantos locat, circa eos læ-
 vo in cornu adversus Claudium Gallos oppo-
 nit, haud tantum eis fidens; quantum ab ho-
 ſte timeri eos credebat: ipse dextrum cornu
 adversus M. Livium ſibi, atque Hispanis,
 (ibi maxime in vetere milite ſpem habebat)
 ſumpſit. Ligures in medio poſt elephantos
 poſiti, ſed longior, quam latior, acies erat,
 Gallos prominens collis tegebat. Ea frons,
 quam Hispani tenebant, cum ſinistro Roma-
 norum cornu concurrit. dextra omnis acies
 extra prælium eminens ceſſabat. collis op-
 poſitus arcebat, ne aut a fronte, aut ab la-
 tere aggredierentur; Inter Livium, A. dru-
 balemque ingens contractum certamen erat,
 atroxque cædes utrinque edebatur, ibi da-

ces ambo, ibi pars major peditum, equitumque Romanorum, ibi Hispani, vetus miles, peritusque Romanæ pugnæ, & Ligures, durum in armis genus. eodem versæ elephantibus, qui primo impetu turbaverant antesignanos: & jam signa moverant loco: deinde crescente certamine, & clamore, impotentius jam regit, & inter duas acies versari, velut incerti quorum essent; haud dissimiliter navibus sine gubernaculo vagis. Claudius, *quid ergo præcipiti cursu tam longum iter emens sumus?* clamitans militibus, cum in adversum collem frustra signa erigere conatus esset, postquam ea regione penetrari ad hostem non videbat posse. cohortes aliquot subductas a dextro cornu, ubi stationem magis segnem, quam pugnam futuram cernebat, post aciem circumducit: & non hostibus modo, sed etiam suis inopinantibus, in sinistram hostium latius incurrit: tantaque celeritas fuit, ut cum ostendissent se ab latere; mox in terga depugnarent, ita ut ex omnibus partibus, ab fronte, ab latere, ab tergo trucidarentur Hispani, Liguresque. Et ad Gallos jam cædes pervenerat. Ibi minimum certaminis fuit. nam & pars magna ab signis aberant, nocte dilapsi; stratique somno passim per agros: & qui aderant. itinere ac vigiliis fessi, intolerantissima laboris corpora, vix arma humeris gerebant. Et jam diei medium erat, sitisque, & calor hiantes cædendos, capiendosque affatim præbebat. Elephantibus plures ab 49
ipsis rectoribus, quam ab hoste, interfecti: fabrilis scalprum cum malleo habebant, id, ubi sævire belluæ, ac ruere in suos cœperant, magister inter aures positum ipsa in compage, qua jungitur capiti cervix, quanto maximo poterat ictu, adigebat: ea celer-

lerrima via mortis in tantæ molis bellua inventa erat, ubi regendi spem vicissent. primusque id Asdrubal instituerat, dux cum sæpe alias memorabilis, tum illa præcipue pugna: ille pugnantes hortando, pariterque obeundo pericula, sustinuit: ille fessos, abnuentesque tædio & labore, nunc precando, nunc castigando accendit: ille fugientes revocavit, omissamque pugnam aliquot locis restituit. postremo cum haud dubia fortuna hostium esset, ne superstes tanto exercitui suum nomen secuto esset, concitato equo se in cohortem Romanam immisit. ibi, ut patre Amilcare, & Annibale fratre dignum erat, pugnans cecidit. Numquam eo bello una acie tantum hostium interfectum est: redditaque æqua Cannensi clades vel ducis, vel exercitus interitu videbatur. Quinquaginta sex millia hostium occisa: capta quinque millia & quadringenti, præda alia magna tum omnis generis, tum auri etiam, argentique, civium etiam Romanorum, qui capti apud hostes erant, supra quatuor millia capitum recepta: id solatii fuit pro amissis eo prælio militibus. nam haudquaquam incruenta victoria fuit, octo ferme millia Romanorum, sociorumque occisa: adeoque etiam victores sanguinis, cædisque ceperat satietas, ut postero die, cum esset nuntiatum Livio consuli, Gallos Cisalpinos, Liguresque, qui aut prælio non affuissent, aut inter cædem effugissent, uno agmine abire sine certo duce, sine signis, sine ordine, ullo aut imperio: posse, si una equitum ala mittatur, omnes deleri: *Supersint, inquit, aliqui nuntii & hostium cladis, & nostra virtutis.*

CAPUT XXXVII.

Consulum Livii, & Neronis de Asdrubale victoria ingenti lætitia Roma celebratur. Nervo regressus in castra majoris, quam inde venerat, celeritate caput Asdrubali ante val- lum Annibalis projicit.

NERO ea nocte, quæ secuta est pugnam, ci-
tatione, quam inde venerat agmine, die
sexta ad stativa sua, atque ad holtem perve-
nit. Iter ejus frequentia minore (nemo enim
præcesserat nuntius) lætitia vero tanta, vix
ut compotes mentium præ gaudio essent, ce-
lebratum est. Nam Romæ neuter animi habi-
tus satis dici narrarique potest, nec quo incer-
ta expectatione eventus civitas fuerit, nec quo
victoriæ famam acceperit. Nunquam per om-
nes dies, ex quo Claudium consulem profe-
ctum fama attulit, ab orto sole ad occidentem,
aut senator quisquam a curia, atque ab magi-
stratibus abcessit, aut populus e foro. Matro-
næ quia nihil in ipsis opis erat, in preces,
obtestationesque versæ, per omnia delubra
vagæ, supplicis votisque fatigavere deos.
Tam sollicitæ ac suspensæ civitati fama incer-
ta primo accidit; duos Narnienses equites in
castra, quæ in faucibus Umbriæ opposita e-
rant, venisse ex prælio, nuntiantes, cæsos,
hostes. & primo magis auribus, quam ani-
mis id acceptum erat, ut majus, lætiusque,
quam quod mente capere, aut satis credere
possent. & ipsa celeritas fidem impedia-
bat, quod biduo ante pugnatum dicebatur.
literę deinde ab L. Manlio Acidino missę
ex castris afferuntur de Narniensium equitum
adventu. Eę literę per forum ad tribunal
prę-

prætoris latæ senatum curia exciverunt; tantoque certamine ac tumultu populi ad fores curiæ concursus est, ut adire nuntius non posset, trahereturque a percunctantibus, vociferantibusque, ut in Rostris prius, quam in senatu, litteræ recitarentur. tandem summoti, & coerciti a magistratibus: vixque servari lætitia inter impotentes ejus animos potuit. in senatu primum, deinde in concione litteræ recitatæ sunt: & pro cuiusque ingenio, aliis jam certum gaudium, aliis nulla ante futura fides erat, quam legatos consulum, vel litteras audissent. Ipsos deinde appropinquare legatos, allatum est. Tum enim vero omnis ætās currere obviam, primus quisque oculis, auribusque haurire tantum gaudium cupientes. Ad Milvium usque pontem continens agmen pervenit. Legati erant L. Veturius Philo, P. Licinius Varus, Q. Cæcilius Metellus. Circumfusi omnis generis hominum frequentia in forum pervenerunt, cum alii ipsos, alii comites eorum, quæ acta essent, percunctarentur: & ut quisque audierat, exercitum hostium, imperatoremque occisum, legiones Romanas incolumes, salvos consules esse, extemplo aliis porro imperiebant gaudium suum. Cum ægre in curiam perventum esset, multo ægrius summoti turba. ne patribus misceretur, litteræ in senatu recitatæ sunt. inde producti in concionem legati. L. Veturius, literis recitatis, planius omnia, quæ acta erant, exposuit cum ingenti assensu, postremo etiam clamore universæ concionis, cum vix gaudium animis caperent. Discursus inde ab aliis circa templum deum, ut grates agerent: ab aliis domos, ut conjugibus, liberisque tam lætum nuntium impertirent; Senatus, quod M. Livius, & C.

Clau.

Claudius consules, incolumi exercitu, du-
cem hostium, legionesque occidissent, sup-
plicationem in triduum decrevit. Eam sup-
plicationem C. Hostilius prætor pro concio-
ne edixit. celebrata a viris, fœminisque est.
omnia templa per totum triduum æqualem
turbam habuere; cum matronæ amplissima
veste cum liberis, perinde ac si debellatum
foret, omni solutæ metu, deis immortalibus
grates agerent. Statum quoque civitatis
ea victoria movit, ut jam inde haud lecus,
quam in pace, res inter se contrahere, ven-
dendo, emendo, mutuam dando argentum,
creditumque solvendo, auderent. C. Clau-
dius consul cum in castra redisset, caput
Asdrubalis, quod servatum cum cura attule-
rat, projici ante hostium stationes, captivos-
que Afros victos, ut erant, ostendi, duos
etiam ex iis solutos, ire ad Annibalem, &
expromere quæ acta essent, jussit. Annibal
tanto simul publico, familiarique ictus luctu,
agnoscere se fortunam Carthaginiis fertur dixisse:
castrisque inde motis, omnia auxilia,
quæ diffusa latius tueri non poterat, in ex-
tremum Italiæ angulum, Bruttios, contra-
hit: & Metapontinos, civitatem univer-
sam, excitos sedibus suis, & Lucanorum qui
suæ ditionis erant, in Bruttium agrum tra-
duxit.

570
DECADIS TERTIÆ

LIBER OCTAVUS.

CAPUT I.

In Hispania res prospere geritur a Silano Scipionis legato adversus imperatores Carthaginenses Annonem, & Magonem: Anno vivus capitur.

I Um transitu Asdrubalis, quantum in Italiam declinaverat belli, tantum levatæ Hispaniæ videntur: renatum ibi subito par priori bellum est. Et Hispanias ea tempestate sic habebant Romani, Pœni-que. Asdrubal Gisgonis filius ad Oceanum penitus, Gadesque concesserat. Nostri maris ora, omnisque ferme Hispania, qua in orientem vergit, Scipionis, ac Romanæ ditionis erat. Novus imperator Anno in locum Barchini Asdrubalis novo cum exercitu ex Africa transgressus, Magonique junctus, cum in Celtiberia, quæ media inter duo maria est, brevi magnum hominum numerum armasset, Scipio adversus eum M. Silanum cum decem millibus peditum, equitibus quingentis misit. Silanus, quantis maximis potuit itineribus, (impediebant autem & asperitates viarum, & angustiae saltibus crebris, ut pleraque Hispaniæ sunt, inclusæ) tamen non solum nuntios, sed etiam famam adventus sui prægressus, ducibus indidem ex Celtiberia transfugis ad hostem pervenit. Eisdem auctoribus compertum est, cum decem circiter millia ab hoste abessent, bina castra

tra circa viam, qua irent, esse: læva Celti-
beros, novum exercitum supra novem millia
hominum, dextra Punica tenere castra. Hæc
stationibus, vigiliis, omni iusta militari cu-
stodia tuta & firma esse: illa altera soluta ne-
glectaque, ut barbarorum, & tironum, &
minus timentium, quod in sua terra essent.
Ea prius aggredienda ratus Silanus, signa
quam maxime ad lævam jubebat ferri, nec
unde ab stationibus Punicis conspiceretur.
ipse, præmissis speculatoribus, citato agmi-
ne ad hostem pergit. Tria millia ferme abe-
rat, cum haud dum quisquam hostium sense-
rat. confragosa loca, & obsita virgultis te-
nebant colles. ibi in cava valle, atque ob id
occulta, considere militem, & cibum cape-
re jubet. interim speculatores, transfuga-
rum dicta affirmantes, venerunt. Tum sar-
cinis in medium coniectis, arma Romani ca-
piunt, acieque iusta in pugnam vadunt. Mil-
le passuum aberant, cum ab hoste conspecti
sunt. trepidarique repente cœptum. Mago
ex castris citato equo ad primum clamorem,
& tumultum advehitur. Erant in Celtibero-
rum exercitu IV. millia scutorum, & CC
equites. hanc iustam legionem (& id ferme
roboris erat) in prima acie locat: cæteros,
levem armaturam, in subsidii posuit. Cum
ita instructos educeret e castris, vixdum in
egressos vallo Romani pila conjecerunt. Sub-
sidunt Hispani adversus emissâ tela ab hoste:
inde ad remittenda ipsi consurgunt. quæ cum
Romani conferti, ut solent, densatis exce-
pissent scutis; tum pes cum pede collatus,
& gladiis geri res cœpta est. Cæterum as-
peritas locorum & Celtiberis (quibus in
prælio concurrare mos est) velocitatem in-
utilem faciebat: & haud iniqua eadem erat

Romanis stabili pugnae assuetis: nisi quod angustiae, & internata virgulta ordines dirimebant: & singuli, binique velut cum paribus conferere pugnam cogeantur. quod ad fugam impedimento hostibus erat, id ad caedem eos, velut victos, praebat. Et jam ferme omnibus scutatis Celtiberorum interfectis, levis armatura, & Carthaginenses, qui ex alteris castris subsidio venerant, perculsi caedebantur. haud amplius tria millia peditum, & equitatus omnis, vix inito praelio, cum Magone effugerunt. Anno, alter imperator, cum eis, qui postremi jam profligato praelio advenerant, vivus capitur. Magonem fugientem equitatus ferme omnis, & quod veterum peditum erat, secuti, decimo die in Gaditanam provinciam ad Asdrubalem pervenerunt. Celtiberi, novus miles, in proximas dilapsi silvas, inde domos diffugerunt. Per opportuna victoria nequaquam tantum jam conflatum bellum, quanta futuri materia belli, si licuisset, Celtiberorum gente excita, & alios ad arma sollicitare populos, oppresserat. Itaque collaudato benigne Silano, Scipio spem debellandi, si nihil jam ipse cunctando moratus esset, nactus, ad id, quod reliquum belli erat, in ultimam Hispaniam adversus Asdrubalem pergit. Pœnus cum castra sua forte in Bætica ad sociorum animos continendos in fide haberet, signis repente sublati, fugae magis, quam itineris modo, penitus ad Oceanum, & Gades ducit. Cæterum quoad continuisset exercitum, propositum fore se bello ratus, antequam freto Gades trajiceret, exercitum omnem passim in civitates divisit: ut & muris se ipsi, & armis muros tutarentur.

CAPUT II.

IL. Scipio Publii frater Oringin urbem Hispaniæ opulentissimam expugnat: M. quoque Valerius Lavinus in Africam classe transgressus dum redit cum magna prada, occurrentem classem Punicam superat.

Scipio ubi animadvertit, dissipatum passim bellum, & circumferre ad singulas urbes arma, diutini magis quam magni esse operis: retrovertit iter. ne tamen hostibus eam relinqueret regionem. L. Scipionem fratrem cum decem millibus peditum, & mille equitum ad oppugnandam opulentissimam in iis locis urbem (Oringin barbari appellant) mittit. Sita in Melessum sinibus est, Hispanæ gentis: ager frugifer: argentum etiam incolæ fodiunt. Ea arx fuit Asdrubali ad excursiones circa mediterraneos populos faciendas. Scipio, castris prope urbem positus, prius quam circumvallaret urbem, misit ad portas, qui ex propinquo alloquio animos tentarent, suaderentque, ut amicitiam potius, quam vim, experirentur Romanorum. Ubi nihil pacati respondebatur, fossa, duplicique vallo circumdata urbe, in tres partes exercitum dividit: ut una semper pars, quietis interim duabus, oppugnet. Prima pars cum adorta oppugnare est, atrox sane, & anceps prælium fuit. non subire, non scalas ferre ad muros præincidentibus telis facile erat. & jam qui erexerant ad murum scalas, alii furcis ad id ipsum factis detrudebantur; in alios lupi superne ferrei injecti, ut in periculo essent, ne suspensi in murum extraherentur. Quod

Tom. II, Bb ubi

ubi animadvertit Scipio, nimia paucitate suorum exæquatum certamen esse; & jam eo superare hostem, quod ex muro pugnaret: duabus simul partibus, prima recepta, urbem est aggressus. Quæ res tantum pavoris injecit fessis jam cum primis pugnando, ut & oppidani mœnia repentina fuga desererent; & Punicum præsidium metu, ne prodita urbs esset, relictis stationibus, in unum locum se colligeret. Timor inde oppidanos incessit, ne, si hostis urbem intrasset, sine discrimine, Penusan Hispanus esset, obvii passim cæderentur. itaque patefacta repente porta, frequentes ex oppido sese ejecerunt, scuta præ se tenentes, ne tela procul conjicerentur, dextras nudas ostentantes, ut gladios abjecisse appareret. Id utrum parum ex intervallo sit conspectum, an dolus aliquis suspectus fuerit, incertum est. Impetus hostilis in transfugas factus: nec secus, quam adversa acies, cæsi: eademque porta signa infesta urbi illata. & aliis partibus securibus, dolabrisque cædebantur & refringebantur portæ, & ut quisque intraverat eques, ad forum occupandum (ita enim præceptum erat) citato equo pergebat. additum erat & triariorum equiti præsidium. legionarii cæteram partem urbis pervadunt, direptione, & cæde obviorum, nisi qui armis se tuebantur. Carthaginienses omnes in custodiam dati sunt: oppidanorum quoque CCC. ferme, qui clauserant portas: cæteris traditum oppidum, suæ redditæ res. Cecidere in urbis ejus oppugnatione hostium 4 duo millia ferme, Romanorum hæud plus XC. Lata & ipsis, qui rem gessere, urbis ejus expugnatio fuit: & imperatori, cæteroque exercitui speciosum adventum suum,

fluum, ingentem turbam captivorum præ se agentes, fecerunt. Scipio, collaudato fratre, cum, quanto poterat verborum honore, Carthagini ab se captæ captam ab eo Oringin æquasset; quia & hiems instabat, ut nec tentare Gades, nec disiectum passim per provinciam exercitum Asdrubalis confectari posset; in citeriorem Hispaniam recipit exercitum: dimissisque in hiberna legionibus, L. Scipione fratre Romam misso, & Annone hostium imperatore, cæterisque nobilibus captivis, ipse Tarracoenem concessit. eodem anno classis Romana cum M. Valerio Lævino pro consule ex Sicilia in Africam transmissa, in Uticensi, Carthaginienisque agro late populationes fecit. extremis finibus Carthaginensium, circa ipsa mœnia Uticæ prædæ actæ sunt. Repetentibus Siciliam classis Punica (LXX erant longæ naves) occurrit. decem & septem naves ex iis captæ sunt: quatuor in alto mersæ: cætera fusa, ac fugata classis. Terra marique victor Romanus cum magna omnis generis præda Lilybæum repetit. Toto inde mari pulsus hostium navibus, magni commeatus frumenti Romam subvecti.

CAPUT III.

Res in Gracia P. Sulpitii proconsulis, & Attali regis pro Ætolis adversus Philippum.

PRincipio æstatis ejus, qua hæc sunt gesta, P. Sulpitius pro consule, & Attalus Rex, cum Æginæ (sicut ante dictum est) hibernassent: Lemnum inde classe juncta, Romanæ V & XX quinqueremes,

regiæ V & XX transmiserunt. Et Philippus, ut, seu terra, seu mari obviam eundem hosti foret, paratus ad omnes conatus esset, ipse Demetriadem ad mare descendit: Larissam diem ad conveniendum exercitui edixit. Undique ab sociis legationes Demetriadem ad famam Regis convenerunt. Sustulerant enim animos Ætoli, cum ab Romana societate, tum post Attali adventum: finitimosque depopulabantur. nec Acarnanes solum, Bœotique, & qui Eubœam incolunt, in magno metu erant: sed Achæi quoque, quos super Ætolicum bellum Machanidas etiam Lacedæmonius tyrannus haud procul Argivorum sine positis castris terrebat. Hi omnes, suis quisque urbibus, quæ pericula terra marique portenderentur, memorantes, auxilia regem orabant. Ne ex regno quidem ipsius tranquillæ nuntiabantur res: & Scerdiletum, Pleuratumque motos esse, & Thracum maxime Medos, si quod longinquum bellum Regem occupasset, proxima Macedonia incurfuros. Bœoti quidem ipsi, & interiores Græciæ populi, Termopylarum saltus, ubi angustæ fauces coarctant iter, fossa, valloque intercludi ab Ætolis, nuntiarant, ne transitum ad sociorum urbes tuendas Philippo darent. Vel segnem ducem tot excitare tumultus circumfusi poterant. Legationes dimittit, pollicitus, prout tempus, ac res sineret, omnibus laturum auxilium, in præsentia quæ maxime urgebant, res pararent. Tum Peparetum præsidium urbi mittit, unde allatum erat, Attalum ab Lemno classe transmissa, omnem circa urbem agrum depopulatum. Polyphantem cum modica manu in Bœotiam, Mennipum item quendam ex regiis ducibus cum mille pel-

tatis (pelta cetræ haud dissimilis est) Chalcidem mittit. additi quingenti Agrianum, ut omnes insulæ partes tueri possent. ipse Scotusam est profectus: eodemque ab Larissa Macedonum copias traduci iussit. Eo nuntiatum est, concilium Ætolis Heracleam indictum, regemque Attalum ad consultandum de summa belli venturum. Hunc conventum ut turbaret subito adventu, magnis itineribus Heracleam duxit: & concilio quidem dimisso jam venit: segetibus tamen, quæ jam prope maturitatem erant, maxime in sinu Aniano evastatis, Scotusam copias reducit. ibi exercitu omni relicto, cum cohorte regia Demetriadem sese recipit. Inde ut ad omnes hostium motus posset occurrere, etiam in Phocidem, atque Eubœam, & Peparethum mittit, qui loca alta eligerent, unde editi ignes apparerent. ipse in Tifæo (mons est in altitudinem ingentem cacuminis editi) speculam posuit: ut ignibus procul sublatis, signum ubi quid molirentur hostes, momento temporis acciperet. Romanus imperator, & Attalus rex a Peparetho Nicæam traiecerunt. inde classem in Eubœam ad urbem Oreum transmittunt: quæ ab Demetriaco sinu Chalcidem, & Euripum petenti ad lævam prima urbium Eubœæ posita est. Ita inter Attalum ac Sulpitium convenit, ut Romania mari, regii a terra oppugnarent. Quatriduo postquam appulsa classis est, urbem aggressi sunt. Id tempus occultis cum Platore, qui a Philippo præpositus urbi erat, colloquiis absumptum est. Duas arces urbs habet: unam imminem mari: altera urbis medio est: cuniculo inde via ad mare ducit, quam a mari turris quinque tabulatorum, egregium propugnaculum.

clauderat. Ibi primo atrocissimum contra-
 ctum est certamen, & turre instructa omni
 genere telorum, & tormentis, machinisque
 ad oppugnandam eam ex navibus expositis.
 Cum omnium animos oculosque id certamen
 avertisset, porta maritimæ arcis Plator Ro-
 manos accepit: momentoque arx occupata
 est. Oppidani pulsi inde in mediam urbem ad
 alteram tendere arcem. Et ibi positi erant,
 qui fores portæ objicerent. ita exclusi in me-
 dio cæduntur, capiunturque. Macedonum
 præsidium conglobatum sub arcis muro ste-
 tit, nec fuga effuse petita, nec pertinaciter
 prælio inito. Eos Plator, venia a Sulpitio
 impetrata, in naves impositos ad Demetrium
 Phthiodis exposuit: ipse ad Attalum se rece-
 pit. Sulpitius tam facili ad Oreum successu
 elatus, Chalcidem inde protinus victrici
 classe petit. ubi haudquaquam ad spem even-
 tus respondit. Ex patenti utrinque coactum
 in angustias mare, ut speciem intuenti pri-
 mo gemini portus in ora duo versi præbuerit:
 sed haud facile alia infestior classi statio est.
 nam & venti ab utriusque terræ præaltis
 montibus subiti ac procellosi se dejiciunt: &
 factum ipsum Euripi non septies in die, sicut
 fama fert, temporibus statis reciprocatur; sed
 temere in modum venti nunc huc, nunc il-
 luc verso mari, velut monte præcipiti devo-
 lutus torrens, rapitur. ita nec nocte, nec
 die quies navibus datur. Cum classem tam in-
 festa statio accepit: tum & oppidum alia
 parte clausum mari, alia a terra egregie mu-
 nitum, præsidioque valido firmatum, &
 præcipue fide præfectorum principumque,
 quæ fluxa & vana apud Oreum fuerat, stabi-
 le atque inexpugnabile fuit. Id prudenter,
 ut in temere suscepta re, Romanus fecit,
 quod

quod circumspectis difficultatibus, ne frustra
 tempus tereret, celeriter abstinit incepto:
 classemque inde ad Cynum Locridis (empo-
 rium id est Opuntiorum urbis mille passuum
 a mari sitæ) trajecit. Philippum & ignes ab
 Oreo editi monuerant, sed serius Platoris
 fraude e specula elati: & impari maritimis
 viribus haud facilis erat in insulam classi ac-
 cessus. Itares per cunctationem omissa. Ad
 Chalcidis auxilium, ubi signum accepit, im-
 pigre est motus. nam & ipsa Chalcis, quan-
 quam ejusdem insulæ urbs est, tamen adeo
 arcto interseinditur freto, ut ponte conti-
 nenti jungatur, terraque aditum faciliorem,
 quam mari habeat. igitur Philippus, de-
 cto præsidio, fufisque Ætolis, qui saltum
 Thermopylarum insidebant, cum ab Deme-
 triade Scotusam, inde tertia vigilia profectus
 trepidos hostes Heracleam compulisset, ipse
 uno die Phocidis Elatiam millia amplius
 LX. contendit. Eodem ferme die ab Attalo
 Rege Opuntiorum urbs capta diripiebatur:
 concesserat eam prædam Regi Sulpitius,
 quia paucos ante dies ab Romano milite, ex-
 pertibus regiis, direptum fuerat. Romana
 classis Oreum sese receperat, & Attalus
 ignarus adventus Philippi, pecuniis a prin-
 cipibus exigendis terebat tempus. adeo.
 que improvisa res fuit, ut, nisi Creten-
 sium quidam forte pabulatum ab urbe lon-
 gius progressi agmen hostium procul con-
 spexissent, opprimi potuerit. Attalus in-
 ermis atque incompositus cursu effuso mare
 ac naves petit. & molientibus ab terra naves
 Philippus supervenit, metumque etiam ex
 terra nauticis præbuit. inde Opuntem rediit,
 deos, hominesque accusans, quod tante rei
 fortunam ex oculis prope raptam amisisset.

Opuntii quoque ab eadem ira increpiti, quod, cum trahere obsidionem in adventum suum potuissent, viso statim hoste, prope involuntariam deditionem concessissent. Compositis circa Opuntem rebus, Thronium est profectus. Et Attalus primo Oreum se recepit. inde cum fama accidisset, Prusiam Bithyniæ Regem in fines regni sui transgressum, omiſſis Romanis rebus, atque Ætolico bello, in Asiam trajecit. Et Sulpitius Æginam classem recipit, unde initio veris profectus erat. Haud majore certamine, quam Opuntem Attalus ceperat, Philippus Thronium cepit. Incolebant eam urbem profugi ab Thebis Phthioticis. urbe sua capta a Philippo, cum in fidem Ætolorum pervenissent, sedem eis Ætoli eam dederant, urbis vastæ, ac desertæ priore ejusdem Philippi bello. Tum ab Thronio, sicut paulo ante dictum est, recepta profectus, Tritonon, & Orumias, Doridis parva atque ignobilia oppida cepit. inde Elatiam, jussis ibi se operiri Ptolemæi Rhodiorumque legatis, venit. ubi cum de finiēdo Ætolico bello ageretur, (affuerant enim legati nuper Heracleæ concilio Romanorum Ætolorumque) huntius affertur, Machanidam Olympiorum, solemne ludicrum parantes Eleos aggredi statuisse. Prævertendū id ratus, legatis cum benigno responso dimissis, se neque causam ejus belli fuisse, nec moram, si modo æqua & honesta conditione liceat, paci facturum: cum expedito agmine profectus per Bœotiam, Megaram, atque inde Corinthum descendit. unde com meatibus sumptis, Phliunta, Pheneumque petit. & jam cum Heræam venisset, audito Machanidam fama adventus sui territum, refugisse Lacedæmonem, Ægium se ad concilium.

erilium Achæorum recepit : simul classem Punicam, ut mari quoque aliquid posset, accitam ibi raptus se inventurum. Paucis ante diebus in Phoceas trajecerant Pœni : inde portus Acarnanum petierant, cum ab Oreo profectum Attalum Romanosque audissent, veriti, ne in se iretur, & intra Rhium (fauces eæ sunt Corinthii sinus) opprimerentur. Philippus mœrebat quidem, &angebatur, cum ad omnia ipse raptim isset, nulli tamen se rei in tempore occurrisset, & rapientem omnia ex oculis elusisse celeritatem suam fortunam. in concilio tamen, dissimulans ægritudinem, elato animo disseruit: testatus deos, hominesque, *se nulli loco, nec tempore defuisse, quin ubi hostium arma concrepuissent, eo, quanta maxima posset celeritate, contenderet, sed vix rationem iniri posse, utrum ab se audacius, an fugacius ab hostibus geratur bellum. sic ab Opunte Attalum, sic Sulpitium a Chalcide, sic his ipsis diebus Machanidam e manibus suis elapsum. Sed non semper felicem esse fugam : nec pro difficili id bellum habendum, in qua, si modo congressus cum hoste sis, viceris. quod primum esset, confessionem hostium habere, nequaquam pares esse eos. brevi & victoriam haud dubiam habiturum : nec meliorem eventum eos secum, quam spe, pugnatorios. Læti Regem socii audierunt. Reddidit inde Achæis Heræam, & Triphyliam. Alipheram autem Megalopolitis, quod suorum jus esse finium satis probabant, restituit. inde navibus acceptis ab Achæis (erant autem tres quadriremes, & biremes totidem) Anticyram trajecit. inde quinquere misit septem, & lembis viginti amplius, quos ut adjungeret Carthaginienſium classi, miserat in Corinthium*

thium sinum, profectus, ad Erythras Ætolorum, quæ prope Eupalium sunt, exscensionem fecit. Haud fefellit Ætolos, nam hominum quod aut in agris, aut in propinquis castellis Potidaniæ, ac Apolloniæ fuit, in silvas, montesque refugit. Pecora, quæ inter festinationem abigi nequiverant, sunt direpta, & in naves compulsæ. Cum his, cæteraque præda Nicia prætor Achæorum Ægium misso, cum Corinthum petisset, pedestres inde copias per Bœotiam terra duci iussit. ipse a Cenchreis præter Atticem super Sunium navigans, inter medias prope hostium classes Chalcidem pervenit. inde collaudata fide, ac virtute, quod neque timor, neque spes flexissent eorum animos, hortatusque in posterum, ut eadem constantia permanerent in societate, si suam, quam Oritanorum, atque Opuntiorum fortunam mallent, ab Chalcide Oreum navigat. principumque iis, qui fugere capta urbe, quam se Romanis tradere, maluerant, summa rerum, & custodia urbis permissa, ipse Demetriadem ab Eubœa, unde primo ad opem ferendam sociis profectus erat, trajecit. Cassandreæ deinde centum navium longarum carinis positis, contractaque ad effectum ejus operis multitudine fabrorum navalium, quia res in Græcia tranquillæ & profectio Attali fecerat, & in tempore laborantibus sociis latum ab se auxilium, retro in regnum concessit, ut Dardanis bellum inferret.

CAPUT IV.

M. Livio, & Claudio Neroni propter egregiam de Asdrubale victoriam triumphus decernitur: Livius, qui in provincia sua rem gesserat, quadrigis Urbem invehitur; Nero, qui in collega provinciam venerat, equo sequitur: & in hoc habitu plus gloria, & reverentia, quia plus in bello, quam collega fecerat, habet.

EXtremo æstatis ejus, quo hæc in Græcia 9 sunt gesta, cum Q. Fabius Maximus, pater, legatus ab M. Livio consule Romam ad senatum missus, nuntiasset, consulem satis præsidii Galliæ provinciæ credere L. Porcium cum suis legionibus esse, decedere se inde, ac deduci exercitum consularem posse: patres non M. Livium tantum redire ad urbem, sed collegam quoque ejus C. Claudium jusserunt. Id modo in decreto interfuit, quod M. Livii exercitum reduci, Neronis legiones Annibali oppositas manere in provincia jusserunt. Inter consules ita per literas convenit, ut quemadmodum uno animo rem gessissent, ita, quanquam ex diversis regionibus convenirent, uno quoque tempore ad urbem accederent. Præneste qui prior venisset, collegam ibi operiri iussus. Forte ita evenit, ut eodem die ambo Præneste venirent. inde præmissis edicto, ut tri-duo post frequens senatus ad ædem Bellonæ adesset, omni multitudine obviam effusa, ad urbem accessere. Non salutabant modò universi, circumfusi, sed contingere pro se quisque victrices dextras consultum cupientes, alii gratulabantur, alii gratias

agebant, quod eorum opera incolumis Resp. esset. In senatu cum more omnium imperatorum expositis rebus ab se gestis, postulassent, ut pro Repub. fortiter fideliterque administrata, & diis immortalibus haberetur honos, & ipsis triumphantibus urbem inhire liceret: se vero ea quæ postularent, decernere patres merito deorum primum, dein secundum deos consulum, responderunt, & supplicationem amborum nomine, & triumphum utrique decreverunt. Inter ipsos, ne, cum bellum communi animo gessissent, triumphum separarent, ita convenit: quoniam & in provincia M. Livii res gesta esset, & eo die, quo pugnatum foret, ejus forte auspiciu fuisse; & exercitus Livianus deductus Romam venisset, Neronis de provincia deduci non potuisset: ut M. Livium quadrigis urbem incurrentem milites sequerentur, C. Claudius equo sine militibus inueheretur. Ita confociatus triumphus, cum utrique, tum magis ei, qui, quantum merito anteibat, tantum honore collegæ cesserat, gloriam auxit. Illam equitum agebant sex dierum spatio transcurrisse longitudinem Italia: & eo die cum Asdrubale in Gallia signis collatis pugnas- se, quo cum castra adversus sese in Apulia posita habere Annibal credidisset, ita unum consilem pro utraque parte Italia adversus duos duces, duos imperatores, hinc consilium suum, hinc corpus opposuisse, nomen Neronis satis fuisse ad continendum castris Annibalem: Asdrubalem vero qua alia re, quam adventu ejus, obrutum, atque extingui- tum esse? Itaque iret alter consul sublimis currum multi jugis, si velat, equis: uno equo per urbem verum triumphum vehi: Neronemquo, etiam si pedes incedat, vel parva

eo bello, vel spreta eo triumpho gloria memorabilem fore. Hi sermones spectantium Neronem usque in Capitolium prosecuti sunt. Pecuniam in ærarium tulerunt sestertium tricies octuaginta millia æris. militibus M. Livius quinquagenos senos asses divisit, tantundem C. Claudius absentibus militibus suis est pollicitus, cum ad exercitum redisset. Notatum eo die plura carmina militari-
bus jocis in C. Claudium, quam in con-
sulem suum jactata. equites L. Veturium,
& Q. Cæcilium legatos magnis tulisse lau-
dibus: hortatosque esse plebem, ut eos
consules in proximum annum crearent. adje-
cisset equitum prærogativæ auctoritatem
consules, postero die in concione, quam
forti fidelique duorum præcipue legatorum
opera, usi essent, commemorantes.

CAPUT V.

*Habitis comitiis per Dictatorem M. Livium, creantur cons. L. Veturius, & Q. Cæcilius: facta provinciarum, & exercituum for-
tione, prodigia procurantur.*

Cum comitiarum tempus appeteret, & 100
per dictatorem comitia haberi placuis-
set, C. Claudius consul M. Livium colle-
gam dictatorem dixit, Livius Q. Cæcilium
magistrum equitum. A M. Livio dictatore
creati consules L. Veturius, Q. Cæcilius,
is ipse, qui tum erat magister equitum.
Inde prætorum comitia habita. Creati C.
Servilius, M. Cæcilius Metellus, T. Clau-
dius Asellus, Q. Mamilius Turrinus, qui
tum ædilis plebis erat. Comitiis perfectis,
dictator, magistratu abdicato, dimissoque
exer-

CAPUT VI.

Summoto ab Urbe Roma jam bello, plebs in agrum, quem propter metum deseruerat, per consules compellitur: Cremonam quoque atque Placentiam coloni, qui propter Gallorum incursiones dilapsi inde fuerant, reducuntur: profecti deinde ad bellum cons., in agrum Consentinum, inde in Lucanos exercitus ducunt..

PRIUS quam proficiscerentur consules ad bellum, admoniti ab senatu sunt, ut in agros reducenda plebis curam haberent, deum benignitate summotum bellum ab urbe Roma & Latio esse: & posse sine metu in agris habitari. minime convenire, Sicilia, quam Italia, colenda maiorem curam esse. Sed res haudquaquam erat populo facilis, & liberis cultoribus bello absumptis, & inopia servitiorum, & pecore direpto, villisque dirutis, aut incensis. magna tamen pars auctoritate consulum compulsa in agros remigravit. Moverant autem huiusce rei mentionem Placentinorum & Cremonensium legati, querentes, agrum suum ab accolis Gallis incurfari, ac vastari, magnamque partem colonorum suorum dilapsam esse, & infrequentes se urbes, agrum vastatum ac desertum habere. Mamilius prætori mandatum, ut colonias ab hoste tueretur. consules ex S. C. edixerunt, ut qui cives Cremonenses, aut Placentini essent, ante certam diem in colonias reverterentur. principio deinde veris & ipsi ad bellum profecti sunt. Q. Cæcilius consul exercitum ab C. Nerone, L. Veturius ab Q. Claudio præpatore accepit, novisque militibus, quos ipse

ipse conscripserat, supplevit. In Consenti-
num agrum consules exercitum eduxerunt:
passimque depopulati, cum agmen jam grave
præda esset, in saltu angusto a Brutiis jacula-
toribus turbati sunt; ita ut non præda tan-
tum, sed armati quoque in periculo fuerint.
major tamen tumultus, quam pugna, fuit:
& præmissa præda, incolumes legiones in
loca tutæ evasere. inde in Lucanos profecti.
Ea sine certamine tota gens in ditionem po-
puli Romani rediit.

CAPUT VII.

Annibal in utraque fortuna mirabilis.

CUM Annibale nihil eo anno rei gestum est, 121
nam neque ipse se obtulit in tam recenti
vulnere publico, privatoque, neque laceſſie-
runt quietum Romani. tantam inesse vim,
etsi omnia alia circa eum ruerent, in uno illo
duce censebant. Ac nescio an mirabilior fue-
rit adversis, quam secundis rebus: quippe qui
cum & in hostium terra per annos tredecim,
tam procul ab domo, varia fortuna bellum ge-
reret, exercitu non suo civili, sed misto ex
colluvione omnium gentium, quibus non lex,
non mos, non lingua communis, alius habi-
tus, alia vestis, alia arma, alii ritus, alia sa-
cra, alii prope dii essent: ita quodam uno
vinculo copulaverit eos, ut nulla nec inter ip-
sos, nec adversus ducem seditio extiterit, cum
& pecunia sæpe in stipendium, & commea-
tus in hostium agro deessent: quorum ino-
pia priore Punico bello multa infanda inter
duces militesque commissa fuerant. Post Af-
drubalis vero exercitum cum duce, in qui-
bus spes omnis reposita victoriæ fuerat, de-
le-

claudebat. Ibi primo atrocissimum contra-
 ctum est certamen, & turre instructa omni
 genere telorum, & tormentis, machinisque
 ad oppugnandam eam ex navibus expositis.
 Cum omnium animos oculosque id certamen
 avertisset, porta maritimæ arcis Plator Ro-
 manos accepit: momentoque arx occupata
 est. Oppidani pulsi inde in mediam urbem ad
 alteram tendere arcem. Et ibi positi erant,
 qui fores portæ objicerent. ita exclusi in me-
 dio cæduntur, capiunturque. Macedonum
 præsidium conglobatum sub arcis muro ste-
 tit, nec fuga effulse petita, nec pertinaciter
 prælio inito. Eos Plator, venia a Sulpitio
 impetrata, in naves impositos ad Demetrium
 Phthiodis exposuit: ipse ad Attalum se rece-
 pit. Sulpitius tam facili ad Oreum successu
 elatus, Chalcidem inde protinus victrici
 classe petit. ubi haudquaquam ad spem even-
 tus respondit. Ex patenti utrinque coactum
 in angustias mare, ut speciem intuenti pri-
 mo gemini portus in ora duo versi præbuerit:
 sed haud facile alia infestior classi statio est:
 nam & venti ab utriusque terræ præaltis
 montibus subiti ac procellosi se dejiciunt: &
 factum ipsum Euripi non septies in die, sicut
 fama fert, temporibus statis reciprocatur: sed
 temere in modum venti nunc huc, nunc il-
 luc verso mari, velut monte præcipiti devo-
 lutus torrens, rapitur. ita nec nocte, nec
 die quies navibus datur. Cum classem tam in-
 festa statio accepit: tum & oppidum alia
 parte clausum mari, alia a terra egregie mu-
 nitum, præsidioque valido firmatum, &
 præcipue fide præfectorum principumque,
 quæ fluxa & vana apud Oreum fuerat, stabi-
 le atque inexpugnabile fuit. Id prudenter,
 ut in temere suscepta re, Romanus fecit,
 quod

quod circumspectis difficultatibus, ne frustra
 tempus tereret, celeriter abstulit incepto:
 classemque inde ad Gynum Locridis (empo-
 rium id est Opuntiorum urbis mille passuum
 a mari sitæ) trajecit. Philippum & ignes ab
 Oreo editi monuerant, sed serius Platoris
 fraude e specula elati: & impari maritimis
 viribus haud facilis erat in insulam classi ac-
 cessus. Itares per cunctationem omissa. Ad
 Chalcidis auxilium, ubi signum accepit, im-
 pigne est motus. nam & ipsa Chalcis, quan-
 quam ejusdem insulæ urbs est, tamen adeo
 arcto interscinditur freto, ut ponte conti-
 nenti jungatur, terraque aditum faciliorem,
 quam mari habeat. igitur Philippus, de-
 cto præsidio, fufisque Ætolis, qui saltum
 Thermopylarum insidebant, cum ab Deme-
 triade Scorusam, inde tertia vigilia profectus
 trepidos hostes Heracleam compulisset, ipse
 uno die Phocidis Elatiam millia amplius
 LX. contendit. Eodem ferme die ab Attalo
 Rege Opuntiorum urbs capta diripiebatur.
 concesserat eam prædam Regi Sulpitius,
 quia paucos ante dies ab Romano milite, ex-
 pertibus regiis, direptum fuerat. Romana
 classis Oreum sese receperat, & Attalus
 ignarus adventus Philippi, pecuniis a prin-
 cipibus exigendis terebat tempus. adeo.
 que improvisa res fuit, ut, nisi Creten-
 sium quidam forte pabulatum ab urbe lon-
 gius progressi agmen hostium procul con-
 spexissent, opprimi potuerit. Attalus in-
 ermis atque incompotus cursu effuso mare
 ac naves petit. & molientibus ab terra naves
 Philippus supervenit, metumque etiam ex
 terra nauticis præbuit. inde Opuntem rediit,
 deos, hominesque accusans, quod tante rei
 fortunam ex oculis prope raptam amisset.

Opuntii quoque ab eadem ira increpiti, quod, cum trahere obsidionem in adventum suum potuissent, viso statim hoste, prope involuntariam deditionem concessissent. Compositis circa Opuntem rebus, Thronium est profectus. Et Attalus primo Oreum se recepit. inde cum fama accidisset, Prusiam Bithyniæ Regem in fines regni sui transgressum omisis Romanis rebus, atque Ætolico bello, in Asiam trajecit. Et Sulpitius Æginam classem recipit, unde initio veris profectus erat. Haud majore certamine, quam Opuntem Attalus ceperat, Philippus Thronium cepit. Incolebant eam urbem profugi ab Thebis Phthioticis. urbe sua capta a Philippo, cum in fidem Ætolorum pervenisent, sedem eis Ætoli eam dederant, urbis vastæ, ac desertæ priore ejusdem Philippi bello. Tum ab Thronio, sicut paulo ante dictum est, recepta profectus, Tritonon, & Orumias, Doridis parva atque ignobilia oppida cepit. inde Elatiam, jussis ibi se operiri Ptolemæi Rhodiorumque legatis, venit. ubi cum de finiando Ætolico bello ageretur, (affuerant enim legati nuper Heracleæ concilio Romanorum Ætolorumque) nuntius affertur, Machanidam Olympiorum solemne ludicrum parantes Eleos aggredi statuisse. Prævertendum id ratus, legatis cum benigno responso dimissis, se neque causam ejus belli fuisse, nec moram, si modo æqua & honesta conditione liceat, paci facturum: cum expedito agmine profectus per Bœotiam, Megaram, atque inde Corinthum descendit. unde com meatibus sumptis, Phliunta, Pheneumque petit. & jam cum Heræam venisset, audito Machanidam fama adventus sui territum refugisse Lacedæmonem, Ægium se ad concilium.

etium Achæorum recepit : simul classem
 Punicam, ut mari quoque aliquid posset, ac-
 citam ibi raptus se inventurum. Paucis ante
 diebus in Phoceas trajecerant Pœni : inde
 portus Acarnanum petierant, cum ab Oreo
 profectum Attalum Romanosque audissent,
 veriti, ne in se iretur, & intra Rhium
 (fauces eæ sunt Corinthii sinus) opprime- 8:
 rentur. Philippus mœrebat quidem, & an-
 gebatur, cum ad omnia ipse raptim isset,
 nulli tamen se rei in tempore occurrisse, &
 rapientem omnia ex oculis elusisse celerita-
 tem suam fortunam. in concilio tamen, dis-
 simulans ægritudinem, elato animo disseruit:
 testatus deos, hominesque, senulli loco, nec
 temporis defuisse, quin ubi hostium arma concre-
 pissent, eo, quanta maxima posset celeritate,
 contenderet. sed vix rationem iniri posse, utrum
 ab se audacius, an fugacius ab hostibus ger-
 tur bellum. sic ab Opunte Attalum, sic Sulpi-
 tium a Chalcide, sic his ipsis diebus Machani-
 dam e manibus suis elapsam. Sed non semper
 felicem esse fugam : nec pro difficili id bellum
 habendum, in quo, si modo congressus cum
 hoste sis, viceris. quod primum esset, confes-
 sionem hostium habere, nequaquam pares es-
 se eos. brevi & victoriam hand dubiam ha-
 biturum : nec meliore eventu eos secum, quam
 spe, pugnatorios. Læti Regem socii audie-
 runt. Reddidit inde Achæis Heræam, &
 Triphyliam. Alipheram autem Megalopoli-
 tis, quod suorum jus esse finium satis pro-
 babant, restitui. inde navibus acceptis ab
 Achæis (erant autem tres quadriremes, &
 biremes totidem) Anticyram trajecit. in-
 de quinquere misit septem, & lembis
 viginti amplius, quos ut adjungeret Car-
 thaginienſium classi, miserat in Corin-
 thium

thium sinum, profectus, ad Erythras Ætolorum, quæ prope Eupalium sunt, exscensionem fecit. Haud fefellit Ætolos, nam hominum quod aut in agris, aut in propinquis castellis Potidaniæ, ac Apolloniæ fuit, in silvas, montesque refugit. Pecora, quæ inter festinationem abigi nequiverant, sunt direpta, & in naves compulsæ. Cum his, cæteraque præda Nicia prætore Acheorum Ægium misso, cum Corinthum petisset, pedestres inde copias per Bœotiam terram duci iussit. ipse a Cenchreis præter Atticem super Sunium navigans, inter medias prope hostium classes Chalcidem pervenit. inde collaudata fide, ac virtute, quod neque timor, neque spes flexissent eorum animos, hortatusque in posterum, ut eadem constantia permanerent in societate, si suam, quam Oritanorum, atque Opuntiorum fortunam mallent, ab Chalcide Oreum navigat. principumque iis, qui fugere capta urbe, quam se Romanis tradere, maluerant, summæ rerum, & custodia urbis permissa, ipse Demetriadem ab Eubœa, unde primo ad opem ferendam sociis profectus erat, trajecit. Cassandreæ deinde centum navium longarum carinis positis, contractaque ad effectum ejus operis multitudine fabrorum navalium, quia res in Græcia tranquillas & profectio Attali fecerat, & in tempore laborantibus sociis latum ab se auxilium, retro in regnum concessit, ut Dardanis bellum inferret.

CAPUT IV.

M. Livio, & Claudio Neroni propter egregiam de Asdrubale victoriam triumphus decernitur: Livius, qui in provincia sua rem gesserat, quadrigis Urbem invehitur; Nero, qui in collega provinciam venerat, equosequitur: & in hoc habitu plus gloria, & reverentia, quia plus in bello, quam collega fecerat, habet.

EXtremo æstatis ejus, quo hæc in Græciâ 9 sunt gesta, cum Q. Fabius Maximus, pater, legatus ab M. Livio consule Romam ad senatum missus, nuntiasset, consulem satis præsidii Galliæ provinciæ credere L. Porcium cum suis legionibus esse, decedere se inde, ac deduci exercitum consularem posse: patres non M. Livium tantum redire ad urbem, sed collegam quoque ejus C. Claudium jusserunt. Id modo in decreto interfuit, quod M. Livii exercitum reduci, Neronis legiones Annibali oppositas manere in provincia jusserunt. Inter consules ita per literas convenit, ut quemadmodum uno animo rem gessissent, ita, quanquam ex diversis regionibus convenirent, uno quoque tempore ad urbem accederent. Præneste qui prior venisset, collegam ibi operiri iussus. Forte ita evenit, ut eodem die ambo Præneste venirent. inde præmisso edicto, ut tri-duo post frequens senatus ad ædem Bellonæ adesset, omni multitudine obviam effusa, ad urbem accessere. Non salutabant modo universi, circumfusi, sed contingere pro se quisque victrices dextras consultum cupientes, alii gratulabantur, alii gratias

agebant, quod eorum opera incolumis Resp. esset. In senatu cum more omnium imperatorum expositis rebus ab se gestis, postulassent, ut pro Repub. fortiter fideliterque administrata, & diis immortalibus haberetur honos, & ipsis triumphantibus urbem ipire liceret: se vero ea quæ postularent, decernere patres merito deorum primum, dein secundum deos consultum, responderunt, & supplicationem amborum nomine, & triumphum utrique decreverunt. Inter ipsos, ne, cum bellum communi animo gessissent, triumphum separarent, ita convenit: quoniam & in provincia M. Livii res gesta esset, & eo die, quo pugnatum foret, ejus forte auspiciu fuisse; & exercitus Livianus deductus Romam venisset, Neronis de provincia deduci non potuisset: ut M. Livium quadrigis urbem inveniunt milites sequerentur, C. Claudius equo sine milicibus invehere-tur. Ita confociatus triumphus, cum utrique, tum magis ei, qui, quantum merito anteibat, tantum honore collegæ cesserat, gloriam auxit. Illam equitem agebant sex dierum spatio transcurrisse longitudinem Italia: & eo die cum Asdrubale in Gallia signis collatis pugnas-se, quo cum castra adversus sese in Apulia posita habere Annibal credidisset, ita unum consulem pro utraque parte Italia adversus duos duces, duos imperatores, hinc consilium suum, hinc corpus opposuisse, nomen Neronis satis fuisse ad continendum castris Annibalem: Asdrubalem vero qua alia re, quam adventu ejus, obrutum, atque extingui esse? Itaque iret alter consul sublimis curru multi jugis, si ve lat, equis: uno equo per urbem verum triumphum vehi: Neronem quoque, etiamsi pedes incedas, val. parat.

eo bello, vel spreto eo triumpho gloria memorabilem fore. Hi sermones spectantium Neronem usque in Capitolium profecuti sunt. Pecuniam in ærarium tulerunt fessertium tricies octuaginta millia æris. militibus M. Livius quinquagenos senos asses divisit, tantundem C. Claudius absentibus militibus suis est pollicitus, cum ad exercitum redisset. Notatum eo die plura carmina militari-
bus jocis in C. Claudium, quam in con-
sulem suum jactata. equites L. Veturium,
& Q. Cæcilium legatos magnis tulisse lau-
dibus: hortatosque esse plebem, ut eos
consules in proximum annum crearent. adje-
cisset equitum prærogativæ auctoritatem
consules, postero die in concione, quam
forti fidelique duorum præcipue legatorum
opera usi essent, commemorantes.

CAPUT V.

Habitis comitiis per Dictatorem M. Livium, creantur cons. L. Veturius, & Q. Cæcilius: facta provinciarum, & exercituum sortitione, prodigia procurantur.

Cum comitiorum tempus appeteret, & 10
per dictatorem comitia haberi placuis-
set, C. Claudius consul M. Livium colle-
gam dictatorem dixit, Livius Q. Cæcilium
magistrum equitum. A M. Livio dictatore
creati consules L. Veturius, Q. Cæcilius,
is ipse, qui tum erat magister equitum.
Inde prætorum comitia habita. Creati C.
Servilius, M. Cæcilius Metellus, T. Clau-
dius Asellus, Q. Mamilius Turrinus, qui
tum ædilis plebis erat. Comitiis perfectis,
dictator, magistratu abdicato, dimissoque
exer-

exercitu, in Etruriam provinciam ex S. C. est profectus ad quæstiones habendas, qui Etruscorum, Umbroꝝve populi defectionis ab Romanis ad Asdrubalem sub adventum ejus consilia agitassent, quique eum auxiliis, aut commeatu; aut ope aliqua juvissent. Hæc eo anno domi, militiæque gesta. Ludi Romani ter toti instaurati ab ædilibus curulibus Cn. Servilio Cæpione, Ser. Cornelio Lentulo. Item Ludi Plebei semel toti instaurati ab ædilibus plebis M. Pomponio Mathone, & Q. Manlio Turrino. Tertiodecimo anno Punici belli, L. Veturio Philone, & Q. Cæcilio Metello consulibus, Bruttii ambobus, ut cum Annibale bellum gererent, provincia decreta. Prætores exinde sortiti sunt, M. Cæcilius Metellus urbanam, Q. Mamilius peregrinam, C. Servilius Siciliam, T. Claudius Sardiniam. Exercitus ita divisi; consulum alteri, quem C. Claudius prioris anni consul; alteri, quem Q. Claudius pro prætore (ex binæ legiones erant) habuisset exercitum: in Etruria duas volonum legiones a C. Terentio pro prætore M. Livius pro consule, cui prorogatum in annum imperium erat, acciperet. Et Q. Mamilio, ut, colligæ jurisdictione tradita, Galliam cum exercitu, cui L. Portius pro prætore præfuerat, obtineret, decretum est; jussusque populari agros Gallorum, qui ad Pœnos sub adventum Asdrubalis defecissent. C. Servilio cum Cannensibus duabus legionibus, sicut C. Manilius tenuerat, Sicilia tuenda data. Ex Sardinia vetus exercitus, cui A. Hostilius præfuerat, deportatus. novam legionem, quam T. Claudius trajiceret secum, consules conscripserunt. Q. Claudio, ut Tarentum, C. Hostilio Tubulo, ut Capuam provinciam ha-

haberet, prorogatum in annum imperium est. M. Valerius pro consule, qui tuendæ circa Siciliam maritimæ oræ præfuerat, XXX navibus C. Servilio traditis, cum cætera omni classe redire ad urbem jussus. In civitate tanto discrimine belli sollicita, cum omnium secundorum adversorumque causas in deos verterent, multa prodigia nuntiabantur: Tarracinæ Jovis ædem, Satrici Mâtris Mâturæ de cœlo tactam. Satricanos haud minus terrebant in ædem Jovis foribus ipsis duo prolapsi angues. Ab Antio nuntiatum est, cruentas spicas metentibus visas esse. Cære porcus biceps, & agnus mas, idemque scœmina natus erat. Et Albæ duos soles visos referebant, & nocte Fregellis lucem obortam. Et bos in agro Romano locutus, & ara Neptuni multo sudore manasse in circo Flaminio dicebatur, & ædes Cereris, Salutis, Quirini de cœlo tactæ. Prodigia consules hostiis majoribus procurare jussi, & supplicationem in unum diem habere. Ea ex senatus consulto facta. Plus omnibus aut nuntiatis peregre, aut visis domi prodigiis terruit animos hominum: ignis in æde Vestæ extinctus. ob quam causam cæsa flagris est Vestalis virgo, cujus custodia noctis ejus fuerat, jussu P. Licinii pontificis. Id quanquam nihil portendentibus deis, cæterum negligentia humana acciderat, tamen & hostiis majoribus procurari, & supplicationem ad Vestæ haberi placuit.

CAPUT VI.

Summoto ab Urbe Roma jam bello, plebs in agrum, quem propter metum deseruerat, per consules compellitur: Cremonam quoque atque Placentiam coloni, qui propter Gallorum incursiones dilapsi inde fuerant, reducuntur: profecti deinde ad bellum cons., in agrum Consentinum, inde in Lucanos exercitus ducunt.

PRIUS quam proficiscerentur consules ad bellum, admoniti ab senatu sunt, ut in agros reducenda plebis curam haberent, deum benignitate summotum bellum ab urbe Roma & Latio esse: & posse sine metu in agris habitari. minime convenire, Sicilia, quam Italia, colenda maiorem curam esse. Sed res haudquaqua nerat populo facilis, & liberis cultoribus bello absumptis, & inopia servitiorum, & pecore direpto, villisque dirutis, aut incensis. magna tamen pars auctoritate consulum compulsa in agros remigravit. Moverant autem huiusce rei mentionem Placentinorum & Cremonensium legati, querentes, agrum suum ab accolis Gallis incurfari, ac vastari, magnamque partem coloniarum suorum dilapsam esse, & infrequentes se urbes, agrum vastatum ac desertum habere. Mamilius prætori mandatum, ut colonias ab hoste rueretur. consules ex S. C. edixerunt, ut qui cives Cremonenses, aut Placentini essent, ante certam diem in colonias reverterentur. præcipio deinde veris & ipsi ad bellum profecti sunt. Q. Cæcilius consul exercitum ab C. Nerone, L. Veturius ab Q. Claudio præratore accepit, novisque militibus, quos
ipse.

ipse conscripserat, supplevit. In Consenti-
num agrum consules exercitum eduxerunt:
passimque depopulati, cum agmen jam grave
præda esset, in saltu angusto a Brutiis jacula-
toribus turbati sunt; ita ut non præda tan-
tum, sed armati quoque in periculo fuerint.
major tamen tumultus, quam pugna, fuit:
& præmissa præda, incolumes legiones in
loca tuta evasere. inde in Lucanos profecti.
Ea sine certamine tota gens in ditionem po-
puli Romani rediit.

CAPUT VII.

Annibal. in utraque fortuna mirabilis.

CUm Annibale nihil eo anno rei gestum est. 12
nam neque ipse se obtulit in tam recenti
vulnere publico, privatoque, neque laceſſie-
runt quietum Romani. tantam inesse vim,
etsi omnia alia circa eum ruerent, in uno illo
duce censebant. Ac nescio an mirabilior fue-
rit adversis, quam secundis rebus: quippe qui
cum & in hostium terra per annos tredecim,
tam procul ab domo, varia fortuna bellum ge-
reret, exercitu non suo civili, sed misto ex
colluvione omnium gentium, quibus non lex,
non mos, non lingua communis, alius habi-
tus, alia vestis, alia arma, alii ritus, alia sa-
cra, alii prope dii essent: ita quodam uno
vinculo copulaverit eos, ut nulla nec inter ip-
sos, nec adversus ducem seditio extiterit, cum
& pecunia sæpe in stipendium, & commea-
tus in hostium agro deessent: quorum ino-
pia priore Punico bello multa infanda inter
duces militesque commissa fuerant. Post Af-
drubalis vero exercitum cum duce, in qui-
bus spes omnis reposita victoriæ fuerat, de-
le-

letum, cedendoque in angulum Bruttium cætera Italia concessum, cui non videatur mirabile, nullum motum in castris factum? nam ad cætera id quoque accesserat, ut ne alendi quidem exercitus nisi ex Bruttio agros spes esset: qui ut omnis coleretur, exiguum tamen tanto alendo exercitui erat: tum magnam partem juventutis abstractam a cultu agrorum bellum occupaverat, & mos vitio etiam insitus genti inter latrocinia militiam exercendi. nec ab domo quicquam mittebatur, de Hispania retinenda sollicitis, tanquam omnia prospera in Italia essent.

C A P U T V I I I.

P. Scipio in Hispania, exclusis in totum possessione ejus Pœnis hostibus, debellat.

IN Hispania res quadam ex parte eandem fortunam, quadam ex parte longe disparem habebant: eandem, quod prælio victi Carthaginienſes duce amiſſo in ultimam Hispaniæ oram uſque ad Oceanum compulſi erant: diſparem autem, quod Hispania non quam Italia modo, ſed quam ulla pars terrarum bello reparando aptior erat locorum, hominumque ingentis. Itaque ergo prima Romanis inſita provinciarum, quæ quidem continentis ſint, poſtrema omnium noſtra demum ætate, ductu, auſpicioque Auguſti Cæſaris, perdomita eſt. Ibi tum Aſdrubal Giſgonis filius, maximus clariffimusque eo bello ſecundum Barchinos dux, regreſſus ab Gadibus, rebellandi ſpem adjuvante Magone Amilcaris filio, delectibus per ulteriorem Hispaniam habitis, ad quinquaginta millia peditum, & quatuor millia & quingentos equites armavit. De
eque

equestribus copiis ferme inter auctores con-
 venit . peditum LXX. millia quidam adducta
 ad Silpiam urbem scribunt . Ibi super campos
 patentes duo duces Pœni ea mente , ne detre-
 ctarent certamen , confederunt . Scipio , cum 13
 ad eum fama tanti comparati exercitus perla-
 ta esset , neque Romanis legionibus tantæ se
 parem fore multitudini ratus , ut non in spe-
 ciem saltem opponerentur barbarorum auxi-
 lia , neque in iis tamen tantum virium ponend-
 um , ut mutando fidem , quæ cladis causa fuisset
 patri , patruoque ; magnum momentum
 facerent ; præmisso Silano ad Colcam duode-
 triginta oppidis regnantem , ut equites pedi-
 tesque ab eo , quos se per hyemem conscriptu-
 rum pollicitus erat , acciperet , ipse a Tarra-
 cone profectus , protinus ab sociis , qui acco-
 lunt viam , modica contrahendo auxilia , Ca-
 stulonem pervenit . Eo adducta ab Silano au-
 xilia , tria millia peditum , & quingenti equi-
 tes . Inde ad Bæculam urbem processum cum
 omni exercitu civium , sociorum , peditum
 equitumque X. & XL. millibus . Castra po-
 nentes eos Mago , & Massanissa cum omni
 equitatu aggressi sunt . turbassentque mu-
 nientes , ni abditi post tumulum , opportune
 ad id positi ab Scipione equites improvise in-
 effusos incurrisent . Hi promptissimum quen-
 que , & proxime vallum , atque in ipsos mu-
 nitores primum in vedum vixdum prælio ini-
 to fuderunt . cum cæteris , qui sub signis at-
 que ordine agminis incesserant , longior , &
 diu ambigua pugna fuit . sed cum ab stationi-
 bus primum expeditæ cohortes , deinde ex
 opere deducti milites , atque arma capere
 iussi plures & integri fessis subirent , ma-
 gnumque jam agmen armatorum a castris in
 prælium rueret , terga haud dubie vertunt
 Po-

Pœni, Numidæque. Et primo turmatim abibant, nihil propter pavorem festinationemve confusis ordinibus: dein postquam acrius ultimus incidebat Romanus, neque sustineri impetus poterat, nihil jam ordinum memores, passim qua cuique proximum fuit, in fugam effunduntur. Et quanquam eo prælio aliquantum & Romanis aucti, & diminuti hostibus animi erant: tamen nunquam per aliquot insequentes dies ab excursionibus equitum, levisque armaturæ cessatum est. Ubi satis tentatæ per hæc levia certamina vires sunt, prior Asdrubal in aciem copias eduxit: deinde & Romani processere, sed utraque acies pro vallo stetit instructa. & cum ab neutris pugna cœpta esset, jam die ad occasum inclinante; a Pœno prius, deinde ab Romano in castra copiarum reductæ. Hoc idem per dies aliquot factum, prior semper Pœnus copias castris educebat, prior fessis stando signum receptui dabat. ab neutra parte procursum, telumve missum, aut vox ulla orta. mediam aciem hinc Romani, illinc Carthaginienses missi Afris, cornua socii tenebant. erant autem utrinque Hispani pro cornibus. ante Punicam aciem elephantum castellorum procul speciem præbebant. Jam hoc in utrisque castris sermonis erat, ita ut instructi stetissent, pugnatuuros: medias acies, Romanum Pœnumque, quos inter belli causa esset, pari robore animorum armorumque concursuras. Scipio, ubi hæc obstinate credita animadvertit, omnia de industria in eum diem, quo pugnaturus erat, mutavit. Tesseram vesperi per castra dedit, ut ante lucem viri equique curati, & pransi essent, armatus eques frægnatos stratosque teneret equos. Vixdum satis certa luce equi-

equitatum omnem cum levi armatura in stationes Punicas immisit. inde confestim ipse cum gravi agmine legionum procedit, præter opinionem destinatam suorum hostiumque, Romano milite cornibus firmatis, sociis in mediam aciem acceptis. Asdrubal clamore equitum excitatus, ut ex tabernaculo profuit, tumultumque ante vallum, & trepidationem suorum, & procul signa legionum fulgentia, plenosque hostium campos vidit, equitatum omnem extemplo in equites emittit, ipse cum peditum agmine castris egreditur: nec ex ordine solito quicquam acie instruenda mutat. Equitum jamdiu anceps pugna erat. nec ipsa per se decerni poterat, quia pulsus (quod prope invicem fiebat) in aciem peditum tutus receptus erat. sed ubi jam haud plus quingentos passus acies inter sese aberant, signo receptu dato, Scipio, patefactisque ordinibus, equitatum omnem levemque armaturam in medium acceptam, divisamque in partes duas, in subsidiis post cornua locat. inde ubi incipiendæ jam pugnae tempus erat, Hispanos (ea media acies fuit) presso gradu incedere jubet. ipse e dextro cornu (ibi namque præerat) nuntium ad Silanum & Martium mittit, ut cornu extenderent in sinistra parte, quemadmodum se tendentem a dextra vidissent, & cum expeditis peditum, equitumque prius pugnam conferrent cum hoste, quam coire inter se mediæ acies possent: Ita diductis cornibus, cum ternis peditum cohortibus, ternisque equitum turmis, ad hoc velitibus, citato gradu in hostem ducebant, sequentibus in obliquum aliis. Sinus in medio erat, quia segnius Hispanorum signa incedebant. & jam

confluxerant cornua, cum, quod roboris in acie hostium erat, Pœni veterani, Afrique nondum ad teli coniectum venissent, neque in cornua, ut adjuvarent pugnantem, discurrere auderent, ne aperirent mediam aciem venienti ex adverso hosti. Cornua ancipiti prælio urgebantur, eques, levisque armatura, & velites circumductis alis in latera incurrebant. cohortes a fronte urgebant, ut abrumperent cornua a cætera acie. Et cum ab omni parte haudquaquam par pugna erat, tum, quod turba lixarum, tironumque Hispanorum Romano Latinoque militi objecta erat. Et procedente jam die vires etiam deficere Asdrubalis exercitum cœperant, oppressos matutino tumultu, coactosque prius quam cibo corpora firmarent, raptim in aciem exire. Ad id sedulo diem extraxerat Scipio, ut sera pugna esset. nam ab septima demum hora perditum signa cornibus concurrerunt. ad medias acies aliquanto serius pervenit pugna, ita ut prius æstus a meridiano sole, laborque standi sub armis, & simul fames sitisque corpora afficerent, quam manus cum hoste confererent. itaque steterunt scutis innixi. nam super cætera elephantum etiam tumultuoso genere pugnae equitum velitumque, & levis armaturæ consternati e cornibus in mediam aciem sese intulerant. Fessi igitur corporibus animisque retulere pedem, ordines tamen servantes haud secus, quam si imperio ducis cederet integra acies. Sed cum eo ipso acius, ubi inclinatum rem sentire, victores se undique invehent, nec facile impetus sustineri posset; quamquam retinebat, obsistebatque cedentibus Asdrubal, ab tergo esse colles, tutumque receptum, si modice se reciperent, clamitans: tamen vincen-

cente verecundiam metu cum proximus quisque hostem caderet, terga extemplo data, atque in fugam sese omnes effuderunt. Ac primo consistere signa in radicibus collium, ac revocare in ordines milites ceperant, cunctantibus in adversum collem erigere aciem Romanis. deinde ut inferri impigre signa viderunt, integrata fuga in castra pavidum compelluntur. Nec procul vallo Romanus aberat, cepissetve tanto impetu castra, ni se ex vehemementi sole, qualis inter graves imbre nubes effulget, tanta vis aquæ deiecisset, ut vix in castra sua receperit se victor; quosdam etiam religio ceperit, ulterius quicquam eo die conandi. Carthaginenses, quanquam fessos labore, ac vulneribus, nox, imberque ad necessariam quietem vocabat: tamen quia metus, & periculum cessandi non dabat tempus, prima luce oppugnaturis hostibus castra, saxis undique circa ex propinquis vallibus congestis augent vallum. munimento sese, quando in armis parum præsidii foret, defensuri. Sed transitio sociorum, fuga ut tutior mora videretur, fecit. principium defectionis ab Atane, regulo Turdetanorum, factum est. is cum magna popularium manu transfugit. inde duo munita oppida cum præsiidiis tradita a præfectis Romano. Et ne latius, inclinatis semel ad defectionem animis, serperet res, silentio proximæ noctis Asdrubal castra mo- 16
vet. Scipio, ut prima luce, qui in stationibus erant, retulerunt profectos hostes. præmisso equitatu, signa ferri jubet. adeoque citato agmine ducti sunt, ut, si via recta vestigia sequentes issent, haud dubie assecuturi fuerint ducibus est creditum, brevius aliud esset iter ad Bætis fluvium, ut transeuntes aggrederentur, Asdrubal clauso transitu fluminis ad
Occa.

Oceanum flectit. & jam inde fugientium modo effusi abibant, idque aliquantum ab legionibus Romani intervalli fecit. eques, levisque armatura nunc ab tergo, nunc ab lateribus occurrendo, fatigabat, morabaturque. sed cum ad crebros tumultus signa consisterent, & nunc equestria, nunc cum velitibus, auxiliisque peditum prælia confererent. supervenerunt legiones. Inde non jam pugna, sed trucidatio velut pecorum fieri, donec ipse dux fugæ auctor in proximos colles cum septem millibus ferme semiermium evalit. cæteri cæsi captique. castra tumultuaria raptim Pœni tumulto editissimo communierunt. atque inde cum hostes nequicquam subire iniquo ascensu conati essent haud difficulter sese tutati sunt. sed obsidio in loco nudo, atque inopi vix in paucos dies tolerabilis erat. itaque transiciones ad hostem fiebant. postremo ipse dux navibus acceptis (nec procul inde aberat mare) nocte relicto exercitum Gades perfugit. Scipio, fuga ducis hostium audita, decem millia peditum, mille equites relinquit Silano ad castrorum obsidionem. ipse cum cæteris copiis, septuagesimis castris, protinus causis regulorum civitatumque cognoscendis, ut præmia ad veram meritorum æstimationem tribui possent. Tarraconem rediit. Post profectionem ejus Massanissa cum Silano clam congressus, ut ad nova consilia gentem quoque suam obedientem haberet; cum paucis popularibus in Africam trajecit, non tam evidenti eo tempore subitæ mutationis causa, quam documento post id tempus constantissimæ ad ultimam senectam fidei, ne tum quidem eum sine probabili causa fecisse. Mago inde, remissis ab Asdrubale navibus. Gades

des petit. Cæteri deserti ab ducibus, pars
transitione, pars fuga dissipati per proxi-
mas civitates sunt, nulla manus numero,
aut viribus insignis. Hoc maxime modo,
ductu atque auspicio P. Scipionis, pulsi
Hispania Carthaginienses sunt, * duodeci-
mo anno post bellum initum, quinto post-
quam P. Scipio provinciam & exercitum ac-
cepit.

al.
ter-
doce-
cimo.

CAPUT IX.

*P. Scipio ab Tarracone in Africam ad Syphacem
regem Numidarum cum duobus navigiis trans-
vectus, fœdus cum eo jungit: invitatus ab re-
ge ad epulas, cum Asdrubale Gisgonis in eodem
lecto accumbit.*

HAud multo post Silanus debellatum 17
referens, Tarraconem ad Scipionem
rediit. L. Scipio cum multis nobilibus ca-
ptivis nuntius receptæ Hispaniæ Romam
est missus. Et cum cæteri lætitia gloria-
que ingenti eam rem vulgo ferrent, unus,
qui gesserat, inexplabilis virtutis, veræque
laudis, parvum instar eorum, quæ spe ac
magnitudine animi concepisset, receptas
Hispanias ducebat. jam Africam, magnam-
que Carthaginem, & in suum decus no-
menque velut consummatam ejus belli glo-
riam spectabat. Itaque præmoliendas ibi
ratus jam res, conciliandosque regum gen-
tiumque animos, Syphacem primum Regem
statuit tentare. Masæsylium is Rex erat.
Masæsyli gens affinis Mauris, in regionem
Hispaniæ, maxime qua sita Nova Cartha-
go est, spectant. Fœdus ea tempestate Re-
gi cum Carthaginiensibus erat: quod haud

gravius ei sanctiusque, quam vulgo barbaris, quibus ex fortuna pendet fides, ratus fore, oratorem ad eum C. Lælium cum donis mittit. Quibus barbarus lætus, & quia restum prosperæ ubique Romanis, Pœnis in Italia adversæ, in Hispania nullæ jam erant, amicitiam se Romanorum accipere annuit. firmandæ ejus fidem nec dare, nec accipere, nisi cum ipso coram duce Romano. Ita Lælius in id modo fide ab Rege accepta, tutum adventum fore, ad Scipionem rediit. Magnum in omnia momentum Syphax affectantires Africæ erat opulentissimus ejus terræ rex, bello jam expertus ipsos Carthaginenses, finibus etiam regni apte ad Hispaniam, quod freto exiguo dirimuntur, positis. Dignam itaque rem Scipio ratus, quæ, quoniam non aliter posset, magno periculo peteretur; L. Marcio Tarracone, M. Silano Carthagine nova, quo pedibus ab Tarracone itineribus magnis ierat, ad præsidium Hispaniæ relictis, ipse cum C. Lælio duabus quinqueremibus ab Carthagine profectus tranquillo mari plurimum remis, interdum & leni juvante vento, in Africam trajecit. Forte ita incidit, ut eo ipso tempore Asdrubal pulsus Hispania septem triremibus portum inVectus; anchoris positus, terræ applicaret naves: cum conspectæ duæ quinqueremes, haud cuiquam dubio, quin hostium essent, opprimique a pluribus, prius quam portum intrarent, possent, nihil aliud, quam tumultum ac trepidationem simul militum ac nautarum, nequicquam armaque & naves expredientium, fecerunt. percussa enim ex alto vela paulo acriori vento prius in portum intulerunt quinqueremes, quam Pœni anchoras molirentur, nec ultra tumultum agere quis quic-

quam in regi- portu audebat. Itaque prior in terram Asdrubal, mox Scipio, & Lælius egressi ad Regem pergunt. Magnificumque id Syphaci, nec erat aliter, visum, duorum opulentissimorum ea tempestate duces popu- lorum uno die suam pacem amicitiamque pe- tentes venisse. Utrunque in hospitium invi- tat. & quoniam fors eos sub uno tecto esse, atque ad eosdem penates voluisset, contra- here in colloquium dirimendarum simulta- tum causa est conatus; Scipione abnuente aut privatim sibi ullum cum Pœno odium esse, quod colloquendo finiret, aut de Rep. se quicquam cum hoste agere injussu senatus posse. Illud magnopere contendente Rege, ne alter hospitum exclusus mensa videretur, ut in animum induceret ad easdem venire e- pulas, haud abnuit. cœnatumque simul apud Regem est. eodem etiam lecto; Scipio, atque Asdrubal, quia ita cordi erat Regi, accubuerunt. Tanta autem inerat comitas Scipioni, atque ad omnia naturalis ingenii dexteritas, ut non Syphacem modo barba- rum, insuetumque moribus Romanis, sed hostem etiam infestissimum facunde allo- quendo sibi conciliarit. *mirabilioremque sibi eum congresso coram visum præ se ferebat, quam bello rebus gestis, nec dubitare, quin Syphax, regnumque ejus jam in Romanorum esset potestate. eam artem illi viro ad con- ciliandos animos esse. Itaque non quo modo Hispania amissa sit, querendum magis Car- thaginiensibus esse, quam quo modo Africam retineant, cogitandum. Non peregrinabun- dum, neque circa amœnas oras vagantem tantum ducem Romanum, relicta provincia nova disionis, relictis exercitiis, duabus navibus in Africam trajecisse, & commi-*

sisse sese in hostilem terram, in potestatem regiam, in fidem inexpertam, sed potiunda Africa spem affectantem. hoc eum jam pridem volutare in animo, hoc palam fremere, quod non, quemadmodum Annibal in Italia, sic Scipio in Africa bellum gereret.

C A P U T X.

Scipio, isto in Africa cum Syphace fœdere, in Hispaniam reversus, ad oppugnandas urbes Illiturgin, & Castulonem, que ad Pœnos defecerant, ducit exercitum: altera cum magna caede expugnata, alteram per proditionem capit.

S Scipio fœdere isto cum Syphace, profectus ex Africa, dubiisque & plerunque sævis
 19 in alto jaclatus ventis, die quarto Novæ Carthaginis portum tenuit. Hispaniæ sicut a bello Punico quietæ erant, ita quædam civitates, propter conscientiam culpæ, metu magis, quam fide, quietas esse apparebat: quarum maxime insignes & magnitudine & noxa Illiturgi, & Castulo erant. Castulonenses, cum prosperis rebus focii fuissent, post cæfos cum exercitibus Scipiones defecerant ad Pœnos. Illiturgitani, prodendis, qui ex illa clade ad eos perfugerant, interficiendisque, scelus etiam defectioni addiderant. In eos populos primo adventu, cum dubiæ Hispaniæ essent, merito magis, quam utiliter sævitum foret; tunc jam tranquillis rebus, quia tempus expetendæ pœnæ videbatur venisse, accitum ab Tarracone L. Mærtium cum tertia parte copiarum ad Castulonem oppugnandum mittit. ipse cum cætero exercitu quintis ferme ad Illiturgiæ castris pervenit. Clausæ
 erant

erant portæ; omniaque instructa, & parata ad oppugnationem arcendam. adeo conscientia, quid se meritos scirent, pro indicto eis bello fuerat. Hinc exhortari milites Scipio orsus est, *Ipsos, claudendo portas, indicasse Hispanos, quid ut timerent, meriti essent. itaque multo infestioribus animis cum eis, quam cum Carthaginensibus bellum gerendum esse. quippe cum illis prope sine ira de imperio, & gloria certari: ab iis perfidia, & crudelitatis, & sceleris pœnas expetendas esse. venisse tempus, quo & nefandam commilitonum necem, & in semetipsos, si eodem fuga delati forent, instructam fraudem ulciscerentur: & in omne tempus gravi documento sancirent, ne quis unquam Romanum civem, militemve in ulla fortuna opportunum injuria duceret.* Ab hac exhortatione ducis incitati scalas electis per manipulos viris dividunt: partitoque exercitu, ita ut parti alteri Lælius præfesset legatus, duobus simul locis ancipiti terrore urbem aggrediuntur. Non dux unus, aut plures principes oppidanos, sed suus ipsorum ex conscientia culpæ metus ad defendendam impigre urbem hortatur. & meminerant, & admonebant alii alios, *supplicium ex se, non victoriam peti: ubi quisque mortem oppeteret, id referre, utrum in pugna, & in acie, ubi mars communis & victum saepe erigeret, & affligeret victorem: an postmodum, cremata & diruta urbe, ante ora captarum conjugum liberorumque, inter verbera & vincula, omnia fœda atque indigna passi expirarent.* Igitur non militaris modo ætas, aut viri tantum, sed fœminæ quoque, puerique supra animi corporisque vires adsunt: propugnantibus tela ministrant, saxa in muros mu-

nientibus gerunt. non libertas solum agebatur, quæ virorum fortium tantum pectora acuit; sed ultima omnibus supplicia, & fœda mors ob oculos erat. accendebantur animi & certamine laboris, ac periculi, atque ipso inter se conspectu. Itaque tanto ardore certamen initum est, ut domitor ille totius Hispaniæ exercitus ab unius oppidi juventute sæpe repulsus a muris, haud satis decoro prælio trepidarit. Id ubi vidit Scipio veritus ne vanis conatibus suorum, hostibus cresceret animus, & segnior miles fieret, subimet conandum, ac partem periculi capeffendam esse ratus, increpita ignavia militum, ferri scalas jubet: seipsum, si cæteri cunctentur, ascensurum minatur. Jam subierat haud mediocri periculo mœnia, cum clamor undiq; ab sollicitis vicem imperatoris militibus sublatus, scalæque multis simul parvis erigi cœptæ. Et ex altera parte Lælius institit. Tum victa oppidanorum vis, dejectisque propugnatoribus occupantur muri. arx etiam ab ea parte, quæ inexpugnabilis videbatur, inter tumultum capta est. Transfugæ Afri, qui tum inter auxilia Romana erant, & oppidanis in ea tuenda, unde periculum videbatur, versis, & Romanis subeuntibus, qua adire poterant, conspexerunt editissimam urbis partem, quia rupe præalta tangebatur, neque opere ullo munitam, & ab defensoribus vacuum. levium corporum homines, & multa exercitatione perniciem, clavos secum ferreos portantes, qua per inæqualiter eminentia rupis poterant, scandunt. sicubi nimis arduum, & leve saxum occur-
 rebat, clavos per modica intervalla figentes, cum velut gradus fecissent, primi insequentes extrahentes manu, postremi suble-

van.

vantes eos, qui præ se irent, in summum evadunt. inde decurrunt cum clamore in urbem jam captam ab Romanis. Tum vero apparuit ab ira, & ab odio urbem oppugnatam esse. nemo capiendi vivos, nemo, patientibus ad direptionem omnibus, prædæ memor est. trucidant inermes juxta, atque armatos, fœminas pariter, ac viros: usque ad infantium cædem ira crudelis pervenit. ignem deinde tectis injiciunt, ac diruunt, quæ incendio absumi nequeunt. adeo vestigia quoque urbis extinguere, ac delere memoriam hostium sedis cordi est. Castulonem inde Scipio exercitum ducit: quam urbem non Hispani modo convenæ, sed Punici etiam exercitus edissipata passim fuga reliquæ tutabantur. sed adventum Scipionis prævenerat fama cladis Illiturgitanorum: terrorque inde ac desperatio invaserat omnes, & in diversis causis cum sibi quisque consultum sine alterius respectu vellet, primo tacita suspicio, deinde aperta discordia secessionem inter Carthaginienses, atque Hispanos fecit. His Cerdubellus propalam deditiois auctor: Himilco Punicis auxiliaribus præerat; quos, urbemque, clam fide accepta, Cerdubellus Romano prodit. Mitior ea victoria fuit. nec tantumdem noxæ admissum erat, & aliquantum iræ lenierat voluntaria deditio.

CAPUT XI.

*Scipio Carthagine Nova in honorem patris ,
& patris munus gladiatorium edit , non
ex gladiatoribus tamen , sed ex iis , qui aut
in honorem ducis , aut ex provocatione in
certamen descendunt : in eo reguli fra-
tres patruales de principatu ferro contem-
dunt.*

21 **M**Artius inde in barbaros, si qui nondum perdomiti erant, sub jus ditionemque redigendos missus. Scipio Carthaginem ad vota solvenda diis, munusque gladiatorium, quod mortis causa patris, patruique paraverat, edendum rediit. Gladiatorum spectaculum fuit non ex eo genere hominum, ex quo laicis comparare mos est, fervorum delectu, ac liberorum, qui venalem sanguinem habent. voluntaria omnis, & gratuita opera pugnantium fuit. nam alii missi ab regulis sunt ad specimen insitæ genti virtutis ostendendum, alii ipsi professi se pugnuros in gratiam ducis, alios æmulatio, & certamen, ut provocarent, provocatique haud abnuerent, traxit. quidam quas disceptando controversias finire nequiverant, aut noluerant, pacto inter se, ut victorem res sequeretur, ferro decreverunt. Neque obscuri generis homines, sed clari illustresque, Corbis, & Orsua, patruales fratres, de principatu civitatis, quam Ibem vocabant, ambigentes, ferro se certaturos professi sunt. Corbis major erat ætate. Orsua pater princeps proxime fuerat, a fratre majore post mortem ejus principatu accepto. Cum verbis disceptare Scipio vellet, ac sedare iras, negatum id ambo

ambo dicere communibus cognatis: nec alium deorum hominumve, quam Martem, se judicem habituros esse. Robore major, minor flore ætatis ferox, mortem in certamine, quam ut alter alterius imperio subiceretur, præoptantes, quod ab tanta rabie dirimi nequirent, insigne spectaculum exercitui præbuere, documentumque, quantum cupiditas imperii malum inter mortales esset. Major usu armorum, & astu facile stolidas vires minoris superavit. Huic gladiatorum spectaculo ludi funebres additi pro copia, & provinciali, & castrensi apparatu.

CAPUT XII.

Dum ab Romanis in Hispania Astapa urbs oppugnatur, oppidani conscientia scelerum, liberis, atque conjugibus trucidatis, cum eorum corporibus se quoque postremo in succensum in foro rogum conjiciunt.

REs interim nihilominus ab legatis gerebantur. Martius, superato Bæte 22 anni, quem incolæ Circen appellant, duas opulentas civitates sine certamine in dedicationem accipit. Astapa urbs erat, Carthaginiensium semper partis: neque id tam dignum ita erat, quam quod extra necessitates belli præcipuum in Romanos gerebant odium. nec urbem aut situ, aut munimento tutam habebant, quæ ferociores iis animos faceret. sed ingenia incolarum latrocinio læta, ut excursions in finitimum agrum sociorum populi Romani facerent, impulerant, & vagos milites Romanos, lixaq; & mercatores exciperent. magnum etiam

com tatum, quia paucis parum tuum fuerat. transgredientem fines, positis insidiis circumventum iniquo loco interfecerant. Ad hanc urbem oppugnandum cum admotus exercitus esset, oppidani conscientia scelerum, quia nec deditio tuta ad tam infestos videbatur: nec spes mœnibus, aut armis tuendæ salutis erat, facinus in se, ac suos fœdum, ac ferum consciscunt. Locum in foro destinant, quo pretiosissima rerum suarum congererent. super eum cum um conjuges, ac liberos confidere cum iussissent, ligna circa extruunt, fascesque virgultorum conjiciunt. quinquaginta deinde armatis juvenibus præcipiunt; ut donec incertus eventus pugne esset præsidium eo loco fortunarum suarum, corporumque, quæ cariora fortunis essent, servarent. si rem inclinatan viderent, atque in eo jam esse, ut urbs caperetur, scirent, omnes, quos euntes in prælium cernerent, mortam in ipsa pugna obituros. illos se per deos superos, inferosque orare, ut memores libertatis, quæ illo die aut morte honesta, aut servitute infami finienda esset, nihil relinquerent, in quod favire iratus hostis posset ferum, ignemque in manibus esse. amica, ac fideles potius ea, quæ peritura forent, absumerent manus, quam insultarent superbo ludibrio hostes. His adhortationibus exec ratio dira adjecta, si quem a proposito spes mollitiæ animi flexisset. inde concitato agmine patientibus portis ingenti cum tumultu erumpunt. Neque erat ulla satis firma statio opposita; quia nihil minus, quam ut egredi mœnibus auderent, timeri poterat. perpaucæ equitum turmæ, levisque armatura repente e castris ad id ipsum emissæ occurrit. Acrior impetu atque animis, quam compositior ordine

sine ullo, pugna fuit. Itaque pulsus eques,
 qui primum hosti se obtulerat, terrorem in-
 tulit levi armaturæ. pugnatumque sub ipso
 vallo foret; ni robur legionum, perexiguo
 ad instruendum dato tempore, aciem dire-
 xisset. Ibi quoque trepidatum parumper cir-
 ca signa est; cum cæci furore in vulnera ac
 ferrum vecordi audacia ruerent. dein vetus
 miles adversus temerarios impetus pertinax,
 cæde primorum insequentes suppressit. co-
 natus paulo post ultro inferre pedem, ut ne-
 minem cedere, atque obstinatos mori in
 vestigio quenque suo vidit; patefacta acie,
 quod ut facere posset, multitudo armato-
 rum facile suppeditabat, cornua hostium 23
 amplexus, in orbem pugnantes ad unum
 omnes occidit. Atque hæc tamen hostium
 iratorum, actum maxime dimicantium ju-
 re belli in armatos repugnantesque edeban-
 tur. foedior alia in urbe trucidatio erat,
 cum turba foeminarum puerorumque im-
 bellem inermemque cives sui cæderent, &
 in succensum rogam semianima pleraque
 injicerent corpora, rivique sanguinis flam-
 mam orientem restinguerent. postremo ipsi
 cæde miseranda suorum fatigati, cum armis
 medio incendio se injecerunt. Jam cædi per-
 petratae victores Romani supervenerunt, ac
 primo conspectu tam foedæ rei mirabundi
 parumper obstupuerunt. Dein cum aurum
 argentumque cumulo rerum aliarum inter-
 fulgens aviditate ingenii humani rapere ex
 igne vellent, correpti alii flamma sunt,
 alii ambusti afflatu vaporis: cum receptus
 primis urgente ab tergo ingenti turba non ef-
 fet. Ita Astapa sine præda militum ferro
 ignique absumpta est. Martius, cæteris re-
 gionis ejus metu in deditionem acceptis,

603 D E C. T E R T I Æ
victorem exercitum Carthaginem ad Scipio-
nem reduxit.

C A P U T XIII.

*Facta spe a perfugis recipiendi proditione Gades,
eo mittuntur a Scipione Martius cum terrestri-
bus copiis, & Lælius cum navalibus. Scipione
interimgravi morbo implicito, cum vani ru-
mores de vita ejus afferrentur, & Hispani so-
cii rebellant, & in castris Romanis, quæ ad
Sucronem erant, ingens civilis seditio excita-
tur. mox certo de ejus valetudine nuntio, u-
terque tumultus tranquillatur.*

PER eos ipsos dies perfugæ a Gadibus ve-
nerunt, pollicentes, urbem, Punicum-
que præsidium, quod in ea esset, & im-
peratorem præsidii cum classe prodituros es-
se. Mago ibi ex fuga substiterat: navibus-
que in Oceano collectis, aliquantum auxilio-
rum & trans fretum Africæ oræ, & ex pro-
ximis Hispaniæ locis per Annonem præfe-
ctum coegerat. Fide accepta dataque perfu-
gis, & Martius eo cum expeditis cohortibus,
& Lælius cum septem triremibus, & quin-
queremi una est missus, ut terra mariq; com-
muni consilio rem gererent. Scipio ipse gra-
vi morbo implicitus, graviore tamen fama,
cum ad id quisque quod audierat, insita ho-
minibus libidine alendi de industria rumo-
res, adjiceret aliquid, provinciam omnem,
ac maxime longinqua ejus turbavit: appa-
ruitque, quantam excitatura molem vera
fuisset clades, cum vanus rumor tantas pro-
cellas excivisset. non socii in fide, non
exercitus in officio mansit. Mandonius, &
Indibilis, quibus, quia regnum sibi Hispaniæ,

niæ, pulsisinde Carthaginienſibus, deſtina-
rant animis, nihil pro ſpe contigerat, con-
citiſ popularibus, (Lacetani autem erant)
& juventute Celtiberorum excita, agrum
Sueſſetanum, Sedetanumque ſociorum po-
puli Romani hoſtiliter depopulati ſunt. Ci-
vilis alius furor in caſtris ad Sucronem or-
tus. Octo ibi millia militum erant, præſi-
dium gentibus, quæ cis Iberum incolunt,
impoſitum. Motæ autem eorum mentes
ſunt, non tum cum primum de vita impera-
toris dubii rumores allati ſunt, ſed jam an-
te, licentia ex diutino, ut ſit, otio collecta,
& non nihil, quod in hoſtico laxius raptò
ſuetis vivere arctiores in pace res erant. Ac
primo ſermones tantum occulti ſerebantur.
*ſi bellum in provincia eſſet, quid ſeſe inter pacato-
ſ facere? ſi debellatum jam, & conſeſta pro-
vincia eſſet, cur in Italiam non revehi?* Flagi-
tatum quoque ſtipendium procacius, quam
ex more, & modestia militari erat, & a cu-
ſtodibus probra in circumeuntes vigilias tri-
bunos jacta: & noctu quidam prædatum in
agrum circa pacatum ierant: poſtremo in-
terdiu, ac propalam ſine comœatu ab ſignis
abibant. omnia libidine ac licentia mili-
tum, nihil inſtituto, ac diſciplina militiæ,
aut imperio eorum, qui præerant, gereba-
tur. forma tamen Romanorum caſtrorum
conſtabat una ea ſpe, quod tribunos ex con-
tagione furoris haud expertes ſeditionis de-
fectioniſque rati fore, & jura reddere in
principiis ſinebant, & ſignum ab eis pete-
bant, & in ſtationes, ac vigilias ordine
ibant: & ut vim imperii abſtulerant, in
ſpeciem dicto parentium ultro ipſi impe-
rantes ſervabant. Erupit deinde ſeditio,
poſtquam reprehendere, atque improbare

tribunos ea, quæ fierent, & conari obviam ire, & propalam annuere furoris eorum se futuros socios, senserunt. Fugatis itaque ex principiis, ac paulo post e castris tribunis, ad principes seditionis, gregarios milites, C. Albius Calenus, & C. Atrium Umbrus, delatum omnium consensu imperium est. qui nequaquam tribuniciis contenti ornamentis, insignia etiam summi imperii, fasces secure, & que attrectare ausi: neque iis venit in mentem, suis tergis, suis cervicibus virgas illas, secure, & que imminere, quas ad metum aliorum præferrent. Mors Scipionis falso credita occæcabat animos: sub cuius vulgatam jam famam, non dubitabant, totam Hispaniam arsuram bello. in eo tumultu & sociis pecunias imperari, & diripi propinquas urbes posse, & turbatis rebus, cum omnia omnes auderent, minus insignia fore, quæ
 25 ipsi fecissent. Cum alios subinde recentes nuntios non mortis modo, sed etiam funeris expectarent neque superveniret quisquam, evanesceretque temere ortus rumor; tum primi auctores requiri cæpti. & subtrahentes se quoque, ut credidisse potius temere, quam finxisse rem talem videri possent, destituti duces jam sua ipsi insignia, & pro vana imagine imperii, quod gererent, veram, justamque mox in se versuram potestatem exhorrebant. Stupenti ita seditioni cum vivere primo, mox etiam valere Scipionem, certi auctores afferrent, tribuni militum septem ab ipso Scipione missi supervenerunt. Ad quorum primum adventum exasperati animi: mox ipsis placido sermone permulcentibus notos, cum quibus congressi erant, leniti sunt. circumeuntes enim tentoria primo, deinde in principiis
 præ-

prætorioque, ubi sermones inter se serenatum circulos vidiſſent, alloquebantur, percunctantes magis, quæ cauſa iræ conſternationiſque ſubitæ foret, quam factum accuſantes. Vulgo ſtipendium non datum ad diem jaſtabatur, & cum eodem tempore, quo ſcelus Illiturgitanum extitiſſet, poſt duorum imperatorum, duorumque exercituum ſtragem ſua virtute deſenſum nomen Romanum, ac retenta provincia eſſet, Illiturgitanos pœnam noxę meritam habere, ſuis recte factis gratiam qui exolvat, non eſſe. Talia querentes æqua orare, ſequæ ea relatuſos ad imperatorem reſpondebant. lætari, quod nihil tritiſius, nec inſanabilius eſſet: & P. P. Scipionem de um benignitate, & Rempub. eſſe gratiæ referendæ. Scipionem bellis aſſuetum, ad ſeditionum procellas rudem, ſollicitum habebat res, ne aut exercitus peccando, aut ipſe puniendo modum excederet. in præſentia, ut cœpiſſet, leniter agi placuit: & miſſis circa ſtipendiarias civitates exactoribus, ſtipendii ſpem propinquam facere. Ediſtum ſubinde propoſitum, ut ad ſtipendium petendum convenirent Carthaginem, ſeu carptim partes, ſeu univerſi mallerent. Tranquillam ſeditionem jam per ſe languſcentem repentina quies rebellantium Hiſpanorum fecit. redierant enim in fines omiſſo iacœpto Mandonius, & Indibilis, poſtquam vivere Scipionem allatum eſt. nec jam erat aut civis, aut externus, cum quo furorem ſuum conſociarent. omnia circumſpectantes concilia, nihil reliqui habebant, præter * vulgatiffimum a malis con- * al- ſiliis receptum, ut imperatoris vel juſtæ iſtæ iræ, vel non deſperandæ clementiæ ſeſe ſim- committerent. etiam hoſtibus eum ignoviſſe, cum quibus ferro dimicaſſet. ſuam ſe-

seditionem sine vulnere, sine sanguine fuisset: nec ipsam atrocem, nec atroci pœna dignam: ut ingenia humana sunt ad suam cuique levandam culpam nimio plus facunda. Illa dubitatio erat, singulæne cohortes, an universi ad stipendium petendum irent, inclinavit eo sententia, quod tutius censebant universos ire.

CAPUT XIV.

Scipio, simulatione expeditionis contra rebellantes Hispania principes accito Carthaginem exercitum, qui ad Sucronem in officio non manserat, vehementi oratione castigata multitudine, in auctores seditionis supplicio animadvertit.

- 26 **P**ERE eosdem dies, quibus hæc illi consultabant, consilium de iis Carthagine erat: certabaturque sententiis, utrum in auctores tantum seditionis (erant autem hi numero haud plus, quam V & XXX) animadverteretur, an plurium supplicio vindicanda tam fœdi exempli defectio magis, quam seditio, esset. Vicit sententia lenior, ut unde orta culpa esset, ibi pœna consisteret: ad multitudinem castigationem satis esse. Concilio dimisso, ut id actum videretur, expeditio adversus Mandonium, Indibilemque edicitur exercitui, qui Carthagine erat, & cibaria dierum aliquot parare iubentur. tribunis septem, qui & antea Sucronem ad leniendam seditionem ierant, obviam exercitui missis, quina nomina principum seditionis edita sunt, ut eos per idoneos homines benigno vultu, ac sermone in hospitium invitatos, sopitosque vino vincirent. Haud
procul

procul jam Carthagine aberant, cum ex obviis auditum, postero die omnem exercitum cum Lælio Silanoque in Lacetanos proficisci, non metu modo omni, qui tacitus insidebat animis, liberaviteos, sed lætitiā ingentem fecit, quod magis habituri solum imperatorem, quam ipsi futuri in potestate ejus essent. Sub occasum solis urbem ingressi sunt, exercitumque alterum parantem omnia ad iter viderunt. Excepti sermonibus de industria compositis, lætum opportunumque adventum eorum imperatori esse, quod sub ipsam profectiōem alterius exercitus venissent, corpora curant. a tribunis sine ullo tumultu auctores seditionis per idoneos homines perducti in hospitia, comprehensi ac vincti sunt. Vigilia quarta impedimenta exercitus, cui simulabatur iter, proficisci cœpere. sub lucem signa mota, & ad portam retentum agmen: custodesque circa omnes portas missi, ne quis urbe egrederetur. Vocati deinde ad concionem, qui pridie venerant, ferociter in forum ad tribunal imperatoris, ut ultro territuri succlamationibus, concurrunt. Simul & imperator in tribunal conscendit, & reducti armati a portis inermi se concioni ab tergo circumfuderunt. tum omnis ferocia concidit, & (ut postea fatebantur) nihil æque eos terruit, quam præter spem robur, & color imperatoris, quem affectum visuros crediderant, vultusque, qualem ne in acie quidem ajebant meminisse. Sedit tacitus paulisper, donec nuntiatum est, deductos in forum auctores seditionis, & parata jam omnia esse. Tum, silentio per præconem facto, ita cœpit. *Nunquam mihi defuturam orationem, qua exercitum meum alloquerer, credidi: non quo verba unquam potius, quam res exeret* 27
hic,

cuerim, sed quia prope a pueritia in castris habitus, assueveram militaribus ingeniis. apud vos quemadmodum loquar, nec consilium, nec oratio suppeditat: quos ne quonominē quidem appellare debeam, scio, cives? qui a patria vestra descivistis. an milites? qui imperium auspiciūque abnuistis, sacramentireligionem rupistis. hostes? corpora, ora, vestitum, habitum civium agnosco; facta, dicta, consilia, animos hostium video. Quid enim vos, nisi quod illergetes, & Lacerani, aut optastis aliud, aut sperastis? & illi tamen Mandonium atque Indibilem, regia nobilitatis viros, duces furoris secuti sunt: vos auspiciū, & imperium ad Umbrum Atrium, & Calenum Albium detulistis. Negate vos, id omnes fecisse, aut factum voluisse, milites: paucorum eum furorem atque amentiam esse. libenter credam negantibus, nec enim ea sunt commissa, qua vulgata in omnem exercitum sine piaculis ingentibus explari possint. invitus ea, tanquam vulnera attingo: sed, nisi tacta, tractataque sanari non possunt. Equidem, pulsas Hispania Carthaginēnsibus, nullum locum in tota provincia, nullos homines credulam esse, ubi vita invisa esset mea. sic me non solum adversus socios gesseram, sed etiam adversus hostes. in castris meis (en quantum me opinio sefellit) fama mortis mea non accepta solum, sed etiam sperata est. non quod ego vulgari facinus per omnes velim: (equidem si totum exercitum meum mortem mihi optasse crederem, hic statim ante oculos vestros morerer: nec me vita juvaret invisa quibus, & militibus meis) sed multitudo omnis, sicut natura maris, per se immobilis est: ut venti & aurae cient, aut tranquilli, aut procellosi. & causa in vobis, atque origo omnis furoris penes aucto-

res est. vos contagione insanistis. Quin mihi ne hodie quidem scire videmini, quo amentia progressi sitis, quid facinoris in me, quid in patriam, parentesque ac liberos vestros, quid in deos sacramentitestes, quid adversus auspicia, sub quibus militastis, quid adversus morem militiae, disciplinamque majorum, quid adversus summi imperii majestatem ausi sitis. De me ipso taceo. temere potius, quam avide credideritis: is denique ego sim, cujus imperii cadere exercitum, minime mirandum sit: patria quid de vobis meruerat, quam cum Mandonio, & Indibili consociando consilia, praebeatis? quid populus Romanus? cum imperium ablatum ab tribunis suffragio populi creatis, ad homines privatos detulistis: cum, eo ipso non contenti, si prae tribunis illos haberetis, fasces imperatoris vestri ad eos, quibus servus, cui imperarent, nunquam fuerat, Romanus exercitus detulistis. In pratorio tetenderunt Albius, & Atrius: clasticum apud eos cecinit: signum ab iis positum est: sederunt in tribunali praefectus Scipionis: lictor apparuit: submovente eo inceserunt: fasces cum securibus praelati sunt. Lapidibus plueret, & fulmina jaci de caelo, & insuetos ferus animalia edere, vos portentosa esse putatis? hoc est portentum, quod nullis hostiis, nullis supplicationibus sine sanguine eorum, quod tantum facinus ausi sunt, expiari possit. Atque ego, quanquam nullum scelus rationem haberet; tamen ut in re nefaria, qua mens, quod consilium vestrum fuerit, scire velim. Rhegium quondam in praesidium missa legio, interfectis per scelus principibus civitatis, urbem opulentiam per decem annos tenuit. propter quod facinus tota legio, millia hominum quatuor, in foro Roma securi percussi sunt. Sed illi primum non Atrium Umbram semilixam,

*dictam, nominis etiam abominandi ducem; sed D. Jubellium, tribunum militum, secuti sunt: nec cum Pyrrho, nec cum Samnitibus, aut Lucanis, hostibus populi Romani, se conjunxerunt. vos cum Mandonio, atque Indibili & consilia communicastis, & arma consociaturi fuistis. Illi, sicut Campani Capuam Tuscis veteribus cultoribus ademptam, Mamertini in Sicilia Messanam, sic Rhegium habituri perpetuam sedem erant: nec populum Romanum; nec socios populi Romani ultro lace ssituri bello. Sucronemna vos domicilium habituri eratis? ubi si vos decedens confecta provincia imperator relinquerem, deum hominumque fidem implorare debebatis, quod non rediretis ad conjuges liberosque vestros, sed horum quoque memoriam, sicut patria meique, ejeceratis ex animis vestris. Viam consilii scelerati, sed non ad ultimum dementis exequi volo. Me ne vivo, & cetero incolumi exercitu, cum quo ego die una Carthaginem cepi, cum quo quatuor imperatores, quatuor exercitus Carthaginensium fudi, fugavi, Hispania expuli, vos octo millia hominum, * majoris certe omnes pretii, quam Albius, & Atrius sunt, quibus vos subjecistis, Hispaniam provinciam populo Romano erepturi eratis? Amolior, & amoveo nomen meum: nihil ultra facile creditam mortem meam a vobis violatus sim: quid? si ego morerer, mecum expiratura respublica, mecum casurum imperium populi Romani erat? ne istud Jupiter Optimus Maximus fieri, urbem auspiciato diis auctoribus in aeternum conditam, fragili huic, & mortali corpori aequalem esse. Flaminio, Paulo, Graccho, Postumio Albino, M. Marcello, T. Crispino, Cn. Fulvio, Scipionibus meis, tot tam claris imperatoribus, uno bello absumptis, superstes est populus Romanus, erit.*

* al.
mi-
no-
ris.

ritque mille aliis nunc ferro, nunc morbo morien-
 tibus: meo unius funcre elata esset Pop. Rom. res-
 publica? Vos ipsi hic in Hispania, patre, & pa-
 truo meo, duobus imperatoribus interfecistis, Se-
 ptimum Martium ducem vobis adversus exultan-
 tes recenti victoria Penos delegistis. & sic lo-
 quor, tanquam sine duce Hispania futura fue-
 rint. M. Silanus eodem jure, eodem imperio me-
 cum in provinciam missus, L. Scipio, frater
 meus, & C. Lalius legati, vindices majestatis
 imperii deessent? utrum exercitus exercitui, an
 duces ducibus, an dignitas, an causa compara-
 ri poterat? quibus si omnibus superiores essetis,
 arma tamen cum iocenis contra patriam, contra
 cives vestros ferretis? Africam Italia, Cartha-
 ginem urbi Roma imperare velletis? quam ob
 noxam patria? Coriolanum quondam damnatio
 injusta, miserum & indignum exilium, ut ires 29
 ad oppugnandam patriam, impulit, revocavit
 tamen a publico parricidio privata pietas. vos
 qui dolor, qua iram incitavit? stipendiumne die-
 bus paucis imperatore agro serius numeratum
 satis digna causa fuit, cur patria indiceretis
 bellum? cur ad Illyrgetes descisceretis a popu-
 lo Romano? cur nihil divinarum, humana-
 rumve rerum inviolatum vobis esset? insani-
 stis profecto, milites: nec major in corpus me-
 um vis morbi, quam in vestras mentes inva-
 sit. Horret animus referre, quid crediderint
 homines, quid speraverint, quid optaverint.
 auferat omnia irrita oblivio ista, si potest: si
 non, utcumque silentium tegat. Non negave-
 rim, tristem, atrocemque vobis visam oratio-
 nem, quanto creditis facta vestra atrociora es-
 se, quam dicta mea? & me ea, qua fecistis,
 pati aequum censeatis: vos ne dici quidem o-
 mnia aequo animo feretis? sed ne ea quidem
 ipsa ultra exprobrabuntur, utinam tam facile
 vos

vos obliviscamini eorum, quam ego obliviscar. Itaque quod ad vos universos attinet, si erroris pœnitet, satis superque pœnarum habeo. *Albius Calenus, & Atrius Umber, & ceteri nefaria seditionis auctores sanguine luens, quod admiserunt. Vobis supplicii eorum spectaculum non modo non acerbum, sed latum etiam, si sana mens rediit, debet esse. de nullis enim, quam de vobis, infestius, aut iniquius consuluerunt.* Vix finem dicendi fecerat, cum ex præparato simul omnium rerum terror oculis auribusque est offusus. Exercitus, qui corona concionem circumdederat, gladiis ad scuta concrepuit præconis audita vox citantis nomina damnatorum in concilio. nudi in medium protrahantur, & simul omnis apparatus supplicii expromebatur. deligati ad palum, virgisque cæsi, & securi percussi, adeo torpentibus metu, qui aderant, ut non modo ferocior vox adversus atrocitatem pœnæ, sed ne gemitus quidem exaudiretur. Tracti inde de medio omnes, purgatoque loco, citati milites nominatim apud tribunos militum in verba P. Scipionis jurarunt, stipendiumque ad nomen singulis persolutum. Hunc finem exitumque seditio militum cœpta apud Sucronem habuit.

CAPUT XV.

*In ultimam Hispaniam cum spe Gades proditi-
one recipiendi profecti Martius, & Lælius,
alter terra adversus Annonem, alter mari
adversus Adherbalem, qui patefacta conjura-
tionis auctores Carthaginem in Africam
devehebat, rem feliciter gerunt: ad irritum
redacta spe Gadibus per proditionem potiun-
di, ad Scipionem revertuntur.*

PER idem tempus ad Bætium fluvium 30
Anno præfectus a Magone missus a
Gadibus cum parva manu Afrorum, merce-
de Hispanos sollicitando, ad IV millia ju-
venum armavit. castris deinde exutus ab L.
Martio, maxima parte militum inter tumultum
captorum castrorum, quibusdam etiam
in fuga amissis, palatos persequente equite,
cum paucis ipse effugit. Dum hæc ad Bæ-
tim fluvium geruntur, Lælius interim freto
in Oceanum eVectus ad Cartejam classe ac-
cessit: Urbs ea in ora Oceani sita est, ubi
primum e faucibus angustis panditur mare.
Gades sine certamine per proditionem reci-
piendi, ultro qui eam rem pollicerentur,
in castra Romana venientibus, spes (sicut
ante dictum est) fuerat. sed patefacta im-
matura proditio est, comprehensosque om-
nes Mago Adherbali prætori Carthaginem
devehendos tradit. Adherbal, conjuratis in
quiqueremem impositis, præmissaque ea,
quia tardior, quam triremis erat, ipse cum
octo triremibus modico intervallo sequitur.
Jam fretum intrabat quiqueremis, cum
Lælius & ipse in quiqueremi e portu
Cartejæ, sequentibus septem triremibus eve-
ctus,

ctus, in Adherbalem ac triremes invehitur, quinqueremem fatis credens deprehensam rapido in freto in adversum æstum reciprocari non posse. Pœnus in re subita parumper incertus trepidavit, utrum quinqueremem sequeretur, an in hostes rostra converteret. ipsa cunctatio facultatem detrectandæ pugnæ ademit. jam enim subiectu teli erant, & undique instabant hostes. æstus quoque arbitrium moderandi naves ademerat. neque erat navali pugnæ similis: quippe ubi nihil voluntarium, nihil artis aut consilii esset. una natura freti, æstusque, totius certaminis potens, suis alienis navibus nequicquam remigio in contrarium tendentes invehibat: ut fugientem videres retro vertice intortam victricibus illatam; & sequentem, si in contrarium tractum incidisset maris, fugientis modo sese avertentem. Jam in ipsa pugna hæc cum infesto rostro peteret hostium navem, obliqua ipsa ictum alterius rostri accipiebat: illa cum transversa objiceretur hosti, repente intorta in proram circumagebatur. Cum inter triremes, fortuna regente, anceps prælium misceretur, quinquere mis Romana, seu pondere tenacior, seu pluribus remorum ordinibus scindentibus vortices, cum facilius regeretur, duas triremes suppressit, unius prælata impetu lateris alterius remos deterisit: cæterasque, quas indepta esset, mulcasset, ni cum reliquis quinque navibus Adherbal velis in Africam transmisisset.

31 Lælius victor Cartejam revectus, auditis, quæ acta Gadibus erant, patefactam prodicionem, conjuratosque missos Carthaginem, spem in irritum redactam, qua venissent; nuntiis ad L. Martium missis, nisi terere frustra tempus sedendo ad Gades vel-
lent,

lent, redeundum ad imperatorem esse: assentiente Martio, paucos post dies ambo Carthaginem rediere. Ad quorum discessum non respiravit modo Mago, cum terra marique ancipiti metu urgeretur sed etiam, audita rebellionem Illergetum, spem recuperandæ Hispaniæ nactus, nuntios Carthaginem mittit ad senatum: qui simul seditionem civilem in castris Romanis, simul defectionem sociorum in majus verbis extollentes hortarentur, ut auxilia mitterent, quibus traditum a patribus imperium Hispaniæ repeti posset.

C A P U T XVI.

Scipio rebellantes Hispania principes, Mandonium & Indibilem, bello persequutus, cogit in deditionem venire.

Mandonius, & Indibilis in fines regressi, paulisper, dum quidnam de seditione statueretur, scirent, suspensi quieverunt: si civium errori ignosceretur, non diffidentes, sibi quoque ignosci posse. postquam vulgata est atrocitas supplicii, suam quoque noxam pari poena æstimatam rati, vocatis rursus ad arma popularibus, contra-ctisque, quæ ante habuerant, auxiliis, in Sedetanum agrum, ubi principio defectionis flativa habuerant, cum XX millibus peditum, duobus millibus equitum & quingentis transcenderunt. Scipio cum fide solven- 32.
di pariter omnibus noxiis innoxiiisque stipendii, tum vultu ac sermone in omnes placato facile reconciliatis militum animis, prius quam castra a Carthagine moveret, concione advocata, multis verbis in perfidiam rebellantium regulorum invehens, nequa-
Tom. II. *D d* quam

quam eodem animo se ire professus est ad vindicandum id scelus, quo civilem errorem nuper sanaverit. Tum se haud secus, quam viscera secantem sua, cum gemitu & lacrymis quinque & triginta hominum capitibus expiasse octomillium seu imprudentiam, seu noxam: nunc lato & erecto animo ad eadem Ilhergetum ire, non enim eos neque natos in eadem terra, nec ulla secum societate iunctos esse. eam, qua sola fuerit, fidem, atque amicitiam ipsos per scelus rupisse. in exercitu suo se, praterquam quod omnes cives, aut socios, Latini-que neminis videat, etiam eo moveri, quod nemo fere sit miles, qui non aut a patruo suo Cn. Scipione, qui primus Romani nominis in eam provinciam venerit, aut a patre consule, aut a se sit ex Italia advectus. Scipionum nomini auspiciisque omnes assuetos, quos secum in patriam ad meritum triumphum deducere velit: quos consulatum petenti, velut si omnium communis agatur bonos, affuturos speret. Quod ad expeditionem eam attineat, qua instet, inmemorem esse rerum suarum gestarum, qui id bellum ducat. Magonis herile sibi, qui extra orbem terrarum in circumfusam Oceano insulam cum paucis persugerit navibus, maiorem curam esse, quem Ilhergetum, quippe illic & ducem Carthaginiensem, & quantumcunque l'unicum presidium esse: hic latrones, latronumque duces: quibus ut ad populandos finitimorum agros, rectaque uenda, & rapienda pecora aliqua vis sit, ita in acie, ac signis collatis nullam esse. magis velocitate ad fugam, quam armis, fretos, pugnaturos esse. Itaque non quod ullum inde periculum, aut semen majoris belli videat, ideo se, prius quam provinciam

redat, opprimendos Illergetes duxisse: sed primum, ne impunita tam scelerata defectio esset: deinde ne quis in provincia simul virtute tanta & felicitate perdomita relictus hostis dici posset. Proinde deis bene juvantibus sequerentur non tam ad bellum gerendum (neque enim cum pari hoste certamen esse) quam ad expetendas ab hominibus scelestis pœnas. Ab hac oratione dimissos, ad iter se comparare in diem posterum jubet, profectusque decimis castris pervenit ad Iberum flumen. inde superato amni, die quarto in conspectu hostium posuit castra. Campus autem montibus circumseptus erat. in eam vâllem Scipio cum pecora rapta pleraque ex ipsorum hostium agris propelli ad irritandam feritatem barbarorum jussisset, velites subsidio misit: a quibus ubi per procursationem commissâ pugna esset. Lælium cum equitatu impetum ex occulto facere jubet. mons opportune prominens equitum insidias texit. Nec ulla mora pugnae facta est. Hispani in conspecta procul pecora, velites in Hispanos præda occupatos incurrere. primo missilibus territavere, deinde emissis levibus telis, quæ irritare magis, quam decernere pugnam poterant, gladios nudant, & collato pede res cœpta geri est: ancepsque pedestre certamen erat, ni equites supervenissent. neque ex adverso tantum illati obvios obtrivere, sed circumvestietiam quidam per infima clivi ab tergo se, ut plerosque intercluderent, objecere. majorque cædes fuit, quam quantam edere levia per excursiones prælia solent. Ira magis accensa averso prælio barbaris est, quam imminuti animi. itaque ne perculsi viderentur, prima luce postero die in aciem processere.

Non capiebat omnes copias angusta, sicut ante dictum est, vallis. duæ ferme peditum partes, & omnis equitatus in aciem descendit: quod reliquum peditum erat, obliquo constiterunt colle. Scipio pro se esse loci angustias ratus, & quod in arcto pugna Romano aptior, quam Hispano militi futura videbatur: & quod in eum locum detracta hostium acies esset, qui non omnem multitudinem eorum caperet: novo etiam consilio adjecit animum, equitem nec polle circumdare cornibus in tam angullo spatio, & hosti, quem cum pedite eduxisset, inutilem fore. itaque imperat Lælio, ut per colles quam occultissimo itinere circumducatur equites, segreget. que, quantum possit, equestrem a pedestri pugna. ipse omnia signa peditum in hostes vertit: quatuor cohortes in fronte statuit, quia latius pandere aciem non poterat. moram pugnandi nullam fecit, ut ipso certamine averteret a conspectu transeuntium per colles equitum. neque ante circumductos sensere, quam tumultum equestris pugnae ab tergo acceperent. Ita duo diversa prælia erant duæ peditum acies, duo equitatus per longitudinem campi, (quia misceri ex genere utroque prælium angustia non patiebantur) pugnabant. Hispanorum cum neque pedes equiti, neque eques pediti auxilio esset: pedes fiducia equitis temere commissus campo caderetur: eques circumventus nec peditem a fronte, (jam enim stratae pedestres copiae erant) nec ab tergo equitem sustineret: & ipsi cum diu in orbem sese stantibus equis defendissent, ad unum omnes cæsi sunt: nec quisquam peditum equitumve superstit, qui in valle pugnauerunt. Tertia pars, quæ in colle ad spectaculum magis

gis tutum, quam ad partem pugnae capeſſendam ſteterat, & locum, & tempus ad fugiendum habuit. inter eos & reguli ipſi fu-
gerunt, prius quam tota circumveniretur a-
cies, inter tumultum elapſi. Caſtra eodem 34
die Hiſpanorum præter cæteram prædam
cum tribus ferme millibus hominum capiun-
tur. Romani focique ad mille CC eo prælio
cecidere, vulnerata amplius tria millia ho-
minum. minus cruenta victoria fuiſſet, ſi pa-
tentiore campo, & ad fugam capeſſendam fa-
cili, foret pugnatum. Indibilis, abjectis bel-
li conſiliis, nihil tutius afflictiſ rebus experta
fide & clementia Scipionis ratus, Mando-
nium fratrem ad eum mittit. Qui advolutus
genibus fatalem rabiem temporis eius accuſat,
*cum velut contagione quadam peſtifera non Il-
lergetes modo & Lacetani, ſed caſtra quoque
Romana inſanierint. ſuam quidem, & fratris,
& reliquorum popularium eam conditionem eſ-
ſe, ut aut, ſi ita videatur, reddant ſpiri-
tum P. Scipioni, ab eodem illo acceptum :
aut ſervati, bis uni debitam vitam pro eo
in perpetuum devoteant. antea in cauſa
ſua fiduciam ſibi fuiſſe, nondum experta
clementia eius : nunc contra, nullam in
cauſa, omnem in miſericordia victoris ſpem
repositam habere.* Mos vetuſtus erat Roma-
nis, cum quo nec foedere nec æquis legibus
jungerentur amicitia, non prius imperio in
eum tanquam pacatum uti, quam omnia
divina, humanaque dedidiſſet; obſides ac-
cepti, arma adempta, præſidia urbibus
impoſita forent. Scipio multis inveſtus in
præſentem Mandonium, abſentemque In-
dibilem verbis, illos quidem merito perituroſ
fuiſſe ipſorum maleſicio, ait, victuros
ſuo, atque populi Romani beneficio. care.

rum se neque arma iis adempturum: quippe ea pignora timentium rebellionem esse, se libera arma relinquere, solutosque metu animos, neque se in obsides innoxios, sed in ipsos, si defecerint, sciviturum: nec ab inermi, sed ab armato hoste pœnas expetiturum. utranque fortunam experiri, permittere sese, utrum propitios, an iratos habere Romanos mallent. Ita dimissus Mandonius, pecunia tantummodo imperata, ex qua stipendium militi præstari posset. Ipse, Martio in ulteriorem Hispaniam præmisso, Silano Tarraconem remisso, paucos moratus dies, dum imperatam pecuniam Illergetes pernumerarent, cum expeditis Martium jam appropinquantem Oceano assequitur.

CAPUT XVII.

Scipio cum Massanissa rege Numidarum colloquio congressus, cum illo fœdus jungit, auxilium pollicente, si Romani in Africam trajecissent.

35. **I**Nchoata res jam ante de Massanissa aliis de causis dilata erat, quod Numida cum ipso utique congredi Scipione volebat, atque ejusdem dextra fidem sancire. ea tum itineris tam longi, ac tam devii causa Scipioni fuit. Massanissa cum Gadibus esset, certior adventare eum a Martio factus, causando corrumpi equos inclusos in insula, penuriamque omnium rerum & facere cæteris, & ipsos sentire, ad hoc equitem marcescere desidia: Magonem perpulit, ut se trajcere in continentem ad populandos proximos Hispaniæ agros pateretur. Transgressus tres principes Numidarum præmittit ad tempus locumque colloquio statuendum, duos pro obsidibus
reti-

retineri a Scipione jubet : remisso tertio , qui , quo jussus erat , adduceret Malsanissam cum paucis in colloquium venerunt . Ceperat jam ante Numidam ex fama rerum gestarum admiratio viri , substitueratque animo speciem quoque corporis amplam , ac magnificam . cæterum major præsentis veneratio cepit . & , præterquam quod suapte natura multa majestas inerat , adornabat promissa cæsaries , habitusque corporis non cultus munditiis , sed virilis , ac vere militaris : & ætas erat in medio virium robore , quod plenius nitidiusque ex morbo velut renovatus flos juventæ faciebat . Prope attonitus ipso congressu Numida gratias de fratris filio remisso agit . *Ex eo tempore affirmat , eam se quasi occasione , quam tandem oblatam deum immortalium beneficio non omiserit . cupere se illi , populoque Romano operam navare ; ita ut nemo annus externus magis enixe adjuverit rem Romanam . id se , etiam si jam pridem veller , minus præstare in Hispania , terra aliena atque ignota , potuisse : in qua autem genitus , educatusque in spem paterni regni esset , facile præstaturum . si quidem eundem Scipionem ducem in Africam mittant Romani , satis sperare , perbrevis avi Carthaginem esse .* Lætus eum Scipio vidit , auditque , cum caput rerum in omni hostium equitatu Malsanissam fuisse sciret , & ipse juvenis specimen animi præ se ferret . Fide data acceptaque , profectus retro Tarracoenem est . Malsanissa permissu Romanorum , ne sine causa trajecisse in continentem videretur , populatus proximos agros , Gades rediit .

C A P U T XVIII.

Mago iussus ab Carthaginiensi senatu ex Hispania in Italiam classem trajicere, cum milites in terram apud Carthaginem Novam exposuisset, a præsidio Romano fugatur cum eade ad naves.

36 **M** Agoni, desperatis in Hispania rebus, in quarum spem seditio primum militaris, deinde defectio Indibilis animos ejus sustulerant, paranti trajicere in Africam nuntiatum ab Carthagine est, jubere senatum, ut classem, quam Gadibus haberet, in Italiam trajiceret: conductaque ibi Gallorum ac Ligurum quanta maxima posset juventute, conjungeret se Annibali: neu fenescere bellum maximo impetu, majore fortuna cœptum finiret. Ad eam rem & a Carthagine pecunia Magoni advecta est, & ipse, quantam potuit, a Gaditanis exegit: non ærario modo eorum, sed etiam templis spoliatis, & privatim omnibus coactis aurum argentumque in publicum conferre. Cum præterveheretur Hispaniæ oram, haud procul Carthagine Nova expositis in terram militibus, proximos depopulatus agros, inde ad urbem classem appulit. ibi cum interdium milites in navibus tenuisset, nocte in litus expositos ad partem eam muri, qua capta Carthago ab Romanis fuerat, ducit: nec præsidio satis valido urbem teneri ratus, & aliquos oppidanorum ad spem novandi res aliquid moturos. Cæterum nuntii ex agris trepidi simul populationem, agrestiumque fugam, & hostium adventum attulerant: & visa interdium classis erat, nec sine causa electam ante urbem stationem

apparebat . itaque instructi , armatique intra portam ad stagnum ac mare versam continebantur . Ubi effusi hostes , mista inter milites navali turba , ad muros tumultu majore , quam vi , subierunt , patefacta repente porta Romani cum clamore erumpunt : turbatosque hostes , & ad primum incursum conjectumque telorum aversos usque ad litus cum multa cæde persequuntur . nec , nisi naves litori appullæ trepidos accepissent , superfuisset fugæ , aut pugnae quisquam . In ipsis quoque trepidatum navibus est , dum , ne hostes cum suis simul irrumperent , trahunt scalas , pontesque oraſque & anchoras , ne in moliendo mora eſſet , præcidunt . multique adnantes navibus , incerti præ tenebris , quid aut peterent , aut vitarent , fœde interierunt . Postero die cum classis inde retro ad Oceanum , unde venerat , fugisset , ad octingentos homines cæſi inter murum , litusque , & ad duo millia armorum inventa .

CAPUT XIX.

Mago Gades repetens , inde excluditur : ad Pitynsam insulam trajiciens , auxiliis ibi juvatur : inde in Baleares transmittens , a Majori hostiliter repulsus , Minori potitur . Gaditani Romanis deduntur .

Mago cum Gades repetisset , exclusus 37 inde , ad Cimbim (haud procul Gadibus is locus adest) classe appulsa , mittendis legatis , querendoque , quod portæ sibi socio , atque amico claustræ forent , purgantibus iis , multitudinis concursu factum , infeste ob direpta quædam ab conscendentibus naves militibus , ad collo-

quum Suffetes eorum, qui summus Pœnis est magistratus, cum quæstore elicuit: laceratosque verberibus cruci affigi iussit. inde navibus ad Pityusam insulam centum millia ferme a continenti (Pœni tum eam incolebant) trajecit. itaque classis bona cum pace accepta est, nec commeatus modo benigne præbiti, sed in supplementum classis juven-tus, armaque data. quorum fiducia Pœnus in Baleares insulas (quingenta inde milia absunt) transmisit. Duæ sunt Baleares: major altera, atque opulentior armis virisque: & portum habet, ubi commode hibernatu-rum se (& jam extremum autumnus erat) cenſebat. cæterum haud ſecus, quam ſi Ro-mani eam insulam incolerent, hoſtiliter claſſi occurſum eſt. Fundis ut nunc plurimum, ita tunc ſolo eo telo utebantur, nec quiſquam alterius gentis unus tantum ea arte, quan-tum inter alios omnes Baleares excellunt. Itaque tanta vis lapidum creberrimæ grandinis modo in propinquantem jam terræ claſſem effuſa eſt, ut intrare portum non auſi, averterent in altum naves. In minorem inde Balearium insulam trajecerunt, fertilem agro, viris armisque haud æque validam. itaque egreſſi navibus ſupra portum loco munito caſtra locant: ac ſine certamine urbe agroque potiti, duobus millibus auxiliarium inde conſcriptis, miſſisque Carthaginem ad hi-bernandum, naves ſubduxerunt. Poſt Ma-gonis ab Oceani ora diſceſſum Gaditani Ro-manis deduntur.

CAPUT XX.

Scipio post res praeclare in Hispania gestas Romam reversus, ingenti favore, & frequentia ab omnibus centuriis Consul dicitur: additur ei collega P. Licinius Crassus.

HÆc in Hispania P. Scipionis ductu auspicioque gesta. Ipse, L. Lentulo, & L. Manlio Acidino provincia tradita, decem navibus Romam rediit. & senatu extra urbem dato in æde Bellonæ, quas res in Hispania gessisset, disseruit: quoties signis collatis dimicasset, quot oppida ex hostibus vicepisset, quas gentes in ditionem populi Romani rede-gisset, adversus quatuor se imperatores, quatuor victores exercitus in Hispaniam ivisse: neminem Carthaginensem in iis terris reliquisse. Ob has res gestas magis tentata est triumphi spes, quam petita pertinaciter: quia neminem ad eam diem triumphasse, qui sine magistratu res gessisset, constabat. Senatu missio, urbem est ingressus, argentique præ se in ærarium tulit quatuordecim millia pondi CCCXLII: & signati argenti magnum numerum. Comitia inde creandis consulibus habuit L. Veturius Philo: centuriæq; omnes ingenti favore P. Scipionem consulem dixerunt. collega additur ei P. Licinius Crassus, pontifex maximus. Cæterum comitia majore, quam ulla per id bellum, celebrata frequentia, proditum memoriæ est. convenerant undique non suffragandi modo, sed etiam spectandi causa P. Scipionis: concurrebantque & domum frequentes, & in Capitolium ad immolantem eum, cum centum bobus

votis in Hispania Jovi sacrificaret: spondebantque animis, sicut C. Lutatius superius bellum Punicum finisset, ita id, quod instaret, P. Cornelium finiturum: atque ut Hispania omni Pœnos expulisset, sic Italia pulsura esse. Africamque ei perinde ac debellatum in Italia foret, provinciam destinabant. Prætoriam inde comitiâ habitâ, creati duo, qui tum ædiles plebis erant, Sp. Lucretius, & Cn. Octavius, & ex privatis Cn. Servilius Cæpio, & L. Æmilius Pappus.

CAPUT XXI.

P. Cornelius Scipio, & P. Licinius Crassus consulatum ineunt: introducti deinde in senatum a Scipione legati Saguntinorum gratias agunt ob susceptum pro se bellum, ac Saguntum restitutum: benigne excepti, cum donis dimittuntur.

T.C.

¹⁴⁵ **Q**uartodecimo anno Punici belli P. Cornelius Scipio, & P. Licinius Crassus ut consulatum inierunt, nominatæ consulibus provinciæ sunt: Sicilia Scipioni extra sortem, concedente collega, quia cura sacrorum pontificem maximum in Italia retinebat: Bruttii Crasso. Tum prætoriam provinciæ in sortem conjectæ. urbana Cn. Servilio obtigit: Ariminum (ita Galliam appellabant) Sp. Lucretio, Sicilia L. Æmilio, Cn. Octavio Sardinia. Senatus in Capitolio habitus. Ibi referente P. Scipione, senatusconsultum factum est, ut quos ludos inter seditionem militarem in Hispania vovisset ex ea pecunia, quam ipse in ærarium detulisset, faceret. Tum Saguntinorum legatos in senatum introduxit. ex eis maximus natu. *Etsi nihil ultra malerum est,*

P.

P. C., quam quod passi sumus, ut ad ultimum fidem vobis prestaremus: tamen ea vestra merita, imperatorumque vestrorum erga nos fuerunt, ut nos cladum nostrarum non pœniteat. Bellum propter nos suscepistis: susceptum quartumdecimum annum tam pertinaciter geritis, ut saepe ad ultimum discrimen & ipsi veneritis, & populum Carthaginiensem adduxeritis. Cum in Italiam atrox bellum, & Annibalem hostem haberetis, consules cum exercitu in Hispaniam, velut ad colligendas reliquias naufragii nostri, misistis. P. & Cn. Cornelii ex quo in provinciam venerunt, nullo tempore destiterunt, qua nobis secunda, quaque adversa hostibus nostris essent, facere. jam omnium primum oppidum nobis restituerunt: per omnem Hispaniam cives nostros venundatos, dimissis qui conquirerent, ex servitute in libertatem restituerunt. cum jam prope esset, ut optabilem ex miserrima fortunam haberemus, P. & C. Cornelii, imperatores vestri, luctuosius nobis prope, quam vobis perierunt. tum vero ad hoc retracti ex distantibus locis in seuem antiquam videbamur, ut iterum periremus: & alterum excidium patria videremus: nec ad perniciem nostram Carthaginiensi utique aut duce, aut exercitu opus esse: ab Turdetanis veterrimis hostibus, qui prioris quoque excidii causa nobis fuerant, extinguí posse: cum ex insperato repente misistis nobis hunc P. Scipionem, quem, fortunatissimi omnium Saguntinorum videmur, quia consulem declaratum vidimus, ac, vidisse nos, civibus nostris renuntiaturi sumus, spem, & spem, salutem nostram: qui cum plurimas hostium vestrorum cepisset in Hispania urbes, ubique ex captorum numero excretos

Saguntinos in patriam remisit . postremo Tur-
 detaniam adeo infestam nobis , ut illa gente
 incolumi stare Saguntum non posset , ita bello
 afflixit , ut non modo nobis , (absit verbo in-
 vidia) sed ne posteris quidem timenda nostris
 esset . deletam urbem cernimus eorum , quorum
 in gratiam Saguntum deleverat Annibal . ve-
 ligal ex agro eorum capimus , quod nobis non
 tam fructu jucundius est , quam ultione . Ob
 hec , quibus majora nec sperare , nec optare ab
 diis immortalibus poteramus , gratias actum
 nos decem legatos Saguntinus senatus populus-
 que ad vos misit : simul gratulatum , quod
 ita res per hos annos in Hispania atque I-
 talia gessistis , ut Hispaniam non Ibero a-
 mne tenus , sed qua terrarum ultimas finis
 Oceanus , domitam armis habeatis : Italie , nisi
 quatenus vallum caesorum cingit , nihil re-
 liqueritis Pæno . Jovi Optimo Maximo , pra-
 sidi Capitoline arcis , non grates tantum
 ob hac agere iussi sumus , sed donum hoc
 etiam , si vos permetteretis , coronam au-
 ream in Capitolium victoriæ ergo ferre . Id
 uti permittatis , quasumus : utique , si vobis
 ita videtur , quæ nobis imperatores vestri com-
 moda tribuerunt , ea rata atque perpetua
 auctoritate vestra faciatis . Senatus legatis
 Saguntinis respondit , & dirutum & resti-
 tutum Saguntum , fidei fœcialis utrinque
 servata documentum omnibus gentibus fo-
 re . suos imperatores recte & ordine & ex
 voluntate senatus fecisse , quod Saguntum
 restituerint , civesque Saguntinos servitio
 exemerint , quæque alia eis benigne fece-
 rint , ea senatum ita voluisse fieri . donum ,
 permittere , ut in capitolia ponerent . Lo-
 cus inde lautiaque legatis præberi iussit ,
 & muneris ergo in singulos darine minus
 dena

dena millia æris. Legationes deinde cæteræ in senatum introductæ, auditæque. Et petentibus Saguntinis, ut, quatenus tuto possent, Italiam spectatum irent, duces dati, literæque per oppida missæ, ut Hispanos comiter acciperent.

CAPUT XXII.

Cum P. Scipio Cos. extra sortem Africam provinciam peteret, Q. Fabius Maximus in senatu oratione contradicit.

TUM de republica, de exercitibus scribendis, de provinciis relatum. Cum Africam novam provinciam extra sortem P. Scipioni destinari, homines fama ferrent: & ipse nulla jam modica gloria contentus, non ad gerendum, modo bellum, sed ad finiendum, diceret se consulem declaratum esse; neque aliter finiri id posse, quam si ipse in Africam exercitum transportaret; & acturum se id per populum aperte ferret, si senatus adversaretur; idque consilium haudquaquam primoribus patrum placeret; cæterique per metum aut ambitionem mulsarent: Q. Fabius Maximus rogatus sententiam, Scio, inquit, multis vestrum videri, patres conscripti, rem actam hodierno die agi, & frustra habiturum orationem, qui, tanquam de integra re, de Africa provincia sententiam dixerit. Ego autem primum illud ignoro, quemadmodum jam certa provincia Africa consulis, viri fortis ac strenui, sis, quam nec senatus censuit in hunc annum provinciam esse, nec populus iussit. deinde, si est, consulem peccare arbitror, qui de re transacta simulando se referre, senatum ludibrio habet, non.

non senatorem, qui, de quo consultitur, suo loco dicit sententiam. atque ego certum habeo, dissentienti mihi ab ista festinatione in Africam trajiciendi, duarum rerum subeundam opinionem esse: unius insita ingenio meo cunctationis, quam metum pigritiamque homines adolescentes sane appellent, dum me non poeniteat, adhuc aliorum speciosiora primo aspectu consilia semper visa, mea usu meliora: alterius, obrectationis atque invidia adversus crescentem in dies gloriam fortissimi consulis. A qua suspicione si me neque vita acta & mores mei, neque dictatura cum quinque consulatibus, tantumque gloria belli domique parata vindicat, ut propius fastidium ejus sim, quam desiderium, atas saltem liberat, quae enim mihi emulatio cum eo esse potest, qui ne filio quidem meo equalis sit? Me dictatorem, cum vigerem adhuc viribus, & in cursu maximarum rerum essem, recusantem nemo aut in senatu, aut ad populum audivit, quo minus insectanti me magistro equitum, quod faciendo nunquam ante auditum erat, imperium mecum aquaretur. rebus, quam verbis, assequi malui, uti qui aliorum iudicio mihi comparatus erat, sua mox confessione me sibi praeferret: nedum ego persunctus honoribus certamina mihi atque emulationes cum adolescente florentissimo proponam: videlicet ut mihi jam vivendo, non solum rebus gerendis, fessio, si huic negata fuerit, Africa provincia decernatur, cum ea gloria, qua parata est, vivendum, atque moriendum est. Vincere ego prohibui Annibalem, ut a vobis, quorum viget nunc vires, etiam vinci posset. Illud re mihi ignoscere, P. Corneli, aequum erit, si cum in me ipso nunquam pluris famam hominum, quam Remp. fecerim, ne tuam qui-

dem gloriam bono publico praeponam, quamquam si aut bellum nullum in Italia, aut is hostis esset, ex quo victo nihil gloria quareretur: qui te in Italia retineret, etsi id bono publico faceret, simul cum bello materiam gloria tua ire ereptum videri posset. cum vero Annibal hostis incolumi exercitu quartumdecimum annum Italiam possideat, paenitebit te, P. Corneli, gloria tua, si hostem eum, qui tot funcrum, tot cladum nobis causa fuit, tu consul Italia expuleris? & sicut penes C. Lutatium prioris Punici perpetrati belli titulus fuit, ita penes te huius fuerit? nisi aut Amilcar Annibali dux est praefendus, aut illud bellum huic, aut victoria illa maior clariorque, quam hac (modo contingat, ut te consule vincamus) futura est. Ab Drepano, atque Eryce detraxisse Amilcarem, quam Italia expulisse Panos, atque Annibalem, malis? Ne tu quidem, etsi magis paratam, quam speratam gloriam amplecteris, Hispania potius, quam Italia bello liberata gloriatus fueris. Nondum is est Annibal, quem non magis timuisse videatur, quam contempsisse, qui aliud bellum maluerit. Quin igitur ad hoc accingeris? nec per istos circuitus, ut cum in Africam trajeceris, securum te illuc Annibalem speres, potius quam recto hinc itinere, ubi Annibal est, eo bellum intendis? Egregiam istam palmam belli Punici patrati petis? hoc & natura prius est, tua cum defenderis, aliena ire oppugnatum. Pax ante in Italia, quam bellum in Africa sit, & nobis prius decedat timor, quam ultro aliis inferatur. si utrunque tuo ductu, auspicioque fieri potest: Annibale hic victo, illic Carthaginem expugna, si alterutra victoria nobis

*consulibus relinquenda est : prae cum major
 clariorque , tum causa etiam insequentis fue-
 rit . Nam nunc quidem , praequam quod &
 in Italia , & in Africa duos diversos exercitus
 alere ararium non potest , praequam quod un-
 de classes tueamur , unde com meatibus praben-
 dis sufficiamus , nihil reliqui est , periculi tan-
 dem quantum adeatur , quem fallit ? P. Lici-
 nius in Italia , P. Scipio bellum in Africa ge-
 ret . Quid si (quod omnes dii omen avertant ,
 & dicere etiam reformidat animus ; sed qua
 acciderunt , accidere possunt) victor Anni-
 bal ire ad urbem pergat ? tum demum te con-
 sulem ex Africa , sicut Q. Fulvium a Ca-
 pua accersimus ? Quid quod in Africa quoque
 Mars communis belli erit ? Domus tibi tua ,
 pater , patruusque intra XXX dies cum exer-
 citibus casti , documento sint , ubi per aliquot
 annos maximis rebus terra , marique gerendis ,
 amplissimum nomen apud exteras gentes populi
 Romani , vestraque familia fecerant . Dies me
 deficiat , si reges , imperatoresque temere in ho-
 stium terras transgressos cum maximis cladibus
 suis , exercituumque suorum enumerare ve-
 lim . Athenienses , prudentissima civitas ,
 bello domi relicto , auctore aequae impigro ac
 nobili juvene , magna classe in Siciliam
 transmissa , una pugna navili florentem rem-
 pub. suam in perpetuum afflixerunt . Exter-
 na , & nimis antiqua repeto . Africa ea-
 42 dem ista , & M. Atilius , insigne utriusque
 fortuna exemplum , nobis documento sint .
 Na tibi , P. Corneli , cum ex alto Africam
 conspexeris , ludus , & iocus fuisse Hispania
 tus videbuntur . quid enim simile ? Pacato
 mari prae oram Italia , Galliaeque vectus ,
 Emporias in urbem sociorum classem appu-
 disti : expositos milites per tutissima omnia ad
 socios ,*

socios , & amicos populi Romani , Tarracoenem duxisti : ab Tarracoe deinde iter per praesidia Romana : circa Iherum exercitus patris , patruisque tui post amissos imperatores ferociore calamitate ipsa facti : & dux tumultuarius quidem ille L. Martius , & militari suffragio ad tempus lectus , ceterum si nobilitas , ac iusti honores adornarent , claris imperatoribus qualibet arte belli par : oppugnata per summum orium Carthago ; nullo trium Punicorum exercituum socios defendente . Cetera , neque ea elevo , nullo tamen modo Africo bello comparanda : ubi non portus ullus classi nostrae apertus , non ager pacatus , non civitas socia , non rex amicus , non consistendi usquam locus , non procedendi . quacunque circumspexeris , hostilia omnia , atque infesta . An Syphaci , Numidisque credis ? satis sit , semel crelitum . non semper temeritas est felix ; & fraus fidem in parvis sibi praestruit , ut cum opera pretium sit , cum mercede magna fallas . Non hostes patrem , patruumque tuum armis prius , quam Celtiberi socii fraude circumvenerunt . nec tibi ipsi a Magone , & Asdrubale hostium ducibus , quantum ab Indibili , & Mandonio in fidem acceptis , periculi fuit . Numidis tu credere potes , defectionem militum tuorum expertus ? Et Syphax , & Massanissa , se , quam Carthaginienses , malunt potentissimos in Africa esse : Carthaginienses , quam quengquam alium , nunc illos emulatio inter sese , & omnes causa certaminum acciunt , quia procul externus metus est . ostende illis Romana arma , & exercitum alienigenam : jam velut ad commune restringendum incendium concurrent . Aliter iidem illi Carthaginienses Hispaniam defenderunt .

alia

aliter moenia patria, templa deum, aras, & focos defendent; cum euntes in prælum pavidæ prosequetur conjux, & parvi liberi occurrant. Quid porro si satis confisi Carthaginienses consensu Africa, fide soriorum regum, moenibus suis, cum tuo exercitusque tui praesidio nudam Italiam viderint, ipsi ulro novum exercitum in Italiam aut ex Africa miserint; aut Magonem, quem a Balearibus classe transmissa jam præter oram Ligurum Alpinerum vestari constat, Annibali se conjungere jusserint? nempe in eodem terrore erimus, in quo nuper fuimus, cum Asdrubal in Italiam transcendit: quem tu, qui non solum Carthaginem, sed omnem Africam exercitu tuo es clausurus, e manibus tuis in Italiam emisisti. Victum a te dices: eo quidem minus vellem, & id tua, non Reipub. solum causa, iter datum victo in Italiam esse. Patere nos omnia, quæ prospera tibi, ac reip. in imperio evenere, tuo consilio assignare, adversa casibus incertis belli, & fortuna allegare. quo melior, fortiorque es, eo magis talem praesidem sibi patria, atque universa Italia retinet. Non potes ne ipse quidem dissimulare, ubi Annibal sit, ibi caput, atque arcem hujus belli esse: quippe qui præ te feras, eam tibi causam trajiciendi in Africam esse, ut Annibalem eo trahas. Sive igitur hic, sive illic, cum Annibale est tibi futura res. utrum ergo tandem firmior eris in Africa solus, an hic tuo, collegaue exercitu conjuncto? ne Claudius quidem, & Livius consules tam recenti exemplo, quantum id intersit, documento sunt? Quid? Annibalem utrum tandem extremus angulus agri Brutii frustra jandiu poscentem ab domo auxilia, an propinqua Carthago, & tota socia Africa po-

rentiorem armis virisque faciet? Quod istuc consilium est, ibi malle decernere, ubi tue dimidio minores copia sunt, bellum multo majores; quam ubi duobus exercitibus adversus unum tot praeliis, & tam diuturna ac gravi militia fessum pugnandum sit? Quam compar consilium tuum parentis tui consilio sit, reputa. ille consul profectus in Hispaniam, ut Annibali ab Alpibus descendenti occurreret, in Italiam ex provincia rediit. tu, cum Annibal in Italia sit, relinquere Italiam paras, non quia reipublica id utile, sed quia tibi amplum & gloriosum censes esse: sicut cum provincia & exercitu relicto sine lege, sine S. C. duabus navibus Populi Romani imperator fortunam publicam, & majestatem imperii, que tum in tuo capite periclitabantur, commisisti. Ego P. Cornelium, P. C. reipublica, nobisque, non sibi ipsi privatim creatum consulem existimo: exercitusque ad custodiam urbis, atque Italia scriptos esse, non quos regio more per superbiam consules, quo terrarum velint, trajiciant.

CAPUT XXIII.

Q. Fabio Maximo, transitum in Africam dissuadenti, P. Scipio responderet.

CUM oratione ad tempus parata Fabius, tum auctoritate, & inveterata prudentiæ fama magnam partem senatus, & seniores maxime movisset; pluresque consilium senis, quam animum adolescentis ferocem laudarent: Scipio ita locutus fertur. Et ipse Q. Fabius principio orationis, P. C. commemoravit, in sententia sua posse obtretationem suspectam esse. cujus ego rei non tam ipse ausim tantum virum insimulare, quam

quam quod ea suspicio, vitio orationis, an rei, haud sane purgata est. sic enim honores suos, & famam rerum gestarum extulit verbis [ad extinguendum invidia crimen, tanquam mihi ab infimo quoque periculum sit, ne mecum amuletur; & non ab eo, qui, quia super ceteros excellat, quo me quoque niti non dissimulo, me sibi aquari nolit. sic senem se perfunctum honoribus, & me infra aetatem filii sui posuit, tanquam non longius, quam quantum vita humana spatium est, cupiditas gloria extendatur: maximaque pars ejus in memoriam, ac posteritatem promineat. Maxima cuique id accidere certum animo non habeo, ut se non cum presentibus modo, sed cum omnis aevi claris viris compareret. Equidem haud dissimulo, me tuas, Q. Fabi, laudes non assequi solum velle, sed (bona venia tua dixerim) si possim, etiam exuperare. Illud nec tibi in me, nec mihi in minores natu animi sit, ut nolimus quengquam nostri similem evadere civem. id enim non eorum modo, quibus inviderimus, sed reipublica, & pene omnis generis humani detrimentum sit. Commemoravit quantum essem periculi aditurus si in Africam trajicerem. ut meam quoque, non solum Reip. & exercitus vicem videretur sollicitus. Unde hac repente de me cura exorta? cum pater, patruusque meus interfecti, cum duo exercitus eorum prope occisione occisi essent: cum amissa Hispania, cum quatuor exercitus Pœnorum, quatuorque duces omnia meta armisque tenerent: cum quaesitus ad id bellum imperator nemo se ostenderent, prater me, nemo profiteri nomen ausus esset: cum mihi quatuor, & viginti annos nato detulisset imperium populus Romanus: quid ita tum nemo aetatem

tem meam, vim hostium, difficultatem belli, patris patruisque recentem cladem commemora-
bas? utrum major aliqua nunc in Africa ca-
lamitas accepta est, quam tunc in Hispania
erat? an majores nunc sunt exercitus in A-
frica, duces plures, melioresque, quam tunc
in Hispania fuerunt? an aetas mea tunc ma-
turius bello gerendo fuit, quam nunc est? an
cum Carthaginiensi hoste in Hispania, quam
in Africa, bellum geri aptius est? Facile est,
post fusos fugatosque quatuor exercitus Puni-
cos, post tot urbes vicaptas, aut metu suba-
ctas in ditionem, post perdomita omnia usque
ad Oceanum, tot regulos, tot savas gentes,
post receptam totam Hispaniam; ita ut vesti-
gium nullum belli reliquum sit, elevare meas
res gestas: tam hercule, quam si victor ex
Africa redierim, ea ipsa elevare, qua nunc
retinendi mei causa, ut terribilia eadem vi-
deantur, verbis extolluntur. Negat adi-
tum esse in Africam, negat ullos patere por-
tus. M. Atilium captum in Africa comme-
morat; tanquam M. Atilius primo accessu ad
Africam offenderit: neque recordatur, illi
ipsi tam infelici imperatori patuisse tamen por-
tus Africa; & res egregias primo anno ges-
sisse, & quantum ad Carthaginienses du-
ces attinet, invictum ad ultimum perman-
sisse. Nihil igitur me isto exemplo terrueris:
si hoc bello, non priore, si nuper, non annis
ante XL, ista clades accepta foret: qui ego
minus in Africam Regulo capto, quam Sci-
pionibus occisis in Hispaniam trajicerem?
nec felicius Xantippum Lacedamonium Car-
thagini, quam me patria mea sinerem na-
tum esse: cresceretque mihi ex eo ipso fidu-
cia, quod possit in hominis unius virtute
tantum momenti esse. At etiam Athenien-
ses

*ses audiendi sunt, temere in Siciliam, omisso
 domi bello, transgressi. Cur ergo, quoniam
 Græcas fabulas narrare vacat, non Agathoclem
 potius, Syracusanum Regem, cum diu
 Sicilia Punico bello ureretur, transgressum in
 hanc eandem Africam, avertisse eo bellum,
 44 unde venerat, refert? Sed quid ultro metum
 inferre hosti, & ab se remoto periculo alium
 in discrimen adducere, quale sit, veteribus
 externisque exemplis admonere opus est? ma-
 jus presentiusve ullum exemplum esse, quam
 Annibal, potest? Multum interest, alienos po-
 pulere fines, an tuos uri, excindique videas.
 plus animi est inferenti periculum, quam
 propulsanti. ad hoc major ignotarum rerum
 est terror: bona, malaque hostium ex propin-
 quo ingressus fines aspicias. Non speraverat
 Annibal fore, ut tot in Italia populi ad se
 deficerent, quot defecerunt post Cannensem
 cladem: quanto minus quicquam in Africa
 Carthaginensibus firmum, ac stabile est,
 insidis sociis, gravibus, ac superbis dominis?
 Ad hæc, nos etiam deserti ab sociis, viri-
 bus nostris, milite Romano stetimus. Car-
 thagine nihil civilis roboris est: mercede pa-
 ratos milites habent, Afros, Numidas-
 que, levissima fidei mutanda ingenia. Hic
 modo nihil mora sit, una & trajecissa me au-
 dietis, & ardere bello Africam, & molien-
 tem hinc Annibalem, & obsideri Carthagi-
 nem. latiores, & frequentiores ex Africa ex-
 pectate nuntios, quam ex Hispania accipieba-
 tis. Has mihi spes subjicit fortuna populi Ro-
 mani, dii fœderis ab hoste violati testes, Sy-
 phax, & Massanissa Reges: quorum ego fidei
 ita innitar, ut bene tutus a perfidia sim.
 multa, qua nunc ex intervallo non appa-
 rent, bellum aperiet. & id est viri, & du-
 cis,*

reis, non deesse fortuna prabenti se, & oblatum
 casu flectere ad consilium. Habebo, Q. Fabi,
 parem quidem Annibalem: sed illum potius ego
 traham, quam ille me retineat. in sua terra
 cogam pugnare eum, & Carthago potius pra-
 mium victoria erit, quam semirutae Bruttio-
 rum castella. Ne quid interim dum trajicio,
 dum expono exercitum in Africam, dum castra
 ad Carthaginem promoveo, Resp. hic detri-
 menti capiat, quod tu, Q. Fabi, cum vi-
 ctor tota Italia volitares Annibal, posuisti
 prestare, hoc, vide, ne contumeliosum sit,
 concusso jam & pene fracto Annibale, negare
 posse P. Licinium consulem, virum fortissi-
 mum prestare. qui ne a sacris absit pontifex
 maximus, ideo in sortem tam longinqua pro-
 vincia non venit. Si hercule nihilo maturius
 hoc, quo ego censeo, modo perficeretur bellum:
 tamen ad dignitatem populi Romani, famam-
 que apud reges gentesque externas pertinebat,
 non ad defendendam modo Italiam, sed ad in-
 ferenda etiam Africa arma, videri nobis ani-
 mum esse: nec hoc credi, vulgarique, quod
 Annibal ausus sit, neminem ducem Romanorum
 audere: & priore Punico bello, tum cum de
 Sicilia certaretur, toties Africam nostris exer-
 citibus, & classibus oppugnatam: tunc, cum de
 Italia certatur, Africam pacatam esse. Re-
 quiescat aliquando vexata diu Italia, uratur,
 populeturque invicem Africa. Castra Romana
 potius Carthaginis portis immineant, quam nos
 iterum vallum hostium ex mœnibus nostris videa-
 mus. Africa sit reliqui belli sedes: illuc terror,
 fugaeque, populatio agrorum, defectio sociorum,
 caetera belli clades, quae in nos per quatuor-
 decim annos ingruerunt, vertantur. Qua
 ad Remp. pertinent, & bellum, quod in-
 stat, & provincias, de quibus agitur, dixi-
 Tom. II. Ec se

se satis est. Illa longa oratio nec ad vos perti-
nens sit, si quemadmodum Q. Fabius meas res
gestas in Hispania elevavit, sic & ego contra
gloriam ejus eludere, & meam verbis extollere
* al. velim, neutrum faciam P.C. & si * nulla alia
ulla. re, modestia certe, & temperamento lingua
adolescens senem vicerō. ita & vixi, & res
gessi, ut tacitus ea opinione, quam vestra spon-
te conceptam animis haberetis, facile contentus
essem.

C A P U T XXIV.

P. Scipioni cos. Sicilia provincia datur, par-
mittiturque, ut si e Republica esse cense-
ret, in Africam trajiceret: alteri Cos.
P. Licinio bellum adversus Annibalem in
Bruttiis decernitur. Donum ex prada As-
drubalis Delphos mittitur.

- 45 **M**inus æquis animis auditus est Scipio,
quia vulgatum erat, si apud senatum
non obtinisset, ut provincia Africa sibi de-
cerneretur, ad populum extemplo laturum.
Itaque Q. Fulvius, qui consul quater, &
censor fuerat, postulavit a consule, ut pa-
lam in senatu diceret, permitteretne patri-
bus, ut de provinciis decernerent, staturusque
eo esset, quod censuissent, an ad populum la-
turus. Cum Scipio respondisset, se, quod e
Rep. credidisset, facturum: tum Fulvius, non
ego ignarus, quid responsurus, facturuse es-
ses, quasvi; quippe cum pra te feras, ten-
tare magis, quam consulere senatum. & ni
provinciam tibi, quam volueris, extemplo de-
cernamus, paratam rogationem habeas. Ita-
que a vobis, tribuni pl. postulo, inquit, ut
sententiam mihi ideo non dicenti, quod, si in
meam

meam sententiam discedatur, non sit ratum habiturus consul, auxilio sitis. Inde altercatio orta: cum consul negaret æquum esse tribunos intercedere, quominus suo quisque loco semper senator rogatus sententiam diceret, Tribuni ita decreverunt. *Si consul senatui de provinciis permittit, stari eo, quod senatus consuerit, placet: nec de ea re referri ad populum patiemur. si non permittit, qui de ea re sententiam recusabit dicere, auxilio erimus.* Consul diem ad colloquendum cum collega petiit. Postero die permissum senatui est. Provinciæ ita decretæ. Alteri consuli Sicilia, & XXX. rostratæ naves, quas C. Servilius superiore anno habuisset: permissumque, ut in Africam, si id e Repub. esse censeret, trajiceret. Alteri Bruttii, & bellum cum Annibale cum eo exercitu, quem L. Veturius, aut Q. Cæcilius habuit, & ut Lælius Veturius, & Q. Cæcilius fortirentur inter se compararentve, uter in Brutiis duabus legionibus, quas consul reliquisset, rem gereret: imperiumque in annum ei prorogaretur, cui ea provincia evenisset. Et cæteris præter consules, prætoresque, qui exercitiis provinciisque præfuturi erant, prorogata imperia. Q. Cæcilio sorte evenit, ut cum consule in Brutiis adversus Annibalem bellum gereret. Ludi deinde Scipionis magna frequentia, & favore spectantium celebrati. Legati Delphos ad donum ex præda Asdrubalis portandum missi, M. Pomponius Matho, & Q. Cælius, tulerunt coronam auream CC. pondo, & simulacra spoliorum ex M. pondo argenti facta.

CAPUT XXV.

P. Scipio, scriptis voluntariis militibus, comparataque classe impensis sociorum, in Siciliam proficiscitur: alter quoque cos. Licinius, ac Praetores in provincias abeunt.

SCIPIO cum, ut delectum haberet, neque impetrasset, neque magnopere tetendisset, ut voluntarios ducere sibi milites liceret, tenuit. & quia impensæ negaverat Reipub. futuram classem, si quæ a sociis darentur ad novas fabricandas naves, acciperet, Etruriæ primum populi pro suis quisque facultatibus consulem adjuturos polliciti. Cærites frumentum sociis navalibus, com meatumque omnis generis; Populonienses ferrum, Tarquinienses lintea in vela, Volaterrani armamenta navium, & frumentum, Arretini XXX. millia scutorum, galeas totidem, pila, gæsa, hastas longas, millium quinquaginta summam pari cujusque generis numero expleturos: secures, rutra, falces, alveolos, molas, quantum in XL. longas naves opus esset: tritici centum & XX. millia modium in viaticum decurionibus, remigibusque collaturos: Perusini, Clusini, Rusellani abietem in fabricandas naves, & frumenti magnum numerum. abiete ex publicis silvis est usus. Umbriæ populi, Nursinique, & Reatini, & Amiternini, Sabinique omnis ager, milites polliciti. Marfi, Peligni, Marrucinique multi voluntarii nomina in classem dederunt. Camertes cum æquo fœdere cum Romanis essent, cohortem armatam sexcentorum hominum miscrunt, XXX. navium carinæ, XX. quinque-

remes, decem quadriremes cum essent positæ, ipse ita institit operi, ut die quadragesimo quinto, quam ex silvis detracta materia erat, naves instructæ, armatæque in aquam deductæ sint. Profectus in Siciliam est tri- 46
 ginta navibus longis, voluntariorum septem
 ferme millibus in naves impositis. Et P. Li-
 cinius in Bruttios ad duos exercitus consula-
 res venit, ex eis eum sibi sumpsit, quem L.
 Veturius consul habuerat. Metello, ut,
 quibus præfuisset legionibus, iis præesset,
 facilius cum assuetis imperio rem gesturum
 ratus, permisit. Et prætores diversi in pro-
 vincias profecti. Et quia pecunia ad bellum
 deerat, agri Campani regionem a Fossa Græ-
 ca ad mare versam vendere quæstores iussi:
 indicio quoque permissio, qui ager civis Cam-
 pani fuisset, ut is publicus populi Romani
 esset. indici præmium constitutum, quan-
 tæ pecuniæ ager indicatus esset, pars deci-
 ma. Et Cn. Servilio prætori urbano nego-
 tium datum, ut Campani cives, ubi cuique
 ex S. C. liceret, habitarent, animadvertere-
 retque in eos, qui alibi habitarent.

C A P U T XXVI.

*Mago Amilcaris filius ex minore Balzari in
 Italiam trajiciens, classem ad oram Ligu-
 ria appellit: perlato Romam nuntio, Pa-
 tres solliciti, qua necessaria ad occurren-
 dum sunt, parant.*

EAdem æstate Mago Amilcaris filius ex
 minore Balearium insula, ubi hiberna-
 rat, juventute lecta in classem imposita,
 in Italiam XXX. ferme rostratis navibus, &
 multis onerariis duodecim millia peditum,

E c 3 duo

duo ferme equitum trajecit: Genuamque, nullis præsiidiis maritimam oram tutantibus, repentino adventu cepit: inde ad oram Ligurum Alpinorum, si quos ibi motus facere posset, classem appulit. Ingauni. (Ligurum ea gens est) bellum ea tempestate gerebant cum Epanteriis montanis. Igitur Pœnus, Savonæ oppido alpino præda deposita, & X. longis navibus in statione ad præsidium relictis, cæteris Carthagine missis ad tuendam maritimam oram, quia fama erat, Scipionem trajecturum esse, ipse societate cum Ingaunis, quorum gratiam malebat, composita, montanos instituit oppugnare. Et crescebat exercitus in dies, ad famam nominis ejus Gallis undique confluentibus. Ea literis cognita Sp. Lucretii, ne frustra Asdrubale cum exercitu deleto biennio ante forent lætati, si par aliud inde bellum duce tantum mutato oriretur, curam ingentem accenderunt patribus. Itaque & M. Livium pro consule ex Etruria volonum exercitum admoveere Ariminum iusserunt: & Cn. Servilio prætori negotium datum, ut, si e republica censeret esse, duas urbanas legiones, cui imperio videretur dato, ex urbe duci juberet. M. Valerius Lævinus Aretium eas legiones duxit. Eisdem diebus navēs onerariæ Pœnorum ad octuaginta circa Sardiniam ab Cn. Octavio, qui provinciæ præerat, captæ. Eas Cælius frumento misso ad Annibalem, commeatuque onustas, Valerius prædam Etruscam, Ligurumque montanorum captivos Carthaginem portantes, captas tradit. In Brutiis nihil ferme anno eo memorabile gestum est. Pestilentia incesserat pari clade in Romanos, Pœnosque, nisi quod Punicum exercitum super morbum etiam fames affecit. Propter

Ju.

Junonis Laciniae templum æstatem Annibal egit. ibique aram condidit, dedicavitque cum ingenti rerum ab se gestarum titulo, Punicis Græcisque literis insculpto.

DECADIS TERTIÆ

LIBER NONUS.

CAPUT I.

P. Scipio cos. in Siciliam cum pervenisset, necessaria ad bellum præparat; motus, qui nondum Syracusis esse desierant, tranquillat.



Cipio posteaquam in Siciliam venit, voluntarios milites ordinavit centuriavitque. ex iis trecentos juvenes florentes ætate, & virium robore insignes circa se habebat, ignorantes, quem ad usum neque centuriati, neque armati servarentur. tum ex totius Siciliæ juniorum numero principes genere & fortuna trecentos equites, qui secum in Africam trajicerent, legit, diemque iis, qua equis armisque instructi atque ornati adessent, edixit. Gravis ea militia procul domo terra marique multos labores, magna pericula allatura videbatur: neque ipsos modo, sed parentes cognatosque eorum ea cura angebat. Ubi dies, quæ edicta erat, advenit, arma, equosque ostenderunt, tum Scipio renuntiari sibi dixit, quosdam equites Siculorum tanquam gravem & duram horrere eam militiam. si qui

E e 4 ita

ita animati essent, malle eos sibi tunc fatē-
 ri, quam postmodum querentes, segnes at-
 que inutiles milites Reipub. esse. exprome-
 rent quid sentirent. cum bona venia se audi-
 turum. Ubi ex his unus ausus est dicere, se
 prorsus, si sibi utrum vellet liberum esset,
 nolle militare: tum Scipio ei: *Quando igitur, adolescens, quid sentire non dissimulasti, vicarium tibi expediam, cui tu arma equum-
 que, & cetera instrumenta militia tradas, & tecum hinc exempto demum ducas, exerceas, ducendum cures equo tradito armisque.* Læto conditionem accipienti, unum ex CCC., quos inermes habebat, tradit. Ubi hoc modo exauctoratum equitem cum gratia imperatoris cæteri viderunt: se quisque excusare, & vicarium accipere. Ita CCC. Siculis Romani equites substituti sine publica impensa, docendorum atque exercendorum curam Siculi habuerunt: quia edictum imperatoris erat, ipsum militaturum, qui ita non fecisset. Egregiam hanc alam equitum evasisse ferunt, multisque præliis rempublicam adjuvisse. Legiones inde cum inspiceret, plurimorum stipendiis ex iis milites delegit, maxime qui sub duce Marcello militaverant: quos cum optima disciplina institutos credebat; tum etiam ab longa Syracusarum obsidione peritissimos esse urbium oppugnandarum, nihil enim parvum, sed Carthaginis jam excidia agitabat animo. Inde exercitum per oppida dispersit: frumentum Siculorum civitatibus imperat: ex Italia ad-
 vecto parcit: veteres naves reficit, & cum iis C. Lælium in Africam prædatum mittit: novas Panormi subducit, quia ex viridi materia raptim factæ erant, ut in sicco hibernarent. Præparatis omnibus ad bellum, Syra-

cusas nondum ex magnis belli motibus satis tranquillas venit. Græci res a quibusdam Italici generis eadem vi, qua per bellum ceperant, retinentibus, concessas sibi ab senatu repetebant. Omnium primum ratus, tueri publicam fidem, partim edicto, partim iudiciis etiam in pertinaces ad obtinendam injuriam redditis, suas res Syracusanis restituit. Non ipsis tantum ea res, sed omnibus Siciliæ populis grata fuit, eoque enixius ad bellum adjuverunt.

CAPUT II.

Ortum in Hispania ingens bellum prospero praelio ab imperatoribus Romanis L. Lentulo, & I. Manlio Acidino comprimitur: occiso in acie Indibili, Mandonius, ceterique belli concitatores Romanis a suis deduntur.

EAdem æstate in Hispania coortum ingens bellum, conciente Illergete Indibili, nulla alia de causa, quam per admirationem Scipionis contemptu imperatorum aliorum orto. Eum superesse unum ducem Romanis, ceteris ab Annibale interfectis, rebatur. eo nec in Hispaniam, casis Scipionibus, alium, quem mitterent, habuisse: & posteaquam in Italia gravius bellum urgeret, adversus Annibalem eum accersitum, praterquam quod nomina tantum ducum in Hispania Romani haberent, exercitum quoque inde veterem deductum, trepida omnia, & inconditam urbem tironum esse: nunquam talem occasionem liberanda Hispania fore. servitum ad eam diem aut Carthaginensibus, aut Romanis

nec invicem his, aut illis, sed interdum utrisque simul. pulsos ab Romanis. Carthaginienses, ab Hispanis, si consentirent, pelli Romanos posse: ut ab omni externo imperio soluta in perpetuum Hispania in patrios rediret mores ritusque. Hæc aliaque dicendo, non populares modo, sed Ausetanos quoque, vicinam gentem concitat, & alios finitimos sibi, atque illis populos. itaque intra paucos dies triginta millia peditum, quatuor ferme equitum in Sedeta num agrum, quo edictum erat, convenerunt. Romani quoque imperatores, 2 L. Lentulus, & L. Manlius Acidinus, negligeret, prima negligendo, bellum, junctis & ipsi exercitibus per agrum Ausetanum, hostico tanquam pacato clementer ductis militibus, ad sedem hostium pervenere. trium millium spatio procul a castris eorum posuerunt castra. Primo per legatos ne quicquam est tentatum, ut discederetur ab armis. deinde cum in pabulatores Romanos impetus repente ab equitibus Hispanis factus esset, summisso ab statione Romana equitatu, prælium equestre fuit, haud fane memorando in partem ullam eventu. Sole oriente postero die armati instructique omnes mille ferme passus procul a castris Romanis aciem ostendere. Medii Ausetani erant. cornua, dextrum Illergetes, lævum ignobiles tenebant Hispani populi. inter cornua, & mediam aciem intervalla patentia satis late fecerunt, quæ equitatum, ubi tempus esset, emitterent. Et Romani more suo exercitum cum instruxissent, id modo hostium imitati sunt, ut inter legiones & ipsi patentes equiti relinquerent vias. Cæterum Lentulus ei parti usum equitis foraratus, quæ prior in dehiscentem interval-

lis.

lis hostium aciem equites emisisset: Ser. Cornelio, tribuno militum, imperat, equites per patentes in hostium acie vias immittere equos jubeat. iple, cœpta parum prospere pedestri pugna, tantum moratus, dum cedenti duodecimæ legioni, quæ in lævo cornu adversus Illergetes locata erat, tertiamdecimam legionem ex subsidiis in primam aciem firmamentum ducit. posteaquam æquata ibi pugna est, ad L. Manlium inter prima signa hortantem, ac subsidia quibus res postulabat locis inducentem, venit. indicat, tuta ab lævo cornu esse: jam missum ab se Ser. Cornelium procella equestri hostes circumfusurum. vix hæc dicta dederat, cum Romani equites in medios inveci hostes, simul pedestres acies turbarunt, simul equitibus Hispanorum viam immittendi equos clauserunt. itaque, ommissa pugna equestri, ad pedes rem Hispani descenderunt. Romani imperatores, ut turbatos hostium ordines, & trepidationem, pavoremque, & fluctuantia viderunt signa, hortantur, orant milites, ut perculos invadant, neu restitui aciem patiantur. Non sustinuissem tam infestum impetum barbari, ni regulus Indibilis ipse cum equitibus ad pedes degressus ante prima signa peditum se objecisset. Ibi aliquandiu atrox pugna stetit. tandem postquam ii, qui circa Regem seminecem restantem, deinde pro terræ affixum pugnabant, obruti telis occubuerunt: tum fuga passim cœpta, plures cæsi, quia equos conscendendi equitibus spatium non fuerat, & quia perculsis acriter institerunt Romani. nec ante abscessum est, quam castris quoque exuerunt hostem, Tredecim millia Hispanorum cæsa eo die, DCCC. ferme capti, Romanorum sociorum

rumque paulo amplius CC. , maxime in lævo cornu ceciderunt. Pulsi castris Hispani : at qui ex prælio effugerant , sparsi primo per agros , deinde in suas quisque civitates redierunt. Tum a Mandonio evocati in concilium , contestatique ibi clades suas , increpitis auctoribus belli , legatos mittendos ad arma tradenda , deditionemque faciendam censuerunt. Quibus culpam in auctores belli Indibilem , cæterosque principes , quorum plerique in acie cecidissent , conferentibus , tradentibusque arma , & dudentibus sese responsum est : *in deditionem ita accipi eos , si Mandonium , ceterosque belli concitatores tradidissent vivos . sin minus , exercitus se in agrum Illergetum , Ausetanorumque , & deinceps aliorum populorum ducturos .* Hæc dicta legatis , renuntiataque in concilium . Ibi Mandonius , cæterique principes comprehensi traditi ad supplicium . Hispanis populis reddita pax : stipendium ejus anni duplex , & frumentum sex mensium imperatum , sagaque , & togæ exercitui : & obsides ab triginta ferme populis accepti .

CAPUT III.

C. *Lælius prædatum in Africam profectus, ingentem terrorem Carthagini infert: ut Scipio ab transitu in Africam avertatur, mittitur in Italiam ad Magonem ampla militum manus, & pecunia, extra auxilia conducas, additis mandatis, ut fratri Annibali se conjungat: Lælius, reportata in Siciliam magna præda, exponit Scipioni mandata Massanissa conquerentis, quod nondum in Africam exercitum trajecisset.*

ITa Hispaniæ rebellantis tumultu haud magno motu intra paucos dies concito & compresso, in Africam omnis terror versus. **C.** Lælius nocte ad Hipponem Regium cum accessisset, luce prima ad populandum agrum sub signis milites sociosque navales duxit. Omnibus pacis modo incuriose agentibus, magna clades illata, nuntiique trepidi Carthaginem terrore ingenti complevere, classem Romanam, Scipionemque imperatorem (& fama fuerat jam in Siciliam transgressum) advenisse. Nec, quot naves vidissent, nec, quanta manus agros popularetur, satis gnari, omnia in majus metu urgente accipiebant. itaque primo terror pavorque, deinde mœstitia animos incessit: tantum fortunam mutasse, ut qui modo ipsi exercitum ante mœnia Romana habuissent, victores, stratis re hostium exercitibus, omnes Italia populos aut vi, aut voluntate in deditionem accepissent, ii, verso Marte, Africa populationes, & obsidionem Carthaginis visuri forent, nequaquam pari ad patientia ea robore, ac Romani fuissent. Illis Romanam plebem, illis Latium juventutem præbuisse, majorem.

porem semper, frequentioremq; pro tot casis exer-
 citibus subolescentem. ceterum suam plebem im-
 bellem in urbe, imbellem in agris esse: mercede
 parari auxilia ex Afris, gente ad omnem auram
 spei mobili, atque infida. Jam Reges, Syphacem
 post colloquium cum Scipione alienatum, Mas-
 sanissam aperta defectione infestissimum hostem.
 nihil usquam spei, nihil auxilii esse. nec Mago-
 nem ex Gallia movere tumultus quicquam, nec
 conjungere se Annibali: & Annibalem ipsum jam
 & fama senescere, & viribus. In hæc deflen-
 da prolapsos ab recenti nuntio animos, rur-
 sus terror instans revocavit ad consultandum,
 quonam modo obviam præsentibus periculis
 iretur. Delectus raptim in urbe, agrisque
 haberi placet, mittere ad conducenda Afro-
 rum auxilia, munire urbem, frumentum con-
 vehere, tela, arma parare, instruere naves.
 ac mittere ad Hipponem adversus Romanam
 classem. Jam hæc agentibus nuntius tan-
 dem venit, Lælium, non Scipionem, co-
 piasque, quantæ ad incursiones agrorum fa-
 tis sint, transvectas, summam belli molem
 adhuc in Sicilia esse. Ita respiratum, mit-
 tique ad Syphacem legationes, aliosque re-
 gulos firmandæ societatis causa cœptæ. Ad
 Philippum quoque missi, qui ducenta argen-
 ti talenta pollicerentur, ut in Siciliam, aut
 Italiam trajiceret. Missi & ad duos impera-
 tores in Italiam, ut omni terrore Scipionem
 retinerent. Ad Magonem non legati modo,
 sed XXV naves longæ, sex millia peditum,
 oſtingenti equites, & septem elephanti, ad
 hæc magna pecunia ad conducenda auxilia,
 quibus fretus propius urbem Romam exer-
 citum admoveret, conjungere que se Anni-
 bali. Hæc Carthagine parabatur, agitabant-
 que, cum ad Lælium prædas ingentes ex
 agro.

agro inermi , ac nudo præliis agentem Massaniſſa fama Romanæ claffis exitus cum equitibus paucis venit. *Is ſegniter rem agi a Scipione queſtus , quod non jam exercitum in Africam trajeciſſet , perculſis Carthaginiensibus, Syphace impedito finitimis bellis, quem certum haberet, ſi ſpatium ad ſua, ut velit, componenda detur, nihil ſincera fide cum Romanis acturum. Hortaretur, ac ſtimularer Scipionem ne ceſſaret. ſe, quanquam regno pulſus eſſet, cum haud contemnendis copiis affuturum perditum, equitumque, nec ipſi Lælio morandum in Africa eſſe, claffem credere proſectam. a Carthagine, cum qua abſente Scipione non ſatis tutum eſſet contrahi certamen.* Ab hoc ſermone dimiſſo Maſſaniſſa, Lælius poſtero 3. dies naves præda onuſtas ab Hippone ſolvit, reſectusque in Siciliam mandata Maſſaniſſæ Scipioni expoſuit.

CAPUT IV.

Mago, acceptis ab Carthagine mandatis, auxilia Ligurum, & Gallorum contrahit: huic ut obviam eat M. Livius Lucretio junctus ex Etruria in Galliam ducit exercitum.

E Iſdem ferme diebus naves, quæ ab Carthagine ad Magonem miſſæ erant, inter Albingaunos Ligures Genuamque acceſſerunt. In iis locis tum forte mago tenebat claffem, qui legationem auditis verbis jubentium exercitus quam maximos comparare, extemplo Gallorum, & Ligurum (namque utriuſque gentis ingens ibi multitudo erat) concilium habuit. Et miſſum ſe ad eos vindicandos in libertatem, ait: & , ut ipſi cernant, mitti ſibi ab domo præſidia: ſed: quan-

quantis viribus, quanto exercitu id bellum gereretur in eorum potestate esse. duos exercitus Romanos, unum in Gallia, alterum in Etruria esse. satis scire, Sp. Lucretium secum M. Livio juncturum. multa millia ipsis etiam armanda esse, ut duobus ducibus, duobus exercitibus Romanis resistatur. Galli summam ad id suam voluntatem esse dicere, sed cum una castra Romana intra fines, altera in finitima terra Etruria prope in conspectu habeant, si palam fiat auxiliis adjutum ab sese Panum, ex templo infestos utrinque exercitus in agrum suum incururos, ea ab Gallis desideraret, quibus occulte adjuvari posset. Liguribus, quod procul agro, urbibusque eorum castra Romana sint, libera consilia esse: illos armare juventutem, & capeßere pro parte bellum, æquum esse. Ligures haud abnuere, tempus modo duorum mensium petere ad delectus habendos. Interim Mago milites, Gallis dimissis, clam per agros eorum mercede conducere. comineatus quoque omnis generis occulte ad eum a Gallicis populis mittebantur. M. Livius exercitum volonum ex Etruria in Galliam traducit; junctusque Lucretio, si Mago ex Liguribus propius urbem moveat, obviam ire parat; si Pœnus sub angulo Alpium quietus se contineat, & ipse in eadem statione circa Ariminum Italiæ præsidio futurus.

CAPUT V.

Scipio ab Syracusis profectus in Bruttios, Locros, pulso inde Punico presidio, fugatoque Annibale, recipit: relictō ad urbem tuendam Q. Plaminio legato, in Siciliam revertitur.

Post reditum ex Africa C. Lælii, & Scipione stimulatō Massaniſſæ adhortationibus, & militibus prædam ex hostium terracernentibus tota classe efferri accensis ad trahendum quamprimum, intervenit majori minor cogitatio, Locros urbem recipiendi, quæ sub defectionem Italiæ desciverat & ipsa ad Pœnos. Spes autem affectandæ ejus rei ex minima re affulſit: quod latrocinii magis more, quam justo bello, in Bruttiis gerebatur res, principio ab Numidis factō, & Bruttiis non societate magis Punica, quam suo pte ingenio, promptis in eum morem. postremo Romani quoque milites jam contagione quadam raptō gaudentes, quantum per duces licebat, excursiones in hostium agros facere. Ab iis egressi quidam urbe Locrenses circumventi, Rhegiumque abstracti fuerant. in eo captivorum numero fabri quidam fuisse, assueti forte apud Pœnos mercede opus in arce Locrorum facere. ii cogniti ab Locrensum principibus, qui exulabant Rhegii, pulsi ab adversa factione, quæ Annibali Locros tradiderat, cum cætera percunctantibus, (ut mos est iis, qui diu absunt,) quæ domi agerentur, exposuissent; spem fecerunt, si redempti, ac remissi forent, arcem se iis tradituros. ibi se habitare, fidemque sibi rerum omnium inter Carthaginientes esse.

Ita-

Itaque ut qui simul desiderio patriæ angèrentur, simul cupiditate inimicos ulciscendi arderent, redemptis ex templo iis, remissisque, cum ordinem agenda rei composuissent, signaque quæ procul edita observarent; ipsi ad Scipionem Syracusas profecti, apud quem pars exulum erat, referentes ibi promissa captivorum, cum spem ab effectu haud abhorrentem consuli fecissent; tribuni militum cum iis M. Sergius, & P. Matienus missi, iussique ab Rhegio tria millia militum Locros ducere, & Q. Pleminio prætori scriptum, ut rei agenda adesset. Profecti ab Rhegio, scalas ad dictam altitudinem arcis fabricatas portantes, media ferme nocte ex loco, unde convenerat, signum dedere proditoribus arcis, qui parati, intentique, & ipsi scalas ad id ipsum factas cum demississent, pluribusque simul locis scandentes accepissent, priusquam clamor oriretur, in vigiles Pœnorum, ut in nullo tali metu sopitos, impetus est factus. quorum gemitus primo morientium exauditus: deinde subita consternatio ex somno, & tumultus, cum causa ignoraretur: postremo certiores res, aliis excitantibus alios, jamque ad arma pro se quisque vocabat. hostes in arce esse, & cædi vigiles. oppressique forent Romani, nequaquam numero pares, ni clamor ab iis, qui extra arcem erant, sublatus, incertum, unde accidisset, omnia vana, augente nocturno tumultu, fecisset. Itaque velut plena jam hostium arce territi Pœni, omisso certamine, in alteram arcem (duæ sunt haud multum inter se distantes) confugiunt. Oppidani urbem habebant, victoribus præmium in medio positam. Ex arcibus duabus præliis quotidie levibus certabatur. Q. Pleminius.

Ro.

Romano, Amilcar Punico præsidio præerat: & accercentes ex propinquis locis subsidia, copias augebant. Ipse postremo veniebat Annibal. nec sustinuisſent Romani, nisi Locrenſium multitudo exacerbata ſuperbia atque avaritia Pœnorum, ad Romanos inclinaiſſet. Scipio, ut nuntiatum eſt, in majore discrimine Locris rem verti, ipſumque Annibalem adventare; ne præſidium etiam periclitaretur haud facili inde receptu, & ipſe a Meſſana, L. Scipione fratre in præſidio ibi relicto, cum primum æſtu fretum inclinatum eſt, naves mari ſecundo tranſmiſit. Et Annibal a Buthroto anni (haud procul iſ ab urbe Locris abeſt) nuntio præmiſſo, ut ſui luce prima ſumma vi prælium cum Romanis ac Locrenſibus conſererent, dum ipſe, averſis omnibus in eum tumultum, ab tergo urbem incautam aggredederetur: ubi luce cœptam invenit pugnam, ipſe nec in arcem ſe includere, turba locum arctum impediturus, voluit: neque ſcalas, quibus ſcanderent muros, attulerat. ſarcinis in acervum copjectis, cum haud procul muris, ad terrorem hoſtium, aciem oſtendiſſet, cum equitibus Numidis circumequitabat urbem. dum ſcalæ, quæque alia ad oppugnandum opuserant, parantur; ad viſendum quæ maxime parte aggredederetur, progreſſus ad murum, ſcorpione iſtus, qui proxime eum forte ſteterat. territus inde tam periculoſo caſu, receptui canere cum juſſiſſet, caſtra procul ab iſtu teli communiit. Classis Romana a Meſſana Locros multa die ſuperante acceſſit. expoſiti omnes e navibus: & ante occaſum ſolis urbem ingreſſi ſunt. Poſtero die accepta ex arce a Pœnis pugna. & Annibal jam ſcalis aliſque omnibus ad oppugnationem paratis, ſubibat muros,

muros, cum repente in eum nihil minus, quam tale quicquam timentem patefacta porta erumpunt Romani. Ad CC improvidos cum invasissent, occidunt. cæteros Annibal, ut consulem adesse sensit, in castra recipit: nuntioque misso ad eos, qui in arce erant, ut sibimet ipsi consulerent, nocte motis castris abiit. Et qui in arce erant, igni injecto tectis, quæ tenebant, ut istumultus hostem moraretur, agmen suorum fugæ simili cursu ante noctem assecuti sunt. Scipio ut & arcem relictam ab hostibus, & vacua vidit castra, vocatos ad concionem Locrenses graviter ob defectionem inculpavit: de auctoribus supplicium sumpsit; bonaque eorum alterius factionis principibus ob egregiam fidem adversus Romanos concessit. *publice nec dare, nec eripere se quicquam Locrensibus dixit. Romam mitterent legatos: quam senatus æquum censuisset, eam fortunam habituros. illud satis scire, etsi male de populo Romano meriti essent, in meliore statu sub iratis Romanis futuros, quam sub amicis Carthaginiensibus fuerint. Ipse Q. Pleminio legato, præsidioque quod arcem ceperat, ad tuendam urbem relicto, cum quibus venerat copiis, Messanam trajecit.*

CAPUT VI.

Q. Pleminius legatus, prætermisso nullo scelere in Locrenses, thesauros quoque Proserpina, ante eam diem intactos, avaro spoliari: propter hoc infandum piaculum immisso divinitus furore, duces, & milites hostili rabie inter se deserviunt.

ITa superbe, crudeliterque habiti Locrenses a Carthaginensibus post defectionem ab Romanis fuerant, ut modicas injurias non æquo modo animo pati, sed prope libenti videri possent. verum enimvero tantum Pleminius Amilcarem præsidii præfectum, tantum præsidarii milites Romani Pœnos scelere atque avaritia superaverunt, ut non armis, sed vitiis videretur certari. nihil omnium, quæ inopi invisas opes potentioris faciunt, prætermissum in oppidanos est ab duce, aut a militibus. in corpora ipsorum, in liberos, in conjuges infandæ contumeliæ editæ. Jam avaritia ne sacrorum quidem spoliatione abstinuit: nec alia modo templa violata, sed Proserpinæ etiam intacti omni ætate thesauri: præterquam quod a Pyrrho, qui cum magno piaculo sacrilegii sui manubias retulit, spoliati dicebantur. Ergo sicut ante regiæ naves laceratæ naufragiis nihil in terram integri, præter sacram pecuniam deæ, quam asportabant, extulerunt: tum quoque alio genere cladis eadem illa pecunia omnibus contactis ea violatione templi furorem objecit: atque inter se ducem inducem, militem in militem rabie hostili vertit. Summæ rei Pleminius præerat: militum pars sub eo, quam ipse ab Rhegio adduxerat, pars sub tribu-

nis 9

nis erat. Rapto poculo argenteo ex oppidanī domo Plemīnii miles fugiens, sequentibus quorum erat, obuius forte Sergio, & Martieno tr. militum fuit. cui cum iussu tribunorum ademptum poculum esset, iurgium, inde & clamor, & pugna postremo orta inter Plemīnii milites, tribunorumque, ut suis quisque opportunus advenerat, multitudine simul, ac tumultu crescente. Victi Plemīnii milites, cum ad Plemīnium, cruorem & vulnera ostentantes, non sine vociferatione atque indignatione concurrissent, probra in eum ipsum iactata in iurgiis referentes, accensus ira domo sese proripuit: vocatosque tribunos nudari, ac virgas expediri iubet. Dum spoliandis iis (repugnabant enim, militumque fidem implorabant) tempus teritur, repente frequentes milites feroces recenti victoria ex omnibus locis, velut adversus hostes ad arma conclamatum esset, concurrerunt. & cum violata jam virgis corpora tribunorum vidissent, tum vero in multo impotentiore subito rabiem accensi, sine respectu non majestatis modo, sed etiam humanitatis, in legatum impetum, lictoribus prius indignum in modum multatis, faciunt. tum ipsum ab suis interceptum, & seclusum hostiliter lacerant, & prope exanguem, naso auribusque mutilatis, relinquunt. His Messa nam nuntiatis, Scipio post paucos dies Locros huxeri advectus, cum causam Plemīnii, & tribunorum audisset, Plemīnio noxa liberato, relictoque in ejusdem loci praesidio, tribunis fontibus judicatis, & in vincula coniectis, ut Romam ad senatum mitterentur, Messam, atque inde Syracusas redit. Plemīnius impotens irae, neglectam ab Scipione, & nimis leviter latam suam injuriam ratus, nec quenquam

quam æstimare alium eam litem posse, nisi quia atrocitatem ejus patiendo sensisset: tribunos attrahi ad se jussit, laceratosque omnibus, quæ pati corpus ullum potest, suppliciis, interfecit: nec satiatus vivorum pœna, insepultos projecit. Simili crudelitate & in Locrensiū principes est usus, quos ad conquerendas injurias ad Scipionem profectos audivit. & quæ antea per libidinem, atque avaritiam fœda exempla in socios ediderat, tunc ab ira multiplicia edere: infamix atque invidiæ non sibi modo, sed etiam imperatori esse.

CAPUT VII.

Litera ex Brutiis P. Licinii cos. gravi morbo cum exercitu laborantis.

JAM comitiorum appetebat tempus, cum
a P. Licinio Cos. literæ Romam allatæ
sunt, se exercitumque suum gravi morbo affligi: nec subsisti potuisse, nisi eadem vis mali, aut gravior etiam in hostes ingruisset. itaque quoniam ipse venire ad comitia non posset, si ita patribus videretur, se Q. Cæciliū Metellum dictatorem comitiorum causa dicturum, exercitum Q. Cæciliū dimitti, & Repub. esse. num neque usum ejus ullum in presentia esse, cum Annibal jam in hiberna suas receperit: & tantam incessisse in ea castra vim morbi, ut, nisi mature dimittantur, nemo omnium superfuturus videatur. Ea consuli a patribus faciendā, ut & Repub. fideque sua duceret, permissa.

CAPUT VIII.

Ex carmine in libris Sibyllinis invento, mittuntur in Asiam legati, qui Idaam Matrem a Pessinunte Romam advehant: hac illis per Attalum regem traditur.

Civitatem eo tempore repens religio invaserat, invento carmine in libris Sibyllinis, propter crebrius eo anno de cœlo lapidatum inspectis. *Quandocunque hostis alienigena terra Italia bellum intulisset, eum pelli Italia, vincique posse, si Mater Idaa Pessinunte Romam advecta esset.* Id carmen ab decemviris inventum eo magis patres movit, quod & legati, qui donum Delphos portaverant, referebant, & sacrificantibus ipsis Pythio Apollini omnia læta exta fuisse, & responsum oraculo editum, majorem multo victoriam, quam cujus ex spoliis dona portarent, adesse populo Romano. In ejusdem spei summam conferebant P. Scipionis velut præfagientem animum de fine belli, quod depoposcisset provinciam Africam. Itaque quo maturius fatis omnibus, oraculisque portendentis se victoriæ compotes fierent, cogitare, quæ ratio transportandæ Romam deæ esset. Nullas tum in Asia civitates socias habebat 11 populus Romanus: tamen memores, Æsculapium quoque ex Græcia quondam haud dum ullo fœdere sociata, valetudinis populi causa, accersitum: & jam cum Attalo Rege propter commune adversus Philippum bellum cœptam amicitiam esse, facturum eum quæ possit, populi Romani causa: legatos ad eum decernunt, M. Valerium Lævinum, qui bis consul fuerat, ac
res

res in Græcia gesserat, M. Cæcilium Metellum prætorium, Ser. Sulpitium Galbam ædilitium, duos quæstorios, C. Tremelium Flaccum, & M. Valerium Faltonem. His quinque naves quinquereμες, ut ex dignitate pop. Romani adirent eas terras, ad quas concilianda majestas nomini Romano esset, decernunt. Legati Asiam petentes, protinus Delphos cum ascendissent, oraculum adierunt, consulentes, ad quod negotium domo missi essent, perficiendi ejus quam sibi spem, populoque Romano portenderet. Responsum esse ferunt, *Per Attalum Regem compotes ejus fore, quod peterent, cum Romam deam devexissent, tum curarent, ut eam, qui vir optimus Roma esset, hospitio acciperet.* Pergamum ad Regem venerunt. Is legatos comiter acceptos Pessinuntem in Phrygiam deduxit: sacrumque iis lapidem, quem matrem deum incolæ esse dicebant, tradidit, ac deportare Romam jussit. Præmissus ab legatis M. Valerius Falto nuntiavit, deam apportari; quærendum virum optimum in civitate esse, qui eam rite hospitio acciperet.

CAPUT IX.

Habitis comitiis per Q. Cæcilium Dictatorem, sunt consules M. Cornelius Cethegus, P. Sempronius Tuditanus absens: Prætores quoque, & Aediles creantur. Aedes Virtutis dedicatur.

Q Cæcilius Metellus dictator ac consul in Brutiis comitiorum causa dictus, exercitusque ejus dimissus, magister equitum L. Veturius Philo. Comitia per dictatorem habita. Consules facti M. Cornelius

nelius Cethegus, P. Sempronius Tuditanus absens, cum provinciam Græciam haberet, Prætores inde creati, T. Claudius Nero, M. Martius Ralla, L. Scribonius Libo, M. Pomponius Matho. Comitibus perfectis, dictator sese magistratu abdicavit. Ludi Romani ter, Plebei septies instaurati. Curules erant ædiles Cn. & L. Cornelii Lentuli, L. Hispaniam provinciam habebat. absens creatus, absens eum honorem gessit. T. Claudius Asellus, & Marcus Junius Pennus Plebei ædiles fuerunt. Ædem Virtutis eo anno ad portam Capenam Marcus Marcellus dedicavit, septimodecimo anno postquam a patre ejus primo consulatu vota in Gallia ad Clastidium fuerat. Et flamen martialis eo anno est mortuus Marcus Æmilius Regillus.

CAPUT X.

Pacem cum Philippo Macedonia rege Ætoli primum, deinde etiam Romani faciunt.

- 82 **N**eglectæ eo biennio res in Græcia erant. itaque Philippus Ætolos desertos ab Romanis, cui uni fidebant auxilio, quibus voluit conditionibus ad petendam & paciscendam subegit pacem. quod nisi omni vi perficere maturasset, bellantem eum cum Ætolis P. Sempronius pro consule, successor imperii missus Sulpitio cum decem millibus peditum, & mille equitibus, & trigintaquinque rostratis navibus, haud parvum momentum ad opem ferendam sociis, oppressisset. Vix dum pace facta, nuntius Regi venit, Romanos Dyrrhachium venisse: Parthinosque, & propinquas alias gentes motas esse ad spem
no.

novandi res. Dimallumque oppugnari. eo se verterant Romani ab Ætolorum, quomissi erant, auxilio: irati, quod sine auctoritate sua adversus fœdus cum Rege pacem fecissent. Ea cum audisset Philippus, ne qui motus major in finitimis gentibus, populisque oriretur, magnis itineribus Apolloniam contendit, quo Sempronius se receperat, misso Lætorio legato cum parte copiarum, & XV navibus in Ætoliam ad visendas res, pacemque, si posset, turbendam. Philippus agros Apolloniaticum vastavit, & ad urbem admotis copiis, potestatem pugnae Romano fecit. quem posteaquam quietum muros tantummodo tueri vidit, nec satis fidens viribus, ut urbem oppugnaret, & cum Romanis quoque, sic, ut cum Ætolis, cupiens pacem, si posset, sin minus, inducias facere, nihil ultra irritatis novo certamine odiis, in regnum se recepit. Per idem tempus, tædio diutini belli, Epirotæ, tentata prius Romanorum voluntate, legatos de pace communi ad Philippum misere, satis confidere conventuram eam, affirmantes, si ad colloquium cum P. Sempronio imperatore Romano venisset. Facile impetratum, (neque enim ne ipsius quidem Regis abhorrebat animus) ut in Epirum transfret. Phœnice urbs est Epiri. ibi prius collocutus Rex cum Eropo, & Darda, & Philippo, Epirotarum prætoribus, postea cum P. Sempronio congreditur. Affuit colloquio & Aminander, Athamanum Rex, & magistratus alii Epirotarum, & Acarnanum. Prius Philippus prætor verba fecit, & petiit simul ab Rege, & ab imperatore Romano, ut finem belli facerent, darentque eam Epirotis veniam, P. Sempronius con-

ditiones pacis dicit, ut Parthini, & Dimalum, & Bargulum, & Eugenium Romanorum essent Atiritania, si missis Romam legatis ab senatu impetrasset, Macedoni accederet. In eas conditiones cum pax convenisset, ab Rege fœderi ascripti, Prusia Bithyniæ Rex, Achæi, Bœoti, Thessali, Acarnanes, Epirotæ: ab Romanis, Ilienses, Attalus Rex, Pleuratus, Nabis Lacedæmoniorum tyrannus, Eleil, Messenii, Athenienses. Hæc conscripta, consignataque sunt, & in duos menses induciæ factæ, donec Romam mitterentur legati, ut populus in has conditiones pacem juberet. Iusseruntque omnes tribus, quia, verso in Africam bello, omnibus aliis in præsentia levare bellis volebant. P. Sempronius, pace facta, ad consulatum Romam decessit.

C A P U T X I.

Provincia & exercitus a Romanis decernuntur.

13 **M** Cornelio, P. Sempronio consulibus,
 D.C. (quintuldecimus is annus Punici
 46 belli erat) provinciæ, Cornelio Etruria cum vetere exercitu, Sempronio Bruttii, ut novas scriberet legiones, decretæ. Prætoribus, M. Martio urbana, L. Scribonio Liboni peregrina, & eidem Gallia, M. Pomponio Mathoni Sicilia, T. Claudio Neroni Sardinia evenit. P. Scipioni cum eo exercitu, cumque ea classe, quam habebat; prorogatum in annum imperium est. Item P. Licinio, ut Bruttios cum duabus legionibus obtineret, quoad eum in provincia cum imperio morari, consuli e republica visum

visum esset. Et M. Livio, & Sp. Lucretio cum binis legionibus, quibus adversus Magonem Galliae praesidio fuissent, prorogatum imperium est. Et Cn. Octavio, ut cum Sardiniam, legionemque T. Claudio tradidisset, ipse navibus longis XL. maritimam oram, quibus finibus senatus censuisset, tutaretur. M. Pomponio praetori in Sicilia Cannensis exercitus duae legiones decretæ: T. Quintius Tarentum, C. Hostilius Tubulus Capuam, pro praetoribus, sicut priore anno, cum veteri uterque praesidio, obtinerent. De Hispaniae imperio, quos in eam provinciam duos pro consulibus mitti placeret, latum ad populum est. Omnes tribus eosdem L. Cornelium Lentulum, & L. Manlium Acidinum pro consulibus, sicut priore anno tenuissent, obtinere eas provincias jusserunt. Consules delectum habere instituerunt, & ad novas scribendas in Brutios legiones, & caeterorum (ita enim iussi ab senatu erant) exercituum supplementum.

C A P U T XII.

Predigiis procuratis, allatam a Pessiniunte Matrem Idaam excipit P. Scipio Nasica, vir bonorum optimus a senatu judicatus.

Quamquam nondum aperte Africa provincia decreta erat, occultantibus id, 14
credo, patribus, ne praescirent Carthaginienſes: tamen in eam spem erecta civitas erat, in Africa eo anno debellatum iri, finemque bello Punico adesse: Impleverat ea res superstitione animos: prouque & ad nuntianda, & ad credenda pro-

digia erant. Eo plura vulgabantur: Duos so-
 les visos, & nocte interluxisse: & facem Stel-
 læ ab ortu solis in occidentem porrigi visam.
 Tarracinæ portam, Anagninæ & portam, &
 multis locis murum de cœlo tactum. In æde
 Junonis Sospitæ Lanuvii cum horrendo fra-
 gore strepitum editum. Eorum procurando-
 rum causa, diem unum supplicatio fuit: &
 novendiale sacrum, quod de cœlo lapidatum
 esset, factum. Eo accessit consultatio de Ma-
 tre Idæa accipienda, quam præterquam quod
 M. Valerius unus ex legatis regressus acturum
 in Italia fore nuntiaverat, recens nuntius
 aderat, Tarracinæ jam esse. Haud parvæ rei
 iudicium senatum tenebat, qui vir optimus
 in civitate esset. veram certe victoriam ejus
 rei sibi quisque mallet, quam ul'a imperia
 honoresve suffragio seu patrum, seu plebis de-
 latos. P. Scipionem, Cn. filium, ejus, qui
 in Hispania ceciderat, adolescentem, non-
 dum quæstorium, judicaverunt in tota civi-
 tate virum bonorum optimum esse. Id quibus
 victis inducitur ita judicaverint, sicut pro-
 ditum memoriæ a proximis temporum illo-
 rum scriptoribus libens posteris tradiderim:
 ita meas opiniones, conjectando rem vetusta-
 te obrutam, non interponam. P. Cornelius
 cum omnibus matronis Ostiam obviam ire
 Dæjussus, isque eam de nave accipere, &
 in terram elatam tradere ferendam matronis.
 Postquam navis ad ostium amnis Tiberini
 accessit, sicut erat jussus, in salum nave
 evectus, ab sacerdotibus deam accepit, ex-
 tulitque in terram. Matronæ primores ci-
 vitatis, inter quas unius Claudie Quintæ
 insigne est nomen, accipere: cui dubia
 (ut traditur) antea fama clariorem ad po-
 steros, tam religioso ministerio pudicitiam
 fecit.

fecit. Eæ per manus succedentes deinceps
 aliæ aliis, omni effusa civitate obviam, thu-
 ribus ante januas positis, qua præferebatur,
 atque accenso thure, precantibus, ut volens
 propitiaque urbem Romam iniret, in ædem
 Victoriæ, quæ est in palatio, pertulere de-
 am pridie Idus Aprilis: isque dies festus fuit.
 Populus frequens dona deæ in palatium tulit;
 lectisterniumque, & ludi fuere, Megalesia
 appellata.

CAPUT XIII.

*In habendo a novis coss. delectu, imperantur
 milites, atque stipendium iis coloniis, quæ
 in dubiis rebus dare nonuerant: consiliis
 senatus de reddendis pecuniis, quas privati
 in belli necessitatem contulerant, ut ea tri-
 bus pensionibus solvantur, decernit.*

Cum de supplemento legionum, quæ
 in provinciis erant, ageretur, tempus
 esse, a quibusdam senatoribus subjectum
 est, quæ dubiis in rebus utcumque tolera-
 ta essent, ea, dempto jam tandem deum
 benignitate metu, non ultra pati. Erectis
 expectatione patribus, subjecerunt, colo-
 nias Latinas duodecim, quæ Q. Fabio, & Q.
 Fulvio consulibus abnuissent milites dare,
 eas annum jam ferme sextum vacationem
 militiæ, quasi honoris & beneficii causa
 habere: cum interim boni, obedientesque
 focii pro fide atque obsequio imperii Ro-
 mani continuis omnium annorum delecti-
 bus exhausti essent. Sub hanc vocem non
 memoria magis patribus renovata rei pro-
 pe jam obliterate, quam ira irritata est:
 Itaque nihil prius referre consules passi,

decreverunt, ut consules magistratus, donosque principes Nepete, Sutrio, Ardea, Calibus, Alba, Carseolis, Sora, Sueffa, Setia, Circeis, Narnia, Interamna (eæ nanque coloniæ in ea causa erant) Romam excirent: iis imperarent; quantum quaque earum coloniarum militum plurimum dedisset populo Romano; ex quo hostes in Italia essent, duplicatum ejus summa numerum peditum daret, & equites centenos videnos, si qua enim numerum equitum explere non posset, pro equite uno tres pedites liceret dare. pedites equitesque quam locupletissimi legerentur, mitterenturque, ubicunque extra Italiam supplemento opus esset. si qui ex iis recusarent, retineri ejus coloniæ magistratus, legatosque placere: neque, si postularent, senatum dari, prius quam imperata fecissent. stipendium præterea iis coloniis III. millia aris, asses singulos imperari, exigique quotannis: censumque in iis coloniis agi ex formula ab Romanis censoribus data. dari autem placere eandem, quam populo Romano: deferrique Romam ab iuratis censoribus coloniarum, priusquam magistratu abirent. Ex hoc S. C. accitis Romam magistratibus primoribusque earum coloniarum, consules cum milites stipendiumque imperassent, alii aliis magis recusare ac reclamare, negare, tantum militum effici posse; vix, si simplum ex formula impleretur, enixuros orare atque obsecrare, ut sibi senatum adire, ac deprecari liceret. nihil se, quare perire merito deberent, admisisse, sed si pereundum etiam foret, neque suum delictum, neque iram populi Romani, ut plus militum darent, quam haberent, posse efficere. Consules obstinati manere legatos Romæ jubent, magistratus ire domos

ad

ad delectus habendos: nisi summa militum, quæ imperata esset, Romam adducta, neminem iis senatum daturum. Ita præcisa spe senatum adeundi, deprecandique, delectus in iis XII coloniis, per longam vacationem numero juniorum aucto, haud difficulter est perfectus. Altera res, item prope æque longo neglecta silentio, relata a M. Valerio Le-
vino est: qui privatis collatas pecunias, se, ac M. Claudio Marcello consulibus, reddi tandem, æquum esse dixit, *nec mirari quendam debere, in publica obligata fide suam præcipuam curam esse. nam præterquam quod aliquid proprie ad consulem ejus anni, quo collata pecunia essent, pertineret, etiam se auctorem ita conferendi fuisse, inopi arario, nec plebe ad tributum sufficiente. Grata ea partibus admonitio fuit: jussisque referre consulibus, decreverunt, ut tribus pensionibus ea pecunia solveretur: primam præsentem ii, qui tum essent, duas tertii, & quinti consules numerarent.*

CAPUT. XIV.

Locrenses per legatos ea, quæ a Q. Pleminii legati impotentia, & crudelitate passi fuerant, in senatu deplorant.

OMnes deinde alias curas una occupavit, postquam Locrensiū clades, quæ ignotæ ad eam diem fuerant, legatorum adventu vulgatæ sunt. nec tam Q. Pleminii scelus, quam Scipionis in eo aut ambitio, aut negligentia iras hominum irritavit. Decem legati Locrensiū obfiti squalore & sordibus, in comitio sedentibus consulibus, velamenta supplicum, ramos oleæ (ut Græcis mos est) porrigentes, ante

tribunal cum flebili vociferatione humi procubuerunt. Quærentibus consulibus, *Locrenses se dixerunt esse, ea passos a Q. Pleminio legato, Romanisque militibus, qua pati ne Carthaginienses quidem velit populus Romanus orare, uti sibi patres adeundi, deplorandique ærumnas suas potestatem facerent.* Senatu dato,

- 27 maximus natus ex iis: Scio, inquit, quanti estimetur nostra apud vos querela, P.C. plurimum in eo momenti esse, si probe sciatis, & quo modo proditi Locri Annibali sint, & quomodo pulso Annibalis presidio, restituti in ditionem vestram. quippe si & culpa defectionis procul a publico consilio absit, & reditum in vestram ditionem appareat non voluntate solum, sed ope etiam ac virtute nostra, magis indignemini bonis ac fidelibus sociis tam atroces atque indignas injurias ab legato vestro, militibusque fieri. Sed ego causam utriusque defectionis nostra in aliud tempus differendam arbitror esse, duarum rerum gratia, unius, ut coram P. Scipione, qui Locros recepit, quique omnium nobis recte perperamque factorum est testis, agatur: alterius, quod qualescunque sumus, tamen hac qua passi sumus, pati non debuimus. Non possumus dissimulare, P.C., nos cum presidium Punicum in arce nostra haberemus, multa fœda, indigna & a præfecto presidii Amilcare, & ab Numidis, Afrisque passos esse. sed quid illa sunt collata cum iis, qua hodie patimur? Cum bona venia, quaeso, audiat, P.C., id, quod inuisus eloquar. In discrimine est nunc humanum omne genus, utrum vos, an Carthaginienses principes orbis terrarum videant, sed si ex iis, qua Locnenses, aut ab illis passi sumus, aut a vestro presidio nunc quam maxime

xime patimur, aſtimandum Romanum, ac Punicum imperium ſit, nemo non illos ſibi, quam vos, dominos praopſet. Et tamen videt, quemadmodum Locrenſes in vos animati ſint; cum a Carthaginiensibus injurias multo minores acciperemus, ad veſtrum imperatorem confugimus: cum a veſtro praſidio pluſquam hoſtilia patiamur, nuſquam alio, quam ad vos, querelas dedulimus. Aut vos reſpicietis perditas res noſtras, P. C. aut ne ab diis quidem immortalibus quod precemur, quicquam ſuper eſt.

¶ Q. Pleminius legatus miſſus eſt cum praſidio ad recuperandos a Carthaginiensibus Locros & cum eodem ibi relictus eſt praſidio. In hoc legato veſtro (dant enim animum ad loquendum libere ultima miſeria) nec hominis quicquam eſt, patres conſcripti, praeter figuram, & ſpeciem, neque Romani civis, praeter habitum, & ſonum Latina lingua: peſtis ac bellua immanis, quales frequentum quondam, quo ab Sicilia dividimur, ad perniciem navigantium circumſediſſe fabula ferunt. At ſi ſcelus, libidinem, & avaritiam ſolus ipſe exercere in ſocios veſtros ſatis haberet, unam profundam quidem voraginem tamen patientia noſtra expleremus. nunc omnes centuriones militesque veſtros (adeo in promiſcuo licentiam, atque improbitatem eſſe voluit) Pleminius facit. omnes rapiunt, ſpoliant, verberant, vulnerant, occidunt, conſuprant matronas, virgines, ingenuos raptos ex complexu parentum. quotidie capitur urbs noſtra, quotidie diripitur, dies noctesque omnia paſſim mulierum, puerorumque, qui rapiuntur, atque aſportantur, ploratuſque ſonant. Miretur, qui ſciat, quomodo aut nos ad patiendum ſuſſiciamus, aut illos, qui faciunt, nondum tan-

rarum injuriarum satietas ceperit. Neque
 ego exequi possum, nec vobis opera est audi-
 re singula, qua passi sumus. communiter o-
 mnia complectar. Nego domum ullam Locris,
 nego quemquam hominem expertem injuria
 esse: nego ullum genus sceleris, libidinis,
 avaritia superesse, quod in ullo, qui pa-
 ti potuerit, pratermissum sit. Vix ratio iniri
 potest, uter casus civitatis sit detestabilior:
 cum hostes bello urbem cepere, an cum
 exitiabilis tyrannus vi atque armis oppressit.
 omnia, que capta urbes patiuntur, passi su-
 mus, & nunc cum maxime patimur, patres
 conscripti: omnia, que crudelissimi atque im-
 portunissimi tyranni scelera in oppressos cives
 edunt, Pleminius in nos liberosque nostros
 28 & conjuges edidit. Unum est, de quo nomi-
 natim & nos queri religio infixæ animis co-
 gat, & vos audire. & exolvere rempublicam
 vestram religionem, si ita vobis videbitur, ve-
 limus, patres conscripti. vidimus enim, cum
 quanta caeremonia non vestros solum colatis deos,
 sed etiam externos accipiat. Fanum est apud
 nos Proserpina, de cuius sanctitate templi creda
 aliquam famam ad vos pervenisse Pyrrhi bello:
 qui cum ex Sicilia rediens Locros classe prator-
 veheretur, inter alia fœda, qua propter fidem
 nostram erga vos in civitatem nostram faci-
 nora edidit, thesauros quoque Proserpina
 intactos ad eam diem spoliavit: atque ita
 pecunia in naves imposita, ipse terra est pro-
 fectus. Quid ergo evenit, R. C. ? classis poste-
 ro die fœdissima tempestate lacerata: omnes-
 que naves, qua sacram pecuniam habe-
 bant, in litora nostra ejecta sunt. qua
 tanta clade edoctus tandem deos esse super-
 bissimus Rex, pecuniam omnem conquisi-
 tam in thesauros Proserpina referri iussit. nec
 tamen

tamen illi unquam postea prospere quicquam evenit: pulsusque Italia, ignobili atque inhonesta morte temere nocte ingressus Argos occubuit. Hac cum audisset legatus vester, tribuni que militum, & mille alia, qua non augenda religionis causa, sed presentis dea numine saepe comperta nobis majoribusque nostris reserebantur, ausi sunt nihilominus sacrilegas admoveere manus intactis illis thesauris, & nefanda praeda se ipsos, ac domos contaminare suas, & milites vestros, quibus per vos, si fidemque vestram, P. C. prius quam eorum scelus expietis, neque in Italia, neque in Africa quicquam rei gesseritis: ne quod piaculum commiserunt, non suo solum sanguine, sed etiam publica clade luant, quanquam ne nunc quidem, P. C. aut in ducibus, aut in militibus vestris cessat ira dea, aliquoties jam inter se signis collatis concurrerunt. dux alterius partis Pleminius, alterius duo tribuni militum erant, non acrius cum Carthaginensibus, quam ipsi inter se ferro dimicaverunt: praeiussentque occasionem furore suo. Locros recipiendi Annibali, ni accitus a nobis Scipio intervenisset. At Hercule milites contractos sacrilegio furor agitat, in ducibus ipsis puniendis nullum dea numen apparuit? imo ibi praesens maxime fuit. virgis caesi tribuni ab legato sunt. legatus deinde insidiis tribunorum interceptus, praeterquam quod toto corpore laceratus, naso quoque, auribusque detisis exanguis est relictus. recreatus deinde legatus ex vulneribus tribunos militum in vincula coniectos, dein verberatos, servilibusque omnibus suppliciis cruciatus occidit: mortuos deinde prohibuit sepeliri. Has dem paenas a templi sui spoliatoribus habet: nec ante desinet omnibus eos agitare furiis, quam reposita sacra pecunia in thesauris fuerit. Maiores
quon-

quondam nostri gravi Crotoniensium bello, quia
 extra urbem templum est, transferre in ur-
 bem eam pecuniam voluerunt: nocte audita
 ex delubro vox est, abstinerent manus: deam
 sua templa defensuram. quia movendi inde
 thesauros incussa erat religio, muro circunda-
 re templum voluerunt. ad aliquantum jam
 altitudinis excitata erant mania, cum subito
 collapsa ruina sunt. Sed & nunc, & saepe
 alias dea suam sedem, suumque templum aut
 tutata est, aut a violatoribus gravia piacula
 exegit. nostras injurias nec potest, nec possit
 alius ulcisci, quam vos, P. C. ad vos, ve-
 stramque fidem supplices confugimus. nihil no-
 stra interest, utrum sub illo legato, sub illo
 presidio Locros esse sinatis, an irato Anniba-
 li, & Pœnis ad supplicium dedatis. Non po-
 stulamus, ut extemplo nobis ut d'e absente,
 ut indicta causa credatis. veniat, coram ipse
 audiat, ipse diluat. si quicquam sceleris, quod
 homo in homines edere potest, in nos prater-
 misit, non recusamus, quin & nos omnia ea-
 dem itexum, si pati possumus, patiamur, &
 illa omni divino, humanoque liberetur scelere.

CAPUT XV.

Cum lacerarentur in senatu non modo Pleminius propter crudelitatem in Locrenses, sed etiam Scipio, tanquam is & iussisset, quae Locrenses passi fuerant, & in Sicilia cum exercitu luxuriaretur, mittuntur legati, qui Pleminium vinctum Romam deportent, & an vera sint, quae de Scipione afferebantur, explorent: cum Scipio se infamia purgasset, permittitur consensu senatus, ut in Africam trajiciat. Pleminius Romam ductus in carcere moritur.

HÆC cum ab legatis dicta essent, quæ 19
 sissetque ab iis Q. Fabius, detulissent ne
 eas querelas ad P. Scipionem, responderunt:
 missos legatos esse, sed eum belli apparatus occupa-
 tum esse: & in Africam aut jam trajecisse,
 aut intra paucos dies trajecturum. & legati
 gratia quanta esset apud imperatorem, expe-
 tos esse, cum inter eum & tribunos cognita
 causa, tribunos in vincula conjecerit: legatum
 aque fontem, aut magis etiam, in ea potestate
 reliquerit. Jussis excedere e templo legatis,
 non Pleminius modo, sed etiam Scipio prin-
 cipum orationibus lacerari. ante omnes Q.
 Fabius natum ad corrumpendam disciplinam mi-
 litarem arguere. sic & in Hispania plus prope
 per seditionem militum, quam bello, amissum.
 externo & regio more & indulgere licentia mili-
 tum, & servire in eos. Sententiam deinde æ-
 que trucem orationi adjecit: Pleminium lega-
 tum vinctum Romam deportari placere, & ex vin-
 culis causam dicere: ac, si vera forent, quæ
 Locrenses quererentur, in carcere necari, bona
 quæ ejus publicari. P. Scipionem, quod de provin-
 cia

cia decesserit injussu Senatus, revocari, agique
 cum tribunis plebis, ut de imperio ejus abrogan-
 do ferrent ad populum. Locrensibus coram sena-
 tum respondere: quas injurias sibi factas quere-
 rentur, eas neque senatum, neque populum Ro-
 manum velle factas. viros bonos, sociosque, &
 amicos eos appellari. liberos, conjuges, quaque
 alia erepta essent, restitui: pecuniam, quanta
 ex thesauris Proserpina sublata esset, conquiri:
 duplamque pecuniam in thesauros reponi: &
 sacrum piaculare fieri: ita ut prius ad colle-
 gium pontificum referretur, quod sacri thesau-
 ri moti, aperti, violatique essent, quæ piacula
 quibus diis, quibus hostiis fieri placeret. mili-
 tes, qui Locris essent, omnes in Siciliam trans-
 portari: quatuor cohortes sociorum Latini nomi-
 nis in præsidium Locros adduci. Perrogari eo
 die sententiæ, accensis studiis pro Scipione
 & adversus Scipionem, non potuere. Præ-
 ter Plemirii facinus, Locrensiūque cla-
 dem, ipsius etiam imperatoris non Roma-
 nus modo, sed ne militaris quidem cultus
 jactabatur, cum pallio, crepidisque inambula-
 re in gymnasio, libellis etiam palestraque ope-
 ram dare. æque segniter, molliterque cohortem
 totam Syracusarum amœnitate frui: Carthagi-
 nem, atque Annibalem excidisse de memoria:
 exercitum omnem licentia corruptum, qualis
 Sucrone in Hispania fuerit, qualis nunc Locris,
 20 sociis magis, quam hosti metuendum. Hæc
 quanquam partim vera, partim mista, eo-
 que similia veris jactabantur, vicit tamen
 Q. Metelli sententia, qui de cæteris maxi-
 me assensus, de Scipionis causa dissensit.
 Qui enim convenire, quem modo civitas juve-
 nem admodum unum recuperanda Hispania de-
 legeris ducem, quem recepta ab hostibus Hispa-
 nia, ad imponendum unico bello finem crea-
 verit

verit consulem, spe destinaverit Annibalem ex Italia detracturum, Africam subacturum, cum repente, tanquam Q. Pleminium, indicta causa prope damnatum ex provincia revocari? cum ea, qua in se nefarie facta Locrenses quererentur, ne praesente quidem Scipione facta dicerent: neque aliud, quam patientia, aut pudor, quod legato pepercisset, insimulari possit. Sibi placere, M. Pomponium prae-torem, cui Sicilia provincia sorte evenisset, triduo proximo in provinciam proficisci: consules decem legatos, quos iis videretur, ex senatu legere, quos cum praetore mitterent, & duos tribunos plebis, atque adilem. eum eo consilio praetorem cognoscere. si ea, qua Locrenses facta quererentur, iussu, aut voluntate Publii Scipionis facta essent, ut eum de provincia decedere iuberent: si Publius Scipio jam in Africam trajecisset, tribuni plebis, atque adilis cum duobus legatis, quos maxime praetor idoneos censuisset, in Africam proficiscerentur: tribuni, atque adilis, qui reducerent inde Scipionem: legati, qui exercitui praessent, donec novus imperator ad eum exercitum venisset. sin Marcus Pomponius, & decem legati comperissent, neque iussu, neque voluntate P. Scipionis ea facta esse, ut ad exercitum Scipio maneret, bellumque, ut proposuisset, gereret. Hoc facto S. C., cum tribunis plebis actum est, aut compararent inter se, aut sorte legerent, qui duo cum praetore ac legatis irent. Ad collegium pontificum relatum de expiandis, quae Locris in templo Proserpinæ tacta, violata, elataque inde essent. Tribuni pl. cum praetore, & decem legatis profecti, M. Claudius Marcellus, & M. Cincius Alimentus: iisque aedilis plebis datus est: quem, si aut in Sicilia praetoris dicto audiens non esset

Sci-

Scipio, aut jam in Africam trajecisset, prehendere tribuni juberent, ac jure sacrosanctæ potestatis reducerent. Prius Locros ire, quam
 21 Messanam consilium erat. Cæterum duplex fama est, quod ad Pleminium attinet. alii, auditis, quæ Romæ acta essent, in exilium Neapolim euntem, forte in Q. Metellum unum ex legatis incidisse, & ab eo Rhegium vi retractum tradunt. alii, ab ipso Scipione legatum cum triginta nobilissimis equitum missum: Q. Pleminium in catenas, & cum eo seditionis principes coniectos. Li omnes, seu ante Scipionis, seu tum prætoris jussu traditi in custodiam Rheginis sunt. Prætor, legatique Locros profecti, primum, sicuti mandatum erat, religionis curam habuere. omnem enim sacram pecuniam, quæque apud Pleminium, quæque apud milites erat, conquisitam, cum ea, quam ipsi secum attulerant, in thesauris reposuerunt, ac piaculare sacrum fecerunt. tum vocatos ad concionem milites, prætor signa extra urbem efferre jubet: castraque in campo locat, cum gravi edicto, si quis miles aut in urbe restitisset, aut se cum extulisset, quod suum non esset, Locrensibus se permittere, ut quod suum quisque cognosceret, prehenderet: siquid non compararet, repeteret. ante omnia libera corpora placere sine mora Locrensibus restitui: non levi desancturum pœna, qui non restituisset. Locensium deinde concionem habuit. atque iis libertatemque legesque suas populum Romanum, senatumque restituere dixit. si qui Pleminium aliumve quæta accusare vellet, Rhegium se sequeretur. si de P. Scipione publice queri vellent, ea, qua Locris nefarie in deos, hominesque facta essent, jussu, aut voluntate P. Scipionis facta esse, legatos mitterent Messanam, ibi se cum consilio cogniturum, Locrenses

ses prætori, legatisque, & senatui ac populo Romanogratiasegere. *se ad Pleminium accusandum ituros, Scipionem, quanquam parum injuriis civitatis sue doluerit, eum esse virum, quem amicum sibi, quam inimicum malint esse; pro certo se habere, neque jussu, neque voluntate P. Scipionis tot tam nefanda commissa: sed aut Pleminio nimium, aut sibi parum creditum. natura insitum quibusdam esse, ut magis peccari non lint, quam satis animi ad vindicanda peccata habeant.* Et prætori & consilio haud mediocre onus demptum erat de Scipione cognoscendi. Pleminium, & ad duos & triginta homines cum eo damnaverunt, atque in carceris Romam miserunt. ipsi ad Scipionem profecti sunt, ut ea quoque, quæ vulgata sermonibus erant de cultu ac desidia imperatoris, solutaque militiæ disciplina, comperta oculis referrent Romam. Venientibus iis Syracusas, Scipio res, non verba, ad purgandum se paravit. exercitum omnem eo convenire, classem expediri jussit, tanquam dimicandum eo die terra marique cum Carthaginensibus esset. Quo die venerunt, hospitio comiter accepti. postero die terrestrem, navalemque exercitus non instructos modo, sed hos decurrentes, classem in portu simulacrum & ipsam edentem navalis pugnae ostendit. tum circa armamentaria & horrea aliumque belli apparatus visendum prætor legatique ducti, tantaque admiratio singularum universarumque rerum incussa, ut satis crederent, aut illo duce atque exercitu vinci Carthaginensem populum, aut nullo alio posse jubereque, quod dii bene verterent, trahere, & spei conceptæ, quod die illum omnes centuriæ priorem consulem dixissent, primo quoque tempore compotem populum

Romanum facere: adeoque lætis inde animis profecti sunt, tanquam victoriam, non belli magnificum apparatus, nuntiaturi Romam essent. Pleminius, quique in eadem causa erant, postquam Romam est ventum, extemplo in carcerem conditi, ac primo producti ad populum ab tribunis apud præoccupatos Locrensiū clade animos nullum misericordiæ locum habuerunt: postea cum sæpius producerentur, jam senescente invidia molleiebatur ira, & ipsa deformitas Pleminii, memoriaque absentis Scipionis favorem ad vulgum conciliabat. mortuus tamen prius in vinculis est, quam iudicium de eo pop. perficeretur. Hunc Pleminium Clodius Licinius in libro tertio rerum Romanarum refert ludis votivis, quos Romæ Africanus iterum consul faciebat, conatum per quosdam, quos pretio corruerat, aliquot locis urbem incendere, ut frangendi carceris, fugiendique haberet occasionem. patefacto dein scelere, delegatum in Tullianum ex S. C. De Scipione nusquam nisi in senatu actum. ubi omnes legati & tribuni classem, exercitum, ducemque verbis extollentes, effecerunt, ut senatus censeret, primo quoque tempore in Africam trajiciendum; Scipionique permetteretur, ut ex iis exercitibus, qui in Sicilia essent, ipse eligeret, quos in Africam secum trajiceret, quos provinciæ relinqueret præsidio.

CAPUT XVI.

Syphax, rex Numidarum, per nuptias filia Asdrubalis Gisgonis juncta cum Carthaginiensibus societate, mittit ad Scipienem in Siciliam legatos ad dissolvendam cum illo initam amicitiam: Scipio, id quod erat celatis militibus, statim parat transitum in Africam.

DUM hæc apud Romanos geruntur, 23
Carthaginienses quoque cum, speculis per promontoria omnia positis, percontantes, paventesque ad singulos nuntios sollicitam hiemem egissent, haud parvum & ipsi tuendæ Africæ momentum adjecerunt, societatem Syphacis Regis, cujus maxime fiducia trajecturum in Africam Romanum crediderant. Erat Asdrubali Gisgonis filio non hospitium modo cum Rege, de quo ante dictum est, cum ex Hispania forte in idem tempus Scipio, atque Asdrubal convenerunt, sed mentio quoque inchoatæ affinitatis, ut Rex duceret filiam Asdrubalis. Ad eam rem confirmandam, tempusque nuptiis statuendum (jam enim nubilis erat virgo) profectus Asdrubal, ut accensum cupiditate (ut sunt ante omnes barbaros Numidæ effusi in venerem) sensit, virginem ab Carthagine accersit, maturatque nuptias: & inter aliam gratulationem, ut publicum quoque scædus privato adjiceretur, societas inter populum Carthaginiensem Regemque, data ultro citroque fide eisdem amicos inimicosque habituros, jurejurando affirmatur, Cæterum Asdrubal memor & cum Scipione initæ regiæ societatis, & quam vana & mutabilia barbarorum ingenia essent,

veritus ne, si trajiceret in Africam Scipio, parvum vinculum eæ nuptiæ essent, dum accensum recenti amore Numidam habet, perpellit, blanditiis quoque puellæ adhibitis, ut legatos in Siciliam ad Scipionem mittat, per quos moneat eum, *ne prioribus suis promissis fretus in Africam trajiciat. se & nuptiis civis Carthaginiensis, filia Asdrubalis, quem viderit apud se in hospitio, & publico etiam fœdere cum populo Carthaginiensi junctum, hortari primum, ut procul ab Africa, sicut adhuc fecerint, bellum Romani cum Carthaginiensibus gerant, ne sibi interesse certaminibus eorum, armaque aut hac, aut illa abnuentem alteram societatem sequi necesse sit. se non abstineat Africa Scipio, & Carthagini exercitum admoveat, sibi necessarium fore, & pro terra Africa, in qua & ipse sit genitus, & pro patria conjugis suæ, proque parente, ac penatibus dimicare.* Cum his mandatis ab Rege legati ad Scipionem missi, Syracusis eum convenerunt. Scipio, quamquam magno momento rerum in Africa gerendarum, magnaue spe destitutus erat, legatis propere, priusquam res vulgaretur, remissis in Africam literas dat ad Regem, quibus etiam atque etiam monet eum, *ne jura hospitii secum, neu cum populo Romano inita societatis, neu fas, fidem, dexteras, deos testes atque arbitros conventorum fallat.* Cæterum quando neque celari adventus Numidarum poterat, (vagati enim in urbe, observatique prætorio erant) & si fileretur, quid petentes venissent, periculum erat, ne vera, eo ipso, quod celarentur, sua sponte magis emanarent, timorque in exercitum incideret, ne simul cum Rege, & Carthaginiensibus foret bel-

lan-

landum, avertit a vero falsis præoccupando mentes hominum. & vocatis ad concionem militibus. non ultra esse cunctandum ait, instare, ut in Africam quamprimum trajiciat: socios Reges, Massanissam prius ipsum ad C. Laliū venisse, querentem, quod cunctando tempus tereretur. nunc Syphacem mittere legatos, idem admirantem, quæ tam diuturna mora sit causa, postulantemque, ut aut trajiciatur tandem in Africam exercitus, aut si mutata consilia sint, certior fiat, ut & ipse sibi, ac regno possit consulere. Itaque jam satis omnibus instructis, apparatisque, & re jam non ultra recipiente cunctationem, in animo sibi esse, Lilybæum classe traducta, eodemque omnibus perditum equitumque copiis contractis, quæ prima dies cursum navibus daret, deis bene juvantibus in Africam trajicere. Literas ad M. Pomponium mittit, ut, si sibi videretur, Lilybæum veniret: ut communiter consulerent, quas legiones potissimum, & quantum militum numerum in Africam trajiceret. item circum oram omnem maritimam misit, ut naves onerariæ comprehensæ Lilybæum omnes contraherentur.

CAPUT XVII.

Maritima P. Scipionis ex Sicilia in Africam expeditio.

QUICQUID militum, naviumque in Sicilia erat, cum Lilybæum convenissent, & nec urbs multitudinem hominum, nec portus naves caperet, tantus omnibus ardor erat in Africam trajiciendi, ut non ad bellum duci viderentur, sed ad certa victoriæ præmia. præcipue qui superabant ex Can-

nensi

nensi exercitu milites, illo, non alio duce
 credebant navata reipublicæ opera finire se
 militiam ignominiosam posse. Et Scipio mini-
 me id genus militum aspernabatur, ut qui ne-
 que ad Cannas ignavia eorum cladem acce-
 ptam sciret, neque ullos æque veteres mili-
 tes in exercitu Romano esse, expertosque non
 variis præliis modo, sed urbibus etiam oppu-
 gnandis. Quinta, & sexta Canenses erant le-
 giones. eas se trajecturum in Africam cum di-
 xisset, singulos milites inspexit: relictisque,
 quos non idoneos credebat, in locum eorum
 subjecit quos secum ex Italia adduxerat: sup-
 plevitque ita eas legiones, ut singulæ sena mil-
 lia & ducentos pedites, trecentos haberent
 equites, sociorum item Latini nominis pedites,
 equitesque de exercitu Cannensi legit. Quan-
 tum militum in Africam transportatum sit,
 non parvo numero inter auctores discrepat.
 alibi decem millia peditum, duo millia &
 ducentos equites, alibi XVI millia pedi-
 tum, mille & quingentos equites, alibi
 parte plus dimidia rem auctam, V & XXX.
 millia peditum, equitumque in naves im-
 posita invenio. quidam non adjecere nu-
 merum, inter quos me ipse in re dubia
 poni malui. Cælius ut abstinet numero,
 ita ad immensum multitudinis speciem au-
 get, volucres ad terram delapsas clamore
 militum, ait: tantamque multitudinem con-
 scendisse naves, ut nemo mortalium aut
 in Italia aut in Sicilia relinqui videretur.
 Milites ut in naves ordine, ac sine tumultu
 conscenderent, ipse eam sibi curam sum-
 psit. nauticos C. Lælius, qui classis præfe-
 ctus erat, in naves ante conscendere coac-
 tos continuit. commeatus imponendi M.
 Pomponio prætori cura data, V & XL die-
 rum

rum cibaria, e quibus XV dierum cocta, imposita. Ut omnes jam in navibus erant, scaphas circummisit, ut ex omnibus navibus gubernatoresque & magistri navium, & bini milites in forum convenirent ad imperia accipienda. Posteaquam convenerunt, primum ab iis quæsit, si aquam hominibus jumentisque in totidem dies, quot frumentum, imposuissent. ubi responsum est, aquam dierum V & XL in navibus esse, tum edixit militibus, ut silentium quieti nautis sine certamine ad ministeria exequenda bene obedientes præstarent. cum XX rostratis se, ac L. Scipionem ab dextro cornu, ab lævo totidem rostratis G. Lælium præfectum classis, cum M. Portio Catone (quæstor is tum erat) onerariis futurum præsidio. lumina in navibus singula rostratæ, bina onerariæ haberent: in prætoria nave insigne nocturnum trium luminum fore. Emporia ut peterent, gubernatoribus edixit. Fertilissimus ager, eoque abundans omni copia rerum est regio, & imbelles (quod plerumque in ubere agro evenit) barbari sunt, priusque quam a Carthagine subveniretur, opprimi videbantur posse. Iis editis imperiis, redire ad naves jussi: & postero die diis bene juvantibus signo dato solvere naves. Multæ classes Romanæ e Sicilia 26 atque ipso ullo portu profectæ erant. cæterum non eo bello solum, (nec id mirum, prædatum enim tantummodo pleræque classes ierant) sed ne priore quidem ulla profectio tanti spectaculi fuit. quanquam si magnitudine classes æstimares, & bini confules cum binis exercitibus ante trajecerant: & prope totidem rostratæ in illis classibus fuerunt, quot onerariis Scipio sum trajiciebat. Nam præter L. longas naves, qua-

dringentis ferme onerariis exercitum transfexit. sed & bellum bello, secundum priore ut atrocius Romanis videretur, cum quod in Italia bellabatur, tum ingentes strages tot exercituum simul cæsis ducibus effecerant. & Scipio dux partim factis fortibus, partim suapte fortuna quadam ingenti ad incrementa gloriæ celebratus converterat animos: simul & mens ipsa trajiciendi, nulli ante eo bello duci tentata, quod ad Annibalem detrahendum ex Italia, transferendumque & finiendum in Africa bellum, se transire vulgaverat. Concurrerat ad spectaculum in portu omnis turba non habitantium modo Lilybæi, sed legationum omnium ex Sicilia: quæ & ad prosequendum Scipionem officii causa convenerant, & prætorem provinciæ M. Pomponium secutæ fuerant, ad hoc legationes quæ in Sicilia relinquebantur, ad prosequendos commilitones processerant, nec classis modo prospectantibus e terra, sed terra etiam omnis circa referta turba spectaculo navigantibus erat. Ubi illuxit, Scipio e prætoriana nave, silentio per præconem facto, *Divi Divaque, inquit, qui maria terrasque collatis, vos precor quasque, uti qua in meo imperio gesta sunt, geruntur, postque gerentur, ea mihi e populo, plebique Romana, sociis, nominique Latino, qui populi Romani, quique meam sectam, imperium, auspiciumque terra, mari, amnibusque sequuntur, bene verruncet; æquos omnia bene juveris: bonis ausiliis auxitis: salvos incolumesque victis perduellibus victores spoliis decoratos, prædam onustos, triumphantesque mecum domos reduces sistatis: inimicorum, hostiumque ulciscendorum copiam faxitis: quæque populus Carthaginiensis in civitatem nostram facere molitus est, ea ut*
mibi,

mibi, populoque Romano in civitatem Carthaginiensium detis. Secundum eas preces cruda exta cæsa victima (uti mos) in mare porricit, tubaque signum dedit proficiscendi. Vento secundo vehementi satis profecti, celeriter e conspectu terræ ablati sunt. & a meridie nebula occæpit, ita ut vix concursus navium inter se vitarent. lenior ventus in alto factus, noctem insequentem eadem caligo obtinuit: sole orto est discussa, & addita vis vento. Jam terram cernebant. haud ita multo post gubernator Scipioni ait, non plus quinque millia passuum Africam abesse, Mercurii promontorium se cernere. si jubeat eo dirigi, jam in portu fore omnem classem. Scipio, ut in conspectu terra fuit, precatus deos, uti bono reipublicæ, suoque Africam viderit, dare vela, & alium infra navibus accessum petere jubet. vento eodem ferebantur. cæterum nebula sub idem ferme tempus, quo pridie exorta, conspectum terræ ademittit. & vento premente nebula cecidit. nox deinde incertiora omnia fecit. itaque anchoras, ne aut inter se concurrerent naves, aut terræ inferrentur, jecere. ubi illuxit, ventus idem coortus, nebula disjecta, aperuit omnia Africæ litora. Scipio, quod esset proximum promontorium, percunctatus, cum Pulchri promontorium id vocari audisset, placet omen, inquit, huc dirigite naves. eo classis decurrit: copię omnes in terram expositæ sunt. Prosperam navigationem sine terrore ac tumultu fuisse, permultis Græcis, Latinisque auctoribus credidi. Cælius unus præterquam quod non merfas fluctibus naves, cæteros omnes cælestes maritimosque terrores, postremo abreptam tempestate ab Africa classẽ ad insulam Ægi-

murum, inde ægre correptum cursum exponit: & prope obrutis navibus, injussu imperatoris, scaphis haud secus, quam naufragos milites sine armis cum ingenti tumultu in terram evasisse.

CAPUT XVIII.

Expositis a P. Scipione in terram Africam copiis, ingens trepidatio Carthaginem præcipue occupat: caesa Carthaginienſium equitum ala, qua ſpeculatum venerat, urbs quoque proxima ſaris opulenta capitur.

- 3 **E**Xpositis copiis Romani castra in proximis tumulis metantur. Jam non in maritimos modo agros conspectu primum clasſis, dein tumultu egredientium in terram, pavor terrorque pervenerat, sed in ipsas urbes. neque enim hominum modo turba mulierum puerorumque agminibus immista omnes passim compleverat vias, sed pecora quoque præ se agrestes agebant, ut relinqui subito Africam diceres. urbibus vero ipsis majorem, quam quem secum attulerant, terrorem interebant. Præcipue Carthaginis prope ut captæ tumultus fuit. nam post M. Attilium Regulum, & L. Manlium consules annis prope quinquaginta nullum Romanum exercitum viderant, præter prædatorias classes, quibus excensiones in agros maritimos factæ erant: raptisque quæ obvia fors fecerat, prius recursum semper ad naves, quam clamor agrestes conciret; fuerat. eo major tum fuga, pavorque in urbe fuit. Et hercule neque exercitus domi validus, neque dux, quem opponerent, erat. Aldrubal, Gisgonis filius, genere, fama, di-

vitiis, regia tum etiam affinitate longe primuscivitatis erat. sed cum ab illo ipso Scipione aliquot præliis fufum, pulfumque in Hispania meminerant: nec magis ducem duciparem, quam tumultuarium exercitum suum Romano exercitui esse. itaque velut si urbem extemplo aggressurus Scipio foret, ita ad arma est conclamatum: portæque raptim clausæ, & armati in muris, vigiliæque, & stationes dispositæ, ac nocte insequenti vigilatum est. Postero die De equites speculatum ad mare, turbandosque egredientes ex navibus missi, in stationes Romanorum inciderunt. Jam enim Scipio, classe Uticam missa, ipse haud ita multum progressus a mari, tumulos proximos ceperat, & equites in stationibus locis idoneis posuerat, & per agros miserat prædatum. Ii, cum Carthaginienſe 29
quitatu prælium cum commisissent, paucos in ipso certamine, plerosque fugientes persecuti, in quibus præfectum quoque Annonem nobilem juvenem; occiderunt. Scipio non agros modo circa vastavit, sed urbem etiam proximam Afrorum satis opulentam cepit. ubi præter cetera, quæ extemplo in naves onerarias imposita, missaque in Siciliam erant, octo millia liberorum capitum servorumque sunt capta.

CAPUT XIX.

*Massanissa rex Massyliorum, dum pro Carthaginensibus in Hispania militat, amisso patre Gala de regno excidit: eo per bellum saepe reperito, aliquot praliis a Syphace rege Numidarum victus, in totum spoliatus, cum ducentis equitibus exul Scipioni se jun-
git.*

* al.
om.
ais.

LÆtissimus tum* Romanis in principio rerum gerendarum adventus Massanissæ fuit. quem quidam cum CC. haud amplius equitibus, plerique cum duum millium equitatu tradunt venisse. Cæterum cum longe maximus omnium ætatis suæ Regum hic fuerit, plurimumque rem Romanam juverit; opere pretium videtur excedere paululum ad enarrandum, quam varia fortuna usus sit in amittendo, recuperandoque paterno regno. Militanti pro Carthaginensibus in Hispania, pater ei moritur: (Gale nomen erat) regnum ad fratrem Regis Desalcem pergrandem natu (mos ita apud Numidas est) pervenit. haud multo post Desalce quoque mortuo, major ex duobus filiis ejus Capusa, puero admodum altero, paternum imperium accepit. cæterum cum magis jure gentis, quam auctoritate inter suos, aut viribus, obtineret regnum: extitit quidam Mezetulus nomine, non alienus sanguine, regibus, familiæ semper inimicæ, ac de imperio varia fortuna cum iis, qui tum obtinebant, certantis. Is concitatis popularibus, apud quos invidia Regum magnæ auctoritatis erat, castris palam positis, descendere Regem in aciem, ac dimicare de regno coegit, in eo prælio Capusa cum multis principum

cipum cecidit, gens Massyliorum omnis in
 ditioem, imperiumque Mezetuli concessit.
 regio tamen nomine abstinuit: contentusque
 nomine modico tutoris, puerum Lacumacen,
 qui stirpis regiae supererat, Regem appellat.
 Carthaginiensem nobilem foeminam, sororis
 filiam Annibalis, quæ proxime Desalci Regi
 nupta fuerat, matrimonio sibi jungit, spe
 Carthaginiensium societatis: & cum Syphace
 hospitium vetustum legatis missis renovat, o-
 mnia ea auxilia præparans adversus Massanis-
 sam. Et Massanissa, audita morte patru- 30
 dei, nece fratris patruelis, ex Hispania in
 Mauritaniam (Bocchar ea tempestate Rex
 Maurorum erat) trajicit. ab eo supplex infi-
 mis precibus auxilium itineri, quoniam bel-
 lo non poterat, quatuor millia Maurorum im-
 petrauit. Cum iis, præmisso nuntio ad pater-
 nos suosque amicos, cum ad fines regni per-
 venisset, quingenti ferme Numidæ ad eum
 convenerunt. Igitur Mauris inde, sicut con-
 venerat, retro ad Regem remissis, quanquam
 aliquanto minor spe multitudo, nec cum qua
 tantam rem aggredi satis auderet, conveniret;
 ratus agendo ac moliendo vires quoque ad a-
 gendum aliquid collecturum, proficiscenti
 ad Syphacem Lacumaci regulo ad Thapsum
 occurrit. trepidum agmen cum in urbem re-
 fugisset, & urbem Massanissa primo impetu
 capit, & ex regis alios tradentes se recipit,
 alios vim parantes occidit. pars maxima
 cum ipso puero inter tumultum ad Sypha-
 cem, quo primum intenderant iter, perve-
 nerunt. Fama hujus modicæ rei in princi-
 pio rerum prospere actæ convertit ad Mas-
 sanissam Numidas. affluebantque undique
 ex agris vicisque veteres milites Galæ, &
 incitabant juvenem ad recuperandum pater-

num regnum. Numero militum aliquantum Mezetulus superabat. nam & ipse eum exercitum, quo Capusam vicerat, & ex receptis post cædem Regis aliquot habebat, & pater Lacumaces ab Syphace auxilia ingentia adduxerat, quindecim millia peditum. Mezetulo X millia equitum erant, quibus cum Massanissa, nequaquam tantum peditum equitumve habens acie conflixit. vicit tamen & veterum militum virtus, & prudentia inter Romana & Punica arma exercitati ducis. Regulus cum tutore, & exigua Massesulorum manu in Carthaginiensium agrum refugit. Ita recuperato regno paterno Massanissa, quia sibi cum Syphace haud paulo maiorem restare dimicationem cernebat: optimum ratus cum fratre patruele gratiam reconciliare, missis, quis & puero spem facerent, si in fidem Massanissæ sese permisisset, futurum in eodem honore, quo apud Galam Desalces quondam fuisset: & qui Mezetulo præter impunitatem sua omnia cum fide restitui sponderent: ambos præoptantes exilio modicam domi fortunam, omnia, ne id fieret, Carthaginiensibus de industria agentibus, ad sese perduxit. Asdrubal tum forte, cum hæc gerebantur, apud

- 31 Syphacem erat. cui Numidæ haud sane multum ad se pertinere credenti, utrum penes Lacumacen, an Massanissam regnum Massyliorum esset: *falli cum magnopere, ait, si Massanissam eisdem contentum fore, quibus patrem Galam, aut patruum ejus Desalcem, credat. multo maiorem indolem in eo animi, ingentique esse, quam in ullo gentis ejus unquam fuisset. sape eum in Hispania rara inter homines virtutis specimen dedisse sociis pariter, hostibusque. & Sypha-*

phacem, & Carthaginienses, nisi orientem illum ignem oppressissent, ingenti mox incendio, cum jam nullam opem ferre possent, arsurus. adhuc teneras, & fragiles ejus vires esse: vix dum coalescere foventi regnum. Instando, stimulandoque pervincit, ut exercitum ad fines Masyliorum admoveat: atque in agro, de quo sæpe cum Gala non verbis modo disceptatum, sed etiam armis certatum fuerat, tanquam haud dubie juris sui, castra locet: si quis arceat, quod maxime opus sit, acie dimicaturum: sin per metum agro cedatur, in medium regni eundum. aut sine certamine concessuros in ditionem ejus Masylios, aut nequaquam pares futuros armis. His vocibus incitatus Syphax Masyanissa bellum infert: & primo certamine Masylios fundit fugatque. Masyanissa cum paucis equitibus ex acie in montem (Balbium incolæ vocant) perfugit. familiæ aliquot cum mapalibus pecoribusque suis (ea pecunia illis est) profecuti sunt Regem. cætera Masyliorum multitudo in ditionem Syphacis concessit. Quem ceperant exules montem, herbidus, aquosusque est: & quia pecori bonus alendo erat, hominum quoque carne, ac lacte vescentium abunde sufficiebat alimentis. Inde nocturnis primo ac furtivis incursionibus, deinde aperto latrocinio infesta omnia circa esse: maxime uri Carthaginiensis ager, quia & plus prædæ, quam inter Numidas, & latrocinium tutius erat. jamque adeo licenter eludebant, ut ad mare devestam prædam venderent mercatoribus, appellentibus navés ad id ipsum, pluresque, quam justo sæpe in bello, Carthaginiensium cæderentur, caperenturque. Deplorabant ea apud Syphacem Carthaginienses, intentumque & ipsum

ad reliquias belli persequendas instigabant. sed vix regium videbatur, latronem vagum in montibus confectari. Bocchar, ex præfectis regiis, vir acer & impiger, ad id delectus, ei quatuor data millia peditum, duo equitum; 32 præmiorumque ingentium spe oneratus, si caput Massanissæ retulisset, aut vivum (id vero inæstimabile gaudium fore) cepisset. palatos, incuriosæque agentes improvise adortus, pecorum hominumque ingenti multitudine a præsidio armatorum exclusa, Massanissam ipsum cum paucis in verticem montis compellit. inde prope ut jam debellato, nec præda modo pecorum hominumque captorum missa ad Regem, sed copiis etiam, ut aliquanto majoribus, quam pro reliquiis belli, remissis, cum quingentis haud amplius peditibus, ducentisque equitibus degressum jugis Massanissam persecutus in valle arcta, faucibus utrinque obsessis, inclusit. ibi ingens cædes Massyliorum facta, Massanissa cum L. haud amplius equitibus per anfractus montis ignotos sequentibus se eripuit. Tenuit tamen vestigia Bocchari: adeptusque eum patentibus prope Clupeam urbem campis, ita circumdedit, ut, præter quatuor equites, omnes ad unum interfecerit. cum iis ipsum quoque Massanissam faucium prope e manibus inter tumultum amisit. In conspectu erant fugientis atque equitum dispersæ lato campo, quibusdam, ut occurrerent, per obliqua tendentibus, quacunque hostis flebat. amnis ingens fugientes accepit; (neque enim cunctanter, ut quos major metus urgeret, immiserant equos) raptique gurgite, & in obliquum relati. duobus in conspectu hostium in prærapidum gurgitem haustis, ipse periisse creditus. At duo reliqui equites cum

eo inter virgulta ulterioris ripæ emerferunt . Is finis Bocchari sequendi fuit, nec ingredi flumen auso , nec habere credenti se jam , quem sequeretur . inde vanus auctor absumpti Mafsanissæ ad Regem redit : missique , qui Carthaginem gaudium ingens nuntiarent : totaq; Africa fama mortis Mafsanissæ repleta , varie animos affecit . Mafsanissa in spelunca occulta cum herbis curaret vulnus , duorum equitum latrocinio per dies aliquot vixit . ubi primum ducta cicatrix , patique posse visa iactationem , audacia ingenti pergit ire ad regnum repetendum . atque in ipso itinere haud plus XL equitibus collectis , cum in Masylis palam jam quis esset ferens , venisset , tantum motum cum favore pristino , tum gaudio insperato , quod quem periisse crediderant , incolumem cernebant , fecit , ut intra paucos dies sex millia peditum armatorum , quatuor equitum ad eum convenirent : jamque non in possessione modo paterni regni esset , sed etiam socios Carthaginensium populos , Masylorumque fines (id Syphacis regnum erat) vastaret . irritato ad bellum Syphace , inter Cirtham , Hipponemque in jugis opportunorum ad omnia montium confedit . Major 33 rem igitur eam rem Syphax ratus , quam ut per præfectos ageret , cum filio juvene (nomen Verminæ erat) parte exercitus missa , illum circumducto agmine in se intentum , hostem ab tergo invadere jubet . Nocte profectus Vermina , qui ex occulto aggressurus erat : Syphax autem interdium aperto itinere , ut qui signis collatis acie dimicaturus esset , movit castra . Ubi tempus visum est , quo pervenisse jam circummissi videri poterant : & ipse leni clivo ferente ad hostem , um multitudine fretus , tum præparatis ab

tergo in fidiis, per adversum montem erectam
 aciem ducit. Massanissa fiducia maxime loci,
 quo multo æquiore pugnaturus erat, & ipse
 dirigit suos. Atrox prælium, & diu anceps
 fuit: loco, & virtute militum Massanissam,
 multitudine, quæ nimio major erat, Sypha-
 cem juvante. Ea multitudo divisa, cum pars
 a fronte urgeret, pars ab tergo se circumfu-
 disset, victoriam haud dubiam Syphaci dedit.
 & ne effugium quidem patebat, hinc a fron-
 te, hinc a tergo inclusis. itaque cæteri pe-
 dites, equitesque cæsi, aut capti. Ducen-
 tos ferme equites Massanissa circa se conglo-
 batos, divisosque turmatim in tres partes,
 erumpere jubet. loco prædicto, in quem ex
 dissipata convenirent fuga. ipse, quā inten-
 derat, inter media tela hostium evasit. duæ
 turmæ hæserunt, altera metu dedita hosti, al-
 tera pertinacior in repugnando telis obruta,
 & confixa est. Verminam prope vestigiis in-
 stantem in alia atque alia fluctando itinera
 eludens, tædio & desperatione tandem fesi-
 sum absistere sequendo coegit. ipse cum LXX
 equitibus ad minorem Syrtim pervenit. ibi
 cum conscientia egregie sæpe repetiti regni
 paterni inter Punica emporia, gentemque
 Garamantum omne tempus usque ad C. Lælii,
 classisq; Romanæ adventum in Africam con-
 sumpsit. Hæc animum inclinant, ut cum
 modico potius, quam cum magno præsidio
 equitum ad Scipionem quoque postea venisse
 Massanissam credam, quippe illa regnantis
 multitudo, hæc paucitas exulis fortunæ
 conveniens est.

CAPUT XX.

Scipio Massaniffa conjunctus Annonem ducem Carthaginiensium cum ampla manu cadit ; & Saleram urbem occupat : ad Uticam deinde oppugnandam conversus , adventu Asdrubalis , & Syphacis , qui prope cum centum millibus armatorum veniunt , ab obsidione depulsus biberna communit .

Carthaginienses , ala equitum cum præfecto amissa , alioque equitatu per novum 34 delectum comparato , Annonem Amilcaris filium præficiunt , Asdrubalem subinde , ac Syphacem per literas nuntiosque , postremo etiam per legatos accerunt . Asdrubalem opem ferre prope circumfessæ patriæ jubent : Syphacem orant , ut Carthagini , & universæ Africæ subveniat . Ad Uticam tum castra Scipio ferme mille passus ab urbe habebat , translata a mari , ubi paucos dies stativa conjuncta classi fuerant . Anno nequaquam satis valido non modo ad laceßendum hostem , sed ne ad tuendos quidem a populationibus agros equitatu accepto , id omnium primum egit , ut perquisitionem numerum equitum augetet . nec aliarum gentium aspernatus , maxime tamen Numidas (id longe primum equitum in Africa est genus) conducit . Jam ad quatuor millia equitum habebat , cum Saleram nomine urbem occupavit , XV ferme millia ab Romanis castris . Quod ubi Scipioni relatum est , æstiva sub testis agere equitatus , *sint* , inquit , *vel plures , dum talem ducem habeant .* eo minus igitur cessandum ratus , quo illi segnius remagerent , Massanissam cum equitatu præmissum portis obequitare , atque

que hostem ad pugnam elicere jubet, ubi omnis multitudo se effudisset, graviorque jam in certamine esset, quam ut facile sustineri posset, cedere paulatim: se in tempore pugnae obventurum. Tantum moratus, quantum satis temporis prægresso visum ad eliciendos hostes, cum Romano equitatu secutus, tegentibus tumulis, qui peropportune circa viæ flexus oppositi erant, occultus processit. Massanissa ex composito, nunc terrentis, nunc timentis modo, aut ipsis obequitabat portis, aut cedendo, cum timoris simulatio audaciam hosti faceret, ad insequendum temere eliciebat. Nondum omnes egressi erant, varietate dux fatigabatur, alios vino & somno graves arma capere, & frænare equos cogendo, aliis, ne sparsi & inconditi sine ordine, siue signis omnibus portis excurrerent, obsistendo. Primo incaute se invehentes Massanissa excipiebat: mox plures simul conferti porta effusi æquaverant certamen: postremo jam omnis equitatus prælio cum adesset, sustineri ultra nequiveret. Non tamen effusa fuga Massanissa, sed cedendo sensim, impetus eorum excipiebat, donec ad tumulos tegentes Romanum equitatum pertraxit. Inde exorti equites & ipsi integris viribus, & recentibus equis, Annoni Afrisque pugnando ac sequendo fessis se circumfudere: & Massanissa flexis subito equis in pugnam rediit. Mille ferme, qui primi agminis fuerant, ut quibus haud facilis receptus fuit, cum ipso duce Annone interclusi, atque interfecti sunt, cæteros, ducis præcipue territos cæde, effuse fugientes, per tria millia passuum victores secuti, ad duo præterea millia equitum aut ceperunt, aut occiderunt, inter eos, satis constabat,

non

non minus ducentos Carthaginiensium equites fuisse, & divitiis quosdam, & genere illustres. Eodem forte, quo hæc gesta sunt die, naves, quæ prædam in Siciliam vexerant, cum com meatu rediere, velut ominatæ ad prædam alteram repetendam sese venisse. Duos eodem nomine Carthaginiensium duces duobus equestribus præliis interfectos, non omnes auctores sunt: veriti, credo, ne falleret bis relata eadem res. Cælius quidem, & Valerius captum etiam Annonem tradunt. Scipio præfectos, equitesque, prout cujusque opera fuerat, & ante omnes Massanissam insigni bus donis donat. & firmo præsidio Saleræ imposito, ipse cum cætero exercitu profectus, non agris modo, quacunque incedebat, populatis, sed urbibus etiam quibusdam vicisque expugnatis, late fuso terrore belli, septimo die, quam profectus erat, magnam vim hominum, & pecoris, & omnis generis prædæ trahens, in castra redit: gravesque iterum hostium spoliis naves dimittit. inde omittis expeditionibus parvis populationibusque, ad oppugnandam Uticam omnes belli vires convertit: eam deinde, si cepisset, sedem ad cætera exequenda habiturus. Simul & a classe navales socii, qua ex parte urbs mari alluitur, simul & terrestris exercitus ab imminente prope ipsi mœnibus tumulo est admotus. tormenta, machinasque & advexerat secum, & ex Sicilia cum com meatu missæ erant: & novæ in armamentario, multis talium operum artificibus de industria inclusis, fiebant. Uticensibus tanta undique mole circumfessis, in Carthaginiensi populo; Carthaginiensibus in Asdrubale, ita, si is movisset Syphacem, spes omnis erat. sed desiderio indigentium auxilii tardius cuncta mo-

vebantur. Asdrubal intentissima conqui-
 sitione cum ad XXX millia peditum, tria
 equitum effecisset, non tamen ante adven-
 tum Syphacis castra propius hostem movere
 est ausus. Syphax cum L millibus peditum,
 X equitum advenit: confestimque motis ab
 Carthagine castris, haud procul Utica, mu-
 nitionibusque Romanis confedit. Quorum
 adventus hoc tamen momenti fecit, ut Sci-
 pio, cum XL ferme dies, nequicquam om-
 nia experiens, obsedisset Uticam, abscede-
 ret inde irritò incœpto. jam enim hiems
 instabat. castra hiberna in promontorio,
 quod tenui jugo continenti adhærens in ali-
 quantum maris spatium extenditur, com-
 munit: uno vallo & navalia & castra am-
 plectitur: jugo medio legionum castris im-
 positus litus ad septentrionem versum subdu-
 ctæ naves, navalesque socii tenebant, me-
 ridianam vallem ad alterum litus devexam
 equitatus. Hæc in Africa usque ad extre-
 mum autumnigesta. Præter convectum un-
 dique ex populatis circa agris frumentum,
 commeatusque ex Sicilia atque Italia adve-
 ctos, Cn. Octavius prætor ex Sardinia
 ab T. Claudio prætore, cujus ea provincia
 erat, ingentem vim frumenti advexit: hor-
 reaque non solum ea, quæ jam facta erant,
 repleta, sed nova ædificata. Vestimenta e-
 xercitui deerant. id mandatum Octavio, ut
 cum prætore ageret, si quid ex ea provin-
 cia comparari, ac mitti posset. ea quoque
 haud segniter curata res. mille ducentæ
 togæ brevi spatio, XII. millia tunicarum
 missa.

CAPUT XXI.

Consulum alter P. Sempronius in Agro Crotonensi prospere adversus Annibalem pugnat: alter M. Cornelius Etruriam ad Magonem versam quæstionum terrore continet.

Æ State ea , qua hæc in Africa gesta sunt , P. Sempronius consul , cui Bruttii provincia erat , in Agro Crotonensi cum Annibale in ipso itinere tumultuario prælio conflixit . agminibus magis , quam acie pugnatum est . Romani pulsi : & tumultu verius , quam pugna , ad mille & CC de exercitu consulis interfectis , in castra trepidi rediere . neque oppugnare tamen ea hostes ausi . Cæterum silentio proximæ noctis præfectus inde consul , præmisso nuntio ad P. Licinium pro consule , ut suas legiones admoveret , copias conjunxit . ita duo duces , duo exercitus ad Annibalem redierunt . nec mora dimicandi facta est , cum consulis duplicatæ vires , Pœno recens victoria animos faceret . In primam aciem suas legiones Sempronius induxit : in subsidiis locatæ P. Licinii legiones . Consul principio pugnae ædem Fortunæ Primigeniæ vocavit , si eo die hostes fudisset : compolque ejus voti fuit . Fusi , ac fugati Pœni . supra quatuor millia armatorum cæsa : paulominus trecenti vivi capti : equi XL , & XI militaria signa . Percussus adverso prælio Annibal Crotonem exercitum abduxit . Eodem tempore M. Cornelius consul ab altera parte Italiæ non tam armis , quam judiciorum terrore Etruriam continuit , totam ferme ad Magonem , ac pereum ad spem

novandi res versam. Eas quæstiones ex S. C. minime ambitiose habuit. multique nobiles Etrusci, qui aut ipsi ierant, aut miserant ad Magonem de populorum suorum defectione, primo erant præsentēs condemnati. postea conscientia sibi met ipsi exilium consciscētes, cum absentes damnati essent, corporibus subtrahitis, bona tantum, quæ publicari poterant, pigneranda pœnæ præbebant.

CAPUT XXII.

Censura M. Livii, & C. Claudii Neronis notabilis cum propter alia, tum præsertim propter eorum pravam inter se discordiam, fœdumque certamen inquinandi alterius famam cum sua fama damno.

- 97 **D**UM hæc consules diversis regionibus agunt, censores interim Romæ M. Livius, & C. Claudius senatum recitarunt. Princeps iterum lectus Q. Fabius Maximus. Notati septem, nemo tamen, qui sella curuli sedisset, facta testa acriter, & cum summa fide exegerunt, viam e foro Boario ad Veneris, & circa foros publicos, & ædem Matris Magnæ in palatio faciendam locaverunt. vectigal etiam novum ex salaria annona statuerunt. sextante sal. & Romæ, & per totam Italiam erat. Romæ pretio eodem, pluris in foris & conciliabulis, & alio alibi pretio præbendum locaverunt. Id vectigal commentum alterum ex censoribus satis credebant, populo iratum, quod in quo iudicio quondam damnatus esset. & in pretio salis maxime oneratas tribus, quarum opera damnatus erat, credebant. inde Salinatori Livio inditum cognomen. Lu-
strum

strum conditum serius; quia per provincias dimiserunt censores, ut civium Romanorum in exercitibus, quantus ubique esset, referretur numerus. Censa cum iis CCLXV millia hominum. condidit lustrum C. Claudius Nero. Duodecim deinde coloniarum; quod nunquam antea factum erat, deferentibus censoribus, censum acceperunt: ut quantum numero militum, quantum pecunia valerent, in publicis tabulis monumenta extarent. Equitum deinde census agi cœptus est. & ambo forte censores equum publicum habebant. cum ad tribum Polliam ventum est, in qua M. Livii nomen erat, & præco cunctaretur citare ipsum censorem: *cite*, inquit Nero, *M. Livium*. & sive ex residua & vetere similitudine, sive intempestiva jactatione severitatis inflatus, M. Livium, quia populi judicio esset condemnatus, equum vendere jussit. Item M. Livius, cum ad tribum Narniensem, & nomen collegæ ventum est, vendere equum C. Claudium jussit, duarum rerum causa: unius, quod falsum adversus se testimonium dixisset: alterius, quod non sincera fide secum in gratiam redisset. Itaque ibi fœdum certamen inquinandi famam alterius cum suæ famæ damno factum est. Exitu censuræ, cum in leges jurasset C. Claudius, & in ærarium ascendisset, inter nomina eorum, quos ærarios relinquebat, dedit collegæ nomen. Deinde M. Livius in ærarium venit, & præter Metiam tribum, quæ se nec condemnasset, neque condemnatum aut consulem, aut censorem fecisset, populum Romanum omnem, quatuor & triginta tribus, ærarios reliquit, quod & innocentem se condemnasset, & condemnatum consulem & cen-

rem fecissent: neque inficiari possent, aut iudicio semel, aut comitiis bis ab se peccatum esse. inter quatuor & triginta tribus & C. Claudium ærarium fore. quod si exemplum haberet bis eundem ærarium relinquendi, C. Claudium nominatim se inter ærarios fuisse relicturum. Prævum certamen notarum inter censores, castigatio inconstantiæ populi censoria, & gravitate temporum illorum digna. In invidia censores cum essent, crescendi ex his ratus esse occasionem Cn. Bæbius tribunus plebis, diem ad populum utrique dixit. Ea res consensu patrum discussa est, ne postea obnoxia populari auræ censura esset.

CAPUT XXIII.

Novi consules fiunt Cn. Servilius Cæpio, & C. Servilius Geminus: Prætoribus quoque creantur, loca mortuorum Sacerdotum explentur. Indi Romani, & plebei instaurantur.

- 38 **E** Adem æstate in Brutiis jam Petelia a consule vicapta, Consentia, & Pandusia, & ignobiles aliæ civitates voluntate in deditionem venerunt. Et cum comitiorum jam appeteret tempus, Cornelium potius ex Etruria, ubi nihil belli erat, Romam acciri placuit. Is consules Cn. Servilium Cæpionem, & C. Servilium creavit. Inde prætorum comitia habita. Creati Cn. Cornelius Lentulus, P. Quintilius Varus, P. Ælius Pætus, P. Villius Tappulus. Hi duo cum ædiles pl. essent, prætores creati sunt. Consul comitiis perfectis ad exercitum in Etruriam rediit. Sacerdotes eo anno mortui, atque in locum eorum suffecti, T. Veturius

rius Philo flamen martialis in locum M. Æmilii Regilli, qui priore anno mortuus erat, creatus, inauguratusque, & in M. Pomponii Mathonis auguris, & decemviri locum creati decemvir M. Aurelius Cotta, augur T. Sempronius Gracchus admodum adolescens, quod tunc perrarum in mandandis sacerdotiis erat. Quadrigæ aureæ eo anno in Capitolio positæ ab ædilibus curulibus G. Livio, & M. Servilio Gemino. Et ludi Romani biduum instaurati. item per biduum plebei ab ædilibus P. Ælio, P. Villio. Et Jovis epulum fuit ludorum causa.

DECADIS TERTIÆ

LIBER DECIMUS.

CAPUT I.

Romanorum exercitum, & provinciarum distributio.



N. Servilius Cæpio, & C. Servilius consules (sextusdecimus is^IU.C. annus belli Punici erat) cum de 547 republica, belloque, & provinciis ad senatum retulissent, censuerunt patres, ut consules inter se compararent, sortirenturve, uter Bruttios adversus Annibalem, uter Etruriam ac Ligures provinciam haberet. cui Bruttii evenissent, exercitum a P. Sempronio cos. acciperet. P. Sempronius (ei quoque enim pro consuli imperium in annum prorogabatur) P. Licinio succederet; is Romam

reverteretur. Bello quoque bonus habitus ad cætera, quibus nemo ea tempestate instructior civis habebatur, congestis omnibus humanis a natura fortunaque bonis. nobilis idem, ac dives erat: forma, viribusque corporis excelebat: facundissimus habebatur, seu causa oranda, seu in senatu, & ad populum suadendi, ac dissuadendi locus esset: juris pontificii peritissimus. super hæc bellicæ quoque laudes consulatus compotem fecerant. Quod in Bruttis provincia, idem in Etruria, ac Liguribus decretum. M. Cornelius novo consuli tradere exercitum iussus; ipse prorogato imperio Galliam provinciam obtineret cum legionibus iis, quas prætor L. Scribonius priore anno habuisset. Sortiti deinde provincias. Cæpioni Bruttii, Servilio Etruria evenit. Tum prætorum provinciarum in sortem conjectæ. Jurisdictionem urbanam P. Ælius, Sardiniam C. Lentulus, Siciliam P. Villius, Ariminum cum duabus legionibus (sub Spurio Lucretio eæ fuerant) Quintilius Varus est sortitus. Et Lucretio prorogatum imperium. ut Genuam oppidum a Magone Pœno dirutum exædificaret. P. Scipioni non temporis, sed rei gerendæ fine, donec debellatum in Africa foret, prorogatum imperium est: decretumque, ut supplicatio fieret, quod is in Africam provinciam trajecisset, ut ea res salutaris populo Romano ipsique duci, atque exercitui esset. In Siciliam tria millia militum sunt scripta. & quia quod roboris ea provincia habuerat, in Africam transvectum fuerat, ne qua classis ex Africa trajiceret, XL navibus custodiri placuerat Siciliæ maritimam oram. Tredecim novas naves Villius secum in Siciliam duxit: cæteræ in Sicilia veteres resectæ. Huic clas-

si M. Pomponius, prioris anni prætor, prorogato imperio præpositus, novos milites ex Italia advectos in naves imposuit. Patrum navium numerum Cn. Octavio prætori item prioris annicum pari jure imperii ad tuendam Sardiniam patres decreverunt, Lentulus prætor duo millia militum dare in naves jussus. Et Italia ora, quia incertum erat, quo missuri classem Carthaginienses forent, videbantur autem, quicquid nudatum præsidii esset, petitori, M. Marcius, prætori prioris anni, cum totidem navibus tuenda data est. tria millia militum in eam classem ex decreto patrum consules scripserunt, & duas legiones urbanas ad incerta belli. Hispaniam cum exercitibus, imperioque veteribus imperatoribus, L. Lentulo, & L. Manlio Acidino decretæ. Vingtio omnino legionibus, & CLX navibus longis res Romana eo anno gesta, Prætores in provincias ire jussi.

CAPUT II.

Factis ludis magnis, procuratisque prodigiis, consules & prætores in provincias proficiscuntur: cum maxime Africa cura urgeret, eo auxilia omnis generis undique mittuntur.

Consulibus imperatum, prius quam ab urbe proficiscerentur, ludos magnos facerent, quos T. Manlius Torquatus dictator in quintum annum vovisset, si eodem statu respublica staret. Et novas excitabant in animis hominum curas prodigia ex pluribus locis nuntiata. Aurum in capitolio corvi non lacerasse tantum rostris crediti, sed etiam edisse. Mures Anticoronam auream

ream arroserunt. Circa Capuam omnem agrum locustarum vis ingens, ita ut, unde advenissent, parum constaret, complevit. Equuleus Reate cum quinque pedibus natus. Anagninæ sparsi primum ignes in cœlo, dein fax ingens arsit. Frusinone arcus solem tenui linea amplexus: circulum deinde ipsum major solis orbis extrinsecus inclusit. Arpini terra campestri agro in ingentem sinum confedit. Consulum alteri primam hostiam immolanti caput jecinoris defuit. Ea prodigia majoribus hostiis procurata. editi a collegio pontificum dii, quibus sacrificaretur. lis transactis, consules prætoresque in provincias profecti. omnibus tamen, velut eam sortitis, Africæ cura erat: seu quia ibi summam rerum, bellicque verti cernebant, seu ut Scipioni gratificarentur, in quem tum omnis versâ civitas erat. itaque non ex Sardinia tantum, (sicut ante dictum est) sed ex Sicilia quoque & Hispania vestimenta, frumentumque, & arma etiam ex Sicilia, & omne genus commeatus eo portabantur.

CAPUT III.

Scipio in Africa frustra conatus reconciliando Syphacem a Carthaginiensibus avertere, adjuvante Massanissa, castra ejusdem, atque Asdrubalis incendit. præter captam ingentem hominum multitudinem, ac relatum magnam prædam, ad quadraginta millia ferro, ignique absumuntur.

NEc Scipio ullo tempore hiemis belli opera remiserat, quæ multa simul undique eum circumstabant. Uticam obsidebat. castra in conspectu Asdrubalis era. Cartha-

thaginienſes deduxerant naves, claſſem pa-
 rata inſtructamque ad commeatus interci-
 piendos habebant. inter hæc ne Syphacis
 quidem reconciliandi curam ex animo dimi-
 ſerat: ſi forte jam ſatietas amoris in uxorem
 ex multa copia eum cepiſſet. Ab Syphace ma-
 gis pacis cum Carthaginienſibus conditiones,
 ut Romani Africa, Pœni Italia excederent,
 quam, ſi bellaretur, ſpes ulla deſciturum af-
 ferebatur. Hæc per nuntios magis equidem
 acta crediderim (& ita pars major auctores
 ſunt) quam ipſum Syphacem, ut Antias Va-
 lerius prodit, in caſtra Romana ad collo-
 quium veniſſe. Primo eas cōditiones impe-
 rator Romanus vix auribus amiſit: poſtea,
 ut cauſa probabilis ſuis commeandi foret in
 caſtra hoſtium, mollius eadem illa abnuere,
 ac ſpem facere, ſæpius ultro citroque agitan-
 tibus, rem conventuram. Hibernacula Car-
 thaginienſium, congeſta temere ex agris ma-
 teria exædificata, lignea ferme tota erant.
 Numidæ præcipue arundine textis, ſtorea-
 que, pars maxima tectis paſſim nullo ordine,
 quidam, ut ſine imperio occupatis locis, ex-
 tra ſoſſam etiam vallumque habitabant. Hæc
 relata Scipioni ſpem fecerant caſtra hoſtium
 per occaſionem incendendi. Cum legatis,
 quos mitteret ad Syphacem, calorum loco
 primos ordines ſpectatæ virtutis atque pru-
 dentię ſervili habitu mittebat: qui, dum in
 colloquio legati eſſent, vagi per caſtra alius
 alia, aditus exituſque omnes, ſitum formam-
 que & univerſorum caſtrorum, & partium
 qua Pœni, qua Numidæ haberent, quantum
 intervalli inter Aſdrubalis ac regia caſtra eſ-
 ſet, ſpecularentur, moremque ſimul noſcerent
 ſtationum, vigiliarumque, nocte, an interdium
 opportunoſiores inſidiantibus eſſent: & inter

crebra colloquia alii atque alii de industria, quo pluribus omnia nota essent, mittebantur. Cum sæpius agitata res certiores spem pacis in dies & Syphaci, & Carthaginiensibus per eum faceret: legati Romani vetitos se reverti ab imperatore ajunt, nisi certum responsum detur: proinde seu ipsi staret jam sententia, seu consulendus Asdrubal, & Carthaginienses essent, consuleret. tempus esse, aut pacem componi, aut bellum naviter geri. Dum consulitur Asdrubal ab Syphace, ab Asdrubale Carthaginienses, & speculatores omnia visendi, & Scipio ad comparanda quæ in rem opus erant, tempus habuit: & ex mentione ac spe pacis negligentia, ut fit, apud Pœnos, Numidasque orta cavendi, ne quid hostile interim paterentur. Tandem relatum responsum, quibusdam, quia nimis cupere Romanus pacem videbatur, iniquis per occasionem adjectis, quæ per opportune cupienti tollere inducias Scipioni causam præbuere. ac nuntio regis, cum relaturum se ad concilium dixisset, postero die respondit, *se uno frustra tendente, nulli alii pacem placuisse. renuntiaret igitur, nullam aliam spem pacis, quam relictis Carthaginiensibus, Syphaci cum Romanis esse.* Ita tollit inducias, ut libera fide incepta exqueretur. deductisque navibus (& jam veris principium erat) machinas, tormenta que, velut a mari aggressurus Uticam, imponit. duo millia militum ad capiendum, quem antetenuerat, tumultum super Uticam mittit: simul ut ab eo, quod parabat, in alterius rei curam converteret hostium animos: simul ne qua, cum ipse ad Syphacem Asdrubalemque profectus esset, eruptio ex urbe, & impetus in castra sua relictæ cum levi præsidio

fidio fieret. His præparatis, advocatoque
 concilio, & dicere exploratoribus jussis,
 quæ comperta afferrent, Massaniffaque, cui
 omnia hostium nota erant; postremo, quid
 ipse pararet in proximam noctem, propo-
 nit. tribunis edicit, ut ubi prætorio dimis-
 so signa concinuissent, extemplo educerent
 e castris legiones. Ita ut imperaverat, signa
 sub occasum solis efferri sunt cœpta. ad pri-
 mam ferme vigiliam agmen explicaverunt:
 media nocte (septem enim millia itineris
 erant) modico gradu ad castra hostium per-
 ventum. Ibi Scipio partem copiarum Lælio,
 Massaniffamque, ac Numidas attribuit: &
 castra Syphacis invadere, ignemque conjicere
 jubet. singulos deinde separatim, Lælium,
 ac Massaniffam seductos obtestatur, *ut quan-
 tum nox providentia adimat, tantum diligen-
 tia expleant curaque. se Asdrubalem, Puni-
 caque castra aggressurum, ceterum non ante
 capturum, quam ignem in reglis castris con-
 spexisset.* Neque ea res morata diu est. nam
 ut proximis castris injectus ignis hæsit, ex-
 templo proxima quæque, & deinceps conti-
 nua amplexus, totis se passim dissipavit ca-
 stris. & trepidatio quidem, quanta necesse
 erat in nocturno effuso tam late incendio, or-
 ta est. cæterum fortuitum, non hostilem ac
 bellicum ignem rati esse, sine armis ad re-
 stinguendum incendium effusi in armatos in-
 ciderunt hostes, maxime Numidas ab Mas-
 saniffa notitia regionum castrorum ad exitus
 itinerum idoneis locis dispositos. Multos in
 ipsius cubilibus semisomnes hausit flamma:
 multi præcipiti fuga ruentes super alios alii, 6
 in angustiis portarum obtriti sunt. Relucen-
 tem flammam primo vigiles Carthaginien-
 sium, deinde excitati alii nocturno tumultu

cum conspexissent, ab eodem errore credere & ipsi sua sponte incendium ortum. & clamor inter cædem & vulnera sublatus, an ex trepidatione nocturna esset, confusus sensum veri adimebat. Igitur pro se quisque inermes, ut quibus nihil hostile suspectum esset, omnibus portis, quæ cuique proximum erat, ea modo, quæ restinguendo igni forent, portantes in agmen Romanum ruebant. Quibus cæsis omnibus, præterquam hostili odio, etiam ne quis nuntius effugeret; extemplo Scipio neglectas, ut in tali tumultu, portas invadit. ignibusque in proxima tecta coniectis, effusa flamma primo veluti sparsa pluribus locis reluxit: dein per continua serpens uno repente omnia incendio hausit. Ambusti homines jumenta que scæda primum fuga, dein strage obruerant itinera portarum, quos non oppresserat ignis, ferro absumpti. binæque castra die una deleta. duces tamen ambo, & ex tot millibus armatorum MM. perditum, & quingenti equites semiermes, magna pars faucii, afflatique incendio effugerunt. Cæsa, aut hausta flammis ad XL. millia hominum sunt: capti supra VI. millia, multi Carthaginensium nobiles, XI. senatores, signa militaria CLXXXVIII: equi Numidici supra II. millia DCC: elephanti sex capti: octo flamma, ferroque absumpti: magna que vis armorum capta. Ea omnia imperator Vulcano sacrata incendit.

CAPUT IV.

*Asdrubal post acceptam cladem Carthaginensium
contendens, ex sententia senatus reparat
exercitum: paulo post sese cum Syphace con-
jungit. qui, orantibus per legatos Cartha-
ginensibus, novas & ipse contraxerat copias.*

ASdrubal ex fuga cum paucis Afrorum
urbem proximam petierat: eoque om-
nes, qui supererant, vestigia ducis sequen-
tes se contulerant. metu deinde, ne dederet-
ur Scipioni, urbe excessit. Mox eodem paten-
tibus portis Romani accepti, nec quicquam
hostile, quia voluntate concesserant in di-
tionem, factum. duæ subinde urbes captæ
direptæque. ea præda, & quæ castris incen-
sis ex igne rapta erat, militi concessa est.
Syphax octo millium ferme inde spatio lo-
co munito confedit. Asdrubal Carthagi-
nem contendit, ne quid per metum ex re-
centi clade mollius consularetur. quod tan-
tus primo terror est allatus, ut omnia
Utica Carthaginem crederent extemplo Sci-
pionem obsessurum. Senatum itaque Sufe-
tes, quod velut consulare imperium apud
eos erat, vocaverunt. ibi tribus dictis sen-
tentiis, una de pace legatos ad Scipionem
decernebat: altera Annibalem ad tuendam
ab exitiabili bello patriam revocabat: tertia
Romanæ in adversis rebus constantiæ exem-
plo reparandum exercitum, Syphacemque
orandum, ne bello absteret, censebat. Hæc
sententia, quia Asdrubal præsens, Barchi-
næque omnes factionis bellum malebant,
vicit. Inde delectus in urbe agrisque haberi
coëptus: & ad Syphacem legati missi, sum-

ma ope & ipsum reparantem bellum : cum uxor jam non ut ante blanditiis fatis potenti-
bus ad animum amantis ; sed præcibus & mi-
sericordia valuisset ; plena lacrymarum obte-
flans ; ne patrem suum patriamque proderet ;
iisdemque flammis Carthaginem , quibus ca-
stra conflagrassent , absumi sineret . Spem
quoque opportune oblatam afferebant legati ,
quatuor millia Celtiberorum circa urbem
nomine Abbam ab conquistatoribus suis con-
ducta in Hispania , egregiæ juventutis ; sibi
occurrisse : & Asdrubalem propediem affore
cum manu haudquaquam contemnenda . Is
non benigne modo legatis respondit , sed osten-
dit etiam multitudinem Numidarum agre-
stium ; quibus per eosdem dies arma equos-
que dedisset , & omnem juventutem affirmat
excitutum ex regno . scire , incendio , non
prælio cladem acceptam : eum bello inferior-
rem esse , qui armis vincatur . Hæc legatis
responsa . Et post diēs paucos rursus Asdru-
bal & Syphax copias junxerunt . is omnis e-
xercitus fuit XXX ferme millium arma-
torum .

C A P U T V.

*Scipio ab oppugnanda Utica fama belli redin-
tegrati a Syphace & Asdrubale avertitur :
cum exercitu contra hostes profectus , acie
prosperè congregitur : Romanis intentis ca-
dibus Celtiberorum , qui mercede conducti
pro Carthaginensibus pugnabant , Syphax ,
& Asdrubal ex prælio fugiunt .*

- 8 SCipionem , velut debellato jam , quod ad
Syphacem , Carthaginensēque attine-
ret , Uticæ oppugnandæ intentum , jamque
ma-

machinas admoventem muris, avertit fama redintegrati belli. modicisque præfidiis, ad speciem modo obsidionis terra marique relictis, ipse cum robore exercitus ire ad hostes pergit. Primo in tumulo quatuor ferme millia distante ab castris regis confedit: postero die cum equitatu in Magnos (ita vocant) campos subjectos ei tumulo degressus, succedendo ad stationes hostium, lacescendoque levibus præliis, diem absumpsit. & per insequens biduum tumultuosis hinc atque illinc excursionibus invicem nihil dictu satis dignum fecerunt. quarto die utrinque in aciem descensum est. Romanus principes post hastatorum prima signa, in subsidiis triarios constituit: equitatum Italicum ab dextro cornu, ab lævo Numidas, Mafsanissamque opposuit. Syphax, Asdrubalque Numidis adversus Italicum equitatum; Carthaginiensibus contra Mafsanissam locatis; Celtiberos in mediam aciem in adversa signa legionum accepere. Ita instructi concurrunt. Primo impetu simul utraque cornua, & Numidæ, & Carthaginienses pulsi. nam neque Numidæ, maxima pars agrestis, Romanum equitatum, neque Carthaginienses, & ipse novus miles, Mafsanissam recenti supra cætera victoria terribilem sustinere. Nadata utrinque cornibus Celtiberorum acies stabat, quod nec in fuga salus ulla ostendebatur locis ignotis; neque spes veniæ ab Scipione erat, quem benemeritum de se, & de gente sua mercenariis armis in Africam oppugnatum venissent. Igitur, circumfusis undique hostibus, alii super alios cadentes obstinati moriebantur: omnibusque in eos versis, aliquantum ad fugam temporis Syphax, & Asdrubal præceperunt. fatigatos cæde diutius, quam pugna, victores nox oppressit.

CAPUT VI.

Scipio, missis Lelio, & Massanissa ad persequendos Syphacem; & Asdrubalem, ipse Carthaginiensium urbes, quæ circa erant, subigit: cum ingens terror esset Carthagini, mittunt legatos ad accersendum ex Italia Annibalem: interim cum statio Romana, quæ erat ad Uticam, videretur improviso posse opprimi, classem eo ire jubent.

9. **P**osterodie Scipio Lælium, Massanissamque cum omni Romano, & Numidico equitatu, expeditissimisque militum ad persequendos Syphacem, atque Asdrubalem mittit. ipse cum robore exercitus urbes circa omnes, quæ Carthaginiensium ditionis erant, partim vi, partim metu subegit. Carthagini quidem erat ingens terror: & circumferentem arma Scipionem, omnibus finitimis raptim perdomitis, ipsam Carthaginem repente aggressurum credebant. itaque & muri reficiebantur, propugnaculisque armabantur: & pro se quisque, quæ diutinae obsidioni tolerandæ sunt, ex agris convehabat. Rara mentio est pacis, frequentior legatorum ad Annibalem accersendum mittendorum. pars maxima classem, quæ ad com meatus excipiendos parata erat, mittere jubent ad opprimendam stationem navium ad Uticam incaute agentem: forsitan etiam navalia castra relicta cum levi præsidio oppresuros. In hoc consilium maxime inclinant, legatos tamen ad Annibalem mittendos censent. quippe classe ut felicissime geratur res, parte aliqua levare Uticæ obsidionem: Carthaginem ipsam qui tueantur, neque imperato-

ratorem alium, quam Annibalem, neque exercitum alium, quam Annibalis, superesse. Deductæ ergo postero die naves, simul & legati in Italiam profecti, raptimque omnia stimulante fortuna agebantur: & in quo quisque cessasset, prodi ab se salutem omnium rebatur.

C A P I T U L U M VII.

Scipio, profecta ab Tunete Carthaginiensium classe, Uticam petente, profectus raptim ad ferendum auxilium navibus suis, qua ibi in statione relicta fuerant, agro subvenit: capta sex Romanorum oneraria Carthaginem abstrahuntur.

Scipio gravem jam spoliis multarum urbium exercitum trahens, captivis aliaque præda in vetera castra ad Uticam missis, jam in Carthaginem intentus occupat relictum fuga custodem Tunetæ. Abest ab Carthagine XV. millia ferme passuum locustum operibus, tum suapte natura tutus, & qui ab Carthagine conspici, & præbere ipse prospectum cum ad urbem, tum ad circumfusum mare urbi posset. Inde, cum maxime vallum Romani jacerent, conspecta classis hostium est Uticam Carthagine petens. igitur omisso opere pronuntiatum iter, signaque raptim ferri sunt cœpta, ne naves in terram & obsidionem versæ, ac minime navali prælio aptæ opprimerentur. qui enim restitissent agili & nautico instrumento aptæ, & armatæ classi, naves tormenta machinasque portantes, & aut in onerariarum usum versæ, aut ita appulsæ muris, ut pro aggere, ac pontibus præbere accessum possent? Itaque Scipio, postquam eo ventum est, ut navali certamine

folet, rostratis, quæ præsidio aliis eise poterant, & in postremam aciem receptis prope terram, onerariarum quadruplicem ordinem pro muro adversus hostem opposuit: easque ipsas, ne in tumultu pugnae turbari ordines possent, malis, antennisque de nave in navem trajectis, ac validis funibus velut uno inter se vinculo illigatis, comprehendit: tabulasque superstravit, ut pervius in totum navium ordo esset: & sub ipsis pontibus intervalla fecit, qua procurrare speculatoriæ naves in hostem, ac tuto recipi possent. His raptim pro tempore instructis, mille ferme delecti propugnatores onerariis imponuntur: telorum maxime missilium, ut quamvis longo certamine sufficerent, vis ingens congeritur: ita parati, atque intenti hostium adventum opperiebantur. Carthaginenses, qui, si maturassent, omnia permista turbæ trepidantium primo impetu deprehendissent, perculsi terrestribus cladibus; atque inde ne in mari quidem, ubi ipsi plus poterant, satis fidentes, die segni navigatione absumpto, sub occasum solis in portum (Ruscinona Afri vocant) classem appulere. postero die sub ortum solis instruxere ab alto naves velut ad justum prælium navale, & tanquam exituris contra Romanis. Cum diu stetissent, postquam nihil moveri ab hostibus viderunt, tum demum onerarias aggrediuntur. Erat res minime certamini navali similis, proxime speciem muros oppugnantium navium. altitudine aliquantum onerariæ superabant. ex rostratis Pœni vana pleraque, utpote supino jactu, tela in locum superiorem mittebant. gravior, ac pondere ipso libratior superne ex onerariis ictus erat. speculatoriæ naves, ac levia ipsa navigia, quæ.

quæ sub constratis pontium per intervalla excurrerant, primo ipso tantum impetu ac magnitudine rostratarum obruebantur: deinde & propugnatoribus quoque incommodæ erant, quod permistæ cum hostium navibus inhibere sæpe tela cogeant, metu, ne ambiguo ictu suis inciderent: postremo asses ferreo unco præfixi (Harpagones vocant milites) ex Punicis navibus injici in Romanas cœpti. quos cum neque ipsos, neque catenas, quibus suspensi injiciebantur, incidere possent: ut quæque retro inhibita rostrata onerariam hærentem unco traheret, scindi videres vincula, quibus aliis innexa erat, feriemque aliam simul plurium navium trahi. Hoc maxime modo lacerati quidem omnes potens, & vix transfiliendi in secundum ordinem navium spatium propugnatoribus datum est. Sex ferme onerariæ puppibus abstractæ Carthaginem, sunt. major, quam pro re, lætitia, sed eo gravior, quod inter assiduas clades ac lacrymas unum quantumcumque ex insperato gaudium affulserat, cum eo, ut appareret, haud procul exitio fuisse Romanam classem, ni cessatum a præfectis suarum navium foret, & Scipio in tempore subvenisset.

CAPUT VIII.

*Syphax prælio victus a Lælio, & Massanissa
vivus capitur.*

PER eosdem forte dies cum Lælius, & 11
Massanissa quintodecimo ferme die in Numidiam pervenissent, Massylii regnum paternum Massanissæ, læti, ut ad Regem diu desideratum, concessere. Syphax, pulsus inde præfectis præsidiisque suis, verere:

se continebat regno, neutiquam quieturus. simulabant ægrum amore uxor, locerque: & ita viris equisque abundabat, ut subjectæ oculis regni per multos florentis annos vires, etiam minus barbaro, atque impotenti animo spiritus possent facere. Igitur omnibus, qui bello apti erant, in unum coactis, equos, arma, tela dividit: equites in turmas, pedites in cohortes, sicut quondam ab Romanis centurionibus didicerat, distribuit. Exercitu haud minore, quam quem prius habuerat, cæterum omni prope novo, atque incondito ire ad hostes pergit. Et castris in propinquo positis, primo pauci equites ex toto speculantes ab stationibus progredi, inde jaculis summoti recurrere ad suos: inde excursiones invicem fieri: & cum pulsos indignatio accenderet, plures subire: quod irritamentum certaminum equestrium est, cum aut vincentibus spes, aut pulsis ira aggregat suos. Ita tum a paucis prælio accenso, omnem utrinque postremo exercitum certaminis studium effudit. ac dum equestre prælium erat, multitudo Masæfulorum, ingentia agmina Syphace emittente, sustineri vix poterat. deinde ut pedes Romanus repentino per turmas suas viam dantes intercursum stabilem acciem fecit, absterruitque effuse invehentem sese hostem: primo barbari segnius permittere equos, dein stare, ac prope turbari novo genere pugnae: postremo non pediti solum cedere, sed ne equitem quidem sustinere peditis præsidio audentem. Jam signa quoque legionum appropinquabant. tum vero Masæfuli non modo primum impetum, sed ne conspectum quidem signorum atque armorum tulerunt. tantum seu memoria priorum cladium, seu præsens terror valuit. Ibi Syphax,

dum;

dum obequitat hostium turmis, si pudore, si periculo suo fugam sistere posset, equo graviter icto effusus opprimitur capiturque; & vivus, lætum ante omnes Massanissæ præbiturus spectaculum, ad Lælium pertrahitur. Cirtha caput regni Syphacis erat, eoque se ingens vis hominum ex fuga contulerat. Cædes in eo prælio minor, quam victoria fuit, quia equestri tantummodo prælio certatum fuerat. non plus quinque millia occisa, minus dimidium ejus hominum captum est, impetu in castra facto, quo perculsa, Rege amisso, multitudo se contulerat.

CAPUT IX.

Massanissa Sophonisbam uxorem Syphacis, filiam Asdrubalis, captam, statim adamat: ne in arbitrium Romanorum veniat, quod enixe illa precata fuerat, nuptiis factis, uxorem habet.

MAssanissa Lælio dicere, sibi quidem nihil esse in præsentia pulchrius, quam victorem tanto intervallo post invisere receptum patrium regnum: sed tam secundis, quam adversis rebus, non dari spatium ad cessandum. se se Lælium cum equitatu, victoque Syphace Cirtham præcedere sinat, trepida omnia metu se oppressurum. Lælium cum pedibus subsequi modicis itineribus posse. Assentiente Lælio prægressus Cirtham, evocari ad colloquium principes Cirthensium jubet. sed apud ignaros Regis casus, neque, quæ acta essent, promendo, nec minis, nec suadendo antevaluit, quam rex victus in conspectum datus est. Tum ad spectaculum tam fœdum commploratio orta; & partim pavore mœnia sunt de-

deserta, partim repentino consensu gratiam apud victorem quærentium patefactæ portæ. Et Massanissa præsidio circa portas opportunaque mœnium dimisso, ne cui fugæ pateret exitus, ad regiam occupandam citato vadit equo. Intranti vestibulum in ipso limine Sophonisba, uxor Syphacis, filia Asdrubalis Pœni, occurrit: & cum in medio agmine armatorum Massanissam insignem cum armis, tum cætero habitu conspexisset, Regem esse (id quod erat) rata, genibus advoluta ejus, *Omnia quidem, inquit, ut posses in nos, dii tibi dederunt, virtusque & felicitas tua, sed si captiva apud dominum vitæ necisque sua vocem supplicem mittere licet, si genua, si victricem attingere dextram, precor, quæsoque per majestatem regiam, in qua paulo ante nos quoque fuimus, perque gentis Numidarum nomen, quod tibi cum Syphace commune fuit, per huiusce regia deos, qui te melioribus ominibus accipiant, quam Syphacem hinc miserunt, hanc veniam supplici des, ut ipse, quodcunque feret animus, de captiva statuas, neque in cuiusquam Romani superbum ac crudele arbitrium venire finas. si nihil aliud, quam Syphacis uxor fuisset, tamen Numida, atque in eadem mecum Africa gemiti, quam alienigena & externi fidem exoriri mallet, quid Carthaginiensi ab Romano, quid filia Asdrubalis timendum sit, vides. si nulla alia re potes, morte me vindices ab Romanorum arbitrio, oro, obtestorque.* Forma erat insignis, & florentissima ætas. itaque cum diu dextram amplectens, in id, ne cui Romano traderetur, fidem exposceret, propriusque jam blanditias oratio afflet, quam preces, non in misericordiam modo prolapsus est animus victoris, sed (ut est genus Numidarum in Venerempræceps)

amo-

amore captivæ victor captus, data dextera in id, quod petebatur, obligandæ fidei, in regiam concedit. Institit deinde reputare secum ipse, quemadmodum promissi fidem præstaret. quod cum expedire non posset, ab amore temerarium, atque impudens mutuatur consilium. nuptias in eum ipsum diem repente parari jubet, ne quid relinqueret integri aut Lælio, aut ipsi Scipioni consulendi velut in captivam, quæ Massanissæ jam nupta foret. Factis nuptiis supervenit Lælius: & adeo non dissimulavit improbare factum, ut primo etiam cum Syphace, & cæteris captivis detractam eam toro geniali mittere ad Scipionem conatus sit. victus deinde precibus Massanissæ orantis, ut arbitrium utrius Regum duorum fortunæ accessio Sophonisba esset, ad Scipionem rejiceret: misso Syphace, & cæteris captivis, cæteras urbes Numidiæ, quæ præfidiis regiis tenebantur, adjuvante Massanissa, recepit.

CAPUT X.

Syphax captus in castra Romana, effusa ad spectaculum omni multitudine, perductus, Scipionem victorem alloquitur.

SYphacem in castra adduci cum esset nuntiatum, omnis, velut ad spectaculum 13: triumphi, multitudo effusa est. Præcedebat ipse victus, sequebatur grex nobilium Numidarum: tum quantum quisque plurimum posset, magnitudini Syphacis, famæque gentis, victoriam suam augendo, addebat. Illum esse Regem, cujus tantum majestati duopotentissimi in terris tribuerunt populi, Romanus Carthaginensisque, ut Scipio imperator suus ad amicitiam ejus petendam, relicta præ-
vin--

vincia Hispania, exercituque, duabus quinqueremibus in Africam navigavit: Asarubal Pœnorum imperator non ipse modo ad eum in regnum venerit, sed etiam filiam ei nuptum dederit, habuisse cum tempore uno in potestate duos imperatores, Pœnum Romanumque, sicut ab aliis immortalibus pars utraque hostis mactandis pacem petisset, ita ab eo utrinque pariter amicitiam petitam. jam tantas habuisse opes, ut Massanissam regno pulsum eo redegerit, ut vita ejus fama mortis, & latetris, ferarum modo in sylvis raptis viventis, regeretur. His sermonibus circumstantium celebratus Rex in prætorium ad Scipionem est perductus. Movit & Scipionem tum fortuna pristina viri præsentis fortunæ collata, tum recordatio hospitii, dextræque datæ, & fœderis publice ac privatim juncti. Eadem hæc & Syphaci animum dederunt in alloquendo victore. nam cum Scipio, quid sibi voluisset, quæreretur: qui non societatem solum abnuisset Romanam, sed ultro bellum intulisset: tum ille peccasse quidem sese, atque insanisse fatebatur: sed tum demum, cum arma adversus populum Romanum cepisset, exitum sui furoris fuisse, non principium. tunc se insanisse, cum hospitia privata, & publica fœdera omnia ex animo eiecisset: cum Carthaginiensem matronam domum acceperit, illis nuptialibus facibus regiam conflagraisse suam: illam furiam pestemque omnibus delinimentis animum suum avertisse atque alienasse: nec quiescisse, donec ipsa manibus suis nefaria sibi arma adversus hospitem, atque amicum induerit. perduto tamen atque afflicto sibi hoc in miseriis solatii esse, quod in omnium hominum inimicissimi sibi domum ac penates eandem pestem ac furiam transisse videat, neque prudentiorem, neque constantior.

stantiorem Massanissam, quam Syphacem esse, etiam ab iuventa incautiorem: certe stultius illum atque intemperantius eam, quam se, duxisse.

CAPUT XI.

Massanissa a Scipione castigatus propter temere factas nuptias cum capta Sophonisba, ne viva, id quod fide data promiserat, veniret in Romanorum potestatem. mittit ei venenum: quo illa ferociter hausto decedit: Scipio interim ut agrum Massanissam ab dolore erigat, illum eximiis laudibus, & premiis ornat: collaudatum, & decoratum Lælium quoque cum capto Syphace Romam mittit: una & legati Massanissa profiscuntur.

HÆc non hostili modo odio, sed amoris etiam stimulis, armatam apud æmulum cernens, cum dixisset, non mediocri cura Scipionis animum perpulit. & fidem criminibus factæ prope inter arma nuptiæ, neque consulto, neque expectato Lælio, faciebant; tamque præceps festinatio, ut quo die captam reginam vidisset, eodem matrimonio junctam acciperet, & apud penates hostis sui nuptiale sacrum conficeret. Et eo fœdiora hæc videbantur Scipioni, quod ipsum in Hispania juvenem nullius forma pepulerat captivæ. Hæc tecum volutanti Lælius, ac Massanissa supervenerunt, quos cum pariter ambos & benigno vultu excepisset, & egregiis laudibus frequenti prætorio celebrasset. abductum in secretum Massanissam sic alloquitur. *Aligua te existimo, Massanissa, intuentem in me bona, & principio in Hispaniam ad jungendam mecum amicitiam venis-*

nisse, & postea in Africa teipsam, spesque omnes
 tuas in fidem meam commississe. atqui nulla ea-
 rum virtus est, propter quas appetendus tibi vi-
 sus sim, qua ego aque, atque temperantia &
 continentia libidinum gloriatus fuerim. Hanc te
 quoque ad ceteras tuas eximias virtutes, Mas-
 sanissa, adjecisse velim. nam non est (mibi cre-
 de) tantum ab hostibus armatis acati nostra pe-
 riculi, quantum ab circumfusiis undique voluptati-
 bus. qui eas sua temperantia franavit ac de-
 munit, is multo majus decus, majoremque vi-
 ctoriam sibi peperit, quam nos Syphace victo ha-
 bemus. Qua me absente strenue ac fortiter
 fecisti, libenter & commemoravi, & memini:
 cetera teipsum reputare tecum, quam me dica-
 te erubescere, malo. Syphax populi Romani auspi-
 ciis victus captusque est. itaque ipse, conjux,
 regnum, ager, oppida, homines, qui incolunt,
 quicquid denique Syphacis fuit, prada populi
 Romani est: & Regem, conjugemque ejus, etiam
 si non civis Carthaginienſis esset, etiam si non
 patrem ejus imperatorem hostium videremus,
 Romam oporteret mitti, ac senatus populique
 Romani de ea iudicium, atque arbitrium es-
 se, quæ Regem nobis socium alienasse, atque
 in arma coegisse precipitem dicatur. Vince ani-
 mum, cave deformes multa bona uno vitio,
 & tot meritorum gratiam majore culpa, quam
 causa culpa est, corrumpas. Massanissæ hæc
 25 audienti non rubor est solum suffusus, sed
 lacrymæ etiam obortæ. & cum se quidem
 in potestate futurum imperatoris dixisset,
 orassetque eum, ut, quantum res sineret,
 fidei suæ temere obstrictæ consularet, (pro-
 misisse enim sese in nullius potestatem eam
 traditurum) ex prætorio in tabernaculum
 suum confusus concessit. Ibi, arbitris re-
 motis, cum crebro suspirio & gemitu, quod
 fa-

facile a circumstantibus tabernaculum exau-
diri posset, aliquantum temporis consum-
pisset, ingenti ad postremum edito gemitu,
fido ex servis uno accito, sub cujus cu-
stodia regio more ad incerta fortunæ vene-
num erat, ei mistum in poculo ferre ad So-
phonisbam jubet, ac simul nuntiare, *Mas-*
sanissam libenter primam ei fidem prastaturum
fuisse, quam vir uxori debuerit, quoniam ar-
bitrium ejus, qui possunt, adimant, secun-
dam fidem prastare, ne viva in potestatem Ro-
manorum veniat, memor patris imperatoris,
patriæque, & duorum Regum, quibus nupta
fuisset, sibi ipsa consuleret. Hunc nuntium,
ac simul venenum ferens minister, cum ad
Sophonisbam venisset, *Accipio, inquit, nu-*
ptiale munus, neque ingratum, si nihil ma-
jus vir uxori prastare potuit, hoc tamen nuntia,
melius me morituram fuisse, si non in funere
meo nupsissem. nec locuta est ferocius, quam
acceptum poculum, nullo trepidationis si-
gno dato, impavide hausit. Quod ubi nun-
tiatum est Scipioni, ne quid æger animi fe-
rox juvenis gravius consuleret, accitum eum
extemplo nunc solatur, nunc, quod teme-
ritatem temeritate alia luerit, tristioremq-
uam, quam necesse fuit, fecerit, leniter ca-
stigmat. Postero die, ut a præsentī motu aver-
teret animum ejus, in tribunal ascendit, &
concionem advocari jussit. ibi Malsanissam
primum Regem appellatum, eximiisque or-
natum laudibus, aurea corona, aurea pate-
ra, sella curuli eburnea, & scipione ebur-
neo, toga picta, & palmata tunica donat. ad-
dit verbis honorem. *neque magnificentius quic-*
quam triumpho apud Romanos, neque trium-
phantibus ampliore eo ornatu esse, quo unum
omnium externorum dignum Malsanissam popu-
lus.

lus Romanus ducat. Lælium deinde & ipsum collaudatum aurea corona donat. & alii militares viri, prout a quoque navata opera erat, donati. lis honoribus mollitus Regis animus, erectusque in spem propinquam, sublato Syphace, omnis Numidiæ potiundæ. Scipio, C. Lælio cum Syphace aliisque captivis Romam misso, cum quibus & Massanissæ legati profecti sunt, ipse ad Tuneta rursum castra refert: & quæ munimenta inchoaverat, permunit.

CAPUT XII.

Carthaginienses prosperis Scipionis præliis percussam pacem petunt: spe adventus Annibalis in Africam, nullas recusantes condiciones pacis, inducias cum Scipione faciunt.

Carthaginienses non brevi solum, sed prope vano gaudio ab fatis prospera in præfens oppugnatione classis perfusi, post famam capti Syphacis, in quo plus prope, quam in Asdrubale atque exercitu suo ipse reposuerant, percussi, jam nullo auctore belli ultra audito, oratores ad pacem petendam mittunt XXX. seniorum principes, id erat sanctius apud illos consilium, maximaque ad ipsum senatum regendum vis. Qui ubi in castra Romana, & prætorium pervenerunt, more adorantium (accepto, credo, ritu ex ea regione, ex qua oriundi erant) procubuerunt. Conveniens oratio tam humili adorationi fuit, non culpam purgantium, sed transferentium initium culpæ in Annibalem, impotentiaque ejus fautores. veniam civitati petebant, civium temeritate bis jam ante eversæ, incolumi futura iterum hostium beneficio. *imperium ex-*

viētis hostibus populum Romanum, non perniciem petere, paratis obediēter servire, quæ vellet, imperaret. Scipio & venisse ea spē in Africam se ait, & spem suam prospero belli eventu auctam, victoriam se, non pacem domum reportaturum esse: tamen cum victoriam prope in manibus habeat, pacem non abnuere, ut omnes gentes sciant, populum Romanum & suscipere iusta bella, & finire. Leges pacis se has dicere. Captivos, & perfugas, & fugitivos restituant, exercitus ex Italia, & Gallia deducant. Hispania abstineant, insulis omnibus, quæ inter Italiam, & Africam sunt, decedant. naves longas, præter triginta, omnes tradant, tritici quingenta, hordei CCC. millia modium. Pecuniæ summam quantam imperaverit, parum convenit. alibi quinque millia talentum, alibi quinque millia pondo argenti, alibi duplex stipendium militibus imperatum invenio. His conditionibus, inquit, placeas ne pax, triduum ad consulendum dabitur. si placuerit, mecum inducias facite: Romam ad senatum mittite legatos. Ita dimissi Carthaginienſes, nullas recusandas conditiones pacis cum censuissent, (quippe qui moram temporis quærerent, dum Annibal in Africam trajiceret) legatos alios ad Scipionem, ut inducias facerent, alios Romam ad pacem petendam mittunt, ducentes paucos in speciem captivos, perfugasque, & fugitivos, quo impetrabilior pax esset.

CAPUT XIII.

Res prospere in Africa a Scipione gesta, Lælio in senatu exponente, ingenti lætitia Roma audiuntur: Rex Syphax Albam in custodiam mittitur: introducti deinde in senatum legati Massanissa, per egregiis officiis responsum referunt: decretis muneribus, qua ad regem ferrent, ipsi quoque donis ornati munifice excipiuntur.

- 17 **M**ultis ante diebus Lælius cum Syphace, primoribusque Numidarum captivis Romam venit, quæque in Africa gesta essent, omnia exposuit ordine patribus, ingenti omnium & in præsens lætitia, & in futurum spe. Consulti inde patres Regem in custodiam Albam mittendum censuerunt, Lælium retinendum, donec legati Carthaginienses venirent. Supplicatio in quatrimum decreta est. P. Ælius prætor, senatu misso, & concione inde advocata, cum C. Lælio in rostra ascendit. Ibi vero audientes, fusos Carthaginiensium exercitus, devictum & captum ingentis nominis Regem, Numidiam omnem egregia victoria peragratam, tacitum continere gaudium non poterant, quin clamoribus, quibusque aliis multitudo solet, lætitiæ immodicam significarent. Itaque prætor ex templo edixit, uti aditui ades sacras omnes totæ urbe aperirent, circumeundi, salutandique deos, agendique gratias per totum diem populo potestas fieret. Postero die legatos Massanissæ in senatum introduxit. Gratulati primum senatui sunt, quod P. Scipio prospere res in Africa gessisset. deinde gratias egerunt, quod Massanissam non appellasset modo Regem, sed fecisset, resti-

restituendo in patenum regnum : in quo post Syphacem sublatum , si i'a patribus visum esset , sine metu & certamine esset regnaturus . deinde , quod collaudatum pro concione amplissimis decorasset donis : quibus ne indignus esset , & dedisse operam Massanissam , & perro daturum esse . petere , ut regium nomen , ceteraque Scipionis beneficia , & munera senatus decreto confirmaret : & , nisi molestum esset , illud quoque petere Massanissam , ut Numidas captivos , qui Roma in custodia essent , remitterent . id sibi amplum apud populares futurum esse . Ad ea responsum legatis : Rerum gestarum in Africa prospere communem sibi cum Rege gratulationem esse . Scipionem recte , atque ordine videri fecisse , quod eum Regem appellasset : & quicquid aliud fecisset , quod honori foret Massanissa , ea patres comprobare , atque laudare . Munera , quæ legati ferrent Regi , decreverunt , sagula purpurea duo cum fibulis aureis singulis , & lato clavo tunicis , equos duos phaleratos , bina equestria arma cum loricis , & tabernacula , militareque supellectilem , qualem præberi consuli mos est . Hæc Regi prætor mittere iussus . legatis in singulos dona ne minus quinque millium , comitibus eorum millium æris , & vestimenta bina legatis , singula comitibus , Numidisque , qui ex custodia missi redderentur Regi . ad hoc ædes , libera loca , lautia legatis decreta .

CAPUT XIV.

Romani in agro Insubrium cum Magone confligunt : cum diu anceps utrinque stetisset prælium , victoria Romanis conceditur vulnere Magonis , qui paulo post in Africam per legatos revocatus moritur.

- 18 **E**Adem æstate, qua hæc decreta Romæ, & in Africa gesta sunt. P. Quintilius, Varus prætor, & Marcus Cornelius pro consule in agro Insubrium Gallorum cum Magone Pæno signis collatis pugnauerunt. Prætoris legiones in prima acie fuerunt : Cornelius suas in subsidiis tenuit, ipse ad prima signa equo advectus. proque duobus cornibus prætor, ac proconsul milites ad inferenda in hostes signa summa vi hortabantur. posteaquam nihil commovebant, tum Cornelio Quintilius, *lentior, ut vides, sis pugna, inquit, & induratus præter spem resistendo hostium timor : ac, ne vertas in audaciam, periculum est. equestrem procellam excitemus oportet, si turbare, ac statim movere volumus. itaque vel tu ad prima signa prælium sustine, ego inducam in pugnam equites : vel ego hic in prima acie rem geram; tu quatuor legionum equites in hostem emitte.* Utram vellet prætor, muneris partem proconsule accipiente, Quintilius prætor cum filio, cui Marco prænomen erat, impigro juvene, ad equites pergit, iussosque ascendere in equos repente in hostem emittit. Tumultum equestrem auxit clamor ab legionibus additus: nec stetisset hostium acies, ni Mago ad primum equitum motum paratos elephantos extemplo in prælium induxisset, ad quorum stridorem,
odo.

odoremque & aspectum territi equi, vanum
 equestre auxilium fecerunt. & ut permi-
 stus, ubi cuspide uti, & cominus gladio pos-
 set, roboris majoris Romanus eques erat:
 ita in ablatum paventibus procul equis me-
 lius ex intervallo Numidæ jaculabantur. si-
 mul & peditum legio duodecima magna ex
 parte cæsa, pudore magis, quam viribus,
 tenebat locum: nec diutius tenuisset, ni ex
 subsidiis tertiadecima legio in primam aciem
 inducta prælium dubium excepisset, Mago-
 que ex subsidiis Gallos integræ legioni oppo-
 sisset. quibus haud magno certamine fuis-
 sè, hattati legionis undecimæ conglobant sese,
 atque elephantos jam etiam peditum aciem
 turbantes invadunt. in quos cum pila con-
 fertos conjecissent, nullo ferme frustra emis-
 so, omnes retro in aciem suorum averterunt.
 quatuor gravati vulneribus corruerunt. Tum
 prima commota hostium acies, simul omni-
 bus peditibus, ut aversos videre elephantos,
 ad augendum pavorem ac tumultum effusis.
 sed donec stetit ante signa Mago, gradum
 sensim referentes ordines tenorem pugnae
 servabant. posteaquam femore transfixo ca-
 dentem, auferriq; ex prælio prope exanguem
 videre, extemplo in fugam omnes conversi.
 ad V. millia hostium eo die cæsa, & signa mi-
 litaria duodeviginti capta. nec Romanis in-
 cruenta victoria fuit. II. millia & CCC. de e-
 exercitu prætoris, pars multo maxima ex legio-
 ne XII. amissi. inde & tribuni militum duo, M.
 Cosconius, & M. Menius. tertiadecimæ quoq;
 legionis, quæ postremo prælio affuerat, Cn.
 Helvius tribunus militum in restituenda pu-
 gna cecidit, & duodeviginti ferme equites il-
 lustres obtriti ab elephantis cum centurionib;
 aliquot perierunt: & longius certamen fuit.

set, ni vulnere ducis concessa victoria esset.
 19 Mago proximæ noctis silentio profectus,
 quantum pati viæ per vulnus poterat, itin-
 eribus extentis, ad mare in Ligures Ingaunos
 pervenit. ibi eum legati ab Carthagine paucis
 ante diebus in sinum Gallicum appulsis navi-
 bus adierunt, jubentes primo quoque tempo-
 re in Africam trajicere. Idem & fratrem ejus
 Annibalem (nam ad eum quoque isse legatos
 eadem jubentes) facturum. non in eo esse
 Carthaginensium res, ut Galliam, atque Ita-
 liam armis obtineant. Mago non imperio mo-
 do senatus, periculoque patriæ motus, sed
 metuens etiam, ne victor hostis moranti in-
 staret, Liguresque ipsi relinqui Italiam a Pœ-
 niscernentes, ad eos, quorum mox in pote-
 state futuri essent, deficerent; simul sperans
 leniorem in navigatione, quam in via jacta-
 tionem vulneris fore, & curationi omnia
 commodiora; impositis copiis in naves profe-
 ctus, vix dum superata Sardinia, ex vulnere
 moritur: naves quoque aliquot Pœnorum
 disjectæ in alto, a classe Romana, quæ circa
 Sardiniam erat, capiuntur. Hæc terra mariq;
 in parte Italiæ, quæ jacet ad Alpes, gesta.

C A P U T . X V .

*Res utriusque consulis, C. Servilii Capionis,
 & C. Servilii Gemini.*

C O N S U L C. S E R V I L I U S , nulla memorabili re
 in provincia Etruria, & Gallia (nam eo
 quoque processerat) gesta, patre C. Servilio,
 & C. Lutatio patruo ex servitute post deci-
 mum sextum annum receptis, qui ad vicum
 Tanetum a Boiis capti fuerant, hinc patre,
 hinc patruo lateri circumdatis, privato ma-
 gis,

gis, quam publico decore insignis Romam rediit. Latum ad populum est, ne C. Servilio fraudi esset, quod patre, qui sella curuli sedisset, vivo, cum id ignoraret, tribunus plebis, atque adilis pl. fuisset, contra quam sanctum legibus erat. Hac rogatione perlata, in provinciam rediit. Ad Cn. Servilium consulem, qui in Bruttis erat, Consentia, Uffugum, Vergæ, Besidæ, Hetriculum, Sypheum, Argentanumque, Dampetia, multique alii ignobiles populi senescere Punicum bellum cernentes, defecere. Idem consul cum Annibale in agro Crotoniensi acie conflixit. Obscura ejus pugnae fama est. Valerius Antias quinque millia hostium cæsa ait, quæ tanta res est, ut aut impudenter ficta sit, aut negligenter prætermissa.

CAPUT XVI.

Habirus Annibalis dum ex Italia, in ejus possessione sextumdecimum jam annum habebat, mandatis Carthaginiensium in Africam vocatur.

Nihil certe ultra rei in Italia ab Annibale gestum. nam ad eum quoque legati ab Carthagine vocantes in Africam, iis forte diebus, quibus ad Magonem, venerunt. Frendens, gemenque, ac vix lacrymis temperans dicitur legatorum verba audisse. Posteaquam edita sunt mandata, jam non perplexe, inquit, sed palam revocant, qui, vetando supplementum & pecuniam mitti, jam pridem retrahabant. Vicit ergo Annibalem non populus Romanus toties casus, fugatusque, sed senatus Carthaginiensis obrectatione, atque invalida, neque hac deformitate reditus mei tam P. Scipio

exultabit, atque efferet sese, quam Anno, qui domum nostram, quando alia re non potuit, ruina Carthaginis oppressit. Jam hoc ipsum præfagiens animo, præparaverat antea naves. itaque inutili militum turba præsidii specie in oppida Bruttii agri, quæ pauca magis metu, quam fide continebantur, dimissa, quod roboris in exercitu erat, in Africam transevit, multis Italici generis, quia in Africam secuturos abnuentes concesserant in Iuonæ Laciniæ delubrum, inviolatum ad eam diem, in templo ipso fœdè interfectis. Raro quemquam alium patriam exilii causa relinquentem magis in cœstum abisse ferunt, quam Annibalem hostium terra excedentem, respexisse sæpe Italiæ litora, & deos hominesque accusantem, se quoque ac tuum ipsius caput execratum, quod non cruentum ab Cannensi victoria militem Romam duxisset. Scipionem ira ad Carthaginem ausum, qui consul hostem in Italia Pœnum non vidisset. se, centum millibus armatorum ad Trasymenem & Cannas casis, circa Cæsiliun, Cumanos. Nolamque consecuisse. Hæc accusans, querensque, ex diutina possessione Italiæ est detractus.

C A P U T XVII.

Capti a Saguntinis Carthaginienses, qui in Hispaniam traiecerant ad conducenda auxilia, Romam adducuntur. propter liberatam post decimum sextum annum a Pœnorum obsidione Italiam, ex decreto senatus gratia Diis aguntur.

22 **R**omam per eosdem dies, & Magonem, & Annibalem profectos, allatum est, cujus duplicis gratulationis minuit lætitiā,
&

& quod parum duces in retinendis iis, cum id mandatum ab senatu esset, aut animi, aut virium habuisse videbantur; & quod solliciti erant, omni belli mole in unum ducem exercitumque inclinata, quo evasura esset res. Per eosdem dies legati Saguntini venerunt, comprehensos cum pecunia adducentes Carthaginieneses, qui ad conducenda auxilia in Hispaniam trajecissent. ducenta & quinquaginta auri, octingenta pondo argenti in vestibulo curiæ posuerunt. Hominibus acceptis, & in carcerem conditis, auro argentoque reddito, gratiæ legatis actæ, atque insuper munera data, ac naves, quibus in Hispaniam reverterentur. Mentio deinde ab senioribus facta est, *segnius homines bona, quam mala sentire. transitus Annibalis in Italiam quantum terroris pavorisque injecisset, sese meminisse, quas deinde clades, quos luctus incidisse? visa castra hostium e muris urbis: quæ vota singulorum, universorumque fuisse? quoties in conciliis voces manus ad cælum porrigentium auditas; en unquam ille dies futurus esset, quo vacuum hostibus Italiam bona pace florentem visuri essent? dedisse tandem id Deos sextodecimo demum anno: nec esse, qui diis gratias agendâs censeat. adeo ne advenientem quidem gratiam homines benigne accipere, nedum ut præterita satis memores sint.* Conclamatum deinde ex omni parte curiæ est, uti referret P. Ælius prætor: decretumque, ut V. dies circa omnia pulvinaria supplicaretur, victimæque majores immolarentur CXX.

C A P U T. XVIII.

*Pax parum sincere petentibus Roma in senatu
legatis Carthaginiensium negatur.*

- I**Am dimisso Lælio, legatisque Massanissæ, cum, Carthaginiensium legatos de pace ad senatum venientes Puteolis visos, inde terra venturos, allatum esset, revocari C. Lælium placuit, ut coram eo de pace ageretur. Q. Fulvius Gillo, legatus Scipionis, Carthaginienses Romam adduxit; quibus vetitis ingredi urbem, hospitium in villa publica, 22 natus ad ædem Bellonæ datus est. Orationem eandem ferme, quam apud Scipionem, habuerunt, culpam omnem belli a publico consilio in Annibalem vertentes. *Eum in jussu senatus non Alpes modo, sed Iberum quoque transgressum: nec Romanis solum, sed ante etiam Saguntinis privato consilio bellum intulisse. senatui ac populo Carthaginiensi, si quis vere aestimet, fœdus ad eam diem inviolatum esse cum Romanis: itaque nihil aliud sibi mandatum esse uti peterent, quam ut in ea pace, qua postremo cum consule Lutatius facta esset, manere liceret.* Cum more tradito a patribus potestatem interrogandi, si quis quid vellet, legatis prætor fecisset, senioresque, qui fœderibus interfuerant, alia alii interrogarent, nec meminisse se per ætatem (etenim omnes ferme juvenes erant) dicerent legati; conclamatum ex omni parte curiæ est, Punica fraude electos, qui veterem pacem repeterent, 23 jus ipsi non meminissent. Emotis deinde curia legatis, sententiæ interrogari cœptæ. M. Livius C. Servilium consulem, qui propior esset, accersendum, ut coram eo de pace.

ce ageretur, censebat. cum de re majore, quam quanta ea esset, consultatio incidere non posset, non videri sibi, absente consulum altero ambobusve, eam rem agi, satis ex dignitate populi Rom. esse. Q. Metellus, qui triennio ante consul, dictatorque fuerat: Cum P. Scipio cadendo exercitus, agros pobulando, in eam necessitatem compulisset hostes, ut supplices pacem peterent: & nemo omnium verius existimare posset, qua mente ea pax peteretur, quam is, qui ante portas Carthaginiis bellum gereret: nullius alterius consilio, quam Scipionis, accipiendam abnuendamque pacem esse. M. Valerius Lævinus, qui bis consul fuerat, speculatores, non legatos, venisse arguebat; jubendosque eos Italia excedere, & custodes cum iis usque ad naves mittendos, Scipionique scribendum, ne bellum remitteret. Lælius, Fulviusque adjecerunt, & Scipionem in eo positam habuisse spem pacis, si Annibal, & Mago ex Italia non revocarentur: ceterum omnia simulaturos Carthaginienses, duces eos exercitusque expectantes: deinde quamvis recentium foederum, & deorum omnium oblitos, bellum gesturos. Eo magis in M. Lævini sententiam discessum. Legati pace infecta, ac prope sine responso dimissi.

CAPUT XIX.

C. Servilius Cos. gloriam affectans pulsi ab se Annibalis, dum extra Italiam persequitur, a Dictatore P. Sulpitio ad id dicto revocatur. interim in Africa Carthaginenses, per induciarum tempus, non expectato ab Roma pacis responso, naves Romanas expugnant, ac legatos violant. Annibal jam Africam tenens, copias exponit.

- 24 **P**EREOS dies Cn. Servilius consul, haud dubius, quin pacatæ Italiæ penes se gloria esset, velat pulsum ab se Annibalem persequens, in Siciliam, inde in Africam transurus trajecit. Quod ubi Romæ vulgatum est, primo censuerunt patres, ut prætor scriberet consuli, senatum æquum censere, in Italiam reverti eum: deinde, cum prætor spreturum eum litteras suas diceret, dictator ad id ipsum creatus P. Sulpitius, pro jure majoris imperii, consulem in Italiam revocavit. reliquum anni cum M. Servilio, magistro equitum, circumeundis Italiæ urbibus, quæ bello alienatæ fuerant, noscendisque singularum causis consumpsit. Per induciarum tempus & ex Sardinia ab Lentulo prætore, centum onerariæ naves cum commeatu & viginti rostratarum præsidio, & ab hoste, & ab tempestatibus mari tuto in Africam transmiserunt. Cn. Octavio CC. onerariis, XXX. longis navibus ex Sicilia trajicienti non eadem fortuna fuit. In conspectum ferme Africæ prospero cursu vectum primo destituit ventus, dein versus in Africum turbavit, ac passim naves disjecit. ipse cum rostratis per adversos fluctus ingenti remigum labore enixus Apollinis promontorium tenuit, onerariæ

riæ pars maxima ad Ægimurum insulam (ca-
 snum ab alto claudit, in quo sita Carthago
 est) XXX. ferme millia ab urbe, aliæ ad-
 versus urbem ipsam ad Calidas Aquas delatæ
 sunt. Omnia in conspectu Carthaginiserant.
 itaque ex tota urbe in forum concursum est.
 magistratus senatum vocare, populus in cu-
 riæ vestibulo fremere, ne tanta ex oculis
 manibusque amitteretur præda. Cum qui-
 dam pacis petitæ, alii induciarum (nec-
 dum enim dies exierat) fidem oppone-
 rent, postremo permisso pene senatus po-
 pulique consilio, consensum est, ut clas-
 se quinquaginta navium Asdrubal Ægimu-
 rum trajiceret, inde per litora portusque
 dispersas Romanas naves colligeret. De-
 fertæ fuga nautarum primum ab Ægimuro,
 dein ab Aquis onerariæ Carthaginem pup-
 pibus tractæ sunt. Nondum reverterant ab 25
 Roma legati, neque sciebatur, quæ sena-
 tus Romani de bello, aut pace sententia
 esset; necdum induciarum dies exierat. eo
 indigniorem injuriam ratus Scipio, ab iis,
 qui petissent pacem, & inducias, spem pa-
 cis, & fidem induciarum violatam esse; le-
 gatos Carthaginem L. Bæbium, L. Sergium,
 L. Fabium extemplo misit. Qui cum multitu-
 dinis concursu prope violati essent, nec re-
 ditum tutiorem futurum cernerent, petie-
 runt a magistratibus, quorum auxilio vis pro-
 hibita erat, ut naves mitterent, quæ se pro-
 sequerentur. Datæ triremes duæ cum ad
 Bagradam flumen pervenissent, unde castra
 Romana conspiciebantur, Carthaginem re-
 diere. Classis Punica ad Uticam stationem
 habebat: ex ea tres quadriremes, seu clam
 misso a Carthagine nuntio, uti fieret, seu
 Asdrubale, qui classi præerat, sine publica

fraude auso facinus, quinquere mem Romanam superantem promontorium ex alto repente aggressæ sunt: sed neque rostro ferire celeritate subter labentem poterant, neque transilire armati ex humilioribus in altiore navem, & defendebatur egregie, quoad tela suppeditarunt. quibus deficientibus cum jam nulla alia res eam, quam propinquitas terræ, multitudoque a castris in litus effusa, tueri potuisset, concitatam remis, quanta maxima vi poterant, in terram cum immisissent, navis tantum jactura facta, incolumes ipsæ evaserunt. Ita alio super aliud scelere cum haud dubie induciæ ruptæ essent, Lælius, Fulviusque ab Roma cum legatis Carthaginiensibus supervenerunt. quibus Scipio, etsi non induciarum modo fides a Carthaginiensibus, sed etiam jus gentium in legatis suis violatum esset, tamen se nihil nec institutis populi Romani, nec suis moribus indignum in iis facturum esse cum dixisset, legatis dimissis, bellum parabat. Annibale jam terræ appropinquante, jussus e nauticis unus ascendere in malum, ut specularetur, quam tenerent regionem, cum dixisset, sepulcrum dirutum proram spectare, abominatus, prætervehi jussu gubernatore, ad Leptimappulit classem, atque ibi copias exposuit. Hæc eo anno in Africa gesta. insequentia excedunt in eum annum, quo M. Servilius Geminus, qui tum magister equitum erat, & T. Claudius Nero consules facti sunt.

CAPUT XX.

*Ad Philippum Macedonia regem fœdus violan-
tem legati conquestum mittuntur . ingens
incendium Roma exoritur : moritur Q. Fa-
bius Maximus .*

CÆterum exitu superioris anni cum legati sociarum urbium ex Græcia questi essent, vastatos agros ab regiis præsidiis, missosque in Macedoniam legatos ad res repetendas, non admissos ad Philippum Regem: simul nuntiassent, quatuor millia militum cum Sopatro duce trajecta in Africam dici, ut essent Carthaginensibus præsidio, & pecuniæ aliquantum una missum; legatos ad Regem, qui hæc adversus fœdus facta videri patribus nuntiarent, mittendos censuit senatus. Missi C. Terentius Varro, C. Mamilius, M. Aurelius. iis tres quinqueremes datæ. Annus insignis incendio ingenti, quo clivus publicus ad solum exustus est, & aquarum magnitudine, & annonæ vilitate fuit, præterquam quod pace omnis Italia erat aperta, etiam quod magnam vim frumenti ex Hispania missam M. Valerius Falto, & M. Fabius Buteo, ædiles curules, quaternis æris vicatim populo descripserunt. Eodem anno Q. Fabius Maximus moritur, exactæ ætatis, si quidem verum est, augurem duos & quadraginta annos fuisse, quod quidam auctores sunt. Vir certe fuit dignus tanto cognomine, vel si novum ab eo inciperet, superavit paternos honores, avitos æquavit. pluribus victoriis, & majoribus præliis avus insignis Rullus, sed omnia æquare unus hostis Annibal potest, cautior tamen, quam promptior.

hic habitus fuit: & sicut dubites, utrum ingenio cunctator fuerit, an quia ita bello proprie, quod tum gerebatur, aptum erat: sic nihil certius est, quam unum hominem nobis cunctando rem restituisse, sicut Ennius ait. Augur in locum ejus inauguratus Q. Fabius Maximus, filius, in ejusdem locum pontifex (nam duo sacerdotia habuit) Servius Sulpitius Galba. Ludi Romani diem unum, Plebeii ter toti instaurati ab ædilibus M. Sestio Sabino, & Cn. Tremellio Flacco. Ii ambo prætores facti, & cum iis C. Livius Salinator, & C. Aurelius Cotta. Comitia ejus anni utrum C. Servilius consul habuerit, an, quia eum res in Etruria tenuerint, quaestiones ex S. C. de conjurationibus principum habentem, dictator ab eo dictus P. Sulpitius, incertum diversi auctores faciunt.

C A P U T X X I

Referentibus in senatu novis consulibus M. Servilio Gemino, & Tiberio Claudio Nerone, provincia decernuntur.

27. **P** Rincipio insequentis anni M. Servilius, & T. Claudius senatu in capitolium vocato de provinciis retulerunt. Italiam, atque Africam in sortem conjici, Africam ambo cupientes, volebant. cæterum M. Metello maxime annitente, neque data, neque negata est Africa. Consules jussi cum tribunis plebis agere, ut, si iis videretur, populum rogarent, quem vellent in Africa bellum gerere. omnes tribus P. Scipionem jusserunt. nihilominus consules provinciam Africam (ita enim senatus decreverat) in sortem conjecerunt. T. Claudio Africa evenit,

nit, ut quinquaginta navium classem, omnes quinqueremes, in Africam trajiceret, parique imperio cum Scipione imperator esset. M. Servilius Etruriam sortitus. In eadem provincia & C. Servilio prorogatum imperium, si consulem remorari ad urbem senatui placuisset. Prætores, M. Sestius Galliam est sortitus, ut duas legiones, provinciamque traderet ei P. Quintilius Varus: C. Livius Bruttios cum duabus legionibus, quibus P. Sempronius pro consule priore anno præfuerat: Cn. Tremellius Siciliam, ut ab P. Villio Tappulo, prætore prioris anni, provinciam, & duas legiones acciperet: Villius pro prætore cum XX. navibus longis, militibus mille oram Siciliae tutaretur: inde M. Pomponius viginti navibus reliquis mille & quingentos milites Romam deportaret. C. Aurelio Cottæ urbana evenit. cæteris ita, uti quisque obtinebant provincias exercitusque, prorogata imperia. Sexdecim non amplius eo anno legionibus defensum imperium est. Et ut placatis diis omnia inciperent, agerentque, quos ludos M. Claudio Marcello, T. Quintio consulibus T. Manlius dictator, quasque hostias majores voverat, si per quinquennium illud res publica eodem statu fuisset, ut eos consules, prius quam ad bellum proficiscerentur, facerent. Ludi in circo per quatrimum facti. hostiæque, quibus votæ erant, diis cææ.

CAPUT XXII.

Par timor ac spes Romanis, atque Carthaginienſibus ex imminente in Africa ſuprema Scipionis cum Annibale dimicatione.

28. **I**Nter hæc ſimul ſpes, ſimul cura in dies creſcebat: nec ſatis certum conſtare apud animum poterat, utrum gaudio dignius eſſet, Annibalem poſt ſextumdecimum annum ex Italia decedentem vacuam poſſeſſionem ejus reliquiſſe populo Romano; an magis metuedum, quod incolumi exercitu in Africam trajeciſſet. Locum nimirum, non periculum mutatum. cujuſtantæ dimicationis vatem, qui nuper deceſſiſſet, Q. Fabium haud fruſtra canere ſolitus, graviorem in ſua terra futurum hoſtem Annibalem, quam in aliena fuiſſet. nec Scipioni aut cum Syphace, inconditæ barbariæ rege, qui ſtatarium ſemilixam ducere exercitum ſolitus ſit, aut cum focero ejus Afdrubale, fugaciſſimo duce, rem, futuram, aut tumultuariis exercitiſbus, ex agreſtium ſemiermiturba ſubito collectis, ſed cum Annibale, prope nato in prætorio patris, fortiſſimi ducis, alto atque educato inter arma, puero quondam milite, vixdum juvene imperatore; qui ſenex vincendo factus, Hiſpanias, Gallias, Italiam ab Alpibus ad fretum monumentis ingentium rerum compleſſet. ducere exercitum æqualem ſtipendiis ſuis, duratum omnium rerum patientia, quas vix fides fiat homines paſſos, perſuſum millies cruore Romano, exuvias non militum modo, ſed etiam imperatorum portantem. multos occuſuros Scipioni in acie, qui prætores, qui conſules Romanos ſua.

sua manu occidissent, muralibus, vallaribusque insignes coronis, pervagatos captacula, captas urbes Rom. non esse hodie tot fasces magistratibus populi Romani, quot captos ex cæde imperatorum præ se ferre posset Annibal. Has formidines agitando animis, ipsi curas & metus augebant, etiam, quod cum assuescent per aliquot annos bellum ante oculos, aliis atque aliis in Italiæ partibus, lenta spe in nullum propinquum debellandi finem gerere, crexerant omnium animos Scipio, & Annibal, velut ad supremum certamen comparati duces. ii quoque, quibus ingens erat in Scipione fiducia, & victoriæ spes, quo magis in propinquam eam imminebant animis, eo curæ intentioris erant. Haud dispar habitus animorum Carthaginiensibus erat: quos modo petisse pacem, intuentes Annibalem, ac rerum gestarum ejus magnitudinem, pœnitebat: modo, cum respicerent, bis sese acie victos, Syphacem captum, pulsos Hispania, pulsos Italia, atque ea omnia unius virtute, & consilio Scipionis facta, velut fatalem eum ducem in exitium suum natum horrebant.

CAPUT XXIII.

Annibal Scipionis apparatu, atque fiducia percussus: ante certamen pacem petere statuit.

JAM Adrumetum pervenerat Annibal, unde 29, de ad reficiendum ex jactatione maritima. militem paucis diebus sumptis, excitus pavidis nuntiis omnia circa Carthaginem obtineri armis afferentium, magnis itineribus Zamam contendit. Zama quinque diebus iter ab Carthagine abest, inde præmissi

ſi ſpeculatores, cum excepti a cuſtodibus Romanis, deducti ad Scipionem eſſent; traditos eos tribunis militum, juſſosque omiſſo metu viſere omnia, per caſtra, qua vellent, circumduci juſſit: percunſtatuſque, ſatin percommode omnia exploraveſſent, datis qui proſequerentur, retro ad Annibalem dimiſit. Annibal nihil quidem eorum, quæ nuntiabantur (nam & Maſſaniſam cum ſex milibus peditum, quatuor equitum veniſſe eo ipſo forte die afferebant) læto animo audivit, maxime hoſtis fiducia, quæ non de nihilo proſecto concepta eſt, percuſſus. itaque quam & ipſe cauſa belli ejuſerat, & adventu ſuo turbaverat & pactas inducias, & ſpem foederum: tamen, ſi integer, quam ſi victus peteret pacem, æquiores impetrari poſſe ratus, nuntium ad Scipionem miſit, ut colloquendi ſecum poteſtatem faceret. Id utrum ſua ſponte fecerit, an publico conſilio, neutrum cur affirmem, habeo. Valerius Antias primo prælio victum eum a Scipione, quo duodecim millia armatorum in acie ſunt cæſa, mille & ſeptingenti capti, legatum cum aliis decem legatis tradit in caſtra ad Scipionem veniſſe.

CAPUT XXIV.

Annibal cum Scipione colloquio congreſſus pacem tentat.

CÆterum Scipio cum colloquium haud abnuſſet, ambo ex compoſito duces caſtra protulerunt, ut coire ex propinquo poſſent. Scipio haud procul Nadagara urbe, tum ad cætera loco opportuno, tum quod aquatio intra teli conjeſtum erat, conſedit.

An-

Annibal tumultum a quatuor millibus inde, tutum commodumque alioqui, nisi quod longinquæ aquationis erat, cepit. ibi in medio locus conspectus undique, ne quid insidiarum esset, delectus. Summotis 30
 pari spatio armatis, cum singulis interpretibus congressi sunt non suæ modo ætatis maximi duces, sed omnis ante se memoriæ omnium gentium cuilibet Regum imperatorumve pares. Paulisper alter alterius conspectu admiratione mutua prope attoniti conticuere. Tum Annibal prior. *Si hoc ita fato datum erat, ut qui primus bellum intra-*
di populo Romano, quique toties prope in manibus victoriam habui, is ultro ad pacem petendam venirem, lator, te mihi potissimum datum, a quo peterem. Tibi quoque inter
multa egregia non in ultimis laudum hoc fuerit, Annibalem, cui de tot Romanis du-
cibus victoriam dii dedissent, tibi cessione: te-
que huic bello vestris prius quam nostris cladi-
bis insigni, finem imposuisse. Hoc quoque ludibrium fortuna casus ediderit, ut cum pa-
tre tuo consule ceperim arma, cum eodem primum Romano imperatore signa contulerim,
ad filium ejus inermis ad pacem petendam veniam. Optimum quidem fuerat, eam patribus
nostris mentem datam ab diis esse, ut vos Italia, & nos Africa imperio contenti essemus.
neque enim ne vobis quidem Sicilia, atque Sardinia satis digna pretia sunt pro tot classi-
bis, tot exercitiis, tot tamque egregiis amissis ducibus. Sed preterita magis reprehendi
possunt, quam corrigi. Ita aliena appetivimus, ut de nostris dimitteremus, nec in Italia solum vobis bellum, nobis in Africa est: sed &
vos in portis vestris prope ac mœnibus signa armaque hostium vidistis, & nos ab Carthagine
 fre-

fremittum castrorum Romanorum exaudivimus. Quod igitur nos maxime abominaremur, vos ante omnia optaretis, in meliore vestra fortuna de pace agitur: agimusque ii, quorum & maxime interest pacem esse, & qui quodcunque egerimus, ratum civitates nostra habitura sint. animo tantum nobis opus est non abhorrente a quietis consiliis. Quod ad me attinet, jam atas senem in patriam revertentem, unde puer profectus sum, jam secunda, jam adversa res ita erudierunt, ut rationem sequi, quam fortunam malim. tuam & adolescentiam, & perpetuam felicitatem, ferociora utraque, quam quietis opus est consiliis, metuo. Non temere incerta casuum reputat, quem fortuna nunquam decipit. Quod ego fui ad Trasymenum, ad Cannas, id tu hodie es. vixdum militari atate imperio accepto, omnia audacissime incipientem, nusquam fefellit fortuna. patris, & patrui persecutus mortem, ex calamitate vestra domus decus insigne virtutis pietatisque eximia cepisti: amissas Hispanias recuperasti; quatuor inde Punicis exercitibus pulsus. consul creatus, cum ceteris ad tutandam Italiam parum animi esset, transgressus in Africam, duobus hic exercitibus casis, binis eadem hora captis simul incensisque castris, Syphace potentissimo Rege capto, tot urbibus regni ejus, tot nostri imperii ereptis, me sextumdecimum jam annum harentem in possessione Italia detraxisti. Potest victoriam malle, quam pacem animus. Novi vobis spiritus magnos magis, quam utiles. & mihi talis aliquando fortuna affulsit. Quod si in secundis rebus bonam quoque mentem darent dii, non ea solum, quae evenissent, sed etiam ea, quae evenire possent, reputaremus.

*Ut omnium obliviscaris aliorum, satis ego
 documenti in omnes casus sum. quem modo
 castris inter Anienem atque urbem vestram
 positis, ac jam prope scandentem mœnia Ro-
 mana videras, hic cernis, duobus fortissi-
 mis viris fratribus, clarissimis imperatoribus
 orbatum ante mœnia prope obessa Patria,
 quibus terrui vestram urbem, ea pro mea
 deprecantem. Maxima cuique fortuna mini-
 me credendum est. In bonis tuis rebus, no-
 stris dubiis, tibi ampla ac speciosa danti est
 pax, nobis petentibus magis necessaria,
 quam honesta. Melior tutiorque est certa
 pax, quam sperata victoria. hac in tua,
 illa in dierum manu est. Ne tot annorum fe-
 licitatem in unius hora dederis discrimen. cum
 tuas vires, tum vim fortuna, matremque
 belli communem propone animo. utrinque fer-
 rum, corpora humana erunt: nusquam minus,
 quam in bello, eventus respondent. Non tan-
 tum ad id, quod data pace jam habere po-
 tes, si pralio vincas, gloria adjeceris, quan-
 tum ademeris, quid adversi eveniat. simul
 parva, ac sperata decora unius hora fortuna
 evertere potest. omnia in pace jungenda tua
 potestatis sunt, P. Corneli. tunc ea habenda
 fortuna erit, quam dii dederint. Inter pan-
 ca felicitatis virtutisque exempla M. Attilius
 quondam in hac eadem terra fuisset, si victor
 pacem petentibus dedisset patribus nostris: sed
 non statuendo tandem felicitati modum, nec
 sobibendo efferentem se fortunam, quanto al-
 tius elatus erat, eo fœdius corrui. Est qui-
 dem ejus, qui dat, non qui petit, conditio-
 nes dicere pacis. sed forsitan non indigni-
 simus, qui nobismetipsis multam irrogemus:
 non recusamus, quin omnia, propter qua
 bellum initum est, vestra sint, Sicilia, Sar-
 di-*

dinia, Hispania, quicquid insularum toto inter Africam Italiamque continetur mari: Carthaginienses inclusi Africa litoribus, vos quando ita diis placuit, externa etiam terra marique videamus regentes imperia. Haud negaverim, propter non nimis sincere petitam aut expectatam nuper pacem, suspectam esse vobis Punitam fidem, multum, per quos petita sit, ad fidem tuendam pacis pertinet, Scipio, vestri quoque (ut audio) patres nonnihil etiam ob hoc, quia parum dignitatis in legatione erat, negaverunt pacem. Annibal peto pacem: qui neque peterem, nisi utilem crederem, & propter eandem utilitatem tuebor eam, propter quam peto. & quemadmodum, quia a me bellum ceptum est, ne quem ejus peniteret, quoad ipsi invidere dei, praestiri: ita annitar, ne quem pacis per me pars peniteat.

CAPUT XXV.

Annibali pacem petenti Scipio responder.

- 31 **A**Dversum hæc imperator Romanus in hanc fere sententiam respondit: Non me fallebat, Annibal, adventus tui spe Carthaginienses & presentem induciarum fidem, & spem pacis turbasse: neque tu id sane dissimulas, qui de conditionibus superioribus pacis omnia subtrahas, præter ea, quæ jampridem in nostra potestate sunt. ceterum sicut tibi cura est, sentire cives tuos, quanto per te onere levatur: sic mihi laborandum est, ne quæ tunc pepigerunt, hodie subtracta ex conditionibus pacis, præmia perfidia habeant. Indigni quibus eadem pateat conditio, ut etiam prosis vobis fraus, petitis. Neque patres nostri priores de

Sicilla, neque nos de Hispania fecimus bellum. & tunc Mamertinorum sociorum periculum, & nunc Sagunti excidium nobis piper ac iusta induerunt arma. vos laceffisse & tu ipse fateris, & dii testes sunt: qui & illius belli exitum secundum ius fasque dederunt, & hujus dant, & dabunt. Quod ad me atinet, & humana infirmitatis memini, & vim fortuna reputo, & omnia, quacunque agimus, subjecta esse mille casibus scio. ceterum quemadmodum superbe, & violenter me faterer facere, si, prius quam in Africam trajecissem, te tua voluntate cedentem Italia, & imposito in naves exercitu, ipsum venientem ad pacem petendam aspernarer: sic nunc, cum prope manu conferta resistentem ac tergiversantem in Africam attraxerim, nulla sum tibi verecundia obstrictus, proinde si quid ad ea, in qua tum pax conventura videbatur, (qua sint, nosti; multa navium cum com metu per inducias expugnatarum, legatorumque violatorum) adjicitur, est quod referam ad consilium: sin illa quoque gravia videntur, bellum parate, quoniam pacem pati non potuistis.

CAPUT XXVI.

Scipio, atque *Annibal* ex colloquio, pace infecta, in castra redeuntes, supremum certamen parant: exercitum, uterque suum, acriter cohortationibus inflammatum in aciem educunt: ingenti commisso pralio, vincitur *Annibal*.

ITa infecta pace ex colloquio ad suos cum se recepissent, frustra verbis tentatam rem nuntiant: armis decernendum esse, ha-

habendamque eam fortunam, quam dii dedissent. In castra ut est ventum; pronuntiant ambo, *arma expedirent milites, animosque ad supremum certamen, non in unum diem, sed in perpetuum, si felicitas adesset, victores. Roma, an Carthago iura gentibus daret, ante crastinam noctem scituros. neque enim Africam, aut Italiam, sed orbem terrarum victoria premium fore: par periculum premio, quibus adversa pugna fortuna fuisset. nam neque Romanis effugium ullum patebat in aliena ignotaque terra, & Carthagini, supremo auxilio effuso, adesse videbatur præsens excidium. Ad hoc discrimen procedunt postero die duorum opulentissimorum populorum duo longe clarissimi duces, duo fortissimi exercitus, multa ante parta decora aut cumulaturi eo die, aut everfuri. Anceps igitur spes, & metus miscebant animos: contemplantibusque modo suam, modo hostium aciem, cum oculis magis, quam ratione pensarent vires, simul læta, simul tristitia obversabantur. quæ ipsis sua sponte non succurrebant, ea duces admonendo, atque hortando subjiciunt. Pænus XVI. annorum in terra Italia res gestas, tot duces Romanos, tot exercitus occidione occisos, & sua cuique decora, ubi ad insignem alicujus pugnae memoria militem venerat, referebat. Scipio Hispanias, & recentia in Africa prælia, & confessionem hostium, quod neque non petere pacem propter metum, neque manere in ea præinsita animis perfidia possent. ad hoc, colloquium Annibalis in secreto habitum: ac (liberum fingenti, qua velit flecti) ominatur, quibus quondam auspiciis patres eorum pugnaverint ad Ægates insulas, ea illis exeuntibus in aciem portendisse deos: adesse finem belli, ac laboris:*

ris: in manibus esse prædam Carthaginis, re-
 ditum domum in patriam, ad parentes, libe-
 ros, conjuges, penatesque deos. Adeo celsus
 hæc corpore, vultuque ita læto, ut vicisse
 jam crederes, dicebat. Instruit deinde primos 33
 hastatos, post eos principes, triariis postremam
 aciem clausit. non confertas autem cohortes
 ante sua quamque signa instruebat, sed mani-
 pulos aliquantum inter se distantes, ut esset
 spatium, quo elephanti hostium accepti nihil
 ordines turbarent. Lælium, cujus ante lega-
 ti, eo anno quæstoris extra sortem ex S. C.
 opera utebatur, cum Italico equitatu ab sini-
 stro cornu, Massanißiam, Numidasque ab dex-
 tro opposuit. vias patentes inter manipulos
 antesignanorum velitibus (ea tunc levis arma-
 tura erat) complevit: dato præcepto, ut ad
 impetum elephantorum aut post rectos refu-
 gerent ordines, aut in dextram lævamque di-
 scursu applicantes se antesignanis, viam, qua
 irruerent in ancipitia tela, belluis darent.
 Annibal ad terrorem primum elephantos
 (LXXX. autem erant, quot nulla unquam
 in acie ante habuerat) instruxit, deinde au-
 xilia Ligurum, Gallorumque, Balearibus,
 Maurisque admittis: in secunda acie Cartha-
 ginienfes, Afrosque, & Macedonum legio-
 nem: modico deinde intervallo relicto, sub-
 sidiariam aciem Italicorum militum (Bruttii
 plerique erant, vi ac necessitate plures, quam
 sua voluntate decedentem ex Italia secuti)
 instruxit. equitatum etiam ipsum circunde-
 dit cornibus. dextrum Carthaginienfes, sini-
 strum Numidæ tenuerunt. Varia adhortatio
 erat in exercitu inter tot homines, quibus non
 lingua, non mores, non lex, non arma, non
 vestitus habitusque, non causa militandi ea-
 dem esset, auxiliaribus & præsens, & multi-
 pli

plicata merces ex præda ostentatur. Gallū proprio atque insitos in Romanos odio accenduntur. Liguribus campi uberes Italiæ deductis ex asperis montibus in spem victoriæ ostentantur. Mauros Numidasque impotenti Massanissæ futuro dominatu terret. aliis aliæ spes, ac metus jactantur. Carthaginiensibus mœnia patriæ, dii penates, sepulcra majorum, liberi cum parentibus, conjugisque pavidæ, aut excidium servitiumque, aut imperium orbis terrarum, nihil aut in metum, aut in spem medium ostentatur. Cum maxime hæc imperator apud Carthaginienses, duces suarum gentium inter populares, plerique per interpretes intermixtos alienigenis agerent, tubæ, cornuque ab Romanis cecinerunt: tantusque clamor ortus, ut elephantī in suos sinistro maxime cornu verterentur, Mauros, ad Numidas. addidit facile Massanissia perculsis terrorem: nudavitque ab ea parte aciem equestri auxilio. paucæ tamen bestiarum intrepidæ in hostem actæ, inter velitum ordines cum multis suis vulneribus ingentem stragem edebant. resistentes enim ad manipulos velites, cum viam elephantis, ne obtererentur, fecissent, in ancipites ad ictum utrinque conjiciebant hastas: nec pila ab antesignanis cessabant, donec undique incidentibus telis exacti ex Romana acie, hi quoque in suo dextro cornu ipsos Carthaginiensium equites in fugam verterunt. Lælius, ut turbatos vidit hostes,

34 addit perculsis terrorem. Utrinque equite nudata erat Punica acies, cum pedes concurrat, nec spe, nec viribus jam par. ad hoc, dictu parva, sed magni eadem in regerenda momenti res, congruens clamor a Romanis, eoque major & terribilior: dissonæ illis,

illis, ut gentium multarum discrepantibus
 linguis, voces. pugna Romana stabilis & suo,
 & armorum pondere incumbantium in ho-
 stem: concursatio & velocitas illinc major,
 quam vis. igitur primo impetu extemplo
 movere loco hostium aciem Romani: ala
 deinde, & umbonibus pulsantes, in summo-
 tos gradu illato, aliquantum spatii, velut
 nullo resistente, incessere, urgentibus &
 novissimis primos, ut semel motam aciem
 sentire, quod ipsum vim magnam ad pellen-
 dum hostem addebat. Apud hostes auxiliares
 cedentes secunda acies, Afri & Chartaginien-
 ses adeo non sustinebant, ut contra etiam, ne
 resistentes pertinaciter primos cædendo ad se
 perveniret hostis, pedem referrent. Igitur
 auxiliares terga dant repente: & in suos versi,
 partim refugere in secundam aciem, partim
 non recipientes cædere, uti paulo ante non
 adjuti, & tunc excussi. & prope duo jam
 permista prælia erant: cum Carthaginienses
 simul cum hostibus, simul cum suis cogerentur
 conferre manus. non tamen ita percul-
 sos, iratosque in aciem accepere, sed densatis
 ordinibus in cornua, vacuumque circa
 campum extra prælium ejecere: ne pavidos
 fuga vulneribusque milites in certam & in-
 tegram aciem miscerent. Cæterum tanta strages
 hominum armorumque locum, in quo steterant
 paulo ante auxiliares, compleverat, ut
 prope difficilior transitus esset, quam per
 confertos hostes fuerat. itaque qui primi e-
 rant hastati, per cumulos corporum, armorumque,
 & tabem sanguinis, qua quisque poterat,
 sequentes hostem, & signa & ordines
 confuderunt. principum quoque signa fluctua-
 re cœperant, vagam ante se cernentes aciem.
 quod Scipio ubi vidit, receptui propere ca-

nere hastatis jussit: & sauciis in postremam
 aciem subductis, principes triariosque in
 cornua inducit, quo tutior firmiorque me-
 dia hastatorum acies esset. Ita novum de
 integro prælium ortum est: quippe ad ve-
 ros hostes perventum erat, & armorum ge-
 nere, & usu militiæ, & fama rerum gesta-
 rum, & magnitudine vel spei, vel periculi
 pares. sed & numero Romanus superior
 erat, & animo, quod jam equites, jam ele-
 phantos fuderat; jam prima acie pulsa, in
 35 secundam pugnabat. In tempore Lælius,
 ac Massaniſſa pulsos per aliquantum spatii
 secuti equites, revertentes, in averſam ho-
 stium aciem incurrere. Is demum impe-
 tus fudit hostem. multi circumventi in
 acie cæsi, multi per patentem circa cam-
 pum fuga sparsi, tenente omnia equitatu,
 passim interierunt. Carthaginiensium, so-
 ciorumque cæsa eo die supra millia viginti,
 par ferme numerus captus est cum signis
 militaribus centum triginta tribus, elephan-
 tis undecim. Victores ad duo millia cecide-
 re. Annibal cum paucis equitibus inter tu-
 multum elapsus, Adrumetum perfugit,
 omnia & in prælio, & ante aciem, prius
 quam excederet pugna, expertus, & con-
 fessione etiam Scipionis, omniumque peri-
 torum militiæ, illam laudem adeptus, sin-
 gulari arte aciem eo die instruxisse. Ele-
 phantos in prima fronte, quorum fortuitus
 impetus, atque intolerabilis vis, signa se-
 qui, & servare ordines, in quo plurimum
 spei ponerent, Romanos prohiberet. dein-
 de auxiliares ante Carthaginiensium aciem,
 ne homines missi colluvione omnium gen-
 tium, quos non fides teneret, sed merces,
 liberum receptum fugæ haberent; simul
 pri-

primum ardorem, atque impetum hostium excipientes fatigarent: ac si nihil aliud, vulneribus suis ferrum hostile hebetarent: tum, ubi omnis spes esset, milites Carthaginienses Afrosque, ut omnibus rebus aliis pares, eo quod integri cum fessis ac sauciis pugnarent, superiores essent: Italicos intervallo quoque diremptos, incertos, focii, an hostes essent, in postremam aciem summos.

CAPUT XXVII.

Prælio victus Annibal Carthaginem pergit: Scipioni ad oppugnandam Carthaginem properanti legati inde, pacem petentes, occurrunt: interim veniens auxilio Carthaginiensium Vermina, filius Syphacis, funditur.

HOC edito velut ultimo virtutis opere Annibal, cum Adrumetum refugisset, accitusque inde Carthaginem sexto ac trigesimo post anno, quam puer inde profectus erat, redisset: factus in curia est, non prælio modo se esse, sed bello victum: nec spem salutis alibi, quam in pace impetranda, esse. Scipio confestim a prælio, expugnatis hostium castris, direptisque, cum ingenti præda ad mare ac naves rediit, nuntio allato, Cn. Lentulum cum L. rostratis, C. onerariis, omni genere commeatus, ad Uticam accessisse. Admovendum igitur undique terrorem percussæ Carthagini ratus, misso Lælio Romam cum victoriæ nuntio, Cn. Octavium terrestri itinere ducere legiones Carthaginem jubet. ipse, ad suam veterem nova Lentuli classe adjuncta, profectus ab Utica, portum Carthaginis petit. Haud procul aberat, cum velata

infulis ramisque oleæ Carthaginiensium occurrit navis. decem legati erant principes civitatis, auctore Annibale missi ad petendam pacem. qui cum ad puppim prætoriæ navis accessissent, velamenta supplicum porrigentes, orantes, implorantesque fidem & misericordiam Scipionis, nullum iis aliud responsum datum, quam ut Tunetem venirent. eo se moturum castra. ipse ab contemplato situ Carthaginis non tam noscendi in præsentia, quam terrendi hostis causa, Uticam, eodem & Octavio revocato, rediit. Inde procedentibus ad Tunetem nuntius allatus, Verminam, Syphacis filium, cum equitibus pluribus, quam peditibus, venire Carthaginiensibus auxilio. Pars exercitus cum omni equitatu missa, turmalibus primis agmen aggressa, Numidas levi certamine fudit. exitu quoque fugæ intercluso, a parte omni circumdatis equitibus, XV. millia hominum cæsa, mille & CC. vivi capti sunt, & equi Numidici mille & D., signa militaria duo & septuaginta. regulus ipse inter tumultum cum paucis effugit.

CAPUT XXVIII.

Scipio Carthaginiensium legatis pacis conditiones dicit; quas domum relatas cum Gisgo accipendas in concione dissuaderet, e superiore loco eum Annibal detrahit: excusata deinde temeritate facti, ipse pacem suadet: in quam cum consensus esset, a Scipione inducia dantur, donec legatos Romam mittant,

TUm ad Tunetem eodem, quo antea, loco castra posita. legatique XXX. Carthagine ad Scipionem venerunt. Et illi qui-

quidem multo miserabilius, quam ante, quo magis cogebat fortuna, egerunt: sed aliquanto minore eum misericordia, ab recenti memoria perfidiæ, auditi sunt. In concilio, quanquam iusta ira omnes ad delendam stimulabat Cartaginem; tamen, cum & quanta res esset, & quam longi temporis obsidio tam, munitæ, & validæ urbis reputarent, & ipsum Scipionem expectatio successoris venturi ad paratam alterius labore ac periculo finiti belli famam sollicitaret: ad pacem omnium animi versi sunt. Postero die revocatis legatis, & cum multa castigatione perfidiæ monitis, ut tot cladibus edocti, tandem deos, & iusjurandum esse crederent, conditiones pacis dictæ. *Ut liberi legibus suis viverent, quas urbes, quosque agros, quibusque finibus ante bellum tenuissent, tenerent, populandique finem eo die Romanus faceret, perfugas, fugitivosque, & captivos omnes, & naves rostratas, præter decem triremes, traderent, elephantosque quos haberent domitos, neque domarent alios, bellum neve in Africa, neve extra Africam injussu populi Romani gererent. Massanisæ res redderent; fœdusque cum eo facerent. frumentum stipendiumque auxiliis, donec ab Roma legati redissent, præstarent. X. millia talentum argenti descripta pensionibus aquis in annos L. solverent, obsides centum arbitratus Scipionis darent, ne minores XIV. annis, neu XXX. majores. inducias ita sedaturum, si per priores inducias naves oneraria capta, quaque fuissent in navibus, restituerentur. aliter nec inducias, nec spem pacis ullam esse.* Has conditiones legati cum domum referre iussi in concione ederent, & Gisgo ad dissuadendam pacem processisset, audireturque a multitudine inquieta eadem, &

imbelli , indignatus Annibal , dici ea in tali tempore , audiri que , arreptum Gígonem manu sua ex superiore loco detraxit . quæ inſueta liberæ civitati ſpecies . cum fremitum populi moviſſet , perturbatus militaris vir urbana libertate , *navem* , inquit , *annorum a vobis profectus* , *poſt ſextum & triceſimum annum rediit* . *militares artes* , *quas me a puero fortuna nunc privata* , *nunc publica docuit* , *probe videor ſcire* : *urbis ac fori jura* , *leges* , *mores vos me oportet doceatis* . excuſata imprudentia , de pace multis verbis diſſeruit , quam nec iniqua , & neceſſaria eſſet . omnium maxime difficile erat , quod ex navibus per inducias captis nihil , præter ipſas comparabat naves : nec inquiſitio erat facilis . Cum adverſantes paci arguerentur , placuit naves reddi , & homines utique inquiri : cætera , quæ abeſſent , æſtimanda Scipioni permitti : atque ita pecunia luerent Carthaginienſes . Sunt , qui Annibalem ex acie ad mare perveniſſe , inde præparata nave ad Regem Antiochum exemplo profectum tradant : poſtulantique ante omnia Scipioni , ut Annibal ſibi traderetur , reſponſum eſſe , Annibalem in Africa non eſſe .

CAPUT XXIX.

Timorem, qui antea Roma erat, cum primum de Carthaginiensium rebellionem allatum fuerat, discutit certus nuntius de statu rerum in Africa: prodigia nuntiata procurantur: classis Claudii cos. Africam petens tempestate laceratur.

POSTEAQUAM redierunt ad Scipionem legati, quæ publica in navibus fuerant, ex publicis descripta rationibus quæstores, quæ privata, profiteri domini iussi; pro ea summa pecuniæ XXV. millia pondo argenti præsentia exacta: induciæque Carthaginiensibus datæ in tres menses. additum, ne per induciarum tempus alio usquam, quam Romam mitterent legatos: & quicumque legati Carthaginem venissent, ne ante dimitterent eos, quam Romanum imperatorem, qui, & quæ petentes venissent, certiores facerent. Cum legatis Carthaginiensibus Romam missi L. Veturius Philo, & M. Martius Ralla, & L. Scipio, imperatoris frater. Per eos dies comitatus ex Sicilia, Sardiniaque tantam vilitatem annoræ effecerunt, ut pro victura frumentum mercator nautis relinqueret. Romæ ad nuntium primum rebellionis Carthaginiensium trepidatum fuerat: iussusque erat T. Claudius mature in Siciliam classem ducere, atque in Africam trajicere: & alter consul M. Servilius ad urbem morari, donec, quo statueres in Africa essent, sciretur. Segniter omnia in comparanda, deducendaque classe ab T. Claudio consule facta erant, quod patres de pace Scipionis potius arbitrium esse, quibus legibus daretur, quam

consulis, censuerant. Prodigia quoque nuntiata sub ipsam famam rebellionis terrorem attulerant. Cumis solis orbis minui visus, & pluit lapideo imbri. & in Veliterno agro terra ingentibus cavernis confedit, arboreque in profundum haustæ. Aritiæ forum, & circa tabernæ, Frusinone murus aliquot locis, & porta de cælo tacta, & in palatio lapidibus pluit. Id prodigium more patrio novendiali sacro, cætera hostiis majoribus expiata. Inter quæ etiam aquarum insolita magnitudo in religionem versa. nam ita abundavit Tiberis, ut ludi Apollinares, circo inundato, extra portam Collinam ad ædem Erycinæ Veneris parati sint. cæterum ludorum ipso die serenitate subita orta, pompa duci cœpta ad portam Collinam, revocata deductaque in circum est, cum, decessisse inde aquam, nuntiatum esset: lætitiâque populo, & ludis celebritatem addidit sedes sua solenni spectaculo reddita.

39 Claudium consulem profectum tandem ab urbe inter portus Cossanum, Loretanumque atrox vis tempestatis adorta, in metum ingentem adduxit. Populonios inde cum pervenisset, stetitque ibi, dum reliquum tempestatis exsæviret, Iluam insulam, & ab Ilua Corsicam, & a Corsica in Sardiniam trajecit. ibi superantem insanos montes multo & sævior, & infestioribus locis tempestas adorta disjecit classem. multæ quassatæ, armamentisque spoliatæ naves: quædam fractæ. ita vexata, ac lacerata classis Carales tenuit. ubi dum subductæ reficiuntur naves, hyems oppressit: circumactumque anni tempus. & nullo prorogante imperium, privatus T. Claudius classem Romam reduxit.

CAPUT XXX.

Dictator dicitur P. Ælius Patus causa comitiorum , qua ne perficiantur , prohibens tempestates; scriba & viatores Ædilitii propter clam egestum aurum damnantur: Cerealia ludi fiunt.

M. Servilius , ne comitiorum causa ad urbem revocaretur , dictatore dicto C. Servilio , in provinciam est profectus. Dictator magistrum equitum P. Ælium Pætum dixit. Sæpe comitia indicta perfici tempestates prohibuerunt . itaque cum pridie Idus Martias veteres magistratus abissent , novi suffecti non essent , respublica sine curulibus magistratibus erat. L. Manlius Toruatus pontifex eo anno mortuus . in locum ejus suffectus C. Sulpitius Galba . Ab L. Licinio Lucullo , & Q. Fulvio ædil. curul. ludi Romani ter toti instaurati. Pecuniam ex ærario scribæ , viatoresque ædilitii clam egressisse per indicem comperti , damnati sunt , non sine infamia Luculli ædilis. P. Ælius Tubero , & L. Lætorius ædiles plebis vitio creati , magistratu se abdicaverunt , cum ludos , ludorumque causa epulum Jovi fecissent , & signa tria ex mulatitio argento facta in Capitolio posuissent. Cerealia ludos dictator , & magister equitum ex senatusconsulto fecerunt.

CAPUT XXXI.

*Lætitia Urbis ex nuntio prospero jam tandem
perfecti Punici belli.*

- 40 **L**egati ex Africa Romani simul Carthaginiensesque cum venissent Romam, senatus ad ædem Bellonæ habitus est. ubi cum L. Veturius Philo, pugnatum cum Annibale esse suprema Carthaginiensibus pugna, finemque talem lugubri bello impositum, ingenti lætitia patrum exposuisset, adjecit, Verminam etiam Syphacis filium, quæ non parva bene-gestæ rei accessio erat, devictum. in concionem inde prodire jussus, gaudiumque id populo impertire. Tum
 * al. * patefacta gratulatione omnia in urbe tem-
 pa- pla, supplicationesque in triduum decretæ.
 tuere
 facta Legatis Carthaginiensium, & Philippi Regis (nam ii quoque venerant) petentibus, ut senatus sibi daretur, responsum jussu patrum a dictatore est, consules novos eis senatum daturos esse.

CAPUT XXXII.

Creati consulibus Cn. Cornelio Lentulo, P. Ælio Pato, de provinciis in senatu agitur.

- V.C. **C**omitia inde habita :: creati consules:
 549 Cn. Cornelius Lentulus, P. Ælius Pætus. prætores M. Julius Pennus, cui fors urbana evenit, M. Valerius Falto Bruttios. M. Fabius Buteo Sardiniam, P. Ælius Tullio Siciliam est sortitus. De provinciis consulum nihil ante placebat agi, quam legati Philippi regis, & Carthaginiensium audi-

auditi essent. belli finem alterius, principium alterius prospiciebant animis. Cn. Lentulus consul cupiditate flagrabat provinciæ Africæ: seu bellum foret, facilem victoriam: seu jam finiretur, finiti tanti belli se consule gloriam petens. negare itaque, prius quicquam agi passurum, quam sibi Africa decreta esset, concedente collega, moderato viro, & prudenti, qui gloriæ ejus certamen cum Scipione, præterquam quod iniquum esset, etiam impar futurum cernebat. Q. Minutius Thermus, & M. Acilius Glabrio tribuni plebis, rem priore anno nequicquam tentatam ab Ti. Claudio consule Cn. Cornelium tentare aiebant. ex auctoritate patrum latum ad populum esse, cuius vellent imperium in Africa esse: omnes V & XXX tribus P. Scipioni id imperium decresse. Multis contentionibus & in senatu, & ad populum acta res, postremo eo deducta est, ut senatui permetterent. Patres igitur iurati (ita convenerat) censuerunt, uti consules provincias inter se compararent, sortirenturve, uter Italiam, uter classem navium I. haberet, cui classis obvenisset, in Siciliam navigaret. si pax cum Carthaginiensibus componi nequisset, in Africam trajiceret: consul mari, Scipio eodem, quo adhuc, jure imperii terra rem gereret. si conditiones convenirent pacis, tribuni pl. populum regerent, utrum consulem, an P. Scipionem jubere pacem dare; & quem, si deportandus exercitus victor ex Africa esset, deportare. si pacem per P. Scipionem dari, atque ab eodem exercitum deportari iussissent, ne consul ex Sicilia in Africam trajiceret. alter consul, cui Italia evenisset, duas legiones a M. Sextio prætor acciperet. P. Scipioni cum exercitibus, quos haberet, 45 in provincia Africa prorogatum imperium.

Prætori M. Valerio Faltoni duæ legiones in Bruttis, quibus C. Livius priore anno præfuerat, decretæ: P. Ælius prætor duas legiones in Sicilia ab Cn. Tremellio acciperet, Legio una M. Fabio in Sardiniam, quam P. Lentulus pro prætore habuisset, decernitur. M. Servilio prioris anni consuli cum suis duabus item legionibus in Etruriam prorogatum imperium est. Quod ad Hispanias attineret, aliquot jam annos ibi L. Cornelium Lentulum, & L. Manlium Acidinum esse. ut consules cum tribunis agerent, si eis videretur, ut plebem rogarent, cui juberent in Hispania imperium esse. is ex duobus exercitibus in unam legionem conscriberet Romanos milites, & quindecim cohortes socios Latini nominis, quibus provinciam obtineret. veteres milites L. Cornelius, & L. Manlius in Italiam deportarent. Cornelio consuli L. navium classis ex duabus classibus, Cn. Octavii, quæ in Africa esset, P. Villii, quæ Siciliæ oram tuebatur, decretæ: ut quas naves vellet, deligeret. P. Scipio quinquaginta longas naves haberet, quas habuisset. quibus si Cn. Octavium, sicut præfuisse, præesse vellet, Octavio pro prætore in eum annum imperium esset. si Lælium præficeret, Octavius Romam decederet: reduceretque naves, quibus proconsuli usus non esset. Et M. Fabio in Sardiniam decem longæ naves decretæ. Et consules duas legiones urbanas scribere jussi, ut quatuordecim legionibus eo anno, centum navibus longis respublica administraretur.

CAPUT XXXIII.

Introduētis in Senatum legatis Philippi, qui purgatum venerant, quæ missi ad regem a Roma legati questi fuerant, triste responsum datur.

TUM de legatis Philippi, & Carthaginien- 42
sium actum. Priores Macedonas intro-
duci placuit, quorum varia oratio fuit: par-
tim purgantium, quæ questi erant missi ad re-
gem a Roma legati de populatione sociorum:
partim ultro accusantium quidem & socios
populi Romani, sed multo infestius M. Au-
relium: quem ex tribus ad se missis legatis
delectu habito substituisse, & se bello lace-
ssisse contra fœdus, & sæpe cum præfectis suis
signis collatis pugnasse: partim postulantium,
ut Macedones, duxque eorum Sopater, qui
apud Annibalem mercede militassent, ca-
ptique in vinculis essent, sibi restituerentur.
Adversus ea M. Furius missus ad idipsum ab
Aurelio ex Macedonia, disseruit. *Aurelium
relictum, ne socii populi Romani fessæ populationi-
bus, atque injuria ad regem descenderent, finibus
sociorum non excessisse, dedisse operam, ne im-
pune in agros eorum transcenderent populatores.
Sopatrum expurpuratis, & propinquis regis esse.
eum cum quatuor millibus Macedonum, & pecu-
nia missum nuper in Africam esse Annibali Car-
thaginien-sibusque auxilio. De iis rebus inter-
rogati Macedones cum perplexe responde-
rent, ipsi ante responsum tulerunt. Bellum
querere regem, & si pergat, propediem inven-
turum. dupliciter ab eo fœdus violatum: &
quod sociis populi Romani injurias fecerit,
bello armisque lace-sserit: & quod hostes au-
xiliis,*

xiliis, & pecunia iuverit. & P. Scipionem re-
 fle, atque ordine videri fecisse, & facere, quod
 eos, qui arma contra populum Romanum ferentes
 capti sunt, hostium numero in vinculis habeat,
 & M. Aurelium e republica facere, gratumque
 id senatui esse, quod socios populi Romani, quan-
 do iure fœderis non posset, armis tueatur.

CAPUT XXXIV.

*Perentibus pacem Carthaginiensibus, ex populi
 iussu per P. Cornelium Scipionem ut detur
 senatus decernit: missi in Africam ab Roma
 fœciales fœdus cum Carthaginiensibus feriunt.*

Cum hoc tam tristi responso dimissis Ma-
 cedonibus, legati Carthaginienses vo-
 cati. quorum ætatibus, dignitatibusque con-
 spectis (nam longe primi civitatis erant) tum
 pro se quisque dicere, vere de pace agi. Insi-
 gnis tamen inter cæteros Asdrubal erat,
 (Hædum populares cognomine appellabant)
 pacis semper auctor, adversusque factioni
 Barchinæ: eo tum illi plus auctoritatis fuit,
 belli culpam in paucorum cupiditatem a rep.
 transferenti. Qui cum varia oratione usus
 esset, nunc purgando crimina, nunc quæ-
 dam fatendo, ne impudenter certa neganti-
 bus difficilior venia esset, nunc monendo
 etiam patres conscriptos, ut rebus secundis
 modeste, ac moderate uterentur: Si se, at-
 que Annonem audissent Carthaginienses, &
 tempore uti voluissent, daturos fuisse pacis condi-
 tiones, quas tunc peterent. Raro simul homini-
 bus bonam fortunam, bonamque mentem dari.
 populum Romanum eo invictum esse, quod in se-
 cundis rebus sapere, & consulere meminerit. &
 hæculte mirandum fuisse, si aliter facerent. ex
 inso-

*insolentia, quibus nova bona fortuna sit, impo-
 rentes latitia insanire: populo Romano usitata,
 ac prope jam obsoleta ex victoria gaudia esse, ac
 plus pene parcendo victis, quam vincendo, im-
 perium auxisse. Cæterorum miserabilior ora-
 tio fuit, commemorantium, ex quantis opi-
 bus quo recidissent Carthaginiensium res, nihil
 eis, qui modo orbem prope terrarum obtinuis-
 sent armis, superesse, præter Carthaginiæ mœnia,
 iis inclusos non terra, non mari quicquam sui
 juris cernere. urbem quoque ipsam, ac penates
 ita habituros, si non in ea quoque, quo nihil
 ulterius sit, favire populus Romanus velit.*
 Cum flecti misericordia patres appareret,
 senatorum unum infestum perfidiæ Cartha-
 ginienſium ſucclamasse ferunt: per quos
 deos fœdus iſturi eſſent, cum eos, per quos an-
 te iſtum eſſet, ſeſelliſſent? per eoſdem, in-
 quit Afrubal, qui tam infestis ſunt fœdera
 violentibus. Inclinatorum omnium ad pacem ani-
 mis, Cn. Lentulus conſul, cui claffis pro-
 vincia erat, S. C. interceſſit. Tum M. Ati-
 lius, & Q. Minutius tribuni pl. ad popu-
 lum tulerunt: vellent, juberentne ſenatum
 decernere, ut cum Carthaginienſibus pax fieret?
 & quem eam pacem dare, quemque ex Africa
 exercitus deportare juberent? De pace, Uti ro-
 gaſſent, omneſtribus juſſerunt, pacem da-
 re P. Scipionem, eundem exercitus deportare.
 Ex hac rogatione ſenatus decrevit, ut P.
 Scipio ex X. legatorum ſententia pacem cum
 populo Carthaginienſi, quibus legibusei vi-
 deretur, faceret. Gratias deinde patribus
 egere Carthaginienſes: petieruntque, ut
 ſibi in urbem introire, & colloqui cum ci-
 vibus ſuis liceret, qui capti in publica cu-
 ſtodia eſſent. eſſe in iis partim propinquos,
 amicosque ſuos, nobiles homines, partim
 adi

ad quos mandata a propinquis haberent. quibus conventis, cum rursus peterent, ut sibi quos vellent ex iis redimendis potestas fieret, iussi nomina edere. & cum CC. ferme ederent, senatus consultum factum est, *ut legati Romani ducentos ex captivis, quos Carthaginienses vellent, ad P. Cornelium Scipionem in Africam deportarent: nuntiarentque ei, ut, si pax convenisset, sine pretio eos Carthaginiensibus redderet.* Feciales cum in Africam ad fœdus ferendum ire juberentur, ipsis postulanti-
bus, senatus consultum in hæc verba factum est, *ut privos lapides silices, privasque verbenas secum ferrent: uti prator Romanus iis imperaret, ut fœdus ferirent, illi pratorem sagmina posce-
rent.* herbæ id genus ex arce sumptum dari fecialibus solet. Ita dimissi Roma Carthaginienses cum in Africam venissent ad Scipionem, quibus ante dictum est legibus, pacem fecerunt. Naves longas, elephantos, perfugas, fugitivos, captivorum quatuor millia tradiderunt; inter quos Q. Terentius Culleo senator fuit. naves provectas in altum incendi jussit. Quingentas fuisse omnis generis, quæ remisagerentur, quidam tradunt: quarum conspectum repente incendium tam lugubre fuisse Pœnis, quam si ipsa Carthago arderet. De perfugis gravius, quam de fugitivis consultum. nominis Latini qui erant, securi percussi, Romani in crucem sublati.

44 Annis ante XL. pax cum Carthaginiensibus postremo facta erat, Q. Lutatius, A. Manlius consulibus. bellum initum annis post tribus & XX. P. Cornelio, T. Sempronio consulibus, finitum est decimosextimo anno, Cn. Cornelio, P. Ælio Pæto consulibus. Sæpe postea ferunt Scipionem dixisse, T. Claudii primum cupiditatem, deinde Cn. Cornelii
fuisse.

fuisse in mora, quominus id bellum exitio Carthaginis finiret.

CAPUT XXXV.

Carthaginienſes complorantes primam in ſtipendium collationem pecunia Annibal increpat.

Carthaginienſibus cum prima collatio pecuniæ diutino bello exhaustis difficilis videretur, mœſtitiaque, & fletus in curia eſſet, ridentem Annibalem ferunt conſpectum. cujus cum Alſdrubal Hæduſiſum increparet in publico fletu, cum ipſe lacrymarum cauſa eſſet: Si quemadmodum oris habitus cernitur oculis, inquit, ſic & animus intus cerni poſſet, facile vobis appareret non lati, ſed prope amentis malis cordis hunc, quem increpatis, riſum eſſe. qui tamen nequa, quam adeo eſt intempeſtivus, quam veſtra iſta abſurda, atque abhorrentes lacryma ſunt. tunc fleſſe docuit, cum adempta nobis arma, incenſæ naues, interdictum externis bellis. illo enim vulnere concidimus. Nec eſſe in vos odio veſtro conſultum ab Romanis credatis. nulla magna civitas diu quieſcere poteſt. ſi foris hoſtem non habet, domi invenit: ut prævalida corpora ab externis cauſis tuta videntur, ſed ſuis ipſa viribus onerantur. tantum nimirum ex publicis malis ſentimus, quantum ad privatas res pertinet: nec in eis quicquam acrius, quam pecunia damnum ſtimulat. itaque cum ſpolia viſſæ Carthagini detrahebantur, cum inermem jam, ac nudam deſtitui inter tot armatas gentes Africa cerneretis, nemo ingemuit. nunc, quia tributum ex privato conferendum eſt, tanquam in publico funere comploratis, quam vereor, ne præ-

pediem sentiatis, levissimo in malo vos hodie lacrymasse. Hæc Annibal apud Carthaginienses.

CAPUT XXXVI.

Scipio, pace cum Carthaginiensibus facta, Massanissa regnum restituit: reversus in Urbem amplissimum agit triumphum, quem Q. Terentius Culleo senator pileatus sequitur: cognominatus Africanus, primus ipse imperator nomine victa ab se gentis decoratur.

Scipio, concione advocata, Massanissam, ad regnum paternum Cirtha oppido, & cæteris urbibus, agrisque, quæ ex regno Syphacis in populi Romani potestatem venissent, adjectis, donavit. Cn. Octavium classem in Siciliam ductam Cn. Cornelio consuli tradere iussit: legatos Carthaginiensium Romam proficisci, ut quæ ab se ex decem legatorum sententia acta essent, ea patrum auctoritate populique jussu confirmarentur. Pacet terramarique parta, exercitu in naves imposito, in Siciliam Lilybæum trajecit. inde magna parte militum in navibus missa, ipse per lætam pace non minus, quam victoria Italiam, effusis non urbibus modo ad habendos honores, sed agrestium etiam turba obsidente vias, Romam pervenit, triumphoque omnium clarissimo urbem est invehctus. Argenti tulit in ærarium pondo centum millia XXIII. militibus ex præda quadragenos æris divisit. Morte subtractus spectaculo magis hominum, quam triumphantis gloriæ Syphax est. Tibure haud ita multo ante mortuus, quo

quo ab Alba traductus fuerat . conspecta mors tamen ejus fuit , quia publico funere est elatus . Hunc regem in triumpho ductum Polybius , haudquaquam spernendus auctor , tradit . Secutus Scipionem triumphantem est pileo capiti imposito , Q. Terentius Culleo , omnique deinde vita , ut dignum erat , libertatis auctorem coluit . Africanum cognomen militaris prius favor , an popularis aura celebraverit , an sicuti Felicis Sullæ , Magnique Pompeji patrum memoria , cœptum ab assentatione familiari sit , parum compertum habeo . Primus certe hic imperator nomine victæ ab se gentis est nobilitatus : exemplo deinde hujus nequaquam victoria pares , insignes imaginum titulos , claraque cognomina familiæ fecere .

Finis Tomi Secundi .

605304



